






Historia Noritum
of Pine

14-16.C. 21



Ex Libris Martini
Schol. P. A. M.

L A N N Æ I
S Ë N E C Æ
P H I L O S O P H I .

Tomus Secundus:

I N Q V O

EPISTOLÆ, & QVÆSTIONES
N A T V R A L E S .



BIBLIOTECA NA
ROMA
VITERBO EMANUE

U E N E T I I S , M . D C . X C V .

Apud Gio: Baptistam Indrichum,
Superiorum Permissu.

THE
ADAM



THE
ADAM

THE
ADAM



L. ANNÆI SENECAE
AD LVCILIVM
EPISTOLÆ.

Argumentum.

EPISTOLÆ PRIMÆ.

Temporis æstimationem, & vsum Lucilio commendat: non differri debere non elabi, non malo poni.



Ta fac, mi Lucili vindica te tibi, & tempus, quod adhuc aut auferebatur, aut surripiebatur, aut excidebat, collige, & serua. Persuadet tibi sic esse, vscribo: quædam tempora eripiuntur nobis, quædam subducuntur, quædam effluunt. Turpissima tamen est iactura, quæ per negligentiam venit: & si volueris attendere, magna vitæ pars elabitur male agentibus, maxima nihil agentibus, tota aliud agentibus. Quem mihi dabis, qui aliquod pretium tempori ponat? qui diem

A 2 æsti-



æstimet: qui intelligat se quotidie mori? In hoc enim fallimur, quod mortem prospicimus: magna pars eius iam præterijt: quidquid ætatis retro est, mors tenet. Fac ergo, mi Lucili, quod facere te scribis, omnes horas complecteri: sic fiet, ut minus ex crastino pendeas, si hodierno manum inieceris. Dum differtur vita, transcurrit. Omnia, Lucili, aliena sunt: tempus tantum nostrum est. In huiusrei vnus fugacis, ac lubricæ possessionem natura nos mittit, ex qua non expellit, quicumque vult. Sed tanta stultitia mortalium est, ut quæ minima, & vilissima sunt, certè reparabilia, imputari sibi, cum impetrauerit, pariantur: neque se indicet quidquam debere, qui tempus accepit: cum intetum hoc vnum est, quod ne gratus quidem potest reddere. Interrogabis fortasse, quid ego faciam, qui tibi ista præcipio? Fatebor ingenuè: quod apud luxuriosum, sed diligentem, euenit ratio mihi constat impenso. Non possum dicere, me nihil perdere: sed quid perdam, & quare, & quemadmodum, dicam: causas paupertatis meæ reddam. Sic euenit mihi quod plerisque non suo vitio ad inopiam reductis; omnes ignoscunt, nemo succurrit. Quid ergo est non puto pauperem, cui quantulumcumque superest, sat est. Tu tamen malo serues tua, bono tempore uti incipias. Nam, ut visum est maioribus nostris: Sera parsimonia in fundo est. Non enim tantum minimum in imo, sed pessimum remanet.



EPIST. II.

Corporis quietem approbat, sed & animi in una aliqua re, aut studio. Damnat curiosulos, qui per varios auctores, & scripta discurrunt: pauca bonaque potius legere, & iis immorari suadet. Excerpendum semper aliquid, & animo inferendum: à suo exemplo, qui sensum tunc Epicuri egregium, de Paupertate.

ET ex his, quæ mihi scribis, & ex his, quæ audio, bonam spem de te concipio: non discurre, nec locorum mutationibus inquietaris. Ægri animi ista iactatio est. Primum argumentum compositæ mentis existimo, posse consistere, & secum morari. Illud autem vide, ne ista lectio multorum auctorum, & omnis generis voluminum, habeat aliquid vagum, & instabile. Certis ingenijs immorari, & innutriri oportet: si velis aliquid trahere, quod in animo fideliter sedeat. Nusquam est, qui ubique est, in peregrinatione vitam agentibus hoc evenit, ut multa hospitia habeant, nullas amicitias. Idem accidat necesse est ijs, qui nullis se ingenio familiariter applicant, sed omnia cursim, & properantes transmittunt. Non prodest cibus, nec corpori accedit, qui statim sumptus emittitur. Nihil æquè sanitatem impedit, quam remedium crebra mutatio. Non venit vulnus ad cicatricem, in quo crebro medicamenta tentantur. Non conualefcit planta, quæ sæpè transfertur: nihil tam utile est quod in transitu proficit. Distrahit animum librorum multitudo. Itaque cum legere non possis quantum habue-

ris, sat est habere quantum legas. Sed modo inquis, hunc librum euoluere volo, modo illū: Fastidētis stomachi est, multa degustare: quæ ubi varia sunt, & diuersa, conquinant, non alunt. Probatos itaque semper lege: & si quando ad alios diuertere libuerit, ad priores redi. Aliquid quotidie aduersus paupertatē, aliquid aduersus mortem auxiliij compara, nec minus aduersus ceteras pestes. Et cum multa percurreris, vnum excerpe, quod illo die concoquas. Hoc ipse quoque facio: ex pluribus quæ lego, aliquid apprehendo. Hodicernum hoc est, quod apud Epicurum nactus sum, soleo enim & in aliena castra transire, non tanquam transfuga, sed tanquam explorator. Honestā, inquit, res est, læta paupertas. Illa veto non est paupertas, si læta est. Cui enim cum paupertate bene conuenit, diues est. Non qui parum habet, sed qui plus cupit, pauper est. Quid enim refert, quantum illi in arca, quantum in horreis iaceat, quantum pascat, aut fæneret, si alieno imminet, si non acquisita, sed acquirenda computat? Quis sit ditiarum modus, queris? Primus, habere quod necesse est, proximus, quod sat est.

EPIST. III.

Male, & temerè sepe amicos dici, qui non sunt. Si quis talis; omnia illi fidendum, & communicandum esse, tanquam alteris nobis. Timidi, & subduli arguuntur; sed & creduli nimis, atque aperti. Medium optimum.

E Pistolas ad me perferendas tradidisti, vt scribis, amico tuo. Deinde admones me,
 ne

ne omnia cum eo ad te ad pertinentia commun-
nicem, quia nec soleas ipse quidem hoc facere.
Ita eadem epistola illum & dixisti amicum, &
negasti. Itaque sic priore illo verbo quasi pu-
blico usus es, & sic illum amicum vocasti, quo-
modo omnes candidatos, bonos viros dicimus;
quomodo obuios, si nomen non succurrit, do-
minos salutamus, Hoc abierit. Sed si aliquem
amicum existimas, cui non tantundem, credis
quantum tibi, vehementer erras, & non satis
nostis vim veræ amicitiae. Tu vero omnia cum
amico delibera, sed de ipso prius. Post amicitia-
m credendum est, ante amicitiam iudican-
dum. Isti verò præpostere officia permiscet,
qui contra præcepta Teophrasti, cum amaue-
rint, iudicant, & non amant, cum iudicauerint.
Diu cogita, an tibi in amicitiam aliquis reci-
piendus sit: cum placuerit fieri, toto illum pe-
ctore admitte: tam audacter cum illo loquere,
quàm tecum. Tu quidem ita viue, vt nihil tibi
committas, nisi quòd committere etiam inimi-
co possis: sed quia interueniunt quædam, quæ
consuetudo fecit arcana, cum amico omnes cu-
ras, omnes cogitationes tuas misce. Fidelem si
putaueris, facies. Nam multi fallere docuerunt,
dum timent falli: & alijs ius peccandi suspican-
do fecerunt. Quid est ergo, quare vlla verba
coram amico meo retraham: quid est, quare
me coram illo non putem solum? Quidam
quæ tantum amicis committenda sunt, obuijs
narrant, & in quaslibet aures, quidquid illos
vrit, exonerant: quidam rursus etiam carissimo-
rum conscientiam reformidant, & si possent, ne
sibi quidem credituri, interius premunt omne
secretum. Neutrum faciendum est: vtrumque
enim vitium est, & omnibus credere, & nulli:

sed alterum honestius dixerim vitium, alterum tutius. Sic utrosque reprehendas, & eos, qui semper inquieti sunt, & eos qui semper quiescunt. Nam illa tumultum gaudens, non est industria, sed exagitatae mentis concursatio: & hæc non est quies, quæ motum omnem molestiam iudicat, sed dissolutio, & languor. Itaque hoc quod apud Pomponium legi, animo tuo mandabitur. Quidam adeò in latebras refugerunt, ut putent in turbido esse quidquid in luce est. Inter se ista miscenda sunt, & quiescenti agendum, & agenti quiescendum est. Cum rerum natura delibera: illa dicet tibi, se & diem fecisse, & noctem.

E P I S T. IV.

Hortatur ad perseverandum in Philosophia: à qua in serium, & gravem, ac verè virum transcribatur. Ceteros pueros esse: timete non timenda; ut mortem in primis. Atqui hanc finem malorum esse, & impetu, aut desperatione multos contempsisse: cur non ratione. Vitam ergo non amandam, & quotidie cogitandum, quam ex variis, lenibusque causis mors veniat. Emblemata dein ex Epicuro, de veris divitiis.

Persevera ut capisti, & quantum potes propera: quo diutius frui emendato animo, & composito possis. Frueris quidem etiam dum emendas, etiam dum componis: alia tamen illa voluptas est, quæ percipitur ex contemplatione mentis ab omni labe puræ, & spen-

splendide. Teneſ utique memoria, quantum ſenſeris gaudium, cum prætextâ poſita, ſumpſiſti virilem togam; & in forum deductus eſ: maius expecta, cum puerilem animum depoſueris, & te in viros philoſophia tranſcripſerit. Adhuc enim non pueritia in nobis; ſed, quod eſt grauius, puerilitas remanet; & hoc quidem peius eſt, quod auctoritatem habemus ſenum, vitia puerorum: nec puerorum tantum, ſed infantium. Illi leuia, hi falſa formidant: nos vtræque. Proſice modo, & intelliges, quædam idèò minus timenda, quia multum metus aſſerunt. Nullum magnum malum, quod extremum eſt. Mors ad venit: timenda erat, ſi tecum eſſe poſſet: neceſſe eſt, aut non perueniat, aut pertranſeat. Difficile eſt, inquis, animum perducere ad contemptiorem animæ. Non vides, quàm ex friuolis cauſis contemnatur? Alius ante amicæ ſores laqueo pependit; alius ſe præcipitauit à recto, ne dominum ſtomachantem diuſius audiret; alius, ne reduceretur è fuga, ferrum adegit in viſcera. Non putas virtutem hoc effecturam, quod effecit nimia formido? nulli poteſt ſecura vita contingere, qui de producenda nimis cogitat: qui inter magna bona multos conſules numerat. Hoc quotidie meditare, ut poſſis æquo animo vitam relinquere: quam multi ſic complectuntur, & tenent, quomodo qui à torrente rapiuntur, ſpinas & aſpera. Plerique inter mortis metum, & vitæ tormenta, miſſeri fluctuant; & viuere nolunt, & mori neſciunt. Fac itaque tibi iucundam vitam; omnem pro illa ſollicitudinem deponendo. Nullum bonum iuuat habentem, niſi ad cuius amiſſionem præparatus eſt animus. Nullus autem rei facilior amiſſio eſt, quàm quæ deſi-

derariamissa non potest. Ergo aduersus omnia, quæ accidere possunt etiam potentissimis, adhortare te, & indura. De pompeij capite pupillus, & spado tulere sententiam: de Crasso crudelis, & insolens Parthus. Caius Cæsar iussit Lepidum. Dextro tribuno præbere ceruicem: ipse Chæræ præstitit. Neminem eo fortuna prouexit, vt non tantum illi minaretur, quantum permiserat. Noli huic tranquillitati confidere: momento mare euertitur: eodem die, vbi luserunt nauigia, sorbentur. Cogita posse latronem, & hostem admouere iugulo tuo gladium, vt potestas maior absit, nemo non seruus habet in te vitæ, necisque arbitrium. Ita dico, quisquis vitam suam contempsit, tuæ dominus est: recognosce exemplum eorum, qui domesticis insidij perierunt, aut aperta vi, aut dolo; & intelliges, non pauciores seruorum ita cecidisse, quàm Regum. Quid ad te itaque, quàm potens sit quem times, cum id propter quod times, nemo non possit? At si forte in manus hostium incideris, victor te duci iubebit, eo nempe quo duceris. Quid te ipse decipis, & hoc nunc primum, quod olim pariebaris, intelligis? Ita dico, ex quo natus es, duceris. Hæc, & huiusmodi veranda in animo sunt, si volumus illam vltimam horam placidi expectare; cuius metus omnes alias inquietas facit. Sed vt epistolæ finem imponam, accipe quod hodierno die mihi placuit: & hoc quoque ex alienis hortulis sumptum est. Magnæ diuitiæ sunt, lege naturæ composita paupertas. Lex autem illa naturæ, scis quos nobis terminos statuit? Non esurire, non sitire, non algere. Vt famem, sitimque depellas, non est necesse superbis assidere liminibus, nec supercilium graue,

&

& contumeliosam etiam humanitatem pati: non est necesse maria tentare, nec sequi castra. Parabile est quod natura desiderat, & expositum: ad superuacua sudatur. Illa sunt quæ rogam conterunt, quæ nos senescere sub tentorio cogunt, quæ in aliena littora impingunt. Ad manum est, quod fatis est.

EPIST. V.

Arcet ab ostentatione Philosophiæ, & ne culto notabilem aut victu se faciat. Non spernere vulgi omnia, sed modicè adhibere, & citra vitium. Sordes abdicat: ad Naturæ legem nos vocat. Clausula est, ex Hecatonæ; de Spei, & Metus coniunctione. Liberum ab altero esse, qui Alteram posuit: obnoxium utrique, qui uni.

Quod pertinaciter studes, & omnibus omisus, hoc vnum agis, ut te quotidie meliorem facias, & probo, & gaudeo; nec tantum hortor, ut perseueres, sed etiam rogo. Illud autem te admonco, ne eorum more qui non proficere, sed conspici cupiunt, facias aliqua, quæ in habitu tuo, aut genere vite notabilia sint. Asperum cultum, & intonsum caput, & negligentiorē barbā, & indictum argento odium, & cubile humi positum, & quidquid aliud ambitionem peruersa via sequitur, euita. Satis ipsum nomen philosophiæ, etiam si modestè tractetur, inuidiosum est. Quid si nos hominum consuetudini ceperimus excerpere? Intus omnia dissimilia sunt: scons.

nostra populo conueniat. Non splendeat toga: ne sordeat quidem; non habeamus argentum, in quod solidi auri cælatura descenderit: sed non putemus frugalitatis indicium auro, argentoque caruisse. Id agamus, vt meliorem vitam sequamur, quam vulgus, non vt contrariam; alioqui quos emendari volumus, fugamus, & à nobis auertimus. Illud quoque efficimus, vt nihil imitari velint nostri, dum timent ne imitanda sunt omnia. Hoc primum philosophia promittit, sensum communem, humanitatem, & congregationem: à qua professione dissimilitudo separabit. Videamus ne ista, per quæ admirationem parare volumus, ridicula, & odiosa sint. Nempe propositum nostrum, est, secundum naturam viuere. Hoc contra naturam est, torquere corpus suum, & faciles odisse manditias, & squallorem appetere, & cibis non tantum vili- bus, vti, sed tætris, & horridis. Quemadmodum delicatas res desiderare, luxuriæ est; ita vsitatas, & non magnos parabiles fugere, de- mentiae est. Frugalitatem exigit philosophia, non pœnam: potest autem esse non incompita frugalitas. Hic mihi modus placet. Tempe- reretur vita inter bonos mores, & publicos; suspi- ciant omnes vitam nostram, sed & agnoscant. Quid ergo? Eadem faciemus quæ ceteri? nihil inter nos, & illos intererit? plurimum. Dissimi- les esse nos vulgo, sciat qui inespexerit propius: qui domum intrauerit, nos potius miretur, quam suppellestem nostram. Magnus ille est, qui fi- ctilibus sic utitur, quemadmodum argento: nec ille minor est, qui sic argento utitur, quemad- modum fictilibus. Infirmi animi est, pati non posse diuitias. Sed vt huius, quoque dici lucel- lum

lum tecum communicem, apud Hecatonem nostrum inueni, cupiditatum finem, etiam ad timoris remedia proficere. Desines, inquit, timere, si sperare desieris. Dices, quomodo ista tam diuersa pariter sunt? ita est, mi Lucili: cum videantur dissidere coniuncta sunt. Quemadmodum eadem catena & custodiam, militem copulat: sic ista, quæ tam dissimilia sunt, pariter incedunt. Spem metus sequitur. Nec miror ista sic ire: utrumque pendentis animi est, utrumque futuri expectatione solliciti. Maxima autem utriusque causa est quod non ad præsentia aptamur, sed cogitationes in longinqua præmittimus. Itaque prouidentia, maximum bonum conditionis humanæ, in malum versa est. Ferè pericula quæ vident, fugiunt; cum effugere, securæ sunt: nos & venturo torquemur, & præterito. Multa bona nostra nobis nocent: timoris enim tormentum memoria reducit, prouidentia anticipat. Nemo tantum præsentibus miser est.

EPIST. VI.

Proficere se in philosophia, & argumentum esse, quod vitia sua agnoscat. Velle se cum eo, ut vero amico, omnia communicare, quæ sint utilia; idque proprium sapientis. Consuetudinem bonorum valde efficacem, & supra ipsa præcepta videri; quod exemplo Philosophorum aliquod docet.

Intelligo, Lucili, non emendari me tantum; sed transfigurari: nec hoc præmitto iam, aut spero, nihil in me superesse, quod mutandum sit. Quidni multa habeam, quæ debeant corrigi, quæ extenuari, quæ attolli? Et hoc ipsum argumentum est in melius translatis animi, quod vitia sua;
quæ

quæ adhuc ignorabat, videt. Quibusdam ægris gratulatio fit, cum seipsi ægros esse senserunt. Cuperem itaque tecum communicare tam subitam mei mutationem: tunc amicitia nostræ certio rem fiduciam habere cœpissem: illius verò, quàm non spes, non timor, non utilitatis suæ cura diuellit: illius, cum qua homines moriuntur, pro qua moriuntur. Multos tibi dabo, qui non amico, sed amicitia caruerunt. Hoc non potest accidere, cum animos in societatem honesta cupiendi par voluntas trahit. Quid nunc non possit? Sciunt enim ipsos omnia habere communia, & quidem magis aduersa. Concipere animo non potes, quantum momenti asferre mihi singulos dies videam. Mitte, inquis, & nobis ista, quæ tam efficacia expertus es. Ego vero cupio ista omnia in te transfundere, & in hoc gaudeo aliquid discere, ut doceam: nec me vlla res delectabit, licet eximia sit, & salutaris, quàm mihi vni sciturus sim. Si cum hac exceptione detur sapientia, ut illam inclusam teneam, nec enunciem, reiiciam. Nullius boni, sine socio, iucunda possessio est. Mittam itaque ipsos tibi libros: & ne multum operæ impendas, dum passim profutura sectaris: imponam notas, ut ad ea ipsa protinus quæ probo, & miror, accedas. Plus tamen tibi & viva vox, & conuictus, quàm oratio proderit: in rem præsentem venias oportet. Primum, quia homines amplius oculis, quàm auribus credunt: deinde quia longum iter est per præcepta, breue, & efficax per exempla. Zenonem Cleanthes non expressisset, si eum tantummodo audisset: vitæ eius interfuit, secreta perspexit, obseruauit illum, an ex formula sua viuere. Plato, & Aristoteles, & omnes in diuersum iura sapientium

turba, plus ex moribus, quàm ex verbis Socratis traxit. Metrodorum, & Hermachum: & Polyænum, magnos viros non schola Epicuri, sed contubernium fecit. Nec in hoc te accerso tantum, vt proficias, sed vt prosis: plurimum enim alter alteri conferemus. Interim quoniam diurnam tibi mercedulam debeo, quid me hodie apud Hecatonem delectauerit, dicam. Quæris, inquit, quid profecerim? Amicus esse mihi cæpi. Multum profecit; nunquam erit solus. Qui sibi amicus est, scito hunc amicum omnibus esse.

EPIST. VII.

Proficienti turbam vitandam, & vitia ab ea trahi; vitanda item spectacula, & maxime cruenta. Neque publicè recitandum, aut differendum, apud dissimiles. Pluris sit, inquit, vnus, alterque auditor bonus, aut etiam nullus.

Quid tibi vitandum præcipuè existimes, quæris? turbam. Nondum enim tuto illi committeris. Ego certè confiteor imbecillitatem meam. Numquam mores, quos exuli, refero. Aliquid ex eo, quod composui turbatur; aliquid ex his, quæ fugavi, redit. Quod ægrise euenit, quos longa imbecillitas vsque eo effecit, vt nunquam sine offensa proferantur, hoc accidit nobis, quorum animi ex longo morbo reficiuntur. Inimica est multorum conuersatio. Nemo non aliquod nobis vitium aut commendat, aut imprimit, aut nescientibus allinit. Vtique quo maior est populus, cui com-
mi.

miscemur, hoc periculi plus est. Nihil vero est tam damnosum bonis moribus, quam in aliquo spectaculo desidere. Tunc enim per voluptatem facilius vitia surrepunt. Quid me existimas dicere? auarior redeo, ambitiosior, luxuriosior? imò verò crudelior, & inhumanior, quia inter homines fui. Casu in meridianum spectaculum incidi, lusus exspectans, & tales, & aliquid laxamenti, quo hominum oculi ab humano cruore acquiescant. Contra est, quidquid ante pugnatum est, misericordia fuit. Nunc omissis nugis, mera homicidia sunt: nihil habent quo tegantur: ad ictum totis corporibus expositi, nunquam frustra manum mittunt. Hoc plerique ordinatissimis paribus, postulatoricis præferunt. Quid ni præferant? non galea non scuto repellimur ferrum. Quo munimenta? quo gladij artes? Omnia ista mortis moræ sunt. Mane leonibus, & vrsis homines; meridie spectatoribus suis obijciuntur: Interfectores interfectoris iubentur obijci, & victorem in aliam detinent eadem; exitus pugnancium mors est: ferro, & ignes res geritur. Hæc fiunt, dum vacat arena. Sed latrocinium fecit aliquis: quid ergo meruit? ut suspendatur. Occidit hominem: qui occidit, ille meruit, hoc pateretur: tu quid meruisti miser, ut hoc spectes? Occide, vre, verbera. Quare tam timidè incurrit in ferrum? quare parum audacter occidit? quare parum libenter moritur? Plagis aguntur in vulnera, & mutuos ictus nudis, & obuijs pectoribus excipiunt. Intermissum est spectaculum? interim iugulantur homines, ne nihil agatur. Age ne hoc quidem intelligitis, mala exempla in eos redundare qui faciunt? Agite dijs immortalibus gratias, quod cum doceris esse

se crudelem, qui non potest discere. Subducendus populo est tener animus, & parum tenax re-
cti: facile transitur ad plures. Socrati, Catoni, &
Lælio excutere mentem suam dissimilis multi-
tudo potuisset: adeo nemo nostrum, qui cum
maximè concinnamus ingenium, ferre impe-
tum vitiorum tam magno comitatu venientiū
potest. Vnum exemplum aut luxuriæ, aut auari-
tiæ, multum mali facit: conuictor delicatus
paullatim eneruat, & emollit: vicinus diues cu-
pidoitatem irritat: malignus comes quamuis can-
dido, & simplici, rubiginem suam affricuit: quid
tu accidere his moribus credis, in quos publicè
factus est impetus? Necessè est aut imiteris, aut
oderis. Vtrumque autem deuitandum est: ne
vel similis malis fias, quia multi sunt: neue ini-
micus multis, quia dissimiles sunt. Recede in-
teipsum quantum potes: cum his versare, qui te
meliorem facturi sunt: illos admitte, quos tu
potus facere meliores. Mutuo ista fiunt, & ho-
mines dum docent, discunt. Non est ergo quod
te gloria publicandi ingenij producat in me-
dium, vt recitare istas velis, aut disputare: quod
facere te vellem, si haberes isti populo idoneam
mentem. Nemo est, qui intelligere te possit. Ali-
quis fortasse vnus, aut alter incidet: & hic ipse
formandus tibi erit, instituendusque ad intelle-
ctum tui. Cui ergo, inquis, ista didici? non est,
quod timeas ne operam perdideris, si tibi didi-
cisti. Sed ne mihi soli hodie didicerim, commu-
nicabo tecum quæ occurrent mihi egregiè dicta
circa eundem ferè sensum tria: ex quibus v-
num hæc epistola in debitum soluet, duo in an-
tecessum accipe. Democritus ait: Vnus mihi
pro populo est, & populus pro vno, Bene & ille
quisquis fuit (ambigitur enim de auctore) cum
qua-

quæreretur ab illo, quo tanta diligentia artis spectaret ad paucissimos peruenturæ? Satis sunt, inquit, mihi pauci, satis est vnus, satis est nullus. Egregiè hoc tertium. Epicurus cum vni est confortibus studiorum suorum scriberet: Hæc, inquit, ego non multis, sed tibi: satis enim magnum alter alteri theatrum sumus. Ista, mi Lucili, condenda in animum sunt, vt contemnas voluptatem, ex plurium assensione venientem. Multi te laudant. Ecquid habes cur placeas tibi, si is es, quem multi intellegant? intorsus bona tua spectent.

EPIST. VIII.

*Pendet à priore epistola, & est velut obiectio. Quid? vitare me vis turbam, & populum? atqui Stoici tui docent rebus accedere in rebus mori. Respondet, non otium se suadere, sed secessum: à suo exemplo: qui relictis aliis, Sapientiæ vacat, & præcepta eius scriptis propagat. Hoc operum maximum, & pulcherri-
mum esse. Denique in certa ab Epicuro, Libertatem veram à Philosophiam dari.*

TE me, inquis, vitare turbam iubes, secedere, & conscientia esse contentum: vbi illa præcepta vestra, quæ imperant in actu mori? Quid? ego tibi videor interim sedere? in hoc me recondidi, & fores clausi, vt prodesse pluribus possim. Nullus mihi per otium dies exit: partes noctium studijs vindico: non vaco somno, sed succumbo, & oculos vigilia fatigatos, cædentesque in opere detineo. Secessi non tantum
ab

ab hominibus, sed etiam à rebus, & primum à
 meis. Post eorum negotium ago: illis aliqua
 quæ possint prodesse, conscribo: salutare ad-
 monitiones, velut medicamentorum vtilium
 compositiones, litteris mando, esse illas effica-
 ces in meis vlceribus expertus: quæ etiam si
 persanata non sunt, serpere desierunt. Rectum
 iter, quòd fero cognoui, & lassus errando: alijs
 monstro. Clamo, Vitæ quæcumque vulgo pla-
 cent, quæ casus attribuit: ad omne fortuitum bo-
 num, suspiciosi, pauidique subsistite. Et fera, &
 piscis, spe aliqua oblectante decipitur. Munera
 ista fortunæ putatis? insidiæ sunt. Quisquis no-
 strum tutam agere vitam volet, quantum plu-
 rimum potest, ista viscata beneficia deuitet;
 in quibus hoc quoque miserrimi fallimur, ha-
 bere nos putamus, habemur. In præcipitia cur-
 sus iste deducit: huius eminentis vitæ exitus
 cadere est. Deinde ne resistere quidem licet,
 cum cæpit transuersos agere fœticitas. Aut sal-
 tem rectis, aut temet frueris. * Qui hoc faciunt,
 non euertit fortuna, sed cernulat, & allidit.
 Hanc ergo sanam, & salubrem formam vitæ te-
 nere memento, ut corpori tantum indulgeas,
 quantum bonæ valetudini satis est. Durius
 tractandum est, ne animo male pareat: cibus
 famem sedet, potio sitim extinguat, vestis ar-
 ceat frigus, domus munimentum sit aduersus
 infesta corpori. Hanc utram celsus crexerit, an
 varius lapis gentis alienæ, nihil interest, scito
 hominem tam bene culmo, quam auro regi.
 Contemne omnia, quæ superuacuis labor ve-
 lut ornamentum, ac decus ponit. Cogita in te,
 præter animum, nihil esse mirabile: cui magno
 nihil magnum est. Si hoc mecum, si hoc cum
 posteris loquor, non videor tibi plus prodesse,
 quam

quam cū ad vadimonium aduocatus descenderem, aut tabulis testamenti annulum imprimerem, aut in senatu candidato vocem, & manum commodarem? Mihi crede: qui nihil agere videntur, maiora agunt, humana, diuinaque simul tractant: Sed iam finis faciendus est, & aliquid, ut institui, pro hac epistola dependendum: id de meo non fiet, adhuc Epicurum replicamus, cuius hanc vocem hodierno die legi. Philosophiae seruias oportet, ut tibi contingat vera libertas. Non differtur in diem, qui se illi subiicit, & tradidit: statim circumagitur: hoc enim ipsum philosophiae seruire, libertas est. Potest fieri, ut me interroges, quare ab Epicuro tam multa bene dicta referam potius, quam nostrorum: qui est tamen, quare tu istas Epicuri voces putēs esse, non publicas? Quam multa poetae dicunt, quae à philosophis aut dicta sunt, aut dicenda? Non attingam tragicos, aut togatas nostras: habent enim hę quoque aliquid seueritatis, & sunt inter comœdias, & trœgœdias medię: quantum disertissimorum versuum inter mīnos iacet? quam multa Publij, non ex alceatis: sed cothurnatis dicenda sunt? Vnum eius versum, qui ad philosophiam pertinet, & ad hanc partem, quae modo fuit in manibus, referam, quo negat fortuita in nostris habenda.

Alienum est omne, quidquid oprando venit.

Hunc versum à te dici non paullo melius, & adstrictius, memini:

Non est tuum, fortuna quod fecis tuum.

Illud etiamnum melius dictum à te non præteribo:

Dare

*Dari bonum, quod potuit, auferri potest.
Hoc non imputo in solutum, de te tuo tibi.*

EPIST. IX.

*Item pars, aut explicatio priorum Sapien-
tem non querere homines, seipso conten-
tum: Quid ergo? non etiam amicum
Imo, sed potest & sine eo esse: potest amit-
tere, & amissum reparare. In eo ipso fru-
ctus, & voluptas, est dum parat. An ergo
sua causa, ut Epicurei censent? Non, sed
potius alterius cui prosit, pro quo pericli-
tetur, pro quo moriatur. Merces Viren-
tis, ipsa est. Fusius deinde, & subtilius:
Quatenus se contentus, quatenus non sit
& in verbis distinctiuncula Stoica.*

AN meri reprehendat in quamdam episto-
la Epicurus eos, qui dicunt sapientem
seipso esse contentum, & propter hoc amico
non indigere, desideras scire. Hoc obijcitur
Stilponi ab Epicuro, & his quibus summum
bonum visum est animus impatiens. In ambi-
guitatem indicendo est, si exprimere ἀταδὴν
vno verbo scire voluerimus, & impatientiam
dicere. Poterit enim contrarium ei, quod si-
gnificare voluimus, intelligi. Nos enim cum
volumus dicere, qui respuat omnimodali sen-
sum accipietur, qui nullum possi ferre malum.
Vide ergo num satius sit, aut inuulnerabilem
animum dicere, aut animum extra omnem pa-
tientiam positum. Hoc inter nos, & illos inter-
est. Noster sapiens vincit quidem incommodum

om-



Omne, sed sentit: aliorum, ne sentit quidem. Illud nobis cum illis commune est, sapientem seipso esse contentum: sed tamen & amicum habere vult, & vicinium, & contubernalem, quamvis sibi ipse sibi ipse sufficiat. Vide quàm contentus: aliquando sui parte contentus est, si illi manum aut morbus, aut hostis inciderit. Si quis oculum casus excusserit, reliquiae illi suae satisfaciunt: & erit imminuto corpore, & amputato tam lætus, quàm integro fuit. Quæ sibi desunt, non desiderat: sed non deesse mauult. Ita sapiens se contentus est, non ut velit esse sine amico, sed ut possit: & hoc quod dico possit, tale est, amissum æquo animo fert: sine amico quidem numquam erit: in sua potestate habet, quam cito reparet. Quomodo si perdiderit Phidias statuam, protinus alteram faciet: sic & hic faciendarum amicitiarum artifex, substituet alium in locum amissi. Quæris quomodo amicum cito facturus sit? faciam, si illud mihi tecum conuenerit, ut statim tibi solvam quòd debeo, & quantum ad hanc epistolam, paria faciamus. Hecaton ait: Ego tibi monstrabo amatorem, si ne medicamento, sine herba, sine ullius veneficæ carmine. Si vis amari, ama. Habet autem non tantum amicitiae usus, veteris, & certæ, magna voluptatem, sed etiam initium, & comparatio nouæ. Quid interest inter merentem agricolam, & merentem: hoc inter eum, qui parauit amicum, & qui parat. Attalus philosophus dicere solebat. Iucundius esse amicum facere, quàm habere: quomodo artificii iucundius est pingere, quàm pinxisse. Illa in opere suo locuprata sollicitudo, ingens oblectamentum habet in ipsa occupatione. Non æquè delectatur, qui ab opere perfecto remouit manum: iam

fructu

Fructu artis suæ fruitur: ipsa fruebat ætate, cum
 pingeret. Fructuosior est adolescentia libero-
 rum, sed infantia dulcior. Nunc ad propositum
 reuertamur. Sapiens etiam si contentus est se,
 tamen habere amicum vult: si ob nihil aliud,
 ut exerceat amicitiam, ne tam magna virtus
 iaceat: non ad hoc, quod Epicurus dicebat in
 hac ipsa epistola, ut habeat qui sibi ægro assi-
 deat, succurrat in vincula coniecto, vel inopi:
 sed ut habeat aliquem, cui ipse ægro assideat,
 quem ipsum circumuentum hostili custodia li-
 beret. Qui se spectat, & propter hoc ad amici-
 tiam venit, male cogitat: quemadmodum cæ-
 pit, sic desinet. Parauit amicum aduersus vincu-
 la latum opem: cum primum crepuerit cate-
 na, discedet. Hæ sunt amicitiae, quas Tempora-
 rias copulum appellat. Qui causa utilitatis as-
 sumptus est, tamdiu placebit, quamdiu utilis fue-
 rit. Hac te florentes amicorum turba circum-
 sedet: circa tueros ingens solitudo est: & inde
 amici fugiunt, vnde probantur. Hac re ista
 tot nefaria exempla sunt, aliorum metu relin-
 quentium, aliorum metu prodentium. Necessè
 est initia inter se, & exitus congruant. Qui ami-
 cus esse cepit, quia expedit, placebit ei aliquod
 prætium contra amicitiam, sic vllum in illa
 placet prætium præter ipsam. In quid amicum
 paro? ut habeam ero quo mori possim, ut ha-
 beam quem in exilium sequar, cuius me morti
 opponam, & impendam. Ista, quam tu descri-
 bis, negotiatio est, non amicitia, quæ ad com-
 modum accedit, quæ quid consecutura sit, spe-
 ctat. Non dubio habet aliquid simile amicitiae,
 affectu amantium: possis dicere, illam esse in-
 sanam amicitiam: numquid ergo quisquam a-
 mat: lucris causa? numquid ambitionis, aut glo-
 riæ?

Amicus
 certus, in
 re incerta
 cernitur.

Epiurus.

Est amicus

licentia

longus

et in ma-

ne in die

habet

dag.

tiæ: Ipse per se amor, omnium aliarum rerum
 negligens, animos in cupiditatem formæ, non
 sine spe mutuæ charitatis accendit. Quid ergo?
 ex honestiori causa coit turpis affectus? Non
 agitur, inquis, non hoc, an amicitia propter se,
 an propter aliud sit expetenda: nam si propter
 seipsam expetenda est, potest ad illam accede-
 re, qui seipso contentus est. Quomodo ergo
 ad illam accedit? quomodo ad rem pulcherri-
 mam: non lucro captus, nec varietate fortunæ
 perterritus. Detrahit amicitia maiestatem
 suam, qui illam parat ad bonos casus. Se con-
 tentus est sapiens. Hoc, mi Lucili, perperam
 plerique interpretantur: sapientem vndique
 submouent, & intra cutem suam cogunt. Di-
 stinguendum est autem, qui & quatenus vox
 ista promittat. Se contentus est sapiens, ad beatè
 viuendum, non ad viuendum. Ad hoc enim
 multis illi rebus opus est; ad illud tantum ani-
 mo sano, & erecto, & despiciente fortunam.
 Volo tibi Chrysippi quoque distinctionem in-
 dicare. Ait sapientem nulla re indigere, & ta-
 men multis illi rebus opus esse: contra, stulto
 nulla re opus est, nulla enim re scit vti, sed om-
 nibus eget. Sapienti & manibus, & oculis, &
 multis ad quotidianum vsum necessarijs opus
 est, sed eget nulla re: egere enim necessitatis
 est: nihil autem necesse sapienti est. Ergo quam-
 vis seipso contentus sit, amicis illi opus est: hoc
 cupit habere quàm plurimos, non vt beatè vi-
 uat: viuet enim etiam sine amicis beatè. Sum-
 mum bonum extrinsecus instrumenta non
 quærit, domi colitur: ex se totum est: incipit
 fortunæ esse subiectum, si quàm partem sui fo-
 ris quærit. Qualis tamen futura est vita sapien-
 tis, si sine amicis relinquatur in custodiam con-
 iectus,

Iectus, vel in aliqua gente aliena destitutus, vel
 in nauigatione longa retentus, aut in desertum
 latus eiectus? Qualis est Iouis, cum resolutio
 mundo, & Dijs in vnum confusis, paullisper
 cessante natura, acquiescit, sibi, cogitationibus
 suis traditus. Tale quiddam sapiens facit: in se
 reconditur, secum est: quamdiu quidem illi licet
 suo arbitrio res suas ordinare, se contentus est:
 & ducit uxorem, se contentus est: & liberos tol-
 lit, se contentus est: tamen non viuet, si fuerit
 sine homine victurus. Ad amicitiam fert il-
 lum nulla utilitas sua, sed naturalis irritatio:
 nam vt aliarum nobis rerum innata dulcedo
 est, sic amicitiae. Quomodo solitudo in odio
 est, sic in dulcedine appetitio societatis. Quo-
 modo hominem homini natura conciliat, sit
 inest huic quoque rei stimulus, qui nos amici-
 tiarum appetentes faciat. Nihilominus cum sit
 amicorum amantissimus, cum illos sibi compa-
 ret, sæpè præferat: omne intra se bonum termi-
 nabit, & dicet quod Stilpon ille dixit, Stilpon,
 quem Epicuri epistola insequitur. Hic enim
 capta patria, amissis liberis, amissa uxore, cum
 ex incendio publico solus, & tamen beatus exi-
 ret, interroganti Demetrio, cui cognomen ab
 exitio urbium Poliorcetes fuit, Numquid per-
 didisset? Omnia, inquit, bona mea mecum sunt.
 Ecce vir fortis, ac strenuus, ipsam hostis sui vi-
 ctoriam vicit. Nihil, inquit, perdidi: dubitare il-
 lum coegit, an vicisset. Omnia mea mecum
 sunt. Iustitia, virtus, temperantia, prudentia, hoc
 ipsum, nihil bonum putare, quod eripi possit.
 Miramur animalia quædam, quæ per medios
 ignes sine noxa corporum transeunt: quanto
 hic mirabilior vir, qui per ferrum, & ruinas, &
 ignes, illæsus, & indemnus euasit? Vides quanto

facilius sit totam gentem, quam vnum virum vincere? Hæc vox illi est communis cum Stoi-
co: æquè & hic intacta bona per concrematas
vrbes fert. Se enim ipso contentus est, hoc feli-
citatem suam fine designat. Ne existimes nos
solos generosa verba iactare: & ipse Stilponis
obiurgator Epicurus similem illi vocem emi-
sit, quam tu boni consule, etiamsi hunc diem
iam expunxi: Si cui, inquit, sua non videntur
amplissima, licet totius mundi dominus sit, ta-
men miser est. Vel si hoc modo tibi melius
enunciari videtur: id enim agendum, vt non
verbis sentiamus, sed sensibus: Miser est, qui se
non beatissimum iudicat, licet imperet mundo.
Vt scias autem hos sensus communes esse: na-
tura scilicet dictante apud poetam comicum
inuenies.

Non est beatus, esse se qui non putat.

Quid enim refert qualis status tuus sit, si tibi vi-
detur malus? Quid ergo inquis, si beatum se-
dixerit ille turpiter diues, & ille multorum do-
minus, sed plurium seruus: beatus sua sententia
fiet? Non quid dicat, sed quid sentiat, refert: nec
quid vno die sentiat, sed quid assiduè. Non est
autem quod verearis, ne ad indignum res tan-
ta perueniat. Nisi sapienti sua non placent, om-
nis stultitia laborat fastidio sui.

EPIST. X.

*Solitudinem bonam, sed bonis, aut progres-
sis, esse: aliis aliam. Nam mali, aut stul-
ti maxime in ea peccant, remoto arbitro,
& sibi relictis. Obiter præceptiuncula de
Fortis: &*

Fotis: & nihil concipere, nisi quod palam possis nuncupare.

Sic est, non muto sententiam: fuge multum. Dinem, fuge paucitatem, fuge etiam vnum. Non habeo cum quo te communicatum velim, & vide quo iudicium meum abeat: aude te tibi credere: Crates vt aiunt huius ipsius Stilponis auditor, cuius mentionem priori epistola feci, cum vidisset adolescentulum secreto ambulanti, interrogauit, Quid illic solus faceret? Mecum inquit loquor: cui Crates: Caue, inquit, rogo, & diligenter attende, ne cum homine malo loquaris. Lugentē, timentemq; custodire solemus, ne solitudine male utatur: nemo est ex imprudentibus, qui relinqui sibi debeat. Tunc mala consilia agitant: tunc aut alijs, aut ipsius futura pericula struunt. Tunc cupiditates improbas ordinant: nunc quidquid aut metu, aut pudore celabat, animus exprimit: tunc audaciam acuit, libidinem irritat, iracundiam instigat. Denique quod vnum solitudo habet commodum, nihil vlli committere, non timere indicem, petit stulto: ipse se prodit. Vide itaque quid de te sperem, imo quid spondeam mihi: spes enim incerti boni nomen est: non inuenio cum quo te malim esse quam tecum, Repeto memoria, quam magno animo quædam verba proieceris, quanti roboris plena: gratulatus sum protinus mihi, & dixi: Non à summis labris iste venerunt: habent hæ voces fundamentum isto homo non est vnus è populo: ad salutē spectat. Sic loquere, sic viuere: vide ne te vlla res deprimat. Votorum tuorum vterum licet Dijs gratiam facias: alia de integro suscipe: roga bonam mentem bonam valetudinem animi, deinceps

de corporis. Quid ni tu ista vota sæpè facias ? audacter Deum roga, nil illum de alicuo rogaturus. Sed ut more meo cum aliquo munusculo epistolam mittam, verum est, quod apud Athenodorum inueni: Tunc scito te esse omnibus cupiditatibus solutum, cum eo perueneris, ut nihil Deum roges, nisi quod rogare possis palam. Nunc enim quanta dementia est hominum? turpissima vota Dijs insufurrant: si quis admouerit autem, conticescent, & quod ferre hominem nolunt, Deo narrant. Vide ergo, ne hoc præcipi salubriter possit: Sic viue cum hominibus, tanquam Deus videat; sic loquere cum Deo, tanquam homines audiant.

EPIST. XI.

Bene sperare se de amico Lucilii, in quo plurimus pudor, & rubor. Hunc aliquando à natura esse, nec ullis præceptis excuti: ac sequi etiam sapientem. Comparere item in malis interdum, & mali notam. Monitum deinde salutare Epicuri: semper virum bonum representare nobis, qui coerceat ut pedagogus. Velut illo præsentem facere omnia, & loqui.

Locutus est mecum amicus tuus bonæ indolis: in quo quantum esset animi, quantum ingenij, quantum iam etiam profectus, sermo primus ostendit. Dedit enim nobis gustum, ad quem respondebit: non enim ex præparato locutus est, sed subito deprehensus. Vbi se collegit, verecundiam, bonum in adolescente signum, vix potuit excutere: adeò illi ex alto suffusus est rubor. Hic illum, quantum suspicor, etiam cum se confirmauerit, & omnibus vitijis exuerit, sapientem quoque sequetur. Nulla enim sapientia,

naturalia corporis, aut animi vitia ponuntur: quidquid infixum, & ingenitum est, lenitur arte, non vincitur. Quibusdam etiam constantissimis in conspectu populi sudor erumpit, non aliter, quam fatigatis, & æstuantibus solet; quibusdam tremunt genua dicturis: quorundam dentes colliduntur, lingua titubat, labra concurrunt. Hæc nec disciplina, nec usus umquam excutit: sed natura vim suam exercet: & illos vitij sui etiam robustissimos admonet. Inter hæc & ruborem esse scio, qui grauissimis quoque viris subitus offunditur. Magis quidem in iuuenibus apparet quibus & plus caloris est, & tenera frons: nihilominus veteranos, & senes tangit. Quidam nunquam magis, quam cum erubuerint timendi sunt: quasi omnem verecundiam effuderint. Sulla tunc erat violentissimus, cum faciem eius sanguis inuaserat. Nihil erat mollius ore Pompeij: nunquam non coram pluribus erubuit: utique in concionibus Fabianum, cum in senatum testis esset inductus, erubuisse memini: & hic mirè illum pudor decuit. Non accidit hoc ab infirmitate mentis, sed à nouitate rei: quæ in exercitatos etsi non concutit, mouet, naturali in hoc facilitate corporis pronos. Nam ut quidam boni sanguinis sunt, ita quidam incitati, & mobilis, & cito in os prædeuntis. Hæc, ut dixi nulla sapientia abigit: alioquin haberet rerum naturam sub imperio, si omnia eraderet vitia. Quæcumque attribuit conditio nascendi, & corporis temperatura, cum multum se, diuque animus composuerit, hærebunt. Nihil horum vetari potest, non magis quam accersi. Arrifices scenici, qui imitantur affectu, qui metum, & trepidationem exprimunt, qui tristitiam repræsentant, hoc indicio imitantur verecundiam, deijciunt

B 3 vultum,

vultum, verba submittunt, figunt in terram oculos, & deprimunt, ruborem sibi exprimere non possunt: nec prohibetur hic nec adducitur. Nihil aduersus hæc sapientia promittit, nihil proficit: tui iutis sunt, iniusta veniunt iniusta discedunt. Iam clausulam epistola poscit. accipe, & quidem utilem, & salutarem, quam te affigere animo volo. Aliquis vir bonus nobis eligendus est, ac semper ante oculos habendus, ut sic tamquam illo spectante viuamus, & omnia tamquam illo vidente faciamus. Hoc, mi Luculi, Epicurus præcepit, custodem nobis, & prædagogum dedit: nec immerito. Magna pars peccatorum tollitur, si peccaturis testis adsistat. Aliquem habeat animus, quem vereatur, cuius auctoritate etiam secretum suum sanctius facit. O felicem illum, qui non ad spectus tantum, sed etiam cogitatus emendat? O felicem qui sic aliquem vereri potest, ut ad memoriam quoque eius se componat, atque ordinet! Qui sic aliquem vereri potest, citò erit verendus. Elige itaq; Catonem: si hic videtur tibi nimis rigidus, elige remissioris animi virum Lælium: elige eum, cuius tibi placuit, & vita, & oratio, & ipsius animum ante te ferens & vultus, illum semper tibi ostende, vel custodem, vel exemplum. Opus est, inquam, aliquo, ad quem mores nostri se ipsi exigant. Nisi ad regulam, praua non corriges.

EPIST. XII.

Facetè de senectute sua narrat, & in villa se eius admonitum. Admonitum, autem sine tristitia, nec tristem eam, imò iucundam esse, & vitis minus opportunam. Omnem vitam breuem: sed qualemcumque, usque

faciendam nostram, & manum illi iniiciendam. Cottidie dicamus, & censeamus, Vixi.

QVocumque me venio, argumenta senectutis meæ video. Veneram in suburbanum meum, & querebar de impensis edificiij dilabentis: ait villicus, non esse negligentiae suæ vitium: omnia se facere, sed villam veterem esse. Hæc villa inter manus meas crevit. Quid mihi futurum est, si iam putrida sunt ætatis meæ laxa? Iratus illi, proximam occasionem stomacandi arripio. Apparet, inquam, has platanos negligi: nullas habent frondes, quā nodosi sunt & retorridi rami? quā tristes, & squallidi trunci? Hoc non accideret, si quis has circumfoderet, si irrigaret. Iurat per Genium meum, se omnia facere, in nulla re cessare curam suam: sed illas vetulas esse. Quod inter nos sit, ego illas posueram, ego illarum primum videram folium. Conuersus ad ianuam: Quis est, inquam, iste decrepitus, & meritò ad ostium admotus? foras enim spectat. Vnde istunc natus es? quid te delectauit, alienum mortuum tollere? At ille: Non cognoscis me; inquit: ego sum Felicio, cui solebas sigillaria afferre: ego sum Philofiti villici filius, deliciolum tuum. Profecto, inquam, iste delirat. Populus etiam deliciolum meum factus est. Prorsus potest fieri: dentes illi cum maximè cadunt. Debeo hoc suburbano meo, quod mihi senectus mea, quocumque aduerteram, apparuit. Complectamur illam, & amemus: plena est voluptatis, si illa scias vti. Gratissima sunt poma, cum fugiunt: pueritiæ maximus in exitu decor est: deditos, vino potatio extrema delectat, illa quæ mergit, quæ ebrietati summam manum imponit.

nit. Quod in se iucundissimum omnis voluptas
 habet, in finem sui differt. Iucundissima est
 ætas deuexa iam, non tamen præceps; & iliam
 quoque in extrema regula stantem, iudico ha-
 bere suas voluptates: aut hoc ipsum succedit in
 locum voluptatum, nullis egere. Quam dulce
 est cupiditates fatigasse, ac reliquisse? Molestum
 est, inquis, mortem ante oculos habere. Primum
 ista tam seni ante oculos debet esse, quam iuue-
 ni: non enim citamur ex censu: deinde nemo
 tam senex est, ut improbè vnum diem speret.
 Vnus autem dies, gradus est vitæ: tota ætas par-
 tibus constat, & orbis habet circumductos ma-
 iores minoribus. Est aliquis, qui omnes com-
 plectatur, & cingat: hic pertinet à natali ad diē
 extremum: est alter, qui annos adolescentiæ ex-
 cludit: est qui totam pueritiam ambitu suo ad-
 stringit: est deinde ipse annus, in se omnia con-
 tinens tempora, quorum multiplicatione vita
 componitur. Mensis arctiore præcingitur cir-
 culo: angustissimum habet dies gyrum: sed &
 hic ab initio ad exitum venit, ab ortu ad occa-
 sum. Ideo Heraclæus, cui cognomen Scotinon
 fecit orationis obscuritas: Vnus, inquit, dies par
 omni est. Hoc alius aliter accepit: dixit enim
 parem esse horis: nec mentitur. Nam si dies
 tempus est viginti, quatuor horarum, necesse est
 omnes inter se dies pares esse: quia nox habet,
 quod dies perdidit. Alius ait, parem esse vnum
 diem omnibus similitudine: nihil enim habet
 longissimi temporis spatium, quod non in vno
 die inuenias, lucem, & noctem; & alternas mun-
 di viçes. Plura facit ista non alia alias contra-
 ctior, alias productior. Itaque sic ordinandus est
 dies omnis, tanquam cogat agmen, & consu-
 met, atque expleat vitam. Pacuuius, qui Sy-
 riam

riam vsu suam fecit, cum vino, & illis funereis epulis sibi parentauerat, sic in cubiculum ferre-
batur à cæna, vt inter plausus exoletorum hoc
ad symphoniam caneretur *Bebiurda Bebiun-
tai*: nullo non se die extulit. Hoc, quod ille ex
mala cōscientia faciebat, nos ex bona faciamus,
& in somnum ituri, læti, hilaresque dicamus.

Vixi, & quem dederat cursum fortuna peregi.

Crastinum si adiecerit Deus, læti recipiamus.
Ille beatissimus est, & securus sui possessor, qui
crastinum sine sollicitudine expectat. Quisquis
dixit, Vixi, quotidie ad lucrum surgit. Sed iam
debeo epistolam cludere. Sic, inquit, sine vllō
ad me peculio veniet? Noli timere: aliquid se-
cum feret: quare aliquid dixi? multum. Quid
enim hac voce præcarius, quam illi trado ad te
perferendam? Malum est in necessitate viuere,
sed in necessitate vinere, necessitas nulla est.
Quid nī nulla sit? patent vndique ad libertatem
viæ multæ, breues, faciles. Agamus Deo gra-
tias, quod nemo in vita teneri potest: calcare ip-
sas necessitates licet. Epicurus, inquis, dixit:
quid tibi cum alieno? Quod verum est, meum
est: perseuerabo Epicurum tibi ingerere: vt illi
qui in verba iurāt, nec quid dicatur estimāt, sed
à quo, sciant, quæ optima sunt, esse communia.

EPIST. XIII.

*Format pulchre aduersus fortuna, & robur
donat. Maximè autem, ne futurorum me-
tu angamur: incerta ea esse, & posse non
euenire. Spe igitur omnem metum tempe-
randum. Deinde illud robustius: Fac,*

Multum tibi esse animi scio : nam etiam antequam instrueres te præceptis salutaribus, & dura vincentibus, satis aduersus fortunam placebas tibi : & multo magis, postquam cum illa conseruisti manum, viresque expertus estuas : quæ numquam certam dare fiduciam sui possunt, nisi cum multæ difficultates hinc, & illinc appuerint ; aliquando verò & propius accesserint. Sic verus ille animus, & in alienum non venturus arbitrium, probatur : hæc eius obrussa est. Non potest athleta magnos spiritus ad certamen adferre, qui numquam sugillatus est. Ille, qui vidit sanguinem suum, cuius dentes crepuerunt sub pugno, ille qui supplantatus aduersarium toto tulit corpore, nec proiecit animum proiectus, qui quoties cecidit, contumacior resurrexit, cum magna spe descendit ad pugnam. Ergo, vt similitudinem istam prosequar, sæpè iam fortuna supra te fuit, nec tamen tradidisti te, sed subsilijisti, & arrior restitisti ; multum enim adiecit sibi virtus laceßita. Tamen si tibi videtur, accipe à me auxilia, quibus munire te possis. Plura sunt, Lucili, quæ nos terrent, quàm quæ premunt : & sapius opinione, quàm re laboramus. Non loquor tecum Stoica lingua, sed hac submissiore. Nos enim dicimus, omnia ista, quæ gemitus, mugitusque exprimunt, leuia esse, & contemnenda. Omittamus hæc magna verba, sed, Diij boni, vera illud tibi præcipio, ne sis miser ante tempus: cum illa quæ velut imminencia expauiisti, fortasse nunquam ventura sint, certè nondum venerint. Quædam ergo nos magis torquent, quam debeant;

heant: quædam ante torquent, quam debeant; quædam torquent, cum omnino non debeant. Aut augemus dolorem, aut fingimus, aut præcipimus. Primum illud, quia res in controuersia est, & litem contestatam habemus, in præsentia differatur. Quod ego leue dixerò, tu grauissimum esse contendes, scio alios inter flagella ridere, alios gemere sub colapho. Postea videbimus, vtrum ista suis viribus valeant, an imbecillitate nostra; illud præsta mihi, vt quoties circumsteterint, qui tibi te miserum esse persuadeant, non quid audias, sed quid sentias cogites: & cum patientia tua deliberes, ac te ipse interroges, qui tua optimè nosti: Quid est quare isti me complorent? quid est quod trepident, quod contagium quoque mei tumeant, quasi transilire calamitas possit? Est aliquid istic mali? an res ista magis infamis est, quàm mala? Ipse te interrogo. Numquid sine caussa crucior, & mæreo, & quod non est malum facio? Quomodo, inquis, intelligam, vana sint, an vera, quibus angor? Accipe huius rei regulam. Aut præsentibus torquemur, aut futuris, aut vtriusque, De præsentibus, facile est iudicium: si corpus tuum liberum est, sanum est, nec vllus ex iniuria dolor est: videbimus quid futurum sit, hodie nihil negotij habet. At enim futurum est. Primum displice, an certa argumenta sint venturi mali: plerumque enim suspicionibus laboramus, & illud: nobis illa, quæ conficere bellum solet, fama: multo autem magis singulos conficit. Ita est, mi Lucili, cito accedimus opinioni, non coarguimus illa, quæ nos in metum adducunt: nec executimur, sed trepidamus, & sic vertimus terga: quemadmodum illi, quos pulvis motus fuga pecorum, exiit castris, aut quos aliqua fabu-

la sine auctore sparsa conterruit . Nescio quomodo magis vana perturbant : vera enim modum suum habent : quidquid ex incerto venit, coniecturæ & licentiæ paudentis animi traditur . Nulli itaque tam perniciosi, tam irreuocabiles, quam lymphatici metus sunt : ceteri enim sine ratione, hi siue mente sunt. Inquiramus itaque rem diligenter . Verisimile est, aliquid futurum mali ? non statim verum est . Quam multa non expectata venerunt, quam multa expectata numquam compaterunt ? Etiam si futurum est, quid iuuat dolori suo occurrere ? satis cito dolebis, cum venerit : interim tibi meliora promitte . Quid facies lucri ? tempus : Multa interuenient, quibus vicinum periculum, vel propè admotum, aut subsistat, aut desinat, aut in alienum caput transeat . Incendium ad fugam patuit, quosdam molliter ruina deposuit : aliquando gladius ab ipsa ceruice reuocatus est : aliquis carnifici suo superstes fuit . Habet etiam mala fortuna leuitatem, fortasse erit, fortasse non erit : interim dum non est, meliora propone . Nonnumquam nullis apparentibus signis, quæ mali aliquid pronuncient, animus sibi falsas imagines fingit, aut verbum aliquod dubiæ significationis detorquet in peius, aut maiorem sibi offensam proponit alicuius quam est, & cogitat non quantum iratus ille sit, sed quantum liceat irato . Nulla autem causa vitæ est, nullus miseriarum modus, si timetur quantum potest. Hic prudentia prosit, hic robore animi euentem quoque metum respue : si minus, vitio vitium repelle, spe metum tempera . Nihil tam certum est ex his, quæ timentur, vt non certius sit, & formidata subsidere, & sperata decipere . Ergo & spem, ac metum examina : & quoties incerta
erunt

erunt omnia, tibi faue, crede quod mauis: si plures habebis sententias metus, nihilominus in hanc partem, potius inclina, & perturbare te desine. Ac subindè hoc in animo volue maiorem partem mortalium, cum illi nec sit quidquam mali, nec pro certo futurum sit, æstuate, ac discurre. Nemo enim resistit sibi, cum ceperit impelli, nec timorem suum redigit ad verum. Nemo dicit, Vanus auctor est, vanus: aut finxit, aut credidit. Damus nos referentibus, expauescimus dubia pro certis, non seruamus modum rerum, statim in timorem venit scrupulus. Pudet me sic tecum loqui, & tam leuibus remedijs te focillare. Alius dicat, Fortasse hoc non veniet: tu dic, Quid porro si veniet? videbimus vtrum veniet: fortasse pro me veniet, & mors ista vitam honestabit. Cicutam magnum Socratem fecit: Catoni gladium assertorem libertatis extorque, magnam partem detraxeris gloriæ. Nimium diu te cohortor, cum tibi admonitione magis, quàm exhortatione opus sit. Non in diuersum te natura tua ducimus: natus es ad ista, quæ dicimus. Eo magis bonum tuum auge, & exorna. Sed iam finem epistolæ faciam, si illi signum suum impressero: id est, aliquam magnificam vocem perferendam ad te mandauero. Inter cetera mala, hoc quoq; habet stultitia proprium, semper incipit viuere. Considera quid vox ista significet, Lucili virorum optime: & intelliges quàm fæda sit hominum leuitas, quotidie noua vitæ fundamenta ponentium, nouas spes etiam in exitu inchoantium. Circumspice tecum singulos: occurrent tibi senes, qui se cum maximè ad ambitionem, ad peregrinationes, ad negotiandum parent. Quid est autem turpius, quàm senex viuere incipiens? Non
adijce-

adicerem auctorem huic voci, nisi esset secretior, nec inter vulgata Epicuri dicta, quæ mihi & laudare, & adoptare permisi.

EPIST. XIV.

Prudentissima epistola. Monet corporis, vitæque curam habendam, sed non nimiam. Timeri autem corpori tria, Pauperiem Morbos, Violentiam: maxime hanc ultimam quæ a potentibus est, aut tyrannis. Ut non timeas, tria vitentur: Odium, Invidia, Contemptus. Quomodo autem, Sapientia dicet: & breuiter ipse.

Fateor insitam esse nobis corporis nostri caritatem: fateor nos huius gerere tutelam: non nego indulgendum illi, seruiendum nego. Multis enim seruiet, qui corpori seruit, qui pro illo nimium timet, qui ad illud omnia refert. Sic gerere nos debemus, non tamquam propter corpus vivere debeamus, sed tamquam non possumus sine corpore. Huius nos nimius amor timoribus inquietat, sollicitudinibus onerat, contumelijs obijcit. Honestum ei vile est, cui corpus nimis carum est. Agatur eius diligentissime cura: ita tamen, ut cum exiger ratio, cum dignitas, cum fides, mittendum in ignem sit. Nihilominus, quantum possumus, euitemus incommoda quoque, non tantum pericula: & intutum nos reducamus, excogitantes subinde, quibus possint timenda depelli: quorum tria, ni fallor, genera sunt. Timetur inopia, timentur morbi, timentur quæ per vim potentioris eueniunt. Ex his omnibus nihil magis nos concutit, quàm quod ex aliena potentia impendet. Magno enim strepitu, & tumultu venit. Natura

italia mala quæ retuli inopiæ, atque mōrbi, silentio subeunt, nec oculis nec auribus quidquam terroris incutiunt: ingens alterius mali pompa est, ferrum circa se, & ignes habet, & catenas, & turbam ferarum, quam in viscera immitat humana. Cogita hoc loco carcerem, & cruces, & eculeos, & vncum, & adactum, per medium hominem, qui per eos emergat, stipitem, & distracta in diuersum actis curribus membra: illam tunicam, alimentis ignium & illitam, & intextam; quidquid aliud præter hæc, commenta sæuitia est. Non est itaque mirum, si maximus huius rei rimor est, cuius & varietas magna, & apparatus terribilis est. Nam quemadmodum plus agit tortor, quo plura instrumenta doloris expoluit (specie enim vincuntur, qui patientia restitissent:) ita ex his, quæ animos nostros subigunt, & domant, plus proficiunt quæ habent quod ostendant. Illæ pestes non minus graues sunt, famem dico, & sitim, & præcordiorum suppurationes, & febrem viscera ipsa torrentem: sed latent: nihil habent quod intentent, quod præferant: hæc, vt magna bella, adspectu, paratque vicerunt. Demus itaq; operam, abstinēamus offensis. Interdum populus est, quem timere debeamus; interdum, si ea ciuitatis disciplina est, vt plurima per senatum transigantur, gratiosi in eo viri: interdum singuli, quibus potestas populi, & in populum data est. Hos omnes amicos habere, operosum est: satis est inimicos non habere. Itaq; sapiens nunquam potentium iras prouocabit: imo declinabit, non aliter, quàm in nauigando procellam, Cum peteres Siciliam, traiecisti fretum: temerarius gubernator contempsit austri minas: ille enim est, qui Siculum pelagis exasperet, & in

Vertices cogat :) non sinistrum petit litus sed id,
 quo propior Chabrybdis maria conuoluit. At
 ille cautiore, peritos locorum rogat, qui æstus sit,
 quæ signa dent nubes, & longè ab illa regione
 verticibus infami cursum tenet. Idem facit sa-
 piens: nocituram potentiam vitat, hoc primum
 cauens, ne vitare videatur. Pars enim securita-
 tis & in hoc est, non ex professo eam petere;
 quia quæ quis fugit, damnat. Circumspicien-
 dum nobis est ergo, quomodo à vulgo tuti esse
 possimus. Primum nihil idem concupiscamus:
 rixa est inter competitores; deinde nihil habea-
 mus, quod cum magno emolumento insidian-
 tis eripi possit: quam minimum sit in corpore
 tuo spoliolum. Nemo ad humanum sangui-
 nem propter ipsum venit, aut admodum pau-
 ci: plures computant, quam oderunt. Nudum
 latro transmittit. Etiam in obseffa via pauperi
 pax est. Tria deinde ex præceptione veteri
 præstanda sunt, vt vitentur: Odium, Inuidia,
 Contemptus. Quomodo hoc fiat, patientia
 sola monstrabit. Difficile enim temperamen-
 tum est, verendumque ne in contemptum nos
 inuidiæ timor transferat: ne dum calcare nolu-
 mus, videamur posse calcari. Multis timendi
 attulit causas, timeri posse. Undique nos redu-
 camus: non minus contemni, quàm suspici no-
 cet. Ad Philosophiam ergo confugiendum
 est: hæc litteræ non dico apud bonos, sed apud
 mediocriter malos, infularum loco sunt. Nam
 forensis eloquentia, & quæcumq; alia populum
 mouent, aduersarium habent: hæc quieta, & sui
 negotij, contemni non potest: cui ab omnibus
 artibus, etiam apud pessimos, honor est. Nun-
 quam in tantum conualefcet nequitia, numquã
 sic contra virtutes coniurabitur, vt non philoso-
 phiæ

phianomen venerabile, & sacrum maneat?
Ceterum philosophia ipsa tranquille, modestè-
quæ tractanda est. Quid ergo? inquis, videbi-
tur tibi M. Cato modestè philosophari, qui bel-
lum ciuile sententia sua reprimat? qui furen-
tium principum armis medijs interuenit? qui
alijs Pompeium offendentibus, alijs Cæsarem,
simul accessit duos? Potest aliquis disputare, an
illo tempore capessenda fuerit sapienti respu-
blica. Quid tibi vis. M. Cato? iam non agitur
delibertate, olim pessundata est: queritur vtrum
Cæsar, an Pompeius possideat Rempublicam.
Quid tibi cum ista contentione? nullæ partes
tuæ sunt: dominus eligitur. Quid tua, vter vin-
cat? potest melior vincere, non potest non esse
peior, qui vicerit. Vltimas partes attigit Cato-
nis: sed ne priores quidem anni fuerunt, qui sa-
pientem in illam rapinam Reipublicæ admit-
terent. Quid aliud quam vociferatus est Ca-
to, & misit irritas voces, cum modò per populi
leuatus manus, & obrutus sputi, & portandus
extra forum traheretur, modo è senatu in car-
cere duceretur? Sed postea videbimus, an
sapienti opera perdenda sit: interim ad hoste
voco, qui à Republica exclusi, secesserunt ad
colendam vitam, & humano generi iura con-
denda, sine vlla potentioris offensa. Non
conturbabit sapiens publicos mores, nec popu-
lum in se vitæ nouitate conuertet. Quid er-
go? utique erit tutus, qui hoc propositum se-
quetur? Promittere tibi hoc non magis pos-
sum, quàm in homine temperante bonam va-
letudinem: tamen facit temperantia bonam
valetudinem. Perit aliqua nauis in portu: sed
tu quid accipere in medio maris credis? Quan-
to huic periculum paratius foret, multa
quis

quis negat : nocentes tamen sapius . Ars ei constat , qui per ornamenta percussus est . Denique consilium omnium rerum sapiens , non exitum spectat . Initia in potestate nostra sunt : de euentu fortuna indicat , cui de me sententiam non do . At aliquid vexationis affert , aliquid aduersi non damnatur latro , cum occidit . Nunc ad quotidianam stipem manum porrigis : aurea te stipe implebo , Et quia facta est auri mentio , accipe quemadmodum vsus , festusque eius tibi esse gravior possit . Is maximè diuitijs fruitur , qui minimè diuitijs indiget . Ede , inquis , auctorem . Vt scias quàm benigni simus , propositum est aliena laudare : Epicuri est , aut Metrodori , aut alicuius ex illa officina . Et quid interest , quis dixerit ? omnibus dixit . Qui eget diuitijs , timet pro illis : nemo autem sollicito bono fruitur . Adijcere illis aliquid studet , dum de incremento cogitat : oblitus est vsus rationes accipit , forum conterit , Kalendarium versat , fit ex domino procurator .

EPIST. XV.

Ad curam etiam corporis exercitatio spectat : sed hac laboriosa , aut occupata non esto . Facilis , & brevis sufficit . ut cursus , saltus , gestatio , vocis intentio . Clausula ab Epicuro , Ne vita in futurum feratur : presentibus acquiesce .

MOs antiquis fuit , vsque ad meam seruatus ætatem , primis epistolæ verbis adijcere : Si vales , bene est . Rectè & nos dicimus : Si philosopharis , bene est . Valere enim hoc demum est : sine hoc æger est animus . Corpus quoque etiam

etiam si magnas habet vires, non aliter, quam furiosi, aut phrenetici, validum est. Ergo hanc valetudinem præcipuè cura deindè & illam secundam: quæ non magno tibi constabit, si volueris bene valere. Stulta est enim, mi Lucili, & minimè conueniens litterato viro, occupatio exercendi lacertos, & dilatandi ceruicem, ac latera firmandi. Cùm tibi feliciter sagina cesserit, & toti creuerint: nec vires vnquam opimi bouis, nec pondus æquabis. Adijce nunc, quod maiore corporis sarcina animus eliditur, & minus agilis est. Itaque, quantum potes, circumscribe corpustuum, & animo locum laxa: multa sequuntur incommoda huic deditos curæ. Primum exercitationes, quarum labor spiritum exhaurit, & inhabilem intentioni, ac studijs acrioribus reddit: deindè, copia ciborum subtilitas animi impeditur. Accedunt pessimæ notæ mancipia in magisterium recepta, homines inter oleum, & vinum occupati: quibus ad votum dies est actus, si bene desudauerunt; si in locum eius, quod effluxit, multum potionis alius ieiuno gutture regefferunt. Bibere, & sudare, vita cardiaci est. Sunt exercitationes & faciles, & breues, quæ corpus & sine mora laxent; & temporis parcant: cuius præcipua ratio habenda est. Cursus, & cum aliquo pondere manus motæ, & saltus, vel ille, qui corpus in altum leuat, vel ille, qui in longum mittit, vel ille (vt ita dicam) saliaris, aut (vt contumelio siue dicam) fullonius. Quodlibet ex his elige, vsu fit facile. Quidquid facies, citò redi à corpore ad animum, illum diebus, ac noctibus exerce: labore medico alitur ille. Hanc exercitationem non frigus, non æstus impedit, ne senectus quidem: Id bonum cura, quod vetustate fit melius.

lius. Neq; ego te iubeo semper imminere librō,
aut pugillaribus: dandum & aliquod interuallū
animo: ita tamen, vt non resoluatur sed remitta-
tur. Gestatio & corpus concutit, & studio non
officit: possis legere, possis dictare, possis loqui,
possis audire: quorum nihil nec ambulatio qui-
dem verat fieri. Nec tu intentionem vocis
contempseris, quam veto te per gradus, & cer-
tos modos attollere, deindē deprimere: Quod
si velis deinde quemadmodum ambules disce-
re, admittes istos quos noua artificia docuit fa-
mes: erit qui gradus tuos temperet, & buccas
edēis obseruet, & in tantum procedet, in quan-
tum eius audaciam patientiæ credulitate pro-
duxeris. Quid ergo? à clamore protinus, & à
summa contentione vox tua incipiet: Vsq̃ue
adeo naturale est, paullatim incitari, vt litigan-
tes quoque à sermone incipiant, ad vociferatio-
nem transeant; nemo statim Quiritium fidem
implorat. Ergo vt cumque tibi impetus animi
suaserit, modo vehementius fac vitijs conui-
cium, modo lentius, prout vox queque te horta-
bitur & latus. Modēsta, cūm receperis illam,
reuocarique descendat, non decidat: moderato-
ris sui temperamentum habeat, nec indocto, &
rustico more desæuiat. Non enim id agitur, vt
exerceatur vox, sed vt exerceat. Detraxi tibi
non pusillum negotium: mercedulā, & munus
gratum, ad hæc beneficia accedet. Ecce insigne
præceptum. Stulti vita ingrata est, trepida est,
tota in futurum fertur. Quis hæc, inquis, di-
cit? Idem qui supra. Quam tu nunc vitam
dici existimas stultam? Babæ, & Ixionis; Non
ita est: nostra dicitur: quos cæca cupiditas in-
nocitura, certē nunquam fatiatura, præcipitat:
quibus si quid satis esse posset, fuisset, qui non

cogitamus quàm iucundum sit nihil pōscere ,
quàm magnificum sit plenum esse , nec ex for-
tuna pendere . Subinde itaque , Lucili , quam
multa sis consecutus recordare : cū adspexeris
quot te antecedant , cogita quot sequantur . Si
vis gratus esse aduersus deos , & aduersus vitam
tuam , cogita quam multos antecesseris . Quid
tibi cum ceteris : te ipse antecessisti : finem con-
stitue , quem transire ne possis quidem , si velis :
discedent aliquando ista insidiosa bona , & spe-
rantibus meliora , quam affecutis . Si quid in
illis esset solidi , aliquando & implerent : nunc
haurientium sitim concitant , imitantur specio-
sos apparatus . Quod futuri temporis incerta
fors voluit , quare potius à fortuna impetrem , vt
det , quam à me , ne petam ? Quare autem petam
oblitus fragilitatis humanæ ? Congregam ? in
quid ? laborem ? ecce hic vltimus dices , vt non sit ,
propè ab vltimo est .

EPIST. XVI.

*Philosophiam vitæ necessariam , sed illam ve-
ram , esse , quæ in factis sit , & profectu . Disponi
ab ea actiones , & consilia . Non obstare , si Fa-
tum sit , aut Fortuna sit : nam & illa docebit
Deoparere , & Fortunam , ac fortuita ad-
spernari . Clausula item ab Epicuro : Secun-
dū naturā quæ in viu. ē , diues : sperne opinionem .*

Liquere tibi hoc scio , Lucili , neminem posse
beatè viuere , ne tolerabiliter quidem , sine
sapientiæ studio ; & beatam vitam perfectā sa-
pientia effici , ceterū tolerabilem etiam inchoa-
ta . Sed hoc , quod liquet , firmandum , & altius
quotidiana meditatione figendum est . Plus ope-
ris est in eo vt proposita custodias , quam vt ho-
nesta

necta proponas. Perseuerandum est, & assiduū studio robur addendum, donec bona mens sit quod bona voluntas est. Itaque tibi apud me pluribus verbis opus non est, aut affirmatis, aut tam longis: intelligo te multum profecisse; Quæ scribis, vnde veniant scio: non sunt ficta, nec colorata. Dicam tamen quid sentiam: iam de te spem habeo, nondum fiduciam. Tu quoque idem facias volo: non est quod tibi citò, & facilè credas: excute te, & var. è s. rutare, & obserua. Illud ante omnia vide, vtrum in philosophia, an in ipsa vita profeceris. Non est philosophia populare artificium, nec ostentationi paratum; non in verbis, sed in rebus est. Nec in hoc adhibetur, vt aliqua oblectatione consumatur dies, vt dematur otio nausea: animum format, & fabricat, vitam disponit, actiones regit, agenda, & omittenda demonstrat, sedet ad gubernaculum, & per ancipitia fluctuantium dirigit cursum: sine hac nemo securus est. Innumerabilia accidunt singulis horis, quæ consilium exigunt, quod ab hac petendum est. Dicit aliquis; Quid mihi prodest philosophia, si fatum est? quid prodest, si Deus rector est? quid prodest, si casus imperat? Nam & mutari certa non possunt, & nihil preparari potest aduersus incerta; si aut consilium meum Deus occupauit, decreuitque quid facerem, aut consilio meo nil fortuna permittit. Quidquid est ex his, Lucili, vel si omnia hæc sunt, philosophandum est; siue nos inexorabili lege fata constringunt, siue arbiter Deus vniuersi cuncta disponat, sine casus res humanas sine ordine impellit, & iactat; philosophia nos rueri debet. Hæc adhortabitur, vt Deo libenter paremus, vt fortunæ contumaciter resistamus; hæc docebit vt Deum se-

qua.

quaris, feras casura. Sed non est nunc in hæc disputationem transeundum, quid sit iuris nostri, si providentia in imperio est, aut si factorum series illigatos trahit, aut si repentina, aut subita dominantur, illo nunc reuertor, ut te moneam, & exhorter, ne patiaris animum tuum delabi, & refrigerescere. Constitue illum, & contine, ut habitus fiat quod est impetus. Iam ab initio, si bene te noui, circumspexisti et quid hæc epistola munusculi attulerit: excute illam, & inuenies. Non est quod mireris animum meum: adhuc de alieno liberalis sum. Quare autem alienum dixi: quidquid bene dictum est ab ullo, meum est. Sic quoque quod ab Epicuro dictum est; Si ad naturam viues, numquam eris pauper; si ad opinionem, numquam diues. Exiguam natura desiderat, opinio immensum. Congeratur in te, quidquid multi locupletes possederunt; ultra priuatum pecuniæ modum fortuna te prouebat, auro tegar, purpura vestiatur, & eo deliciarum opumque perducatur, ut terram marioribus abscondas, & non tantum habere tibi liceat, sed calcare diuitias: accedant statuar, & picturæ, & quidquid ars vlla luxuriæ laborauit; maiora cupere ab his discas. Naturalia desideria finita sunt: ex falsa opinione nascentia, ubi desinant, non habent; nullus enim terminus falso est. Via eunti aliquid extremum est; error immensus est. Retrahere te à vanis; & cum voles scire, quod petis, utrum naturalem habent, an cæcam cupiditatem considera an possit alicubi consistere. Si longè progressio, semper aliquid longius restet; scito id naturale non esse.

EPIST. XVII.

Philosophiam autem non differendam, amplectendam omissis rebus. At pauper ero: Quid si hoc

48 L. ANNÆI SENECAE

si hoc expetendum? expeditius philosophaberis. Iam natura pauca desiderat: atque ea non deerunt. Clausula. Cui paupertas gravis, etiam opes erunt: nam vitium est in animo.

Proijce omnia ista, si sapis, imo vt sapias, & ad bonam mentem magno, cursu, ac totis viribus, tende. Si quid est quo teneris, aut expedi, aut incide. Moratur, inquis, meres familiaris: sic illam disponere volo, vt sufficere nihil agenti possit, ne aut paupertas mihi oneri sit, aut ego alicui. Cum hæc dicis, non videris vim, ac potentiam eius, de quo cogitas boni nosse: summam quidem rei peruides, quantum philosophia profit: partes autem nondum satis subtiliter dispicis: nec dum scis, quantum vbiq; nos adiuuet: quemadmodum & in maximis (vt Ciceronis vtar verbis) optituletur, & in minima descendat. Mihi crede, aduoca illam in concilium: suadebit tibi, ne ad calculos seideas. Nempè hoc quæris, & hoc ista dilatione vis consequi, ne tibi paupertas timenda sit. Quid si appetenda est: multis ad philosophandum obstitere diuitiæ: paupertas expedita est, secura est. Cum classium cecinit, scit non se peti: cum aliqua conclamatio est, quomodo exeat, non quid efferat quærit. Si nauigandum est, non perstrepunt portus, nec vnius comitatu inquieta sunt littora; non circumstat illam turba feruorum, ad quos pascendo transmarinarum regionum est optanda fertilitas. Facile est pascere paucos ventres, & bene institutos, & nihil aliud desiderantes quam impleri. Paruo fames constat magno fastidium. Pauperes contenta est desiderijs instantibus satisfacere. Quid est ergo, quare tu hanc recuses contubernalem, cuius

quos be-
nificen-
tus, ne-
tunc de-
b.

cius mores sanus diues imitatur : Si vis vacare
 animo, aut pauper sis oportet, aut pauperi simi-
 lis. Non potest studium salutare fieri sine fru-
 galitatis cura : frugalitas autem, paupertas vo-
 luntaria est. Tolle itaque istas excusationes. Quā-
 tum lat est, nondum habeo : si ad illam summam
 peruenero, tunc me totum philosophiæ dabo.
 Atqui nihil prius quam hoc parandum est :
 quod tu differs, & post cetera puras, ab hoc inci-
 piendum est. Parare, inquis, vnde viam, volo.
 Simul & parare discere. Si quid te uetat bene vi-
 uere, bene mori non vetat, Non est quod pau-
 pertas nos à philosophia reuoet, ne egestas
 quidem : toleranda est enim ad hoc properanti-
 bus vel fames, quam tolerauere quidam in ob-
 sidionibus. Et quod aliud erat illius patientiæ
 præmium, quam in arbitrium non cadere vi-
 ctoris : quanto hoc maius est, quo promittitur,
 perpetua libertas, nullius, nec hominis, nec Dei
 timor : Et quidem vel esurienti ad ista venien-
 dum est. Perpeffi sunt exercitus inopiam om-
 nium rerum, vixerunt herbarum radicibus, &
 dictu scdam tulerunt famem : hæc omnia passi
 sunt pro Regno (quo magis mireris) alieno : du-
 bitabit aliquis ferre paupertatem, vt animum
 furoribus liberet : non est ergo prius acquiren-
 dum : licet ad philosophiam etiam sine viatico
 peruenire. Ita est, cum omnia habueris, tunc &
 sapientiam habere voles. [Hæc erit vltimum vi-
 tæ instrumentum, & (vt ita dicā) additamētum.
 Tu verò, siue aliquid habes, iam philosophare :
 Vnde enim scis, an iam nimis habeas, siue nihil
 hoc prius quare, quam quidquam. At necessa-
 ria decrunt. Primum deesse non poterunt,
 quia natura nimium petit : naturæ autem
 se sapiens accommodat. Sed si necessitates

ultimæ inciderint, iamdudum exsiliæ è vita, & molestus sibi esse desinet. Si vero exiguum fuerit, & angustum, quo possit vita produci: id boni consulat, nec ultra necessaria sollicitus aut anxius, ventri, & scapulis suum reddet, & occupationes diuitum, concursationesque ad diuitias euntium, securus lætusque ridebit, ac diceret: Quid in longum ipse te differs? expectabilisne fœnoris quæsum, aut ex merce compendium, aut tabulas beati senis, cum fieri possis statim diues? Repræsentat opes sapientia: quas cui-cumque fecit superuacuas, dedit. Hæc ad alios pertinent: tu locupletibus propiores. Sæculum muta, nimis habes. Inest omni sæculo, quod fat est. Poteram hoc loco epistolam claudere, nisi te male instituissem. Reges Parthos non potest quisquam salutare sine munere: tibi valedicere non licet gratis: quid istuc? ab Epicuro mutuum sumam. Multis parasse diuitias, non finis miseriarum fuit, sed mutatio. Non hoc miror: non est enim in rebus vitium, sed in ipso animo. Illud quod paupertatem grauem fecerat, & diuitias graues fecit. Quemadmodum nihil differt, virum ægrum in ligneo lecto, an in aureo colloces: quocumque illum transtuleris, morbum suum secum transfert, sic nihil refert, virum animus æger in diuitijs, an in paupertate ponatur: malum suum, illum sequitur.

Non est auctoris aut pauperis ipse auctor, sed in ipso vitio.

EPIST. XVIII.

Sapientem in publica lascinia, temperanter se gerere; & aut nihil aut parum ex moribus liberare. Quomodocumque; utile esse, certis diebus abstinere, parcere, pauperes adsimulare. Præexercitatio est ad ven-

ram inopiam, si ea venis. Clausula ab Epicuro: Ira infania affidet.

December est mensis, cum maxime ciuitas desudat. In luxuriæ publicæ datum est: ingenti apparatu sonant omnia: tanquam quidquam inter Saturnalia intersit, & dies rerum agendarum. Adeo nihil interest, ut non videatur mihi errasse, qui dixit, olim mensem Decembrem fuisse, nunc annum. Si te hic haberem, libenter tecum conferrem quid existimares esse faciendum, utrum nihil ex quotidiana consuetudine mouendum, an, ne dissidere videremur cum publicis moribus, & hilarius carnandum, & exuendam togam. Nam quod fieri nisi in tumultu, & tristi tempore ciuitatis non solebat, voluptatis causa ac festorum dierum vestem mutauimus. Si te bene noui, arbitri partibus functus, nec per omnia nos similes esse pileatæ turbæ voluisses, nec per omnia dissimiles: nisi forte his maxime diebus animo temperandum est, ut tunc voluptatibus solus abstineat, cum in illas omnis turba procubuit. Certissimum argumentum infirmitatis suæ capit, si ad blanda, & in luxuriam trahentia nec it, nec abducitur. Hoc multo fortius est, ebrio ac vomitante populo, siccum ac sobrium esse: illud temperatius, non excerpere se, nec insigniri, nec misceri omnibus: & eadem, sed non eodem modo, facere. Licet enim sine luxuria agere festum diepi. Ceterum adeo mihi placeat tentare animi tui firmitatem, ut ex præcepto magnorum virorum tibi quoque precipiam: interponas aliquot dies, quibus contentus animo ac vilissimo cibo, dura atque horrida veste, dicas tibi: hoc est quod timebatur?

In ipsa securitate animus ad difficilia se præparet, & contra iniurias fortunæ inter beneficia firmetur. Miles in media pace decurrit sine vllō hoste, vallum iacit, & superuacuo labore lassatur, vt sufficere necessario possit. Quem in ipsa re trepidare nolueris, ante rem exerce. Hoc secuti sunt, qui omnibus mensibus paupertatem imitati, propè ad inopiā accesserunt: ne vnquam expauescerent, quod sæpè didicissent. Non est nunc quod existimes me ducere te ad modicas canas, & pauperum cellas, & quidquid aliud est per quod luxuria duitiarum tædio ludit. Gratus ille verus sit, & sagum, & panis durus, ac fordidos. Hoc triduo, & quattriduo fer, interdum pluribus diebus: vt non lusus sit, sed experimentum. Tunc mihi crede, Lucili, exultabis, dupondio satur, & intelliges ad saturitatem non opus esse fortuna: hoc enim, quod necessitati sat est, debet etiam irata. Non est tamen quare tu multum tibi facere videaris: facies enim quod multa millia seruatorum, multa millia pauperum faciunt. Illo nomine te suspice, quod facies non coactus. Tam facile erit tibi illud pati semper, quam aliquando experiri. Exerceamus ad palum: & ne imparatos fortuna deprehendat, fiat nobis paupertas familiaris. Securius diuites erimus, si scierimus quàm non sit graue pauperes esse. Certos habebat dies ille magister voluptatis Epicurus, quibus malignè famem exstingueret: visurus an aliquid deesset ex plena, & consummata voluptate, vel quantum deesset, & an digni, quod quis magno labore pensare: hoc ceterè in his epistolis ait, quas scripsit, Chariro magistratu, ad Polyannu. Et quidem gloriatur, non toto esse se pascit Metrodorum, qui nondum tantum profecerit, toto. In hoc n. vi.

Et tu saturitatem putas esse ? Et voluptas est .
 Voluptas autem , non illa levis , & fugax , & sur-
 binde reficienda , sed stabilis , & certa . Non enim
 incunda res est aqua , & polenta , aut frustum
 hordeacci panis : sed summa voluptas est , posse
 capere etiam ex his voluptatem , & ad id se re-
 duxisse , quod eripere nulla fortunæ iniquitas
 possit . Liberaliora sunt alimenta carceris : se-
 positos ad capitale supplicium , non tam angus-
 tæ , qui occisurus est , pascit . Quanta est animi
 magnitudo , ad id sua sponte descendere , quod
 nec ad extrema quidem decretis timendum sit ?
 hoc est præoccupare tela fortunæ . Incipe ergo ,
 mi Lucili , sequi horum consuetudinem , & ali-
 quos dies destina , quibus secedas à tuis rebus
 minimoque te facias familiarem . Incipe cum
 paupertate habere commercium .

*Ande hospes contemnere opes , & te quoq; dignu
 Pinge Deo .*

Nemo alius est Deo dignus , quam qui opes cō-
 tempsit : quarū possessione tibi nō interdico : sed
 efficere volo , ut illas intrepide possideas : quod v-
 nō consequeris modo , si te etiam sine illis beatē
 victurū persuaseris tibi : si illas tamquam exituras
 semper adspexeris . Sed iam incipiamus episto-
 lam complicare . Prius , inquis , redde quod debes :
 Delegabo tibi Epicurum : ab illo fiet numeratio .
 Immodica ira gignit insaniam . Hoc quā v-
 rū sit necesse est scias , cū habueris & seruum
 & inimicum . In omnes personas hic exardescit
 affectus : tam ex amore nascitur , quam ex odio :
 non minus inter seria , quā inter lusus , & iocos .
 Nec interest , ex quā magna causa nascatur , sed
 in qualē perueniat animum . Sic ignis non refert

quam magnus, sed quo incidat: nam etiam maximum solida non receperunt: rursus arida, & corripit facilia, scintillam quoque fouent usque incendium. Ita est, mi Lucili, ingentis iræ exitus, furor est: & ideo ira vitanda est, non moderationis causa, sed sanitatis.

EPIST. XIX.

Mittendas aut abiiciendas occupationes, & otium capitandum, sed otium, non latebras. Monet ab aula, & splendore abire; quæ tumultus, & fluctus suos habet. Clausula ab eodem magistro: Vide quibus cum mensa communices.

EXsulro quotiens epistolas tuas accipio; implent enim me bona spe: iam non promittunt de te, sed spondent. Ita fac oro, atque obsecro: quid enim habeo melius, quod ancicum rogem, quam quod pro ipso rogaturus sum? si potes, subduc te istis occupationibus: si minus, eripe. Satis multum temporis sparsimus, incipiamus in senectute vasa colligere. Nunquid inuidiosum est? in fratre proximis, moriamur in portu. Neque ego suaserim tibi nomen ex otio petere, quod nec iactare debes, nec abscondere. Numquam enim usque eote abigam, generis humani furore damnato: ut latebram tibi aliquam parari, & obliuionem velim, id age, ut otium tuum non emineat, sed appareat. Deinde videbunt de isto, quibus integra sunt, & prima consilia: an velint vitam per obscurum transmittere, tibi liberum non est. In medium te protulit ingenij vigor, scriptorum elegantia, claræ, & nobiles amicitia. Tanta notitia te inuasit, ut in extrema mer-

mergaris, ac penitus condaris, tamen priora te monstrabunt, tenebras habere non potes: sequetur pristinae lucis multum, quocumque surgeris. Quietem potes vindicare, sine ullius odio, sine desiderio, aut morsu animi tui. Quid enim relinques quod inuitus relictum à te possis cogitare? clientes? quorum nemo te ipsum sequitur, sed aliquid ex te. Amicos? olim amicitia petebatur, nunc praeda. Mutabunt testamenta destituti senes; migrabit ad aliud limen saluator: non potest paruo res magno constare. Æstima vtrum te relinquere, an aliquid ex tuis malis. Vtinam tibi quidem senescere contigisset intra natalium tuorum modum, nec te in altum fortuna misisset? Tulit te longè à conspectu vitæ salubris rapida felicitas, prouincia, & procuratio, & quidquid ab istis promittitur: maiora deinde officia te excipient, & ex alijs alia. Qui exitus erit? quid exspectas, donec desinas? habere, quod cupias? Numquam erit tempus. Qualem dicimus esse seriem causarum, ex quibus nectitur fatum, talem, & cupiditatum: altera ex fine alterius nascitur. In eam demissus es vitam, quæ nunquam tibi miseriarum terminum ac seruitutis ipsa factura sit. Subduc ceruicem iugo tritam, semel illam incidi, quam semper premi, satius est. Si te ad priuata retuleris, mora, erunt omnia, sed affatim implebunt: at nunc plurima, & vndique ingesta non satiant. Vtrum autem maioris, ex inopia saturitatem, an in copia famem? Et auda felicitas est, & alienæ auiditati exposita. Quamdiu tibi satis nihil fuerit, ipse alijs non eris. Quomodo, inquis, exhibeo? vtrumque Cogita quam multa temerè pro pecunia, quam multa laboriosè pro honore tentaueris: ali-

quid, & pro otio audendum est, aut in ista solitudine procurationum, & deinde urbanorum officiorum, senescendum in tumultu, ac semper nouis fluctibus, quos effugere nulla modestia, nulla vitæ quiete contingit. Quid enim ad rem pertinet, an tu quiescere velis? fortuna tua non vult. Quid si illi etiam nunc permiseris crescere? quantum ad successum accesserit, accedet ad metum. Volo tibi hoc loco referre dictum Mæcenatis, vera in ipso eculeo docuit. Ipsa enim multitudo attonat summa. Si quæris, in quo libro dixerit: in eo, qui Prometheus inscribitur: hoc voluit dicere, attonita habet summa. Est ergo tanti vlla potentia, vt sit tibi tam ebrius sermo; ingeniosus vir ille fuit magnum exemplum Romanæ eloquentiæ daturus, nisi illum enervasset felicitas, imo castrasset. Hic te exitus manet, nisi iam contrahas vela, nisi (quod ille sero voluit) terram leges. Poterana tecum & hac Mæcenatis sententia partem facere rationem: sed mouebis mihi controuersiam, si te noui, nec voles quod debeo, nisi in aspero, & probo accipere. Vt se res habet, ab Epicuro versura facienda est. Ante, inquit, circumspiciendum est, cum quibus edas, & bibas, quam quid edas, & bibas. Nam sine amico visceratio, leonis ac lupi vita est. Hoc non continget tibi, nisi feceris: alioquin habebis conuiuas, quos ex turba saluantium nomenclator digesserit. Errat autem qui amicum in atrio quærit, in conuiuio probat. Nullum habet maius malum occupatus homo, & bonis suis obsessus, quam quod amicos sibi putat, quibus ipse non est: quod beneficia sua efficacia iudicat ad conciliandos amicos, cum quidam quo plus debent, magis oderint. Leue æs alienum debitorum

fa-

lyitur alibi et attonat summa.

facit, graue inimicum. Quid ergo; beneficia non parant amicitias: parant, si accepturos licuit eligere; si collata, non sparsa sunt. Itaque dum incipis esse mentis tuæ, interim hoc consilio sapientum vtere, vt magis ad rem æxistime pertinere, quis, quam quid acceperit.

EPIST. XX.

Philosophiam in factis, non verbis esse, itaque ad illa cundum. Et constanter eundem, nam sapientia, est conuenientia, & tenor vnus voluntatum, ac vitæ. Paupertas etiam non timenda, & diuitiæ, si assint, non amandæ. Iterum monitio, pauperem certis diebus agere, & imitari.

Si vales; & te dignum putas qui aliquando fias tuus, gaudeo: mea enim gloria erit, si te istinc vbi sine spe excundi fluctuaris, extraxero. Illud autem, mi Lueili, te rogo, atque hortor, vt philosophiam in præcordia ima demittas, & experimentum tui profectus capias, non oratione, nec scripto: sed animi firmitate, & cupiditatum diminutione. Verba rebus proba. Aliud propositum est declamantibus, & assensionem coronæ captantibus, aliud his, qui iuuenum, & otiosorum aures disputatione varia, aut volubili detineant. Facere docet philosophia, non dicere: & hoc exigit, vt ad legem suam quisque viuât, ne orationi vita dissentiat, vt ipsa inter se vita vnus, sine actionum dissensione, coloris sit. Maximum hoc est & officium sapientiæ, & iudicium, vt verbis opera, concordent, vt ipse vbique par sibi, idemque sit.

Quis hoc præstabit; pauci, aliqui tamen. Est difficile hoc: nec dico sapientem semper vno iturum gradu, sed vna via. Obserua itaque numquid vestis tua, domusque dissentiant: numquid in te liberalis sis, in tuos sordidus: numquid cenes frugaliter, ædifices luxuriosè. Vnam semel, ad quam vi vas, regulam prende, & ad hanc omnem vitam tuam exequa. Quidam se domi contrahunt, dilatant foris, & extendunt. Vitium est hæc diuersitas, & signum vacillantis animi, ac nondum habentis tenorem suum. Etiamnum dicam vnde sit ista inconstantia, & dissimilitudo rerum, consiliorumque. Nemo proponit sibi quid velit, nec si proposuit, perseverat in eo, sed transilit: nec tantum mutat, sed redit, & in ea, quæ deseruit, ac damnauit, reuoluitur. Itaque vt relinquam definitiones sapientiæ veteres, & totum complectar humanæ vitæ modum, hæc possum contentus esse: Quid est sapientia? Semper idem velle, atque idem nolle. Licet illam experiunculam non adijcias, vt rectum sit quod velis. Non potest cuiquam semper idem placere, nisi rectum. Nesciunt ergo homines quid velint, nisi illo momento, quo volunt: in totum, nulli velle, aut nolle decretum est. Variatur quotidie iudicium, & in contrarium vertitur: ac plerisque agitur vita per lulum. Preme ergo quod capisti, & fortasse perducere aut ad summum, aut eo quod summum nondum esse solus intelligas. Quid fiet, inquis, huic turbæ familiari? Turba ista cum a te pasci desierit, ipsa se pascet: aut quod tu beneficio tuo non potes scire, paupertatis scies. Illa veros, certosque amicos retinebit: discedet quisquis non te, sed aliud sequebatur. Non est autem vel ob hoc vnum amanda paupertas, quod, a quibus amaris,

*Hoc est
origo
hunc
sapientia
affectus
gaudium
aqualitas
Ep: 59
Pascit
aqualitas
in vobis
aqualitas
vultus in lingua
non. Cic. B. 1. 1.*

EPISTOLÆ.

ris, ostendit, O quando ille veniet dies, quo ne-
mo in honorem tuum mentiat? Huc ergo
cogitationes tuæ tendant, hoc cura; hoc opta;
omnia alia vota Deo remissurus, ut contentus
sit temetipso, & ex te nascentibus bonis. Quæ
potest esse felicitas Deo prior; Redige te ad
parua, ex quibus cadere non possis: idque ut liben-
tius facias, ad hoc pertinebit tributum epistole
huius, quod statim conferam. Inuideas licet:
etiam nunc libenter pro me dependet Epicu-
rus. Magnificentior (mihi crede) sermo tuus
in grabato videbitur, & in panno: non enim di-
centur tantum illa, sed probabuntur: Ego certè
aliter audio quæ dicit Demetrius noster, cum
illum vidi nudum quanto minus, quam stramē-
tis incubantem, non præceptor verè, sed testis
est. Quid ergo? non licet diuitias in sinu positas
contemnere? Quid ni liceat? & ille ingentis
animi est, qui illas circumfusas sibi multum,
vinque miratus, quod ad se venerint, ridet, suasque
audit magis esse, quam sentit. Multum est, non
corrupti diuitiarum contubernio. Magnus
ille, qui in diuitijs pauper est: sed securior, qui
caret diuitijs. Nescio, inquis, quomodo iste
paupertatem laturus sit, si in illam inciderit.
Nec ego Epicuri angelus scio, an pauper iste
contempturus sit diuitias, si in illas inciderit.
Itaque in utroque mens æstimanda est, inspicien-
dumque an ille paupertati indulgeat, an hic diui-
tiji non indulgeat. Alioquin leue argumen-
tum est bonæ voluntatis grabatus, aut panis,
nisi apparuit aliquem illa non necessitate pati
sed malle. Ceterum magnæ indolis est ad ista
non properare tamquam ad meliora, sed præpa-
rari tamquam ad facilia. Et sunt, Lucili, facilia:
cum vero multo ante meditatus accesseris, iu-

cunda quoque. Inest enim illis, sine qua nihil est iucundum, securitas. Necessarium ergo iudico id quod tibi scripsi magnos viros sæpè fecisse, aliquos dies interponere, quibus nos imaginaria paupertate exerceamus ad veram: quòd eo magis faciendum est, quòd delicijs perma- duimus, & omnia, dura, ac difficilia iudicamus. Potius excitandus è somno, & vellicandus est animus, admonendusque naturam nobis mini- mum constituisse. Nemo nascitur dives quisquis exit in lucem, iussus est lacte, & panno esse con- tentus: ab his initijs nos regna non capiunt.

EPIST. XXI.

*Verum splendorem à Philosophia non ab ho-
noribus, aut titulis esse. Dare illam no-
men mansurum, & famam, habenti; &
adherenti quoque Emblemata ab Epicuro:
Ut divitias augeas, cupiditates minue.*

CVM istis negotium tibi esse iudicas, de quibus scripseras: maximum negotium tecum habes: tu tibi molestus es. Quid velis, nescis: melius probas honesta, quàm sequeris: Vides vbi sit posita felicitas, sed ad illam pervenire non audes. Quid sit autem, quòd te impediat, quia parum ipse dispicis, dicam. Magna hæc esse existimas, quæ relicturus es: & cum proposuisti tibi illam securitatē, ad quàm transiturus es, retinet te furus vitæ, à qua recessurus es, fulgor, tamquàm in sordida, & obscura casurum. Erras, Lucilli: ex hac vita ad illam ascenditur. Quòd interest inter splendorem, & lucem, cum hæc beatam originem habeat, ac suam, ille niteat alieno: hoc inter hanc vitam, & illam. Hæc, quia fulgore ex-
trina

transcetus veniente percussa est, crassam illi statim umbram faciet quisquis obstiterit: illa suo lumine illustris est. Studia te tua clarum, & nobilem efficient. Exemplum Epicuri referam: cum Idomeneo scriberet, & illum à vita speciosa ad fidelem, stabilemque gloriam reuocaret, rigidae tunc potentiae ministrum, & magna tractantem; Si gloria, inquit, tangeris, notio rem te epistolæ meæ facient, quàm omnia ista, quæ collis, & propter quæ coleris. Numquid ergo mentitus est? quis Idomenea nosset, nisi Epicurus illū suis litteris incidisset? Omnes illos Megistanas, & Satrapas, & Regem ipsum, ex quo Idomenei titulus petebatur, obliuio alta suppressit. Nomen Attici perire Ciceronis epistolæ non sinunt: nihil ille profuisset gener Agrippa, & Tiberius progener, & Drusus Cæsar pronepos: inter tam magna nomina taceretur, nisi Cicero illum applicuisset. Profunda supra nos akitudo temporis veniet, pauca ingenia caput exserent, & in idem quandoque silentium abitura obliuioni resistēt, ac se diu vindicabunt. Quod Epicurus amico suo potuit promittere, hoc tibi promitto, Lucili. Habebo apud posteros gratiam, possum mecum duratura nomina educere; Virgilius noster duobus memoriam aeternam promisit, & præstat:

*Fortunati ambo si quid mea carmina possint;
Nulla dies umquam memori vox eximet augur:
Dum domus Aeneæ Capitoli immobile saxum:
Accolet, imperiumq; pater Romanus habebit.*

Quoscumque in medium fortuna protulit, quicumque membra, ac partes alienæ potentie fuerant, horum gratia viguit, domus frequentata est, dum ipsi steterunt: post ipsos cito memoria defecit. Ingeniorum crescit dignatio: nec ip-

sistantum honor habetur, sed quidquid illorū memoriæ adhæsit, excipitur. Ne gratis Idomeneus in epistolam meam venerit, ipse eam de suo redimet. Ad hunc Epicurus illam nobilem sententiam scripsit, qua hortatur, ut Pythoclea locupletem non publica, nec ancipiti via faciat. Si vis, inquit, Pythoclea diuitem facere, non pecuniæ adijciendum, sed cupiditatibus detrahendum est. Et apertior ista sententia est, quam ut interpretanda sit, & disertior, quam ut adiuuanda. Hoc vnum te admoneo, ne istud tantum existimes de diuitijs dictum: quocumque transtuleris, idem poterit. Si vis Pythoclea honestum facere, non honoribus adijciendum est, sed cupiditatibus detrahendum. Si vis Pythoclea esse in perpetua voluptate, non voluptatibus adijciendum est, sed cupiditatibus detrahendum. Si vis Pythoclea senem facere, & implere vitam, non annis adijciendum est, sed cupiditatibus detrahendum. Has voces non est quod Epicuri esse iudices; publicæ sunt. Quod fieri in senatu solet: faciendum ego in philosophia quoque existimo: cum censuit aliquis, quod ex parte mihi placeat: iubeo illum diuidere sententiam, & sequor. Eo libentius Epicuri egregia dicta commemoro, ut istis, qui ad illa confugient, spe mala inducti, qui velamentum seipsum suorum vitiorum habituros existimant, probem, quocumque ierint, honeste esse viuendum. Cum adierint hos hortulos, & inscriptum hortulis, Hospes hic bene manebis, hic summum bonum voluptas est: paratus erit istus domicilij custos, hospitalis, humanus, & te polenta excipiet, & aquam quoque largè ministrabit, & dicet: Ecquid bene acceptus es? Non irritant inquam, hortuli famem, sed extinguunt:

guunt: nec maiorem ipsis potionibus sitim faciunt, sed naturali, & gratuito remedio sedcant. In hac voluptate consenui: de his tecum desiderijs loquor, quæ consolationem non recipiunt, quibus dandum est aliquid ut desinant. Nam de illis extraordinarijs quæ licet differre, licet castigare, & opprimere, hoc vnum commonefaciam: Ista voluptas naturalis est, non necessaria: huic nihil debes: si quid impendis, voluntarium est. Venter præcepta non audit, poscit, appellat: est tamen molestus creditor, paruo dimittitur: si modò das illi quod debes, non quod potes.

EPIST. XXII.

Fortiter exeundum esse ab occupationibus, & soluendos laqueos aut rumpendos. Sed tamen opportunitas, & ὕψιστος expectetur: nec elabatur. Spernit deinde, & abiicit splendores istos falsos. Tum ab Epicuro sententia; Omnes exire pueros e vita; id est, verie eius ignaros.

IAm intelligas educendum esse te ex istis occupationibus speciosis & malis: sed quomodo id consequi possis, quæris. Quædam non nitra præsentem monstrantur. Non potest medicus per epistolas cibi, aut balnei tempus eligere: vena tangenda est. Vetus prouerbiū est, Gladiatorem in arena capere consiliū. Aliquid aduersarij vitus, aliquid manus mota, aliquid ipsa inflexio corporis, intuentem monet. Quid fieri soseat, quid oporteat, in vniuersum & mandari potest, & scribi: tale consiliū non tantum absentibus, sed etiam posteris datur: illud alterum quando fieri debeat, aut

nunc, & Stoicam sententiam quæris: non est, quod quisquam illos apud te temeritatis infamet: cauriore quàm sortiores sunt. Exspectas forsitan, ut tibi hæc dicantur? Turpe est cedere oneri: luctare cum officio, quod semel recepisti. Non est vir fortis, & strenuus, qui laborem fugit: verum ibi crescit illi animus, ipsa rerum difficultate. Dicentur tibi ista, si operæ pretium habebit perseverantia, si nihil indignum bono viro faciendum patiendumue erit: alioquin sordido se, & contumeliosum labore non conteret, nec in negotiis erit negotij causa. Ne illud quidem, quod existimas eum facturum, faciet, ut ambitiosis rebus implicatus, earum semper æstus ferat. Sed cum uiderit brevia in quibus volutatur, incerta ancipitia: reptet pedem, nec vertet terga sed sensim recedet in tutum. Facile est autem, mi Lucili, occupationes euadere, si occupationum pretia contempseris: illa sunt, quæ nos morantur, & detinent. Quid ergo? tam longas spes relinquam; ab ipsa messe discedam: nudum erit latus: incommittata lectica: atrium uacuum; Ab his ergo inuiti homines recedunt, & mercedem miseriarum amant, ipsas execrantur. Sic de ambitione, quomodo de amica queruntur: id est, si verum affectum eorum inspicias, non oderunt, sed litigant. Excute istos, qui quæ cupiere, deplorant, & de earum rerum loquuntur fuga, quibus carere non possunt: uidebis voluntariam esse illis in commorant, quod ægrè ferre ipsos & misere loquuntur. Ita est mi Lucili, paucos seruitus, plures seruitutem tenent. Sed si deponere illam in animo est, & libertas bona fide placuit: in hoc autem unum aduocationem petis, ut sine perpetua sollicitudine id tibi facere

con-

contingat: quid ni te tota cohors Stoicorum probatura sit: Omnes Zenones, & Cryssippi moderata, & honesta, & vera suadebunt. Sed si propter hoc tergiversaris, ut circumspicias, quantum feras tecum, & quam magna pecunia instruas otium: nunquam exitum inuenies. Nemo cum sarcinis enatat. Emerge ad meliorem vitam, propitius Dijs: sed non sic, quomodo istis propitij sunt, quibus bono, ac benigno vultu mala magnifica tribuerunt: hoc vno excusati, quod ista, quæ vrant, quæ excruciant, optantibus data sunt. Iam imprimebam epistolæ signum: resoluenda est, ut cum solenni ad te munusculo veniat, & aliquam magnificam vocem secum ferat: & ecce occurrit mihi nescio: utrum verior, an eloquentior, cuius? inquis. Epicuri: adhuc enim alienas sarcinas adorno. Nemo non ita exit è vita, tanquam modo intrauerit. Quemcumque vis occupa, adolescentem senem, medium: inuenies æquè timidum mortis, æquè inscium vitæ: nemo quidquam habet facti: in futurum enim nostra distulimus. Nihil me magis in ista voce delectat, quam quod exprobat senibus infantia. Nemo, inquit aliter, quam quomodo natus est, exit è vita. Falsum est, peiores morimur, quam nascimur. Nostrum istud, non naturæ vitium est. Illa de nobis conqueri debet, & dicere: Quid hoc est, sine cupiditatibus vos genui, sine timoribus, sine superstitione, sine perfidia, ceterisque pestibus: quales intrastris, exite. Percepit sapientiam, si quistam securus moritur, quam nascitur. Nunc verò trepidamus, cum periculum accessit: non animus nobis, non color constat, lacrimæ nihil profuturæ cadunt. Quid est turpius, quam in ipso limine securitatis esse solitium?

Causa

*Myra
quidam
philosophi
queritis!*

Causa autem hæc est quod inanes omnium bonorum sumus, quorum in fine vitæ desiderio laboramus. Non enim apud nos pars eius vlla subsedit: transmissa est, & effluxit. Nemo quàm bene viuat, sed quàm diu, curat: cum omnibus possit contingere, ut bene viuaut; ut diu, nulli.

EPIST. XXIII.

Monet verum gaudium querere; quod illud: seuerum; & ex vero Bono natum. Reliqua fallacia, & fugacia sunt, hoc solidum, & firmum, quia in solido situm, & animo, optima nostri parte. Uno verbo, positum est in Conscientia. Epicuri deinde dictum; Turpe, & molestum, vitam semper inchoare, & inconstantes damnans.

PUtas me tibi scripturum, quam humanè nobiscum hiems egerit, quæ & remissa fuit, & brevis: quam malignum ver sit, quam præposterum frigus, & alias ineptias verba querentium. Ego verò aliquid, quod & mihi, & tibi prodesse possit scribam: Quid autem id erit, nisi ut te exhorter ad bonam mentem? Huius fundamentum quod sit, quaeris: ne gaudeas vanis. Fundamentum hoc esse dixi: culmen est. Ad summa peruenit, qui scit quo gaudeat, qui felicitatem suam in aliena potestate non posuit. Sollicitus est, & incertus sui, quem spes aliqua proritat: licet ad manum sit, licet non ex difficili petatur, licet illum nunquam sperata deceperint. Hoc ante omnia fac, mi Luculi, desce gaudere. Existimas me nunc detrahere tibi multas voluptates, qui fortuita submoueo,

qui

qui spes, dulcissima oblectamenta, deuitandas existimo: imo contra: nolo tibi vñquam deesse lætitiā: volo illam tibi domi nasci: nascetur, si modo intra te ipsum sit. Ceteræ hilaritates non implent pectus: sed frontem remittunt, leues sunt: nisi forte tu iudicas illum gaudere qui ridet. Animus debet esse alacer, & fidens, & super omnia erectus. Mihi crede res seuera est verum gaudium. An tu existimas quemquam soluto vultu, & vt isti delicati loquuntur, hilari oculo mortem contemnere? paupertati domum aperire: voluptates tenere sub fræno? meditari dolorum patientiam? Hæc qui apud se versat, in magno gaudio est, sed parum blando. In huius gaudij possessione esse te volo: nunquam deficiet, cum semel vñdè petatur inueneris. Lenium metallorum fructus in summo est: illa opulentissima sunt, quorum in alto latet vena, assidue plenius responsura fodienti. Hæc quibus delectatur vulgus, tenuem habent ac perfusoriam voluptatem: & quodcumque inueticium gaudium est, fundamento caret. Hoc de quo loquor, ad quod te conor perducere, solidum est, & quod plus pateat introrsus. Fac oro te, Lucili carissime, quod vñum potest te præstare felicem: desijce, & conculca ista quæ extrinsecus splendent, quæ tibi promittuntur ab alio: ad verum bonum specta, & de tuo gaude. Quid est autem hoc? de te ipso, & tui optima parte. Corpusculum quoque, etiam si nihil fieri sine illo potest, magis necessariam rem crede, quam magnam. Vanas suggerit voluptates, breues, pœnitendas, ac nisi magna moderatione temperentur, in contrarium abiuras. Ita dico, in præcipiti est voluptas, ad dolorem vergit, nisi modum teneat, modum

*Celestia
Semper
Spectata
humana
continuis
Cic: tam
Respicite*

*autem
Cicili patitur, si in iudicio, vultu, & aliquando
vnderinque viliis mirari. Breth: & Cons: & H. B.*

autem tenere in eo difficile est, quod bonum esse credideris. Veri boni auiditas, tuta est. Quid sit istud, interrogas, aut vnde subeat? dicam ex bona conscientia, & honestis consilijs, ex rectis actionibus, ex contemptu fortuitarum, ex placido vitæ, & continuo tenore vnam prementis viam. Nam illi qui ex alijs propositis in alia transfiliunt, aut ne transfiliunt quidem sed casu quodam transmittuntur, quomodo habere quidquam certum mansurumque possunt, suspensi, & vagi? Pauci sunt, qui consilio se, suaque disponant: ceteri eorum more quæ fluminibus innatant, non eunt, sed feruntur. Ex quibus alia senior vnda detinuit, ac mollius vexit; alia vehementior rapuit; alia proximè ripam, cursu languesciente deposuit; alia torrens impetus eiecit in mare. Ideo constituendum est, quid velimus, & in eo perseverandum. Hic est locus soluendi aris alieni. Possum enim vocem tibi Epicuri tui reddere, & hanc epistolam liberare. Molestum est, semper vitam inchoare aut si hoc modo magis sensus potest exprimi: *Masè viuunt qui semper viuere incipiunt.* Quare, inquis? desiderat enim explanationem ista, *vox.* Quia semper illis imperfecta vita est, non potest autem stare paratus ad mortem, qui modo incipit viuere. Id agendum est, vt satis viuerimus: nemo hoc putat, qui orditur cum maxime vitam. Non est quod existimes, paucos esse hos, propemodum omnes sunt. Quidam viuere tunc incipiunt, cum desinendum est, si hoc iudicas. Mirum, adijciam quod magis admireris: quidam ante viuere defecerunt, quam inciperent.

Vita? Inchoare? Non?

E P I S T. XXIV.

Epistola inter bonas, pulchrasque. Hortatur non timere ventura, & si minentur, imo proponere ventura & sic se formare, examinando aut eleuando. Quid omnes isti metus sunt? ultimus eorum mors est: & aratione contemne. Magni viri fecerunt, è plebe, & seruitiis fecerunt, cur tu non adspires? Deme personam rebus, quod times, dolor est, quem muliercula in puerperio tulit. Denique in hæc natus es, iactari, dolore, mori, agnosce sortem. Tamen (Epituri præcepto) nec opta mortem, nec time.

Sollicitum te esse scribis de iudicii euentu, quod tibi furor inimici denuntiat, & existimas me suaturum ut meliora tibi ipsi proponas, & acquiescas spei blandæ. Quid enim necesse est mala arcessere, & satis cito patienda cum venerint, presumere, ac præsens tempus futuri metu perdere? Est sine dubio stultum, quia quandoque sis futurus miser, esse iam miserum: sed ego alia te ad securitatem via ducam. Si vis omnem sollicitudinem exuere, quidquid ueris ne eueniat, euenturum utique propone; & quodcumque illud est malum, tecum ipse metire, ac timorem tuum taxa, intelliges profecto, aut non magnum, aut non longum esse, quod metuis, hæc diu exempla, quibus confirmeris, colligenda sunt: omnis illa ætas audit. In quamcumque partem rerum, vel exitium, vel externarum, memoriam miseris; occurrent tibi ingenia, aut profectus, aut impetus magni. Nunquid accidere tibi si damneris potest durius,

rius, quam ut mittaris in exilium: ut ducas in
 in carcerem: nunquid ultra quidquam timen-
 dum est ulli, quam ut vratur; quam ut pereat?
 Singula ista constitue, & contemptores eorum
 cita, qui non quærendi, sed eligendi sunt. Dam-
 nationem suam Rutilius sic tulit, tanquam ni-
 hil illi molestum esset aliud, quam quod malè
 iudicaretur. Exilium Metellus fortiter tulit,
 Rutilius etiam libenter: alter, ut rediret. Reipub.
 præstitit. alter reditum suum Sullæ ne-
 gavit, cui nihil tunc negabatur. In carcere So-
 crates disputavit, & exire (cùm essent qui pro-
 mitterent fugam) noluit: remansitque, ut duo-
 rum rerum grauissimarum hominibus metum
 demeret, mortis, & carceris. Mucius ignibus
 manum imposuit. Acerbum est vri: quanto
 acerbius si id te faciente patiaris? Vides homi-
 nem non eruditum, nec ullis præceptis contra
 mortem aut dolorem subornatum, militari
 tantum robore instructum, pœnas à se irriti co-
 natus ex gentem: spectator distillantis in ho-
 stili focolo dextræ stetit, nec ante remouit nu-
 dis oslibus fluentem manum, quam ignis ista
 ab hoste subductus est. Facere aliquid in illis
 castris felicius potuit, nihil fortius. Vide quan-
 to acrior sit ad occupanda pericula virtus,
 quam crudelitas ad irroganda. Facillius Por-
 sena Mucio ignouit, quod voluerat occidere:
 quam sibi Mucius, quod non occiderit. De-
 cantatæ inquis, omnibus scholis fabulæ istæ
 sunt: iam mihi, cum ad contemnendam mor-
 tem ventum fuerit. Catonem narrabis: Quid
 ni ego narrem, vltima illa nocte Platonis di-
 brum legentem, posito ad caput gladio: duo
 hæc in rebus extremis instrumenta prospex-
 rat, alterum ut vellet mori, alterum ut posset,

Com-

Compositis ergo rebus , utcumque componi
 fractæ atque ultimæ poterant , id agendum exi-
 stimavit , ne cui Catonem aut occidere liceret,
 aut servare contingeret , & stricto gladio , quem
 usque in illum diem ab omni cæde purū serva-
 verat : Nihil , inquit , egisti , fortuna , omnibus
 conatibus meis obstando , non pro mea adhuc,
 sed pro patriæ libertate pugnavi : nec agebam
 tanta pertinacia , ut liber , sed ut inter liberos
 viverem : nunc quoniam deploratæ sunt res ge-
 neris humani , Cato deducatur in tutum . Im-
 pressit deinde mortiferum corpori vulnus , quo
 obligato à medicis , cum minus sanguinis ha-
 beret , minus virium , animi idem , iam non
 tantum Cæsari , sed sibi iratus , nudas in vulnus
 manus egit , generosum illum , contempto-
 remque omnis potentæ spiritum non emisit ,
 sed eiecit . Non in hoc exempla hæc nunc con-
 gero , ut ingenium exerceam , sed ut te aduersus
 id quod maximè terribile videtur , exhorter .
 Facilius autem exhortabor , si ostendero , non
 tantum fortes viros hoc momentum efflandæ
 animæ contempsisse : sed quosdam ad alia igna-
 uos , in hac re exæquasse animum fortissimo-
 rum , sicut illum Cn. Pompeij socerum Scipio-
 nem , qui contrario in Africam vento relatus ,
 cum teneri nauem suam videret ab hostibus ,
 ferro se transuerberavit , & quærentibus ubi
 Imperator esset : Imperator , inquit , bene se ha-
 bet . Vox hæc illum parem maioribus fecit , &
 fatalem Scipionibus in Africa gloriam non est
 interrumpi passa . Multum fuit Charthaginem
 vincere , sed amplius mortem . Imperator , in-
 quit ; bene se habet . An aliter debebat Impe-
 rator , & quidem Catonis , mori ? Non reuoco
 te ad historias , nec ex omnibus sæculis con-
 tem.

temptores mortis, qui sunt plurimi, colligo: respice ad hæc nostra tempora; de quorum languore, ac delicijs querimur: omnis ordinis homines succurrent, omnis fortunæ, omnis ætatis, qui mala sua morte præciderunt. Mihi crede, Lucili, adeò mors timenda non est, ut beneficio eius nihil anteferendum sit, Securus itaque inimici minas audi: & quamvis conscientia tua tibi fiduciam faciat, tamen quia multa extra causam valent, & quod æquissimum est spera, & ad id te quod est iniquissimum, compara. Illud ante omnia memento, demere rebus tumultum, ac videre quid in quaque re sit: sciens nihil esse in istis terribile, nisi ipsum timorem. Quod vides accidere pueris, hoc nobis quoque maiusculis pueris euenit; illi: quos amant, quibus assueverunt, cum quibus ludunt, si personatos vident, expauescunt: non hominibus tantum, sed & rebus persona demenda est, & reddenda facies sua. Quid mihi gladios, & ignes ostendis, & turbam carnificum circa frementem; Tolle istam pompam, sub qua lates, & stultos territas: mors es, quam nuper seruus meus, quam ancilla contempsit. Quid tu rursus mihi flagella, & eculeos magno apparatu explicas; quid singuli articulis singula machinamenta, quibus extorqueantur, aptata, & mille alia instrumenta excarnificandi particulatim hominis? Pone ista, quæ nos obstupefaciunt: iube conticescere gemitus, & exclamationes, & vocum inter lacerationem elisfarum acerbiter. Nempè dolor est, quem podagricus ille contemnit, quem stomachicus ille in ipsis delicijs perfert, quem in puerpero puella perperitur. Leuis est, ferre possum: brevis est, si ferre non possum. Hæc in animo volu-

ta, quæ sæpè audisti, sæpè dixisti : sed an verè audieris, an verè dixeris, effectum proba : hoc enim turpissimum est, quod nobis obijci solet, verba nos philosophiæ, non opera tractare. Quid tu ? nunc primum tibi mortem imminere scisti, nunc exsilium, nunc dolorem ? in hæc natus es. Quidquid fieri potest, quasi futurum cogitemus. Quod facere te moneo, scio certè fecisse. Nunc admoneo, ut animum tuum non mergas in istam solitudinem : hebetabitur enim, & minus habebit vigoris, cum exsurgendum erit. Abduc illum à priuata causa ad publicam : dic mortale tibi, & fragile corpusculum esse, cui nō ex iniuria tantum, aut ex potentioris viribus denunciabitur dolor, ipse voluptates in tormenta vertuntur. Epulæ cruditatem afferunt, ebriitates neruorum torporem, tremoremque : libidines pedum : manuum, articulorum omnium deprauationes. Pauper fiam ? inter plures ero. Exsul fiam : ibi me natum putabo, quo mittar. Alligabor ? quid enim ? nunc solutus sum ? ad hoc me natura graue corporis mei pondus adstrinxit. Moriar ? hoc dicis, desinam ægrotare posse, desinam alligari posse, desinam mori posse. Non sum tam ineptus, ut Epicuream cantilenam hoc loco persequar, & dicam vanos esse Inferorum metus, nec Ixionem tora volui, nec saxum humero Sisyphi trudi in aduersum, nec vlli viscera & renasci posse quotidie, & carpi. Nemo tam puer est, ut Cerberum timeat, & tenebras, & larualem habitum nudis ossibus cohærentium. Mors nos aut consumit, aut exuit. Emissis meliora restant, onere detracto : consumptis nihil restat : bona pariter, malaque submota sunt. Permite mihi referre hoc loco tuum versum, si prius admo-

monuero, ut te iudices non alijs scripsisse ista, sed etiam tibi. Turpe est aliud loqui, aliud sentire: quanto turpius, aliud scribere, aliud sentire? Memini te illum locum aliquando tractasse, non repente nos in mortem incidere, sed minutatim procedere. Quotidie morimur, quotidie enim demitur aliqua pars vite: & tunc quoque cum crescimus, vita decrescit. Infantiam amisimus, deinde pueritiam, deinde adolescentiam: usque ad hesternum, quidquid transijt temporis, perijt: hunc ipsum, quem agimus diem, cum morte diuidimus. Quemadmodum clepsydram non extremum stillicidium exhaurit, sed quidquid ante defluxit: sic vltima hora, qua esse desinimus, non sola mortem facit, sed sola consumat. Tunc ad illam peruenimus, sed diu venimus. Hæc cum descripsisses, quoties ore, semper quidem magnus, nunquam tamen acrior, quam ubi veritati commodas verba dixisti:

Mors nō vltima venit, quæ rapit, vltima mors est

Malo te legas, quam epistolam meam: apparebit enim tibi, hanc quam timemus mortem extremam esse, non solam. Video quo spectes: quæris quid huic epistolæ infulserim, quod dictum alicuius animosum, quod præceptum utile? Ex hac ipsa materia, quæ in manibus fuit, mittetur aliquid. Obiurgat Epicurus non minus eos, qui mortem concupiscunt, quam eos, qui timent, & ait: Ridiculum est, currere ad mortem radio vitæ, cum genere vitæ, ut currendum esset ad mortem, effeceris. Item alio loco dicit: Quid tam ridiculum, quam appetere mortem, cum vitam tibi inquietam

*Non no
!ak fawadi*

feceris metu mortis? His adijcias & illud eiusdem notalicet; tantam hominum imprudentiam esse, imo dementiam, ut quidam timore mortis cogantur ad mortem, Quidquid horum tractaueris, confirmabis animum, vel ad mortis, vel ad vitæ patientiam. In vtrumque monendi, ac firmandi sumus, & ne nimis amemus vitam, & ne nimis oderimus: etiam cum ratio suadet finire, non temerè, nec cum procurfu capiendus est impetus. Vir fortis; ac sapiens non fugere debet à vita, sed exire. Et ante omnia ille quoque vitetur affectus, qui multos occupauit, libido moriendi. Est enim, mi Lucilli, ut ad alia, sic etiam ad moriendum incon-sulta animi inclinatio: quæ sæpè generosos, atque acerrimæ indolis viros corripit, sæpè igna-nos, iacentesque illi contemnunt vitam, hi gra-nantur. Quosdam subit ædem faciendi, vi-dendique satietas, vitæ non odium, sed fasti-dium: in quod prolabimur, ipsa impellente phi-losophia; dum dicimus: Quousque eadem? Nempè expergiscar, dormiam, satiabor, esu-riam, algebo, æstuabo: nullius rei finis est, sed in orbem nexa sunt omnia: fugiunt, ac sequuntur. Diem nox premit, dies noctem: æstas in autum-num desinit, autumno hiems instat, quæ verè com-pescitur: omnia transeunt, ut reuertantur: nihil noui video, nihil noui facio. Fit aliquan-do & huius rei nausea. Multi sunt qui non acerbum iudicent viuere, sed superfluum.

E P I S T. XXV.

Præscribit de duobus amicis; iuvene, & se-no, aliter, atque aliter cum utroque agen-dum; cum illo fortius; cum hoc remissius.

ne desperet; Ipsum. Lucilium hortatur ad mediocritatem, aut pauperiem: deinde (Epicurum voce) visumat sibi Pædagogum. Fac omnia, tamquam aliquis spectet.

QUod ad duos amicos nostros pertinet, diversa via eundum est: alterius enim vitia emendanda, alterius frangenda sunt. Utar libertatem tota; non amo illum, nisi offendero. Quid ergo? inquis: quadragenarium pupillum cogitas sub tutela tua continere? Respice ætatem eius iam duram, & intractabilem: non potest reformari: tenera finguntur. An profecturus sim nescio: malo successum mihi, quam fidem deesse. Nec desperaueris, etiam diutinos ægros posse sanari, si contra intemperantiam steteris, si multa inuitos & facere coegeris & pati. Nec de altero quidem satis fiducia habeo: excepto eo, quod adhuc peccare erubescit, nutriendus est hic pudor: qui quamdiu in animo eius durauerit, aliquis erit bonæ spei locus. Cum hoc veterano, parcius agendum puto, ne in desperationem sui veniat: nec ullum tempus aggrediendi melius fuit, quam hoc, dum interquiescit, dum emendato similis est. Alijs hæc intermissio eius imposuit, mihi verba non dat: exspecto cum magno fenore vitia reditura, quæ nunc scio cessare, non deesse. Impendam huic rei dies: & vtrum possit aliquid agi, an non possit, experiar. Tu nobis te, vt facis, fortem præsta, & sarcinæ contrahe; Nihil ex his, quæ habemus, necessarium est. Ad legem naturæ reuertamur: diuitiæ paratæ sunt. Aut gratuitum est quo egemus, aut vile. Panem, & aquam Natura desiderat: nemo ad hæc pauper est: intra quæ quisquis desiderium suum

clusit, cum ipso Ioue de felicitate contendat, ut ait Epicurus: cuius aliquam vocem huic epistolæ inuoluam. Sic fac, inquit omnia, tamquam spectet Epicurus. Prodest sine dubio, custodem sibi imposuisse, & habere quem respicias, quem interesse cogitationibus tuis iudices. Hoc quidem longè magnificentius est, sic viuere tanquam sub alicuius boni viri, ac semper præsentis, oculis: sed ego etiam hoc contentus sum ut sic facias quæcumque facies, tamquam spectet aliquis. Omnia nobis mala solitudo persuadet. Cum iam profeceris tantum, ut sit tibi etiam tui reuerentia, licebit dimittas pedagogum: interim te aliquorum auctoritate custodi. Aut Cato ille sit, aut Scipio, aut Lælius, aut cuius interuentu perditique homines vitia supprimerent, dum te efficis eum, coram quo peccare non audeas. Cum hæc effeceris, & aliqua cæperit apud te tui esse dignatio, incipiam tibi permittere: quo idem suadet. Epicurus. Tunc præcipue in te ipse secede, cum else cogeris in turba. Dissimilem te fieri multis oportet: dum tibi tutum non est à te recedere: circumspice singulos. Nemo est, cui non latius sit cum quolibet else, quam secum. Tunc præcipue in te ipse secede, cum else cogeris in turba, si bonus vir, si quetus, si temperans es: alioquin in turbam tibi à te recedendum est. Istic enim malo viro propius es.

E P I S T. XXVI.

Senem se esse, & tamen animo vigere. Fortiter de morte loquitur; quæ sola, inquit, iudicat an aliquid sit facti. Reliqua, verba sunt, robur, & virtus apparebit, cum animum ages.

*Ab Epicuro clausula. Disce mortem medi-
tari.*

MOdo dicebam tibi, in conspectu esse me senectutis: iam vereor, ne senectutem post me relinquerim. Aliud iam his annis, certe huic corpori vocabulum conuenit, quoniam quidem senectus, lasæ ætatis, non fractæ nomen est. Inter decrepitos me numera, & extrema tangentes. Gratiastamen mihi apud te ago: non sentio in animo ætatis iniuriam, cum sentiam in corpore tantum vitia, & vitiorum ministeria senuerunt. Viget animus, & gaudet non multum sibi esse cum corpore: magnam oneris partem sui posuit, exultat, & mihi facit controuersiam de senectute: hunc aut esse florem suum. Credamus illi, bono suo utatur, Ire in cogitationem iuuat, & dispicere, quid ex hac tranquillitate, & modestia morum sapientiæ debeam, quid ætati: diligenter excutere, quæ non possim facere, quæ nolim: possim ne aliquid, quod nolim. Nam si quid non possum, non posse me gaudeo. Quæ enim querela est, quod incommodum, si quod debet desinere, defecit: Incommodum summum est, inquis, minui, & deperire, &, ut propriè dicam, liquefcere. Non enim subito impulsî, ac prostrati sumus: carpimur; singuli dies aliquid subtrahunt viribus. Et quis exitus est melior, quam in finem suum, natura soluente, dilabi? Non quia aliquid mali est: ictus, & è vita repentinus excessus, sed quia lenis hæc via est, subduci. Ego certa, velut appropinquet experimentum, & ille laturus sententiam de omnibus annis meis dies venerit, ita me obseruo, & alloquor. Nihil est, inquam, adhuc, quod aut rebus, aut verbis exhi-

buimus: leuia sunt ista & fallacia pignora ani-
 mi, multisque inuoluta lenocinijs; quod pro-
 fecerim, morti crediturus sum. Non timide
 itaque componor ad illum diem, quo remotis
 strophis ac fucis, de me iudicaturus sum, vtrum
 loquar fortia, an sentiam; nunquid simulatio
 fuerit & mimus, quidquid contra fortunam ia-
 ctavi verborum contumacium. Remoue exi-
 stimationem hominum; dubia semper est, &
 in partem vtramque diuiditur. Remoue stu-
 dia totam vitam tractata; mors de te pronuntia-
 tura est. Ita dico, disputationes & litterata
 colloquia, & ex præceptis sapientium uerba
 collecta, & eruditus sermo, non ostendunt ue-
 rum robur animi; est enim oratio etiam timi-
 dissima audax: quid egeris, tunc apparebit,
 cum animam ages. Accipio conditionem, non
 reformido iudicium. Hæc mecum loquor; sed
 tecum quoque me locutum putas. Iunior es?
 quid refert? non dinumerantur anni. Incer-
 tum est, quo te loco mors exspectet; itaque tu
 illam omni loco exspecta. Finire iam uole-
 bam, & manus spectabat ad clausulam; sed
 conficienda sunt facta; & huic epistolæ uiati-
 cum dandum est. Puta me non dicere, unde
 sumpturus sim mutuum, scis cuius arca utar;
 exspecta pusillum, & de domo fiet numeratio;
 interim commodabit Epicurus, qui ait: Medi-
 tare vtrum commodius sit, uel mortem transi-
 re ad nos, nel nos ad eam. Hic patet sensus.
 Egregia res est; mortem condiscere. Superua-
 cuum forsitan putas id discere, quo semel uten-
 dum est; hoc est ipsum, quare meditari debeat-
 mus, semper discendum est, quod an sciamus,
 experiri non possumus. Meditare mortem.
 Qui hoc dicit, meditari libertatem iubet; qui
 mori

morī didicit, seruire dedidicit: supra omnem potentiam est, certe extra omnem. Quid ad illam carcer, & custodia, & claustra? liberum ostium habet. Vna est catena quæ nos alligatos tenet; amor vitæ: qui vt non est abiiciendus; ita minuendus est: vt si quando res exiget, nihil nos detineat, nec impēdiat, quo minus parati simus quod quandoque faciendum est, statim facere.

EPIST. XXVII.

Monet, & excusat. Quid enim? ipse iam bonus, iam sanus? Non sum, inquit, sed inter egros de communi malo, & remedia, tecum differo. Voluptates nocent, aut falso iuuant? Virtus sola solidum gaudium parit. Sed hanc tu adsume & habe: per alium non potes. Historiola de Caluissio faceta. Epicuri dictum. Diuitiæ sunt, naturalis paupertas.

TV me, inquit, mones: iam enim te ipse monuisti, iam correxisti? idē aliorum emendationi vacas? Non sum tam improbus, vt curationes æger obeam: sed tanquam in eodem valetudinario iaceam, de communi malo tecum colloquor, remedia communico. Sic itaque me audi, tanquam tecum loquar: in secretum te meum admitto; & te adhibito, tecum exigo. Clamo mihi ipse. Numera annos tuos: & pudebit eadem velle, quæ volueras puer, eadem parare. Hoc denique tibi circa diem mortis præsta: moriantur ante te vitia. Dimitte istas voluptates turbidas, magnæ luendas: non venturæ tantum, sed præteritæ nocent. Quemadmodum scelera etiam si non sunt deprehensa cum fierent, sollicitudo non cum ipsis abiit:

ita improbarum voluptatum, etiam post ipsas
pœnitentia est. Non sunt solidæ, non sunt fide-
lis: etiam si non nocent, fugiunt. Aliquod po-
tius bonum mansurum circumspice: nullum
autem est, nisi quod animus ex se sibi inuenit.

^ Sola virtus præstat gaudium perpetuum, secu-
rum etiam si quod obstat, nubium modo inter-
uenit, quæ infra feruntur, nec vnquam diem
vincunt. Quando ad hoc gaudium peruenire
continget? non quidem cessatur adhuc, sed non
destinatur. Multum restat operis, in quod ipse
necesse est vigiliam, ipse laborem tuum impen-
das, si efficit cupis. Delegationem res ista non
recipit. Aliud litterarum genus adiutorium
admittit. Caluissius Sabinus memoria nostra
fuit diues: & patrimonium habebat libertini,
& ingenium. Nunquam vidi hominem bea-
tum indecentius. Huic memoria tam mala erat,
ut illi modo nomen Vlyssis excideret, modo A-
chillis, modo Priami: quos tam bene nouerat,
quàm pædagogos nostros nouimus. Nemo ve-
tulus nomenclator, qui nomina non reddit, sed
imponit, tam perperam tribus, quàm ille Tro-
ianos, & Achiuos persalutabat. Nihilominus
eruditus volebat videri. Hanc itaque compen-
diariam excogitauit: magna summa emit ser-
uos vnum qui Homerum teneret, alterum qui
Hesiodum: nouem præterea Lyricis singulos
assignauit. Magno emisse illum non est quod
miseris: non inuenerat: faciendos locauit. Post-
quam hæc familia illi comparata est, cæpit con-
uiuas suos inquietare. Habebat ad pedes hos, à
quibus subinde cum peteret versus, quos refer-
ret, sæpe in medio versu excidebat. Suasit illi Sa-
tellius Quadratus, stultorum diuitum arrofor
& quod sequitur, arrisor, & quod duobus his
adiun-

adiunctum est, derisor, ut Grammaticos haberet analectas. Cum dixisset Sabinus centenis millibus sibi constare singulos seruos: Minoris, inquit, totidem scrinia emisses. Ille tamen in ea opinione erat, ut putaret se scire, quod quisquam in domo sua sciret. Idem Satellius illum hortari cepit, ut luctaretur, hominem agrum, pallidum, gracilem. Cum Sabinus respondisset, Et quomodo possum? vix vivo. Noli, obsecro te, inquit, istud dicere: non vides quam multos seruos valentissimos habeas. Bona mens nec commodatur, nec emitur, & puto, si venalis esset, non haberet et emptorem; at mala quotidie emitur. Sed accipe iam quod debeo, & vale. Diuitiæ sunt, ad legem naturæ composita paupertas. Hoc sæpe dicit Epicurus, aliter, atque aliter. Sed nunquam nimis dicitur, quod nunquam satis dicitur. Quibusdam remedia monstranda, quibusdam inculcanda sunt.

EPIST. XXVIII.

Loca mutata animum non mutant; ipse te debes. Tolle internam agrimoniam, omnis locus bonus, iucundusque erit. Eligam tamen, si possum, quietissimum, & minus turbis, aut vitiis, opportunum. Clausula; Peccata tua nosce, iam es saluus.

HOc tibi soli putas accidisse, & admiraris quasi rem nouam; quod peregrinatione tam longa, & tot locorum varietatibus, non discussisti tristitiam, grauitatemque mentis. Animum debes mutare, non celum. Licet vastum traieceris mare, licet ut ait Virgilius noster ter-
reque vebesque recedant: sequentur te, quæcumque

que perueneris, vitia. Hoc idem cuidam querenti Socrates ait: Quid miraris, nihil tibi peregrinationes prodesse, cum te circumferas? Premitte eadem causa quæ expulit. Quid terrarum inuare nouitas potest, quid cognitio urbium, aut locorum; in irritum cedit ista iactatio. Quæris quare te fuga ista non adiuuet; tecum fugis. Onus animi deponendum est: non ante tibi ullus placebit locus. Talem nunc esse habitum tuum cogita, qualem Virgilius noster vatis inducit; iam contritata, & instigata, multumque habentis in se spiritus non sui.

*Pacchatur vates, magnum si pectore possis
excussisse Deum.* —

Vadis huc, & illuc, vt excutis insidens pondus quod ipsa iactatione incommodius fit: sicut in naui onera immota minus vrgent; inæqualiter conuoluta, citius eam partem in quam incubere demergunt. Quidquid facis, contra te facis, & motu ipso nocet tibi; ægrum enim concutis. At cum istud exemeris malum, omnis mutatio loci iucunda fiet. In vltimas expellaris terras licebit, in quolibet Barbariæ angulo colloceris hospitalis tibi illa qualiscumque sedes erit. Magis quis veneris quam quod interest: & ideo nulli loco addicere debemus animum. Cum hac persuasione viuendum est: Non sum vni angulo natus: patria mea totus hic est mundus. Quod si liqueret tibi, non admirareris, nil addiuuari te regionum varietatibus, in quas subinde priorum tædio migras. Prima enim quæque placuisset, si omnem tuam crederes. Non peregrinaris, sed erras, & ageris, ac locum ex loco mutas; cum illud quod quæris, Bene viuere, omni loco positum sit. Num
quid

quid tam turbidum fieri potest, quam forum? ibi quoque licet quietè viuere, si necesse sit. Sed si liceat disponere se, conspectum quoque & uiciniam fori procul fugiam; nam ut loca grauia, etiam firmissimam valetudinem tentat; ita bonæ quoque menti, nec dum adhuc perfectæ, & conualescenti, sunt aliqua parum salubria. Dissentio ab his qui in fluctus medios eunt, & tumultuosam probantes vitam, quotidie cum difficultatibus rerum, magno animo colluctantur. Sapiens feret ista, non eliget: & malec in pace esse, quam in pugna. Non enim multum prodest uitia sua proiecis- se, si cum alienis rixandum est. Triginta, inquis, tyranni Socratem circumsteterunt, nec potuerunt animum eius infringere. Quid interest, quot domini sint? seruitus una est. Hanc qui contempsit, in quantalibet turba dominantium liber est. Tempus est desinere, sed si prius portorium soluero. Initium est salutis, notitia peccati. Egregiè mihi hoc dixisse uidetur Epicurus. Nam qui peccare se nescit, corrigi non vult: deprehendas te oportet, antequam emendes. Quidam uitij gloriantur. Tu existimas aliquid de remedio cogitare, qui mala sua uirtutum loco numerant? Ideo quantum potes, te ipse coargue; inquire in te; accusatoris primum partibus fungere, deinde iudicis, nouissimè deprecatoris; aliquando te offende.

EPIST. XXIX.

Marcellinum difficilem corrigi. Adspernatur enim, & illudit; tamen non deseram & fortasse uel sic perueniam. Sententiam Epicuri, Ne stude populo placere; id est, multis.

De

DE Marcellino nostro quæris, & vis scire quid agat. Rarè ad nos venit, nulla alia ex causa, quàm quia audire verum timet: à quo periculo iam abest: nulli enim nisi audituro dicendum est. Ideo de Diogene, nec minus de alijs Cynicis, qui libertate promiscua vsi sunt, & obuios quosque monuerunt, dubitari solet, an hoc facere debuerint. Quid enim si quis surdos obiurget, aut natura, morbove mutos? Quare, inquis, verbis parcam? gratuita sunt. Non possum scire an ei profuturus, si, quem admonero: illud scio, alicui me profuturum, si multos admonuero. Spargenda est manus; non potest fieri, ut non aliquando succedat, multa tentanti. Hoc, mi Lucili, non existimo faciendum magno viro: diluitur eius auctoritas, nec habet apud eos satis ponderis, quos posset minus obsolescentia corrigere. Sagittarius non aliquando ferire debet, sed aliquod deerrare. Non ars est, quæ ad effectum casu venit. Sapientia est ars: certum petat: eligat profecturos: ab his, quos desperauit recedat: non tamen citò relinquat, sed in ipsa desperatione extrema remedia tentet. Marcellinum nostrum ego nòdum despero: etiamnum seruari potest: sed si cito illi manus porrigitur. Est quidem periculum, ne porrigentem trahat: magna in illo ingenij vis est; sed iam tendent in prauum. Nihilominus, adibo hoc periculum, & audeo illi mala sua ostendere. Faciet quod solet, aduocabit illas facerías, quæ risum euocare iugentibus possunt: & in se primum, deinde in nos iocabitur: omnia, quæ dicturus sum occupabit. Scrutabitur scholas nostras, & obijciet philosophis congiaria, amicas, gulam: ostendet mihi alium in adulterio, alium in popina, alium in aula: ostendet mihi lepidum phi-
loso-

lofophum Aristonem, qui in gestatione differebat: hoc enim ad edendas operas tempus acceperat. De cuius secta cum quæreretur, Scaurus ait: Vtrique Peripateticus non est. De eodem cum consuleretur Iulius Græcinus, vir egregius, quid sentiret? Non possum, inquit, tibi dicere: nescio enim quid de gradu faciat: tanquam de essedario interrogaretur. Hos mihi circulatores, qui philosophiam honestius neglexissent, quam vendunt, in faciem ingeret. Constitui tamen contumelias perpeti: moueat ille mihi risum: ego fortasse illi lacrimas mouebo: aut, si ridere perseverabit, gaudebo, tanquam in malis, quod illi genus insanix hilare contigerit. Sed non est illa hilaritas longa: obferua, videbis eisdem intra exiguum tempus acerrimè ridere, & acerrimè rabere. Propositum est aggredi illum, & ostendere quanto pluris fuerit, cum multis minoris videretur. Vitia eius, etiam si non excidero, inhibebo: non desinent, sed intermittent, fortasse autè & desinent, si intermittendi consuetudinem fecerint. Non est hoc ipsum fastidiendum: quoniam quidem grauitè affectis, sanitatis loco est bona remissio. Dum me illi paro, tu interim qui potes, qui intelligis vnde quo euaseris, & ex eo suspicaris, quousque sis euasurus, compone mores tuos, attolle animum, aduersus formidata consiste, numerare eos noli, qui tibi metum faciunt. Nonnè videatur stultus, si quis multitudinem timeat eo loco, per quem transiis singulis est? æque ad tuam mortem multis aditus non est, licet illam multi minentur. Sic istud natura disposuit: spiritum tibi tam vnus, eripiet, quam vnus dedit. Si pudorem haberes, vltimam mihi pensionem remisisses. Sed ne ego quidem
me

me sordidè geram in fine æris alieni, & tibi quod debeo impingam. Numquam volui populo placere, nam quæ ego scio, non probat populus; quæ probat populus, ego nescio. Quis hoc? inquis. Tanquam nescias cui imperem. Epicurus. Sed idem hoc omnes tibi ex omni domo conclamabunt, Peripatetici, Academici, Stoici, Cynici. Quis enim placere potest populo, cui placet virtus? malis artibus popularis fauor quaeritur; similem te illis facias oportet, non probabunt, nisi agnouerint. Multo autem ad rem magis pertinet, qualis tibi videaris, quàm qualis alijs. Conciliari nisi turpi ratione amor turpium non potest. Quid ergo illa laudata, & omnibus præferenda artibus rebusque philosophia præstabit? scilicet vt malis tibi placere, quàm populo: vt astimes iudicia, non numeres: vt sine metu deorum hominumque viuas: vt aut vincas mala, aut finias. Ceterum si te videro celebrem secundis vocibus vulgi, si intrante te clamor, plausus, & pantomimica ornamenta obstrepuerint, si tota ciuitate feminae te puerique laudauerint; quid ni ego tui miserear, cum sciam quæ via ad istum fauorem ferat?

EPIST. XXX.

Morti parari nos debere, & robur in eam sumere, ab exemplo Aufidii Bassi, qui senex libenter audit de ea, & loquitur, & rationibus abstruit, non timendam. Obiter iste aliqua.

BAssum Aufidium, virum optimum, vidi quassum, ætati oblectantem. Sed iam plus illum degrauat, quàm quòd possit attolli. Magno senectus, & vniuerso, pondere incubuit. Scis illum semper infirmi corporis, & exhausti fuisse.

se;

se: diu illud continuit, vt verius dicam, concinnauit, subito defecit. Quemadmodum in naue quæ sentinam trahit, vbi rimæ aut alteri obfistitur: vbi plurimis locis laxari cœpit, & cedere, succurri non potest nauigio dehiscenti: ita in senili corpore aliquatenus imbecillitas sustineri, & fulciri potest, vbi tanquam in putri ædificio omnis iunctura diducitur, & dum alia excipitur, alia discinditur: circumspiciendum est, quomodo exeas. Bassus tamen noster alacer animo est, hoc philosophia præstat: in quocumque corporis habitu fortem, in conspectu mortis hilarem lætumque nec deficientem, quamuis deficiatur. Magnus gubernator, & scilso nauigat velo, & si exarmavit, tamen reliquias nauigij aptat ad cursum. Hoc facit Bassus noster: & eo animo vultuque finem suum spectat, quo alienum spectare, nimis securi putares. Magna res est hæc, Lucili, & diu discenda, cum aduentat hora illa ineuitabilis æquo animo abire. Alia genera mortis, spei mixta sunt: Desinit morbus, incendium exstinguitur, ruina quos videbatur oppressura, deposuit: mare quos hauserat, eadem vi qua sorbebat, eiecit incolumes: gladium miles ab ipsa perituri ceruice reuocauit: nihil habet quod speret, quem senectus ducit ad mortem, huic vni intercedi non potest. Nullo genere homines mollius moriuntur, sed nec diutius. Bassus noster videtur mihi prosequi se, & componere, & viuere tanquam superstes sibi, & sapienter ferre desiderium sui. Nam de morte multa loquitur, & id agit sedulo, vt nobis persua-deat, si quid incommodi aut metus in hoc negotio est, morientis vitium esse, non mortis: nec magis in ipsa quidquam esse molestiæ, quàm post ipsam. Tam demens autem est
qui

qui timet quòd nō est passurus, quàm qui timet quòd non est sensurus. An quisquam hoc futurum credit, vt per quàm nihil sentitur, ea sentiat? Ergo, inquit, mors ad eò extra omne malum est, vt sit extra omnem malorum metum. Hec ego scio, & sepe dicta, & sepe dicenda: sed neque cùm legerem, què mihi profuerunt: neque cùm audirem, his dicentibus, qui negabant timenda à quorum metu aberant. Hic verò plurimum apud me auctoritatis habuit, cū loqueretur de morte vicina. Dicam enim quid sentiā. Puto etiam fortiozem eum esse, qui in ipsa morte est, quàm qui circa mortem. Mors enim ad-mota, etiā imperitis animum dedit, non vitandi inuitabilia. Sic gladiator tota pugna timidissimus iugulum aduersario præstat, & errantē gladium sibi attemperat. At illa, quæ in propinquo est, utique ventura desiderat lentam animi firmitatem: quæ est rarior nec potest nisi à sapiente præstari. Libentissime itaque illum audiebā, quasi ferentem de morte sententiam, & qualis esset eius natura, velut propius inspectæ, iudicantem. Plus, vt puto, fidei haberet apud te, plus ponderis, si quis reuixisset, & in morte nihil mali esse narreret expertus: Accessus mortis quàm perturbationem afferat, optimè hi tibi dicent, qui secundum illam steterunt, qui venientem & viderunt, & receperunt. Inter hos Bassium licet numeres, qui nos decipi noluit: is ait, tam stultum esse, qui mortem timeat, quàm qui senectutem. Nam quemadmodum senectus adolescentiam sequitur, ita mors senectutem? Viuere noluit, qui mori non vult. Vita enim cùm exceptione mortis data est ad hanc itur: quàm ideo timere dementis est; quia certa expectantur, dubia metuantur. Mors necessitatem habet, æquam

æquam & inuictam. Quis quaris potest, in ea
 conditione se esse, in qua nemo non est? prima
 enim pars equitatis, est equalitas. Sed nunc su-
 peruacuum est, naturæ causam agere: quæ non
 aliam voluit legem nostram esse, quam suam:
 quidquid composuit, resoluit: & quidquid resol-
 uit, componit iterum. Iam verò si cui contigit,
 ut illum senectus leuiter emitteret, non repente
 auulsum vitæ, sed minutatim subductum, ne
 illa gratias agere dijs omnibus debet, quod sa-
 tiatus ad requiem homini necessariam, lasso
 gratam perductus est. Vides quosdam optantes
 mortem, & quidem magis quam rogari solet vi-
 ta. Nescio utros existimem maiorem nobis ani-
 mum dare: qui deprecantur mortem, an qui hi'a-
 res eam, quietique opperiuntur: quoniam illud
 ex rabie interdum, ac repentina indignatione
 fit: hæc ex iudicio certo tranquillitas est. Ve-
 nit aliquis ad mortem iratus morti: venientem
 nemo hilaris excipit, nisi qui se ad illam diu
 composuerat. Fateor ergo, ad hominem mihi
 carum, ex pluribus me causis frequentius ve-
 nisse, ut scirem an illum toties eundem inueni-
 rem: numquid cum corporis viribus minueretur
 animi vigor: qui sic crescebat illi, quomodo
 manifestior notari solet agitatorum lætitia,
 cum septimo spatio palmæ appropinquant. Di-
 cebat quidem ille Epicuri præceptis obsequens,
 primum sperare se, nullum dolorem esse in illo
 extremo anhelitu: si tamen esset, habere aliquā-
 tulum in ipsa breuitate solatij. Nullum enim
 dolorem longum esse, qui magnus est. Ceterum
 succursurum sibi etiam in ipsa distractione ani-
 mæ, corporisque si cum cruciatu id fieret, post
 illum dolorem se dolere non posse. Non dubi-
 tare autem se, quin senilis anima in primis li-
 bris

bris esset, nec magna vi distraheretur à corpore. Ignis qui valentem materiam occupauit, aqua, & interdum ruina extinguendus est: ille qui alimentis deficitur, sua sponte subsidit. Libenter hæc, mi Lucili, audio, non tamquam noua, sed tamquam in rem præsentem perductus. Quid ergo? non multos spectavi abruptantes vitam? ego vero vidi: sed plus momenti apud me habent, qui ad mortem veniunt sine odio vitæ, & admittunt illam, non attrahunt. Illud quidam aiebat tormentum nostrum: nos sentire opera, quòd tunc trepidamus, cum propè à nobis esse credimus mortem. A quo enim non est, parata omnibus locis, omnibusque momentis? Sed consideremus, inquit, tunc cum aliqua causa moriendi videtur accedere, quanto aliæ propriores sint quæ non timentur. Hostis alicui mortem minabatur: hanc cruditas occupauit. Si distinguere voluerimus causas metus nostri, inueniemus alias esse, alias videri. Non mortem timemur, sed cogitationem mortis: ab ipsa enim semper tantumdem absumus. Ita si timenda mors est, semper timenda est, quòd enim tempus morti exemptum est? Sed vereri debeo, ne tam longas epistolas, peius quàm mortem, odearis: itaque finem facio. Tu tamen mortem, ut nunquam timeas, semper cogita.

EPIST. XXXI.

Et vota, & iudicia vulgi, spernendum: ad verum bonum eundem est; id autem, Scientiæ rerum, per quam vera, & falsa noscas; peritura, & mansura. Exemplis illustrat.

Agnosco Lucilium meum, incipit quem promiserat exhibere: sequere illum impetum

perum animi, quò ad optima quæque, calcatis popularibus bonis, ibas. Non desidero maiorem melioremque te fieri, quàm moliebaris. Fundamenta tua multum loci occupauerunt, tantum effice, quantum conatus es: & illa quæ tecum in animo tulisti, tracta. Ad summam, sapiens eris, si clauseris aures, quibus ceram parum est obdere: firmiori spissamento opus est, quàm vsum in socijs Vlysem ferunt. Illa vox quæ timebatur, erat blanda, non tamen publica: at hæc quæ timenda est, non ex vno scopulo, sed ex omni terrarum parte circumsonat. Præteruehere itaque non vnum locum infidiosa voluptate suspectum, sed omnes vrbes: surdum te amantissimis tui præsta. Bono animo male precantur, & si vis esse felix, deos ora, ne quid tibi ex his quæ optantur eueniat. Non sunt ista bona, quæ in te isti volunt congeri: vnum bonum est quo beatæ vitæ causa, & firmamentum est, sibi fidere. Hoc autem contingere non potest, nisi contemptus est labor, & in eorum numero habitus, quæ neque bona sunt, neque mala. Fieri enim non potest vt vna res modo mala sit, modo bona; modo levis & perferenda, modo expauescenda. Labor bonum non est, quid ergo est bonum? laboris contemptio. Itaque in vanum operosos culpauerim, rursus ad honesta nitentes. Quanto magis incubuerint, minusque sibi vinci ac stringare permiserint, admirabor, & clamabo. Tanto melior surge, & respira: & clium istum vno, si potes spiritu exsupera. Generosos animos labor nutrit. Non est ergo quòd ex illo veteri voto parentum tuorum eligas, quid contingere tibi velis, quid optes; & in totum, iam

per maxima acto viro turpe est, etiamnum
 deos farigare. Quid votis opus est? fac & te ipse
 felicē: facies autem, si intellexeris bona esse, qui-
 bus admixta est virtus: turpia, quibus malitia
 coniuncta est. Quemadmodum sine mixtura
 lucis nihil splendidum est: nihil atrum, nisi
 quod tenebras habet, aut aliquid in se traxit ob-
 scuri: quemadmodum sine adiutorio ignis, ni-
 hil calidum est, nihil sine aere frigidum: ita ho-
 nesta, & turpia, virtutis, & malitiæ societas ef-
 ficat. Quid ergo est bonum? rerum scientia.
 Quid malum est? rerum imperitia. Ille pru-
 dens atque artifex, pro tempore, quæque repel-
 let aut eliget. Sed nec quæ repellit timet, nec
 miratur quæ eligit: si modo magnus illi, & inui-
 ctus animus est. Submitti te ac deprimi veto: la-
 borem si non recuses, parum est: posce. Quis er-
 go inquis, labor friuolus, & superuacuus est? in
 quem humiles causæ vocauerint, non est ma-
 lus, non magis quam ille qui pulchris rebus in-
 penditur: quoniam animi est ipsa tolerantia,
 quæ se ad dura, & aspera hortatur, & dicit: Quid
 cessas? non est viri, timere sudorem. Huc &
 illud accedat, ut perfecta virtus sit, æqualitas ac
 tener vitæ per omnia consonans sibi: quod non
 potest esse, nisi rerum scientia contingat, & ars,
 per quam diuina, & humana noscantur. Hoc
 est summum bonum: quod si occupas, incipis
 deorum esse socius, non supplex. Quomodo,
 inquis, isto peruenitur? non per Peninum Gra-
 iumne montem, nec per deserta Candaniæ: nec
 Syrtes tibi, nec Scilla aut Charybdis, ad eundæ
 sunt: quæ tamen omnia transisti procuratiun-
 culæ pretio. Tutum iter est, iucundum est, ad
 quod natura te instruxit. Dedit tibi illa, quæ si
 non deserueris, par Deo surges. Parem autem
 Deo

Deo pecunia non faciet : Deus nihil habet Præ-
 texta, non faciet: Deus nudus est. Fama non fa-
 ciet, nec ostentatio tui, & in populos nominis
 dimissa notitia : nemo nouit Deum, multi de il-
 lo male existimant, & impune. Non turba ser-
 uorum, lecticam tuam per itinera urbana ac pe-
 regrina portantium : Deus ille maximus poten-
 tissimusque ipse vehit omnia. Ne forma qui-
 dem, & vires beatum te facere possunt : nihil
 horum non patitur vetustatem. Quærendum
 est ergo quod non fiat in dies deterius, cui non
 possit obstari. Quid hoc est : animus : sed hic re-
 ctus, bonus, magnus. Quid aliud voces hunc,
 quam Deum in humano corpore hospitantem?
 Hic animus tam in equitem Romanum, quam
 in libertinum, quam in seruum, potest cadere.
 Quid est eques Romanus, aut libertinus, aut
 seruus? Nomina ex ambitione, aut ex iniuria
 nata. Subsilire in cælum ex angulo licet : extur-
 ge modo, & te quoque dignum finge Deo. Fin-
 ges autem non auro, non argento : non potest ex
 hac materia imago Deo exprimi similis. Cogi-
 ta illos, cum propitij essent fictiles fuisse.

EPIST. XXXII.

*Laudat Lucilii solitudinem, & subductionem?
 Porro hortatur, nequïs tempus eripiat, illud
 tam breue, & fugax. Contemnat etiam vul-
 garia vota.*

INquiro in te, & ab omnibus sciscitor, qui ex
 ista regione veniunt, quid agas, vbi & cum
 quibus moreris. Verba dare non potes : tecum
 sum. Sic viue, tamquam quid facias auditurus
 sim; imo tanquam visurus. Quæris, quid me
 maxime

maximè ex hisquæ de te audio, delectet? quod nihil audio : quod plerique, ex hisquos interrogo, nesciunt quid agas : Hoc est salutare, non conuersari dissimilibus, & diuersa cupientibus. Habeo quidem fiduciam non posse te torqueri, mansurumque in proposito, etiam si sollicitantium turba circumeat. Quid ergo est? non timeo ne mutent te, timeo ne impedian. Multum autem nocent etiam qui morantur, vtique in tanta breuitate; quàm breuiorem inconstantia facimus, aliud eius subinde atque aliud facientes initium. Diducimus illam in particulas ac lancinamus. Propera ergo Lucili carissime, & cogita, quantum celeritati additurus fueris, si à tergo hostis instaret, si equitem aduentare suspicaretis, ac fugientium premere vestigia. Fit hoc, premeris : accelera, & euade, perduc te in tutum, & subinde considera, quàm pulchra res sit consummare vitam ante mortem, deinde expectare securum reliquam temporis sui partem: in possessionem beatæ vitæ positum : quæ beatrix non fit, si longior. O quando videbis illud tempus, quo scies tempus ad te non pertinere, quo tranquillus placidusque eris, & crastini negligens, & in summa tui satietate! Vis scire, quid sit quod faciat homines auidos futuri? Nemo sibi contigit. Optauerunt vtique tibi alia parentes tui : sed ego contra, omnium eorum contemptum opto, quorum illi copiam. Vota illorum multos compilant, vt te locupletent, quidquid ad te transferunt, alicui detrahendum est. Opto tibi tui facultatem, vt vagis cogitationibus, agitata mens, tandem resistat, & certa fit: vt placeat sibi, & intellectis veris bonis, quæ simul intellecta sunt, possidentur; ætatis adiectione non egeat. Ille demum necessitates supergressus est, &

exaugetur.

Epig.

EPIST. XXXIII.

Negat sententias aut chrias è Stoicis excerpendas. Primum, quia omnia plena talibus & densa sunt, deinde quia turpe, cū auctore sēper loqui. Nostra faciamus, & vita præferamus.

DEsideras his quoque epistolis, sicut prioribus, adscribi aliquas voces nostrorum procerum. Non fuerunt circa flosculos occupati: totus contextus illorum virilis est: inequalitatem scias esse, vbi quæ eminent notabilia sunt. Non est admirationi vna arbor, vbi in eandem altitudinem tota filua surrexit. Eiusmodi vocibus referta sunt carmina, refertæ historiæ. Itaque nolo Epicuri illas esse existimes: publicæ sunt, & maximè nostræ. Sed in illo magis an notantur, quia turæ interueniunt, quia insperatæ, quia mirum est aliquid fortiter dici ad homine molliitiam professo. Ita enim plerique iudicant: apud me verò Epicurus est & fortis, licet manuleatus sit. Fortitudo, & industria, & ad bellum prompta mens, tam in Persas quàm in alios cinctos cadit. Non est ergo quod exigas excerpta, & repetita; continuum est apud nostros, quidquid apud alios excerpitur. Non habemus itaque ista odorifera, nec emptorem decipimus, nihil inuenturum cū tractauerit, præter illa, quæ in fronte suspensa sunt. Ipsis permittimus, vnde velint, sumere exemplaria. Puta nos velle singulares sententias ex turba sperare: cui illas adsignabimus; Zenoni, an Cleanthi, an Chrysippo an Panætio, an Posidonio? Non sumus sub rege: sibi quisque se vindicat: apud istos quidquid dicit Hermachus, quidquid Me-

trodorū, ad vnum refertur. Omnia quæ quisquam in illo contubernio locutus est, vnius ductu, & auspicij dicta sunt. Non possumus, inquam, licet tentemus, educere aliquid ex tanta rerum æqualium multitudine.

Pauperis est numerare pecus.

Quocumque miseris oculum, id tibi occurrit quod eminere posset, nisi inter paria legeretur. Quare depone istam spem, posse te summam degustare ingenia maximorum virorum; tota tibi inspicenda sunt, tota tractanda. Res geritur, & per lineamenta sua ingenij opus nescitur, ex quo nihil subduci sine ruina potest. Nec recusō, quo minus singula membra, dummodo in ipso homine, consideres. Non est formosa, cuius crus laudatur aut brachium, sed illa cuius vniuersa facies admirationem singulis partibus abstulit. Si tamen exegeris; non tam mendicē tecum agam, sed plena manu fiet. Ingens eorum turba est passim iacētium: sumenda erunt, non colligenda. Non enim excidunt, sed fluunt perpetua, & inter se contexta sunt. Nec dubito, quin multum conferant rudibus adhuc, & extrinsecus auscultantibus. Facilius enim singula insidunt circumscripta, & carminis modo inclusa. Ideō pueris & sententias ediscendas damus, & has quas Græci Chrias vocant: quia complecti eas puerilis animus potest: qua plus adhuc non capit certi profectus. Viro captare flosculos turpe est, & fulcire se notissimis, & paucissimis vocibus, & memoria stare. Sibi iam innitatur, dicat ista, non teneat. Turpe est enim seni aut prospicienti senectutem, ex commentatio sapere. Hoc Zeno dixit: tu quid? Hoc Cleantes: tu quid? quousque sub alio moueris; & impera; & dic, quod memorie

memoriæ tradatur: aliquid & de tuo profer. Quid
 nes itaque istos nunquam auctores, semper in-
 terpretes, sub aliena vmbra latentes, nihil ha-
 bere existimo generosi, nunquam ausos ali-
 quando facere quod diu didicerant. Memo-
 riam in alienis exercuerunt. Aliud autem est,
 meminisse: aliud, scire. Meminisse, est rem
 commissam memoriæ custodire: at contra sci-
 re, est & sua facere quæque, nec ab exemplari
 pendere, & toties ad magistrum respicere. Hoc
 dicit Zeno, hoc Cleanthes. Aliquid intersit in-
 ter te, & librum: quousque discas? iam, & præ-
 cipe. Quid est, quare audiam, quod legere pos-
 sum? Multum, inquit, viua vox facit: non qui-
 dem hæc, quæ alienis verbis commodatur, &
 actuarij vice fungitur. Adijce nunc, quod isti
 qui nunquam tutelæ suæ fiunt, primum in ea
 re sequuntur priores, in qua nemo non à prio-
 re descivit: deinde in ea te sequuntur, quæ ad-
 huc quæritur: nunquam autem inuenietur, si
 contenti fuerimus inuentis. Prætereà qui alium
 sequitur, nihil inuenit, imò nec quærit. Quid
 ergo? non ibo per priorum vestigia? ego vero
 vtar via veteri: sed si priorem planioremque
 inuenero, hanc muniam. Qui ante nos ista mo-
 uerunt, non domini nostri, sed duces sunt. Pa-
 ret omnibus veritas, nondum est occupata:
 multum ex illa etiam futuris relictum est.

EPIST. XXXIV.

*Gaudere se in profectu Lucilii, quia ab ipso est,
 & ipse eum formauit. Hortatum porro per-
 gere, & ad summum.*

Cresco, & exulto, & discussa senectute re-
 caleasco, quoties ex his, quæ agis, & scribis,
 E 2 intelligo

intelligo quantum te ipse (nam turbam olim reliqueras) supergrederis. Si agricolam arbor ad fructum perducta delectat, si pastor ex fatu gregis sui capit voluptatem, si alumnum suum nemo aliter intuetur, quam ut adolescentiam illius suam iudicet: quid evenire credis his, qui iugenia educaverunt, & quæ tenera forma vixerunt, adulta subito vident? Affero te mihi meum opus es. Ego cum vidissem indolem tuam, inieci manum, exhortatus sum, addidi stimulos, nec lentè ire passus sum, sed subinde incitavi: & nunc idem facio. Sed iam currendum hortor, inuicem hortantem. Quid, aliud, inquis, adhuc volo? in hoc plurimum est. Non sic quomodo principia totius operis dimidium occupare dicuntur, ita res animo constat: pars magna bonitatis est, velle fieri bonum. Scis quem dicam bonum; perfectum, absolutum, quem malum facere vlla vis, nulla necessitas possit. Hunc in te prospicio, si perseveraueris, & incubueris, & id egeris, ut omnia facta, dicta, quæ tua inter se congruant, ac respondeant sibi, & una forma percussa sit. Non est huiusmodi animus in recto, cuius acta discordant.

E P I S T. XXXV.

Amicum illum sibi optat, idest virum bonum: aliter enim amicus nemo est, etiam si amat. Hoc ergo faciat, & in primis discat convenienter vivere, idest constanter, idest sapienter.

CUm te obnixè rogo ut studens, meum negotium ago: habere amicum volo: quod contingere mihi (nisi pergas excolere te, ut capisti) non potest. Nunc enim amas me, amicus
non

non es. Quid ergo? hæc inter se diuersa sunt: imo dissimilia. Qui amicus est, amat: qui amat, non utique amicus est. Itaque amicitia semper prodest: amor etiam aliquando nocet. Si nihil aliud, ob hoc profice, ut amare discas. Festina ergo, dum mihi proficis, ne istuc alteri didiceris. Ego quidem percipio iam fructum, cum mihi fingo, vno nos animo futuros, & quidquid ætati meæ vigoris abcessit, id ad me ex tua, quamquam non multum abest, rediturum: sed tamen re quoque ipsa lætus esse volo. Venit ad nos ex his, quos amamus, etiam absentibus, gaudium: sed id leue, & euanidum. Conspectus, & præsentia, & conseruatio aliquid habet viuæ voluptatis: utique si non tantum quem velis, sed qualem velis videas. Affer itaque te mihi, ingens munus: & quo magis instes, cogita me senem esse, te mortalem. Propera ad me, sed ad te prius: profice, & ante omnia hoc cura, ut constes tibi. Quoties experiri voles, an aliquid actū sit, obuersa an eadem velis hodie quæ hæri. Mutatio voluntatis indicat animum natum, aliubi atque aliubi apparere, prout tulit ventus. Non vagatur quod est fixum, fundatum. Istud sapienti perfecto contingit, aliquatenus & proficienti, prouestoque. Quid ergo interest; hic commouetur quidem, non tamen transit, sed suo loco nutat: ille nec commouetur quidem.

EPIST. XXXVI.

Laudat quemdam, qui otio se admonit, à republica amonit: & ut contemnat vulgi voces. Pergat bonus esse, aut magis fieri: pergat & mortem aspernari, idque ratione.

Amicum tuum hortare, ut istos magno animo contemnat, qui illum obiurgant.

quòd umbram, & otium petierit, quòd dignitatem suam destituerit, & cum plus consequi posset, prætulit quietem omnibus. Quàm vtiliter negotium suum gesserit, quotidie illis ostendet. Hi quibus invidetur, non desinent transire: alij elidentur, alij cadent. Res est inquieta, felicitas; ipsa se exagitat: mouet cerebrum, non vno genere. Alios in aliud irritat: hos in potentiam, illos in luxuriam: hos inflat, illos molit, & totos resoluit. At bene aliquis illam fert: sic, quomodo vinum. Itaque non est quod tibi isti persuadeant, eum esse felicem, qui à multis obsidetur sic ad illum, quemadmodum ad lacum concurritur: quem qui exhauriunt, & turbant. Negatorium & inertem vocant. Scis quosdam peruersè loqui, & significare contraria. Felicem vocabunt: quid ego? erat? Ne illud quidem curo, quod quibusdam nimis horridi animi videtur terrici. Ariston aiebat malle se adolescentem tristem, quàm hilarem & amabilem turbæ. Vinum enim fieri bonum quòd recens durum & asperum visum est: non parietatem, quòd in dolio placuit. Sine eum tristem appellent, inimicum processibus suis: bene se dabit in vetustate ipsa tristitia: perseueret modo colere virtutem, perhibere liberalia studia, non illa quibus perfundi satis est, sed hæc quibus tingendus est animus: hoc est discendi tempus. Quid ergo? aliquod est, quo non sit discendum? minimè: sed quemadmodum omnibus annis studere honestum est: ita non omnibus institui. Turpia & ridicula res est elementarius senex. Iuueni parandum, seni vtendum est. Facies ergo rem vtilissimam tibi, si illum quam optimum feceris. Hæc aiunt beneficia esse expetenda tribuendaque, non dubiè primæ
fortis,

fortis, quæ tam prodest dare quàm accipere. Denique nihil illi iam liberi est; spondit: minus autem turpe est creditori, quàm spei bonæ decoquere. Ad illud æs alienum soluendum, opus est negotianti navigatione prospera, agrum colenti vbertate eius quàm colit terræ, & cæli favore: ille quod debet, sola potest voluntate persolvere. In mores fortuna ius non habet. Hos disponat: ut quam tranquillissimus ille animus ad perfectum veniat: qui nec ablatum sibi quidquam sentit, nec adiectum, sed in eodem habitu est, quomodocumque res cedunt. Cui sine aggeruntur vulgaria bona, supra re suas eminet; siue aliquid ex istis vel omnia casus excussit, minor non fit. Si in Parthia natus esset, arcum infans statim tenderet; si in Germania, protinus puer tenerum hastile vibraret, si auorum nostrorum temporibus fuisset, equitare, & hostem cominus percutere didicisset. Hæc singulis disciplina gentis suæ suadet, & imperat. Quid ergo huic, meditandum est? quod aduersus omnia tela, quod aduersus omne hostium genus bene facit, mortem contemnere: quæ quin habeat in se aliquid terribile, ut & animos nostros (quos in amorem sui natura formauit) offendat, nemo dubitat: nec enim opus esset in id comparari & acui, in quod instinctu quodam voluntario iremus sicut feruntur omnes ad conseruationem sui. Nemo discit, ut, si necesse fuerit, æquo animo in rosa iaceat, sed in hoc duratur, ut tormentis non submittat fidem, ut, si necesse fuerit, stans etiam aliquando saucius, pro vallo peruigilet, & ne pilo quidem incumbat, quia solet, obrepere interim somnus in aliquod adminiculum reclinatis. Mors nullum habet incommodum. Elle enim debet aliquid

cuius sit incommodum. Quod si tanto cupiditas longioris æui te tenet, cogita nihil eorum quæ ab oculis abeunt, & in rerum naturam, ex qua prodiderunt, ac mox processura sunt, reconduntur, consumi. Desinunt ista, non pereunt. Et morsquam pertimescimus ac recusamus intermittit vitam, non eripit: veniet iterum, qui nos in locum reponat dies, quem multi recusarent, nisi oblitos reduceret. Sed postea diligentius docebo, omnia quæ videntur, perire, mutari, æquo animo debet rediturus exire. Obserua orbem rerum in se remeantium: videbis in hoc mundo nihil exstingui, sed vicibus descendere, ac surgere. Æstas abit, sed alter annus illam adducit: hiems cecidit, referrent illam sui menses: solem nos obruit, sed ipsam statim dies abiget. Stellarum iste decursus, quidquid præterierit, repetit: pars cæli leuatur assidue, pars mergitur. Denique finem faciam, hoc vnum adiecero, nec infantes, nec pueros, nec mente lapsos, timere mortem: & esse turpissimum, si eam securitatem nobis ratio non præstat, ad quam stultitia perducit.

E P I S T. XXXVII.

Perseuerandum in via & militia Sapientiæ esse. Ab hac salutem, felicitatem, libertatem pendere. Perueniri, & vinci, Ratione duce.

Quod maximum vinculum est ad bonam mentem, promissisti virum bonum. Sacramento rogatus es. Deridebit, si quis tibi dixerit, molle esse militiam, facilem: nolo te decipi. Eadem honestissimi huius, & illius turpissimi

fimi auctoramenti, verba sunt, vri, vinciri, ferro-
que necari. Ab illis qui manus arenæ locant, &
edunt ac bibunt, quæ per sanguinem reddant,
cauetur vt ista vel inuiti patiantur à te, vt volens
libensque patiaris. Illis licet arma submittere,
misericordiam populi tentare: tu neque submit-
tes, nec vitam rogabis, recto tibi inuictoque
moriendum est. Quid porro prodest, paucos
dies aut annos lucrificare? sine missione nasci-
mur. Quomodo ergo, inquis, me expediam? ef-
fugere non potes necessitates: potes vincere. Fit
via: & hanc tibi viam dabit philosophia, ad hanc
te confer, si vis saluus esse, si securus, si beatus:
denique si vis esse, quod est maximum, liber.
Hoc contingere aliter non potest. Humilis res
est stultitia, abiecta, sordida, seruilis, multis af-
fectibus, & sæuissimis subiecta. Hos tam graues
dominos, interdum æternis imperantes, inter-
dum pariter, dimittat à te sapientia, quæ sola
libertas est. Vna ad hanc fere via, & quidem
recta. non aberrabis: vade certo gradu. Si vis
tibi omnia subijcere, te subijce rationi, multos
reges, si ratio te rexerit. Ab illa disces, quid &
quemadmodum aggredi debeas: non incides
rebus. Neminem mihi dabis, qui sciat quo-
modo quod vult cœperit velle, non consilio
adductus vllò, sed impetu impactus est. Non
minus sapè fortuna in nos incurrit, quàm nos in
illam. Turpe est non ire, sed ferri & subito, in
medio turbine rerum stupentem, quærere:
Huc ego quemadmodum veni?

EPIST. XXXVIII.

*Præcepta vtilia ad Sapientiam, magis
quàm Dissertationes sapè esse. Illa irre-
perem*

perem in animum, & seminis modo fructificare, & diffundi.

Merito exigit, ut hoc inter nos epistolarum commercium frequentemus. Plurimum proficit sermo, qui minutarim irrepit animo. Disputationes præparatae, & effusæ audiente populo, plus habent strepitus, minus familiaritatis. Philosophia bonum consilium est: consilium nemo clarè dat. Aliquando utendum est, & illis, ut ita dicam, concionibus; ubi qui dubitat, impellendus est: ubi verò non hoc agendū est, ut velit discere, sed ut dicat, ad hæc submissiora verba veniendum est. Facilius intrans, sed & hærent: nec enim multis opus est sed efficacibus. Seminis modo spargenda sunt, quod quamvis sit exiguum, cum occupavit idoneum locum, vires suas explicat, & ex minimo in maximos auctus diffunditur. Idem facit oratio, non latè patet, si aspicias: in opere crescit. Pauca sunt quæ dicuntur: sed si illa animus bene exceperit, conualescunt, & exsurgunt. Eadem est, inquam, præceptorum conditio, quæ seminum: multum efficiunt, & si angusta sunt, tantum, ut dixi, idonea mens rapiat illa, & in se trahat. Multam inuicem, & ipsa generabit, & plus reddet, quàm acceperit.

EPIST. XXXIX.

Varie, & varios, in philosophia scripsisse, excitari nos debere, & ardorem capere ab exemplo. Naturam eo ducere, quæ ad excelsa vocat; in quibus non est plebeia Felicitas: non item voluptas, quia aut fragilia sunt, aut nocent.

Commentatoris quos desideras, diligenter ornatos, & in angustum coactos, ego vē-

rō componam: sed vide ne plus profectura sit
 oratio ordinaria, quam hæc quæ nunc vulgo
 Breuiarium dicitur, olim cum Latinè loqueremur,
 Summarium vocabatur. Illa res discenti
 magis necessaria est: hæc scienti; illa enim docet,
 hæc admonet. Sed utriusque rei tibi copiam
 faciam. Tu à me, non est quod illum aut
 illum exigas, qui notorem dat, ignotus est. Scribam
 ego quod vis: sed meo more. Interim multos
 habes, quorum scripta nescio an satis ordi-
 nent. Sume in manus indicem philosophorum:
 hæc ipsa res expergisci coget, si videris quam
 multi tibi laborauerint, cōcupisces, & ipse ex il-
 lis vnus esse. Habet enim hoc optimum in se
 generosus animus, quod concitatur ad honesta.
 Neminem excelsi ingenij virum humilia delectant,
 & sordida: magnarum rerum species ad se vocat,
 & extollit. Quemadmodum flamma surgit in
 rectum, iacere ac deprimi non potest, non magis
 quàm quiescere: ita noster animus in motu est,
 eo mobilior, & actuosior, quo vehementior fuerit.
 Sed felix qui ad meliora hunc impetum dedit!
 ponet se extra iusditionemque fortunæ, secunda
 temperabit, aduersa comminuet, & alijs
 admiranda despiciet. Magni animi est, magna
 contemnere, ad mediocria malle, quam nimia,
 illa enim vtilia vitaliaque sunt: at hæc, eo
 quod superfluunt, nocent. Sic segerem nimia
 sternit vbertas: sic rami onere franguntur:
 sic ad maturitatem non peruenit nimia
 fecunditas. Idem animis quoque euenit,
 quos immoderata felicitas rumpit: quæ non
 tantum in aliorum iniuriam, sed etiam in suam
 vtuntur. Quis hostis in quemquam tam con-
 zumeliosus fuit, quam in quosdam voluptates
 suæ sunt? quorum impotentia atque insana li-

bidini ob hoc vñum possisignoscere, quòd quæ fecere patiuntur. Nec immeritò hic illos furor vexat: necesse est in immensum exeat cupiditas, quæ naturalem modum transiliit. Illa enim habet suum finem: inania, & ex libidini orta, sine termino sunt. Necessaria metitur utilitas: superuacua quò redigis. Voluptatibus itaque se mergunt, quibus in consuetudinem adductis carere non possunt: & ob hoc miserimi sunt, quòd eo perueniunt, vt illis quæ superuacua fuerant, facta sint necessaria: seruiunt itaque voluptatibus, non fruuntur: & mala sua, quòd malorum vltimum est, amant. Tunc autem consummata est infelicitas, vbi turpia non solum delectant, sed etiam placent: & desinit esse remedio locus, vbi quæ fuerant vitia, mores sunt.

EPIST. XL.

Hortatur scribere, quia ibi imago mentis; Tum de Serapione; prompti, & profusi sermonis; quòd negat Philosophum decere. Grauis & tarda oratio magis intrat & descendit.

Quod frequenter mihi scribis, gratias ago: nam quo vno modo potes, te mihi ostendis. Nunquam epistolam tuam accipio, vt non protinus vna simus. Si imagines nobis amicorum absentium iucundæ sunt, quæ memoriam renouant, & desiderium absentiae falso atque inani solatio leuant: quanto iucundiores sunt litteræ, quæ vera amici absentis vestigia, veras notas afferunt? Nam quòd in conspectu dulcissimum est, id amici manus epistolæ impressa præstat, agnoscere. Audisse te scribis. Serapionem
Phi.

Philosophum, cum istuc applicuisset, solere magno cursu verba conuoluere, quæ non effundit vna, sed premit & vrget: plura enim veniunt, quàm quibus vox vna sufficiat. Hoc non pro bo in philosopho, cuius pronuntiatio quoque, sicut vita, debet esse composita: nihil autem ordinatum est, quod præcipitatur, & properat. Itaque oratio illa apud Homerum concitata; & sine intermissione in morem niuis superueniens oratori data est: at lenis & melle dulcior seni profuit. Sic itaque habe, istam vim dicendi rapidam atque abundantem, aptiorem esse circulanti, quàm agenti rem magnam ac seriam, docentique æque stillare illam nolo, quàm currere: nec extendat aures, nec obruat. Nam illa quoque inopia, & exilitas, minus intentum auditorem, habet, tædio interruptæ tarditatis: facilius tamen insidet quod expectatur, quàm quod præternolat. Denique tradere homines discipulis præcepta dicuntur: non traditur, quod fugit. Adijce nunc, quod quæ veritati operam dat oratio incomposita debet esse & simplex. Hæc popularis nihil habet veri: mouere vult turbam, & inconsultas aures impetu rapere: tractandam se non præbet; aufertur. Quomodo autem regere potest, quæ regi non potest? Quid quod hæc oratio, quæ sanandis mentibus adhibetur, descendere in nos debet? remedia non prosunt nisi immorentur. Multum prætereà habet inimitatis, & vani: plus sonat, quàm valet. Lenienda sunt quæ me exterrant, compescenda quæ irritant, discutienda quæ fallunt: inhibenda luxuria, corripienda auaritia. Quid horum raptim potest fieri? quis medicus ægros in transitu curat? Quid, quod ne voluptatem quidem vllam habet talis verborum sine delectu ruentium strepitus? sed

ut pleraque quæ fieri posse non crederes, cognovisse satis est: sic istos, qui verba exercuerunt, abundè est semel audisse. Quid enim quis discere, quid imitari velit? quid de eorum animo iudicet, quorum oratio perturbat, & immissa est, nec potest reprimi? Quemadmodum per proclive currentium, non ybi visum est, gradus sistitur, sed incitato corporis pondere se rapit, ac longius, quam voluit effecturus, sic ista dicendiceleritas nec in sua potestate est; nec satis decora philosophiæ, quæ ponere debet verba, non projicere, & pedetentim procedere. Quid ergo non aliquando, & insurget? Quidni? sed salva dignitate morum: quàm violenta ista, & nimia vis exuit. Habeat vires magnas, moderatas tamen: perennis sit vnda, non torrens. Vix oratori permiserim talem dicendi velocitatem, irreuocabilem, ac sine lege videntem. Quemadmodum enim iudex subsequi poterit, aliquando etiam imperitus ac rudis: tum quoque cum illum aut ostentatio abstulerit, aut affectus impotens sui, tantum festinet atque ingerat, quantum aures pati possunt. Rectè ergo facies, si non videris istos, qui quantum dicant, non quemadmodum, quærunt; & ipse malueris aliquando si necesse est, vel iuxta P. Vincium dicere, qui, cum quæreretur, quomodo diceret, Asellius ait. Tractim. Nam Geminus Varius ait; Quomodo istum disertum dicatis, nescio; tria verba non potest iungere. Quid ni malistu sic dicere, quomodo Vinicius? Aliquis tam insulsus interuenerit, quàm qui illi singula verba vellenti, tanquam dictaret, non diceret, ait: Dic, vel nunquam dicas. Non Q. Haterij cursum suis temporibus oratoris celebrimi, longè abesse ab homine sano volo.

Nun-

Nunquam dubitauit, nunquam intermisit: semel incipiebat, semel desinebat. Quædam tamen, nationibus puto magis aut minus conuenire. In Græcis hanc licentiam tuleris; nos etiam cum scribimus, interpungere consueuimus. Cicero quoque noster, à quo Romana eloquentia exstitit, gradarius fuit. Romanus sermo magis se circumspicit, & æstimat, & præbet æstimandum. Fabianus vir egregius, & vita, & scientia, & quod post ista est, eloquentia quoque disputabat expedite magis, quam concitate: ut posses dicere, facilitatem esse illam, non celeritatem. Hanc ego in viro sapiente recipio, non exigo ut oratio eius sine impedimento exeat; proferat tamen malo, quam profluat, Eo autem magis te deterreo ab isto morbo quod non potest tibi ista res contingere aliter, quam si te pudere desierit: perfrices frontem oportet, & ipse te non audias. Multa enim obseruatus ille cursus feret, quæ reprehendere velis. Non potest, inquam, tibi contingere res ista, salua recundia. Præterea exercitatione opus est quotidiana, & à rebus studium transferendum est ad verba. Hæc autem etiam si aderunt, & poterunt sine vlllo tuo labore decurrere, tamen temperanda sunt, nam quemadmodum sapienti viro incessus molestior conuenit; ita oratio pressa, non audax. Summa ergo summarum hæc erit; tardiloquum te esse iubeo.

EPIST. XLI.

O pulchram, altamque epistolam. Deum in nobis habitare, & bonum virum in eo nullum, esse. Colamus ipsum, & animum, qui ab ille descendit. In eo propria nostra bona sunt;

Rutilio

*Ratio alia omnia aliena . Bonnum autem , res
ēta Ratio.*

FAcis rem optimam, & tibi salutarem, si, ut scribis, perseveras ire ad bonam mentem: quam stultum est optare, cum possis à te impetrare. Non sunt ad cælum eleuandæ manus, nec exorandus ædituus, ut nos ad aures simulacri, quasi magis exaudiri possimus, admittat: prope est à te Deus, tecum est, intus est. Ita dico, Lucili, sacer intra nos spiritus sedet, malorum bonorumque nostrorum observator, & custos: hic prout à nobis tractatus est, ita nos ipse tractat. Bonus vir sine Deo nemo est. An potest aliquis supra fortunam, nisi ab illo adiutus, exsurgere: ille dat consilia magnifica, & erecta. In vnoquoque vītorum bonorum (Quis Deus incertum est) habitat Deus. Si tibi occurrit vetustis arboribus & solitam altitudinem egressis frequens lucus, & conspectum cæli densitate ramorum aliorum alios protegentium submouens: illa procellitas silvæ, & secretum loci, & admiratio umbræ, in aperto tam densæ atque continuæ, fidem tibi numinis facit. Et si quis specus saxi penitus exesis montem suspenderit non manu factus, sed naturalibus causis in tantam laxitatem excavatus: animum tuum quadam religionis suspicione percutiet. Magnorum fluminum capita veneramur: subita & ex abdito vasti æmnis eruptio aras habet: conluntur aquarum calentium fontes: & stagna quædam, vel opacitas vel immensa altitudo sacrauit. Si hominem videris interitum periculis, intactum cupiditatibus, inter aduersa felicem, in medijs tempestatibus placidum, ex superiore loco homines videntem, ex
æquo

*vasti
æmnis*

æquò deos, non subibit te veneratio eius: non
 dices: ista res maior est altiorque, quam ut cre-
 di similis huic, in quo est, corpusculo possit: Vis
 istuc diuina descendit: animum excellentem
 moderatum, omnia tanquam minora transeun-
 tem, quidquid timemus optamusque ridentem,
 cælestis potentia agit, non potest res tanta si-
 ne adminiculo numinis stare. Itaque maiore sui
 parte illic est, vnde descendit. Quemadmodum
 radij solis contingunt quidem terram, sed ibi
 sunt vnde mittuntur: sic animus magnus & sa-
 cer, & in hoc demissus ut propius diuina nosse-
 mus, conuersatur quidem nobiscum, sed hæret
 origini suæ. Illinc pendet, illuc spectat ac niti-
 tur: nostris tanquam melior interest: Quis est
 ergo hic? animus nullo bono nisi suo niti-
 tur. Quid enim est stultius, quam in homine
 aliena laudare: quid eo dementius, qui ea mira-
 tur, quæ in alium protinus transferri possunt?
 Non faciunt meliorem equum aurei freni. Ali-
 ter leo aurata iuba demittitur, dum contracta-
 tur, & ad patientiam recipiendi ornamenta co-
 gitur fatigatus: aliter incultus, integri spiritus.
 Hic scilicet impetu acer, qualem illum esse
 natura voluit, speciosus ex horrido, cuius hic
 decor est, non sine timore adspici, præfertur il-
 li languido, & bracteato. Nemo gloriari nisi
 suo debet. Vitem laudamus, si fructu palmites
 onerat, si ipsa ad terram, pondere eorum quæ
 tulit, adminicula deducit. Num quis huic il-
 lam præferet vitem, cui aureæ vix, aurea
 folia dependent; Propria virtus est in vite,
 fertilitas: in homine quoque id laudandum
 est, quod ipsius est. Familiam formosam
 habet, & domum pulchram: multum serit,
 multum fœnerat, nihil horum in ipso est, sed
 circa

circa ipsum. Lauda in ipso, quod nec eripi potest, nec dari: quod proprium est hominis. Quæris quid sit? animus, & ratio in animo perfecta. Rationale enim animal est homo, consummatur itaque eius bonum, id adimplevit cui nequitur. Quid est autem quod ab illo ratio hæc exigit rem facillimam, secundum naturam suam vivere: sed hanc difficilem facit communis insania. In vitia alter alterum trudemus, quomodo autem ad salutem reuocari possunt, quos nemo retinet, populus impellit.

EPIST. XIII.

Non cito credendum de Viro bono; rem magnam esse. Quosdam præferre, aut simulare; malos futuros, si sit accisio. Exempla cuiusdam docet. Tum non laborandum in externis: quæ incommoda, aut falsa commoda, habent.

Iam tibi iste persuasit, se virum bonum esse. Atqui vir bonus tam citò nec fieri potest, nec intelligi. Scis quem nunc virum bonum dicam huius secundæ notæ, nam ille alter fortasse, tanquam phœnix, semel anno quingentesimo nascitur: nec est mirum, ex intervallo magna generari. Mediocria, & in turbam nascentia, sæpe fortuna producit: eximia verò, ipsa raritate commendat. Sed iste multum adhuc abest ab eo, quod proficetur: & si sciret quid esset vir bonus nondum se esse crederet: fortasse etiam fieri posse desperaret. At male existimat de mali. Hoc etiam mali faciunt, nec vlla maior pena nequitiae est, quàm quod sibi ac suis displicet. At odit eos qui subita, & magna potentia impotenter vtuntur. Idem faciet, cum idem potuerit: multorum, quia imbecillia sunt: latent vitia.

vitia non minus ausura, cum illis vires suæ placuerint, quàm illa quæ iam felicitas aperuit. Instrumenta illis explicandæ nequitiae defunt. Sic tuto serpens etiam pestifera tractatur, dum riget frigore: non defunt tunc illi venena, sed torpent. Multorum crudelitas, & ambitio, & luxuria, ut paria pessimis audeat, fortunæ favore deficitur: eadem velle eos, cognosces: da posse, quantum volunt. Meministi, cum quemdam affirmares esse, in tua potestate, dixisse me, volaticum esse ac leuem, & te non pedem eius tenere, sed pennam. Mentius sum; pluma tenebatur, quàm remisit, & fugit. Scis quos postea exhibuerit tibi ludos, quàm multa in caput suum casura tentauerit. Non videbatur se per aliorum pericula in suum ruere: non cogitabat quàm onerosa essent quæ petebat, etiam si superuacua non essent. Hoc itaque in his quæ affectamus, ad quæ labore magno contendimus inspicere debemus, aut nihil in illis commodi esse, aut plus incommodi. Quædam superuacua sunt, quædam tanti non sunt. Sed hæc non provideamus, & gratuita nobis videntur, quæ carissimè constant. Ex eo licet stupor noster appareat, quòd ea sola putamus emi pro quibus pecuniam soluiamus: gratuita vocamus, pro quibus nos ipsos impendimus. Quæ emere nolumus, si domus nobis postea pro illis esset danda, si amenum aliquod fructuosumue prædium: ad ea paratissimi sumus peruenire cum sollicitudine, cum periculo, cum iactura pudoris, & libertatis, & temporis. Adcò nihil est cuique se vilius. Idem itaque in omnibus consilijs rebusque faciamus, quod solemus facere, quoties ad institorem alicuius mercis accessimus: videamus, hoc quod concupiscimus,

quanti

quanti deferatur. Sæpè maximum pretium est, pro quo nullum datur. Multa possum tibi ostendere, quæ acquisita acceptaque, libertatem nobis extorserunt: nostri essemus, si ista nostra non essent: Hæc ergo tecum ipse versa, non solum ubi de incremento ageretur, sed etiam ubi de iactura. Hoc perituum est? nempe aduentitium fuit: tam facile sine isto viues, quam vixisti. Si diu illud habuisti, perdis postquam satiatus es: si non diu, perdis antequam assue-
 scas. Pecuniam minorem habebis: nempe & molestiam: gratiam minorem nempe & inuidiam. Circumspice ista, quæ nos agunt in insaniam, quæ cum plurimis lacrymis amittimus: scies non damnum in his molestum esse, sed opinionem damni. Nemo illa perisse sentit, sed cogitat. Qui se habet, nihil perdidit: sed quoto cuique habere se contigit?

E P I S T. XLIII.

Non latere, quæ faciat; rumorem omnia perferre Ergo viues inquit, ut in publico Quid si etiam lateas? animus tuus scit & videt.

Quomodo hoc ad me peruenerit, quæris: quis mihi id te cogitare narrauerit, quod tu nulli narraueras. Is qui scit plurimum, rumor. Quid ergo, inquis, tantus sum, ut possim excitare rumorem; non est quod te ad hunc locum respiciens metiaris: ad istum respice, in quo moraris. Quidquid inter vicina eminet, magnum est illic, ubi eminet, Nam magnitudo non habet certum modum: comparatio illum aut tollit, aut deprimat. Nauis quæ in flumine magna est, in mari paruula est gubernacu-

culum, quod nani alteri magnum, alteri exiguum est. Tu nunc in prouincia, licet contemnas ipse te, magnus es: quid agas, quemadmodum cænes, quemadmodum dormias, quæritur scitur. Eo tibi diligentius viuendum est. Tunc autem felicem te esse iudicà, cùm poteris in publico viuere, cùm te parietes tui tegent, non abscondent: quos plerumque circumdatos nobis iudicamus, non vt tutius uiuamus, sed vt peccemus occultius. Rem dicam, ex qua mores æstimates nostros, vix quemquam inuenies, qui possit aperto ostio viuere. Ianitores conscientia nostra, non superbia opposuit. Sic viuimus, vt deprehendi sit, subito adspici. Quid autem prodest recondere se, & oculos hominum auresque vitare: bona conscientia turbam aduocat, mala etiam in solitudine anxia atque sollicita est. Si honesta sunt, quæ facis, omnes sciant: si turpia, quid refert neminem scire, cùm tu scias? O te miserum, si contemnis hunc testem.

EPIST. XLIV.

Pulchra epistola. Nemo se à stirpe contemnat, si ad Sapientiam, id est Virtutem, venit. Hæc sola nobilitat.

Iterum tu mihi te pusillum facis, & dicis, malignius tecum egisse naturam prius, deinde fortunam: cùm possis te eximere vulgo: & ad felicitatem omnium maximam emergere. Si quid aliud est in philosophia boni, hoc est, quod stemma non inspicit. Omnes si ad primam originē reuocentur, à dijs sunt. Eques Romanus eo & ad hunc ordinem tua te perduxit industria at mehercules multis quatuordecim sūt clausi. Nō omnes curia admittit: castra quoq; quos ad laborem,

rem, & periculum recipiunt, fastidiosè legunt :
 Bona mens omnibus patet: omnes ad hoc sumus
 nobiles: nec reiicit quemquam philosophia, nec
 eligit: omnibus lucet. Patricius Socrates non
 fuit: Cleanthes aquam traxit, & rigando hortu-
 lo locauit manus: Platonem non accepit nobi-
 lem philosophia, sed fecit. Quid est quare despe-
 res histe posse fieri parem? omnes hi maiores
 tui sunt, si te illis geris dignum. Geres autem, si
 hoc protinus tibi persuaeris, à nullo te nobilita-
 re superari. Omnibus nobis totidem ante nos
 sunt: nullius non origo vltra memoriam iacet.
 Plato ait: Neminem Regem non ex seruis esse
 oriundum, neminem non seruum ex Regibus.
 Omnia ista longa varietas miscuit, & rursum
 deorsum fortuna versauit: Quis ergo generosus
 ad virtutem bene à Natura compositus. Hoc v-
 num est intuendum: alioqui si ad vetera reuo-
 cas, nemo non inde est, ante quod nihil est. A
 primo mundi ortu, vsque in hoc tempus, perdu-
 xit nos ex splendidis, sordidisque alternata series.
 Non facit nobilem atrium plenum fumosis
 imaginibus: nemo in nostram gloriam vixit:
 nec quod ante nos fuit, nostrum est. Animus fa-
 cit nobilem: cui ex quacumque conditione su-
 pra fortunam licet surgere. Puta itaque te non
 esse equitem Romanum, sed libertinum: potes
 hoc consequi vt solus sis liber inter ingenuos.
 Quomodo? inquis, si mala, bonaque non popu-
 lo auctore distinxeris: Intuendum est, non vnde
 veniant, sed quo eant. Si quid est, quod beatam
 vitam potest facere, id bonum est suo iure: de-
 prauari enim in malum non potest. Quid est
 ergo, in quo erratur? cum omnes beatam vi-
 tam optent, quod instrumenta eius pro ipsa ha-
 bent, & illam dum petunt, fugiunt. Nam cum
 summa

summa beatæ vitæ sit solida securitas! & eius inconcussa fiducia, solitudinis colligunt causas, & per insidiosum iter vitæ non tantum ferunt sarcinas, sed trahunt. Ita longiùs ab effectu eius quod petunt, semper abscedunt, & quo plus opere impendunt, hoc se magis impediunt, & feruntur retro. Quòd euenit in labyrintho properantibus, ipsa illos velocitas implicat.

EPIST. XLV.

Non multis libris, sed bonis, ad sapientiam opus. Veteres superflua quædam, aut arguta, frustra scripsisse. Tum contra canillos, & vocum captiones, Res, res, & earum discrimina quærenda. Quis beatus, & quòd verè bonum?

Librorum istic inopiam esse quereris. Non refert quàm multos, sed quàm bonos habeas: lectio certa prodest, varia delectat. Qui quo destinauit peruenire vult, vnā sequatur viam, non per multas vagetur: non ire istud, sed errare est. Vellem, inquis, magis libros mihi, quàm consilium dares. Ego verò quoscumque habeo mittere paratus sum, & totum horreum, excutere me quoque isto si possem, transferrem & nisi maturè te finem officij sperarem impetraturum, hanc senilem expeditionem indixissem mihi: nec me Charybdis, & Scylla, & fabulorum istud fretum deterrere potuissent. Transnarassem ista non solum traiecissem, dummodo re complecti possem, & præsens æstimare quorum animo creuisses. Ceterū quòd libros meos tibi mitti desideras, non magis ideò me discerum puto, quàm formosum putarem, si imaginem

nem meam peteres. Indulgentiæ scio istud esse, non iudicij, & si modo iudicij, est, indulgentia tibi imposuit. Sed qualescumque sunt, tu illos sic lege, tanquam verum quæram adhuc, non sciam, & contumaciter quæram. Non enim me cuiquam emancipavi, nullius nomen fero: multum magnorum virorum iudicio credo, aliquid, & meo vindico. Nam illi quoque non inuenta, sed quærenda nobis reliquerunt: & inuenissent forsitan necessaria, nisi & superflua quæsisent. Multum illis temporis verborum cauillatio eripuit, & capitiosæ disputationes, quæ acumen irritum exercent. Nescimus nodos, & ambiguam significationem verbis illicamus, deinde dissoluimus. Tantum nobis vacat? iam viuere, iam mori scimus? Tota illo mente pergendum est, vbi prouideri debet, ne res nos, non verba, decipiant. Quid mihi vocum similitudines distinguis, quibus nemo vquam nisi dum disputat, captus est? res fallunt, illas discerne. Pro bonis mala amplectimur: optamus contra id quod optauimus: pugnant vota nostra cum votis, consilia cum consilijs. Adulatio quàm similis est amicitiae? Non imitatur tantum illam, sed vincit, & præterit: aperitis & propitijs auribus recipitur, & in præcordia ima defendit, eo ipso gratiosa quo lædit. Doce quemadmodum hanc similitudinem dignoscere possim: venit ad me pro amico blandus inimicus? vitia nobis sub virtutum nomine obrepunt: temeritas sub titulo fortitudinis latet moderatio vocatur ignauia: pro cauto timidus accipitur. In his magno periculo erratur: his certas notas imprime. Ceterum qui interrogatur, an cornua habeat, non est tam stultus ut frontem suam tentet: nec rursus tam ineptus

aut

aut habes, aut non habere se nesciat, quod tu illi subtilissima collectione persuaseris. Sic ista sine noxa decipiunt, quomodo præstigiatorum acetabula, & calendi, in quibus fallacia ipsa delectat. Effice, ut quomodo fiat intelligam: perdi-vsum. Idem de istis captionibus dico, quoniam enim nomine potius sophismata appellem: nec ignorantem nocent, nec scientem iuvant. Si vis utique verborum ambiguitates deducere: hoc nos doce, beatum non eum esse, quem vulgus appellat, ad quem pecunia magna confluxit: sed illum, cui bonum omne in animo est rectum, & excelsum, & mirabilia calcantem: qui neminem videt, cum quo se commutat: qui hominem ea sola parte æstimat, qua homo est qui natura magistra utitur, ad illius leges componitur, sic vivit; quomodo illa præscripsit: cui bona sua nulla vis excutit: qui mala in bonum vertit, certus iudicii, inconcussus, trepidus: quem aliqua vis movet, nulla perturbat: quem fortuna cum in eum, quod habuit telum nocentissimum, vi maxima intorsit, pungit, non vulnerat, & hoc raro. Nam cetera eius tela, quibus genus humanum debellatur, grandinis more dissultant: quæ incussa testis, sine ullo habitatoris incommodo crepitat, ac soluitur. Quid me detines in eo, quem tu ipse Pseudomenon appellas, de quo tantum librorum compositum est? Ecce tota mihi vita mentitur: hanc coargue, hanc ad verum, si acutus es, redige. Necessaria iudicat: quorum magna pars superuacua est: etiam quæ non est superuacua, nihil in se momenti habet in hoc, ut possit fortunatum, beatumque præstare. Non enim statim bonum est, quid necessarium est. Ac proieimus bonum, si hoc nomen

pani aut polentæ damus, & ceteris sine quibus vita non ducitur. Quod bonum est utiq; necessarium est: quod autem necessarium est, non statim bonum est: quoniam quædam necessaria sunt, eadem vilissima. Nemo usq; eo dignitatem boni ignorat, ut illud ad hæc in diem utilia demittat. Quid ergo: non eo potius curam transferes, ut ostendas omnibus, magno temporis impendio quæri superuacua: & multos transisse vitam, dum vitæ instrumenta conquirunt: Recognosce singulos, considera vniuersos: nullius non vita spectat in crastinum. Quid in hoc sit mali, quæris: infinitum, non enim viuunt, sed victuri sunt: omnia differunt. Etiam si attendere-mur, tamen nos vita præcurreret: nunc vero cunctantes quasi aliena transcurrit, & ultimo die finitur, omni perit. Sed ne epistolæ modum excedam, quæ non debet sinistram manum legentis implere: in alium diem hanc litem cum dialecticis differam, nimium subtilibus, & hoc solum curantibus, non & hoc.

EPIST. XLVI.

De libro Lucilii indicat, & laudat.

Librum tuum quem mihi promiseras, accepi, & tanquam lecturus ex commodo adaperui, ac tantum degustare volui. Deinde blanditur est ipse, ut procederem longius, qui quam disertus fuerit, ex hoc intelligas licet, brevis mihi visus est, cum esset nec mei, nec tui corporis, sed qui primo adpectu aut T. Liuij, aut Epicuri posset videri: tanta autem dulcedine me tenuit, & traxit, ut illum sine vlla dilatione perlegerem. Sol me inuitabat, fames admonebat, nubes minabantur: tamen exhausti totum. Non tantum

tantum delectatus, sed gaudius sum. Quid ingenij iste habuit? quid animi? dicerem, quid impetus? si interquisiuisse si interuallo surrexisset. Nunc non fuit impetus, sed tenor, compositio virilis, & sancta. Nihilominus interueniebat dulce illud, & loco lenē. Grandis & rectus es, hoc te volo tenere, sic ire. Fecit aliquid & materia, idē eligenda est fertilis, quæ capiat ingenium, quæ excitet. De libro tuo plura scribam, cum illum retractauero; nunc verō, parum mihi sedet iudicium, tanquam audierim ista, nō legērī. Sine me, & inquirere. Non est quod verearis, verū audies. O te hominem felicem, quod nihil habes, propter quod quisquam tibi tam longē mentiat? nisi quod etiam ubi causa sublata est, mentimur & consuetudinis causa.

EPIST. XLII.

*Familiariter cum seruis agendum, viuendumq;
Peccatum in eos uiuere, ex fastu & fastidio.
Iudicio tamen, liberius aut seuerius, hos illos
que (pro indole, & virtute cuiusque,) habendos.*

Libenter ex his qui à te veniunt, cognoui, familiariter te cum seruis tuis viuere: hoc prudentiam tuam, hoc eruditionem decet. Serui sunt? imo homines. Serui sunt? imo contubernales. Serui sunt? imo humiles amici. Serui sunt? imo conserui, si cogitaueris tantumdem in utrosque licere fortunæ. Itaque rideo istos qui turpe existimant cum seruo cænare, quare? nisi quia superbissima consuetudo cænantī domino stantium seruorum turbam circumdedit. Est ille plus quā capit, & ingenti aui-

ditate onerat distentum ventrem, ac desuetum iam ventris officio, ut maiore opera omnia egerat, quam ingressit: at infelicibus seruis mouere labra, ne in hoc quidem, ut loquantur, licet: virga murmur omne compescitur: & ne fortuita quidem verberibus excepta sunt, tussis, sternutamentum, singultus: magno malo vlla voce interpellatum silentium luitur: nocte tota ieiuni, mutique perstant. Sic fit, ut isti de domino loquantur, quibus coram domino loqui non licet. At illi, quibus non tantum coram dominis, sed cum ipsis erat sermo, quorum os non consuebatur, parati erant pro domino porrigere ceruicem, periculum imminens in caput suum auertere. In conuiuijs loquebantur, sed in tormentis tacebant. Deinde eiusdem arrogantiae prouerbum iactator: Totidem esse hostes, quot seruos. Non habemus illos hostes, sed facimus. Alia interim crudelia, & inhumana prætereo, quod nec tanquam hominibus quidem, sed tanquam iumentis abutimur: quod cum ad cænandum discubimus, alius sputa detergit, alius reliquias temulentorum subditus colligit, alius pretiosas auer scindit: pectus, & clunes, certis ductibus circumferens eruditam manum, in frustra excutit. Infelix qui huic vni rei viuit, ut altitia decenter secet: nisi quod miserior est, qui hoc voluptatis causa docet, quàm qui necessitatis discit. Alius vini minister in muliebrem modum ornatus cum ætate luctatur. Non potest effugere pueritiam, sed retrahitur: iamque militari habitu glaber, destrixis pilis, aut penitus auulsis, tota nocte pertigilat: quam inter ebrietatem domini, ac libidinem diuidit; & in cubiculo vir, & in conuiuijs puer est. Alius cui conuiuarum censura permissa est, præstat infelix, & expectat,

quos

Quos adulatio, & intemperantia aut gulæ, aut linguæ reuocet in crastinum: Adice obsonatores, quibus dominici palati notitia subtilis est: qui sciunt, cuius rei illum sapor exciter, cuius delectat aspectus: cuius nouitate nauseabundus erigi possit, quid iam ipsa satietate fastidiat; quid illo die esuriant. Cum his cænare non sustinet, & maiestatis suæ diminutionem putat, ad eandem mensam cum seruo suo accedere. Dignius melius, quod ex istis dominos habent. Stare ante limen Callisti dominum suum vidi, & cum, qui illi impegerat titulum, qui inter reijcula mancipia produxerat, alijs intransibns excludi. Retulit illi gratiam seruus, ille in priamam decuriam coniectus, in qua nocem præcoeperitus; & ipse illum inuicem apologauit, & ipse non iudicauit domo sua dignum. Dominus Callistum vendidit; sed domino quam multa Callistus? Vis tu cogitare istum, quem seruum tuum vocas, ex iisdem seminibus ortum, eodem frui cælo, æquè spirare, æquè viuere, æquè mori; Tam tu illum ingenuum videre potes, quam ille te seruum. Mariana clade quam multos splendidissimè natos, senatorium per militiam auspicantes gradum, fortuna depressit? alium ex illis pastorem, alium custodem casæ fecit. Contemne nunc eius fortunæ hominem, in quam transire, dum contemnis, potes. Nolo in ingentem me locum immittere, & densus seruatorum disputare, quod superbissimi, crudelissimi, & contumeliosissimi sumus. Hæc tamen præcepti mei summa est: Sic cum inferiore viuas, quemadmodum tecum superiorem velles viuere. Quoties in mentem venerit, quantum tibi in seruum liceat; veniat in mentem, tantumdem in te domino tuo licere.

At ego, inquis, nullum habeo dominum. Bona ætas est, forsitan habebis: nescis qua ætate Hecuba seruire cæperit, qua Cræsus, qua Darii mater, qua Plato; qua Diogenes? Viue cum seruo clementer: comiter quoque, & in sermonem admitte, & in consilium, & in conuictum. Hoc loco acclamabit mihi tota manus delicatiorum: Nihil hac re humilior, nihil, turpius. Hos ego eosdem deprehendam, alienorum seruorum osculantes manum. Ne illud quidem videris, quam omnem inuidiam maiores nostri dominis, omnem contumeliam seruis detraxerint: Dominum, patremfamilie appellauerunt: seruos (quod etiam in minis adhuc dureret) familiares. Instituerunt diem festum, quo non solum cum seruis domini vescerentur, sed quo utique honores illis in domo gerere ius, dicere permiserunt, & domum pusillam rempublicam esse iudicauerunt. Quid ergo? omnes seruos, admouebo mensæ meæ; non magis quam omnes liberos. Erras, si existimas me quosdam quasi sordidioris operæ reiecturum, ut puta illum mullionem, & illum bubulcum, non ministerijs illos æstimabo, sed moribus. Sibi quisque dat mores: ministeria calus afflignat. Quidam, æstant tecum, quia digni sunt, quidam, ut sint: Si quid enim in illis ex sordida conuersatione seruale est, honestiorum conuictus excutiet. Non est, mi Lucili, quod amicum tantum in foro, & in curia queras: si diligenter attenderis, & domi inuenies. Sæpe bona materia cessat sine artifice: tenta, & experire. Quemadmodum stultus est, qui equum empturus, non ipsum inspicit, sed stratum eius ac frenos: sic stultissimus est, qui hominem aut ex veste, aut ex conditione, quæ vestis modo nobis,

cir-

circumdata est, æstimat. Seruus est? sed fortasse liber animo. Seruus est; hoc illi nocebit; ostende quis non sit. Alius libidini seruit, alius auaritiæ, alius ambitioni; omnes timori. Dabo consularem, aniculæ seruientem; dabo ancillulæ diuitem; ostendam nobilissimos iuuenes mancipia Pantomimorum. Nullo seruitus turpior est, quam voluntaria. Quare non est quod fastidiosi te deterreant, quo minus seruis tuis hilarem te præstes, & non superbè superiorem. Colant potius te, quam timeant. Dicit nunc aliquis, me vocare ad pileam seruos, & dominos fastigio suo deicere, quod dixi, colant potius dominum, quam timeant. Ita ne, inquit, prorsus colant tanquam clientes, tanquam salutatores? Hoc qui dixit, obliuiscetur, id dominis parum esse, quod Deo satis est qui colitur & amat. Non potest amor cum timore miseri. Rectissime ergo te facere iudico, quod timeri à seruis tuis non vis, quod verborum castigatione vteris. Verberibus multa admonentur; non quidquid nos offendit, & lædit. Sed ad rabiem cogunt venire delicta, ut quidquid non ex voluntate respondit, iram prouocet. Regum nobis induimus animos; nam illi quoque obliui & virium suarum, & imbecillitatis alienæ, sic excandescunt, sic sequuntur quasi iniuriam acceperint: à cuius rei periculo illos fortunæ suæ magnitudo tutissimos præstat. Nec hoc ignorant, sed occasionem nocendis aptant, querendo: acceperunt iniuriam, ut facerent. Diutius te morari nolo; non est enim tibi exhortatione opus. Hoc habent inter cetera boni mores, placent sibi, & permanent; levis est militia, sepe mutatur, non in melius, sed in aliud.

EPIST. XLVIII.

Amicis eadem expedire, & alterum alteri utilem esse. Tum contra captiunculas, & spinosas ineptias; Quid facitis? quid luditis? de vita agitur: succurre, & forma. De fortuna; contra eam de arma.

AD epistolam quam mihi exitinere misi-
sti, tam longam, quam ipsum iter fuit,
postea rescribam. Seducere me debeo, & quid
suadeam circumspicere. Nam tu quoque qui
consulis, diu an consuleres cogitasti; quanto
magis hoc mihi faciendum est, cum longiore
mora opus sit, ut soluas quaestionem quam, ut
proponas? Vtique cum aliud tibi expediat, aliud
mihi; iterum ego tanquam Epicurus loquor.
Mihi vero idem expedit, quod tibi: aut non
sum amicus, nisi quidquid agitur ad te perti-
nens, meum est. Consortium rerum omnium
inter nos facit amicitia; nec secundi quidquam
singulis est, nec aduersi: in commune viuitur.
Nec potest quisquam beate degere, qui se tan-
tum intuetur; qui omnia ad utilitates suas con-
uerit; alteri viuas oportet, si vis tibi viuere.
Hæc societas diligenter, & sancte obseruanda
est, quæ nos omnes omnibus miscet, & iudicat
aliquod esse commune ius generis humani: plu-
rimum ad illam quoque (de qua loquebar) in-
teriore societatē amicitiae colendam profici-
cit. Omnia enim cum amico communia ha-
bebit, qui multa cum homine. Hoc, Lucili vi-
rorum optime, mihi ab istis subtilibus præci-
pi malo quid amico præstare debeam, quid
homini, quam quot modis. Amicus dicatur,
& Homo quam multa significet. In diuersum
ecce sapientia, & stultitia discedunt; cui acce-
do?

do; in vtram ire partem iubes; Illi homo pro amico est, huic amicus non est pro homine: ille amicum sibi parat, hic se amico. Tu mihi verba distorques, & syllabas digeris. Scilicet nisi interrogationes vasserimas struxero, & conclusionem falsam à vero nascens mendacium adstrinxero, non potero à fugiendis petenda secernere. Pudet me: in re tam seria senes ludimus. Mus syllaba est: mus autem caseum rodit syllaba ergo caseum rodit. Puta nunc me istud non posse soluere: quod mihi ex ista sententia periculum imminet? quod incommodum; Sine dubio verendum est, ne quando in muscipula syllabas capiam, aut ne quando, si negligentior fuero, caseum liber comedat. Nisi forte acutior est illa collectio: Mus syllaba est: syllaba autem caseum non rodit: mus ergo caseum non rodit: O pueriles ineptias! in hoc supercilia subduximus: in hoc barbam demisimus; hoc est, quod tristes docemus, & pallidi; Vis scire, quid philosophia promittat generi humano consilium. Alium mors vocat, alium paupertas vrit, alium diuitiæ vel alienæ torquent, vel suæ: ille malam fortunam horret, hic se felicitati suæ subducere cupit: hunc homines male habent, illum dii. Quid mihi lusoria ista proponis? non est locandi locus; ad miseros aduocatus es. Opem te laturum naufragis, captis, ægri, egentibus, intentæ securi subiectum præstantibus caput pollicitus es; quo diuerteris? quid agis? hic, cum quo ludis, timet. Succurre, quisquis eloquentior es, pereuntium pænis. Omnes vndique ad te manus, tendunt, perditæ vitæ, perituræque auxilium aliquod implorant, in te spes, opesque sunt. Rogant, ut ex tanta illos volutatione extrahas, ut disceris, & erran-

130 L. ANNÆI SENECAE
tibus clarum veritatis lumen ostendas. Dic:
quid natura necessarium fecerit, quid superua-
uum, quam faciles leges posuerit, quam iucun-
da sit vita, quam expedita, illas sequentibus;
quam acerba, & implicita eorum, qui opinioni
plus quam naturæ crediderunt. Quid istorum
cupiditates demit? quid temperat? Utinam
tantum non prodesse! nocere! Hoc tibi, cum
voles, manifestissimum faciam, & comminui, &
debilitari generosam indolem, in istas argutitas
coniectam. Pudet dicere contra fortunam
militaturis, quæ porrigant tela quemadmodum
illos subornent. Hac ad summum bonum
itur: per istud philosophiæ sunt nigrae, & tur-
pes, infamesque etiam ad album sedentibus, ex-
ceptiones. Quid enim aliud agitis, cum eum,
quem interrogatis, scientes in fraudem induci-
tis, quam ut formula cecidisse videatur? Sed
quemadmodum illum prætor, sic hos philoso-
phia integrum restituit. Quid disceditis ab
ingentibus promissis, & grandia locuti, effectuo-
ros vos ut non magis auri fulgor, quam gladij
perstringat oculos meos utingenti constantia,
& quod omnes optant, & quod omnes timent:
calcem, ad Grammaticorum elementa descen-
ditis: Quid dicitis: sic itur ad astra: hoc enim
est, quod philosophia mihi promittit, ut parem
Deo faciat: ad hoc inuitatus sum, ad hoc veni: si-
dem præsta. Quantum potes ergo, mi Lucili,
reduo te ab istis exceptionibus, & præscriptioni-
bus philosophorum. Aperta decent, & simplici-
a bonitatem. Etiam si multum superesset
ætatis, parce dispensandum erat, ut sufficeret ne-
cessariis: nunc quæ dementia est superuacua
discere in tanta temporis egestate?

EPIST. XLIX.

Pompeiorum adfectu, memoriam sibi Lucilii renouatam. De breuitate, & cursu Temporis; nihil longum, aut vetus in eo esse. Obiter contra Dialecticos; & totum id genus prospiciendos tantum.

ESt quidem, mi Lucili, supinus, & negligens, qui in amici memoriam ab aliqua regione admonitus reducitur; tamen reposuimus in animo nostro desiderium loca interdum familiaria euocant, nec extinctam memoriam reddent, sed quiescentem irritant: sicut dolorem lugentium, etiam si mitigatus est tempore, aut seruuli familiaris admissio, aut vestis, aut domus renouat. Ecce Campaniæ, & maxime Neapolis, ad Pompeiorum tuorum conspectum incredibile est, quam recens desiderium tui fecerit. Totus mihi in oculis es, cum maxime à te discedo: video lacrimas combibentem, & affectibus tuis inter ipsam coercionem exennatibus non satis resistentem; modo amisisse te videor. Quid enim non modo est, si recorderis? Modo apud Sotionem philosophum puer sedi, modo causas agere cepi, modo desij, velle agere, modo desij posse, infinita est velocitas temporis, quæ magis apparet respicientibus. Nam ad præsentia intentos fallit; ad eò præcipitis fugæ transitus leuis est. Causam huius rei quæris? quidquid temporis transiit, eodem loco est; pariter aspicitur, vna iacet; omnia inde in profundum cadunt; & alioquin non possunt longa interualla esse: in ea re, quæ tota brevis est. Punctum est quod viuimus, & adhuc punctum minus; sed hoc minimum specie quadam

longioris spatij natura diuifit . Aliud ex hoc infantiam fecit , aliud pueritiam , aliud adolefcentiam , aliud inclinationem quamdam ab adolefcentia ad fenectutem, aliud ipfam fenectutem . In quam angufto, quot gradus pofuit : Modo te profecutus fum : & tamen hoc modo , ætatis noſtræ bona portio eſt : cuius breuitatem aliquando futuram cogitemus . Non ſolebat mihi tam velox tempus videri : nunc incredibilis curſus apparet : ſiue quia ad-moueri lineas ſentio , ſiue quia attendere cæpi & computare damnum meum . Eo magis vtique indignor aliquos ex hoc tempore (quod ſufficere nec ad neceſſaria quidem poteſt, etiam ſi cuſtoditum diligentiffimè fuerit) in ſuperuacua maiorem partem erogare . Negat Cicero , ſi duplicetur ſibi ætas, habiturum ſe tempus quo legat Lyricos, eodem modo Dialecticos . Triftius inepti ſunt : illi ex profeſſo laſciuiunt : hi agere ſeipſos aliquid exiſtimant . Nec ego nego proſpicienda iſta : ſed proſpicienda tantum, & à limine ſalutanda , in hoc vnum, ne verba nobis deantur , & aliquid eſſe in illis magni ac ſecreti boni iudicemus . Quid te torques & maceras in ea quæſtione , quàm ſubtilius eſt contempſiſſe , quàm ſoluere ? Securi eſt , & ex commodo migranti minuta conquirere . Cum hoſtis inſtat à tergo, & mouere iuſſus eſt miles, excutit neceſſitas quidquid pax otioſa collegerat . Non vacat mihi verba dubiè cadentia conſectari , & vaſtiti-
am in illis meam experiri .

*Adſpice, qui coeant populi, quæ mania clauſis
Ferrum acuant portis.*

Magno mihi animo ſtrepitus iſte belli circum-
ſonantis exaudiendus eſt . Demens omnibus
merito videret, ſi cum ſaxa in munimentum

murorum senes femineque congererent; cum iuventus intra portas armata signum eruptionis expectaret, aut posceret; cum hostilia in portis tela vibrarent, & ipsum solum suffossionibus, & cuniculis tremere, sederem otiosus, & eiusmodi quæstiunculas ponens: Quod non prodidisti habes: cornua autem non prodidisti: cornua ergo habes: aliaque ad exemplum huius acutæ delirationis concinnata. Atqui æquè licet demens tibi videar, si istis impendero operam, & nunc obsideor. Tunc tamen periculum mihi obfesso externum immineret, murus me ab hoste secerneret: nunc mortifera mecum sunt. Non vaco ad istas ineptias: ingens negotium in manibus est. Quid agam: mors me sequitur, fugit vita aduersus hæc me doce aliquid; effice ne ego mortem fugiam, vita me non effugiat. Exhortare aduersus difficilia, de æquanimirate: aduersus inuitabilia, angustius temporis mei laxa: doce non esse positum bonum vitæ in spatio eius, sed in usu: posse fieri, imo sæpissimè fieri, ut qui diu vixit, parum vixerit. Dic mihi dormituro, Potes non expergisci: dic experrecto, Potes non dormire amplius. Dic exeunti, Potes non reuerti: dic redeunti. Potes non exire. Erras, si in nauigatione tantum, existimas minimum esse, quo à morte vita diducitur: in omni loco æquè tenue interuallum est. Non vbiq; se morstam prope ostendit: vbiq; tam prope est. Has tenebras discute: & facilius ea trades, ad quæ præparatus sum. Dociles natura nos edidit, & rationem dedit imperfectam, sed quæ perfæci posset. De iustitia mihi, de pietate disputa, de frugalitate, de pudicitia vtraque, & illa cui alieni corporis abstinencia est, & hac cui sui cura; Si me volueris per deuia-

ducere, facilius ad id quod tendo, perueniam. Nā (ut ille ait Tragicus) Veritatis simplex oratio est. Ideoque illam implicare non oportet, nec etiam quidquam minus conuenit, quam subdola ista calliditas, animis conantibus magna.

E P I S T. L.

Cæcos nos in vitiis esse, aut velamenta iis querere. Agnoscenda autem, & remedia querenda. Unde alioqui animi sanitas? quæ etiam cōingere vel inueteratis vitiis potest quia ille facilius est flecti, & Natura ad bonum volat.

Epistolam tuam accepi post multos menses, quam miseras, superuacuum itaque putavi, ab eo qui afferebat, quid ageres, querere. Valde enim bonæ memoriæ est, si meminuit: & tamen spero te sic iam viuere, ut ubicumque eris sciam quid agas. Quid enim aliud agas, quam ut meliorem te ipse quotidie facias, ut aliquid ex erroribus ponas, ut intelligas tua vitia esse, quæ putas rerum? Quædam enim locis, & temporibus adscribimus: at illa, quocumque transierimus, secutura sunt, Harpasten, vxoris meæ fatuam, scis hereditarium onus in domo mea remansisse. Ipse enim auersissimus ab istis prodigijs sum, si quando fatuo delectari volo, non est mihi longè querendus: me rideo. Hæc fatua subito desijt videre. Incredibilem tibi narro rem, sed veram, nescit esse se cæcam: subinde pedagogum suum rogat, ut migret: ait domum tenebrosam esse. Hoc quod in illa ridemus, omnibus nobis accidere, liqueat tibi. Nemo se auarum esse intelligit, nemo cupidum. Cæci tamen ducem querunt: nos sine duce erramus, & delin-

mus : Non ego ambitiosus sum, sed nemo aliter Romæ potest viuere. Non ego sumptuosus sum, sed vrbs ipsa magnas impensas exigit. Non est meum vitium quod iracundus sum, quod nondum constitui certum genus vitæ : adolescentia hæc facit. Quid non decipimus ? non est extrinsecus malum nostrum : intra nos est, in visceribus ipsis sedet. Et ideò difficulter ad sanitatem peruenimus, quia nos ægrotare nescimus. Si curati caperimus, quando tot morbos, tanta sue ægritudines discutiemus ? Nunc verò ne quærimus quidem medicum : qui minus negotijs haberet, si haberetur ad recens vitium, sequerentur teneri, & rudes animi, recta monstrarent : nemo difficulter ad naturam reducitur, nisi qui ab illa defecit. Erubescimus discere bonam mentem, at mehercules, turpe est magistrum huius rei quærere. Illud desperandum est, posse nobis casu tantum bonum influere : laborandum est : & vt verum dicam, ne labor, quidem magnus est : si modo, vt dixi, ante animum nostrum formare incipimus, & recorrege, quàm indureseat prauitas eius. Sed nec indurata despero. Nihil est quòd non expugnet pertinax opera, & intenta ac diligens cura. Robora in rectum, quamuis flexa, reuocabis : curuatas trabes calor explicat, & aliter natæ, in id funguntur, quòd vsus noster exigit : quanta facilius animus accipit formam, flexibilis, & omni humore obsequenter : quid enim aliud est animus, quàm quodammodò se habens spiritus : vi-des autem tanto spiritum esse faciliorem omni alio materiam, quanto tenuior est. Illud, mi Lucili, non est quòd te impediat, quòd minus de nobis benè speres, quòd malitia iam nos tænet, quòd diu in possessione nostri est. Ad ne-

mi.

minem ante bona mens venit, quam mala, omnes præoccupati sumus, virtutes discere, vitia dediscere: sed eo maiore animo ad emendationem nostri debemus accedere, quod semel traditi nobis boni perpetua possessio est. Non dediscitur virtus. Contraria enim mala in alienoherent; ideo expelli & turbari possunt: fideliter sedent, quæ in locum suum veniunt. Virtus secundum naturam est: vitia inimica, & infecta sunt. Sed quemadmodum virtutes receptæ exire non possunt, facilisque earum tutela est; ita initium ad illas eundi arduum, quia hoc primum imbecillæ mentis atque ægræ est, formidare in experta. Itaque cogenda est mens, ut incipiat. Deinde non est acerba medicina, proptinus enim delectat, dum sanat. Aliorum remedium post sanitatem voluptas est; philosophia pariter, & salutaris & dulcis est.

EPIST. II.

De Aetna aliquid, uberius de Baiis: & hac occasione, in molles & luxui debitos. Hunc pellendum, & militandum esse: in quos: in voluptatem, in dolorem, alia. Hoc agensem, bonum in locis seriis sanctisque agere, vitare lasciviam, aut peramantem.

Quomodo quisque potest, mi Lucili; tu istuc habes Aetnam, illum nobilissimum Sicilliae montem; quem quare dixerit Messalla vnicū, siue Valgius (apud utrumque enim legi) non reperio cum plurima loca euomant ignem, non tantum edita, quod crebrius euenit, videlicet quia ignis in altissimum effertur, sed etiam iacentia. Nos utrumque possumus, contenti sumus.

Nus Baijs, quas postero die, quam attigeram
 reliqui, locum ob hoc deuitandum, cum habeat,
 quosdam naturales dotes, quia sibi illum cele-
 brandum luxuria desumpsit. Quid ergo vlli lo-
 co indicendum est odium; minime, sed quemad-
 modum aliqua vestis sapiēti ac probo viro ma-
 gis conuenit quam alia, nec vllum colorem ille
 odit, sed aliquem putat parum aptum esse
 frugalitatem professor. sic regio quoque est
 quam sapiens vir, aut ad sapientiam tendens de-
 clinet tanquam alienam bonis moribus. Itaque
 de secessu cogitans, nunquam Canopum eii-
 get, quamuis neminem Canopus esse frugi ve-
 tat. Ne Baias, quidem diuersorium vitiorum esse
 cæperunt. Illic sibi plurimum luxuria permit-
 tit: illic tanquam aliqua licentia debeatur loco,
 magis soluitur. Non tantum corpori, sed etiam
 moribus salubrem locum eligere debemus.
 Quemadmodum inter tortores habitare nolim,
 sic nec inter popinas quidem. Videre ebrios per
 littora errantes, & commistatione nauigantium
 & symphoniarum cantibus perstrepenes lacus,
 & alia, quæ velut soluta legibus luxuria non rā-
 tum peccat, sed publicat, quid necesse est id age-
 re debemus, vt irritamenta vitiorum quam lon-
 gissima profugiamus. Indurandus est animus,
 & à blandimentis voluptatum procul abstra-
 hendus. Vna Hannibalem hiberna soluerunt;
 & indomitum illum niuibuscque Alpibus vi-
 rum enervauerunt fomenta Campaniæ. Armis
 vicit, vitijs victus est. Nobis quoque militan-
 dum est & quidem genere militiæ, quo nun-
 quam quies, nunquam otium datur. Debellan-
 dæ sunt in primis voluptates: quæ (vt vides) sæ-
 ua quoque ad se ingenia rapuerunt. Si quis sibi
 proposuerit, quantum operis aggressus sit, sciet
 mihi

nihil delicatè, nihil molliter esse faciendum.
 Quid mihi cum istis calentibus stagnis? quid
 cum sudatorijs, in quæ sicus vapor corpora ex-
 haustus includitur? Omnis sudor per laborem
 exeat. Si faceremus, quòd fecit Hannibal vt in-
 terrupto cursu rerum, omissoque bello fouendi
 corporibus operam daremus: nemo non intem-
 pestiuam desidiam, victori quoque, nedum vin-
 centi periculosam, merito reprehenderet. Minus
 nobis, quàm illis Punica signa sequentibus licet:
 plus periculis restat cedentibus, plus operis etiam
 perseverantibus. Fortuna mecum bella gerit:
 non sum imperata facturus: iugum non reci-
 pio, imo quòd maiore virtute faciendum est,
 excutio: non est emoliendus animus. Si volu-
 ptati cessero, cedendum est dolori, cedendum
 labori, cedendum est paupertati: idem sibi in-
 me iuris esse volet, & ambitio, & ira: inter tot
 affectus distrahar, imo discerpa. Libertas pro-
 posita est: ad hoc præmium laboratur. Quæ sit
 libertas, quæris? nulli rei servire, nulli necessi-
 tati, nullis casibus: fortunam in æquum dedu-
 cere: quo die intellexero illam plus posse, nil
 poterit. Ego illam feram, cum in manu mors
 sit. His cogitationibus intentum, loca seria
 sanctaque eligere oportet. Effeminat animos
 amantitas nimia; nec dubiè aliquid ad cor-
 rumpendum vigorem potest regio. Quamlibet
 viam iumenta paliuntur, quorum durata in
 aspero vngula est; in molli palustrique pascua
 saginata, cito subtexuntur. Et fortior miles ex
 confragoso venit; segnis est urbanus & vernus.
 Nullum laborem recusant manus, quæ ad ar-
 ma ab aratro transferuntur; in primo deficit
 pulvere ille vinctus, & nitidus. Seuerior loci
 disciplina firmat ingenium, aptumque magis
 cona-

conatibus reddit . Liferi honestius Scipio ,
 quàm Baijs exsulabat ? ruina eius non est tam
 moliter collocanda . Illi quoque , ad quos primos
 fortuna Romani populi publicas opes transtulit ,
 C. Marius , & C. Pompeius , & Cæsar , exstru-
 xerunt quidem villas in regione Baiana , sed il-
 las imposuerunt summis iugis montium . Vide-
 batur hoc magis militare , ex edito speculati la-
 tere longeque subiecta . Adspice quàm positionem
 elegerunt quibus ædificia excitauerunt locis , &
 qualia : scias non villas esse , sed castra . Habita-
 turum tu putas vnquam fuisse in Utica Cato-
 nem , vt præter nauigantes adulteras dinume-
 raret , & adspiceret tot genera cymbarum varijs
 coloribus picta , & fluitantem toto lacu , rosam ,
 vt audiret canentium nocturna conuitia ; nonne
 manere ille intra vallum maluisset , quòd in
 vnâ noctem manu sua duxisset ? Quid ni ma-
 lit , quisquis vir est , somnum suum classico ,
 quàm Symphonia rumpi ; sed satis diu cum
 Baijs litigauimus , nunquam satis cum virijs :
 quæ oro te , mi Lucili , persequere sine modo ,
 sine fine , nam illis quoque nec finis est , nec
 modus . Projice quæcumque cor tuum laniant :
 quæ si aliter extrahi nequirent , cor ipsum cum
 illis reuellendum erat . Voluptates præcipue ex-
 turba , & inuisissimas habe , larronum more ,
 quos Philetas Ægyptij vocant ; in hoc nos am-
 plectuntur , vt strangulent .

EPIST. LII.

*Vacillare nos in rectis , opus esse adiutorio
 & directione . Alios autem alijs facilius
 duci formarique , vt natura est . Sed vt
 formeris elige è priscis , & è presentibus .*
fuge

tibus clarum veritatis lumen ostendas. Dic quid natura necessarium fecerit, quid superuacuum, quam faciles leges posuerit, quam iucunda sit vita, quam expedita, illas sequentibus, quam acerba, & implicita eorum, qui opinioni plus quam naturæ crediderunt. Quid istorum cupiditates demit? quid temperat? Vtinam tantum non prodesse! nocere? Hoc tibi, cum voles, manifestissimum faciam, & comminui, & debilitari generosam indolem, in istas argutitas coniectam. Pudet dicere contra fortunam militaturis, quæ porrigant tela quemadmodum illos subornent. Hac ad summum bonum itur: per istud philosophiæ sunt nigrae, & turpes, infamesque etiam ad album sedentibus, exceptiones. Quid enim aliud agitis, cum eum, quem interrogatis, scientes in fraudem inducitis, quam ut formula cecidisse videatur? Sed quemadmodum illum prætor, sic hos philosophia integrum restituit. Quid disceditis ab ingentibus promissis, & grandia locuti, effecturos vos ut non magis auri fulgor, quam gladij perstringat oculos meos ut ingenti constantia, & quod omnes optant, & quod omnes timent: calcem, ad Grammaticorum elementa descenditis? Quid dicitis? sic itur ad astra? hoc enim est, quod philosophia mihi promittit, ut parem Deo faciat: ad hoc inuitatus sum, ad hoc veni: si dem præsta. Quantum potes ergo, mi Lucili, reducere te ab istis exceptionibus, & præscriptionibus philosophorum. Aperta decent, & simplicia bonitatem. Etiam si multum superesset ætatis, parce dispensandum erat, ut sufficeret necessariis: nunc quæ dementia est superuacua discere in tanta temporis egestate?

EPIST. XLIX.

Pompeiorum aspectu, memoriam sibi Lucilii renouatam. De breuitate, & cursu Temporis; nihil longum, aut vetus in eo esse. Obiter contra Dialecticos; & totum id genus prospiciendos tantum.

ESt quidem, mi Lucili, supinus, & negligens, qui in amici memoriam ab aliqua regione admonitus reducitur; tamen reposuimus in animo nostro desiderium loca interdum familiaria euocant, nec extinctam memoriam reddent, sed quiescentem irritant: sicut dolorem lugentium, etiam si mitigatus est tempore, aut seruuli familiaris admissio, aut vestis, aut domus renouat. Ecce Campania, & maxime Neapolis, ad Pompeiorum tuorum conspectum incredibile est, quam recens desiderium tui fecerit. Totus mihi in oculis es, cum maxime a te discedo: video lacrimas combibentem, & affectibus tuis inter ipsam coercionem exenatibus non satis resistentem; modo amisisse te videor. Quid enim non modo est, si recorderis? Modo apud Sotionem philosophum puer sedi, modo causas agere cepi, modo desij, velle agere, modo desij posse, infinita est velocitas temporis, quæ magis apparet respicientibus. Nam ad præsentia intentos fallit; ad eò præcipitis fugæ transitus leuis est. Causam huius rei quæris? quidquid temporis transijt, eodem loco est; pariter aspicitur, vna iacet; omnia inde in profundum cadunt; & alioquin non possunt longa interualla esse: in ea re, quæ tota brevis est. Punctum est quod viuimus, & adhuc puncto minus; sed hoc minimum specie quadam

longioris spatij natura diuifit . Aliud ex hoc infantiam fecit , aliud pueritiam , aliud adolefcentiam , aliud inclinationem quamdam ab adolefcentia ad fenectutem , aliud ipfam fenectutem . In quam angufto , quot gradus pofuit : Modo te profecutus fum : & tamen hoc modo , ætatis noftræ bona portio eft : cuius breuitatem aliquando futuram cogitemus . Non folebat mihi tam velox tempus videri : nunc incredibilis curfus apparet : fiue quia admoueri lineas fentio , fiue quia attendere cæpi & computare damnum meum . Eo magis vtrique indignor aliquos ex hoc tempore (quod fufficere nec ad neceffaria quidem potefit , etiam fi cuftoditum diligentiffimè fuerit) in fuperuacua maiorem partem erogare . Negat Cicero , fi duplicetur fibi ætas , habiturum fe tempus quo legat Lyricos , eodem modo Dialecticos . Triftius inepti funt : illi ex profeflo lafcuiunt : hi agere feipfos aliquid exiftimant . Nec ego nego propfcienda ifta : fed propfcienda tantum , & à limine falutanda , in hoc vnum , ne verba nobis dentur , & aliquid efle in illis magni ac fecreti boni iudicemus . Quid te torques & maceras in ea quæftione , quàm subtilius eft contempfiffe , quàm foluere ? Securi eft , & ex commodo migranti minuta conquirere . Cum hoftis inftat à tergo , & mouere iuffus eft miles , excutit neceffitas quidquid pax otiofa collegerat . Non vacat mihi verba dubiè cadentia confectari , & vaffritiam in illis meam experiri .

*Adfpice qui coeant populi , quæ mania claufis
Ferrum acuant portis .*

Magno mihi auimo ftrepitus ifte belli circumfonantis exaudiendus eft . Demens omnibus merito videret , fi cum faxa in munimentum

murorum senes femineque congererent; cum iuventus intra portas armata signum eruptionis expectaret, aut posceret; cum hostilia in portis tela vibrarent, & ipsum solum suffossionibus, & cuniculis tremere, sederem otiosus, & eiusmodi quæstiunculas ponens: Quod non prodidisti habes: cornua autem non prodidisti: cornua ergo habes: aliaque ad exemplum huius acutæ delirationis concinnata. Atqui æquè licet demens tibi videar, si istis impendero operam, & nunc obsideor. Tunc tamen periculum mihi obfesso externum immineret, murus me ab hoste secerneret: nunc mortifera mecum sunt. Non vaco ad istas ineptias: ingens negotium in manibus est. Quid agam: mors me sequitur, fugit vita aduersus hæc me doce aliquid: effice ne ego mortem fugiam, vita me non effugiat. Exhortare aduersus difficilia, de æquanimirate: aduersus ineuitabilia, angustius temporis mei laxa: doce non esse positum bonum vitæ in spatio eius, sed in usu: posse fieri, imo sæpissimè fieri, vt qui diu vixit, parum vixerit. Dic mihi dormituro, Potes non expergisci: dic experrecto, Potes non dormire amplius. Dic exeunti, Potes non reuerti: dic redeunti. Potes non exire. Erras, si in nauigatione tantum, existimas minimum esse, quo à morte vita diducitur: in omni loco æquè tenue interuallum est. Non vbi que se morstam prope ostendit: vbi que tam prope est. Has tenebras discute: & facilius ea trades, ad quæ præparatus sum. Dociles natura nos edidit, & rationem dedit imperfectam, sed quæ perfici posset. De iustitia mihi, de pietate disputa, de frugalitate, de pudicitia vtraque, & illa cui alieni corporis abstinentia est, & hac cui sui cura: Si me volueris per denia du-

ducere, facilius ad id quo tendo, perueniam.
Nā (vt ille ait Tragicus) Veritatis simplex oratio est. Ideoque illam implicare non oportet, nec etiam quidquam minus conuenit, quam subdola ista calliditas, animis conantibus magna.

EPIST. L.

*Cecos nos in vitiis esse, aut velamenta iis querere.
Agnoscentia autem, & remedia querenda.
Vnde alioqui animi sanitas? quæ etiam cōtingere vel inueteratis vitiis potest quia ille facilius est flecti, & Natura ad bonum volat.*

Epistolam tuam accepi post multos menses, quam miseras, superuacuum. itaque putauī, ab eo qui afferebat, quid ageres, querere. Valde enim bonæ memoriæ est, si meminit: & tamen spero te sic iam viuere, vt vbi cumque eris, sciam quid agas. Quid enim aliud agas, quam vt meliorem te ipse quotidie facias, vt aliquid ex erroribus ponas, vt intelligas tua vitia esse, quæ putas rerum? Quædam enim locis, & temporibus adscribimus: at illa, quocumque transierimus, secutura sunt, Harpasten, vxoris meæ fatuam, scis hereditarium onus in domo mea remansisse. Ipse enim auersissimus ab istis prodigijs sum, si quando fatuo delectari volo, non est mihi longè querendus: me rideo. Hæc fatua subito desijt videre. Incredibilem tibi narro rem, sed veram, nescit esse se cæcam: subinde pedagogum suum rogat, vt migret: ait domum tenebrosam esse. Hoc quod in illa ridemus, omnibus nobis accidere, liqueat tibi. Nemo se avarum esse intelligit, nemo cupidum: Cæci tamen ducem querunt: nos sine duce erramus, & delin-

mus : Non ego ambitiosus sum, sed nemo aliter Romæ potest viuere. Non ego sumptuosus sum sed vrbs ipsa magnas impensas exigit. Non est meum vitium quod iracundus sum, quod nondum constitui certum genus vitæ : adolescentia hæc facit. Quid non decipimus ? non est extrinsecus malum nostrum : intra nos est, in visceribus ipsis sedet. Et idedò difficulter ad sanitatem peruenimus, quia nos ægrotare nescimus. Si curati cæperimus, quando tot morbos, tanta sue ægritudines discutiemus ? Nunc verò ne quærimus quidem medicum : qui minus negotijs haberet, si haberetur ad recens vitium, sequerentur teneri, & rudes animi, recta monstrarent : nemo difficulter ad naturam reducitur, nisi qui ab illa defecit. Erubescimus discere bonam mentem, at mehercules, turpe est magistrum huius rei quærere. Illud desperandum est, posse nobis casu tantum bonum influere : laborandum est : &, vt verum dicam, ne labor, quidem magnus est : si modo, vt dixi, ante animum nostrum formare incipimus, & recorrege, quàm induralescat prauitas eius. Sed nec indurata despero. Nihil est quod non expugnet pertinax opera, & intenta ac diligens cura. Robora in rectum, quamuis flexa, reuocabis : curuatas trabes calor explicat, & aliter natæ, in id finguntur, quod vsus noster exigit : quanto facilius animus accipit formam, flexibilis, & omni humore obsequenter : quid enim aliud est animus, quàm quodammodò se habens spiritus : vides autem tanto spiritum esse faciliorem omni alio materiam, quanto tenuior est. Illud, mi Lucili, non est quod te impediat, quod minus de nobis benè speres, quod malitia iam nos tænet, quod diu in possessione nostri est. Ad ne-

mi.

minem ante bona mens venit, quam mala, omnes præoccupati sumus, virtutes discere, vitia dediscere: sed eo maiore animo ad emendationem nostri debemus accedere, quod semel traditi nobis boni perpetua possessio est. Non deditur virtus. Contraria enim mala in alienoherent; ideo expelli & turbari possunt: fideliter sedent, quæ in locum suum veniunt. Virtus secundum naturam est: vitia inimica, & infecta sunt. Sed quemadmodum virtutes receptæ exire non possunt, facilisque earum tutela est; ita initium ad illas eundi arduum, quia hoc primum imbecillæ mentis atque ægræ est, formidare in experta. Itaque cogenda est mens, ut incipiat. Deinde non est acerba medicina, proxinus enim delectat, dum sanat. Aliorum remedium post sanitatem voluptas est; philosophia pariter, & salutaris & dulcis est.

EPIST. II.

De Aetna aliquid, uberius de Baïis: & hac occasione, in molles & luxui deditos. Hunc pellendum, & militandum esse: in quos: in voluptatem, in dolorem, alia. Hoc agentem, bonum in locis seriis sanctisque agere, vitare lasciviâ, aut peramena.

Quomodo quisque potest, mi Lucili; tu istuc habes Aetnam, illum nobilissimum Siciliæ montem; quem quare dixerit Messalla vnicû, siue Valgius (apud utrumque enim legi) non reperio cum plurima loca euomant ignem, non tantum edita, quod crebrius euenit, videlicet quia ignis in altissimum effertur, sed etiam iacentia. Nos utrumque possumus, contenti sumus.

Nus Baijs, quas postero die, quam attigeram
 reliqui, locum ob hoc deuitandum, cum habeat,
 quasdam naturales dotes, quia sibi illum cele-
 brandum luxuria desumpsit. Quid ergo illi lo-
 co indicendum est odium; minime, sed quemad-
 modum aliqua vestis sapiēti ac probō viro ma-
 gis conuenit quam alia, nec vllum colorem ille
 odit, sed aliquem putat parum aptum esse
 frugalitatem professor. sit regio quoque est
 quam sapiens vir, aut ad sapientiam tendens de-
 clinet tanquam alienam bonis moribus. Itaque
 de secessu cogitans, nunquam Canopum ei-
 get, quamuis neminem Canopus esse frugi ve-
 tat. Ne Baias, quidem diuersorium vitiorum esse
 cæperunt. Illic sibi plurimum luxuria permit-
 tit: illic tanquam aliqua licentia debeatur loco,
 magis soluitur. Non tantum corpori, sed etiam
 moribus salubrem locum eligere debemus.
 Quemadmodum inter tortores habitare nolim,
 sic nec inter popinas quidem. Videre ebrios per
 littora errantes, & commistatione nauigantium
 & symphoniarum cantibus perstrepenes lacus,
 & alia, quæ velut soluta legibus luxuria non rā-
 tum peccat, sed publicat, quid necesse est? Id age-
 re debemus, vt irritamenta vitiorum quam lon-
 gissima profugiamus. Indurandus est animus,
 & à blandimentis voluptatum procul abstra-
 hendus. Vna Hannibalem hiberna soluerunt;
 & indomitum illum niuibuscque Alpibus vi-
 rum eneruauerunt fomenta Campaniæ. Armis
 vicit, vitijs victus est. Nobis quoque militan-
 dum est & quidem genere militiæ, quo nun-
 quam quies, nunquam otium datur. Debellan-
 dæ sunt in primis voluptates: quæ (vt vides) sæ-
 ua quoque ad se ingenia rapuerunt. Si quis sibi
 proposuerit, quantum operis aggressus sit, sciet
 mihi

conatibus reddit . Liferi honestius Scipio ,
 quàm Baijs exsulabat ? ruina eius non est tam
 moliter collocanda . Illi quoque , ad quos primos
 fortuna Romani populi publicas opes transtulit ,
 C. Marius , & C. Pompeius , & Cæsar , exstru-
 xerunt quidem villas in regione Baiana , sed il-
 las imposuerunt summis iugis montium . Vide-
 batur hoc magis militare , ex edito speculari la-
 tē longeque subiecta . Adspice quàm positionem
 elegerunt quibus ædificia excitauerunt locis , &
 qualia : scias non villas esse , sed castra . Habita-
 turum tu putas vnquam fuisse in Viua Cato-
 nem , vt præter nauigantes adulteras dinume-
 raret , & adspiceret tot genera cymbarum varijs
 coloribus picta , & fluitantem toto lacu , rosam ,
 vt audiret canentium nocturna conuitia ; nonne
 manere ille intra vallum maluisset , quòd in
 vnā noctem manu sua duxisset ? Quid ni ma-
 lit , quisquis vir est , somnum suum classico ,
 quàm Symphonia rumpi ; sed satis diu cū
 Baijs litigauimus , nunquam satis cū vitijs :
 quæ oro te , mi Lucili , persequere sine modo ,
 sine fine , nam illis quoque nec finis est , nec
 modus . Proijce quæcumque cor tuum lantant :
 quæ si aliter extrahi nequirent , cor ipsum cū
 illis reuellendum erat . Voluptates præcipuè ex-
 turba , & inuisissimas habe , latronum more ,
 quos Philetas Ægyptij vocant ; in hoc nos am-
 plectuntur , vt strangulent .

EPIST. LII.

*Vacillare nos in rectis , opus esse adiutorio ,
 & directione . Alios autem alijs facilius ,
 duci formarique , vt natura est . Sed vt
 formeris elige è priscis , & è presentibus .*
 fuge

*fuge tamen verbosos, ambitiosos; plausum
captantes.*

Quid est hoc, Lucili, quod nos alio tenden-
tes, alio trahit, & eo vnde recedere cupi-
mus, impellit? quid colluctatur cum
animo nostro, nec permittit nobis quidquam
semel velle? Fluctuamus inter varia consilia, ni-
hil libere volumus, nihil absolute, nihil semper.
Stultitia, inquis, est: cui nihil constat, nihil diu
placet. Sed quomodo, aut quando nos ab illa
reuellemus? Nemo per se satis valet, ut emer-
gat: oportet manum aliquis porrigat, aliquis
educat. Quosdam ait Epicurus ad veritatem
sine ullius adiutorio contendere, ex ijs se fecit-
se sibi ipsum viam: hos maxime laudat, quibus
ex se impetus fuit, qui se ipsi protulerunt: quos-
dam indigere ope aliena, non ituros si nemo
præcesserit, sed benefecuturos: ex his Metro-
dorum ait esse. Egregium hoc quoque, sed se-
cundæ fortis ingenium. Nos ex illa prima no-
ta non sumus: bene nobiscum agitur, si in hanc
secunda recipimur. Nec hunc quidem con-
temperis hominem, qui alieno beneficio esse
salvus potest: & hoc multum est, velle seruari:
Præter, hæc adhuc inuenies aliud genus homi-
num ne ipsum quidem fastidiendum, eorum
qui cogi ad rectum compellique possunt: qui-
bus non duce tantum opus sit, sed adiutore, &
ut, dicam, coactore; Hic tertius color est.
Si queris huius exemplar, Hermanum ait Epi-
curustalem fuisse. Itaque alteri magis gratu-
latur, alterum magis suspicit. Quamvis enim
ad eundem finem vterque peruenerit, tamen
maior est laus idem effecisse in difficiliore ma-
teria. Puta enim duo ædificia excitata esse, am-
bo paria, æque excelsa, æque magnifica: alterum
dura

dura area accepit, illi protinus opus creuit alterius fundamenta lassarunt, in mollem ac fluidam demissa humum: multumque laboris exhaustum est, dum peruenitur ad solidum. Apparet in altero, quidquid factum est: alterius, magna pars & difficilior latet. Quædam ingenia facilia, & expedita quædam manu (quod aiunt) facienda sunt, & in fundamentis suis occupanda. Itaque ego illum feliciorẽ dixerim, qui nihil negotij secum habuit: hunc quidem de se melius meruisse, qui malignitatem naturæ suæ vicit, & ad sapientiam se non perduxit, sed extraxit. Hoc durum & laboriosum ingenium nobis datum scias, licet imus per obstantia: Itaque pugnemus, aliquorum inuocemus auxilium. Quem, inquis, inuocabo? hunc, aut illum? Tu vero etiam ad priores reuertere, qui vacant: adiuuare non possunt, non tantum qui sunt, sed & qui fuerunt. Ex ijs autem qui sunt, eligamus non eos, qui verba magna celeritate præcipiant, & communes locos voluunt, & in priuato circulantur: sed eos qui vita docent: qui cum dixerint quid faciendum sit, probant faciendo: qui docent quid vitandum sit, nec vnquam in eo quod fugiendum dixerint, deprehenduntur. Eum elige adiutorem, quem magis admireris cum videris, quam cum audieris. Nec ideo te prohibuerim hos quoque audire, quibus consuetudo est admittere populum, ac disserere: si modo hoc proposito in turbam prodeunt, vt meliores fiant, faciantque meliores: si non ambitionis hoc causa exercent. Quid enim turpius philosophia captante clamores? Nū quid ager laudat medicum secantē? Tacete, fauete, & præbete vos curationi? etiam si exclamaueritis, non aliter audiam,

diam, quam si ad tactum vitiorum vestrorum ingemiscatis. Testari vultis attendere vos, mouerique rerum magnitudine: sanè liceat: vt quidem iudicetis, & feratis de meliore suffragium, quid ni non permittam? Apud Pythagoram discipulis quinque annis tacendum erat: nunquid ergo existimas, statim illis & loqui & laudare licuisse? Quanta autem dementia eius est, quem clamores imperitorum hilarem ex adiutorio dimittunt; Quid lætaris, quod hominibus ijs laudaris, quos non potes ipse laudare? Differēbat populo Fabianus: sed audiebatur modeste. Erumpebat interdum magnus clamor laudantium: sed quem magnitudo rerum euocauerat, non sonus inoffensæ ac molliter lapsæ orationis. Interfit aliquid inter clamorem theatri, & scholæ: est aliqua & laudandilicentia. Omnia rerum omnium si obseruentur, indicia sunt; & argumentum morum ex minimis quoque licet capere. Impudicum & incessus ostendit, & manus mota, & vnum interdum responsum, & relatus ad caput digitus, & flexus oculorum. Improbum risus, insanum vultus habitusque demonstrat. Illa enim in apertum per notas exeunt. Qualis quisque sit, scies, si quemadmodum laudetur, adspexeris. Hinc atque illinc philosopho manus auditor intentat, & super ipsum caput mirantium turba consistit: non laudatur ille nunc, si intelligas, sed conclamatur. Relinquantur istæ voces illis artibus, quæ propositum habent placere populo: philosophia adoretur. Permittendum erit aliquando iuuenibus, sequi impetum animi: tunc autem hoc ex impetu facient, cum silentium sibi imperare non poterunt. Talis laudatio, aliquid exhortationis affert ipsis audientibus, animos adole-

rescentium extimulat. Ad rem commouendam
 tur, non ad verba composita: alioqui nocet illis
 eloquentia, si non rerum cupiditatem facit, sed
 sui. Differam hoc in præfati: desiderat enim
 propriam & longam executionem, quemad-
 modum populo differendum, quid sibi apud
 populum permittendum sit, quid populo apud
 se Damnum quidem fecisse philosophiam
 non erit dubium, postquam prostituta est: sed
 potest in penetralibus suis ostendi, si modo non
 institutorem, sed antistitem nacta est.

EPIST. LIII.

*Nauigationem suam describit, & iactationem
 in mari. Per occasionem, in vita nos iactari, sed
 vitia sua paucos scire, aut fateri Philosophia
 docebit, excitabit, demus nos, pares Deo faciet.*

Quid non potest mihi persuaderi, cui per-
 suasum est vt nauigarem? Solui mari
 languido: erat sine dubio cælum graue
 sordidis nubibus, quæ ferre aut in aquam,
 aut in ventum resoluuntur: sed putavi tam pau-
 ca millia à Parthenope tua vsque Puteolos sur-
 ripi posse, quamuis dubio, & impendente cæ-
 lo. Itaque quo celerius euaderem, protinus per
 altum ad Nesida direxi, precisurus omnes sinus.
 Cum iam eo processissem, vt mea nihil interes-
 set, vtrum irem, an redirem: primum æqualitas
 illa, quæ me corruerat, periit nondum erat
 tempestas, sed iam inclinatio maris, ac subinde
 crebrior fluctus. Cæpi gubernatorem rogare,
 vt me aliquo littore exponeret. Aiebat ille,
 aspera esse & importuosa: nec quidquam se
 æquè in tempestate timere, quam terram.

Peius

Peius autem vexabar, quam ut periculum mihi succurreret. Nausea enim me, segnis hæc, & sine exitu, torquebat: quæbilem mouet, nec effundit: Institi itaque gubernatori, & illum vellet nollet cœgi petere littus. Cuius ut vicinam attigimus non exspecto ut quidquam ex præcepta, Virgilij fiat,

Obuertans pelago proras.

aut anchora de prora iaciatur: sed memor artificij mei veteris, mitto me in mare, quomodo pscrolutam decet, gausapatus. Quæ putas me passum, dum per aspera erepo, dum viam quæro, dum facio? Intellexi, non immerito nautis terram timeri. Incredibilia sunt, quæ tulerim: cum me ferre non possem. Illud scito, Vlysem non fuisse tam irato mari natum, ut ubique naufragia faceret: nauseatas erat: at ego quocumque nauigare debuero, vicesimo anno perueniam. Ut primum stomachum (scis non cum mari nauseam effugere) collegi, ut corpus vnctione recreauit, accepi mecum cogitare, quanta nos vitiorum nostrorum sequeretur obliuio etiam corporalium, quæ subinde admonent sui, nedum illorum quæ eo magis latent, quo maiora sunt. Leuis aliquem motiuncula decipit: sed cum creuerit, & vera febris exarserit, etiam duro & perpeffitio, confessionem accepit. Pedes dolent, articuli punctiçulas sentiunt: adhuc dissimulamus, & aut talum extorsisse nos dicimus, aut in exercitatione aliqua laborasse. Dubio & incipiente morbo, quæritur nomen: qui talaria cæpit intendere utrosque pedes dexteros fecit, necesse est podagram fateri. Contra euenit in ijs morbis quibus efficiuntur animi; quo quis peius se habet, minus sentit. Non est quod mireris, La-

cili,

cili carissime. Nam qui leuiter dormis, & species secundum quietem capit, aliquando dormire se dormiens cogitat: grauis sopor etiam somnia exstinguit, animumque altius mergit, quam ut uti vilo intellectu sinat. Quare vitia sua nemo confitetur: quia etiam nunc in illis est. Somnium narrare, vigilantis est, & vitia sua confiteri, sanitatis indicium est. Expergiscamus ergo, ut errores nostros coarguere possimus: sola autem nos philosophia excitabit, sola somnum excutiet grauem. Illi te totum dedica: dignus illa es: illa te digna est: ite in complexum alter alterius: omnibus alijs rebus te nega, fortiter, apertè. Non est quod precario philosopheris. Si ager esses, curam intermisisses rei, familiaris, & forensi tibi negotia excidissent nec quemquam tanti putares, cui aduocatus in remissione descenderes: toto animo id ageres, ut quam primum morbo liberareris. Quid ergo? non & nunc idem facies. Omnia impedimenta dimitte, & vaca bonæ menti: nemo ad illam peruenit occupatus. Exercet philosophia regnum suum: dat tempus, non accipit. Non est res subsiciua: ordinaria est, domina est adest, & iubet. Alexander cuidam ciuitati, partem agrorum, & dimidium rerum omnium, promittenti: eo, inquit, proposito veni in Asiam, non ut id acciperem quod dedissetis; sed ut id haberetis, quod reliquissetem. Itidem philosophia rebus omnibus. Non sum id tempus acceptura, quod vobis superfuerit; sed id habitis, quod ipsa erogauero. Totam huc conuerte mentem, huic affide, hanc cole; ingens interuallum inter te & ceteros fiat. Omnes mortales multo antecesses, non multo te Dij antecedent. Quid inter te & illos interfuturum sit,

Tom. I I. G quæ-

quæris? diutius erunt. At mehercule magni artificis est clausisse totum in exiguo. Tantum sapienti sua, quantum Deo omnis ætas patet. Est aliquid, quo sapiens antecedit Deum, ille naturæ beneficio non timet, suo sapiens: ecce res magna, habet imbecillitatem hominis securitatem Dei. Incredibilis vis philosophiæ est, ad omnem fortuitam vim retundendam. Nullum telum in corpore eius sedet: munita est solidaque, quædam defatigat, & velut leuia tela laxo sinu eludit, quædam discutit, & in cum vique qui miserat reposuit.

DE VITA ET MORTE. LVI.

Suspicio se laborasse, atque ita de morte cogitasse, non timen. lam, quia idem post eam, quod antequam eramus, erit. Præparemur.

Longum mihi comæatum dederat mala, valetudo: repente me inuasit. Quo genere? inquis: prorsus merito interrogas: adeo nullum mihi ignotum est. Vnitamen morbo quasi assignatus sum: quem quare Græco nomine appellem, nescio, satis enim apte dici suspirium potest. Brevis autem valde, & procelle similis imperus est: intra horam fere definit. Quis enim diu expirat? Omnia corporis aut incommoda, aut pericula, per me transierunt: nullum mihi videtur molestius. Quid ni? aliud enim quidquid est, ægorare: est hoc est animam agere. Itaque medici, hanc meditationem mortis vocant. Facit aliquando spiritus ille, quod sæpè conatus est. Hilarem me putas hæc tibi scribere, quia effugi? si hoc sine, quasi bona valetudine delector: tam ridicule facio, quam ille, quisquis se vicisse putat, cum vadimonium distulit.

stulit. Ego vero, & in ipsa suffocatione non desij cogitationibus lætis ac fortibus acquiescere. Quid hoc est? inquam: tam sæpè mors experitur me; faciat: at ego illam diu expertus sum. Quando inquis; antequam nascerer. Mors est, non esse id quod ante fuit, sed quale sit, iam scio: hoc erit post me, quod ante me fuit. Si quid in hac re tormenti est, necesse est, & fuisse antequam prodiremus in lucem: atqui nullam sensimus tunc vexationem. Rogo, non stultissimum dicas, si quis existimet lucernæ peius esse cum extincta est, quam antequam accenderetur? nos quoque, & accendimur, & exstinguimur: medio illo tempore aliquid patimur. Vtrumque vero alta securitas est. In hoc enim, mi Lucili, nisi fallor, erramus, quod mortem iudicamus sequi: cum illa & præcesserit, & secutura sit. Quidquid ante annos fuit, mors est. Quid enim refert, utrum, non incipias an desinas? utriusque rei hic est effectus non esse. His & huiusmodi exhortationibus tacitis scilicet (nam verbis locus non erat) alloqui me non desij: deinde paulatim suspirium illud, quod esse iam anhelitus exeperat, intervalla maiora fecit, & retardatum est, sic remansit. Nec adhuc, quamvis desierit, ex natura fluit spiritus; sentio hæitationem quandam eius, & moram. Quomodo volet, dum modo non ex animo suspirem, hoc tibi de me recipe: non trepidabo ad extrema: iam præparatus sum: nihil cogita de die. Illum lauda & imitare, quem non piget mori, cum ituat vivere. Quæ enim virtus est, cum ei jciaris, exire? tamen est & hic virtus. Eijcior quidem, sed tanquam exeam. Et ideo nunquam ei jciatur sapiens: quia ei jci est inde expelli, vnde inuitus recedas. Nihil inuitus facit sa-

piens: necessitatem effugti: quia vult quòd ipsa
coactura est.

EPIST. LV.

*De Vatiæ villa, & de ipso Vatia, tum de ba-
no maloque otio. Item amicos animo adesse
posse, & debere.*

A Gestatione cum maximè venio, non mi-
nus fatigatus, quam si tantum ambulaf-
sem, quantum se di: labor est enim, & diu ferri:
ac nescio an eo maior, quia contra naturam est:
quæ pedes dedit, vt per nos ambularemus;ocu-
los, vt per nos videremus. Debilitatem nobis
indixit delicie: & quod diu nolimus, posse
desuimus. Mihi tamen necessarium erat con-
cutere corpus, vt siue bilis infederat faucibus,
discuteretur; siue ipse ex aliqua causa spiritus
densior erat, extenuaret illum iactatio: quam
profuisse mihi sensi. Ideò diutius vehi perse-
ueravi, inuitante ipso littore, quod inter Cumias
& Seruiliæ Vatiæ villam curuatur, & hinc mari,
illinc lacu, velut angustum iter clauditur. Erat
enim à recenti tempestate spissus. Fluctus au-
tem illud (vt scis) frequens, & concitatus exa-
quat: longior tranquillitas soluit, cum arenis
quæ humore alligantur, succus abscessit. Ex
consuetudine tamen mea circumspicere capi,
an aliquid illic inuenirem, quod mihi bono
posset esse: & direxi oculos in villam, quæ ali-
quando Vatiæ fuit. In hac ille prætorius diues,
nulla alia re quàm otio notus, consenuit, & ob
hoc vnum felix habebatur. Nam quoties aliquos
quos amicitia Asinij Galli, quoties Seiani odium,
deinde amor merlerat, (æquè enim offendisse
illum quam amasse, periculosum fuit) excla-
ma-

mabant homines: O Vatia, solus scis viuere? At ille latere sciebat, non viuere: multum autē interest, vtrum vita tua otiosa sit, an ignaua. Nunquam aliter hanc villam Vatia viuō præteribam, quam vt dicerem. Vatia hic situs est. Sed adeo, mi Lucili, philosophia sacrum quiddam est, & venerabile, vt etiam si quid illi simile est, mēdacio placeat. Otiosum enim hominem, seductum existimat vulgus, & securum, & se contemptum, sibi que viuentem: quorum nihil vlli contingere, nisi sapienti, potest. Ille quidem nulla re sollicitus scit sibi viuere: ille enim (quod est primum) scit viuere. Nam qui res, & homines fugit, quem cupiditatum suarum infelicitas relegauit, qui alios feliciores videre non potuit, qui velut timidum, atque iners animal, metu oblituit, ille sibi non viuit, sed (quod est turpissimum) ventri, somno, libidini. Non continuo sibi viuit, qui nemini. Adeo tamen magna res est constantia, & in proposito suo perseverantia, vt habeat auctoritatem inertia quoque pertinax. De ipsa villa nihil possum tibi certi scribere; frontem enim eius tantum noui, & exposita: quæ ostendit etiam transeuntibus. Speluncæ sunt duæ magni operis, laxo atrio pares, manufactæ: quarum altera Solem non recipit, altera vsque in Occidentem tenet. Platanona mediū riuus, & mari, & ab Acherusio laeu receptus, Euripi modo diuidit, alendis piscibus (etiam si assiduo exhauritur) sufficiens. Sed illi eum mare patet, parçitur: cum tempestas piscatoribus dedit ferias, manus ad parata porrigitur. Hoc tamen est commodissimum in villa, quod Baias trans parietem habet: incommodis illarum caret, voluptatibus fruitur. Has laudes eius ipse noui: esse

villam totius anni credo. Occurrit enim Fauo-
nio, & illum adeo excipit, vt Baijs neget. Non
stulte videtur elegisse hunc locum Vatia, in quē
otium suum pigritiam, & senile conferret.
Sed non multum ad tranquillitatem locus con-
fert: animus est, qui commendat omnia. Vidi
ego in villa hilari, & amœna maestos: Vidi in
media solitudine occupatis similes. Quare non
est quod existimes, ideo parum bene composi-
tum esse te, quod in Campania non es, quare
autem non es: huculque cogitationes tuas mit-
te. Conuersari cum amicis absentibus licet: &
quidem quoties velis, quamdiu velis, magis hac
voluptate, quæ maxima est, fruimur, dum ab-
sumus. Præsentia enim nos delicatos facit: &
quia aliquando vna loquimur, ambulamus;
cum considemus, cum diducti sumus, nihil de
his quos modo vidimus, cogitamus, & ideo
æquo animo ferre debemus absentia quia ne-
mo non multum etiam præsentibus abest. Po-
ne hic primum noctes separatas: deinde occu-
pationes utrinque diuersas: deinde studia secreta
suburbanas protectiones: videbis non multum
esse, quod nobis peregrinatio eripiat. Amicus
animo possidendus est, hic autem nunquam
abest: quemcumque vult, quotidie videt. Itaque
mecum stude, mecum cæna, mecum ambula. In
angusto viueremus, si quidquam esset cogitatio-
nibus claulum. Video te, mi Lucili, cum maxi-
me audio: adeo tecum sum, vt dubitem, an inci-
piam non epistolas, sed codicillos tibi scribere:

EPIST. LVI.

*Mentem compositam, vacare sibi, & stu-
dium etiam in turba. Suo exemplo docet.
Magis*

Magis optandum internum silentium, & pacem. Inertia porro, mala, & ea cupidinum mater.

Peream, si est tam necessarium, quam videtur, silentium in studia seposito: Ecce varius clamor undique me circumsonat: supra ipsum balneum habito: propone nunc tibi omnia genera vocum, quæ in odium possunt aures adducere: cum fortiores exercentur, & manus plumbo graues iactant, cum aut laborant, aut laborantem imitantur, gemitus audio: quoties ratentum spiritum remiserunt, sibilos, & acerbissimas respiraciones: cum in alipten inertem, & hac plebeia vñctione contentum incidi, audio crepitum illius manus humeris: quæ prout plana peruenit, aut concava, ita sonum mutat. Si vero pillicæus superuenerit, & numerare cæperit pilas, actum est. Adijce nunc scordalum & firem deprehensum, & illum cui vox sua in balneo placet. Adijce nunc eos, qui in piscinam cum ingenti impulsæ aquæ sono saliant. Præter istos quorum si nihil aliud, rectæ voces sunt, alipilum cogita, tenuem, & stridulam vocem, quo sit notabilior, subinde exprimentem, nec unquam tacentem, nisi dum velit alas, alium pro se clamare cogit. Iam libarij, varias exclamaciones, & botularium, & crustularium, & omnes popinarum institores, mercem sua quadam & insignita modulatione vendentes. O te, inquis, ferreum, aut surdum, cui mens inter clamores tam varios, tam dissonos, constat! cum Chrysippum nostrum afflicta salutatio perducatur ad mortem. At me hercules, ego illum fremitum non magis curo, quam fluctum aut delectum aquæ. Quamuis

G. 4 audiam.

* *Diogenes*

audiam cuiusdam genti hanc vnam fuisse causam, urbem suam transferendi, quia fragorem Nili cadentis ferre non potuit. Magis mihi vox auocare videtur, quàm crepitus. Illa enim animum abducit, tantum aures implet, ac verberat. In ijs quæ me sine euocatione circumstrepunt, effedas transcurrentes pono, & fabrum inquilinum, & ferrarium vicinum, aut hunc qui ad metam sudantem tabulas experitur & tibias, nec cantat, sed exclamat. Etiam molestior est mihi sonus, qui intermittitur subinde, quàm qui continuatur. Sed iam me sic ad omnia ista duraui, vt audire vel pausarium possim, voce acerbissima remigibus modo dantem. Animum enim ego sibi intentum esse, nec auocari ad externa: omnia licet foris resonent; dum intus nihil tumultus sit, dum inter se non rixentur cupiditas & timor, dum auaritia luxuriaque non dissideant, nec altera alteram vexet. Nam quid prodest totius regionis silentium, si affectus fremunt?

Omnia nobis erant, placida composita quiete.

Falsum est: nulla placida quies est, nisi quæ ratio composuit: nox exhibet molestiam, non tollit, & sollicitudines mutat. Nam dormientium quoque insomnia tam turbulenta sunt, quàm dies. Illa tranquillitas vera est, in quam bona mens explicatur. Adspice illum, cui somnus laxæ domus silentio quæritur: cuius aures ne quis agitet sonus, omnis seruorum turba conticuit, & suspensum, accedentium, proprius, vestigium ponitur. Huc nempe versatur atque illuc, somnum inter ægritudines leuem captans: quæ non audit, audit se se queritur. Quid in causa putas esse? animus illi obstepit: hic placandus est, huius compe-

scen-

Secunda est seditio: quem non est quod existentes placidum, si iacet corpus. Interdum quies in-
 qujeta est. Et ideo ad rerum actus excitandi,
 ac tractatione bonarum artium occupandi su-
 mus, quoties nos male habet inertia sui impa-
 tiens. Magni imperatores cum male parere
 militem vident, aliquo labore compescunt, &
 expeditionibus detinent: nunquam vacat lasci-
 uire districtis: nihilque tam certum est quam
 otij vitia negotio discuti. Sæpe videmus tædio
 rerum ciuiliū, & infelicis atque ingratae sta-
 tionis penitentia, secessisse: tamen in illa late-
 bra, in quam nos timor & lassitudo coniecit,
 interdum recrudescit ambitio. Non enim ex-
 cisa desijt, sed fatigata, aut etiam abiecta, rebus
 parum sibi cedentibus. Idem de luxuria dico,
 quæ videtur aliquando cessisse; deinde frugali-
 tatem professos sollicitat, atque in media parsi-
 monia voluptates non damnatas, sed relictas
 petit: & quidem eo vehementius, quo occultius.
 Omnia enim vitia in aperto leuiora sunt; morbi
 quoque tunc ad summitatem inclinant, cum ex
 abdito erumpunt, ac vim suam proferunt. Et
 auaritiā itaque, & ambitionem, & cetera mala
 mentis humanæ, tunc perniciosissima scias: ef-
 se, cum simulata sanitate subsidunt. Otiosi vi-
 demur, & non sumus. Nam si bona fide sumus
 si receptui cecinimus, si speciosa contempsimus
 vt paulo ante dicebam, nulla res nos auocabit,
 nullus hominum auiumque concentus inter-
 rumpet cogitationes bonas, solidasque & iam
 certas. Leue illud ingenium, nec se adhuc re-
 duxit introrsus, quod ad vocem & accidentia
 erigitur. Habet intus aliquid solitudinis, &
 concepti pauoris, quod illum curiosum, facit
 vt ait Virgilius noster:

Et me, quem dudum non ulla iniecta mouebant

Tela, nec aduerso glomerati ex agmine Graii,

Nunc omnes terrent aura, sonus excitat omnis.

Suspensum, & pariter comitique onerique timentem.

Prior ille sapiens est quem non tela vibrantia, non arietata inter se arma agminis densi, non urbis impulsæ fragor territat: his aliter, imperitus est, rebus suis timet, ad omnem crepitum expauescens, quem una qualibet vox pro fremitu accepta deiecit, quem motus leuissimi examinant. Timidum illum sarcinae faciunt. Quemcumque ex istis felieibus elegeris, multatrahentibus multa portantibus, videbis illum comitique onerique timentem. Tunc ergo te scito esse compositum, cum ad te nullus clamor pertinebit: cum te nulla vox tibi excutiet: non si blandietur, non si minabitur, non si inani sono varia circumstrepet. Quid ergo? non aliquando commodius est, carere conuicio? fateor. Itaque ego ex hoc loco migrabor experiri & exercere me volui. Quid necesse est diutius torqueri: cum tam facile remedium Vellises locijs aduersus Sirenas dederis, & inueneris?

EPIST. LVII.

De Crypta Neapolitana, & ibi horrore tum primos motus in potestate non esse, Aliquid de animi tenuitate, & celeritate.

CVM Baijs deberem Neapolim repetere, facile credidi tempestatem esse, ne iterum na-

nauem experirer : sed tantum luci tota via fuit ,
 vt possem videri nihilominus nauigasse . Totum
 athletarum fatum mihi illo die perpetiendum
 fuit , à ceromate nos haphè excepit , in Crypta
 Neapolitana . Nihilillo carcere longius , nihil
 illis faucibus obscurius ; quæ nobis præstant ,
 non vt per tenebras videamus , sed vt ipsas .
 Ceterum etiam si locus haberet lucem , puluis
 auferret , in aperto quoque res grauis & mole-
 sta : quid illic , vbi in se volutatur , & cum sine
 vlllo spiramento sit inclusus , in ipsos à quibus
 excitatus est recidit ? Duo incommoda inter se
 contraria simul pertulimus , eadem via , eodem
 die , & luto , & puluere laborauimus . Aliquid
 tamen mihi illa obscuritas , quod cogitarem ,
 dedit : sensi quendam ictum animi , & sine
 metu mutationem , quàm insolitæ rei nouitas
 simul ac fæditas fecerat . Non de me nunc te-
 cum loquor , qui multum ab homine tolerabili ,
 ne dum à perfecto absum , sed de illo in quem
 ius fortuna perdidit : huius quoque ferietur ani-
 mus , mutabitur color . Quædam enim , mi Lu-
 cili , nulla virtus effugere potest : admonet illam
 natura mortalitatis suæ . Itaque & vultum ad-
 ducet ad tristitiam , & inhorrescet ad subita , &
 caligabit , si vastam altitudinem in crepidine
 eius constitutus despexerit . Non est hic timor ,
 sed naturalis affectio inexpugnabilis rationi .
 Itaque fortes quidam , & paratissimi fundere
 suum sanguinem , alienum videre non possunt :
 quidam ad vulneris noui , quidam ad veteris &
 purulenti tractationem inspectionemque con-
 cidunt , & relinquuntur animo : alij gladium fa-
 cillius recipiunt , quàm vident . Sensi ergo (vt
 dicebam) quamdam non quidem perturbatio-
 nem , sed mutationem : rursus ad primum con-

spectū redditæ lucis, alacritas incogitata rediit, &
 iniussa. Illud deinde mecum loqui cæpi, quam
 ineptè quædam magis, ac minus timeremus,
 cum omnium idem finis esset. Quid enim in-
 terest, vtrum supra aliquem vigiliarum ruat,
 an mors? nil inuenies. Erunt tamen qui hanc
 ruinam magis timeant, quam vis vtraque mor-
 tifera æque sit. Ad eò non effectus, sed effi-
 cientia timor spectat. Nunc me putas de Stoicis
 dicere qui existimant animam hominis magno
 pondere extriti permeare non posse, & statim
 spargi, quia non fuerit illi exitus liber: ego
 vero non facio, qui hoc dicunt, videntur mihi
 errare. Quemadmodum flamma non potest op-
 primi: nam circa id diffugit, quo vrgetur; quem-
 admodum aer verberare aut ictu non læditur, nec
 scinditur quidem, sed circa id cui cessit refundi-
 tur: sic animus qui ex tenuissimo constat, de-
 prehendi non potest, nec intra corpus affligi: sed
 beneficio subtilitatis suæ, per ipsa quibus pre-
 mitur, erumpit. Quomodo fulmini, etiam
 cum latissime percussit ac fulsit, per exiguum
 foramen est reditus; sic animo, qui adhuc te-
 nuior est igne per omne corpus fuga est. Ita-
 que de illo quærendum est, an possit immorta-
 lis esse? hoc quidem, certum habet, si superstes
 est corpori, propter hoc illum nullo genere
 posse perire, propter quod non perit; quoniam
 nulla immortalitas cum exceptione est: nec
 quidquam noxium æterno est.

E P I S T O L A LVIII.

*Verba quædam nupera, desista nunc esse &
 transit ad Physica; & quæ duplex. Foris
 ex Platone. Aptas ad Ethica, & nihil hic
 idem,*

idem, aut firmum, esse. Tum subtilitates, quem usum habere possint? & hunc ex omni re captandum. Adnectis de senectute, & morte: neutram optandam, & recusandam!

OVanta verborum nobis paupertas, imo egestas sit, nunquam magis quàm bodierno die intellexi. Mille res inciderunt, cùm forte de Platone loqueremur, quæ nomina desiderarent, nec haberent: quædam verò cùm habuissent, fastidio nostro perdidissent. Quis autem ferat in egestate fastidium? Hunc, quem Græci æstrum, vocant, pecora peragentem, & totis saltibus dissipantem asilum nostri vocabant: hoc Virgilio licet credas:

*Et lucum Silari iuxta, illicibusque virentem
Plurimus Alburnum volitans, cui nomen asilo
Romanum est æstrum Græci vertere vocantes,
Asper, acerba sonans, quo tota exterrita silvis
Diffugiunt armenta.* —

Puto intelligi istud verborum interisse. Ne te longè differam, quædam simplicia in usu erant sicut cernere ferro inter sedicebantur. Idem Virgilius hoc probabit tibi:

*Stupet ipse Latinus,
Ingenti, genitos diuersis partibus orbis,
Inter se coiisse viros, & cernere ferro.*

quòd nunc decernere dicimus: simplicis illius verbi usus amissus est. Dicebant antiqui, *iussu*, id est, *iussu*. Hoc nolo mihi credas: sed fide Virgilio:

Cetera qua iussu, mecum manus inserat arma
Non

Non id ago nunc hac diligentia, ut ostendam quantum tempus apud grammaticum perdiderim: sed ut ex hoc intelligas, quantum apud Ennium, & Attium, verborum situs occupauerit: cum apud hunc quoque, qui quotidie excutitur, aliqua nobis subducta sint. Quid, inquis, sibi ista vult præparatio? quod spectat? Non celabo te: cupio, si fieri potest propitijs auribus tuis. Essentiã dicere: sin minus, dicam & iraris. Ciceronem auctorem huius verbi habeo, puto locupletem: si recentiorem quæris; Fabianum, d. sertum & elegantem, orationis, etiã ad nostrum fastidium, nitidæ. Quid enim fiet, mi Lucili? quomodo dicetur *σύνθεσις* necessaria, naturam continens, fundamentum omnium? Rogo itaque permittas mihi hoc verbo ut nihilominus dabo operam, ut ins à te datum participiũ exerceam: fortasse contentus ero mihi licere. Quid proderit facilitas tua, cum ecce id nullo modo Latine exprimere possim, propter quod linguæ nostræ conuiciũ fecit? Magis damnabis angustias Romanas, si scieris vnam syllabam esse, quam mutare non possim. Quæ hæc sit, quæris: *σύνθεσις* Duri tibi videbor ingenij in medio positum, posse sit transferri, ut dicam, Quod est. Sed multum interesse video cogor verbum pro vocabulo ponere: sed id si necesse est ponam. Quod est, sex modis hoc à Platone dici, amicus noster homo eruditissimus hodierno die dicebat. Omnes tibi exponam, si ante indicauero, esse aliquod genus, esse & speciẽ. Nunc enim primum illud genus quærimus, ex quo certæ species suspensæ sunt, à quo nascitur omnis diuisio, quo vniuersa comprehensa sunt. Inuenietur autem, si capemus singula retro legere: sic enim perdu-

temur ad primum. Homo species est, ut Aristoteles ait: equus species est, canis species: ergo commune aliquod querendum est his omnibus vinculum, quod illa complectatur, & sub se habeat. Hoc quid est; animal. Ergo genus esse capit omnium horum quæ modo retuli, homini, equi, canis, animal. Sed sunt quædam, quæ animam habent, nec sunt animalia: placet enim satis & arbutis animam inesse: itaque & vivere illa, & mori dicimus. Ergo animantia superiorem tenebunt locum, quia animalia in hac forma sunt, & fata. Quædam anima carent, ut saxa: itaque aliquid erit animantibus antiquis, scilicet corpus, hoc sic diuidam, ut dicam, corpora omnia aut animata esse, aut inanimantia. Etiamnum est aliquid superius, quam corpus. Dicimus enim quædam corporalia esse, quædam incorporalia. Quid ergo erit ex quo hæc deducantur? Illud cui nomen modo parum proprium imposuimus; Quod est. Sic enim in species fecabitur, ut dicamus: Quod est, aut corporale est, aut incorporale. Hoc ergo genus est primum & antiquissimum, & ut ita dicam, generale: cetera genera quidem sunt, sed specialia, tanquam homo genus est. Habet enim in se nationum species, Græcos, Romanos, Parthos: colorum, albos nigros, flauos: habet singulos, Catonem, Ciceronem, Lucretium. Itaque qua multa continet, ingenus cadit: quæ sub alio est, in speciem. Illud genus, Quod est, generale, supra se nihil habet. Initium rerum est: omnia sub illo sunt. Stoici volunt superponere huic enim aliud genus magis principale: de quo statim dicam, si prius illud genus, de quo locutus sum, merito primum ponere docuero, cum sit rerum omnium capax. Quod est,

est, in has species diuido, vt sint corporalia, aut
 incorporalia. Nihil tertium est. Corpus quo-
 modo diuido? vt dicam, aut animantia sunt, aut
 inanimantia. Rursus animantia quemadmo-
 dum diuido? vt dicam, quædam animum ha-
 bent, quædam tantum animam: aut sic: quædam
 impetum habent, incedunt, transcunt: quædam
 solo affixa, radicibus aluntur, & crescunt. Rur-
 sus animalia in quas species seco: aut mortalia
 sunt, aut immortalia. Primum genus Stoicis
 quibusdam videtur, Quid: sed quare videatur,
 subiiciam. In rerum (inquiunt) naturam quæ-
 dam sunt quædam non sunt. Et hæc autem
 quæ non sunt, rerum natura complectitur, quæ
 animo succurrunt, tanquam Centauri, Gigan-
 tes, & quidquid aliud falsa cogitatione forma-
 tum, habere aliquam imaginem capit, quam-
 vis non habeat substantiam. Nunc ad id, quod
 tibi promisi, reuertor, quomodo quæcumque
 sunt, in sex modos Plato partiatur. Primum
 illud. Quod est, nec visu, nec tactu, nec vllō sen-
 su comprehenditur: cogitabile est: quod genera-
 liter est: tamquam honor generalis sub oculos
 non venit, sed specialis venit, vt Cicero, & Cato.
 Animal non videtur, sed cogitatur: videtur au-
 tem species eius, equus, & canis. Secundum
 ex his quæ sunt, ponit Plato, quod eminet, & ex-
 superat omnia. Hoc ait per excellentiam esse:
 vt poeta communiter dicitur, omnibus enim
 versus facientibus hoc nomen est: sed iam apud
 Græcos in vnius notam cessit, Homerum intel-
 ligas, cū audieris poetam. Quid ergo hoc est?
 Deus, scilicet maior, ac potentior cunctis. Ter-
 tium genus est eorum, quæ propriè sunt: innu-
 merabilia hæc sunt, sed extra nostrum posita
 conspectum. Quæ sunt, interrogas: pro-
 pria.

pria Platonis supellex est. Ideas vocat, ex quibus omnia, quæcumque videmus, fiunt: & ad quas cuncta formantur. Hæ immortales, immutabiles, inuiolabiles sunt. Quid sit idea id est, quid Platoni esse videatur, audi. Idea est eorum, quæ natura fiunt, exemplar æternum. Adijciam definitioni interpretationem, quo tibi res apertior fiat. Volo imaginem tuam facere: exemplar picturæ te habeo, ex quo capio aliquem habitum mens, quem operi suo imponat. Ita illa quæ me docet & instruit facies, à qua petijur imitatio, idea est. Talia ergo exemplaria infinita habet natura rerum, hominum, piscium, arborum; ad quæ, quodcumque fieri ab illa debet, exprimitur. Quartum locum habet *ἰδὸς*. Quid sit hoc *ἰδὸς*, attendas oportet: & Platoni imputes, non mihi, hanc rerum difficultatem: nulla est autem sine difficultate subtilitas. Paulo ante pictoris imagine utebar: ille cum reddere Virgilium coloribus vellet, ipsum intuebatur; Idea erat Virgilij faciès, futuri operis, exemplar: ex hac quod artifex trahit, & operi suo imposuit *ἰδὸς*, est. Quid intersit, quæris? alterum exemplar est, alterum forma ab exemplari sumpta, & operi imposita: alteram artifex imitatur, alteram facit. Habet aliquam faciem statua: hæc est *idos*: habet aliquam faciem exemplar ipsum, quod intuens opifex, statuam figuravit: hæc idea est. Etiamnum aliam desideras distinctionem? *Idos* in opere est: Idea extra opus: nec tantum extra opus est, sed ante opus. Quintum genus est eorum, quæ communiter sunt: hæc incipiunt ad nos pertinere hic sunt omnia, homines, pecora, res. Sextum genus eorum est, quæ quasi sunt, tanquam inane, tanquam tempus.

Quæ.

Quaecumque videmus ac tangimus, Plato in illis non numerat, quæ esse proprie putat. Fluunt enim, & in assidua diminutione atque adiectione sunt. Nemo nostrum idem est in senectute, qui fuit iuuenis: nemo est amant, qui fuit pridie. Corpora nostra rapiuntur fluminum more: quidquid vides, currit cum tempore, nihil ex his quæ videmus, manet, Ego ipse dum loquor mutari ista, mutatus sum. Hoc est quod ait Heraclitus: In idem flumen bis non descendimus. Manet idem fluminis nomen, aqua transmissa est. Hoc in amne manifestius est, quam in homine: sed nos quoque non minus velox cursu præteruehit: & ideo admiror dimentiam nostram, quod tantopere amamus rem fugacissimam, corpus, timemusque ne quando moriamur: cum omne momentum, mors prioris habitus sit. Vistu non timere, ne semel fiat quod quotidie fit? De homine dixi, fluida materia & caduca, & omnibus obnoxia casibus, mundus quoque, æterna res & inuieta, mutatur, nec idem manet. Quamvis enim omnia in te habeat quæ habuit, aliter habet quam habuit, ordinem mutat. Quid inquis, ista subtilitas mihi proderit? Si me interrogas, nihil. Sed quemadmodum ille cælator oculos diu intentos ac fatigat remittit atque euocat, & ut dici solet, pascit, sic nos apimum aliquando debemus relaxare, & quibusdam oblectamentis reficere, sed ipsa oblectamenta opera sint ex his quoque, si obseruaueris, sumes quod possit fieri salutare. Hoc ego, mi Lucili soleo facere: ex omni natione, etiam si à philosophia longissimè auersa est, eruere aliquid conor, & utile efficere. Quid de istis capiam, quæ modo tractauimus, remoris à reformatione morum?

quo-

quomodo meliorem me facere Ideæ Platonice
 possunt : quid ex istis traham , quod cupiditates
 meas comprimat : Vel hoc ipsum , quod omnia
 ista , quæ sensibus seruiunt , quæ nos accendunt ,
 & irritant , negat Plato ex ijs esse , quæ verè sint :
 Igitur ista imaginaria sunt , & ad tempus aliquã
 faciem ferunt : nihil horum stabile , nec solidum
 est : & nos tamen cupimus tanquam aut semper
 futura , aut semper habituri . Imbecilli , fluidique
 per intervalla consistimus : mittamus animum
 ad illa , quæ æterna sunt : miremur in sublimi
 volitantes rerum omnium formas : Deumque
 inter illa versantem , hoc providentem , quem
 admodum quæ immortalia facere non potuit ,
 quia materia prohibebat , defendat à morte , ac
 ratione vitium corporis vincat . Manent enim
 cuncta , non quia æterna sunt , sed quia defendun-
 tur cura regentis . Immortalia tutore non egent :
 hæc conservat artifex , fragilitatem materiæ vi
 sua vincens . Contemnamus omnia , quæ adeo
 pretiosa non sunt , ut an sint omnino , dubium
 sit . Illud simul cogitemus , si mundum ipsum
 non minus mortalem , quam nos sumus , provi-
 dentia periculis eximit posse tamen aliquatenus
 nostra quoque providentia longiorem prorogari
 huic corpusculo moram , si voluptates , quibus
 pars maior perit , potuerimus regere , & coercere .
 Plato ipse ad senectutem se diligentia per-
 tulit . Erat quidem corpus validum , ac forte
 fortitus , & illi nomen latitudo pectoris fecerat ;
 sed navigationes , ac pericula multum detraxe-
 runt viribus ; parsimonia tamen , & earum , quæ
 auiditatem euocant modus , & diligens sui tute-
 la , perduxit illum ad senectutem , multis prohi-
 bentibus caussis . Nam hoc scis , puto , Platoni
 diligentiae suæ beneficio contigisse , quod natali
 suo

suo decessit, & annum vnum atque octogesi-
 mum impleuit, sine vlla deductione. Idco Ma-
 gi, qui forte Athenis erant, immolauerunt de-
 functo, amplioris fuisse sortis quam humane rati
 quia consumasset perfectissimum numerum,
 quem nouem nouies multiplicata componunt.
 Non dubito, quin paratum esset paucos dies ex
 ista summa, & sacrificium remittere. Potest fru-
 galitas producere senectutem; quam vt non
 puto concupiscendam, ita ne recusandam qui-
 dem. Iucundum est, esse secum quam diutissi-
 me, cum quis se dignum quo frueretur, effecit.
 Itaque de isto feremus sententiam, an oporteat
 fastidire senectutis extrema, & finem non oppe-
 riri, sed manu facere. Propè est à timente, qui
 fatum segniter exspectat; sicut ille vltra modum
 deditus vino est, qui amphoram exsiccat, &
 faciem quoque exorbet. De hoc tamen quære-
 mus, pars summa vitæ, vtrum fax vitæ hæc
 sit, an liquidissimum ac purissimum quiddam.
 si modo mens sine iniuria est, & integri sensus
 animum iuuant, nec defectum & præmortuum
 corpus est. Plurimum enim refert, vitam ali-
 quis extendat, an mortem. At si inutile mini-
 sterijs est corpus, quid ni oporteat educere ani-
 mum laborantem; & fortasse paullo antequam
 debet, faciendum est, ne cum fieri debeat,
 facere non possis; & cum maius periculum sit
 malè viuendi, quam citò moriendi, stultus
 est qui non exigui temporis mercede, magnæ
 rei aleam redimit. Paucos longissima senectus
 ad mortem sine iniuria pertulit; multis ineptis
 vita sine vsu iacuit sui. Quanto deinde cru-
 delius iudicas aliquid ex vita perdidisse,
 quamuis finienda? Noli me inuitus audire,
 tanquam ad te iam pertineat ista sententia;
 sed

sed quid dicam æstima. Non relinquam senectutem si me totum mihi reseruabit; totum autem ab illa parte meliore, At si cæperit concurrere mentem, si partes eius conuellere, si mihi non vitam reliquerit, sed animam: profiliam ex ædificio putrido ac ruenti. Morbum morte non fugiam, dumtaxat sanabilem, nec officientem animo non afferam mihi manus propter dolorem: sic mori, vinci est. Hunc tamen si sciero perpetuo mihi esse patiendum: exhibo non propter ipsum, sed quia impedimento mihi futurus est ad omne, propter quod viuitur. Imbecillus est & ignauus, qui propter dolorem moritur: stultus, qui doloris causa viuit. Sed in longum exeo: est præterea materia quæ ducere diem possit. Et quomodo finem vitæ imponere poterit, qui epistolæ non potest; Vale ergo quod libentius quam mortis moras lecturus es.

EPIST. LIX.

Voluptatis & Gaudii discrimen; atque hoc honestum verbum esse. Laudat deinde stilum Lucilii, & Philosopho verba item non negligenda; amandas etiam parabolas atque imagines. Serio autem, non obiter philosophandum esse; nec nobis ipsis cito placendum; quæ adulatio nos perdit.

Magnam ex epistola tua percepi voluptatem: permitte enim mihi uti verbis publicis; nec illa ad significationem Stoicā reuoco. Vitium esse voluptatem credimus. Sit sane: ponere tamen illam solemus, ad demonstrandam animi hilarem affectionem. Scio, inquam, & voluptatē (si ad nostram alium verba dirigimus)

rem

rem infaniam esse, & gaudium nisi sapienti non contingere. Est enim animi elatio, suis bonis viribusque fidentis, vulgo tamen sic loquimur, ut dicamus, magnum gaudium nos ex illius consulatu, aut ex nuptiis, aut ex partu vxoris percepisse: quæ adeò non sunt gaudia, ut sæpè initia futuræ tristitiæ sint. Gaudio autem iunctum est, non desinere, nec in contraria verri. Itaque cum dicit Virgilius noster: Et mala mentis Gaudia; diserte quidem dicit, sed parum proprie: nullum enim malum gaudium est, Voluptatibus hoc nomen imposuit, & quod voluit expressit: significauit enim homines, malo suo lætos, tamen ego non immeritò dixeram, cepisse me magnam ex epistola tua voluptatem: quamuis enim iusta causa imperitus homo gaudeat, tamen affectum eius impotentem, & in diuersa statim inclinaturum, voluptatem voco, opinione falsi boni motam, immoderatam, & immodicam. Sed ut ad propositum reuertar, audi quid me in epistola tua delectauerit; habes verba in potestate: non effert te oratio, nec longius quàm destinasti, trahit. Multi sunt, qui ad id quod non proposuerant scribere, alicuius verbi decori placentis vocentur, quod tibi non venit, pressa sunt omnia, & rei aptata. Loqueris quantum vis, & plus significas quàm loqueris. Hoc maioris rei iudicium est: apparet, animum quoque nihil habere superuacui, nihil tumidi. Inuenio tamen translationes verborum, ut non temerarias, ita quæ periculum sui fecerit. Inuenio imagines: quibus si quis non uti vetat, & poetis illa solis iudicat esse concessas, neminem mihi videtur ex antiquis legisse, apud quos nondum captabatur plauisibilis oratio. Illi qui simpliciter, & demon-

stran-

firmandæ rei causa eloquebantur, parabolis refert
 sunt quas existimo necessarias, non ex eadem
 causa qua poetis, sed ut imbecillitatis no-
 stræ adminicula sint, & ut discentem, & au-
 dientem in rem præsentem adducant. Sextium
 ecce cum maxime lego, virum acrem, Græcis
 verbis, Romanis moribus philosophantem, mo-
 nit me imago ab illo posita: ire quadrato agmi-
 ne exercitum, ubi hostis ab omni parte suspe-
 ctus est, pugnæ paratum. Idem, inquit, sapiens
 facere debet: omnes virtutes suas undique ex-
 pandat, ut ubicumque infesti aliquid oritur, il-
 lic parata præsidia sint, & ad nutum regentis si-
 ne tumultu respondeant. Quod in exercitiis
 his quos imperatores magni ordinant, fieri vi-
 demus, ut imperium ducis simul omnes copiæ
 sentiant, sic dispositæ, ut signum ab vno datum,
 peditum simul equitemque percurrat: hoc ali-
 quanto magis necessarium esse nobis, Sextius
 ait. Illi enim sæpe hostem timere sine causa
 tutissimumque illis iter, quod suspectissimum
 fuit: nil stultitia pacatum habet, tam superne il-
 li metus est, quam infra, utrumque trepidat la-
 rus. Sequuntur pericula, & occurrunt, ad om-
 nia pauet: imparata est, & ipsis terretur auxi-
 ijs. Sapiens autem, ad omnem incursum mu-
 nius, & intentus, non si paupertas, non si lu-
 ctus, non si ignominia, non si dolor impetum
 faciat, pedem refert. Interritus, & contra illa
 ibit, & inter illa. Nos multa alligant, multa
 debilitant; diu in istis vitijs iacuimus, elui dif-
 ficile est, non enim inquinati sumus, sed infecti.
 Ne ab alia imagine ad aliam transeamus, hoc
 quæram, quod mecum sæpè dispicio, quid ita
 nos stultiua tam pertinaciter teneat. Primo quia
 non fortiter illam repellimus, nec toto ad salu-
 tem

tem impetu nitimur: deinde, quia illa quæ à sapientibus viris reperta sunt, non satis credimus nec apertis pectoribus haurimus, leuiterque tam magnæ rei insistimus. Quemadmodum autem potest aliquis, quantum satis sit, aduersus vitia discere, qui quantum à vitijs vacat, discit? Nemo nostrum in altum descendit: summa tantum decerpimus: & exiguum temporis impendisse philosophiæ, satis abundeque occupatis fuit. Illud præcipue impedit, quod citò nobis placeamus: si inuenimus qui nos bonos viros dicat, qui prudentes, qui sanctos, agnoscimus. Nec sumus modica laudatione contenti: quidquid in nos adulatio sine pudore congescit, tamquam debitum prendimus: optimos nos esse, sapientissimos affirmantibus assentimur, cum sciamus illos sæpè mentiri. Adeòque indulgemus nobis, ut laudare velimus in id, cui contraria cum maximè facimus. Mitissimum ille se in ipsis supplicijs audit, in rapinis liberalissimum: in ebrietatibus, ac libidinibus temperatissimum. Sequitur itaque, ut idèò mutari nolumus, quia nos optimos esse credimus. Alexander, cum iam in India vagaretur, & gentes, ne finitimis quidem satis notas, bello vastaret, in obsidione cuiusdam vrbis, dum circuit muros, & dum imbecillissima mœnium quærit, sagittâ ictus, diu per sedere, & incepta agere perleueravit. Deinde cum represso sanguine, ficci vulneris dolor cresceret, & crus equo suspensum paullatim obtorpuisset, coactus abstinere. Omnes, inquit iurant me louis esse filium: sed vulnus hoc hominem esse me clamat. Idem nos facimus: cum pro sua quemque portione adulatio infatuat, dicamus: Vos quidem me dicitis prudentem esse: ego autem video quàm multa inutilia.

con-

concupiscam, nocitura optem: ne hoc quidem intelligo, quod animalibus satietas monstrat, quis cibo debeat esse quis potioni modus; quantum capiam, adhuc nescio. Iam docebo, quemadmodum intelligas te non esse sapientem? Sapiens ille plenus est gaudio, hilaris, & placidus, inconcussus, cum Dijs ex pari viuit. Nunc ipse te consules si nunquam mæstus es, nulla spes animum tuum futuri expectatione sollicitat, si per dies, noctesque par, & æqualis animi tenor erecti, & placentis sibi est; peruenisti ad humani boni summam. Sed si appetis voluptates, & vndique, & omnes, scito tantum tibi ex sapientia, quantum ex gaudio, deesse. Ad hoc cupis peruenire, sed erras, qui inter diuitias illuc venturum esse te speras. Inter honores gaudium, id est, inter sollicitudines quæris; ista, quæ sic petis tanquam datura lætitiæ, ac voluptatem, causæ dolorum sunt. Omnes, inquam, illi tendunt ad gaudium; sed vnde stabile, magnūq; consequantur, ignorant. Ille ex conuiuijs, & luxuria: ille ex ambitione, & circumfusa clientium turba: ille ex amica: alius ex studiorum liberalium vana ostentatione, & nihil faciantibus litteris. Omnes istos oblectamenta fallacia, & breuia decipiunt; sicut ebrietas, quæ vnius horæ hilarem insaniam, longius temporis tædio pensat; sicut plausus, & acclamationis secundæ fauor, qui magna solitudine & parus est, & expiandus. Hoc ergo cogita, hunc esse sapientiæ effectum, gaudij æqualitatem. Talis est sapientis animus, qualis mundi status super Lunam; semper illic serenum est. Habes ergo, quare velis sapiens esse; quia nunquam sine gaudio est. Gaudium hoc non nascitur, nisi ex virtutum conscientia. Non potest gaudere, nisi for-

tis, nisi iustus, nisi temperans. Quid ergo in-
quis? stulti ac mali non gaudent? Non magis,
quam prædam nacti leones. Cum fatigauerunt
de vino & libidinibus, cum illos nox inter vina
defecit, cum voluptates angusto corpori ultra
quàm capiebat ingestæ supputare cæperunt,
tunc exclamât miseri Virgilianum illum versû:
Namque ut supremam falsâ inter gaudia
noctem

Egerimus, nosti.

Omniem luxuriosi noctem inter falsa gaudia, &
quidem tanquam supremam, agunt. Illud gau-
dium, quod Deos deorumque æmulus sequitur
non interruptitur, non desinit desinere, si sum-
ptum esset aliunde, quia non est alieni muneris,
nec arbitrij? quidem alieni. Quod non dedit
fortuna, non eripit.

EPIST. LX.

Vota vultu spernenda: Naturam audiendam
esse.

Queror, litigo, irascor. Etiamnum optas
quod tibi optauit nutrix tua, aut pædago-
gus, aut mater? Nondum intelligis
quantum mali optauerint? O quàm inimica no-
bis sunt vota nostrorum eo quidem inimicio-
ra, quo cessere felicius. Iam non admiror, si
omnia nos à prima pueritia mala sequuntur, in-
ter execrationes parentum creuimus. Exau-
diant quoque diu nostram, pro votis vocem
gratuitam. Quousque poscemus aliquid Deos,
quasi nondum ipsi alere nos possimus? Quàm
diu sationibus implebimus magnarum urbium
campos? quàm diu nobis populus metet? quàm
diu vnius mensæ frumentum multa nauigia,
& quidem non ex vno mari subuehent? Tau-
rus

tus paucissimorum iugerum pascuis impletur : una silua elephantis pluribus sufficit : homo & terra pascitur, & mari. Quid ergo? tam insatiabilem nobis natura aluum dedit, cum tam modica corpore dedisset, ut vastissimorum edacissimorumque animalium auiditatem vinceremus? minimè. Quantum est enim quod nature datur? paruo illa dimittitru. Non fames nobis ventris nostri magno constat, sed ambitio. Hos itaque (ut ait Sallustius) ventri obediētes animalium loco numeremus, non hominum : quosdam verò ne animalium quidem, sed mortuorum. Viuit is, qui se vititur : qui vero latitant & torpent, sic in domo sunt, tanquam in conditiuo. Horum licet in limine ipso nomen marmori inscribas, mortem suam antecefferunt.

EPIST. LXI.

Emendari, & mutari studeamus : mortem cogitemus, ut semper imminētem, & vixque venturam.

Delinamus quod volumus velle. Ego certè id ago senex, non eadem velle, quæ puer volui. In hoc vnum eunt dies, in hoc noctes : hoc opus meum est, hæc cogitatio, imponere veteribus malis finem. Id ago, ut mihi inflat totius vitæ, sit dies. Nec mehercules tanquam vltimum rapio, sed se illud adspicio, tanquam esse vel vltimus possit. Hoc animo tibi hanc epistolam scribo, tanquam cum maximè scribentem mors euocatura sit. Paratus exire sum, & idcō fruor vita : quia quam diu futurum hoc sit, non nimis pendoo. Ante senectutem euraui, ut bene viuerem : in senectute, ut

benemoriar. Bene autem mori, est libenter mori. Da operam, ne quid vquam inuitus facias: quidquid necesse est, futurum est. Repugnant, non volenti necessitas est: in volente necessitas non est. Ita dico, qui imperia habens excipit, partem acerbissimam seruitutis effugit, facere, quod nolit. Non qui iussus aliquid facit, miser est, sed qui inuitus facit. Itaque sic animum componamus, ut quidquid res exigit velimus & in primis finem nostri sine tristitia cogitemus: ante ad mortem, quam ad vitam, præparandi sumus. Satis instructa vita est: sed nos instrumentorum eius auidi sumus. Deesse nobis aliquid videtur, & semper videbitur. Ut satis vixerimus nec anni nec dies facient, sed animus. Vixi, Lucili carissime, quantum satis erat: mortem plenus exspecto.

EPIST. LXII.

Homines aut negotia non ob stare Bonæ mentis.

Lans Demetrii.

Mentiuntur, qui sibi ob stare ad studia liberalia turbam negotiorum videri volunt, simulant occupationes, & augent & ipsi se occupant. Vaco, mi Lucili, vaco: & ubicumque sum, meus sum. Rebus enim non me trado, sed commodo: nec cōsector perdendi temporis causas: quocumque constiti loco, ibi cogitationes meas tracto & aliquid in animo salutare verſo. Cū me amicis dedi, non tamen mihi abduco ne cum illis moror, quibus me tempus aliquod congregauit, aut causa ex officio nata ciuili, sed cum optimo quoque sum: ad illos, in quocumque loco, in quocumque sæculo fuerint, animum meum mitto. Demetrium, virorum optimum, mecum circumfero & relictis con-
chy-

chyliatis, cum illo seminudo loquor, illum admiror. Quid ni admirer? vidi nihil ei deesse. Contempere omnia aliquis potest: omnia habere nemo potest. Breuissima ad diuitias, per contemptum diuitiarum, via est. Demetrius autem noster sic viuit, non tanquam contempserit omnia, sed tanquam alijs habenda permiserit.

EPIST. LXIII.

Consolatoria super morte amici, sapiens & perpulchra.

Grauius fers decessisse Flaccum, amicum tuum: plus tamen æquo dolere te nolo. Illud, vt non doleas, vix audebo exigere: & esse melius scio. Sed cui ista firmitas animi continget, nisi iam multum supra fortunam elato? Illum quoque ista res vellicabit, sed tantum vellicabit. Nobis autem ignosci potest, prolapsis ad lacrimas: non nimia decurrerent, si ipsi illas repressimus. Nec sicci sint oculi amico, nec fluant: lacrimandum est, non plorandum. Duram tibi legem videor ponere? cum poetarum Græcorum maximus, ius flendi dederit in vnum dumtaxat diem: cum dixerit, etiam Nioben de cibo cogitasse. Quæris vnde sint lamentationes, vnde immodici fletus? per lacrimas argumenta desiderij quærimus: & dolorem non sequimur, sed ostendimus. Ne moti tristis sibi est. O infelicem stultitiam? est alia, & doloris ambitio. Quid ergo? inquis: obliuiscar amici? Breuem, illi apud te memoriam promittis, & cura dolore mansura est. Iam istam frontem ad risum qualibet fortuita res transferet. Non differo in longius tēpus quo desiderium omne mulcet, quo etiam

acerimi luctus residunt: cum primum te ob-
 feruare desieris, imago ista tristitiæ discedet.
 Nunc ipse custodis dolorē tuum, sed custodienti
 quoque elabitur: eoque citius, quo est acrior,
 desinit. Id agamus, vt iucunda fiat nobis amis-
 sorum recordatio: nemo libenter ad id redit,
 quod non sine tormento cogitaturus est. Si tamē
 istud fieri necesse est, vt cum aliquo nobis mor-
 su, amissorum quos amauimus nomen occur-
 runt: hic quoque morsus habet suam volupta-
 tem. Nam, vt dicere solebat Attalus noster: Sic
 amicorum defunctorum memoria iucunda est,
 quomodo poma quædam sunt suauiter aspera,
 quomodo in vino nimis veteri ipsa nos amaritu-
 do delectat: cum verò interuenit spatium, omne
 quod angebat exstinguitur, & pura ad nos volu-
 ptas venit. Si illi credimus, amicos incolumes
 cogitare, melle ac placenta frui est: eorum qui
 fuerunt retractatio, non sine acerbitate quadam
 iuuat. Quis autem negauerit, hæc acria quoque,
 & habentia austeritatis aliquid, stomachum ex-
 citare? Ego non idem sentio: mihi amicorum
 defunctorum cogitatio, dulcis ac blanda est: ha-
 bui enim illos, tamquam amissurus: amisi, tam-
 quam habeam. Fac ergo; mi Lucili, quod tuam
 æquitatem decet. Desine beneficium Fortunæ
 male interpretari: abstulit, sed dedit. Ideò ami-
 cis auide fruamur, quia quamdiu contingere
 hoc possit, incertum est. Cogitemus quàm sæpè
 illos reliquerimus, in aliquam peregrinationem
 longinquam exituri: quàm sæpè eodem mo-
 rantes loco, non viderimus: intelligemus, plus
 nos tempore perdidisse in viuis. Feras autem
 hos, qui cum negligentissimè amicos habeant,
 miserrimè lugent: nec amant quemquam nisi
 cum perdiderunt? Ideòque tunc effusus ma-

rent.

rent, quia verentur, ne dubium sit an amaue-
rint: sera iudicia affectus sui quaerunt. Si alios
habemus amicos, malè de his & meremur, &
existimamus: qui parum valent in vnus elati
solatium: si non habemus, maiorem ipsi nobis
iniuriam fecimus, quàm à fortuna accepimus.
Illa vnum abstulit: nos quemcumque non feci-
mus. Deinde ne vnum quidem amauit, qui plus
quàm vnum amare non potuit. Si quis despolia-
tus, amissa vnica tunica, complorare se malit,
quàm circumspicere quomodo frigus effugiat,
& aliquid inueniat quo tegat scapulas, nonne ti-
bi videatur stultissimus? Quem amabas, extuli-
sti: quære, quem ames. Satiùs est amicum re-
parare, quàm flere. Scio quidem peritum iam
hoc esse, quòd adiecturus sum: non tamen idèò
prætermittam, quia ab omnibus dictum est.
Finem dolendi etiam qui consilio non fecerat,
tempori inuenit: turpissimum autem est in ho-
mine prudente remedium mæroris, lassitudo
mærendi. Malo relinquas dolorem, quàm ab il-
lo relinquare: quàm primum id facere desiste,
quòd, etiamsi voles, diu facere non poteris.
Annum faminis ad lugendum constituere ma-
iores, non vt iam diu lugerent, sed ne diutius:
viris nullum legitimum tempus est, quia nul-
lum honestum. Quàm tamen mihi ex illis mu-
lierculis dabis, vix retractis à rogo, vix à ca-
dauere reuulsis, cui lacrymæ in totum menseni
durauerint? Nulla res citius in odium venit
quàm dolor: qui recens, consolatorem inue-
nit, & aliquos ad se adducit: inueteratus verò
deridetur: nec immerito: aut enim simulatus,
aut stultus est. Hæc tibi scribo, is qui Annaum
Serenum, carissimum mihi, tam immodicè
fleui: vt (quod minime velim) inter exempla

sim eorum quos dolor vicit: hodie tamen factum meum damno, & intelligo maximam mihi causam sic lugendi fuisse, quod numquam cogitaueram, mori cum ante me posse. Hoc vnum mihi occurrebat, minorem esse, & multo minorem: tanquam ordinem fata seruarent. Itaque assidue cogitemus, tam de nostra quam omnium quos diligimus, mortalitate. Tunc ego dicere debui. Minor est Serenus meus: quid ad rem pertinet: post me mori debet, sed ante me potest: quia non feci, imperatum subito fortuna percussit. Nunc cogito, omnia & mortalia esse, & incerta lege mortalia. Hodie fieri potest, quidquid vnquam potest: Cogitemus ergo, Lucili carissime, cito nos eo peruenturos, quo illum peruenisse mæremus. Et fortasse (si modò sapientum vera fama est recipitque nos locus aliquis) quem putamus perisse præmissus est.

E P I S T. LXIV.

Q. Sextii laudatio, & ipsius deinde de Sapiencia: Veteres eius auctores venerandos, & nos tamē posse adicere.

FVisti heri nobiscum: Potest queri, si heri tantum: idē adieci, nobiscum: mecum propter quos maior sumus fieret: non hic, qui erumpere ex lautorum culinjs, & terrere vigilēs solet: sed hic inodius, qui hospites, venisse significaret. Varius nobis sermo fuit, vt in conuiuiō, nullam rem vsq; ad exitum adducens, sed aliunde alio transiliens. Lectus est deinde liber Q. Sextij patris, magni, si quid mihi credis, viri, & licet negent, Stoici. Quantum in illo, Di; boni, vigoris est, quantum animi: hoc non in om-

Omniſus philoſophis inuenies. Quorundam ſcripta clarum habent tantum nomen: cetera exſanguia ſunt. Inſtitunt, diſputant, cauillantur: non faciunt animum; quia non habent. Cum legeris Sextum, dices: Viuit, viger, liber eſt, ſupra hominem eſt, dimittit me plenum ingentis fidueiæ. In quacumque poſitione mentis ſim, cum lego hunc, (fatebor tibi) libet omnes caſus prouocare, libet exclamare: Quid ceſſas fortuna; congreſcere: paratum vides. Illius animum induo, qui quærit vbi ſe experiatur, vbi virtutem ſuam oſtendar.

Spumantemque dari pecora inter inertia vo-
tis.

Optat aprum, aut fuluum descendere monte
leonem.

Libet aliquid habere, quod vincam, cuius patientia exercear. Nam hoc quoque egregium Sextius habet, quod & oſtendet tibi beatæ vitæ magnitudinem, & deſperationem eius non faciet. Scies illam eſſe in excelſo, ſed volenti penetrabilem: hoc quidem virtus tibi ipſa præſtabit, vt illam admireris, & tamen ſperes. Mihi certè temporis multum auferre ſolet contemplatio ipſa ſapientiæ: non aliter illam intueor obſtupefactus; quàm ipſum interim mundum, quem ſæpè tanquam ſpectator nouus video. Veneror itaque inuenta ſapientiæ, inuentoresque: adire tanquam multorum hereditatem iuuat. Mihi iſta acquiſita, mihi laborata ſunt. Sed agamus bonum patremfamilia: faciamus ampliora, quæ accepimus: maior iſta hereditas à me ad poſteros tranſeat. Multum adhuc reſtat operis, multumque reſtabit nec vlli nato poſt mille ſæcula præcluditur occaſio.

aliquid adhuc adijciendi. Sed etiam si omnia à veteribus inuenta sunt: hoc semper nouum erit; vsus, & inuentorum ab alijs sciētia, & dispositio. Puta relicta nobis medicamenta, quibus sanarentur oculi: non opus est mihi alia quærere: hæc tantum morbis, & temporibus aptanda sunt. Hoc asperitas oculorum conleuatur: hoc palpebrarum crassitudo remiatur; hoc vis subita, & humor auertitur: hoc acuitur visus. Teras ista oportet, & eligas tempus, adhibeas singulis modum. Animi remedia inuenta sunt ab antiquis: quomodo autem admoueantur, aut quando, nostri operis est quærere. Mukum egerunt qui ante nos fuerunt, sed non peregerunt: suspicendi tamen sunt, & ritu duorum colendi. Quidni ego magnorum virorum & imagines habeam, incitamenta animi, & natales celebres. Quidni illos honoris causa, semper appellem? Quam venerationem præceptoribus meis debeo, eandem illis præceptoribus generis humani, à quibus tanti boni initia fluxerunt. Si consulem videro, aut prætorem, omnia, quibus honor haberi honori solet faciam; equo desiliam, caput adaperiam, semita cedam. Quid ergo? Marcum Catonem vtrumque, & Lælium Sapiētem, & Socratem cum Platone, & Zenonem, Cleatemque in animum meum sine dignatione summa recipiam; Ego vero illos veneror, & tantis nominibus assurgo.

EPIST. LXV.

Physiologica tractat de Causa, & Materia? Quatenus vilia sint, docet; si cum modo tractentur, & bono fine, id est vite. Attolli per hæc animum ad Deum, & Honestum.

He-

Hesternum diem diuifi cum mala valetu-
dine : antemeridianum illa sibi vindica-
uit : postmeridiano mihi cessit . Itaque lectione
primum tentavi animum : deinde cum hanc re-
cepisset, pius illi imperare ausus sum, imo per-
mittere . Aliquid scripsi, & quidem intentius,
quàm soleo, dum cum materia difficili conten-
do, & vinci nolo : donec interuenerunt amici, qui
mihi vim afferrent, & tamquam agrum intem-
perantem coercerent . In locum stili sermo suc-
cessit : ex quo eam parrem ad te perferam, quæ
in lite est : te arbitrum ad egimus ? plus negotij
habes, quam existimas . Triplex causa est . Di-
cunt, ut scis, Stoici nostri, duo esse in rerum na-
tura, ex quibus omnia fiant : causam, & mate-
riam . Materia iacet iners ; res ad omnia parata,
cessatura, si nemo moueat . Causa autem, id est
ratio, materiam format, & quocumque vult
versat, ex illa varia opera producit . Esse debet
ergo vnde aliquid fiat, deinde à quo fiat, hoc
causa est, illud materia . Omnis ars imitatio
est naturæ : itaque quod de vniuerso dicebam, ad
hæc transfer, quæ ab homine faciendæ sunt .
Statua & materiam habuit, quæ pateretur arti-
ficium, & artificem, qui materię daret faciem .
Ergo in statua materia æs fuit, causa artifex .
Eadem conditio rerum omnium est : ex eo con-
stant quod fit, & ex eo, quod facit . Stoicis pla-
cet vnam causam esse, id quod facit . Causam
Aristotiles putat tribus modis dici . Prima, in-
quit, causa est ipsa materia, sine qua nihil po-
test effici . Secunda opifex . Tertia forma, quæ
vnicuique operi imponitur, tamquam statuæ,
nam hanc Aristoteles Idos vocat . Quarta quo-
que, inquit, his accedit, propositum totius ope-
ris . Quid sit hoc, aperiam . Æs prima statuæ

causa est ; nunquam enim facta esset , nisi fuisset id , ex quo ea funderetur , ducereturue . Secunda causa artifex est ; non potuisset enim æs illud in habitum statuæ figurari , nisi accessissent peritæ manus . Tertia causa est forma ; neque enim statua ista Doryphoros aut Diadumenos vocaretur , nisi hæc illi esset impressa facies . Quarta causa est faciendi propositum ; nam nisi hoc fuisset , facta non esset . Quid est propositum ; quòd inuitauit artificem , quòd ille securus fecit . Vel pecunia est hoc , si venditurus fabricauit ; vel gloria , si laborauit in nomen ; vel religio , si donum templo parauit . Ergo & hæc causa est , propter quàm fit . An non putas inter causas facti operis numerandum , quo remoto factum non esset ? his quintant Plato adiicit , exemplar , quàm ipse ideam vocat ; hoc est enim ad quòd respiciens artifex , id quid destinabat , efficit . Nihil autem ad rem pertinet , vtrum foris habeat exemplar , ad quòd referat oculos ; an intus , quòd sibi ipse concepit & posuit . Hæc exemplaria rerum omnium Deus intra se habet , numerosque vniuersorum quæ agenda sunt ; & modos mente complexus est ; plenus his figuris est , quas Plato ideas appellat , immortales , immutabiles , infatigabiles . Itaque homines quidem pereunt ; ipsa autem humanitas ad quàm homo effingitur , permanet ; & hominibus laborantibus , intereuntibus illa nil patitur . Quinque ergo causæ sunt , ut Plato dicit ; Id ex quo , id à quo , id quo , id ad quòd , id propter quòd : nouissimè id quòd ex his est . Tamquam in statua (quia de hac loqui capimus) id ex quo , æs est , id à quo , artifex est , id quo , forma est quæ optatur illi , id ad quòd exemplar est , quòd imitatur is qui facit , id propter

pter quòd, facientis propositum est, id quòd ex istis est, ipsa statua. Hæc omnia mundus quoque (ut ait plato) habet. Faciens, hic Deus est. Ex quo fit, hæc materia est. Forma, hic est habitus, & ordo mundi quem videmus. Exemplar, scilicet ad quòd Deus hanc magnitudinem operis pulcherrimi fecit. Propositum, propter quòd facit. Quæris, quid sit propositum Deo? Bonitas; ita certè Plato ait. Quæ Dea faciendi mundum causa fuit: bonus est, bono nulla cuiusquam boni invidia est. Fecit itaque quàm optimum potuit. Fer ergo iudex sententiam, & pronuncia, quis tibi verissimum videatur dicere, non quis verum dicat: id enim tam supra nos est, quàm ipsa veritas. Hæc quæ ab Aristotele & Platone ponitur turba causarum, aut nimium multa, aut nimium pauca comprehendit. Nam si quocumque remoto quid efficit non potest, id causam iudicant esse faciendi, pauca dixerunt. Ponant inter causas tempus: nihil sine tempore potest fieri: Ponant locum: si non fuerit ubi fiat aliquid, nec fiet quidem. Ponant motum: nil sine hoc nec fit nec perit; nulla sine motu ars, nulla mutatio est. Sed nos nunc primam & generalem causam quærimus: hæc simplex esse debet; nam & materia simplex est. Quærimus, quid sit causa; Ratio faciens, id est Deus. Ita enim quæ nunc retuli, non sunt multæ & singulæ causæ, sed ex una pendent, ex ea quæ facit. Formam dicis causam esse: hanc imponit artifex operi; pars est, non causa: exemplar quoque non est causa, sed instrumentum causæ necessarium. Sic necessarium est exemplar artificis, quomodo scalprum, quomodo lima; sine his procedere ars non potest; non partes tamen hæc ar-

tis, aut causæ sunt. Propositum, inquit, artificis, propter quod ad faciendum aliquid accedit, causâ est: ut sit causa, non est efficiens causa, sed superueniens. Hæ autem innumerabiles sunt: nos de causa querimus generali. Illud verò non pro solita, ipsis subtilitate dixerunt, totum mundum & consummatum opus, causam esse: multum enim interest inter opus, & causam operis. Aut fer sententiam: aut (quod facilius in eiusmodi rebus est) nega tibi liquere, & nos reuerti iube. Quid te, inquis, delectat tempus inter ista contere, quæ tibi nullum affectum eripiunt, nullam cupiditatem abigunt? Ego, quidem priora illa ago, ac tracto, quibus pacatur animus, & me prius scrutor: deinde hunc mundum. Ne hoc quidem tempus, ut existimas, perdo. Ista enim omnia si non concidantur, nec in hanc subtilitatem inutilem distrahantur, attollunt, & leuant animum, qui graui sarcina pressus, explicari cupit, & reuerti ad illa, quorum fuit. Nam corpus hoc, animi pondus, ac pena est, premente illo vrgetur, in vinculis est, nisi accessit philosophia: & illum respirare rerum naturæ spectaculo iussit, & à terrenis dimisit ad diuina. Hæc libertas eius est, hæc euagatio; subducit interim se custodiæ, in qua tenetur, & cœlo reficitur. Quemadmodum artifices ex alicuius rei subtilioris intentione, quæ oculos defatigat, si malignum, & precarium lumen habent, in publicum prodeunt, & in aliqua regione ad populi orium dedicata oculos libera luce delectant: sic animus in hoc tristi, & obscuro domicilio clusus, quoties potest, apertum petit, & in rerum naturæ contemplatione requiescit. Sapiens, affectatorque sapientiæ adhæret quidem in corpore suo, sed optima sui parte abest, &

cogitationes suas ad sublimia intendit, & velut sacramento rogatus, hoc quod viuit, stipendium putat, & ita formatus est, vt illi nec amor vitæ, nec odium sit, patiturque mortalia, quamuis sciat ampliora superesse. Interdices mihi inspectione rerum naturæ, ac toto abductum rediges in partem? Ego non quæram, quæ sint initia vniuersorum, quis rerum formator, quis omnia in vna massa, & materia inertî conuoluta discreuerit? Non quæram, quis sit artifex huius mundi? qua ratione tanta magnitudo in legem, & ordinem venerit? quis sparsa collegerit, confusa distinxerit, in vna deformitate latentibus faciem diuiserit? vnde lux tanta fundatur? ignis sit, an aliquid in igne lucidius? Ego ista non quæram: ego nesciam vnde descenderim? semel hæc mihi videnda sunt, an sæpè nascendum? quo hinc iturus sim? quæ sedes expectet animam, solutam legibus seruitutis humanæ? Vetas me cælo interesse, id est, iubes me viuere capite demisso? Maior sum, & ad maiora genitus, quàm vt mancipium sim mei corporis; quòd equidem non aliter adspicio, quàm vinculum aliquod libertati meæ circumdatum. Hoc itaque oppono fortunæ, in quo resistat; nec per illud ad me vllum transire vultus sino. Quidquid in me potest iniuriam pati, hoc est; in hoc obnoxio domicilio animus liber habitat; nunquam me caro ista compellet ad metum, nunquam ad indignam bono simulationem, nunquam in honorem huius corpusculi mentiar. Cum visum fuerit, distrahā cum illo societatem; & nunc tamen dum hærenus, non erimus æquis partibus socij; animus ad se omne ius ducet. Contemptus corporis sui certa libertas est. Vt ad propositum reuertar.

rar, huic libertati inultum conferret & illa, de quomodo loquebamur, inspectio. Nempe vniuersa ex materia & ex Deo constât: Deus ista temperat, quæ circumfusa rectorem sequuntur, & ducem. Potentius autem ac pretiosius est quod facit, qui est Deus, quam materia patiens Dei. Quem in hoc mundo locum Deus obtinet, hunc in homine animus: quod est illic materia, id nobis corpus est. Seruiant ergo deteriora melioribus: fortes simus aduersus fortuita: non contremiscamus iniuriis, non vulnera, non vincula, non egestatem. Mors quidem est aut finis aut transitus: nec desinere timeo: idem est enim quod non cepisse: nec transire; quia nusquam tam anguste ero.

EPIST. LXVI.

Clarum senem, sed alacrem esse: eum corpore deformem, animo honestum. Non refert de casa, in qua is habitet. Discrimen Bonorum Sticis, & omnia paria esse. Quid ergo: idem Gallum, & patientia: idem, quod ad virtutem: non ad Materiam. Externam, non dare Boni augmentum. Hac diffuse, istincte, pulchre. O legamus; & aptemus!

CLaranum condiscipulum meum vidi, post multos annos, non puto expectas ut adijciam, senem: sed mehercule viridem animo ac vigentem, & cum corpusculo suo colluctantem. Iniquè enim se natura gessit, & talem animum male collocavit: aut fortasse voluit hoc ipsum nobis ostendere, posse ingeniura fortissimum ac beatissimum sub qualibet cute

latere. Vicittamen omnia impedimenta : & ad cetera contemnenda à contemptu sui venit. Errare visus mihi est quid dixit :

Gratior est pulchro veniens è corpore virtus.

nullo enim honestamento eget: ipsa & magnum sui decus est, & corpus suum consecrat. Certe Claranum nostrum cæpi intueri, formosus mihi videtur, & tam rectus corpore, quam est animo. Potest ex casa vir magnus exire: potest & ex deformi humilique corpusculo formosus animus ac magnus. Quosdam itaque videtur mihi in hoc natura tales generare, vt approbet virtutem omni loco nasci. Si posset per se nudos edere animos fecisset: nunc quod amplius est, facit: quosdam enim edit corporibus impeditos, sed nihilominus perrumpentes obstantia. Claranus mihi videtur in exemplar editus: vt scire possemus, non deformitate corpori fixdari animum; sed pulchritudine animi corpus ornari. Quamuis autem paucissimos vna fecerimus dies, tamen multi nobis sermones fuerunt, quos subinde egeram, & ad te mittam: Hoc primo die quæsitum est, quomodo possint paria bona esse, si triplex eorum conditio est. Quædam (vt nostris videtur) prima bona sunt: tanquam gaudium, pax, salus patriæ. Quædam secunda, in materia infelici expressæ: tanquam tormentorum patientia, & in morbo graui temperantia. Illa bona directo optamus nobis: hæc, si necesse erit. Sunt adhuc tertia: tanquam modestus incessus, & compositus, ac probus vultus, & conueniens prudenti viro gestus. Quomodo ista inter se paria esse possunt, cum alia optanda sint, alia

alia auersanda ; Si volumus ista distinguere, ad primum reuertamur, & consideremus id quale sit. Animus intuens vera, peritus fugiendorum ac petendorum, non ex opinione, sed ex natura præcia rebus imponentis, totū se inferens mundo, & in omnes eius actus contemplationem suam mittens, cogitationibus actionibusq; intectus, ex equo magnus ac vehemens, asperis, blandisque pariter inuictus, neutri se fortunæ submittens, supra omnia quæ contingunt acciduntque eminens, pulcherrimus cum decore, cum viribus sanus ac siccus, imperturbatus, intrepidus, quem nulla vis frangat, quem nec attollant fortuitura, nec deprimant. Talis animus virtus est, hæc eius facies, si sub vnum veniat ad spectum & semel tota se ostendat. Ceterum multæ eius species sunt, quæ pro vitæ varietate & pro actionibus explicantur; nec minor sit, aut maior ipsa. Decrescere enim summum bonum non potest, nec virtuti ire retro; sed in alias atque alias qualitates conuertitur, ad rerum quas actura est habitum figurata. Quidquid attingit, in similitudinem sui adducit, & tingit: actiones, amicitias, interdum domos totas, quas intrauit disposuitque, condecorat; quidquid tractauit, id amabile, conspicuum, mirabile facit. Itaque vis eius & magnitudo ultra non potest surgere, quando incrementum maximo non est. Nihil venies rectius recto, non magis quam verius vero, quam temperato temperatius; omnis in modo est virtus; modus certe mensura est. Constantia non habet quo procedat, non magis quam fiducia, aut veritas, aut fides. Quid accedere perfecto potest? nihil; aut perfectum nouerat, cui accessit: ergo ne virtuti quidem, cui si quid adijci potest, defuit. Honestum.

nestum quoque nullam accessionem recipit: honestum est enim propter illa quæ retuli. Quid porro decorum, & iustum, & legitimum? non eiusdem esse formæ putas, certis terminis comprehensum; Crescere posse, imperfecte rei signum est: bonum omne in easdem cadit leges: iuncta est priuata & publica utilitas, tam in hercules, quàm inseparabile est, laudandum petendumque. Ergo virtutes inter se pares sunt, & opera virtutum, & omnes homines, quibus illa contingere. Satorum verò animaliumque virtutes: cum mortales sint, fragiles, caducæque, & incertæ, exsiliunt residuntque: & ideò non eodem pretio æstimantur. Vna inducitur humanis virtutibus regula: vna enim est ratio recta, simplexque. Nihil est diuino diuinius, cælesti cælestius. Mortalia eminent, cadunt, deteruntur, crescunt, exhauriuntur, implentur: itaque illis in tam incerta sorte inæqualitas est: diuinorum vna natura est. Ratio autem nihil aliud est, quàm in corpus humanum pars diuini spiritus mersa. Si ratio diuina est, nullum autem bonum sine ratione est, bonum omne diuinum est: nullum porro inter diuina discrimen est, ergo nec inter bona: Paria itaque sunt inter se gaudium, & fortis atque obstinat tormentorum perperessio: in utroque enim eadem est animi magnitudo; in altero remissa, & laxa; in altero pugna, & intenta. Quid; tu non putas, parem esse virtutem eius qui fortiter hostium mœnia expugnat, & eius quid obsidionem patientissime sustinet? Et magnus Scipio, qui Numantiam claudit & comprimit, cogitque inuictas manus in exitium ipsas sui verti; & magnus ille obsessorum animus, qui scit nihil esse clausum, cui mors aperta est, & in complexu libertatis exspirat,

est, sincerum, & nullo malo mixtum. Scio quod mihi hoc loco responderi possit, Hoc nobis persuadere conaris, nihil interesse, vtrum, aliquis in gaudio sit, an in equuleo iaceat, & tortorem suum laslet. Poteram respondere quod Epicurus ait, Sapientem si in Phalaridis tauro perutatur, exclamaturum; Dulce est, & ad me, nil pertinet. Quid miraris, si ego paria bona dico, vnius in conuiuio iacentis, alterius inter tormenta fortissimè frantis; cum (quòd incredibilius est) dicat Epicurus, dulce esse torqueri: Et hic respondeo, plurimum interesse inter gaudium & dolorem. Si quaratur electio, alterum petam, alterum vitabo: illud secundum naturam est, hoc contra. Quandiu sic aestimantur, magno inter se dissident spatio; cum ad virtutem ventum est, vtraque par est, & quæ per lætā procedit, & quæ per tristitiam. Nullum habent momentum vexatio & dolor, & quidquid aliud incommodi est; virtute enim obruitur. Quemadmodum minuta lumina claritas solis obscurat; sic dolores, molestias, iniurias, virtus magnitudine sua elidit, atque opprimit; & quocumque affulsit, ibi quidquid sine illa apparet, exstinguitur: nec magis vllam portionem habent incommoda, cum in virtutem inciderent, quàm in mari nimbus. Hoc scias ita esse, ad omne pulchrum vir bonus sine vlla cunctatione procuret; stet illic licet carnifex, stet tortor atque ignis, perseuerabit; nec quid passurus, sed quid facturus sit, adspiciet: & honestæ rei tanquam bono viro credet; vtilent illam sibi indicabit, tutam prosperam. Eundem ergo locum habebit apud illum honestares, sed tristis atque aspera, quem vir bonus pauper, aut exsul, ad pallidus. Agedum pone

ex alia parte virum bonum, diuitijs abundantem
 ex altera nihil habentem, sed in se omnia : vterq;
 æque bonus vir erit, etiam si fortuna dispari vte-
 tur. Idem (vt dixi) in rebus iudicium est, quod
 in hominibus: æque laudabilis est virtus in cor-
 pore vafido ac libero posita, quam in morbo
 ac vincto. Ergo tua quoque virtus non magis
 laudabilis, si corpus illæsum tibi & integrum
 fortuna præstiterit, quam si ex aliqua parte mu-
 tilatum; alioqui hoc erit, ex seruorum habitu
 dominum æstimare. Omnia enim ista, in quæ
 dominium casus excrcet, seruilis sunt, pecunia;
 & corpus, & honores imbecilla, fluida, mortalia
 possessionis incertæ. Illa rursus libera & inuicta
 opera virtutis; quæ non ideò magis appetenda
 sunt, si benignius à fortuna tractantur; nec mi-
 nus, si aliqua rerum iniquitate premuntur.
 Quòd amicitia in hominibus est, hoc in rebus
 appetitio est. Non, puto, magis amares virum
 bonum locupletem, quam pauperem: nec ro-
 bustum & lacertolum, quam gracilem, & lan-
 guidi corporis; ergo ne rem quidem magis ap-
 petes hilarem ac pacatam, quàm distractam &
 operosam. Et si hoc est, magis diliges ex duo-
 bus æque bonis viris, nitidum & vinctum; quàm
 puluerulentum & horrentem; deinde hucusque
 peruenies, vt magis diligas integrum omnibus
 membris & illæsum, quam debilem aut luscum;
 Paullatim fastidium tuum illo vsque procedet
 vt ex duobus æque iustis ac prudentibus, coma-
 tum & crispulum malis, quam recaluastum;
 Voi par est in vtroque virtus non comparet alia-
 rum rerum inæqualitas omnia enim alia non
 partes, sed accessiones sunt. Num quis tam ini-
 quam censuram inter suos agit, vt filium sanum
 quam ægrum magis diligat; procerum e & ex-
 cel-

cellum, quam breuem & modicum? Fetus suos non distinguunt feræ, & se in alimentum pariter omnium sternaunt, aues ex æquo patiuntur cibos. Vlysses ad Ithacæ suæ saxa sic properat, quemadmodum Agamemnon ad Mycenarum nobiles muros. Nemo enim patriam, quia magna est, amat, sed quia sua. Quorsum hæc pertinent? ut scias, virtutem omnia opera sua, velut fetus suos, iisdem oculis intueri, æque indulgere omnibus; & quidem impensius, laborantibus. Quoniam quidem etiam parentum amor, magis in ea quorum miseretur, inclinatur. Virtus quoque opera sua quæ videt affici & premi, non magis amat, sed parentum bonorum more, magis complectitur ac fouet. Quare non est ullum bonum altero maius? quia non est quidquam apto aptius: quia plano nihil est planius. Non potes dicere, Hoc magis par est alicui quam illud? ergo nec honesto honestius quidquam est. Quid si per omnium virtutum natura est, tria genera bonorum in æquo sunt. Ita dico, in æquo est moderate gaudere, & moderate dolore; Lætitia illa non vincit hanc animi firmitatem, sub tortore gemitus deplorantem. Illa bona optabilia sunt, hæc mirabilia; vtraque nihilominus paria; quia quidquid incommodi est, velamento maioris bonis tegitur. Quisquis hæc imparia iudicat, ab ipsis virtutibus auerit oculos, & exteriora circumspicit. Bona vera idem pendunt, idem patent; falsa multum habent vani. Itaque speciosa & magna contra visentibus, cum ad pondus reuocata sunt, fallunt. Ita est, mi Lucili, quidquid vera ratio commendat, solidum & æternum est, firmat animum, attollitque, semper futurum in excelsis, illa quæ temere laudantur, & vulgi sen-

ten-

tentia bona sunt, inflant inanibus lætos. Rursus ea quæ timentur tanquam mala, iniiciunt formidinem mentibus, & illas non aliter, quam animalia species periculi, agitant. Vtraque res ergo sine causa animum, & diffundit, & mordet: nec illa gaudio, nec hæc metu digna est: sola ratio immutabilis & iudicii tenax est: non enim seruit, sed imperat sensibus. Ratio rationi parest, sicut rectum recta: ergo & virtus, quæ non aliud est quam recto ratio. Omnes virtutes rationes rectæ sunt: si rectæ sunt, & pares sunt. Qualis ratio est, tales & actiones sunt: ergo omnes pares sunt. Nam cum similes rationi sint, similes & inter se sunt: nares autem actiones inter se esse dico, quæ rectæ sunt, & honestæ. Ceterum magna habebunt discrimina, variante materia: quæ modò latior est, modò angustior; modò illustris, modò ignobilis; modò ad multos pertinens, modò ad paucos. In omnibus tamen istis, id quod optimum est, par est: tanquam viri boni, omnes pares sunt, quia boni sunt: sed habent differentias ætatis; alius senior; alius iunior: habent corporis: alius formosus, alius deformis est: habent fortunæ: ille diues, hic pauper est: ille gratus potens, vrbibus notus & populus; ignotus hic plerisque, & obscurus. Sed per illud quod boni sunt, pares sunt. De bonis ac malis sensus non iudicat: quid vtile, scit; quid inutile, ignorat. Non potest ferre sententiam, nisi in rem præsentem perductus est: nec futuri providus est, nec præteriti memor: quid sit consequens nescit. Ex hoc autem rerum ordo seriesque contextitur, & vnitas vitæ in perfectum itura. Ratio ergo arbitra est bonorum ac malorum: aliena & externa pro vilius habet: & ea quæ neque

neque bona sunt, neque mala, accessiones minimos ac leuissimas iudicat: omne illi bonum in anima est. Ceterum quædam prima existimat, ad quæ ex proposito venit, tanquam victoriam, bonos liberos, patriæ salutem: quædam secunda, quæ non apparent nisi in rebus aduersis: tanquam æquo animo pati morbum magnum, exsilium: quædam media, quæ nihilo magis secundum naturam sunt, quam contra naturam: tanquam prudenter ambulare, composite sedere. Non enim minus secundum naturam est, sedere quam aut stare, aut ambulare. Duo illa superiora diuersa sunt: prima enim secundum naturam sunt, gaudere liberorum pietate, patriæ incolumitate: secunda contra naturam sunt, fortiter obstare tormentis, & sitim perpeti, morbo vrente præcordia. Quid ergo? aliquid contra naturam bonum est? minime: sed illud aliquando contra naturam est, in quo bonum illud existit: vulnerari enim, & subiecto igne tabescere, & aduersa valetudine affligi, contra naturam est: sed inter ista seruare animum infatigabilem, secundum naturam est. Et ut, quod volo, exprimam breuiter materia boni aliquando contra naturam: at bonum nunquam: quoniam bonum sine ratione nullū est; sequitur autem ratio naturam. Quid est ergo ratio? naturæ imitatio. Quid est summum hominis bonum? ex naturæ voluntate se gerere. Non est, inquit, dubium, quin felicior pax sit nunquam lacerata, quam multo reparata sanguine. Non est dubium, inquit, quin felicior sit inconcussa valetudo, quam ex grauius morbis & extrema minitantibus in tutum vi quadam & patientia edueta. Eodem modo non erit dubium, quin maius bo-

num sit gaudium, quam obnoxius animum ad
 perpetiendos cruciatus vulnerum aut ignium.
 Minime: illa enim quæ fortuita sunt, pluri-
 mum discriminis recipiunt: aestimantur enim
 utilitate fumentium. Bonorum vnum propo-
 situm est, consentire naturæ: hoc in omnibus
 par est. Cum alicuius in senatu sententiam se-
 quimur, non potest dici: Ille magis assentitur,
 quam ille: ab omnibus in eandem sententiam
 itur: idem de virtutibus dico: omnes naturæ as-
 sentiuntur: idem de bonis dico: omnes naturæ
 assentiuntur. Alter adolescens decessit, alter
 senex, aliquid præter hos infans, cui nihil am-
 plius contingit, quam prospicere vitam: omnes
 hi æque fuere mortales, etiam si mors aliorum
 longius vitam passa est procedere, aliorum in
 medio flore præcidit, aliorum interruptit prin-
 cipia. Alius inter cænanandum solutus est, alte-
 rius continuata mors somno est, aliquem con-
 cubitus exstinxit: his oppone ferro transfossos,
 aut exanimatos serpentem morstu; aut fractos
 ruina, aut per longam neruorum contractio-
 nem extortos minutatim: aliquorum melior
 dici, aliquorum peior potest exitus: mors qui-
 dem omnium par est: per quæ venit, diuersa
 sunt: id in quod desinunt, vnum est: mors nul-
 la maior aut minor est: habet enim eundem
 in omnibus modum, finisse vitam. Idem tibi
 de nobis dico: hoc bonum inter meras volu-
 ptares est, hoc inter tristitia, & certa; illud for-
 tunc indulgentiam rexit, hoc violentiam do-
 muit; vtrumque æque bonum est, quamuis il-
 lud plana emolliuerit, hoc aspera. Idem finis
 omnium est: bona sunt, laudanda sunt, virtutem
 rationemque comitantur: virtus æquat in-
 ter de quidquid agnoscit. Nec est quod hoc in-
 ter

ter nostra placita mireris : apud Epicurum duō bona sunt, ex quibus summum illud beatumque componitur : ut corpus sine dolore sit, animus sine perturbatione ; Hæc bona non crescunt, si plena sunt, quo enim crescet, quod plenum est? Dolor corpus caret : quid ad hanc accedere indolentiam potest? Animus constat sibi, & placidus est : quid accedere ad hanc tranquillitatem potest? Quemadmodum serenitas cæli non recipit maiorem adhuc claritatem, in sincerissimum nitorem repurgata : sic hominis, corpus animumque curantis, & bonum suum ex utroque necsentis, perfectus est status, & summum voti sui inuenit, si nec æstus animo est, nec dolor corpori. Si qua extra blandimenta contingunt, non augment summum bonum, sed, ut ita dicam, condiunt & oblectant : absolutum enim illud humanæ naturæ bonum, corporis, & animi pace contentum est. Dabo apud Epicurum tibi etiamnum similitam huic nostræ diuisionem bonorum. Alia enim sunt apud illum, quæ malis contingere sibi : ut corporis quietem, ab omni incommodo liberam, & animi remissionem, bonorum suorum contemplatione gaudentis. Alia sunt, quæ quamuis nolit accidere, nihilominus & laudat & comprobatur : tanquam illam, quam paullo ante dicebam, malæ valetudinis, & dolorum grauissimorum perpeffionem : in qua Epicurus fuit illo summo ac fortunatissimo de suo : ait enim se vesicæ & exulcerati ventris tormenta tolerare, vltiorem doloris accessionem non recipiant : esse nihilominus sibi illum beatum diem ; beatum autem agere, nisi qui est in summo bono, non potest. Ergo & apud Epicurum sunt hæc bona, quæ malles non experiri :

sed quia ita res tulit, & amplexanda & laudanda, & exæquanda summis sunt. Non potest dici, hoc non esse par maximis bonum, quod beatæ vitæ clausulam imposuit, cui Epicurus extrema voce gratias egit. Permite mihi, mi Lucili virorum optime, aliquid audacius dicere: si vlla bona maiora esse alijs possent: hæc ego quæ tristitia videntur, mollibus illis & delicatis prætulissimam. Maius est enim perfingere difficilia, quàm læta moderari. Eadem ratione fit, scio, vt aliquis felicitatem bene, & calamitatem fortiter ferat. Æque fortis esse potest, qui pro vallo securus excubuit, nullis hostibus castra tentantibus: & qui succi sis poplitibus in genua se excepit, nec arma dimisit. Macte virtute esto, sanguinolentis & ex acie redeuntibus dicitur. Itaque hæc magis laudauerim bono exercitata, & fortia, & cùm fortuna rixata. Ego dubitem, quin magis laudem truncam illam & retorridam manum Mucij, quam cuiuslibet fortissimi saluam? Stetit hostium flammæque contemptor, & manum suam in hostili foculo distillantem perspectavit, donec Porfenna, cuius pænæ fauebat, gloriæ invidit: & ignem inuito eripi iussit. Hoc bonum quidni inter prima numerem: tantoque maius putem, quàm illa securæ, & intentatæ fortunæ, quanto rarius est hostem amissa manu vicisse, quàm armata? Quid ergo? inquis: hoc bonum tibi optabis? Quid nisi hoc enim, nisi qui potest & optare, non potest facere. An potius optem, vt malacissimos articulos exoletis meis porrigam? vt muliercula, aliquis in mulierculam ex viro versus digitulos meos ducat? Quid ni ego feliciorem putem Mucium; qui sic tractavit ignem, quasi illam manum tractatori

tōri præstitisset? In integrum restituit, quid-
quid errauerat: confecit bellum inermis ac
mancus, & illa manu trunca reges duos vicit.

EPIST. LXVII.

*Post Præfatiunculum Quæstio, An omne bō-
num optabile: At, esse: etiam cuius materia
in malis. Ut, fortiter vri, ægrōtare flagellari,
Non ipsa vstio, morbus, flagella, sed illud,
fortiter et patienter, inquit est optabile. De-
inde, Virtutes nexas esse: & vti vna, omnes.
Sunt & hæc pulchra, fortis, germani Stoi-
ci.*

VT à cōmunibus initium faciam, ver aperi-
re se cæpit sed iam inclinatū in estate quo
tempore calere debebat, intepuit: nec adhuc il-
li fides est: sepe enim in hiemem reuoluitur.
Vis scire quàm dubium adhuc sit: nondum me
commito frigidæ: adhuc rigorem eius infrin-
go. Hoc est, inquis, nec calidum, nec frigi-
dum pati. Ita est, mi Lucili iam ætas mea
contenta est suo frigore: vix mediâ regelatur
æstate. Itaque maior pars in vestimentis degi-
tur. Ago gratias senectuti, quod me lectulo
affixit. Quid ni gratias illi hoc nomine agams
quidquid debebam nolle, non possum. Cū
libellis mihi plurimus sermo est: si quando inter
veniunt epistolæ tuæ, tecū esse mihi videor: &
sic afficior animo, tamquam tibi non rescribam
sed respondeam. Itaque, & de hoc quod quæris,
quasi colloquar tecum: quale sit, vna scrutabi-
mur. Quæris an omne bonum optabile sit. Si bo-
num est, inquis, fortiter torqueri, & magno ani-
mo viri, & patienter ægrōtare, sequitur vti ista

rat. Æque reliqua quoque inter se paria sunt; tranquillitas, simplicitas, libertas, constantia, æquanimitas, tolerantia; omnibus enim istis una virtus subest, quæ animum rectum & indeclinabilem præstat. Quid ergo? nihil interest inter gaudium, & dolorem inflexibilem patientiam? nihil, quantum ad ipsas virtutes; plurimum, quantum ad illa, in quibus virtus utraque ostenditur. In altero namque naturalis animi remissio ac laxitas: in altero, contra naturam dolor. Itaque media sunt hæc, quæ plurimum intervalli recipiunt. Virtus in utraque par est; virtutem materia non mutat; nec peiorem facit dura & difficilis, nec meliorem hilaris & læta. Necesse est ergo æqualia sint bona utraque: quia nec hic potest se melius in hoc gaudio gerere, nec ille melius in illis cruciatibus: duo vero, quibus nihil fieri melius potest, paria sunt. Nam si quæ extra virtutem posita sunt, aut minuere illam, aut augere possunt, desinit unum bonum esse, quod honestum est. Si hoc concesseris, omne honestum perit. Quare? dicam; quia nihil honestum est, quod ab invito, quod à coacto fit: omne honestum voluntarium est. Admisce illi pigritiam, querelam, tergiversationem, metam; quod habet in se optimum, perdidit, sibi placere. Non potest honestum esse, quod non est liberum; nam quod timet, servit. Honestum omne securum est, tranquillum est; si recusat aliquid, si complorat, si malum iudicat, perturbationem recipi, & in magna discordia volutatur. Hinc enim species recti vocat, illinc suspicio mali retrahit. Itaque qui honeste aliquid facturus est quidquid opponitur, id etiam si incommodum putat, malum non putat; velut libens facit. Omne honestum iniussum, incoactumque est.

est, sincerum, & nullo malo mixtum. Scio quod mihi hoc loco responderi possit, Hoc nobis persuadere conaris, nihil interesse, vtrum, aliquis in gaudio sit, an in equuleo iaceat, & tortorem suum lasset. Poteram respondere quod Epicurus ait, Sapientem si in Phalaridis tauro perutatur, exclamaturum; Dulce est, & ad me, nil pertinet. Quid miraris, si ego paria bona dico, vnius in conuiuio iacentis, alterius inter tormenta fortissimè stantis; cum (quòd incredibilius est) dicat Epicurus, dulce esse torqueri: Et hic respondeo, plurimum interesse inter gaudium & dolorem. Si quærat electio, alterum petam, alterum vitabo: illud secundum naturam est, hoc contra. Quandiu sic æstimatur, magno inter se dissident spatio; cum ad virtutem ventum est, vtrique par est, & quæ per læta procedit, & quæ per tristitiam. Nullum habent momentum vexatio & dolor, & quidquid aliud incommodi est; virtute enim obruitur. Quemadmodum minuta lumina claritas solis obscurat; sic dolores, molestias, iniurias, virtus magnitudine sua elidit, atque opprimit; & quocumque affulsi, ibi quidquid sine illa apparet, exstinguitur: nec magis vllam portionem habent incommoda, cum in virtutem inciderent, quàm in mari nimbus. Hoc scias ita esse, ad omne pulchrum vir bonus sine vlla cunctatione procuret; stet illic licet carnifex, stet tortor atque ignis, perseverabit; nec quid passurus, sed quid facturus sit, adspiciet: & honestæ rei tanquam bono viro credet; vtilent illam sibi indicabit, tutam prosperam. Eundem ergo locum habebit apud illum honestares, sed tristis atque aspera, quem vir bonus pauper, aut exsul, ad pallidus. Agedum pone

ex alia parte virum bonum, diuitijs abundantem
 ex altera nihil habentem, sed in se omnia : vterq;
 æque bonus vir erit, etiam si fortuna dispari vte-
 tur. Idem (vt dixi) in rebus iudicium est, quod
 in hominibus: æque laudabilis est virtus in cor-
 pore valido ac libero posita, quam in morbo
 ac vincto. Ergo tua quoque virtus non magis
 laudabilis, si corpus illæsum tibi & integrum
 fortuna præstiterit, quam si ex aliqua parte mu-
 tilatum; alioqui hoc erit, ex seruorum habitu
 dominum æstimare. Omnia enim ista, in quæ
 dominium casus excrcet, seruilis sunt, pecunia,
 & corpus, & honores imbecilla, fluida, mortalia
 possessionis incertæ. Illa rursus libera & inuicta
 opera virtutis; quæ non ideo magis appetenda
 sunt, si benignius à fortuna tractantur; nec mi-
 nus, si aliqua rerum iniquitate premuntur.
 Quod amicitia in hominibus est, hoc in rebus
 appetitio est. Non, puto, magis amares virum
 bonum locupletem, quam pauperem: nec ro-
 bustum & lacertosum, quam gracilem, & lan-
 guidi corporis; ergo ne rem quidem magis ap-
 petes hilarem ac pacatam, quam distractam &
 operosam. Et si hoc est, magis diliges ex duo-
 bus æque bonis viris, nitidum & vinctum; quam
 puluerulentum & horrentem; deinde hucusque
 peruenies, vt magis diligas integrum omnibus
 membris & illæsum, quam debilem aut luscum;
 Paullatim fastidium tuum illo vsque procedet
 vt ex duobus æque iustis ac prudentibus, coma-
 tum & crispulum malis, quam recaluastrum;
 Voi par est in vtroque virtus non compar et alia-
 rum rerum inæqualitas omnia enim alia non
 partes, sed accessiones sunt. Num quis tam ini-
 quam censuram inter suos agit, vt filium sanum
 quam ægrum magis diligat; procerumue & ex-
 cel-

cellum, quam breuem & modicum: Fetus suos non distinguunt feræ, & se in alimentum pariter omnium fleraunt, aues ex æquo patiuntur cibos. Vlysses ad Ithacæ suæ saxa sic properat, quemadmodum Agamemnon ad Mycenarum nobiles muros. Nemo enim patriam, quia magna est, amat, sed quia sua. Quorsum hæc pertinent? ut scias, virtutem omnia opera sua, velut fetus suos, iisdem oculis intueri, æque indulgere omnibus; & quidem impensius, laborantibus. Quoniam quidem etiam parentum amor, magis in ea quorum miseretur, inclinatur: Virtus quoque opera sua quæ videt affici & premi, non magis amat, sed parentum bonorum more, magis complectitur ac fouet. Quare non est ullum bonum altero maius? quia non est quidquam apto aptius: quia plano nihil est planius. Non potes dicere, Hoc magis par est alicui quam illud? ergo nec honesto honestius quidquam est. Quid si per omnium virtutum natura est, tria genera bonorum in æquo sunt. Ita dico, in æquo est moderate gaudere, & moderate dolore; Lætitia illa non vincit hanc animi firmitatem, sub tortore gemitus deplorantem. Illa bona optabilia sunt, hæc mirabilia; vtraque nihilominus paria; quia quidquid incommodi est, velamento maioris bonis tegitur. Quisquis hæc imparia iudicat, ab ipsis virtutibus auertit oculos, & exteriora circumspicit. Bona vera idem pendunt, idem patent; falsa multum habent vani. Itaque speciosa & magna contra visentibus, cum ad pondus reuocata sunt, fallunt. Ita est, mi Lucili, quidquid vera ratio commendat, solidum & æternum est, firmat animum, attollitque, semper futurum in excelsis, illa quæ temere laudantur, & vulgi sen-

ten-

tentia bona sunt, inflant inanibus lætos. Rur-
 sus ea quæ timentur tanquam mala, iniiciunt
 formidinem mentibus, & illas non aliter, quam
 animalia species periculi, agitant. Vtraque
 res ergo sine causa animum, & diffundit, &
 mordet: nec illa gaudio, nec hæc metu digna
 est: sola ratio immutabilis & iudicij tenax est:
 non enim seruit, sed imperat sensibus. Ratio
 rationi parest, sicut rectum recta: ergo & vir-
 tus, quæ non aliud est quam recto ratio. Om-
 nes virtutes rationes rectæ sunt: si rectæ sunt, &
 pares sunt. Qualis ratio est, tales & actiones
 sunt: ergo omnes pares sunt. Nam cum simi-
 les rationi sint, similes & inter se sunt: nares au-
 tem actiones inter se esse dico, quæ rectæ sunt,
 & honestæ. Ceterum magna habebunt discri-
 mina, variante materia: quæ modò latior est,
 modò angustior; modò illustris, modò ignobi-
 lis; modò ad multos pertinens, modò ad pau-
 cos. In omnibus tamen istis, id quod optimum
 est, par est: tamquam viri boni, omnes pares
 sunt, quia boni sunt: sed habent differentias æta-
 tis; alius senior; alius iunior: habent corporis:
 alius formosus, alius deformis est: habent for-
 tunæ: ille diues, hic pauper est: ille gratosus
 potens, vrbibus notus & populus; ignotus hic
 plerisque, & obscurus. Sed per illud quod boni
 sunt, pares sunt. De bonis ac malis sensus non
 iudicat: quid vtile, scit; quid inutile, igno-
 rat. Non potest ferre sententiam, nisi in rem
 præsentem perductus est: nec futuri prouidus
 est, nec præteriti memor: quid sit consequens
 nescit. Ex hoc autem rerum ordo seriesque
 contextitur, & vnitas vitæ in perfectum itura.
 Ratio ergo arbitra est bonorum ac malorum:
 aliena & externa pro vilibus habet: & ea quæ
 neque

neque bona sunt, neque mala, accessiones minimos ac leuissimas iudicat: omne illi bonum in anima est. Ceterum quædam prima existimat, ad quæ ex proposito venit, tanquam victoriam, bonos liberos, patriæ salutem: quædam secunda, quæ non apparent nisi in rebus aduersis: tanquam æquo animo pati morbum magnum, exsilium: quædam media, quæ nihilo magis secundum naturam sunt, quam contra naturam: tanquam prudenter ambulare, composite sedere. Non enim minus secundum naturam est, sedere quam aut stare, aut ambulare. Duo illa superiora diuersa sunt: prima enim secundum naturam sunt, gaudere liberorum pietate, patriæ incolumitate: secunda contra naturam sunt, fortiter obstare tormentis, & sitim perpeti, morbo vrente præcordia. Quid ergo? aliquid contra naturam bonum est? minime: sed illud aliquando contra naturam est, in quo bonum illud existit: vulnerari enim, & subiecto igne tabescere, & aduersa valetudine affligi, contra naturam est: sed inter ista seruare animum infatigabilem, secundum naturam est. Et ut, quod volo, exprimam breuiter materia boni aliquando contra naturam: at bonum nunquam: quoniam bonum sine ratione nullū est; sequitur autem ratio naturam. Quid est ergo ratio? naturæ imitatio. Quid est summum hominis bonum? ex naturæ voluntate se gerere. Non est, inquit, dubium, quin felicior pax sit nunquam lacerata, quam multo reparata sanguine. Non est dubium, inquit, quin felicior sit inconcussa valetudo, quam ex gravibus morbis & extrema minitantibus in tutum vi quadam & patientia edueta. Eodem modo non erit dubium, quin maius bo-

num sit gaudium, quam obnoxius animum ad
 perpetiendos cruciatus vulnerum aut ignium.
 Minime: illa enim quæ fortuita sunt, pluri-
 mum discriminis recipiunt: aestimantur enim
 utilitate sumentium. Bonorum vnum propo-
 situm est, consentire naturæ: hoc in omnibus
 par est. Cum alicuius in senatu sententiam se-
 quimur, non potest dici: Ille magis assentitur,
 quam ille: ab omnibus in eandem sententiam
 itur: idem de virtutibus dico: omnes naturæ as-
 sentiuntur: idem de bonis dico: omnes naturæ
 assentiuntur. Alter adolescens decessit, alter
 senex, aliquid præter hos infans, cui nihil am-
 plius contigit, quam prospicere vitam: omnes
 hi æque fuere mortales, etiam si mors aliorum
 longius vitam passa est procedere, aliorum in
 medio flore præcidit, aliorum interruptit prin-
 cipia. Alius inter cænanandum solutus est, alte-
 rius continuata mors somno est, aliquem con-
 cubitus exstinxit: his oppone ferro transfossos,
 aut exanimatos serpentem morfu; aut fractos
 ruina, aut per longam neruorum contractio-
 nem extortos minutatim: aliquorum melior
 dici, aliquorum peior potest exitus: mors qui-
 dem omnium par est: per quæ venit, diuersa
 sunt: id in quod desinunt, vnum est: mors nul-
 la maior aut minor est: habet enim eundem
 in omnibus modum, finisse vitam. Idem tibi
 de nobis dico: hoc bonum inter meras volu-
 ptates est, hoc inter tristitia, & certa; illud for-
 tunc indulgentiam rexit, hoc violentiam do-
 muit; vtrumque æque bonum est, quamuis il-
 lud plana emolliuerit, hoc aspera. Idem finis
 omnium est: bona sunt, laudanda sunt, virtu-
 tem rationemue comitantur: virtus æquat in-
 ter de quidquid agnoscit. Nec est quod hoc in-

ter nostra placita mireris : apud Epicurum duô bona sunt , ex quibus summum illud beatumque componitur : vt corpus sine dolore sit , animus sine perturbatione ; Hæc bona non crescunt , si plena sunt , quo enim crescet , quòd plenum est ? Dolore corpus caret : quid ad hanc accedere indolentiam potest ? Animus constat sibi , & placidus est : quid accedere ad hanc tranquillitatem potest ? Quemadmodum serenitas cæli non recipit maiorem adhuc claritatem , in sincerissimum nitorem repurgata : sic hominis , corpus animumque curantis , & bonum suum ex utroque necsentis , perfectus est status , & summum voti sui inuenit , si nec æstus animo est , nec dolor corpori . Si qua extra blandimenta contingunt , non augment summum bonum , sed , vt ita dicam , condiunt & oblectant : absolutum enim illud humanæ naturæ bonum , corporis , & animi pace contentum est . Dabo apud Epicurum tibi etiamnum similitam huic nostræ diuisionem bonorum . Alia enim sunt apud illum , quæ malis contingere sibi : vt corporis quietem , ab omni incommodo liberam , & animi remissionem , bonorum suorum contemplatione gaudentis . Alia sunt , quæ quamuis nolit accidere , nihilominus & laudat & comprobât : tanquam illam , quam paullo ante dicebam , malæ valetudinis , & dolorum grauissimorum perpeffionem : in qua Epicurus fuit illo summo ac fortunatissimo de suo : ait enim se vesicæ & exulcerati ventris tormenta tolerare , vltiorem doloris accessionem non recipiant : esse nihilominus sibi illum beatum diem ; beatum autem agere , nisi qui est in summo bono , non potest . Ergo & apud Epicurum sunt hæc bona , quæ malles non experiri :

tōri præstitisset? In integrum restituit, quid-
quid errauerat: confecit bellum inermis ac
mancus, & illa manu trunca reges duos vicit.

EPIST. LXVII.

*Post Præfatiunculum Quæstio, An omne bō-
num optabile: Ait, esse: etiam cuius materia
in malis. Ut, fortiter vri, ægrōtare flagellari,
Non ipsa vstio, morbus, flagella, sed illud,
fortiter et patienter, inquit est optabile. De-
inde, Virtutes nexas esse: & vri una, omnes.
Sunt & hæc pulchra, fortis, germani Stoi-
ci.*

VT à cōmunibus initium faciam, ver aperi-
re se cæpit sed iam inclinatū in estate quo
tempore calere debebat, intepuit: nec adhuc il-
li fides est: sepe enim in hiemem reuoluitur.
Vis scire quā dubium adhuc sit: nondum me
commito frigida: adhuc rigorem eius infringo.
Hoc est, inquis, nec calidum, nec frigi-
dum pati. Ita est, mi Lucili iam ætas mea
contenta est suo frigore: vix mediā regelatur
æstate. Itaque maior pars in vestimentis degi-
tur. Ago gratias senectuti, quod me lectulo
affixit. Quid ni gratias illi hoc nomine agams
quidquid debebam nolle, non possum. Cū
libellis mihi plurimus sermo est: si quando inter
veniunt epistolæ tuæ, tecū esse mihi videor: &
sic afficior animo, tamquam tibi non rescribam
sed respondeam. Itaque, & de hoc quod quæris,
quasi colloquar tecum: quale sit, vna scrutabi-
mur. Quæris an omne bonum optabile sit. Si bo-
num est, inquis, fortiter torqueri, & magno ani-
mo viri, & patienter ægotare, sequitur vti ista

optabilia sunt: nihil autem video ex istis voto dignum. Neminem certe adhuc scio eo nomine votum soluisse, quod flagellis caesus esset, aut podraga distortus, aut equuleo longior factus. Distingue, mi Lucili ista, & intelliges esse in his aliquid optandum. Tormenta abesse à me velim; sed si sustinenda fuerint, ut me in illis fortiter, honeste, animose geram, optabo. Quidni ego malim non incidere bellum? sed si inciderit, vulnera, ut famem, & omnia quae bellorum necessitas fert, generose feram; optabo. Non sum tam demens, ut ægrorare cupiam: sed si ægrotandum fuerit, ut nihil intemperanter, nihil effeminare faciam; optabo. Ita non incommoda optabilia sunt, sed virtus qua perferuntur incommoda. Quidam ex nostris existimant, omnino asperorum fortem tolerantiam non esse optabilem, sed nec abominandam quidem; quia voto purum bonum peti debet, & tranquillum, & extra molestiam positum. Ego dissentio. Quare? primum quia fieri non potest, ut aliqua res bona quidem sit, sed optabilis non sit: deinde virtus optabilis est, nullum autem sine virtute bonum & omne bonum optabile. Deinde etiam, si tormentorum fortis patientia optabilis non est: etiamnum interrogo, Nonne fortitudo optabilis est? atqui pericula contemnit & prouocat. Pulcherrima pars eius, maximeque mirabilis illa est, non cedere ignibus, obuiam ire vulneribus: interdum tela ne vitare quidem, sed percussore excipere. Si fortitudo optabilis est: & tormenta patienter ferre optabile est: hoc enim, fortitudinis pars est: sed separa ista, ut dixi, nihil erit quod tibi faciat errorem. Non enim pati tormenta optabile est, sed pati fortiter. Illud
opta

opto fortiter, quod est virtus. Quis tamen unquam hoc sibi optauit? Quædam vota aperta & professa sunt, cum particulatim fiunt: quædam latent, cum vno voto multa comprehensa sunt. Tanquam opto mihi vitam honestam: vita autem honesta actionibus varijs constat. In hac est Reguli arca, Catonis scissum manu sua vulnus Rutilij exsiliium, calix venenatus qui Socratem transfudit è carcere in cælum. Ita cum optauit mihi vitam honestam, & hæc optauit, sine quibus interdum honesta non potest esse.

*— O terque quaterque beatique beati,
Quæis ante ara patrum, Troia sub manibus
alijs*

Contigit oppetere!

Quid interest, optes hoc alicui, an optabile fuisse fatearis? Decius se pro Rep. deuotum, & in medios hostes incitato equo mortem petens irruit. Alter post hunc paternæ virtutis æmulus, conceptis solennibus, ac iam familiaribus verbis, in aciem confertissimum incurrit, de hoc sollicitus tantum ut litaret, optabilem rem putans bonam mortem. Dubitas ergo, an optimum sit memorabilem mori, & in aliquo opere virtutis? Cum aliquis tormenta fortiter patitur, omnibus virtutis vititur fortasse, cum vna in promptu sit, & maximè appareat, patientia: ceterum illic est fortitudo: cuius patientia & perperessio, & tolerantia, rami sunt: illic est prudentia, sine qua nullum initur consilium; quæ suadet, quod effugere non possis, quàm fortissimè ferre illic est constantia, quæ deijci loco non potest, & propositum nulla vi extorquente dimittit, illic est indiuiduus ille comitatus virtutum. Quidquid honeste, sit vna virtus

facit, sed de consilij sententia: quod autē ab omnibus virtutibus comprobatur, etiam si ab vna fieri videtur, optabile est. Quid tu existimas ea tantum optabilia esse, quæ per voluptatem & otium veniunt? quæ excipiuntur foribus ornatis? Sunt quædam tristes voluptates, sunt quædam vota, quæ non gratulantium cœtu, sed adorantium venerantiumque celebrantur. Ita tu non putas regulum optasse, ut ad Pœnos pervenerit? Indue magni viri animum, & ab opinionibus vulgi secede paullisper, cape quantam debes virtutis pulcherrimæ ac magnificentissimæ speciem, quæ nobis non fertis, sed sudore & sanguine colenda est. Adspice M. Catonem, sacro illi pectori purissimas manus admouentem, & vulnera parum demissa laxantem. Vtrum illi tandem ducturus es, Vellem, quæ velles? & Molestè fero: an Feliciter, quod agis? Hoc loco mihi Demetrius noster occurrat, qui vitam securam, & sine vllis fortunæ incursionibus mare mortuum vocat. Nihil habere ad quod exciteris, ad quod te concites, cuius denuntiatione, & incurſu firmitatem animi tui tentes: sed in otio inconcusso iacere, non est tranquillitas: malacia est. Attalus Stoicus dicere solebat: Mâlo me fortuna in castris suis, quam in delicijs habeat: torqueor, sed fortiter: bene est: occidor, sed fortiter: bene est. Apud Epicurum dicet, Et dulce est. Ego tam honeste rei ac severæ nunquam molle nomen re imponam. Vror, sed inuictus. Quid ni optabile sit non quod vrit me ignis, sed quod non vincit? Nihil est virtute præstantius, nihil pulchrius: & bonum est, & optabile, quidquid ex huius geritur imperio.

malacia

vtroque.

EPIST.

EPIST. LXVIII.

Snadet otium, sed cum philosophia iunctum. Id ipsum non iactandum esse. Et in eo de se, apud se, agendum; id est, ut in vitia inquiramur, emendemus. Denique hoc otium, super aliorum negotia esse: quod magna Reip. servit.

Consilio tuo accedo; absconde te in otio, sed & otium tuum absconde. Hoc te facturum, Stoicorum etiam si non præcepto, at exemplo licet scias; sed ex præcepto quoque facies: id tibi, cum voles, approbabo. Nec ad omnem Remp. mittimus, nec semper, nec sine vollo sine. Præterea, cum sapienti Remp. ipso dignam dedimus, id est, mundum: non est extra Remp. etiam si secesserit; imo fortassis relicto vna angulo, in maiora atque ampliora transit, & cælo impositus, intelligit, cum scellam aut tribunal ascenderat, quàm humili loco sederit. Depono hoc apud te, nunquam plus agere sapientem, quàm cum in conspectum eius diuina atque humana venerunt. Nunc ad illud reuertor, quod suadere tibi ceperam, ut otium tuum ignotum sit. Non est quod inscribas tibi philosophiam; atque etiam aliud propositum tuo nomen impone; valetudinem & imbecillitatem vocato, & desidiam. Gloriarì, otio iners ambitio est. Animalia quædam, ne inueniri possint, vestigia sua circa cubile ipsum confundunt; idem tibi faciendum est, alioqui non deerunt qui persequantur. Multi aperta. transcunt, condita & obtrusa rimantur; superem signata sollicitant; vile videtur, quidquid patet, aperta est.

fractarius præterit. Hos mores habet populus, hos imperitissimus quisque, in secreta irrumperre cupit. Optimum itaque est, non iactare otium suum, iactandi autem genus est, nimis latere, & à conspectu hominum secedere. Ille Tarentum se abdedit, ille Neapoli inclusus est, ille multis annis non transit domus suæ limen. Conuocatturbam, quisquis otio suo aliquam fabulam imposuit. Cum secesseris non est agendum hoc, ut de te homines loquantur, sed ut ipse tecum loquaris. Quid autem tecum loquaris? quod homines de alijs libentissimè faciunt de te apud te male existima. Assuesce & dicere verum, & audire. Id autem maximè tracta, quod in te esse infirmissimum senties. Nota habet quisque sui corporis vitia, itaque alius vomitu leuat stomachum, alius frequenti cibo fulcit, alius interposito ieiunio corpus exhaurit & purgat. Hi quorum pedes dolor repetit, aut vino aut balneo abstinere, in cetera negligentes huic, à quo sæpè infestantur, occurrunt, sic in animo nostro sunt quasi cautariæ partes, quibus adhibenda curatio est. Quid in otio facio? vlcus meum curo. Si ostenderem tibi pedem turgidum, liuidam manum, aut contracti cruris aridos nervos, permitteres mihi vno loco iacere, & fouere morbum meum, maius malum est, hoc, quod non possum, tibi ostendere. In pectore collectio & vomica est. Nolo laudes, nolo dicas, O magnum virum; contempsit omnia, & damnatis humanæ vitæ furoribus fugit. Nihil damnaui, nisi me, non est, quod proficiendi causa venire ad me velis. Erras, qui hinc aliquod auxilij speras, non medicus sed æger hic habitat. Mallo illa, cum dilecseris, dicas, ego istum beatum hominem putabam, & eruditum: cre-

xeram

Xeramaures; destitutus sum, nihil vidi, nihil
audiui, quod concupiscerem, ad quod reuerte-
rer. Si hoc sentis, si hoc loqueris, aliquid pro-
fectum est. Malo ignoscas otio meo, quam in-
uideas. Otium, inquis, Seneca, mihi com-
mendas: ad Epicureas voces dilaberis. Otium
tibi commendo, in quo maiora agas & pul-
chriora, quam quæ reliquisti. Pulsare super-
bas potentiorum fores, digere in literam se-
nes oibos, plurimum in foro posse, inuidiosa
potentia ac brevis, est & si verum æstimes, for-
dida. Ille me gratia forensi longe antecedit;
ille stipendijs militaribus & quæsitæ per hoc
dignitate: ille clientum turba: huius turbæ par-
esse non possum, huius gratiæ. Tanti est ab
hominibus vinci, dum à me fortuna vincatur.
Vtinam quidem hoc propositum sequi olim
fuisset animus tibi? vtinam de vita beata non
in conspectu mortis ageremus, sed nunc quo-
que non moremur. Multa enim, quæ super-
uacua esse & inimica, credituri fuimus: rationi
nunc experientiæ credimus. Quod facere so-
lent qui ferius exeunt, & volunt tempus celeri-
tate reparare, calcar addamus: hæc etas optime
facit ad hæc studia: iam despumauit, iam vitia
primo feruore adolescentiæ indomita lassauit:
non multum superest, exstinguat. Et quan-
do, inquis, tibi proderit istud, quod in exitu di-
scis, aut inquam rem? in hanc, vt exeam me-
lior. Non est tamen quod existimes, vllam æ-
tatem aptiorem esse ad bonam mentem, quam
quæ se multis exprimentis, longa frequen-
ti rerum patientia domuit: quæ ad salutaria,
mitigatis effectibus, venit. Hoc est huius boni
tempus: quisquis senex ad sapientiam peruenit:
annis peruenit.

EPIST. LXIX.

Loco non mutanda, sed magis quiescendum corpore, ut & animus possit. Hunc in salutari studio desigendum, & quæ auocent, vitanda.

Mutare te loco, & in alium de alio transire, nolo. Primum, quia tam frequens migratio, instabilis animi est; coalescere otio non potes, nisi desinas circumspicere, & errare. Ut animum possis continere, prius corporis tui fugam siste. Deinde, plurimum remedia continua proficiunt; interrumpenda non est quies & vitæ prioris obliuio. Sine dediscere oculos tuos; sine aures assuescere sanioribus verbis: quoties proceris, in ipso transitu aliqua, quæ renouent cupiditates tuas tibi occurrent. Quem admodum ei, qui amorem exurere conatur, euitanda est omnis admonitio dilecti corporis, nihil enim facilius quam amor recrudescit; ita qui deponere vult desideria rerum omnium, quarum cupiditate flagrauit, & oculos, & aures ab his quæ reliquit, auerrat. Cito rebellat affectus quocumque se verterit, pretium aliquod præsens occupationis suæ adspiciet. Nullum sine auctoramento malum est. Auaritia pecuniam promittit; luxuria multas, ac varias voluptates; ambitio purpuram, & plausum, & ex hoc potentiam, & quidquid potentia potest. Mercede te vitia sollicitant: hic tibi gratis viuendum est. Vix effici toto sæculo potest, ut vitia tam longa licentia tumida subigantur, & iugum accipiant; nedum, si tam breue tempus interuallo discindimus. Vnam qualibet rem vix ad perfectum adducit assidua vigilia, & intentio.

Si

Si me quidē velis audire, hoc meditare; exerce te, vt mortem & excipias, & si ita res suadebit, arceſſas: intereſt nihil, an illa ad nos veniat: an ad illam nos. Illud imperitiſſimi cuiuſque verbum, falſum eſſe ipſe tibi perſuade: Bella res eſt mori ſua morte. Illud prætereà tecum licet cogites; Nemo niſi ſuo die moritur. Nihil perdis ex tuo tempore: nam quod relinquis alienum eſt.

EPIST. LXX.

Pompeiiſ ſe fuiſſe; & præteriſſi temporis admonitu, ſenſiſſe eiꝯ fugam. Mortem inſtare, portum nempe iactationum: neque timendum neque appetendam, aut ſumendam; niſi interdum; & quando? cū ratio, non impetus ſuadebit. Pluria, & perpulchra in hunc ſenſum.

Poſt longum interuallum Pompeioſ tuos vidi: in conſpectum adoleſcentiæ meæ reductuſum: quidquid illic iuueniſ feceram, videbar mihi facere adhuc poſſe, & paullo ante feciſſe. Prænaugamus; mi Lucili, vitam; & quemadmodum in mari, vt ait Virgil. noſter;

— Terræque vrbeſque recedunt.

ſic in hoc curſu rapidiſſimi temporis, primū pueritiā abſcondimus, deinde adoleſcentiā, deinde quidquid eſt illud in ætate iuuenem, & ſenem medium, in vtriuſque confinio poſitum, deinde ipſiuſ ſenectutiſ optimoſ annoſ: non illi-
mè incipit oſtendi publicuſ finiſ generiſ humani. Scopulum eſſe illum putamus, dementiſſimi: poſtiuſ eſt, aliquando petenduſ, nunquam recuſanduſ. In quem ſi quiſ intra primoſ annoſ delatuſ eſt, non magiſ queri debet
quàm

quam qui citò nauigauit. Alium enim, vt scis, venti segnes ludunt, ac detinent, & tranquillitatis lentissimo tediolaſſant: alium pertinax flatus celerrimè perfert. Idem euenire nobis putà: alios vita velociffima adduxit, quo veniendum etiam erat cunſtantibus: alios maceravit, & coxit: quæ, vt ſcis, non ſemper retinenda eſt. Non enim viuere bonum eſt, ſed bene viuere. Itaque ſapiens viuut, quantum debet, non quantum poteſt. Videbit ubi victurus ſit, cùm quibus, quomodo, quid acturus: cogitat ſemper, qualis vita, non quanta ſit. Si multa occurrunt moleſta, & tranquillitatem turbantia, emittit ſe, nec hoc tantum in neceſſitate vltima facit, ſed cum primum illi cæperit ſuſpecta eſſe fortuna; diligenter circumſpicit, nunquid illo die deſinendum ſit. Nihil exiſtimat ſua referre, faciat finem, an accipiat: tardius fiat, an citius: non tanquam de magno detrimento timeret. Nemo multum ex ſcillicidio poteſt perdere. Citius mori, vel tardius, ad rem non pertinet: bene mori, aut male, ad rem pertinet: bene autem mori, eſt effugere male viuendi periculum. Itaque effeminatiſſimum vocem illius Rhodij exiſtimo, qui cum in caueam coniectus eſſet à tyranno, & tanquam ferum aliquod animal aſeretur, ſuadenti cuidam, vt abſtineret cibo: Omnia, inquit homini, dum viuut, ſperanda ſunt. Vt ſit hoc verum, non omni pretio vita emendat eſt. Quædam, licet magna, licet certa ſint, tamen ad illa turpi inſirmitatis confeſſione non veniam. Ego cogitem, in eo qui viuut omnia poſſe fortunam, potiùs quàm cogitem in eo, qui ſcit mori, nihil poſſe fortunam: Aliquando tamen etiam ſi certa mors inſtabit, & deſtinatum ſibi ſupplicium ſciat, non commodabitur pœnæ ſuæ.

suæ manum. Stultitia est, timore mortis mori:
venit qui occidat. Exspecta: quid occupas?
quare suspicis alienæ crudelitatis procuratio-
nem? vtrum inuides carnifici tuo, an parcis? So-
crates potuit abstinentia finire vitam, & inedia
potius quàm veneno mori: triginta tamen dies
in carcere, & in expectatione mortis exegit:
non hoc anima, tanquam omnia fieri possent,
tanquam multas spes tam longum tempus re-
ciperet, sed vt præberet se legibus, vt fruendum
amicis extremum Socratem daret. Quid erat
stultius, quàm mortem contemnere, venenum
timere? Scribonia grauis femina, amita Drusi
Libonis fuit, adolescentistam stolidi, quàm
nobilis, maiora sperantis, quàm aut illo sæculo
quisquàm sperare poterat, aut ipse vllò: cum
æger à senatu in lectica relatus esset, non sane
frequentibus exsequijs, (omnes enim necessarij
deseruerant impiè, iam non reum, sed funus)
habere cepit consilium, vtrum conscisceret sibi
mortem, an exspectaret. Cui Scribonia: Quid
te, inquit, delectat alienum negotium agere?
Non peruasit; manus sibi attulit, nec sine caus-
sa. Nam post diem tertium, aut quartum ini-
mici moriturus arbitrio, si viuit, alienum nego-
tium agit. Non possis itaque de re in vniuer-
sum pronunciare, cum mortem vis externa de-
nunciat, occupanda sit, an exspectanda. Multa
enim sunt, quæ in vtramque partem trahere
possunt. Si altera mors cum tormento, altera
simplex, & facilis est, quid ni huic iniicienda
sit manus? Quemadmodum nauim eligam
nauigaturus, & domum habitaturus, ita mortem
vtrique quam sum exiturus è vita. Præterea, quæ-
admodum non vtrique melior est longior vita,
sic peior vtrique mors longior. In nulla re ma-
gis,

esse? tamquam migraturus habita propone tibi; quandoque hoc contubernio carendum: fortior eris ad necessitatem exeundi. Sed quemadmodum suus finis veniet in mentem, omnia sine fine concupiscentibus? Nullius rei meditatio tam necessaria est. Alia enim exercentur fortasse in superuacuum: aduersus paupertatem præparatos est animus: permanere diuitiæ: ad contemptum nos doloris armauimus: nunquam à nobis exiger huius virtutis experimentum integri ac sani felicitas corporis: ut fortiter amissorum desideria pateremur, præcepimus nobis: omnes quos amabamus, superstites fortuna seruauit. Huius vnus rei vsum qui exigat dies, veniet. Non est quòd existimes, magnis tantum viris hoc robur fuisse, quo seruitutis humanæ claustra perrumperent: non est quòd iudices, hoc fieri nisi à Catone non posse, qui quàm ferro non emiserat animam, manu extraxit: cum vilissimæ fortis homines ingenti impetu in tutum euaserint, cumque commòdo mori non licuisset, nec ad arbitrium suum instrumenta mortis eligere: obuia quæque rapuerunt, & quæ natura non erant noxia, vi sua tela fecerunt. Nuper in ludo bestiariorum, vnus è Germanis, cum ad matutina spectacula pararetur secessit ad exonerandum corpus: nullum aliud illi dabatur sine custode secretum: ibi lignum id, quòd ad emundanda obscæna adhærente spongia positum est, totum in gulam farfit, & vi præclusis faucibus spiritum elisit. Hoc fuit mortì contumeliàm facere: ita prorsus. Parum munde, & parum decenter. Quid est stultius, quàm fastidiosè mori? O virum fortem; ò dignum, cui fati daretur electio! quàm fortiter ille gladio vsus esset; quàm animosè in profunda

dam

dam se altitudinem maris, aut abscissæ rupis, immisisset? Undique destitutus inuenit, quem admodum & mortem sibi deberet & telum: ut scias ad moriendum nihil aliud in mora esse, quàm velle. Existimetur de facto hominis accerrimi, ut cuique visum erit dum hoc constet, præferendam esse spurcissimam mortem seruituti mundissimæ. Quoniam capî sordidis exemplis uti, perseverabo: plus enim à se quisque exiger, si, viderit hanc rem etiam à contemptissimis posse contemnit. Catones, Scipionesque, & alios, quos audire cum admiratione consueuimus, supra imitationem positas putamus: iam ego istam virtutem habere tam multa exempla in ludæ bestiariorum, quàm in ducebibus belli ciuilibis ostendam. Cum adueheretur nuper inter custodias: quidam ad matutinum spectaculum missus, tamquam somno prementem nutaret, caput usque eo demisit, donec radijs inferret, tandiu se in sedili suo tenuit, donec ceruicem circumacta rotæ frangeret: eodem vehiculo quo ad pœnam ferebatur, pœnam effugit. Nihil obstat erumpere & exire cupienti. In pœto nos natura custodit. Cui permittit necessitas sua, circumspiciat exitum mollem: cui ad manum plura sunt: perque sese afferat, is delectum agat, & qua potissimum liberetur consideret: cui difficilis occasio est, is proximam quamque pro optima arripiat, sit licet inaudita, sit noua. Non deerit ad mortem ingenium, cui non defuerit animus. Vides quem admodum extrema quoque mancipia, ubi illis stimulos adegit dolor, excitentur, & intentissimas custodias fallant? Ille vir magnus est, qui mortem sibi non tantum imperauit, sed inuenit. Ex eodem tibi minucere plura exempla

pla pròmissi. Secundo Naumachiæ spectaculo, vnus è barbaris lanceam, quam in aduersarios acceperat, totam iugulo suo immersit. Quare, inquit, non omne tormentum, omne ludibrium iam dudum effugio? quare ego mortem armatus exspecto? Tanto hoc speciosius spectaculum fuit, quanto honestius mori discunt homines, quam occidere. Quid ergo; quod animi perdit, noxiosque habebunt, non habebunt illi, quos aduersus hos casus instruxit longa meditatio & magistra rerum omnium ratio? Illa nos docet, fati varios esse accessus, finem eundem; nihil autem interesse, vnde incipiat quod venit. Ea dem illa ratio monet, vt, si licet, moriaris sine dolore: sin autem non potest, fac quemadmodum potes, & quidquid obuenerit ad vim ad ferendam tibi, inuadas. Iniuriosum est raptò viuere; at contra pulcherimū, mori raptò.

EPIST. LXXI.

Summum bonum in oculi habendum, eo singula consilia, vel actiones referendas. Quod igitur illud: unum honestum. Adulterant, qui Externa miscent, quia in solo animo hæret. Deinde, Bono paria esse: & Contemptu à Claritate non differre si utrumque ex Honesto. Catonem dat exemplum, & (ò pulchre!) dilatat. Mortem honestam à vita tali, non item differre, contra Academicos, qui gradus faciunt Beatitudinis. Non esse nec illam, nec Honestum intendi. Itaque in eculeo, Bestissimum esse licere. Itane: non pallebit tremet, dolebit; Imo (à natura enim ista) sed hæc omnia animi robore vincet. Nec

*tamen statim omnes: discrimina sunt inter
Sapientes, aut Studiosos. Lege sodes, at-
tende, mirare.*

SVbinde me de rebus singulis consulis, oblitus
vastò nos mari diuidi: cùm magna pars con-
siliij sit in tempore, necesse est euenire, vt de qui-
busdam rebus tunc ad te perferatur sententia
mea, cùm iam contraria potior est. Cōsilia enim
rebus aptantur: res nostræ feruntur, imò volun-
tur. Ergo consilium sub die nasci debet; & hoc
quoque tardum est nimis: sub manu, quòd aiunt,
sub manu nascatur. Quemadmodum autem in-
ueniatur, ostendam. Quoties quid fugiendum
sit, aut quid petendum, voles scire, ad summum
bonum & propositum totius vitæ respice. Illi
enim consentire debet quidquid agimus: non
disponet, figula, nisi cui iam vitæ suæ summa
proposita est. Nemo, quamuis paratos habeat
colores similitudinem reddet, nisi iam constet
quid velit pingere. Ideò peccamus, quia de par-
tibus vitæ omnes deliberamus, de tota nemo
deliberat. Scire debet quid petat ille, qui sagit-
ram vult mittere; & tunc dirigere, & moderari
manu telum; errant consilia nostra quia non
habent quo dirigantur. Ignoranti quem portum
petat, nullus suus ventus est. Necesse est mul-
tum in vita nostra casus possit, quia viuimus ca-
su. Quibusdam autem euenit, vt quædam sci-
re se nesciant; quemadmodum quærimus scire
eos, cùm quibus stamus, ita plerumque finem
summi boni ignoramus appositum; nec multis
verbis, nec circuitu longo, quid sit summum
bonum colliges; digito, vt ita dicam, de-
monstrandum est, nec in multa spargendum.
Quid enim ad rem pertinet, in particulas

illud diducere: cum possis dicere: Summum bonum est, quod honestum est, & quod magis admireris, Vnum bonum est, quod honestum est: cetera falsa, & adulterina bona sunt. Hæc si persuaseris tibi, virtutem adamaueris, (amare enim parum est) quidquid illa contingerit, id tibi, qualecumque alijs videbitur, faustum, felixque erit: & torqueri, si modo iacueris ipso torquente securior: & ægrotare, si non maledixeris fortunæ, si non cesseris morbo. Omnia denique quæ ceteris videntur mala, & mansuescent, & in bonum abibunt, si super illa eminneris. Hoc liqueat nihil esse bonum, nisi honestum: & omnia incommoda suo iure bona vocabuntur, quæ modo virtus honestauerit. Multis videmur maiora promittere, quàm recipit humana conditio: non immerito: ad corpus enim respiciunt: reuertantur ad animum: iam hominem Deo metientur. Erige te, Lucili, virorum optime, & relinque istum ludum litterarium philosophorum, qui rem magnificentissimam ad syllabas vocant, qui animum minuta docendo demittunt, & contemunt: fies similis illis, qui inuenerunt ista, non qui docent, & id agunt vt philosophia potius difficilis, quàm magna videatur. Sequere illos, si quid apud te habeo auctoritatis. Socrates, qui tota philosophiam reuocauit ad mores, & hanc summam dixit esse sapientiam, bona malaque distinguere. Vt sis beatus, inquit, & te alicui stultum videri sine. Quisquis volet, tibi contumeliam faciat, & iniuriam: tu tamen nihil patieris, si modo tecum erit virtus. Si vis, inquit, beatus esse, si fide bona vir bonus, sine contemnat te aliquis. Hoc nemo præstabit, nisi qui omnia bona exæquauerit, quia nec bonum

num sine honesto est, & honestum in omnibus par est. Quid ergo? nihil interest inter præturam Catonis, & repulsam? nihil interest vtrum Pharsalica acie Cato vincatur, an vincat? hoc eius bonum, quo victis partibus non potest vinci, par erat illi bono, quo victor rediret in patriam, & componeret pacem? Quid ni par sit eadem enim virtute & mala fortuna vincitur, & ordinatur bona: virtus autem non potest maior aut minor fieri. Vnius staturæ est. Sed Cn. Pompeius amittit exercitum: sed illud pulcherrimum reip. prætextum optimates, & prima acies Pompeianarum partium, senatus ferens arma, vno prælio profligabuntur: & tam magni ruina imperij, totum dissiliet orbem: aliqua pars eius in Ægypto, aliqua in Africa, aliqua in Hispania cadet: ne hoc quidē miseræ reip. continget, semel rueri. Omnia licet fiant. Iubam in regno suo, non locorum notitia adiuvet, non popularium pro rege suo virtus obstinatissima. Uticensium quoque fides malis fracta deficiat, & Scipionem in Africa nominis sui fortuna destituat: olim prouisum est, ne quid Cato detrimenti capiat. Victus est tamen. Et hoc numeram inter repulsa Catonis: tam magno animo feret, aliquid sibi ad victoriam, quam ad præturam obstitisse. Quod die repulsus est, luit quia nocte periturus fuit, legit; eodem loco habuit prætura & vita excidere: omnia quæ acciderent, ferenda esse persuaserat sibi. Quid ni ille mutationem Reip. forti & æquo pateretur animo? Quid enim mutationis periculo exceptum? non terra, non cælum, non totus hic rerum omnium contextus, quamuis Deo agente ducatur: non semper tenebit hunc ordinem: sed illum ex hoc cursu aliquis dies deciet. Ceteris

ris eunt cuncta temporibus: nasci debent, crescere, exstingui. Quæcumque vides supra nos currere, & hæc quibus innixi atque impositi sumus veluti solidissimis, carpentur ac desinent: nulli non senectus sua est: inæqualibus ista spatijs eodem natura dimittit: quidquid est, non erit; nec peribit, sed resoluetur. Nobis solui, perire est. Proxima enim intuemur: ad ulteriora non prospicit mens hebes, & quæ se corpori addixerit: alioqui fortius finem sui, suorumque pateretur, si speraret omnia illa sic in vitam mortemque per vices ire, & composita dissolui, dissoluta componi; in hoc opere æternam artem cuncta temperantis Dei verti. Itaque Cato cum ævum animo percurreret, dicet. Omne humanum genus, quodque est quodque erit, morte damnatum est: omnes quæ usquam rerum potiuntur vrbes, quæque alienorum imperiorum magna sunt decora ubi fuerint, aliquando queretur, & vario exitij genere tollentur: alias destruent bella, alias desidia paxque ad inertiam versa consumet; & magnis opibus exitiosa res luxus. Omnes hos fertiles campos repentina maris inundatio abscondet, aut in subitam cavernam confidentis soli lapsus abducat. Quid est ergo, quare indigner aut doleam, si exiguo momento publica facta: præcedo? magnus animus Deo pareat: & quidquid lex vniuersi iubet, sine cunctatione patiat. Aut in meliorem emittitur vitam, lucidius tranquilliusque inter diuina mansurus: aut certè sine vlllo futurus incommodo naturæ suæ remiscebitur: & reuertetur in totum. Non est ergo M. Catonis maius bonum honesta vita, quam mors honesta; quoniam non intenditur virtus. Idem esse dicebat Socrates veritatem & virtutem; quomodo illa

non

non crescit, sic nec virtus quidem: habet numeros suos, plena est. Non est itaque quòd mireris paria esse bona, & quæ ex proposito sumenda sunt, & quæ subita res tulit: nam si hanc inæqualitatem receperis, vt fortiter torqueri in minoribus bonis numeres, numerabis etiam in malis: & infelicem Socratem dices in carcere, infelicem Catonem vulnera sua animosius quàm facerat, retractantem: calamitosissimum omnium Regulum, fidei pœnas etiam hostibus seruatae pendentem. Atqui nemo hoc dicere, nec ex mollissimis quidem, ausus est: negant enim illum esse beatum, sed tamen negant miserum. Academici veteres beatum quidem esse etiam inter hos cruciatus fatentur, sed non ad perfectum, nec ad plenum: quod nullo modo potest recipi. Nisi beatus est, in summo bono non est. Quod summum bonum est, supra se gradum non habet: si modo illi virtus inest, si illam aduersa non minuunt, si manet etiam comminuto corpore incolumis: manet autem. Virtutem enim intelligo animosam & excelsam: quàm incitat, quidquid infestat. Hunc animum quàm sæpe induunt generosæ indolis iuvenes, quos alicuius honestæ rei pulchritudo percussit, vt omnia fortuita contemnant, profecto sapientia infundet, & tradet: persuadebit vnum bonum esse quod honestum. Hoc nec remitti nec intendi posse, non magis quam regulam, qua rectum probari solet: quam si flectes, quidquid ex illa mutaueris iniuria est recti. Idem ergo de virtute dicemus: & hæc recta est: flexuram non recipit: rigidari quidem, amplius intendi non potest. Hæc de omnibus rebus iudicat, de hac nulla. Si rectior ipsa non potest fieri, nec quæ ab illa quidem fiunt, alia

alijs rectiora sunt, huic enim necesse est respon-
deant: ita paria sunt. Quid ergo? inquis.
Facere in conuiuio, & torqueri, paria sunt;
Hoc mirum videtur tibi? Illud licet magis
admireris. Iacere in conuiuio, malum est;
torqueri in equuleo, bonum est; si illud tur-
piter, hoc honeste fit, bona ista aut ma-
la, non efficit materia, sed virtus: hæc
vbi cumque apparuit, omnia eiusdem men-
suræ ac pretij sunt. In oculos nunc mihi
manus intemat ille, qui omnium animum
æstimat ex suo, quod dicam paria bona esse ad-
uersa fortiter portantis, & prospera honeste iu-
dicantis: quod dicam paria bona esse eius qui
triumphat, & eius qui antecursum vehitur, in-
uictus animo. Non putant enim fieri; quidquid
facere non possunt; ex firmitate sua de virtute
ferunt sententiam. Quid miraris, si vri, vul-
nerari, occidi, alligari iuuat, aliquando etiam
libet? Luxurioso frugalitas pæna est, pigro
supplicij loco labor est delicatus miseretur in-
dustrij, desidioso studere torqueri est. Eodem
modo hæc, ad quæ omnes imbecilli sumus,
dura atque intoleranda credimus, obliti quàm
multis tormentum sit vino carere, aut prima
luce excitari. Non ista difficilia sunt, natura,
sed nos fluidi, & enerues. Magno animo de re-
bus magnis iudicandum est: alioqui videbi-
tur illarum vitium esse quòd nostrum est. Sic
quædam rectissima, cum in aquam demissa
sunt, speciem cui perfractique visentibus
reddunt. Non tamen quid videas, sed quem-
admodum, refert: animus noster ad vera
perspicienda caligat. Da mihi adolescentem
incorruptum, & ingenio vegetum, dicet for-
tuationem sibi videri, qui omnia rerum

aduersarum onera rigida ceruice sustollit; qui supra fortunam extat. Non mirum est, in tranquillitate non concuti: illud mirare, ibi extolli aliquem, vbi omnes deprimuntur; ibi stare, vbi omnes iacent. Quid est in tormentis, quid est in alijs quæ aduersa appellamus, mali? hoc, vt opinor, succidere mentem, & incuruari, & succumbere: quorum nihil sapienti viro potest euenire. Stat rectus sub quolibet pondere: nulla illum res minorem facit, nihil illi eorum quæ ferenda sunt, displicet. Nam quidquid cadere in hominem potest, in se cecidisse non queritur: vires suas non ita scit se esse oneri ferendo. Non educo sapientem ex hominum numero, nec dolores ab illo, sicut ab aliqua rupe nullum sensum admittente submoueo: memini ex duabus partibus illum esse compositum. Altera est irrationalis: hæc mordetur, vritur, dolet: altera rationalis: hæc inconcussas opiniones habet, intrepida est, & indomita. In hac positum est summum illud hominis bonum: quod antequam impleatur, incerta mentis volutatio est: cum vero perfectum est, immota illa stabilitas est. Itaque inchoatus ad summa procedens, cultorque virtutis, etiam si opproinquat perfecto bono, sed ei nondum summam manum imposuit: ibi interim cessabit, & remittet aliquid ex intentione mentis: nondum enim incerta transgressus est, etiamnum versatur in lubrico: beatus vero, & virtutis exactæ tunc se maxime amat, cum fortissime expertus est: & metuenda ceteris, si alicuius honesti officij pretia sunt, non tantum fert, sed amplexatur: multoque audire mauult, Tanto melior, quam felicior. Venio nunc illo, quo me vocat expectatio tua. Ne extra rerum naturam vagari virtus no-

stra

stra videatur, & tremet sapiens, & dolebit, & expallefcet: hi enim omnes corporis fenfus funt. Vbi ergo eft origo calamitatis? vbi illud malum verum eft illic fcilicet, fi ifta animum detrahunt, fi ad confessionem feruitutis adducunt, fi illi pœnitentiam fui faciunt. Sapiens quidem vincit virtute fortunam. At multi profeffi fapientiam, leuiffimis nonamquam minis exterriri funt. Hoc loco noftrum vitium eft, quod dicitur de fapiente, exigimus & à proficiente. Suadeo adhuc mihi ifta quæ laudo, nondum perfuadeo: etiam fi perfuafiffem, nondum tam parata habere, aut tam exercitata, vt ad omnes cafus procurent. Quemadmodum lana quofdam colores femel ducit, quofdam niſi ſepius macerata & recocta non perbibit: fic alias diſciplinæ ingenia cum acceperè, protinus præſtent: hæc niſi alte deſcendit, & diu ſedit, animum non colorauit, ſed, infecit, nihil ex his quæ promiferat, præſtat. Cito hoc poteſt tradi, & pauciſſimis, verbis, vnum bonum eſſe virtutem; nullum certe ſine virtute: & ipſam virtutem in parte noſtri meliore, id eſt, rationali poſitam. Quid erit hæc virtus? iudiciū verum, & immotum: ab hoc enim impetus veniet mentis, ab hoc omnis ſpecies, quæ impetum mouet, redigetur ad liquidum. Huic iudicio conſentaneum erit, omnia quæ virtute contacta ſunt, & bona iudicare, & inter ſe paria. Corporum autem bona corporibus quidem bona ſunt, ſed in totum non ſunt bona. His pretium quidem erit aliquod, ceterum dignitas non erit: magnis inter ſe interuallis diſtabunt alia maiora, alia minora erunt. Et in ipſis ſapientiam ſectantibus magna diſcrimina eſſe fateamur neceſſe eſt; alius iam in tantum profecit,

profecit, vt contra fortunam; audeat attollere oculos, sed non pertinaciter, cédunt enim nimio splendore præstricti; alius in tantum, vñ possit cū illa conferte vultum, si iam peruenit ad summum, & fiduciæ plenus est. Imperfecta necesse est habent, & modo prodant, modò sublabantur, aut succidant. Sublabentur autem, nisi ire & iri perseverauerint, si quidquam ex studio fideli intentione laxauerint, retro eundem est. Nemo profectum ibi inuenit, vbi reliquerat. Instemus itaque, & perseveremus, plus quam profligamus, restat; sed magis par est profectus, velle proficere. Huius rei conscius mihi sum, volo: & tota mente volo. Te quoque instinctum esse, & magno ad pulcherrima properare impetu video. Properemus, ita demum vita beneficium erit, alioqui mora est, & quidem turpis inter fræda versantibus. Id agamus, vt nostrum omne tempus sit, non erit autem, nisi prius nos nostri esse ceperimus. Quando continget contemnere vtramque fortunam: quando continget omnibus oppressis affectibus & sub arbitrium adductis, hanc vocem emitte-
re? Vici. Quem vicerim, quæris? Non Persas nec extrema Medorum, nec si quid vltra Dahas bellicosum iacet; sed avaritiam, sed ambitionē, sed metum mortis, qui victores gentium vicit.

EPIST. LXXII.

*Differt petitionem Lucilii. ex occasione Differri à nobis Boni studium, male; huic uni omis-
sis alii facandum est. Nihil incidere, quod impediat, Sapienti quidem: aliqua Profici-
cienti. Discrimen inter virosque. Externa nec addere, nec demere Sapienti, semper se
contento.*

Quod

Quod quæris à me liquebat mihi, si reme-
ditare possem : sed diu non retentaui
memoriam meam. Itaque non facile
me sequitur, quod euenit libris situ coherenti-
bus, hoc euenisse mihi sentio, explicandus est
animus, & quæcumque apud illum deposita
sunt, subinde excuti debent, vt parata sint quo-
ties vsus exegerit. Ergo hoc in præsentia diffe-
ramus, multum enim operæ, multum diligen-
tiæ poscit. Cum primum longiorem eodem
loco speraueo moram, tunc istud in manus fu-
mam. Quædam enim sunt, quæ possis & in-
cisio scribere, quædam lectum, & otium, & se-
cretum, desiderant : nihilominus his quoque oc-
cupatis diebus agetur aliquid, & quidem totis :
nunquam enim non succedent occupationes
nouæ : serimus illas : itaque ex vña exeunt plures
deinde ipsi nobis dilationem damus. Cum hoc
peregero, toto animo incumbam, si & si hanc re-
molestam composuero, studio me dabo. Non
cum vacaueris, philosophandum est, omnia
alia negligenda, vt huic assideamus cui nul-
lum tempus satis magnum est, etiam si à pue-
ritia vsque ad longissimos humani æui termi-
nos vita protenditur. Non multum refert,
vtrum omittas philosophiam : an intermittas,
non enim vbi interrupta est manet, sed eorum
more quæ intenta, dissiliunt, vsque ad initia sua
recurrunt, quod à continuatione discessit. Resi-
stendum est occupationibus : nec explicandæ,
sed submouendæ sunt, tempus quidem nullum
est parum idoneum studio salutari. Atque mul-
ti inter illa non student, propter quæ studen-
dum ; Incidet aliquid quod impediatur non equi-
dem cum, cuius animus in omni negotio latus
atq; alacer est. Imperfectis adhuc interseinditur

lætitia : sapienti vero contextitur gaudium, nulla rumpitur causa, nulla fortuna : semper & ubique tranquillum est : Non enim ex alieno pendet, nec fauorem fortunæ, aut hominis expectat : domestica illi felicitas est : exiter ex animi, si intraret : ibi nascitur. Aliquando extrinsecus, quo admoneatur mortalitatis, interuenit : sed id leue, quod summam curem stringat. Aliquo, inquam, incommodo afflatur : maximum eius illud bonum, est fixum. Ita dico, extrinsecus aliqua sunt incommoda, velut in corpore interdum robusto solidoque, eruptiones quædam pustularum, & vlcuscula : nullum in alto malum est. Hoc, inquam, interest inter consummata sapientiæ virum, & alium procedentis, quod inter sanum, & e morbo graui ac diutino emergentem : cui sanitatis loco est leuior accessio. Hic, nisi attendit, subinde grauatur, & in eadem reuoluitur. Sapiens recidere non potest, ne incidere quidem amplius. Corpori enim ad tempus bona valetudo est : quam medius etiam si reddidit, non præstat : sæpe ad eundem quem aduocauerat, excitatur ; animus semel in totum sanatur. Dicam quomodo intelligas sanum, si se ipse contentus est, si confidit sibi, si scit, omnia vota mortalium, omnia beneficia quæ dantur, petunturque, nullum in beata vita habere momentum. Nam cui quid accedere potest, id imperfectum est, cui quid abscedere potest, id in perpetuum est, cuius perpetua futura lætitia est is suo gaudeat. Omnia autem quibus vulgus inhiat, vltro citroque fluuntur. Nihil dat fortuna mæcipio, sed hæc quoque fortuita tunc delectant cū illa ratio temperauit ac miscuit, hæc est etiā quæ externa commendet, quorum auidus usus ingra-

rus est. Solebat Attalus hac imagine uti: Vidisti aliquando canem missa à domino frustra panis, aut carnis aperto ore captantem? quidquid excepit, protinus integrum deuorat, semper ad spem futuri hiat. Idem euenit nobis: quidquid expectantibus fortuna proiecit, id sine ulla voluptate demittimus, statim ad rapinam alterius erecti & attenti hoc sapienti non euenit: plenus est. etiam si quid obuenit, secure excipit, ac reponit: lætitia fruitur maxima, continua, sua. Habet aliquis bonam voluntatem, habet profectum, sed cui multum desit à summo? hic deprimitur alternis, & extolitur, ac modo in cælum alleuatur, modo defertur ad terram. Imperitis ac rudibus, nullus præcipationis finis est; in Epicureum illud chaos decidunt inane, sine termino. Adhuc est genus tertium eorum qui sapientiæ alludant; quam non quidem contigerunt: in conspectu tamen, & ut ita dicam, sub ictu habent: hi non concutiuntur; ne defluunt quidem: nondum in sicco, iam in portu sunt. Ergo cum tam magna sint inter summos imosque discrimina, cum in medios quoque sequatur fructus suus, sequatur ingens periculum ad deteriora redundi: non debemus occupationibus indulgere: excludendæ sunt: si semel intrauerint in locum suum alias substituent. Principijs illarum obstemus: melius non incipient, quam desinant.

EPIST. LXXIII.

Philosophos non esse contumaces. Parere magis, & amare Principes, quam illos ambitiosos, aut Palatinos. Nauis appetunt, inuidens, semper inquieti, & sapientiati. Illi autem amant, quia in quiete

sub iis sunt; & tales sunt, id est, bonorum mercium pleni. Imputant etiam hoc beneficium, & si pluribus contingat. Hortatur deinde assurgere ad Virtutem, id est, Deum. Nam Sapientem (Stoica superbia) vel illi pa-
nem.

ERarte mihi videntur, qui existimant, philosophiæ fideliter deditos, contumaces esse ac refracturos, & contemptores magistratum ac regum; eorumque per quos publica administrantur. E contrario enim, nulli aduersus illos gratiores sunt: nec immerito: nullis enim plus præstant, quam quibus frui tranquillo otio licet. Itaque hi, quibus ad propositum bene viuendi aditum cōfert securitas publica, necesse est auctorem huius boni, vt parentem colant: multò quidem magis, quam illi inquieti, & in medio positi; qui multa principibus debent, sed multa & imputant: quibus numquam tam plenè occurrere vlla liberalitas potest, vt cupiditates illorum quæ crescunt, dum implentur, exfaciet. Quisquis autem de accipiendo cogitat, oblitus accepti est: nec vllum habet malum cupiditas maius, quam quòd ingrata est. Adijce nunc, quòd nemo eorum qui in republica versantur, quos vincat, sed à quibus vincatur; adspicit: & illis non tam iucundum est, multos post se videre, quam graue, aliquem ante se. Habet hoc vitium omnis ambitio: non respicit. Nec ambitio tantum instabilis est, verùm cupiditas omninis: quia incipit semper à fine. At ille vir sincerus ac purus, qui reliquit, & curiam, & forum, & omnem administrationem Reip. vt ad ampliora secedere, diligit eos per quos, hoc ei facere tuto licet; solusque illis gratuitum testimonium reddit,

dit, & magnam rem nescientibus debet. Quem admodum præceptores suos veneratur ac suscipit, quorum beneficio illis se vitijs exuit: sic & his, sub quorum tutela positus exercet artes bonas. Verum alios quoque rex viribus suis protegit: quis negat? Sed quemadmodum Neptuno plus debere se iudicat, ex his qui eadem tranquillitate vsi sunt, qui plura & pretiosiora illo mari vexit: & animosius à mercatore, quàm à vectore soluitur votum; & ex ipsis mercatoribus effusius gratus est, qui odores ac purpuræ & auro pensanda portabat, quàm qui vilissima quæque & saburræ loco futura congesserat: sic huius pacis beneficium ad omnes pertinentis, altius ad eos peruenit, qui illa bene vtuntur; multi enim sunt ex his togatis, quibus pax operosior bello est. An idem existimas pro pace debere eos, qui illam ebrietati aut libidini impendunt, aut alijs vitijs, quæ vel bello rumpenda sunt: nisi fortè tam iniquum putas esse sapientem, vt nihil vitium se debere ero communibus bonis iudicet. Soli lunæque plurimum debeo: & non vni mihi oriuntur anno, temperantique annum Deo, priuatim obligatus sum: quamuis nihil in meum honorem descripta sint. Stulta auaritia mortalium possessionem proprietatemque discernit, nec quidquam suum credit esse, quòd publicum est: at ille sapiens nihil iudicat suum magis, quàm cuius illi cum humano genere consortium est. Nec enim essent ista communia, nisi pars illorum pertineret ad singulos; socium efficit, etiam quòd ex minima portione commune est. Adijce nunc, quòd magna & vera bona nunc sic diuiduntur, vt exiguum in singulos cadat; ad vnumquemque tota perueniunt. Ex congiario tantum ferunt homi-

nes, quantum in capita promissum est: epulum & visceratio, & si quid aliud capitur manu, discedit in partes: hæc indiuidua bona, pax & libertas, tam omnium tota, quam singulorum sunt. Cogitat itaque sapiens, per quem sibi horum usus fructusque contingat, per quem non ad arma illum, nec ad seruandas vigilias nec ad tuenda mœnia, & multiplex belli tributum publica necessitas vocet: agitque gubernatori suo gratias. Hoc docet philosophia præcipue, bene debere beneficia, bene soluere: interdum autem solutio est ipsa confessio. Confitebitur ergo multum se debere ei cuius administratione, ac providentia contingit illi pingue otium, & arbitrium sui temporis, & interturbata publicis occupationibus quies.

*O Melibæ, Deus nobis hæc otia fecit.
Namque erit ille mihi semper Deus.*

Si illa quoque otio multum auctori suo debent quorum munus hoc maximum est.

*Ille meas errare baues (ut cernis) & ipsum
Ludere quæ vellem calamo permisit agresti.*

quanti æstimamus hoc otium, quod inter deos agitur quod deos facit; Ita dico, Lucili, & te in cælum compendiario voco. Solebat Sextius dicere. Iovem plus non posse quam bonum virum. Plura Iupiter habet, quæ præstet hominibus; sed inter duos bonos non est melior, qui locupletior: non magis, quam inter duos, quibus par scientia regendi gubernaculum est, meliorem dixeris cui maius speciosiusque nauigium est. Iupiter quo antecedit virum bonum? diutius bonus est. Sapiens nihilo se minoris æstimat, quod virtutes eius spatio breuiore claudun.

duntur. Quemadmodum ex duobus sapientibus, qui senior decessit, non est beator eo, cuius intra pauciores annos terminata virtus est: sic Deus non vincit sapientem felicitate, etiam si vincit aetate: non est virtus maior, quæ longior. Iupiter omnia habet sed nempe alijs tradidit habenda: ad ipsum hic vnus vsus pertinet, quod vtendi etiam omnibus causa est: sapiens tam æquo animo omnia apud alios videt, contemnitque, quàm Iupiter, & hoc se magis suspicit, quod Iupiter vti illis non potest sapiens non vult. Credamus itaque Sextio, monstranti pulcherrimum iter, & clamanti. Hac itur ad astra: hac, secundum frugalitatem: hac, secundum temperantiam: hac, secundum fortitudinem: Non sunt dii fastidiosi, non inuidi: admittunt, & ascendentibus manum porrigunt. Miraris hominem ad Deos ire? Deus ad homines venit, imo (quod propius est) in homines venit. Nulla sine Deo mens bona est. Semina in corporibus humanis diuina dispersa sunt: quæ si bonus cultor excipit, similia origini prodeunt, & paria his ex quibus orta sunt surgunt: si malus, non aliter quàm humus sterilis ac palustris, necat, ac deinde curat purgamenta pro frugibus.

EPIST. LXXIV.

O pulchra, ò honesta Epistola! & de ipso Honesto; unum illud re Bonnum esse; ceteræ, opinione. Qui tuto, qui securo vult vivere sic sentiat. Quid etiam? scutum in omnia fortuita promptum habeat, Deum sequi. Obiectis in oculis quibusdam deinde respondet: postremò vitam beatam, vt cæculum esse, in paruo, in magno, perfectam; nihil addi, nihil detrahi ab Externis. Itera

*dum est, ò pulchra ò honesta ? qui mentem
talem habes, fruiere.*

E Pistola tua delectauit me, & marcentem
excitauit; memoriam quoque meam,
quæ iam mihi seignis ac lenta est, euocauit.
Quid ni tu, mi Lucili, maximum putes instru-
mentum beatæ vitæ hanc persuasionem, vnum
bonum esse, quòd honestum est? qui omne bo-
num honesto circumscripsit, intra se felix est:
nam qui alia bona iudicat, in fortunæ venit po-
testatem, alieni arbitrij fit. Hic amissis liberis
mæstus; hic sollicitus ægris, hic turpibus & ali-
quam passis infamiam tristis: illum videbis alie-
næ vxoris amore cruciari, illum suæ. Non deerit,
quem repulsa distorqueat: erunt, quos ho-
nor ipse vexet. Illa vero maxima est ex omni
mortalium populo turba miserorum, quam
expectatio mortis exagitat, vndique impendens;
nihil enim est, vnde non subeat. Itaque vt in
hostili regione versantibus, huc & illuc circum-
spiciendum est, & ad omnem strepitum circum-
agenda certix; nisi hic timor è pectore eiectus
est, palpitantibus præcordijs viuitur. Occurrant
acti in exilium, & euoluit bonis: occurrent
(quod genus egestatis grauissimum est) in diui-
tijs inopes; occurrent naufragi, similiaue nau-
fragis passi, quos aut popularis ira, aut inuidia
perniciorum optimistelum, inopinantes secu-
rosque disiecit, procellæ more, quæ in ipsa se-
reni fiducia solet emergere: aut fulminis subiti,
ad cuius ictum etiam vicina tremuerunt. Nam
vt illic quisquis ab igne propior stetit, percusso
similis obstupuit: sic in his per aliquam vim
accidentibus, vnum calamitas opprimit, ce-
teros metus: paremque passis tristitiam facit

pati posse. Omnium animos mala aliena ac
 repentina sollicitant. Quemadmodum aues,
 etiam inanis fundæ sonus territat; ita nos non
 ad ictum tantum exagitamur, sed ad crepitum.
 Non potest ego ergo quisquam beatus esse, qui
 huic se opinioni credidit; non enim beatum est,
 nisi quod intrepidum; inter suspecta male vi-
 uitur. Quisquis se multum fortuitis dedit, in-
 gentem sibi materiam perturbationis, & inex-
 plicabilem fecit: vna hæc via est tuta vaden-
 ti, & externa despicere, & honesto conten-
 tum esse. Nam qui aliquid virtute melius pu-
 tat, aut vllum præter illam bonum; ad hæc
 quæ à fortuna sparguntur sinum expandit, &
 sollicitus missilia eius expectat. Hunc imagi-
 nem animo tuo propone, ludos facere fortu-
 nam, & in hunc mortalius cætum honores,
 diuitias, gratiam excutere: quorum alia inter
 diripientium manum scissa sunt, alia infida so-
 cietate diuisa, alia magno detrimento eorum,
 in quos deuenerant, prensæ; ex quibus quædam
 aliud agentibus inciderunt, quædam quia
 nimis captabantur, amissa, & dum auide ra-
 piuntur excussa sunt. Nulli vero: etiam cui
 rapina feliciter cessit, gaudium rapti durauit
 in posterum. Itaque prudentissimus quisque, cū
 primum induci videt munuscula, à theatro fu-
 git, & scit magno parua constare; Nemo ma-
 num conferit cum recedente, nemo exeuntem
 ferit, circa præmium rixa est. Idem in his
 euenit, quæ fortuna desuper iactat, æstuumus
 miseri, distinguimur, multas habere cupimus
 manus: modo in hunc, modo in illum respici-
 mus: nimis tarde nobis mitti videntur, quæ cu-
 piditates nostras irritant, ad paucos peruentu-
 ra, expectata omnibus. Ite obuiam cadentibus

cupimus; gaudemus si quid inuasimus; inuiden-
 dentque alij, quos spes vana delusit: vilem præ-
 dam magno aliquo incommodo luimus, aut in-
 de fallimur. Secedamus itaque ab istis ludis,
 & demus captoribus locum. Illi spectent bona
 ista pendentia, & ipsi magis pendeant. Qui-
 cumque beatus esse constituit, vnum esse bo-
 num puret, quod honestum est. Nam si vllum
 aliud existimat, primum male de prouidentia
 iudicat; quia multa incommoda iustis viris acci-
 dunt: & quia qui dquid nobis dedit, breue est &
 exiguum, si compares mundi totius æuo. Ex
 hac deploratione nascitur, vt ingrati diuino-
 rum interpretes simus: querimus, quod non
 semper, & quod pauca nobis, & incerta, & abi-
 tura contingant. Inde est quod nec viuere, nec
 mori volumus: vitæ nos odium tenet, timor,
 mortis. Nutat omne consilium, nec implere
 nos vlla felicitas potest. Causa autem est, quod
 non peruenimus ad illud bonum immensum &
 insuperabile, vbi necesse est resistat voluntas
 nostra, quia vltra summum non est locus.
 Queris, quare virtus nullo egeat? præsentibus
 gaudet, non concupiscit absentia; nihil non il-
 li magnum est, quia satis. Ab hoc discede iu-
 ditio: non pietas constabit, non fides: multa
 vtramque præstare cupienti patienda sunt, ex
 his quæ mala appellantur; multa impendenda
 sunt, ex his quibus indulgemus tanquam bo-
 nis. Perit fortitudo, quæ periculum facere de-
 bet sui: perit magnanimitas, quæ non potest
 eminere, nisi omnia velut minuta contempse-
 rit, quæ pro maximis vulgus optat: perit gra-
 tia, & relatio gratiæ æstimatur labor, si quid-
 quam pretiosius fide nouimus, si non optima
 spectamus. Sed vt illa præteream, aut ista bo-
 na.

na non sunt quæ vocantur, aut homo felicior Deo est: quoniam quidem quæ parata nobis sunt non habet in usu Deus: nec enim libido ad illum, nec epularum lautitia, nec opes, nec quidquam ex his hominem inescantibus, & vili voluptate ducentibus pertinet. Ergo aut, quod incredibile est, bona Deo defunt; aut hoc ipsum argumentum est bona non esse quæ Deo defunt. Adjice quod multa quæ bona videri volunt, animalibus quam homini pleniora contingant. Illa cibo avidius utuntur: Venere non æque fatigantur: virium illis maior est & æquabilior firmitas: sequitur ut multo feliciora sint homine. Nam sine nequitia, sine fraudibus degunt, fruuntur voluptatibus, quas & magis capiunt, & ex facili, sine vilo pudoris aut penitentiae metu. Considera tu itaque an id bonum vocandum sit, quo Deus ab homine vincitur: Summum bonum in animo constituamus; obsolescit, si ab optima nostra parte ad pessimam transit, & transfertur ad sensus, qui agiliores sunt animalibus mutis. Non est summa felicitatis nostræ in carne ponenda. Bona illa sunt vera, quæ ratio dat; solida ac semperiterna, quæ cedere non possunt, nec decrescere quidem aut minui; cetera opinionæ bona sunt; & nomen quidem habent commune cum veris, proprietas in illis boni non est. Itaque commoda vocentur, & (ut nostra lingua loquar) producta; ceterum sciamus mancipia nostra esse, non partes, & sint apud nos, sed ita ut meminerimus extra nos esse. Etiam si apud nos sint, inter subiecta & humilia numerentur propter quæ nemo se attollere debeat: quid enim stultius, quam aliquem eo sibi placere, quod ipse non fecit? Omnia ista nobis accedant, non hæreant;

reant: ut si abducantur, sine ulla nostri laceratione discedant. Utamur illis, non gloriemur, & utamur parce, tanquam depositis apud nos, & abituris. Quisquis illa sine ratione possedit, non diu tenuit: ipsa enim felicitas se nisi temperat, premit: si fugacissimis bonis credidit, cito deseritur; & ut non deferatur affligitur. Paucis deponere felicitatem molliiter licuit: ceteri, cum his inter quae eminuere, labuntur, & illos degrauiant ipsa quae extulerant. Ideo adhibebitur prudentia, quae modum illis ac parsimoniam imponat: quoniam quidem licentia opes suas praecipitat, atque urget: nec unquam immodica durarent, nisi illa moderatrix ratio compescuit. Hoc multarum tibi urbium ostendet euentus, quam in ipso flore luxuriosa imperia ceciderunt, & quidquid virtute erat partum, intemperantia corruit. Aduersus hos casus muniendissimus: nullus autem contra fortunam inexpugnabilis murus est: intus instruamus. Si illa parstuta est, pulsari homo potest, capi non potest. Quod sit hoc instrumentum, scire desideras? nihil indignetur sibi accidere, sciatque, illa ipsa quibus laedi videtur, ad conuersationem vniuersi pertinere & ex his esse, quae cursum mundi officiumque consummant. Placeat homini quidquid Deo placuit: ob hoc seipsum suaeque miretur, quod non potest vinci, quod mala ipsa sub te tenet, quod ratione, qua valentius nihil est, casum doloremque & iniuriam subigit. Ama rationem: huius te amor contra durissima armabit. Catulorum amor in venabula impingit feras, quas feritas & inconsultus impetus praestat indomitas: iuuenilia nunquam ingenia cupido gloriae in contemptum tam ferri, quam ignium, misit: species quos-

quosdam, atque vmbra virtutis, in mortem voluntariam trudit: quanto his omnibus fortior ratio est, quanto constantior, tanto vehementior per metus ipsos & pericula exhibit. Nihil agitis, inquit, quod negatis vllum esse aliud ab honesto bonum: non faciet vos hæc munitio tutos à fortuna; & immunes. Dicitis enim, inter bona esse liberos pios, & bene moratam patriam, & parentes bonas: horum pericula non potestis spectare securi; perturbabit vos obsidio patriæ, liberorum mors, parentum seruitus. Quid aduersus hos pro nobis responderi soleat, ponam: deinde tunc adiiciam; quid præterea respondendum putem. Alia conditio est in his, quæ ablata in locum suum aliquid incommodi substituunt: tanquam bona valetudo vitata in malam transfertur: acies oculorum extincta, cæcitate nos afficit: non tantum velocitas perit poplitibus incisis, sed debilitas pro illa subit. Hoc periculum non est in his, quæ paullo ante retulimus: quare? si amicum bonum amisi, non est mihi pro illo perfidia patienda: nec si bonos liberos extuli, in illorum locum impietas succedit. Deinde non amicorum ille, aut liberorum interitus, sed corporum est: Bonum autem vno modo perit, si in malum transit, quod natura non paritur: quia omnis virtus & opus omne virtus incorruptum manet. Deinde, etiam si amici perierunt, etiam si probati respondentesque voto patris liberi: est quod illorum expleat locum. Quid sit, quæris? quod illos bonos fecerat, virtus. Hæc nihil vacare patitur loci: totum animū tenet: desiderium omnium tollit; solo satis est. Omnium enim bonorum vis & origo in ipsa est. Quid refert, an aqua decurrens intercipiatur atque abeat,

si fons ex quo fluxerat, saluus est? Non dices vitam iustiorē saluis liberis, quam amissis, nec ordinationē, nec prudentiorē, nec honestiorē; ergo nec meliorē quidem? Non facit collectio amicorum sapientiorē, non facit stultiorē detractio: ergo nec beatorē, aut miseriorē; quamdiu salua fuerit virtus, non senties quid abscefferit. Quid ergo? non est beator & amicorum & liberorum turba succinctus? Quidni non sit? Summum enim bonum nec infringitur, nec augetur; in suo modo permanet: utcumque fortuna se gessit, siue ille senectus longa contigit, siue citra senectutem finitus est, eadem mensura summi boni est, quamvis ætatis diversa sit. Vtrum maiorem an minorem circulum scribes, ad spatium eius pertinere non ad formam, licet alter diu manserit, alterum statim obduxeris, & in eum in quo scriptus est pulverem solueris, in eadem uterque forma fuit. Quod rectum est nec magnitudine æstimatur, nec numero, nec tempore: non magis produci quam contrahi potest. Honestam vitam ex centum annorum numero in quantum voles corripe, & in vnum diem coge; æque honesta est; modo latius virtus funditur, regna, vrbes, prouincias temperat, fert leges, colit amicitias, inter propinquos liberosque dispensat officia; modo arcto sine circumdatur paupertatis, exilij, orbitatis; non tamen minor est, si ex altiore faistigio in priuatum, ex regio in humilem subducitur, ex publico & spatio iure in angustias domus, vel anguli coit. Æque magna est etiam si in se recessit, vndique exclusa; nihilominus etiam magni spiritus est & erecti, exactæ prudentiæ, indeclinabilis iustitiæ. Ergo æque beata est; beatum enim illud in

VNÔ locò positum est, in ipsa mente, stabile
 grande, tranquillum: quod sine scientia diuino-
 rum humanorumque non potest effici. Sequi-
 tur illud, quod me responsurum esse dicebam:
 Non affligitur sapiens liberorum amissione,
 non amicorum: eodem enim animo fert illo-
 rum mortem, quo suam expectat: non magis
 hanc timet, quam illam dolet. Virtus enim
 conuenientia constat: omnia opera eius cum
 ipsa concordant, congruuntur: hæc concordia
 perit, si animus, quem excelsum oportet esse
 luctu aut desiderio submittitur. In honesta est
 omnistrepidatio & sollicitudo, & in vllò actu
 pigritia. Honestum enim securam & expedi-
 tum est, interitum est, in procinctu. Quid
 ergo: non aliqui perturbationi simile patietur
 non & color eius mutabitur, & vultus agitabi-
 tur, & artus refrigescant; & quidquid aliud,
 non ex imperio animi, sed consulto quodam
 naturæ impetu geritur; Fateor; sed permanebit
 illi persuasio eadem: nihil illorum malum esse,
 nec dignum, ad quod mens sana deficiat. Om-
 nia quæ facienda erunt, audacter facit & prom-
 pte. Hoc enim stultitiæ proprium quis non
 dixerit, ignaue & contumaciter facere quæ fa-
 cit, & alio corpus impellere, alio animum, di-
 strahique inter diuersissimos motus: iam præ-
 pter illa ipsa, quibus extollit se miraturque,
 contempta est & ne illa, quidem quibus gloria-
 tur, libenter facit. Si vero aliquod timetur
 malum eo perinde, dum expectatur, quasi ve-
 nisset vigetur: & quidquid ne patiatur timet,
 iam metu patitur. Quemadmodum in corpo-
 ribus futuri languoris signa præcurreunt: quæ-
 dam enim segnitia nervis inest, & sine labore
 vllò lassitudo & oscitatio & horror membra

percurrrens : sic infirmus animus , multo ante quam opprimatur malis , quatur ; præsumit illa , & ante tempus cadit . Quid dementius autem , quam angere futuris , nec se tormento reservare , sed accrescere sibi miseras , & admoovere : quas optimum est differre , si discutere non possis : Vis scire , futura neminem debere torqueri : quicumque audierit post quinquagesimum annum sibi patienda supplicia , non perturbatur nisi si medium spatium transierit , & se in illam sæculo post futuram solitudinem immiserit : eodem modo fit , ut animos libenter ægros , & captantes causas doloris , vetera atque oblitterata contristent : & quæ præterierunt , & quæ futura sunt , absunt : neutra sentimus : non est autem , nisi ex eo quod sentias , dolor .

E P I S T. LXXV.

Philosophiam verba non captare , nec tamen ingenio aut eloquio rennunciare . Præcipuum est , sit vita ut sermo . Deinde , tentemus progredi : quoniam per gradus ascenditur , & sunt tres Proficientium classes :

Minus tibi accuratas à me epistolas mitti quereris : quis enim accurate loquitur , nisi qui vult putide loqui ? Qualis sermo , meus esset , si vna sederemus , aut ambularemus : il-laboratus , & facilis : tales esse Epistolas meas volo , quæ nihil habeant accersitum , nec fictum . Si fieri posset , quid sentiam , ostendere quam loqui malletm . Etiam si disputarem , nec supplerem pedem , nec manum iactarem , nec attollerem vocem : sed ista oratoribus reliquissetm , contentus sensus meos ad te pertulisse , quos
acc

nec exornassem, nec adiecissem: hoc vnum ple-
 ne tibi approbare vellem, omnia me illa sentire
 quæ dicerem: nec tantum sentire, sed amare.
 Aliter homines amicam, aliter liberos osculan-
 tur: tamen in hoc quoque amplexu tam sancto
 & moderato, satis apparet affectus. Non me her-
 cules ieiuna esse, & arida volo, quæ de rebus tam
 magnis dicentur: nec enim philosophia ingenio
 renunciat: multum tamen operæ impendi ver-
 bis non oportet. Hæc sit propositi nostri summa;
 quod sentimus, loquamur, quod loquimur, sen-
 tiamus. Concordet sermo cum vita: ille promisi-
 sum suum impleuit, qui & cum videas illum, &
 cum audias, idem est. Videbimus qualis sis,
 quantus: vnus sit. Non delectent verba nostra,
 sed prosint. Si tamen contingere eloquentia non
 sollicito potest, aut si parata est, aut paruo con-
 stat, assit, & res pulcherrimas prosequatur: Si
 talis ut res potius quàm se ostendat. Aliæ ar-
 tes, ad ingenium totæ pertinent: hic animi
 negotium agitur. Non quærit æger medicum
 eloquentem, sed sanantem: sed si ita competit,
 ut idem ille qui sanare potest, compte de his
 quæ facienda sunt disserat, boni consulat: non
 tamen erit, quare gratuletur sibi, quod inci-
 derit in medicum etiam disertum: hoc enim
 tale est, quale si peritus gubernatur etiam
 formosus est. Quid aures meas scalpis? quid
 oblectas? aliud agitur: vrendus; secandus, ab-
 stinendus sum. Ad hæc adhibitus es: curare
 debes morbum veterem, grauem, publicum.
 Tantum negotij habes, quantum in pestilentia
 medicus; circa verba occupatus es? iamdu-
 dum grande, si sufficis rebus. Quando multa
 disces? quando quæ didiceris affiges tibi, ita
 ut excidere non possint? quando illa expe-
 ric-

ricris? Non enim ut cetera memoriae tradidisse satis est: in opere tentanda sunt. Non est beatus qui scit illa, sed qui facit. Quid ergo? infra illum nulli gradus sunt: statim ab sapientia, princeps, est: non existimo. Nam qui proficit in numero quidem stultorum est, magno tamen intervallo ab illi deducitur: inter ipsos quoque proficientes sunt magna discrimina. In tres classes (ut quibusdam placet) diuiduntur: primi sunt qui sapientiam nondum habent, sed iam in vicinia eius constitunt: tamen etiam quod propè est, extra est. Qui sint hi quæris: qui omnes iam affectus ac vitia posuerunt: quæ erant complectenda, didicerunt: sed illis adhuc inexperta fiducia est bonum suum nondum in usu habent. Iam tamen in illa quæ fugerunt recidere non possunt: iam ibi sunt, unde non est retro lapsus: sed hoc illis de se nondum liquet, & quod in quadam epistola scripsisse me memini, scire se nesciunt. Iam contigit illis bono suo frui, nondum confidere. Quidam hoc proficientium genus, de quo locutus sum, ita complectuntur, ut illos dicant iam effugisse morbos animi, affectus nondum, & adhuc in lubrico stare, quia nemo sit extra periculum malitiæ, nisi qui totam eam excussit: nemo autem illam excussit, nisi qui pro illa sapientiam assumpsit. Quid inter morbos animi intersit & affectus, sæpè iam dixi: nunc quoque te admonebo. Morbi sunt inueterata vitia, dura: ut avaritia, ut ambitio nimia: postquam hæc animum implicuerunt, & perpetua esse mala eius caperunt. Ut breuiter finiam, merbus est iudicium in prauo opere nax, tanquam valde expectenda sint, quæ leuiter expectenda sunt: vel, si mauis, ita finiamus: nimis imminere leuiter

petendis, vel ex toto perendis, aut in magno pretio habere in aliquo habenda, vel in nullo. Affectus sunt motus animi improbabilis, subiti, & concitari; qui frequentes neglectique, fecere morbum: sicut distillatio vna, nec adhuc in morem adducta tussim facit; assidua & vetus phthisin. Itaque qui plurimum profecere, extra morbos sunt: affectus adhuc sentiunt, perfecto proximi. Secundum genus est eorum, qui & maxima animi mala & affectus depoluerunt, sed ita ut non sit illis securitatis suae certa possessio: possunt enim in eadem tela. Tertium illud genus extra multa & magna vitia est, sed non extra omnia: effugit avaritiam, sed iram adhuc sentit: iam non sollicitatur libidine; sed habet etiamnum ambitionem: iam non concupiscit; sed adhuc timet, & in ipso metu ad quaedam satis firmus est, quibusdam cedit: mortem contemnit, dolorem reformidat. De hoc loco aliquid cogitemus: bene nobiscum agetur, si in hunc admittimur numerum. Magna felicitate naturae, magnaq; & assidua intentione studij secundus occupatur gradus: sed nec hic quidem contemnendus est color tertius. Cogita quantum circa te videas malorum: adspice, quam nullum sit nefas sine exemplo, quantum quotidie nequitia proficiat, quantum publice privatinque peccetur: intelliges satis nos consequi, si inter pessimos non sumus. Ego vero, inquis, spero me posse & amplioris ordinis fieri. Optarim hoc nobis magis, quam promiserim: praecipue occupati sumus: ad virtutem contendimus, inter vitia districti: pudet dicere, honesta colimus quantum vacat. At quam grande premium nos exspectat, si occupationes nostras, & mala tenacissima, abrumpimus: Non cupiditas nos,

non

non timor pellet : inagitati terroribus , incorrupti voluptatibus, nec mortem horrebimus, nec deos : sciemus mortem malum non esse, deos malos non esse . Tam imbecillum est , quod nocet, quam cui nocetur: optima vi noxia carent. Exspectant nos, si ex hac aliquando face in illud euadimus sublime & excelsum, tranquillitas animi, expulsis erroribus absoluta libertas . Quæris, quæ sit ista : non homines timere, non deos: nec turpia velle, nec nimia : in se ipsum habere maximam potestatem . Inestimabile bonum est, suum fieri!

EPIST. LXXVI.

Philosophum se audire, & scholam adire : Conqueritur de hominum incuria, vel Ignavia, qui alia discunt, philosophari negligunt. Ne tu sic ò Lucili: propera, & Bonum discas: quod Bonum: unum illud, Honestum. Et iterum argumentis euincit tale esse; alia non esse. Laudabilis, & sapiens Epistola.

Inimicitias mihi denuncias, si quid quam ex his quæ quotidie facio ignoraueris. Vide quam simpliciter tecum viuam: hoc quoque tibi committam Philosophum audio, & quidem quintum iam diem habeo, ex quo in scholam eo, & ab octaua disputantem audio. Bona, inquis ætate. Quidni bona? quid autem stultius, quàm quia diu non didiceris non discere? Quid ergo? idem faciam, quòd trofuli & iuuenes? Benè mecum agitur, si hoc vnum senectutem meam dedecet. Omnis ætatis homines hæc schola admittit: in hac senescamus, hanc vt iuuenes sequamur. In theatrum senex ibo, & in circum deferar, & nullum par sine me

me depugnabit. Ad philosophum ire erubescam? Tam diu discendum est, quàm diu nescius, & si prouerbio credimus, quàm diu uiuas. Nec ulli hoc rei magis conuenit, quàm huic: tam diu discendum est quemadmodum uiuas, quàm diu uiuis. Ego tamen hic aliquid & doceo. Quæris quid doceam? etiam seni esse discendum. Pudet autem me generis humani. Quoties scholam intraui (præter ipsum theatrum Neapolitanorum) ut scis (transeundum est. Metrouactis petentibus domum) illud quidem factum est: & hoc ingenti studio, quis sit pithaulus bonus: iudicatur. Habet tibi cen quoque Græcus & præco concursus: at in illo loco, in quo vir bonus quæritur, in quo vir bonus discitur, paucissimi sedent: & hi plerisque videntur nihil boni negotij habere, quòd agant; inepti & inertes vocantur. Mihi contingat iste derisus, æquo animo audienda sunt imperitorum conuicia; & ad honesta vadenti contemnendus est iste contemptus. Perge Lucilli, & propera, ne tibi accidat quòd mihi, ut senex discas; imo idèò magis propera, quoniam id nunc aggressus es, quòd perdiscere vix senex possis. Quantum, inquis, proficiam? quantum tentaueris. Quid exspectas? nulli sapere casu obtigit. Pecunia veniet ultro, honor offeretur, gratia ac dignitas fortasse ingerentur tibi; virtus in te non incidet; ne leui quidem opera aut paruo labore cognoscitur; sed est tanti laborare, omnia bona semel occupaturo. Vnum enim est bonum quòd honestum; in illis nihil inuenies veri, nihil certi, quæcumque famæ placent. Quare hoc vnum sit bonum, quòd honestum, dicam? quoniam me parum exsecutum priore epistola iudicas magisq; hanc rem tibi laudatam quàm probatam putas. Et

ut in actum, quæ dicta sunt, contraham: omnia suo bono constant: vitæ fertilitas commendat, sapor vinum, velocitas serum. Quare fortia dorso iumenta sint, quæris? quia eorum hic vnus est vsus, sarcinam ferre. In cane sagacitas prima est, si inuestigare debet feras: cursus, si consequi: audacia, si mordere & inuadere. Id in quoque optimum est cui nascitur, quo censetur. In hominē optimum quid est? Ratio: hæc antecedit animalia, deos sequitur. Ratio ergo perfectā, proprium hominis bonum est: cetera illi cum animalibus satisque communia sunt. Valet? & leones formosus est? & pavones: velox est? & equi: non dico, in his omnibus vincitur. Non quæro quid in se maximum habeat, sed quid suum. Corpus habet? & arbores: habet impetum & motum voluntarium? & bestię, & vermes: habet vocem? sed quanto clariorem canes, acutiorem aquilæ grauiorem tauri, dulciorem mobilioremquæ luscini? Quid in hominē proprium? Ratio: hæc recta, & consummata, felicitatem hominis impleuit. Ergo si omnis res, cum bonum suum persequitur, laudabilis est, & ad finem naturæ suæ peruenit, hominī autem suum bonum ratio est, si hanc perfecit: laudabilis est, & finem naturæ sue attingit: hæc ratio perfecta, virtus vocatur, eademque honestum est. Id itaque vnum bonū est in hominē, quod vnum hominis est: nunc enim non quærimus quid sit bonum: sed quod sit hominis bonum. Si nullum aliud est hominis, quam ratio: hæc erit vnum eius bonum, sed pensandum cum omnibus. Si sit aliquis malus, puto improbabitur: si bonus, puto probabitur. Id ergo in hominē proprium solumque est, quo & probatur, & improbat. Non dubi.

bitas, an hoc sit bonum: dubitas, an solum bonum sit. Si quis omnia alia habeat, valetudinem, diuitias, imagines multas, frequens atrium, sed malus ex confesso sit: improbabis illum. Item si quis nihil quidem illorum quæ reuli, habeat, deficiatur pecunia, clientem turba, nobilitate, & auro, proauroque serie, sed ex confesso bonus sit: probabis illum. Ergo hoc vnum est bonum hominis: quod qui habet, etiam si alijs destituitur, laudandus est: qui non habes, in omnium aliorum copia damnatur ac reijcitur. Quæ conditio rerum, eadem & hominum est. Nanis bona dicitur, non quæ pretiosis coloribus picta est, nec cui argenteum aut aureum rostrum est, nec cuius tutela ebore cæcata est, nec quæ fiscis ac opibus regis pressa est: sed stabilis, & firma, & iuncturis aquam excludentibus spissa, ad ferendum incursum maris solida, gubernaculo parens, velox, & non sentiens ventum, gladium bonum dices, non cui deauratus est baltheus, nec cui vagina gemmis distingitur: sed cui & ad secandum subrilisacies, & mucro munimentum omne rupturus. Regula non quàm formosa, sed quàm recta sit quæritur. Eo quodque laudatur, cui comparatur, quòd illi proprium est: Ergo in homine quoque nihil ad rem pertinet, quantum aret, quantum fæneret, quàm multis salutetur, quam pretioso incumbat lecto, quam pellucido poculo bibat, sed quam bonus sit: bonus autem est, si ratio explicita & recta est, & ad naturæ voluntatem accommodata. Hæc vocatur virtus: hoc est honestum, & vnicum hominis bonum. Nam cum sola ratio perficiat hominem, sola ratio perfecta beatum facit: hoc autem vnum hominis bonum est, quo vno beatus efficitur,

citur: Dicimus & illa bona esse, quæ à virtute
 profecta contactaque sunt, id est opera eius om-
 nia. Sed ideo vnum ipsa bonum est, quia nul-
 lum sine illa est. Si omne in animo bonum est:
 quidquid illum confirmat, extollit, amplificat,
 bonum est: validiorem autem animum, & ex-
 celsiorem, & ampliorem facit virtus, nam ce-
 tero quæ cupiditates nostras irritant, deprimunt
 quoque animum, & labefaciunt; cum viden-
 tur attollere, inflant, ac multa vanitate deludunt.
 Ergo vnum id bonum est, quod melior animus
 efficitur. Omnes actiones totius vitæ, honesti
 ac turpis respectu, temperantur ad hæc, facien-
 di & non faciendi, ratio dirigitur. Quid sit hoc
 dicam. Vir bonus quod honeste se facturum
 putauerit, faciet, etiam si laboriosum erit: fa-
 ciet, etiam si damnosum erit: faciet, etiam
 si periculosum erit, rursus quod turpe erit,
 non faciet, etiam si pecuniam affert, etiam si
 voluptatem, etiam si potentiam. Ab honesto
 nulla re deterrebitur, ad turpia nulla spe inui-
 tabitur. Ergo si honestum utique secuturus est,
 turpe itaque vitaturus: & in omni actu vitæ spe-
 ctaturus hæc duo: nullum aliud bonum quam
 honestum, nec aliud malum quam turpe. Si
 una indeprauata virtus est, & sola permanet te-
 noris sui, vnum est bonum, virtus: cui iam acci-
 dere ne sit bonum, non potest. Mutationis pe-
 riculum effugit sapientia. Sapientia non eripi-
 tur, sapientia in stultitiam non reuoluitur. Di-
 xi, si forte meministi, concupito vulgo, & for-
 midata, inconsulto impetu plerosque calcasse;
 inuentus est qui flammis imponere mandatum:
 cuius risum non interromperet tortor: qui in
 funere liberorum lacrimam non mitteret: qui
 morti intrepidus occurreret: amor, ira, cupidi-
 tas,

tas, pericula depoposcerunt. Quod si hoc potest brevis obstinatio animi, alioqui stimulo excitata: quanto magis virtus quæ non ex impetu, nec subito, sed æqualiter valet; cui perpetuum robur est? Sequitur, ut quæ ab inconsultis sæpe contemnantur, à sapientibus semper, ea nec bona sint, nec mala. Vnum ergo bonum ipsa virtus est, quæ inter hanc fortunam & illam superba incedit, cum magno utriusque contemptu. Si hanc opinionem? receperis, aliquid bonum esse præter honestum, nulla non virtus laborabit nulla enim obtineri poterit, si quidquam extra se respexeret. Quod si est, rationi repugnat, ex quo virtutes sunt; & veritati, quæ sine ratione non est, quæcumque autem opinio veritati repugnat, falsa est. Virum bonum, concedas necesse est, summæ pietatis erga deos esse: itaque quidquid illi acciderit, æquo animo sustinebit, sciet enim id accidisse lege diuina, quæ vniuersa procedunt. Quod si est, vnum illi bonum erit, quod honestum: in hoc enim positum est, & parere dijs, nec excandescere ad subita, nec deplorare sortem suam, sed patienter excipere fatum, & facere imperata. Si enim vllum aliud est bonum quam honestum, sequetur nos auaritia vitæ, auaritia rerum vitam instruendum: quod est intolerabile, infinitum, vagum. Solum ergo bonum est honestum, cui modus est: Diximus, hominum futuram feliciorē vitam quam deorum, si ea bona sunt, tuorum nullus dijs usus est, tanquam pecunia, & honores. Adijce nunc, quod si modo solutæ corporibus animæ manent, felicior illis status restat, quam est dum mensantur in corpore. Atqui si ista bona sunt, quibus per corpora utimur, emissis erit peius, quod contra fidem est, fe-

liciores esse liberis, in vniuersum daris, clau-
 sas & obsessas. Illud quoque dixeram, si bona
 sunt ea quæ tam homini contingunt quam mu-
 tis animalibus, & muta animalia beatam vitam
 actura: quod fieri nullo modo potest. Omnia
 pro honesto patienda sunt: quod non erat fa-
 ciendum, si esset vllum aliud bonum quam ho-
 nestum. Hæc quamuis latius exsecutus essem
 priore epistola, constrinxi, & breuiter percurri.
 Nunquam autem vera tibi opinio talis videbi-
 tur, nisi animum aliteres & teipsum interroges:
 si res exegerit, vt pro patria moriaris, & salu-
 tem omnium ciuium tua redimas, an porre-
 cturus sis ceruicem, non tantum patienter sed
 etiam libenter? Si hoc facturus es, nullum aliud
 bonum est. Omnia relinquis, vt hoc habeas,
 Vide quanta vis honesti sit? Pro Rep. morie-
 ris etiam si statim facturus hoc eris, cum scieris
 tibi esse faciendum: interdum ex re pulcherrima
 magnum gaudium etiam tempore breui ac
 exiguo capitur: & quamuis fructus operis pe-
 racti nullus ad defunctum exemptumque rebus
 humanis pertineat, ipsa tamen contemplatio fu-
 turi operis iuuat: & vir fortis, & iustus, cū mor-
 tis suæ prætia ante se posuit, libertatem patriæ,
 salutem omnium pro quibus dependit ani-
 mam, in summa voluptate est, & periculo suo
 fruitur. Sed ille quoque, cui etiam hoc gau-
 dium eripitur, quod tractatio operis maxi-
 mum & vltimum præstat, nihil cunctatus de-
 liet in mortem, facere recte pieque contentus.
 Oppone etiam nunc illi multa, quæ dehorrètur.
 Dic, factum tuum matura sequetur obliuio, &
 parum gratia existimatio ciuium; respondebit ti-
 bi, Ista omnia extra opus meum sunt: ego ipsum
 contemplor: hoc esse honestum scio. Itaque quo-
 cum-

cumque ducit ad vocat, venio. Hoc ergo vnum bonum est, quod non tantum perfectus animus sed generosus quoque & indolis bonę sentit: cetera leuia sunt, mutabilia. Itaque sollicitę possidentur, etiam si fauente fortuna in vnum congesta sunt: dominis suis incumbunt grauias, & illos semper premunt, aliquando & elidunt. Nemo ex istis, quos purpuratos vides felix est, non magis, quam ex illis quibus sceptrum & clamydem in scena fabulę assignant: cum pręsente populo elati inceserunt & cothurnati, simul exierunt, excalceantur, & ad straturam suā redeunt. Nemo istorum, quos diuitiæ honoresque in altiore fastigio ponunt, magnus est. Quare ergo magnus videtur? Cum basi illum sua metiris. Non est magnus pumilio, licet in monte constiterit: colossus magnitudinem suam feruabit, etiā si steterit in puteo. Hoc laboramus errore, sic nobis imponitur, quod neminem æstimamus eo quod est, sed adiciamus illi & ea, quibus adornatus est. Atqui cum voles veram hominis æstimationem inire, & scire qualis sit, nudum inspicere: ponat patrimonium, ponat bonas res, & alia fortunę mendacia: corpus ipsum exuat: animum intueri, qualis quantusque sit, alieno an suo magnus; si erectis oculis gladios micantes videt, & si scit sua nihil interesse vtrum anima per os, an per iugulum exeat beatum voca; si, cum illi denunciata sunt corporis tormenta, & quę casu veniunt, & quę potentioris iniuria, si vincula & exilia, & vanas humanarum formidines mentium, securus audit, & dicit,

— Non ulla laborum.

Q. virgo, non a mi facies inopinave surgit:

L. 4.

Qm.

*Omnia præcepi, atque animo mecum ipse
peregi.*

Tu hodie ista denuncias, ego semper denuncia-
ui mihi, & hominem paravi ad humana præco-
gitati mali mollis ictus venit. At stultis, & for-
tunæ credentibus, omnis videtur noua rerum &
inopinata facies, magna autem pars est apud
imperitos mali, nouitas. Hoc ut scias ea, quæ
putauerunt aspera, cum assuevere, patiuntur.
Idè sapiens assuescit futuris malis: & quæ alij
diu patiendo leuia faciunt, hic leuia facit diu
cogitando. Audimus aliquando voces imperi-
torum, dicentium: Nesciebam hoc mihi resta-
re, sapiens scit sibi omnia restare: quidquid fa-
ctum est, dicit, Sciebam.

EPIST. LXXVII.

*Et hæc inter bonas, utilesque. Narrat obiter de
Alexandrinis nauibus; aliis accurrentibus
se neglexisse. Quanti enim ista, aut quam-
diu? Senex sum, ab eo. Et aliquando spon-
te abeundum, ut fecit Marcellinus. Tum
contra metum mortis; rationesque huius
remnende.*

Subito hodie nobis Alexandrinæ naues appa-
ruerunt, quæ præmitti solent, & nunciare
secuturæ classis aduentum, tabellarias vocant.
Gratus illarum Campaniæ adspectus est, omnis
in pilis Puteolorum turba consistit, & ex ipso
genere velorum Alexandrinæ, quamuis in
magna turba nauium, intelligit. Solis enim
licet supparum intendere, quod in alto omnes
habent naues. Nulla enim res æque adiuuat
cursum, quam summa pars veli: illinc maximè
nauis

naulis vrgetur. Itaque quoties ventus increbuit, maiorque est quàm expedit, antenna submittitur, minus habet virium flatus ex humili. Cùm intrauere Capreas & promontorium, ex quo

Alta præcelloso speculator vertice Pallas.

ceteræ velo iubentur esse contentæ supparum Alexandinarum insigne est. In hoc omnium discursu properantium ad litus, magnam expigritia mea sensi voluptatem, quòd epistolæ meorum accepturus, non properaui scire, quis illic esset rerum mearum status, quid afferrent. Olim iam nec perit quidquam mihi, nec acquiritur. Hoc, etiam si senex non essem, fuerat sentiendum: nunc verò multo magis; quia quantulumcumque haberem, tamen plus iam mihi superesse viatici, quàm viæ: præsertim cùm eam viam simus ingressi, quàm peragere non est necesse. Iter imperfectum erit, si in media parte, aut citra petitum locum steteris: vita non est imperfecta, si honesta est. Vbicumque desines, si benè desinis, tota est. Sæpè autem & fortiter desinendum est, & non ex maximis causis, nam nec hæ maximæ sunt, quæ nos tenent. Tullius Marcellinus, quem optimè noueras, adolescens quietus & cito senex, morbo, & non insanabili correptus, sed longo & molesto & multa imperante, cœpit deliberare de morte, conuocauit complures amicos, vnusquisque, aut quia timidus erat, id illi suadebat, quòd sibi suauislet: aut quia adulator, & blandus, id consilium dabat, quòd deliberanti gratius fore suspicabatur. Amicus noster Stoi-cus, homo egregius, & vt verbis illum quibus laudari dignus est, laudem, vir fortis ac strenuus, videtur mihi optimè illum cohortatus. Sic enim cœpit: Noli, mi Marcelline, torqueri,

tamquam de re magna deliberes. Non est res magna, viuere: omnes serui tui viuunt omnia animalia: magnum est, honeste mori, prudenter, fortiter. Cogita quamdiu iam idem facias. Cibus, somnus, libido: per hunc circulum curritur. Mori velle non tantum prudens, & fortis, aut miser, sed etiam fastidiosus potest. Non opus erat suasore illi, sed adiutore: serui parere nolebant. Primum detraxit illis metum, & indicauit tunc, familiam periculum adire, cum incertum esset, an mors domini voluntaria fuisset: alioquin tam mali exempli esse occidere hominem, quam prohibere. Deinde ipsum Marcellinum admonuit, non esse inhumanum, quemadmodum cœna peracta reliquæ circumstantibus diuiduntur, sic peracta vita aliquid porrigi his, qui totius vitæ ministri fuissent. Erat Marcellinus facilis animi, & liberalis, etiam cum de suo fieret. Minutas itaque formulas distribuit flentibus seruis, & illos vltro consolatus est. Non fuit illi opus ferro, non sanguine: triduo abstinuit, & in ipso cubiculo poni tabernaculum iussit. Solium deinde illatum est, in quodiu iacuit, & calida subinde suffusa, paulatim defecit: vt aiebat, non sine quadam voluptate: quam afferre solet leuis dissolutio, non inexpecta nobis, quos aliquando liquit animus. In fabellam excessi, non ingrati tibi: exitum enim amici tui cognosces, non difficilem, nec miserum. Quamuis enim mortem sibi consciuerit, tamen mollissime excessit, & vitæ elapsus est. Sed ne inutilis quidem hæc fabella fuerit. Sæpe enim talia exempla necessitas exigit. Sæpe debemus mori, nec volumus: morimur, nec volumus. Nemo tam imperitus est, vt nesciat, sibi quandoque moriendum: tamen cum pro-

pe

pe accesserit, tergiuerfatur, tremit, plorat. Nonne tibi videbitur stultissimus omnium, qui fleuerit quod ante annos mille non dixerat? æque stultus est, qui flet, quod post annos mille non uiuet. Hæc paria sunt; non eris, nec fuisti. Vtrumque tempus alienum est. In hoc punctum coniectus es; quod vi extendas, quousque extendes? Quid fies? quid optas? perdis operam.

Desine fata Deum fleclī sperare precando.

rata & fixa sunt; atque magna & æterna necessitate ducuntur. Eo ibis, quo omnia eunt. Quid tibi nouum est? ad hanc legem aratus es; hoc patri tuo accidit, hoc matri, hoc maioribus, hoc omnibus ante te, hoc omnibus post te. Series inuicta, & nulla mutabilis ope, illigat ac trahit cuncta. Quantus te populus moriturosum sequetur, quantus comitabitur? Fortior, ut opinor, esses, si multa millia tibi commorerentur; atque multa millia hominum, & animalium hoc ipso momento, quo tu mori dubitas, animam varijs generibus emittunt. Tu autem non putabast aliquando peruenturum ad id, ad quod semper ibas? nullum sine exitu iter est. Exempla nunc magnorum virorum me tibi iudicas relaturum? puerorum referam. Lacon ille memoriæ traditur impubes adhuc, qui capius clamabat. Non seruiam. Sua illa Dorica lingua, & verbis, fidem imposuit. Ut primum iussus est fungi seruili, & contumelioso ministerio; afferre enim vas obscœnum iuebatur; illisum parieti caput rupit, Tam propè libertas est; & seruit aliquis? Ita non sic perire filium tuum malle, quàm per inertiam senem fieri? Quid ergo est, cui perturberis, si mori fortiter etiam puerile est? Puta te nolle sequi, duxeris. Fac tui iuris, quod alieni est. Non

sumes pueri spiritum, ut dicas. Non seruius? Infelix, seruis hominibus, seruis rebus, seruis, vitæ. Nam vitæ, si moriendi virtus abest, seruus est. Ecquid habes propter quod exspectes? Voluptates quæ te morantur, ac retinent, consumpsisti: nulla tibi noua est: nulla non iam odiosa ipsa satietate: quis sit vini, quis mulsi sapor, scis: nihil interest, centum per vesicam tuam an mille amphoræ transeant; saccus es: quid sapiat ostreum, quid nullus, optime nosti: nihil tibi luxuria tua in futuros annos intactum reservauit. Atqui hæc sunt, à quibus inuitus diuelleris. Quid est aliquid quod tibi eripi doleas? amicos & patriam? tanti enim illam putas, ut tardius cænes: solem quoque, si posses, exstingueres. Quid enim vnquam fecisti luce dignum? confitere, non curiæ te, non fori, non ipsius naturæ rerum desiderio, tardio rem ad moriendum fieri. Inuitus telinquis macellum, in quo nihil reliquisti. Mortem times: at quomodo illam media oblectatione contemnis? Viuere vis: scis enim. Mori times: quid porro ista vita? non mors est? Cæsar, cum illum transeuntem per Latinam viam, vnus ex custodiarum agmine, demissa vsque in pectus veteris barba, rogaret mortem; Nunc enim, inquit, viuis? Hoc itis respondendum est, quibus succursura mors est; Mori times: nunc enim viuis? Sed ego, inquit, viuere volo, qui multa honeste facio: inuitus relinquo officia vitæ, quibus fideliter & cum industria fungor. Quid? tu nescis vnum esse ex vitæ officijs, & mori? Nullum officium relinquis: non enim certus numerus, quem debeas explere, finitur. Nulla vita est non brevis, nam si ad naturam rerum respexeris, etiam Nestoris & Stalilæ

tiliæ brevis est. quæ inscribi monumento suo iussit, annis, se nonaginta nouem vixisse. Vides auiculam gloriari senectute longa: quis illam ferre potuisset, si contigisset centesimum implere? Quomodo fabula, sic vita: non quam diu, sed quam bene acta sit, refert. Nihil ad rem pertinet quo loco desinas: quocumque voles, desine: tantum bonam clausulam impone.

EPIST. LXXVIII.

De morbis suis, etiam in iuuentute; & quid sit iis leuandis? Honesta, inquit, studia, itemque amici; sed remediorum remedium, contemptus mortis. Eo vocat Lucilium; & contra Dolorem plura differit, alta, animosa, vera.

VExari te distillationibus crebris ac febriculis, quæ longas distillationes, & in consuetudinem adductas sequuntur, eo molestius mihi est, quia expertus sum hoc genus valetudinis: quod inter initia contempsi. Poterat adhuc adolescentia iniurias ferre, & se aduersus morbos contumaciter gerere: deinde succubui & eo perductus sum, ut ipse distillarem. Ad summam maciem deductus, sæpe impetum cepi abruptendæ vitæ: patris me indulgentissimi senectus retinuit. Cogitavi enim, non quam fortiter ego mori possem, sed quam ille fortiter desiderare non posset. Itaque imperavi mihi ut viverem: aliquando enim & viuere, fortiter facere est. Quæ mihi tunc fuerint solatio, dicam: prius hoc dixero, hæc ipsa quibus acquiescebant medicinæ vim habuisse. In remedium cedunt honesta solatia: & quidquid animum crexit, etiam corpori prodest. Studia mihi nostra salus
fue-

fuerunt : Philosophiæ acceptum fero. quod sur-
 rexij : quod conualui ; illi vitâ debeo, & nihil illi
 minus debeo. Multum mihi contulerunt ad bo-
 nam valetudinem amici quorum adhortationi-
 bus, vigilijs, sermonibus alleuabatur. Nihil
 æque, Lucili virorum optime, ægrum. reficit
 atque adiuuat, quam amicorum affectus ; nihil
 æque expectationem mortis ac metum surri-
 pit. Non iudicabam me, cum illos superstites
 relinquerem, mori ; putabam, inquam, me vi-
 cturum, non cum illis, sed per illos ? non effun-
 dere spiritum mihi videbar, sed tradere. Hæc
 mihi, dederunt voluntatem adiuuandi me, &
 patiendi omne tormentum ; alioqui miserrimi-
 mum est, cum animum moriendi proieceris
 non habere viuendi. Ad hæc ergo remedia te
 confer. Medicus tibi quantum ambules, quan-
 tum exercearis, monstrabit ; ne indulgeas orio
 ad quod vergit iners valetudo ; vt legas clarius
 & spiritum, cuius iter & receptaculum laborat
 exerceas ; vt nauiges, & viscera molli iactatione
 concutias ; quibus cibis vtaris ; uinum quando
 virium causa aduoces, quando intermittas, ne
 irritet & exasperet tussim. Ego tibi illud præci-
 pio, quod non tantum huius morbi, sed totius
 vitæ remedium est ; contemne mortem. Nihil
 triste est, cum huius metum effugimus. Tri-
 hæc in omni morbo grauiasunt, metus mortis
 dolor corporis, intermissio voluptatum. De
 morte, satis dictum est ; hoc vnum dicam, non
 morbi hunc esse, sed naturæ metum ; multorum
 mortem distulit morbus ; & salutis illis fuit : v-
 deri perire. Morieris, non quia ægrotas, se-
 quia viuis. Ista teres & sanatum manet : citi-
 conualueris, non mortem ; sed valetudinem
 effugies. Ad illud nunc proprium incommen-
 dum

dum reuertamur: magnos cruciatus habet morbus: sed hos tolerabiles interualla faciunt. Nam summi doloris intentio inuenit finem. Nemo potest valde dolere, & diu: sic nos amantissima nostri natura disposuit, vt dolorem aut tolerabilem, aut breuem faceret. Maximi dolores cōsistūt in macerrimis corporis partibus: nerui: articuliq; & quidquid aliud exile est, acerrime sauit, cū in arcto vitia concepit. Sed cito hæ partes obstupeſcunt, & ipso dolore sensum doloris amittunt: siue quia spiritus naturali prohibitus cursu, & mutatus in peius, vim suam qua vigeat, admonetq; nos, perdit: siue quia corruptus humor, cū desijt habere quo confluat, ipse se elidit, & his quæ nimis impleuit, excutit sensum. Sic podagra & chiragra, & omnis vertebrarum, dolor neruorumque, interquiescit, cū illa quæ torquebat hebetauit; omnium istorum prima verminatio vexat, impetus mora estinguitur, & finis dolendi est, obtorpuisse. Dentium, oculorum, aurium dolor ob hoc ipsum acutissimus est, quod inter angusta corporis nascitur: non minus mehercule, quam capitis ipsius. Sed quo incitator est, eo citius in alienationem, stuporemque conuertitur. Hoc itaque solatium vasti doloris est, quod necesse est desinas illum sentire, si nimis senseris. Illud autem est, quod imperitos in vexatione corporis male habet: non asflueuerunt animo esse contenti: multum illis cū corpore fuit. Ideo vir magnus, ac prudens animum deducit à corpore, & multum cum meliore, & diuina parte versatur: cum hac querula, ac fragili, quantum necesse est. Sed moiestum est, inquis, carere asfluetis voluptatibus, abstinere cibo sitire, esurire. Hæc prima abstinentia graua sunt: dein-

de

Totō contra illum pugnet animo, vincetur, si cesserit, vincet, se si contra dolorem suum intenderit. Nunc hoc plerique faciunt, attrahunt in se ruinam, cui obstandum est; istud quod premit, quod impendet, quod vrget, si subducere te cœperis, sequetur & grauis incumbet, si contra steteris, & obniti volueris, repelletur. Athletæ quantum plagarum ore, quantum toto corpore excipiunt; ferunt tamen omne tormentū gloriæ cupiditate, nec tantum quia pugnant, ista patiuntur, sed vt pugnent, exercitatio ipsa tormentum est. Nos quoque euincamus omnia, quorum præmium non corona, nec palma est, nec tubicen prædicationi nominis nostri, silentium faciens, sed virtus, & firmitas animi & pax in ceterum parta, si semel in aliquo certamine debellata fortuna est. Dolorem grauem sentio. Quid ni sentias, si vllum muliebriter tuleris; Quemadmodum perniciosior est hostis fugientibus, sic omne fortuitum incommodum magis instat cedenti & auerso. Sed graue est quid; nos ad hoc fortes sumus, vt leuia portemus; Vtrum vis longum esse morbum, an concitatum & breuem; Si longus est habet intercapedinem, dat refectioni locum, multum temporis donat, necesse est vt exurgat, & desinat. Breuis morbus ac præceps alterutrum faciet, aut exstinguetur, aut exstinguet. Quid autem interest, non sit, an non sim, in vtroque finis dolendi est. Illud quoque proderit, ad alias cogitationes auertere animum, & à dolore discedere. Cogita quid honeste, quid fortiter feceris bonas partes tecum ipse tracta: memoriam in ea quæ maxime miratus es, sparge, tunc tibi fortissimus quisque, & victor doloris, accurrat. Ille, qui dum vatices escandas præbe-

et,

feret, legere librum perseveravit. Ille, qui non desijt ridere, cum hoc ipsum irati tortores omnia instrumenta crudelitatis experirentur. Non vincetur dolor ratione, qui victus est risu? Quidquid vis nunc licet dicas, destillationes, & vim continuæ tussis egerentem viscerum partes, & febrem præcordia ipsa torrentem, & sitim, & artus in diuersum articulis exeuntibus tortos: plus est flamma, & equuleus, & lamina, & vulneribus ipsis intumescantibus, quod illa renouaret & altius vrgeret impressum: inter hæc tamen aliquis non gemit: parum est: non rogauit: parum est: non respondit: parum est: risit, & quidem ex animo: vis tu post hoc dolorem deridere? Sed nihil, inquit, agere sinit morbus, qui me omnibus abduxit officijs. Corpus tuum valetudo tenet, non animum. Itaque cursoris moratur pedes, sutoris ac fabri manus impedit. Si animus tibi esse in vsu solet, suadebis, docebis, audies, discas, quæres recordaberis. Quid porro? nihil agere te credis, si temperatus æger sis? ostendes morbum posse superari, vel certè sustineri. Est mihi crede, virtuti etiam in lectulo locus. Non tantum arma & acies dant argumenta alacris animi, indomitique terroribus: & in vestimentis vir fortis appareret. Habes quod agas: bene luctare cum morbo: si nihil re coegerit, si nihil exorauerit, insigne prodis exemplum. O quam magna erat gloriæ materia, si spectaremur ægri: ipse te spectat: ipse te lauda. Præterea, duo sunt genera voluptatum: corporales morbus inhibet, non tamen tolit, imo, si verum æstimes, incitat: magis inuat bibere sitientem: gratior est esuriienti cibus. Quidquid ex abstinentia contingit, auidius excipitur. Illas verò animi volu-

pta-

ptates, quæ maiores certioresque sunt, nemo medicus ægro negat: has quisquis sequitur, & bene intelligit; omnia sensuum blandimenta contemnit. O infelicem ægrum! quare; quia non vino niuem diluit: quia non rigorem potionis suæ, quam capaci scypho miscuit, renouat fracta insuper glacie: quia non ostrea alli Lucrina in ipsa mensa aperiuntur: quia non circa cenationem eius tumultus coquorum est, ipsos cum obsonij focos transferentium; hoc enim iam luxuria commenta est. Ne quis intepescat cibis, ne quid palato iam calloso parum ferueat, cænam cullina prosequitur. O infelicem ægrum! edet quantum concoquat: non iacebit in conspectu aper, & vilis caro, à mensa relegatus, nec in repositorio eius pectora auium, totas enim videre fastidium est, congesta ponentur. Quid tibi mali factum est? cænabis tanquam æger: imo aliquando tanquam sanus. Sed omnia ista facile perferemus, sorbitionem, aquam calidam, & quidquid aliud intolerabile videtur delicatis & luxu fluentibus; magisque animo quam corpore morbidis: tantum mortem desinamus horrere. Desinemus autem, si fides bonorum ac malorum coge querimus: ita demum nec vita tædio erit, nec mors timori. Vitam enim occupare satietas sui non potest, tot res varias, magnas, diuinas percensentem: in odium illam sui adducere solet iners otium. Rerum naturam peragranti, nunquam in fastidium veritas veniet: falsa satiabunt. Rursus, si mors accedit & vocat; licet immatura sit, licet mediam præcidat ætatem: perceptu longissime fructus est: cognita est illi ex magna parte natura scit tempore honesta non crescere. His necesse est videri omnem vitam
bre.

breuem, qui illam voluptatibus vanis, & ideo infinitis, metiuntur. Histe cogitationibus recrea, & interim epistolis nostris vacando; veniet aliquod tempus, quod nos iterum iungat, ac misceat: quantum libet si illud; longum facit scientia vtendi. Nam vt Posidonius ait, vnus dies hominum eruditiorum plus patet, quam imperiti longissima ætas. Interim hoc tenet, hoc morde aduersis non succumbere lætis non credere, omnem fortunæ licentiam in oculis habere: tanquam quidquid potest facere, factura sit. Quidquid expectatum est diu leuis accedit.

EPIST. LXXIX.

De Charibdi aliquid, Scylla, & Aetna. Tum Sapientes inter se pares esse; & ad Sapientiam hortatur, etiamsi gloria non comitetur. Atqui comitabitur; vel post vitam. Bona.

EXspecto epistolas tuas, quibus mihi indices circumitus Siciliæ totius quid tibi noui, ostenderit, & omnia de ipsa Charybdi certiora. Nam Scyllam saxum esse, & quidem non terribile nauigantibus, optime scio: Charybdis an qui audeat fabulis, perscribi mihi desidero. Et si forte obseruaueris, (dignum est autem, vt obserues) fac nos certiores, verum vno tantum vero agatur in vertices, an omni tempestas æquo mare illud contorqueat, & an verum sit, quidquid illo freti turbine arreptum est, per multa millia trahi conditum, & circa Tauromenitanum litus emergere. Si hæc mihi perscripseris, tunc tibi audebo mandare, vt in honorem meum Aetnam quoque ascendas: quam consumi, & sensu subsidere, ex hoc colligunt, quod aliquanto longius nauigantibus so-

lebat ostendi. Potest hoc accidere, non quia montis altitudo defecit, sed quia ignis evanuit, & minus vehemens ac largus effertur: ob eandem causam: fumo quoque per diem segniore. Neutrum autem incredibile est, nec montem qui deuoretur quotidie minui, nec ignem non manere eundem: qui non ipse ex se est, sed in aliqua inferna valle conceptus exæstuat, & alibi pascitur: in ipso monte non alimentum habet, sed viam. In Lycia regio notissima est, Ephesion incolæ vocant, perforatum pluribus locis solum, quod sine vlllo nascentium damno ignis innoxius circuit. Læta itaque regio est, & herbida, nil flammis adurentibus, sed tantum vi remissa ac languida refulgentibus. Sed referuamus, ista tunc quæsituri, cum tu mihi scripseris, quantum ab ipso ore montis niues abfuit, quas ne æstas quidem soluit: adeo tutæ sunt ab igne vicino. Non est autem, quod istam curam imputes mihi: morbo enim tuo daturus eras etiam si nemo mandaret tibi, donec Ætnam describas in tuo carmine, & hunc sollennem omnibus Pætis locum attingas: quem quo minus Ovidius tractaret, nihil obsti-
 tit, quod iam Virgilius impleuerat: ne Seuerum quidem Cornelium vterque deterruit. Omnibus præterea feliciter hic locus se dedit: & qui præcesserant, non præripuisse mihi videtur quæ dici poterant, sed aperuisse. Sed multum interest, vtrum ad consumptam materiam, an ad subactam accedas: crescit in dies, & inuenturis inuenta non obstant. Præterea, conditio optima est vltimi. Parata verba inuenti, quæ aliter instructa nouam faciem habent: nec illis manus inijcit, tanquā alienis: sunt enim publica. Iurisconsulti negant, quidquam publicū vsu capi.

pi. Aut ego te non noui, aut Ætna tibi saluam
 mouet. Iam cupis grande aliquid, & par prioribus scribere. Plus enim sperare modestia tibi tua non permitit quæ tanta in te est, ut videaris mihi retracturus ingenij tui vires, si vincendi periculum sit: tanta tibi priorum reuerentia est. Inter cetera hoc habet boni sapientia nemo ab altero potest vinci, nisi dum ascenditur: dum ad summum perueneris, paria sunt non est incremento locus, statur. Nunquid sol magnitudini suæ adiecit? nunquid luna ultra quam solet procedit? maria non crescunt: mundus eundem habitum ac modum seruat. Ex tollere se, quæ iustam magnitudinem impleuerit, non possunt. Quicumque fuerint sapientes pares erunt & æquales: habebit unusquisque ex his proprias dotes: alius erit affabilior, alius expeditior, alius promptior in eloquendo, alius facundior: illud de quo agitur, quod beatum facit, æquale erit in omnibus. An Ætna tua possit sub labij, & in se ruere, an hoc excelsum caecum & conspicuum per vasti maris spatia detrahat assidua vis ignium nescio: virtutem non flamma non ruina inferius adducet. Hæc vni maiestas deprimi nescit, nec proferri ultra, nec referri potest. Sic huius, ut celestium flata magnitudo est. Ad hæc nos conemur educere: iam multo operis effectum est, imo si verum fateri volo non multum. Nec enim bonitas est, pessimum esse meliorem. Quis oculis gloriatur, qui suspiciuntur diem, quibus sol per caliginem splendet? licet contentus interim sit effugisse tenebras, adhuc non fruitur bono lucis. Tunc animus noster habebit quod gratuletur sibi, cum emissus his tenebris, in quibus volutatur, non tamen visu clarâ prospexit, sed tamen diem

admisserit, & redditus cælo suo fuerit, cum receperit locum, quem occupauit forte nascendi. Sursum vocant illum initia sua: erit autem illic etiam antequam hac custodia exsoluatur, cum vitia disiecerit, purusque ac leuis in cogitationes diuinas emicuerit. Hoc nos oportet agere Lucili carissime, in hoc ire imperu toto, licet pauci sciant, dicer nemo videat. Gloria, umbra virtutis est: etiam inuiuos comitabitur. Sed quemadmodum aliquando umbra antecedit, aliquando sequitur: ita gloria aliquando ante nos est, visendamque se præbet, aliquando in auerso est, maiorque quo serior, ubi inuidia secessit. Quamdiu videbatur furere Democritus? vix recepit Socratem fama. Quamdiu Catonem ciuitas ignorauit? respuit: nec intellexit nisi cum perdidit. Rutilij innocentia ac virtus lateret, nisi accedisset iniuria: dum violatur, effulsit. Numquid non fortis suæ gratias egit, & exsilium suum complexus est? De his loquor, quos illustrauit fortuna, dū vexat: quam multorum profectus in notitiam euasere, post ipsos? quam multos fama non excepit, se eruit? Vides Epicurum, quanto potius non tantum eruditiores, sed hæc quoque imperitorum turba miretur. Hic ignotus ipsis Athenis fuit, circa quas delituerat. Multis itaque iam annis Metrodoro suo superstes, in quadam epistola, cum amicitiam suam & Metrodori, gratia commemoratione cecinisset, hoc nouissime adiecit. Nihil sibi & Metrodoro inter bona tanta nocuisse, quod ipsos illa nobilis Græciæ non ignotos solum habuisset, sed pæne inauditos. Numquid ergo non postea, quam esse desiderat inuentus est: numquid non opinio eius emiguit? Hoc Metrodorus quoque in quadam

dam epistola confitetur, se & Epicurum non
 satis eminuisse: sed post, se & Epicurum, ma-
 gnum paratumque nomen habituros, apud eos
 qui voluissent per eadem ire vestigia. Nulla
 virtus latet: & latuisse, non ipsius est damnum.
 Veniet qui conditam, & sæculi sui malignitatem
 compressam, dies publicet. Paucis natus est
 qui populum ætatis suæ cogitat. Multa annorum
 millia, multa populorum superuenientia
 ad illa respice; etiam si omnibus tecum viue-
 tibus silentium liuor indixerit, venient qui si
 offensa sine gratia iudicent. Si quod est pro-
 pteritium virtutis ex fama, nec hoc interit. Ad
 quidem nihil pertinebit posterorum sermo;
 nomen etiam non sentientes colet, ac frequen-
 bit. Nulli non virtus, & viuo, & mortuo, re-
 tulit gratiam; si modo illam bona secutus est
 de, si se non exornauit & pinxit, sed idem fu-
 siue ex denunciato videbatur, siue imparatus
 subito. Nihil simulatio profici; paucis imp-
 nit leuiter extrinsecus inducta facies; veritas
 omnem partem sui semper eadem est. Qui
 decipiunt, nihil habent solidi. Tenuē est mo-
 daçium; perlucet, si diligenter inspexeris.

EPIST. LXXX.

*Vulgus at spectaculum & ad stadium, sese
 studium & animum iuisse. Hunc cole-
 dum, non corpus: & facile id esse, si Ro-
 velis. Ac libertatem eundum; quod sit spi-
 ris calcatisque cupidinibus. In eo veram
 licitatem, non externo splendore esse.*

Hodierno die non tantum meo benefi-
 mihi vaco, sed spectaculi, quod omni-
 molestos ad spheromachiam auocauit. Nec
 it-

irrupit, nemo cogitationem meam impendit: quæ hac ipsa fiducia procedit audacius. Non crepuit subinde ostium, non alleuabatur velum: licebit vni vadere, quod magis necessarium est per se eunti, & suam sequenti viam. Non ergo sequor priores? facio: sed permitto mihi & inuenire aliquid, & mutare, & relinquere. Non seruo illis, sed assentior: magnum tamen verbum dixi, qui mihi silentium promittebam, & sine interpellatione secretum: ecce ingens clamor ex stadio profertur, & me non excutit mihi, sed in huius ipsius rei contentionem transfert. Cogito mecum, quàm multi corpora exerceant, quàm ingenia pauci: quamuis ad spectaculum non fidele, & lusorium fiat concursus, quanta sit circa artes bonas solitudo; quam imbecilli animo sint, quorum lacertos, humerosque miramur: Illud maxime reuoluo inecum: si corpus perducì, exercitatione ad hanc patientiam potest, qua & pugnòs pariter, & calces non vnus hominis ferat qua Solem ardentissimum in feruentissimo puluere sustinens aliquis, & sanguine suo madens diem ducat: quanto facilius animus corroborari possit, vt fortunæ ictus inuictus excipiat, vt proiectus, vt conculcatus exsurgat? Corpus enim multis eget rebus, valeat: animus ex se crescit, se ipse alit, se exercet. Illi multo cibo, multa portione opus est multo oleo; longa denique opera tibi continget virtus sine apparatu, sine impensa. Quidquid facere te potest bonum, tecum est. Quid tibi opus est, vt sis bonus? velle. Quid autem melius potes velle, quàm eripere te huic seruituti, quæ omnes premit, quam mancipia quoque conditionis extremæ, & in his sordibus nata, omni modo exuere conantur? peculium suum,

quod comparauerunt ventre fraudato pro capite
 numerant: tu non concupisces quancumque
 ad libertatem peruenire, qui te putas in illa na-
 tum? Quid ad arcam tuam respicis: enim non
 potest. Itaque in tabellas vnum conijcitur nomē
 libertatis: quam nec qui emerunt habent, nec
 qui vendiderunt. Tibi des oportet istud bonum;
 à te petas. Libera te primum metum mortis,
 illa nobis primum iugum imponit: deinde me-
 tu paupertatis. Si vis scire quam nihil in illa
 mali sit compara inter se pauperum & diuitum
 vultus. Sapius pauper & fidelius ridet: nulla
 sollicitudo in alto est: etiam si qua incidit cura,
 velut nubes leuis transiit. Horum qui felices
 vocantur, hilaritas ficta est, aut grauis & sup-
 purata tristitia: & quidem grauior, quia inter-
 dum non licet palam esse miseros: sed inter
 ærumnas cor ipsum exedentes, necesse est age-
 re felicem. Sapius hoc exemplo mihi vtendum
 est: nec enim vllō efficacius exprimitur hic hu-
 manæ vitæ minus, qui nobis partes has, quas
 male agamus, assignat. Ille qui scena elatus
 incedit, & hæc resupinus dicit.

*En impero Argis; regna mihi liquit Pelops,
 Qua Ponto ab Helle atque ab Ionio marā
 Urgetur Isthmos:*

seruus est, quinque modios accipit, & quin-
 que denarios. Ille qui superbus, atque impo-
 tens, & fiducia virium tumidus ait,
Quod nisi quieris Menelæ, hac dextra occides?
 diuinum accipit, in centunculo dormit. Idem
 de istis licet omnibus dicas, quos supra capita
 hominum, supraque turbam delicatos læstica
 suspendit: omnium istorum personata felicitas
 est. Contemnes illos si despoliaueris. Equum
 emptum, solui iubes stratum, detrahis vesti-

men-

menta venalibus, ne qua vitia corporis lateant: hominem inuolutum æstimas? Mangones, quidquid est quod displiceat, aliquo lenocinio abscondunt. Itaque e mentibus ornamenta ipsa suspecta sunt; siue crus alligatum; siue brachium adspiceres, nudari iuberet, & ipsum tibi corpus ostendi. Vides illum Scythiæ Sarmatiæue regem, insigni capitis decorum: si visillum æstimare, totumque scire qualis sit falciæ folio: multum mali sub illa latet. Quid de alijs loquor: si perpendere te voles, sepone pecuniam, domum; dignitatem: intus te ipse considera. Nunc quali sis alijs credis.

EPIST. LXXXI.

De homine ingrato exordium; tum questio, An grati esse debeamus aduersus eum, qui ante iunxit, post nocuit: Subtiliter & diffuse hoc disputat, & varie distinguit.

Quereris incidisse te in hominem ingratum. Si hoc nunc primum, age aut fortunę, aut diligentiaę tuę gratis. Sed nihil facere hoc loco diligentia potest, nisi te malignum. Nam si hoc periculum vitare volueris, non dabis beneficia: ita ne apud alium pereant, apud te peribunt. Non respondent potius, quam non dentur, & post malam segetem ferendum est. Sæpe quidquid perierat assidua infelicis soli sterilitate, vnius anni restituit vbertas. Est tanti, vt gratum inuenias, experiri & ingratos. Nemo habet tam certam in beneficijs manum, vt non sæpe fallatur; aberrant, vt aliquando hæreant. Post naufragium maria tentantur: feneratorum non fugat à foro decoctor. Cito inter

ti otio vita torpebit, si relinquendum est quid
 quid offendit. Te verò benigniorem hæc ipsa res
 faciat: nam cuius rei euentus iaceret est, id, ut
 aliquando procedat, læpe tentandum est. Sed de
 isto satis multa in ijs libris locuti sumus qui de
 Beneficijs inscribuntur: illud magis quærendum
 videtur, quòd non satis (ut existimo) explicatum
 est: An is qui profuit nobis, si postea nocuit,
 paria fecerit, & nos debito soluerit? Adijce si
 vis & illud: Multo plus postea nocuit, quàm an-
 te profuerat. Si rectam illam rigidi iudicis sen-
 tentiam quæris, alterum ab altero absoluet, &
 dicet: Quamuis iniuria præponderet, tamen
 beneficijs donetur, quòd ex iniuria superest.
 Plus nocuit? sed prius profuit: itaque habeatur
 & temporis ratio. Iam illa manifestiora sunt:
 quàm ut admoneri debeas, quærendum esse,
 quàm libenter profuerit, quàm inuitus nocue-
 rit; quoniam animo & beneficia & iniuria con-
 stant. Nolui beneficium dare; victus sum aut
 verecundia, aut instantis pertinacia, aut spe. Eo
 animo quidque debetur, quòd datur: nec quan-
 tum sit, sed à quali profectum voluntate, per-
 penditur. Nunc coniectura tollatur. Et illud
 beneficium fuit, & hoc quòd modum beneficij
 prioris excessit, iniuria est. Vir bonus utrosque
 calculos sic ponit, ut se ipse circumscribat: be-
 neficio adijcit, iniuriæ demit. Ille alter remis-
 sior iudex, quem esse me malo, iniuriæ obliui-
 sci, debet, officij meminisse. Hoc certè, in-
 quit, iustitiæ convenit, suum cuique reddere,
 beneficio gratiam, iniuriæ rationem, aut certe
 malam gratiam. Verùm erit istud, cum alius
 iniuriam fecerit, alius beneficium dederit: nam
 si idem est, beneficio vis iniuriæ estingui-
 tur. Nam cui, etiam si merita non antecessis-
 sent

sent oportebat ignosci, post beneficia lædenti plus quam venia debetur. Non pono utrique par pretium: pluris æstimo beneficium, quam iniuria. Non omnes debere sciunt grati beneficium. Potest etiam imprudens, & rudis, & vnus è turba; utique dum propè est ab accepto, red- dere beneficium, & pensare, ignorat autem quantum debeat. Vni sapienti notum est, quan- ti res quæque taxanda sit. Nam ille de quo lo- quebar modo, stultus, etiam si bonæ volunta- tis est, aut minus quam debet, aut tempore, aut quo non debet loco, reddit: id quòd. refe- rendum est, effundit atque abiicit. Mira in qui- busdam rebus verborum proprietas est: & con- suetudo sermonis antiqui quædam efficacissimis, & officia docentibus notis signat. Sic terrè so- lemus loqui: ille illi gratiam retulit. Referre, est vltro quòd debeas afferre. Non dicimus, Graciam reddidit. Reddunt enim, & qui re- poscuntur, & qui inuiti, & qui vbilibet, & qui per alium. Non dicimus, Reposuit beneficium, aut soluit: nullum enim nobis placuit, quòd æri alieno conuenit, verbum. Referte, est ad eum à quo acceperis, ferre. Hæc vox significat vo- luntariam relationem. Qui retulit, ipse se ap- pellauit. Sapiens omnia examinabit secum: quanto acceperit, à quo, quando, vbi, quem- admodum. Itaque negamus, quemquam scire gratiam referre, nisi sapientem: non magis quàm beneficium dare quisquam scit, nisi sapiens: hic scilicet, qui magis dato gaudet, quam alius accepto. Hoc aliquis inter illa numerat, quæ videmur inopinata omnibus dicere. *παρὰ δόξαν* Græci vocant; & ait, Nemo ergo scit præter sapientem referre gratiam? ergo nec quòd de- bet creditori suo reponere qui sciam scit alius?

nec cum emit aliquam rem, præcium venditori
 persolvere? Sed ne nobis fiat invidia, scito idem
 dicere Epicurum Metrodorus certè ait, Solum
 sapientem referre gratiam scire. Deinde idem
 admiratur, cum dicimus, Solus sapiens scit
 amare, solus sapiens amicus est. Atqui & amo-
 ris, & amicitiae pars est, referre gratiam: imo hoc
 magis vulgare est; & in plures cadit, quàm ve-
 ra amicitia. Deinde idem admiratur, quòd di-
 cimus fidem nisi in sapiente non esse: tanquam
 non ipse idem dicat. An tibi videtur fidem ha-
 bere, qui referre gratiam nescit? Desinant ita-
 que infamare nos, tanquam incredibilia iactan-
 tes: & sciant apud sapientem esse ipsa honesta,
 apud vulgum simulacra rerum honestarum, &
 effigies. Nemo referre gratiam scit nisi sapiens.
 Stultus quoque vtrumque scit, & quemadmo-
 dum potest, referat: scientia illi potius, quàm
 voluntas desit. Velle non discitur. Sapiens in-
 ter se omnia comparabit: maius eius opus, aut
 minus fit (quamvis idem sit) tempore, loco,
 causa. Sæpe enim hoc non potuere diuitiae in-
 domum infusæ, quòd opportunè dati mille de-
 narij. Multum enim interest, donaueris, an
 succurreris: seruauerit illum tua liberalitas, an
 instruxerit. Sæpe quòd datur, exiguum est: quòd
 sequitur ex eo, magnum. Quantum autem exi-
 stimas interesse, vtrum aliquis de arca quòd
 præstaret, sumpserit, an beneficium acceperit,
 vt daret? Sed ne in eadem, quæ satis scrutati su-
 mus reuoluamur, in hac comparatione beneficij
 & iniuriæ, vir bonus iudicabit quidem quòd erit
 æquissimum: sed beneficio fauebit, in hanc erit
 partem procliuior. Plurimum autem momenti
 persona solet asserre in rebus eiusmodi. Dedisti
 mihi beneficium in senio, iniuriam fecisti in
 parte

parte : seruasti mihi filium : sed partem abstulisti . Alia deinceps, per quæ procedit omnis collatio, prosequetur : & si pusillum erit quod inter sit, dissimulabit . Etiam si multum fuerit, si id donati salua pietate, ac fide poterit, remittet : id est, si ad ipsum tota pertinebit iniuria . Summa rei hæc est : facilis erit in commutando : patietur plus imputari sibi : inuitus beneficium per compensationem iniuriæ soluet : in hanc partem inclinabit, huc verget, vt cupiat debere gratiam, cupiat referre . Errat enim, si quis beneficium libentius accipit, quàm reddit . Quanto hilarior est qui soluit, quàm qui mutatur : tanto debet lætior esse, qui se maximo ære alieno accepti beneficij exonerat, quàm qui accipiens cum maxime obligatur . Nam in hoc quoque falluntur ingrati, quod creditori quidem, præter sortem, extra ordinem numerant : beneficiorum autem vsum esse gratuitum putant . Et illa crescunt morsa : tantoque plus soluendum est, quanto tardius . Ingratus est, qui beneficium reddit sine vsura . Itaque huius quoque rei habebitur ratio, cum conferentur accepta, & expensa . Omnia facienda sunt, vt quàm gratissimi simus : nostrum enim hoc bonum : quemadmodum iustitia non est, vt vulgo creditur, ad alios pertinens, maxima pars eius in se redit . Nemo non cum alteri prodest, sibi profuit . Non eo nomine dico, quod volet adiungere adiutus, protegere defensus, quod bonum exemplum circuitu ad facientem reuertitur : sicut mala exempla recidunt in auctores, nec vlla misratio contingit his, qui patiuntur iniurias quas posse fieri, faciendo docuerunt : sed quod virtutum omnium pretium in ipsis est . Non enim exercentur ad

præmium : recte facti, fecisse merces est. Gratus sum ; non ut alius mihi libentius præstet , prior irritatus exemplo ; sed ut rem iucundissimam ac pulcherrimam faciam . Gratus sum ; non quia expedit , sed quia iuuat . Hoc ut scis ita esse , si gratum esse non licebit , nisi ut videar ingratus , si reddere beneficium non aliter quam per speciem iniuriæ potero ; æquissimo animo ad honestum consilium , per mediam infamiam ; tendam . Nemo mihi videtur pluris æstimare virtutem , nemo illi magis esse deuotus , quàm qui boni viri famam perdidit , ne conscientiam perderet . Itaque ut dixi , maiore tuo , quàm alterius bono , gratus es . Illi enim vulgaris & quotidiana res contigit , recipere quod dederat : tibi magna , & ex beatissime animi statu profecta , gratum fuisse . Nam si malitia miseros facit , virtus beatos , gratum autem esse virtus est ; rem vsitatam reddidisti , inæstimabilem consecutus es , conscientiam grati : quæ nisi in animum diuinum , fortunatumque non peruenit . In contrarium autem huic affectum , summa infelicitas vrget . Nemo , si ingratus est , non miser erit ; non dissero illum , statim miser est . Itaque ingrati esse vitemus , non aliena causa , sed nostra . Minimum ex nequitia leuissimumque ad alio redundat ; quos pessimum ex illa est , & (ut ita dicam) spississimum , domi remanet , & premit habentem quemadmodum Attalus noster dicere solebat . Malitia ipsa maximam partem veneni sui bibit . Illud venenum , quod serpentes in alienam perniciem proferunt , sine sua continent , non est huic simile ; hoc , habentibus pessimum est . Torquet ingratus se , & macerat : odit quæ accepit , quia redditurus est , & extenuat ; iniurias vero di-

latat atque augēt. Quid autem eo miserius, cui beneficia excidunt, hærent iniuriæ; At contra sapientia exornat omne beneficium, ac si ipsa commendat, & se assidua eius commemoratio-
ne delectat. Malis vna voluptas est, & hæc bre-
uis, dum accipiunt beneficia: ex quibus sapi-
enti longum gaudium manet, ac perenne. Non
enim illum accipere, sed accepisse delectat:
quod immortale est, & ædum. Illa contem-
nit, quibus læsus est: nec obliuiscitur per ne-
gligentiam, sed volens. Non vertit omnia in
peius: sed nec quærit cui imputet casum, & pec-
cata hominum ad fortunam potius refert. Non
calumniatus verba, nec vultus: quidquid acci-
dit, benigne interpretando leuat: nec offensæ
potius, quam beneficii meminit. Quantum
potest, in priore ac meliore se memoria deti-
net; nec mutat animum aduersus bene meritos,
nisi multum malefacta præcedant, & manife-
stum etiam conuiuenti discrimen est, tunc quo-
que in hoc duntaxat, vt talis sit post maiorem
iniuriam, qualis ante beneficium. Nam cum
beneficio par est iniuria, aliquid in animo bene-
uolentiæ remanet. Quemadmodum reus sen-
tentijs paribus absoluitur, & semper quidquid
dubium est, humanitas inclinatur in melius: sic
animus sapientis, vbi paria maleficijs merita
sunt, desinet quidem debere, sed non desineat
velle debere: & hoc facit, quod qui post tabulas
nouas soluunt. Nemo autem gratus esse potest
nisi contempseris ista, propter quæ vulgus infan-
nit. Si referre vis gratiam; & exsilium eun-
dum est, & effundendos sanguis, & suspicienda
egestas, & ipsa innocentia sæpe maculanda, indi-
gniisque obijcienda ruboribus. Non paruo si-
bi constat homo gratus. Nihil carius aestima-

mus, quam beneficium, quamdiu petimus: nihil
vilius, cum accepimus. Quæris quid sit, quod
obliuionem acceptorum nobis faciat: cupiditas
accipiendorum: cogitamus non quid impe-
tratum, sed quid impetrandum sit. Abstrahunt
à recto diuitiæ, honores, potentia, & cetera, quæ
opinionem nostra cara sunt, pretio suo vilia. Ne-
scimus æstimare res: de quibus non cum fama,
sed cum rerum natura deliberandum est. Ni-
hil habet ista magnificum, quo mentes in se
nostra strahant, præter hoc, quod mirari illa
consueuimus. Non enim quia concupiscenda
sunt laudantur; sed concupiscuntur quia lau-
data sunt: & cum singulorum error publicum
fecerit, singulorum errorem facit publicus.
Sed quemadmodum illa credimus, sit & in hoc
fidei populi credeamus, nihil esse grato animo
honestius. Omnes hoc vrbes, omnes etiam ex
barbaris regionibus gentes conelamabunt: in
hoc bonis malisque conueniet. Erunt qui vo-
luptates laudent, erunt qui labores malint;
erunt qui dolorem maximum malum dicant,
erunt qui ne malum quidem appellent diuitias
aliquis ad summum bonum admitte, alius illas
dicet humanæ malo vitæ repertas: nihil esse eo
lo cupletius, cui quod donet fortuna non inue-
nit. In tanta iudiciorum diuersitate, referen-
dam bene merentibus gratiam omnes vno tibi
quod aiunt, ore affirmabunt, in hoc tam discors
turba consentiet, cum interim iniurias pro be-
neficijs reddimus. Et prima causa, est cur quis
ingratus sit, si satis gratus esse non potuit. Ego
perductus est furor, vt periculosissima res sit, be-
neficia in aliquem magna conferre: nam quia
putat turpe, non reddere, non vult esse, cui red-
dat. Tibi habe, quod accepisti: non repeto, non

exige; profuisse tuum sit. Nullum est odium perniciosius, quàm ex beneficij violati pudore.

EPIST. LXXXII.

Contra delicias, & mollem vitam; itemque otium ignaum: studiis id dedicandum esse & præsertim Philosophia, quæ muniat contra metus, & externa omnia mala, contra ipsam mortem. Frustra in hanc nos argutiis, aut Sophismatibus armari; & obiter contra facientes. Mortem per se indifferentem esse, secularem, aut talem, honestam: & contra. Iterumque contra cavillatores. Bona.

Desi iam de te esse solicius. Quem, inquis, deorum sponsores accepisti: eum scilicet, qui neminem fallit, animum recti, ac boni amatorem. In tuto pars tui melior est: potest fortuna tibi iniuriam facere; quod ad rem magis pertinet, non timeo ne tu facias tibi. In qua cæpisti: & in isto te vitæ habitu compone, placide, non molliter. Male tibi esse malo, quàm molliter. Hoc sic exiipe, quemadmodum à populo solet dici, dure, asperè, laboriosè. Audire solemus sic quorundam vitam laudari, quibus invidetur. Molliter vivit: hoc dicunt, mollis est. Paullatim enim effeminatur animus, atque in similitudinem otij sui, & pigritie in qua iacet, soluitur. Quid ergo? viro non vel obrigescere satius est: Deinde delicati timeant mortem, cui vitam suam fecere similem. Multum interest inter otium, & conditium. Quid ergo, inquis, non satius est vel sic iacere, quàm istis officiorum vorticibus volutari? Utraque res lethalis est, & contractio & torpor. Puto, æque qui in odoribus iacet mortuus est, quam quia ra-

pitur vnco . Otium sine litteris mors est , & hō-
mini viui sepultura .^a Quid denique prodest
secessisse , tanquam non trans maria nos solici-
tudinum causæ persequatur ? Quæ latebra est ,
inquam non intret metus mortis ? quæ tam
munita , & in altum subducta vitæ , quies , quàm
non dolor terret ? Quocumque te abdideris ,
mala humana circumstrepent . Multa extra
sunt , quæ circumeunt hos , quo aut fallant , aut
vrgeant : multa intus , quæ etiam in media soli-
tudine exæstuant . Philosophia circumdanda
est , inexpugnabilis murus , quem fortuna mul-
tis machinis lacessitum non traxit . In insupe-
rabili loco stat animus , qui externa deseruit , &
arce se sua vindicat : infra illum omne telum
cadit . Non habet , vt putamus , fortuna longas
manus : neminem occupat , nisi hærentem sibi .
Itaq; quantum possumus , ab illa resiliamus : quod
sola præstabit sui naturæque cognitio . Scit quo-
murus sit , vnde ortus : quod illi bonum , quod
malum sit : quid perat , quid deuitet : quæ sit illa
ratio , quæ appetenda ac fugienda discernat ,
qua cupiditatum mansuescit insania , timorum
seuitia compescitur . Hæc quidam putant ip-
sos etiam sine philosophia repressisse : sed
cùm securus aliquis casus expertus est , expri-
mitur fera confessio . Magna verba excidunt ,
cùm tortor poposcit manum , cùm mors propius
accessit . Possis illi vicere : Facile prouocabas
mala absentia : ecce dolor , quem tolerabilem esse
dicebas : ecce mors , quam contra multa animo-
se locutus es : sonant flagella , gladius micat :
Nunc animis opus Aenea , nunc pectore firmo .
Faciet autem illud firmum assidua meditatio :
si non verba exercueris , sed animum : contra
mortem te præparaueris ; aduersus quàm non

exhortatur, nec attollet, qui cauillationibus tibi persuadere tentauerit, mortem malum non esse. Libet enim, Lucili virorum optime, ridere ineptias Græcas, quas nondum; quamuis mirer, excussit. Zeno noster, hac collectione utitur: Nullum malum gloriosum est: mors autem gloriosa est: mors ergo non est malum. Profecisti, liberatus sum metu: post hæc non, dubitabo porrigere ceruicem. Non vis seuerius loqui, nec morituro risum mouere? Non me hercule faeile tibi dixerim, virum ineptior fuerit, qui se hac interrogatione iudicauit mortis metum extinguere: an qui hoc tanquam ac rem pertineret, conatus est soluere. Nam & ipse interrogationem contrariam opposuit, ex eo natam, quod mortem inter indifferentia ponimus, quæ *ἀδιαφορά*, Græci vocant. Nihil, inquit, indifferens gloriosum est: mors autem gloriosum est: ergo mors non indifferens! Hæc interrogatio vides vbi obrepas, mors non est gloriosa, sed fortiter mori gloriosum est: & cum dicit, Indifferens nihil gloriosum est: concedo tibi ita, vt dicam, nihil gloriosum esse, nisi circa indifferentia: tanquam indifferentia esse dico, id est, nec bona, nec mala; morbum, dolorem; paupertatem, exilium, mortem; nihil horum per se gloriosum est, nihil tamen siue his. Laudatur enim non paupertas, sed is quem non submittit, nec incuruat: laudatur non exilium, sed qui hoc non doluit: laudatur non dolor, sed ille quem nihil coegit dolor. Nemo mortem laudat, sed eum cui mors ante abstulit animum, quam conturbauit. Omnia, ista per se non sunt honesta, non gloriosa sed quidquid virtus ex illis adiit, tractauitque, honestum & gloriolum facit. Illa in medio posita sunt:

sum: interest, utrum malitia illis an virtus manum admouerit. Mors enim illa, quæ in Catone gloriosa est, in Bruto statim turpis est & erubescenda. Hic est enim Brutus, qui cum periturus mortis moras quæreret id exonerandum ventrem secessit, & euocatus ad mortem, iussusque præbere ceruicem: Præbebo, inquit, ita viuiam. Quæ dementia est fugere, cum retro ire non possis? Præbebo, inquit, ita viuiam: pænè adiecit, vel sub Antonio. O hominem dignum, qui vitæ dederetur; Sed, ut ceperam dicere, vides ipsam mortem nec malum esse, nec bonum. Cato illa honestissime usus est, turpissime Brutus. Omnis res, quod non habuit decus, virtute addita sumit. Cubiculum lucidum ducimus: hoc idem obscurissimum est nocte: dies illi lucem infundit, nox eripit. Sic istis quæ à nobis indifferentia ac media dicuntur, diuitijs, vixibus, formæ, honoribus, regno: & contra, moti, exilio, malæ valetudini, doloribus, quæque alia aut minus aut magis pertinuimus: aut malicia, aut virtus dat boni vel mali nomen. Massa per se nec calida, nec frigida est; in fornacem coniecta concaluit; in aquam remissa refriguit. Mors honesta est, per illud quod honestum est: id est virtus, & animus externa contemnens. Est & horum, Lucili, quæ appellamus Media, grande scrimen. Non enim sic mors indifferens quomodo utrum capillos pares habeas, nec ne: mors inter illa est, quæ mala quidem non sunt, tamen habent mali speciem. Sui amor est, & permanendi conseruandique se insita voluntas, atque aspernatio dissolutionis quia videtur multa nobis bona eripere, & nos ex hac cui assueuimus rerum copia educere. Il-

la quoque res morti nos alienat, quod hæc iam nouimus: illa ad quæ transituri sumus, nescimus qualia sint, & horremus ignota. Naturalis præterea tenebrarum metus est, in quas adductura mors creditur. Itaque etiamsi indifferens mors, non tamen inter ea est quæ facile negligi possint: magna exercitatione durandus est animus, vt conspectum eius accessumque patiatur. Mors contemni debet magis, quam solet: multa enim de illa credimus: multorum ingenijs certatum est, ad augendam eius infamiam. Descriptus est carcer infernus, & perpetua nocte oppressa regio, in qua ingens ianthor Orci.

Ossa super recubans atro semesa cruento.

Aeternum latrans ex sanguine territat umbras.

sed etiam cum persuaseris istas fabulas esse, nec quidquam defunctus superesse quod timeant, subit alius metus. Æque enim timent, ne apud inferos sint, quam ne nusquam. His aduersantibus, quæ nobis effudit longa persuasio fortiter pati mortem, quid ni gloriosum sit, & inter maxima opera mentis humanæ; quæ nunquam ad virtutem exsurgat, si mortem malum esse crediderit: exsurgat, si putabit indifferens esse. Non recipit rerum natura, vt aliquis magno animo accedat ad id quod malum iudicat: pigre veniet, & cunctanter: non est autem gloriosum, quod ab inuito & tergiuerfante fit: nihil facit virtus, quia necesse est. Adijce nunc, quod nihil honeste sit, nisi cui totus animus incubit, atque affuit, cui nulla parte sui repugnauit. Vbi autem ad malum acceditur, aut peiorum metu, aut spe bonorum, ad quæ peruenire tanti sit, deuorata vnius mali patientia diffident inter se iudicia facientis. Hinc est, quod iubeas
pro-

proposita perficere : illinc quod retrahat , & ad resuspecta ac periculosa fuget . Igitur in diuersa destrahitur . Si hoc est , perit gloria . Virtus enim concordi animo decreta peragit : non timet quod facit .

*Tu ne cede malis , sed contra audentior ita
Quam tua te Fortuna sinet .*

Non ibis audentior , si mala illa esse credideris . Eximendum hoc è pectore est : alioquin hesitabit impetum moratura suspicio trudetur in id , quod inuadendum est , nostri quidem videri volunt Zenonis interrogationem veram esse , fallacem autem alteram , & falsam , quæ illi opponitur . Ego non tedio ista ad legem Dialecticam , & ad illos artificij veteranosissimi nodos : totum genus istud exturbandum iudico , quo circumscribi se qui interrogatur , existimat , & ad confessionem perductus , aliud responderet , aliud putat . Pro veritate simplicius agendum est : contra metum fortius . Hæc ipsa quæ voluntur ab illis , soluere malim & expandere , vt persuadeam , non vt imponam . In aciem educaturus exercitum , pro coniugibus ac liberis mortem obiturum , quomodo exhortabitur ? Describi Fabios , totum Reip. bellum in vnâ transferentes domum . Laconas tibi ostendo , in ipsis Thermopylarum angustiis positos , nec victoriam sperant , nec reditum , ille locus illis sepulcrum futurus est . Quemadmodum exhortaris , vt totius gentis ruina , obiectis corporibus excipiant , & vita potius quàm loco cedant ? Dices , quod malum est , gloriosum non est : mors gloriosa est ; mors ergo non malum ? O efficacem concionem ? Quis post hanc dubitet se infestis ingerere mucronibus , & stans moris ? At ille Leonidas quàm fortiter illos allocutus est :

est? Sic, inquit, commilitones prandete, tanquam apud inferos cœnaturi. Non in ore creuit cibus, non hæsit in fauceibus, non elapsus est manibus: alacres illi, & ad prandium promiscunt, & ad cœnam. Quid dux ille Romanus, qui ad occupandum locum milites missos, cum per ingentem hostium exercitum ituri essent, sic allocutus est: Ire commilitones illo necesse est; vnde redire non est necesse. Vides quam simplex, & imperiosa virtus sit. Quem mortuum circumscriptiones vestræ fortiolem facere, quem erectiolem possunt: Frangunt animum: qui nunquam minus contrahendus est, & in minuta, ac spinosa cogendus, quam cum aliquid grande componitur. Non trecentis, sed omnibus mortalibus mortis timor detrahi debet: quomodo illos docebis malum non esse: quomodo opinionem totius æui, quibus protinus infantia imbuitur, euincas: quod auxilium inuenies? Quid dices imbecillitati humanæ? quid dices quo inflammati in media pericula irruant? qua oratione hunc timendi consensum, quibus ingenij viribus obnixam contra te persuasionem humani generis auertes? verba mihi captiosa componis, & interrogatiunculas nectis. Magnis telis magnâ portenta feriuntur. Serpentem illam Africam saeuam, & Romanis legionibus bello ipso terribiliorem, frustra sagittis, fundisq; petierunt. Ne pilo quidem vulnerabilis erat, cum ingens magnitudo pro vastitate corporis solida, ferrum, & quidquid humanæ torserant manus, reijceret: molaribus demum fracta saxa sunt. Et aduersus mortem tutam minuta iucularis: subula leonem excipis; Acuta sunt ista, quæ dicis, Nihil est acutius aristia; quædam inutilia, & inefficacia ipsa subtilitas reddit.

EPI.

EPIST. LXXXIII.

Vinendum, ut coram Deo inspectore & arbitro. Adiungit de sua tunc vita, temperantia, vigilantia. Iterum (ut priore epistola) contra μικρολόγους & qui minutis sermonibus aut cauillis Sapientiam eneruant. Dacet ab ipso Zenone, contra Ebrietatem differente. At qui fortis, clariusque agendum: & exemplum præbet, & vitium illud damnat. Bona.

Singulos dies tibi meos, & quidem totos, indicari iubes. Benè de me iudicas, si nihil esse in illis putas, quòd abscondam, Sic certè vivendum est, tamquam in conspectu viuamus: sic cogitandum, tamquam aliquis in pectus intimum inspicere possit: & potest. Quid enim prodest ab homine aliquid esse secretum? nihil Deo clusum est. Interest animis nostris, & cogitationibus medijs interuenit. Sic interuenit dico, tanquam aliquando discedat. Faciam ergo quòd iubes, & quid agam, & quo ordine, libenter tibi scribum: obseruabo me protinus: & quod est utilissimum, diem meum recognoscam. Hoc nos pessimos facit, quòd nemo vitam suam respicit. Quid, facturi simus, cogitamus, & id raro: quid fecerimus, non cogitamus, atqui consiliorum futuri ex præterito venit. Hodie tantus dies solidus est, nemo ex illo quidquam mihi eripuit, totus inter stratum lectionemque diuisus est. Minimum exercitationi corporis datū: & hoc non nomine ago gratias senectuti: magno mihi constat: cum me moui, lassus sum. Hic autem exercitationis, etiam fortissimis, finis est: Progymnastas quæris? vnus mihi

sufficit.

sufficit Earinus, puer (ut scis) amabilis: sed mu-
 tabitur. Iam aliquem teneriorem quæro.
 Hic quidem ait, nos eandem crismam
 habere, quia utrique dentes cadant: sed iam vix
 illum assequor currentem, & intra paucissimos
 dies non potero, vide quid exercitatio quotidia-
 na proficiat. Cito magnum interuallum fit, in-
 ter duos itinere diuerso euntes: eodem tempo-
 re ille ascendit: ego descendo, nec ignoras, quan-
 to ex his velocius alterum fiat. Mentitus sum,
 iam enim ætas nostra non descendit, sed cadit.
 Quomodo tamen hodiernum certamen nobis
 cesseris, quæris? quod rare cursoribus euenit,
 hic ran fecimus. Ab hac fatigatione magis, quàm
 exercitatione, in frigidam descendi hoc apud
 me vocatur parum calda. Ille tantus Psychro-
 lutes, qui Kalendis Ianuarijs in Euripum salta-
 bam, qui anno nouo, quemadmodum legere,
 scribere, dicere aliquid, sic auspicabar in Virgi-
 nem desilire, primum ad Tiberim transtuli ca-
 stra: deinde ad hoc solium, quod cum fortissi-
 mus sum, & omnia bona fide fiunt, sol tempe-
 rat: non multum mihi ad balneum superest.
 Panis deinde siccus, & sine mensa prandium:
 post quod non sunt lauandæ manus. Dormio
 minimum, consuetudinem meam nostis, breui-
 uissimo somno utor, & quasi interiungo. Satis
 est mihi, vigilare desisse aliquando dormisse
 me scio, aliquando suspicor. Ecce Circensium
 obstrepit clamor: subita aliqua & vniuersa voce
 feriuntur aures meæ, nec cogitationem meam
 excutiunt, nec interrompunt quidem. Fremi-
 tum patientissime fero: multæ voces, & in vnum
 confusæ, pro fluctu mihi sunt; aut vento sil-
 uam verberante, & ceteris sine intellectu so-
 nantibus. Quid ergo est! nunc cui animum ad-

cerim, dicam. Superest ex hesterno mihi cogitatio, quid sibi voluerint prudentissimi viri, qui rerum maximarum probationes leuissimas, & perplexas fecerunt: quæ ut sint veræ, mendacio tamen similes sunt. Vult nos ebrietate deterere Zeno, vir maximus, huius sectæ fortissimæ ac sanctissimæ conditor. Audi ergo, quemadmodum colligat, virum bonum non futurum ebrium. Ebrio secretum sermonem nemo committi: viro autem bono committit: ergo vir bonus ebrius non erit. Quemadmodum opposita interrogatione simili deideatur, attendo. Satis enim est, vnam ponere ex multis. Dormienti nemo secretum sermonem committit: viro bono autem committit: ergo vir bonus non dormit. Quo non modo potest, Posidonius Zenonis nostris causam agit; sed ne sic quidem, ut existimo, agi potest. At enim, ebrium duobus modis dici: altero, cum aliquis vino grauis est, & impositus sui; altero, si solet ebrius fieri, & huic obnoxius vitio est. Nunc à Zenone dici, qui soleat fieri ebrius, non qui sit. Huic autem neminem commissurum arcana, quæ per vinum eloqui possit: quod est falsum. Prima enim illa interrogatio complectitur eum, qui est ebrius, non eum qui futurus est. Plurimum enim interesse concedes inter ebrium & ebriosum: potest: & qui ebrius est, tunc primum esse, nec habere hoc vitium; & qui ebriosus est, sæpe extra ebrietatem esse. Itaque id intelligo, quod significari verbo isto solet: præsertim cum ab homine diligentia professo ponatur, & verba examinante. Adijce nunc, quod si hoc intellexit Zeno, & nos intelligere voluit, ambiguitate verbi quæsiuit locum fraudi: quod faciendum non est, ubi veritas quaeritur. Sed sanè hoc senserit: quod sequitur falsum.

sum est, ei qui soleat ebrius fieri, non committi sermonem secretum; Cogita enim quam multis militibus, non semper sobrijs, & imperator, & tribunus, & centurio, tacenda mandauerit, de illa C. Cæsaris cæde, illud dico qui superato Pompeio Rempublicam tenuit, tam creditum est Tilio Cimbro, quam C. Cassio, Cassius tota vita aquam bibit: Tillius Cimber & nimius erat in vino, & scordalus. In hanc rem iocatus est ipse: Ego inquit, quemquam feram, qui vinum, ferre non possum? Sibi quisque nunc nominet eos, quibus scit, & viam male credi, & sermonem bene. Vnum tamen exemplum, quod occurrit mihi, referam, ne intercidat. Instruenda est enim vita exemplis Illustribus: non semper confugiamus ad vetera. L. Piso, urbis custos, ebrius ex quo semel factus est, fuit: maiorem partem noctis conuiuium exigebat: usque in horam sextam fere dormiebat: hoc erat eius matutinum. Officium tamen suum, quo tutela urbis continebatur, diligentissime administravit. Huic & diuus Augustus dedit secreta mandata; cum illum præponeret Thraciæ, quam perdomuit: & Tiberius proficiscens in Campaniam, cum multa in vrbe & suspecta relinqueret & inuisa. Puto quia illi benecesserat Pisonis ebrietas, postea Cossium fecit urbis præfectum, virum grauem, moderatum, sedmersum vino & madentem: adeo, vt ex senatu aliquando, in quem è conuiuium venerat oppressus in excitabili somno, tolleretur. Huic tamen Tiberius multa sua manu scripsit: quæ committenda ne ministris quidem suis iudicabat. Nullum Cossio aut priuatum secretum, aut publicum elapsum est. Itaque declamationes istas de medio remoueamus. Non est animus

mus in sua potestate, ebrietate deuinctus? Quetnadmodum musto dolia ipsa rumpuntur, & omne quod in imo iacet, in summam partem viscaloris eiecit: sic vno exæstuante, quid quid in imo iacet abditum, effertur, & prodit in medium. Onerati mero, quemadmodum non continent cibum, vino redundante, ita vt secretum quidem: quod suum alienumque est, pariter effundunt. Sed quamuis hoc soleat accidere, ita & illud solet, vt cum his quos scimus libentius bibere, de rebus necessarijs deliberemus. Falsum est ergo hoc, quod patrocinijs loco ponitur, ei qui solebat ebrius fieri, non dari tacitum. Quanto satius est, aperte accusare ebrietatem, & vitia eius exponere? quæ etiam tolerabilis homo vitauerit, nedum perfectus ac sapiens; cui satis est sitim extinguere: qui etiam si quando orta est hilaritas, aliena causa producta longius, tamen citra ebrietatem resistit. Nam de illo videbimus, an sapientis animus nimio viuo turbetur, & faciat ebrijs solita. Interim si hoc colligere vis, virum bonum non debere ebrium fieri, aut syllogismus agis? dic quàm turpe sit, plus sibi ingerere quàm capiat, & stomachi sui non nosse menturam: quàm multa ebrijs faciant, quibus sobrijs erubescant: nihil aliud esse ebrietatem, quam voluntariam insaniam. Extende in plures dies illum ebrii habitum: nunquid de furore dubitabis? nunc quoque non est minor, sed breuior. Refer Alexandri Macedonis exemplum qui Clitum carissimum sibi ac fidelissimum inter epulas transfodit, & intellecto facinore, mori voluit, certe meruit. Omne vitium ebrietas & incendit, & detegit: obstantem malis conatibus verecundiam remouit. Plures enim pudore

peccandi quam bona voluntate, prohibitis abstinent. Vbi possedit animum nimia vis vini, quidquid mali latebat, emergit. Non facit ebrietas vitia, sed protrahit; tunc libidinosus ne cubiculum quidem expectat, sed cupiditatibus suis quantum petierint, sine dilatione permittit; tunc impudicus morbum confitetur ac publicat: tunc petulans non linguam, non manum continet: Crescit insolenti superbia, crudelitas sæuo, malignitas liuido; omne vitium taxatur & prodit. Adijce illam ignorance sui, dubia & parum explanata verba, incertos oculos, gradum errantem, vertiginem capitis, testa ipsa mobilia, velut aliquo turbine circum agente totam domum: stomachi tormenta, cum effervescit metum, ac viscera ipsa distendit. Tunc tamen vitæque tolerabile est, dum illi vis sua est, quid cum somno vitatur, & quæ ebrietas fuit, cruditas facta est? Cogita quas clades ediderit publica ebrietas. Hæc accerrimas gentes bellicosasque, hostibus tradidit: hæc multorum annorum pertinaci bello defensa mœnia patefecit: hæc contumacissimos, & iugum recusantes, in alienum egit arbitrium: hæc inuictos acie mero domuit. Alexandrum, cuius modò feci mentionem, tot itinera, tot prælia, tot hiemes, per quas, victa temporum locorumque difficultate, transferat, tot somna ex ignoto cadentia, tot maria tutum dimiserunt intemperantia bibendi, & ille Hæculaneus, & fatalis scyphus condidit. Quæ gloria est, capere multum? Cum penes te palma fuerit, & propinationes tuas strati somno, ac vomitantes recusauerint, cum superstes toti conuiuio fueris, cum omnes viceris virtute magnifica, & nemo tam vini capax fuerit, vinæ eris à dolio. M.

Antonium, magnum virum, & ingenij nobilis, quæ alia resperdidit, & in externos mores, ac vitia non Romana traiecit, quàm ebrietas, nec minor vino Cleopatrarum amor? Hæc illum res hostem Reipublicæ, hæc hostibus suis imparem reddidit, hæc crudelem fecit, cum capita principum civitatis cenanti referrentur, cum inter apparatusissimas epulas, luxusque regales ora, ac manus proscriptorum recognosceret, cum vino grauis, sitire tamen sanguinem. Intolerabile, erat, quod ebrius faciebat, etiam si sobrius faceret? quanto intolerabilius, quod hæc in ipsa ebrietate faciebat? Fere vinolentiam crudelitas sequitur; violatur enim, exasperaturque sanitas mentis. Quemadmodum difficiles faciunt oculos diutini morbi, etiam ad minimam radij Solis offensionem; ita ebrietates continuæ efferant animo. Nam cum sæpè apud se non sint, consuetudo insanix durat, ac vitia, viuo concepta, etiam sine illo valent. Dic ergo, quare sapiens non debeat ebrius fieri. De formitate rei, & importunitatem ostende rebus, non verbis; quod facillimum est. Proba istas, quæ voluptates vocantur, ubi transcenderint modum, pœnas esse. Nam si illud argumentaberis, sapientem multo vino inebriari, & retinere rectum tenorem, etiam si temulentus sit; licet colligas, nec veneno potio moriturum, nec sopore sumpto dormiturum, nec elleboro accepto quidquid in visceribus hærebit, eiekturum delecturumque. Sed si tentantur pedes, lingua constat; quid est, quare illum existimes in parte sobrium esse in parte ebrium?

E P I S T. LXXXIV.

Stilum, lectionemque alternanda esse. Lecta autem, in succum unum vertenda, & nostra facien-

*clenda. Denique ad hortatio ad Sapientiam.
Bona & vitia monita.*

Itinera ista quæ segnitiam mihi excutiunt, & valetudini meæ prodesse iudico, & studijs. Quare valetudinem adiuuent, vides: cum pigrum me, & negligentem corporis, letterarum amor faciat, aliena opera exerceor. Studijs quare prosint, indicabo. A lectionibus non recessi. Sunt autem, vt existimo, necessariae primum, ne sim me vno contentus: deinde, vt cum ab alijs quæ sita cognouero, tum & de inuentis iudicem, & cogitem de inueniendis. Aliæ lectio ingenium: & studio fatigatum, non sine studio tamen, reficit. Nec scribere tantum, nec tantum legere debemus: altera res contristabit, & vires exauriet: de stilo dico: altera soluet ac diluet. Inuicem hoc illo commutandum est, & alterum altero temperandum: vt quidquid lectione collectum est, stilus redigat in corpus. Apes (vt aiunt) debemus imitari, quæ vagantur, & flores ad mel faciendum idoneos carpunt: deinde quidquid attulere, disponunt, ac per fauos digerunt: &, vt virgilius noster ait,

.... *liquentia mella*

Stripant, & dulci distendunt nectare cellas. De illis non satis constat, vtrum succum ex floribus ducant, qui protinus mel sit: an quæ collegerunt, in hunc saporem mixtura quadam, & proprietate spiritus sui; mutant. Quibusdam enim placet, non faciendi mellis scientiam esse illis, sed colligendi. Aiunt inueniri apud Iudos mel in arundinum solis, quod aut ros illius cæli, aut ipsius arundinis humor dulcis & pinguior gignat. In nostris quoque herbis vim eandem, sed minus manifestam & notabilem poni

quam persequatur & contrahat animal huius rei
 genitum. Quidam existimant, conditura &
 dispositione in hanc qualitatem verti, quæ ex
 tenerrimis virentium florentiumque decerpse-
 rint: non sine quodam, ut ita dicam, fermento:
 quo in vnum diuersa coalescunt. Sed ne
 ad aliud, quam de quo agitur, abducar, nos
 quoque has apes debemus imitari, & quæcum-
 que ex diuersa lectione congeessimus, sperare:
 melius enim distincta seruantur. Deinde adhi-
 bita ingenij nostri cura & facultate, in vnum
 saporem varia illa libamenta confundere: ut
 etiam si apparuerit vnde sumptum sit, aliud ta-
 men esse, quam vnde sumptum est, appareat:
 quod in corpore nostro videmus, sine vlla ope-
 ra nostra, facere naturam. Alimenta quæ ac-
 cepimus, quandiu in sua qualitate perdurant,
 & solida innatant stomacho, onera sunt: at
 cum ex eo quod erant, mutata sunt, tunc de-
 mum in vires & in sanguinem transeunt. Idem
 in his, quibus aluntur ingenia, præstemus; ut
 quæcumque hausimus, non patiaturs integra
 esse, ne aliena sint. Concoquamus illa; alio-
 quin in memoriam ibunt, non in ingenium.
 Assentiamur illis fideliter, nostra faciamus,
 ut vnum quidam fiat ex multis; sicut vnus nu-
 merus fit ex singulis, cum minores summas &
 dissidentes computatio vna comprehendit.
 Hoc faciat animus noster; omnia quibus est
 adiutus abscondat; ipsum tantum ostendat,
 quod effecit. Etiam alicuius in te compare-
 bit similitudo, quem admiratio tibi altius fixe-
 rit similem esse te volo quomodo filium, non
 quomodo imaginem. Imago, res mortua est.
 Quid ergo? non intelligetur cuius imiteris ora-
 tionem? cuius argumentationem; cuius sen-

Varias? Puto aliquando ne intelligi quidem
 posse, si magni viri; nec enim omnibus, quæ
 ex quoque velut exemplaria traxit, formam
 suam impressit, ut in unitatem illam competant.
 Non vides quàm multorum vocibus chorus
 constet? vnustamen ex omnibus sonus reddi-
 tur: aliqua illic acuta est, aliqua grauis, aliqua
 media: accedunt viris fæminæ, interponuntur
 tibiæ; singulorum illic latent voces, omnium
 apparent. De choro dico, quem veteris philo-
 sophi nouerant. In commissionibus nostris
 plus cantorum est, quàm in theatris olim spe-
 ctatorum fuit: cùm omnes vias ordo canen-
 tium impleuit; & cauea æneatoribus cincta est
 & ex pulpito omne tiliarum genus organo-
 rumque consonuit, sit concentus ex dissonis.
 Talem animum esse nostrum volo, ut multæ
 in illos artes, multa præcepta sint, multarum
 ætatum exempla, sed in vnũ conspirata.
 Quomodo, inquis, hoc effici poterit? assidua
 intentione: si nihil egerimus, nisi ratione sua-
 dente: hanc si audire volueris, dicet tibi: Re-
 linque ista iamdudum, ad quæ discyrritur: re-
 linque diuitias, aut periculum possidentium,
 aut onus: relinque corporis atque animi volu-
 ptates: molliunt & exeruant: relinque ambi-
 tum: tumida res est, vana, ventosa: nullum
 habet terminum: tam sollicita est ne quem an-
 te se videat, quam ne post se alium: laborat in-
 uidia, & quidem duplici. Vides autem quam
 miser sit, si is, cui inuidetur, & inuidet: In-
 tueris illas potentium domos, illa tumultosa,
 rixa saluantium, limina: multum habent con-
 tumeliarum, ut intres: plus, cùm intraueris.
 Præteri istos gradus diuitum, & magno agge-
 sty suspensa vestibula: non in prærupto tantum

istic stabisſed in lubrico. Huc potius te ad ſapientiam dirige, tranquilliffimasque res, & ſimul ampliffimas, pete. Quæcumquæ videntur eminere in rebus humanis, quamvis puſilla ſint, & comparatione humillimorum exſtent, per difficiles tamen, arduos tramites adeuntur. Confragofa in faſtidium dignitatis via eſt. At ſit conſcendere hunc verticem libet, cui ſe fortuna ſubmiſit: omnia quidem ſub te, quæ pro excelliſſimis habentur, adſpicias, ſed tamen venies ad ſumma per planum.

EPIST. LXXXV.

Sophiſmata improbat, & à ſeriis ſtudiis ea arcer. Exempla quadam dat, ſed ad utilia traducit: & contra Peripateticos, Sapientem vacare affectibus debere. Deinde, Beatam vitam ſibi ſufficere: unam & æqualem eſſe ſeu longam ſeu breuem. Non etiam imminui ab externis, & ſi mala, aut damna incurrant: & ſapientem omnibus bene uſi. Bona, ſapiens Epistoſa.

PEperceſam tibi, & quidquid nodofi adhuc ſupererat præterieram; contentus quaſi guſtum tibi dare eorum, quæ à noſtris dicuntur, ut probetur virius ad explendam beatam vitam ſola ſatis efficax. Iubes me quidquid eſt interrogationum aut noſtrarum, aut ad traductionem noſtram excogitarum, comprehendere; quòd ſi facere voluero, non erit epistoſa, ſed liber. Illud toties reſtor, hoc me argumentorum genere non delectari; pudet in aciem deſcendere pro dijs hominibuſque ſuſceptam, ſubula armatum. Qui prudens eſt, & temperans; qui, temperans eſt, & conſtans; qui

qui constans est, & imperturbatus est: qui imperturbatus est, sine tristitia est: qui sine tristitia est, beatus est: ergo prudens, beatus est, & prudentia ad beatam vitam satis est. Huic collectioni hoc modo Peripateticorum quidam respondent: ut imperturbatum, & constantem & sine tristitia, sic interpretentur, tanquam imperturbatus dicatur, qui raro perturbatur & modice, non qui nunquam: Item sine tristitia eum dici aiunt, qui non est obnoxius tristitiæ, nec frequens, nimiusve in hoc vitio. Illud enim humanam naturam negare, alicuius animum immunem esse tristitia: sapientem non viaci mœrore, ceterum tangi: & cætera in hunc modum sectæ suæ respondentia. Non hi tollunt affectus, sed temperant: quantum autem sapienti damus, si imbecillimis fortior est, & mœstissimis lætior, & effrænatissimis moderatior, & humillimis maior? Quid si mirretur velocitatem suam Ladas ad claudos, debilesque respiciens?

*Illæ vel intactæ segetis per summa volaret
Gramina; nec cursu teneras læsisset aristas.
Vel mare per medium, fluctu suspensa tumentis
Ferret iter, celeres nec tingeret æquore plantas.*
Hæc est pernicitas per se æstimata, non quæ
disliminum collatione laudatur. Quid si
sanum voces, leuiter febricitantem? non est
bona valetudo, mediocritas morbi. Sic, inquit
sapient imperturbatus dicitur, quomodo apy-
rina dicuntur, non quibus nulla inest duritia
granorum, sed quibus minor. Falsum est:
Non enim diminutionem malorum in bono vi-
ro intelligo, sed vacationem: nulla debent esse,
non parua. Nam si vlla sint, crescent, & in-
terim impediunt. Quomodo oculos maior &

N 3 per

~ Desinitium

perfecta suffusio excæcat, si modica turbat: Si
 das aliquos affectus sapienti, impar illis erit ra-
 tio, & velut torrente quodam auferetur; præ-
 fertim cum illi non vnum, sed vniuersum affe-
 ctuum cœtum relinquis, cum quo collectetur,
 plus potest quamuis mediocrium turba, quam
 posset vnius magni violentia. Habet pecuniæ
 cupiditatem, sed modicam; habet ambitio-
 nem, sed non concitatam; habet iracundiam,
 sed placabilem, habet inconstantiam, sed mi-
 nus vagam ac mobilem; habet libidinem, non
 insaniam. Melius cum illo ageretur, qui vnum
 vitium integrum haberet, quam cum eo qui le-
 uiora quidem, sed omnia. Deinde nihil in-
 terest, quàm magnus sit affectus, quantuscum-
 que est, parere nescit, consilium non accipit.
 Quemadmodum rationi nullum animal ob-
 temperat, non ferum, non domesticum & mi-
 te: natura enim illorum est surda suadenti; sic
 non sequuntur, non audiunt affectus, quantuli-
 cumque sint. Tigres, leonesque nunquam feri-
 tatem exuunt, aliquando, submitunt; & cum
 minimè spectaueris, exasperentur toruitas mi-
 tigata. Nunquam bona fide vitia mansuescunt.
 Deinde si ratio proficit, ne incipiunt quidem
 affectus; si inuita ratione cœperint, inuita per-
 seuerabunt. Facilius est enim, inuita illorum
 prohibere, quàm impetum regere. Falsa est
 itaque ista mediocritas & inutilis, eodemque
 loco habenda, quo, si quis diceret, modice in-
 saniendum, modice ægrotandum. Sola virtus
 habet, non recipiunt animi mala, tempera-
 mentum; facilius sustuleris illa, quàm rexeris.
 Nunquid dubium est quin vitia mentis humane
 inueterata & dura, quæ morbos vocamus, im-
 moderata sint; vt auaritia, vt crudelitas, vt

impotentia, ut impietas: ergo immoderati sunt
& affectus; ab his enim ad illa transitur. De-
inde si das aliquid iuris tristitiæ, timori, cupi-
ditati, ceterisque moribus pravis, non erunt
in nostra potestate. Quare? quia extra non sunt,
quibus irritant. Itaque crescunt, prout ma-
gnas habuerint minoresque causas, quibus con-
citantur; maior erit timor; si plus, quo exter-
reatur, aut propius adspexerit: acrior cupidi-
tas, quo illam amplioris rei spes euocauerit.
Si in nostra potestate non est, an sit effectus.
ne illud quidem est, quanti sint; si ipsas permi-
sisti incipere, cum causis suis crescent tanti-
que erunt, quanti fient. Adijce nunc, quod
ista, quantum vis exigua sint in maius excellunt:
nunquam perniciose servant modum. Quam-
vis lenia initia morborum, serpunt, & ægra
corpora, minima interdum mergit accessio.
Illud vero cuius dementiæ est credere, quarum
rerum extra nostrum arbitrium posita princi-
pia sunt, earum nostri esse arbitrij terminos:
Quomodo ad id finiendum satis valeo, ad quod
prohibendum parum valui: cum facilius sit
excludere quàm admissa comprimere. Qui-
dam ita distinxerunt, ut dicerent: Temperans
ac prudens positione quidem mentis, & habitu
tranquillus est, euentu non est: nam quantum
ad habitum mentis suæ, non perturbatur, nec
contristatur, nec timet; sed multæ extrinsecus
causæ incidunt, quæ illi perturbationem affe-
rant. Tale est quod volunt dicere. Iracun-
dum quidem illum non esse, irasci tamen ali-
quando: & timidum quidem non esse, timere
tamen aliquando: id est vitio timoris carere, af-
fectu non carere. Quod si recipitur, usu frequen-
ti timor transit in vitium: & ira animum ad-

missa, habitum illum ira carentis animi retexit. Præterea, si non contemnit venientes extrinsecus causas, & aliquid timet; cum fortiter eundem erit aduersus tela, ignes, pro patria, legibus libertate, cunctanter exhibet, & animo recedente. Non cadit autem in sapientem hæc diuersitas mentis. Illud præterea iudico obseruandum, ne duæ separatim probanda sunt, misceamus. Per se enim colligitur, vnum bonum esse quod honestum: per se rursus, ad vitam beatam satis esse virtutem. Si vnum bonum est quod honestum, omnes concedunt ad beatæ viuendum sufficere virtutem: è contrario non remittetur, beatum sola virtus facit, vnum bonum esse quod honestum est. Xenocrates & Speusippus putant beatum vel sola virtute fieri posse: non tamen vnum bonum esse quod honestum est. Epicurus quoque iudicat, cum virtutem habeat, beatum esse, sed ipsam virtutem non satis esse ad beatam vitam quia beatum efficiat voluptas, quæ ex virtute est, non ipsa virtus. Inepta distinctio. Idem enim negat, vnquam virtutem esse sine voluptate: ita si ei iunctas semper est, atque inseparabilis, & sola satis est: habet enim secum voluptatem, sine qua non est, etiam cum sola est. Illud autem absurdum est, quod dicitur beatum quidem futurum vel sola virtute; non futurum autem perfecte beatum; quod quemadmodum fieri possit, non reperio. Beata enim vita bonum in se perfectum habet, inexsuperabile; quod si est, perfecte beata est. Si deorum vita nihil habet maius aut melius: beata autem vita diuina est: nihil habet, in quod amplius possit attolli. Præterea si beata vita nullius est indigens, omnis beata vita perfecta est, eademque est, & beata, beatissima. Nunquid dubitas, quin beata vita summum bonum

num sit? ergo si summum bonum habet, summe beata est. Quæmadmodum summum, adiectionem non recipit; (quid enim supra summum erit?) ita ne beata quidem vita, quæ sine summo bono non est. Quod aliquem magis beatum induxeris, & multo magis innumerabilia discrimina summi boni facies: cum summum bonum intelligam, quod supra se gradum non habet. Si est aliquis minus beatum quam alius, sequitur, ut hic alterius vitam beatioris magis concupiscat, quam suam: beatus autem nihil suæ præfert. Vtrumlibet ex his incredibile est: aut aliquid beato restare, quod esse quam quod est malit: aut id illum non malte, quod illo melius est. Vtique enim quo prudenter est, hoc magis se ad id quod est optimum extendet, & id omni modo consequi cupiet. Quomodo autem beatus est, qui cupere etiam nunc potest, imo qui debet? Dicam quid sit ex quo veniat hic error. Nesciunt beatam vitam vnam esse: in optimo illam statum ponit qualitas sua, non magnitudo. Itaque in æqua est longa & brevis, diffusa & angustior; in multa loca, multasque partes distributa, & in vnum coacta. Qui illam numero assimat, & mensura, & partibus, iam illi quod habet eximium, eripit. Quid autem est in beata vita eximium: quod plena est. Finitis, ut puta, edendi bibendique satietas est: hic plus edit, ille minus: quid refert: uterque iam satur est: hic plus bibit, ille minus: quid refert, uterque non sitit. Hoc pluribus annis vixit, hic paucioribus: nihil interest si tam illum multi anni beatum fecerunt, quam hunc pauci. Ille quæ tu minus beatum vocas, non est beatus: non potest nomen imminui. Quid fortis est, sine timore est: qui sine timore est, sine tristitia

est : qui sine tristitia est , beatus est . Nostro-
rum hæc interrogatio est : Aduersus hanc sic re-
spondere conantur , falsam non rem , & con-
trouersiosam pro confessa vindicare , eum qui
fortis est , sine timore esse . Quid ergo ? inquit :
fortis imminetia mala non timebit : istud de-
mentis alienatique , non fortis est . Ille vero ,
inquit , moderatissime timet , sed in totum ex-
tra metum non est . Qui hæc dicunt , rursus in
idem reuoluuntur , ut illis virtutum loco sint mi-
nora vitia . Nam qui timet quidem , sed rarius , &
minus , non caret malitia , sed leuiore vexatur . At
enim dementem puto , qui mala imminetia non
extimescit . Verum est quod dicit , si mala sunt :
sed si scit mala illa non esse , & vnam tantum
turpitudinem malum iudicans debet secure pe-
ricula adspicere , & alijs timenda contemnere :
aut si stulti & amentis est , mala non timere :
quo quis prudentior est , hoc timebit magis .
Ut vobis , inquit , videtur , præbebit se pericu-
lis fortis . Minime : non timebit , illa , sed vita-
bit : cautio illum decet , timor non decet . Quid
ergo ? inquis ? mortem , vincula , ignes , alia
tela fortunæ non timebit ? Non : scit enim illa
non esse mala , sed videri : omnia ista humanæ
vitæ formidines putat . Describe captiuitatem ,
verbera , catenas , egestatem , & membrorum la-
cerationes , vel per morbum , vel per iniuriam :
& quidquid aliud attuleris , inter lymphaticos
metus numeras . Ista timidus timenda sunt .
An id existimas malum , ad quod aliquando
nostra sponte veniendum est . Quæris , quid sit
malum : Cedere his quæ mala vocantur , & illis
libertate suam dedere , pro qua cuncta pati-
enda sunt . Perit libertas , nisi illa contemni-
mus , quæ nobis iugum imponunt . Nun dubi-

farent quid conuenirent forti viro, si scirent quid esset fortitudo. Non est enim inconulta temeritas, nec periculorum amor, nec formidabilem appetitio; scientia est distinguendi quid sit malum, & quid non sit. Diligentissima in tutela sui fortitudo est, & eadem patientissima eorum, quibus falsa species malorum est. Quid ergo, si ferrum intentatur ceruicibus viri fortis, si pars subinde alia atque alia suffoditur, si viscera sua in sinu suo vidit, si ex interuallo, quo magis tormenta sentiat, repetitur, & per adsuccata viscera recens dimittitur sanguis, non timere istum tu dices, non dolere? Iste verò dolet: sensum enim hominis nulla exuit virtus: sed non timet: inuictus ex alio dolores suos spectat. Quæris, qui tunc animus illi sit? Qui ægrum amicum adhortantibus. Quod malum est, nocet: quod nocet, deteriorem facit: dolor & paupertas deteriorem non faciunt: ergo mala non sunt. Falsum est, inquit, quod proponitur: non enim si quid nocet, etiam deteriorem facit. Tempestas & procella nocet gubernatori, non tamen illum deteriorem facit. Quidam Stoici ita aduersus hoc respondent. Deteriorem fieri gubernatorem tempestate ac procella, quia non possit id quod proposuit efficere, nec tenere cursum suum: deteriorem illum in arte sua non fieri, in opere fieri. Quibus Peripateticus: Ergo, inquit, & sapientem deteriorem faciet paupertas, & dolor, & quidquid aliud tale fuerit: virtutem enim illi non eripiet, sed opera eius impediet. Hoc rectè diceretur, nisi dissimilis esset gubernatoris conditio, & sapientis. Huic enim propositum est in vita agenda, non vique quod tentat, efficere, sed omnia rectè facere: gubernatori

propositum est, utique nauem in portum perducere. Arte ministræ sunt: præstare debent quod promittunt: sapientia domina rectorique est. Artes seruiunt vitæ; sapientia imperat. Ego aliter respondendum iudico, nec artem gubernatoris deteriore vlla tempestate fieri, nec ipsam administrationem artis. Gubernator tibi non felicitatem promissit, sed utilem operam, & nauis regendæ scientiam: hæc eo magis apparet, quo illis magis aliqua fortuita vis obstitit. Qui hoc potuit dicere, Neptune, nunquam hanc nauem, nisi rectam: arti satisfecit, tempestas non opus gubernatoris impedit, sed successum. Quid ergo inquis: non nocet gubernatori ea res quæ illum tenere portum vetat? quæ cōnatus eius irritos efficit? quæ aut refert illum, aut detinet, & exarnat? Non tanquam gubernatori, sed tanquam nauiganti nocet. Alioquin gubernatoris, artem adeo non impedit, ut ostendat: tranquillo enim ut aiunt, quilibet gubernator est. Nauigio ista obsunt, non rectori eius, qua rector est. Duas personas habet gubernator: alteram communem cum omnibus qui eandem conscenderunt nauem, qua ipse quoque vector est: alteram propriam, qua gubernator est: tempestas tanquam vectori nocet, non tanquam gubernatori. Deinde gubernatoris ars alienum bonum est, ad eos quos vehit, pertinet: quomodo medici ars ad eos, quos curat: sapientia communè bonum est, & eorum cum quibus viuit, & proprium ipsius: Itaque gubernatori fortasse noceat, cuius ministerium alijs promissum tempestate impeditur: sapienti non noceat à paupertatem, non à dolore, non ab alijs tempestatibus vitæ. Non enim prohibentur opera
eius

eius omnia, sed tantum ad alios pertinentia : ipse semper in actu est, non in effectu : tunc maximus, cum illi fortuna se opposuit : tunc ipsius sapientiæ negotium agit, quam diximus & alienum bonum esse, & suum. Præterea, ne alijs quidem tunc prædesse prohibetur, cum illum aliquæ necessitates premunt. Propter paupertatem prohibetur docere, quemadmodum tractanda respublica sit : at illud docet, quemadmodum tractanda sic paupertas ; per totam vitam opus eius extenditur. Ita nulla fortuna, nulla res, actus sapientis excludit. Id enim ipsum agit, quo alia agere prohibetur. Ad utrosque casus aptus est : bonorum rector, & malorum victor. Sic, inquam : se exercuit, ut virtutem tam in secundis quàm in aduersis exhibeat : nec materiam eius, sed ipsam inuacatur. Itaque nec paupertas illum, nec dolor, nec quidquam aliud quod imperitos auertit & præcipites agit, prohibet. Tu illum premi putas malis? utitur. Non ex ebore tantum Phidias sciebat facere simulacra, faciebat ex ære : si marmor illi, si adhuc viliores materiam obtulisses, fecisset quale ex illa fieri optimum posset. Sic sapiens virtutem, si licebit, in diuitijs explicabit ; si minus, in paupertate : si poterit, in patria ; si minus, in exilio : si poterit, imperator ; si minus, miles : si poterit, integer ; si minus, debilis : quamcumque fortunam acceperit, aliquid ex illa memorabile efficiet. Certi sunt domitores ferarum, qui sæuissima animalia & ad occursum exterritia hominem, docent pati iugum : nec asperitatem excussisse contenti, vsque in contubernium mitigant. Leonibus magister manum insertat, osculatur tigrim tuus custos, elephantem mini-

minimus Æthiops iubet subdere in genua, & ambulare per funem. Sic sapiens est artifex domandi mala. Dolor, egestas, ignominia, carcer, exilium, & vbi cumque horrenda, cum ad hunc peruenire, mansueta sunt.

E P I S T. LXXXVI.

De villa Africani; edificio & balneo, nec polito nec lauto. Contra luxum sui aut. In extremo de oleis ferendis, occasione villæ.

IN ipsa Scipionis Africani villa iacens hæc tibi scribo, adoratis manibus eius & arca, quam sepulcrum esse tanti viri suspicor: animum quidem eius in cælum, ex quo erat, redisse persuadeo mihi: non quia magnos exercitus duxi (hos enim & Cambyse furiosus, ac furore feliciter usus habuit) sed quod egregiam moderationem pietatemque, magis in illo admirabilem, cum reliquit patriam, quam cum defendit, Aut Scipio Romæ deesse debebat, aut Romæ libertas. Nihil, inquit, volo derogare legibus, nihil institutis: æquum inter omnes ciues ius sit: vtere sine me beneficio meo, patria: causa tibi libertatis sui, ero & argumentum. Ex eo, si plus quam tibi expedit, creui. Quidni ego admirer hanc magnitudinem animi, qua in exilium voluntarium secessit: & ciuitatem exoneraui? Eo perducta res erat, ut aut libertas Scipioni, aut Scipio libertati faceret iniuriam: neutrum fas erat. Itaque dedit locum legibus, & se Liternum recepit, tam suum exilium. Reip. imputaturus, quam Hannibalis. Vidi villam structam lapide quadrato, murum circumdatum silvæ, turres quoque

que in propugnaculum villæ utrimque subiectas. Cisternam ædificijs ac viridibus subditam, quæ sufficere in usum vel exercitus posset. Balneolum angustum tenebricosum ex consuetudine antiqua, non videbatur maioribus nostris caldum; nisi obscurum. Magna ergo me voluptas subit, contemplantem mores Scipionis ac nostros. In hoc angulo ille Cartaginis horror, cui Roma debet, quod tantum semel capta est abluebat corpus laboribus rusticis lessum; exercebatenim opere se, teramque (ut mos fuit priscis) ipse subigebat. Sub hoc ille tecto tam sordido stetit, hoc illum pavimentum tam vile sustinuit. At nunc quis est, qui sit lauari sustineat? pauper sibi videtur ac sordidus nisi parietes magnis & pretiosis orbibus reflescerunt; nisi Alexandrina marmora Numidicis crustis distincta sunt: nisi illis undique operosa & in picturæ modum variara circumlitio prætexitur; nisi vitro absconditur camera; nisi Thasius lapis, quondam ratum in aliquo spectaculum templo, piscinas nostras circumdedit; in quas multa sudatione corpora exinanita demittimus; nisi aquam argentea epistomia fuderunt. Et adhuc plebeias fistulas loquor, quid cum ad balnea libertinorum peruenero? quantum statuarum, quantum columnarum est nihil sustentium, sed in ornamentum positarum, impensæ causa; quantum aquarum per gradus cum fragore labentium? Eo deliciarum peruenimus, ut nisi gemmas calcare nolumus. In hoc balneo Scipionis minimæ sunt, rimæ magis quam fenestræ, muro lapideo exstructæ, ut sine iniuria munimenri, lumen admitterent. At nunc blattaria vocant balnea, si qua non ita aptata sunt, ut totius dici solem fenestris

perfecta suffusio excæcat, si modica turbat: Si
 das aliquos affectus sapienti, impar illis erit ra-
 tio, & velut torrente quodam auferetur; præ-
 fertim cum illi non vnum, sed vniuersum affe-
 ctuum cœtum relinquis, cum quo collectetur,
 plus potest quamuis mediocrium turba, quam
 posset vnius magni violentia. Habet pecuniæ
 cupiditatem, sed modicam; habet ambitio-
 nem, sed non concitatam; habet iracundiam,
 sed placabilem, habet inconstantiam, sed mi-
 nus vagam ac mobilem; habet libidinem, non
 insaniam. Melius cum illo ageretur, qui vnum
 vitium integrum haberet, quam cum eo qui le-
 uiora quidem, sed omnia. Deinde nihil in-
 terest, quàm magnus sit affectus, quantuscum-
 que est, parere nescit, consilium non accipit.
 Quemadmodum rationi nullum animal ob-
 temperat, non ferum, non domesticum & mi-
 te: natura enim illorum est surda suadenti; sic
 non sequuntur, non audiunt affectus, quantuli-
 cumque sint. Tigres, leonesque nunquam feri-
 tatem exuunt, aliquando, submittunt; & cum
 minimè essectaueris, exasperentur toruitas mi-
 tigata. Nunquam bona fide vitia mansuescunt.
 Deinde si ratio proficit, ne incipiunt quidem
 affectus; si inuita ratione cœperint, inuita per-
 seuerabunt. Facilius est enim, ista illorum
 prohibere, quàm impetum regere. Falsa est
 itaque ista mediocritas & inutilis, eodemque
 loco habenda, quo, si quis diceret, modice in-
 saniendum, modice ægrotandum. Sola virtus
 habet, non recipiunt animi mala, tempera-
 mentum; facilius sustuleris illa, quàm rexeris.
 Nunquid dubium est quin vitia mentis humane
 inueterata & dura, quæ morbos vocamus, im-
 moderata sint; vt avaritia, vt crudelitas, vt

impotentia, ut impietas: ergo immoderati sunt
& affectus; ab his enim ad illa transitur. De-
inde si das aliquid iuris tristitiæ, timori, cupi-
ditati, ceterisque moribus prauis, non erunt
in nostra potestate. Quare? quia extra non sunt,
quibus irritant. Itaque crescunt, prout ma-
gnas habuerint minoresue causas, quibus con-
citantur; maior erit timor; si plus, quo exter-
reatur, aut propius adspexerit: acrior cupidi-
tas, quo illam amplioris rei spes euocauerit.
Si in nostra potestate non est, an sit effectus.
ne illud quidem est, quanti sint; si ipsas permi-
sisti incipere, cum causis suis crescent tanti-
que erunt, quanti fient. Adijce nunc, quod
ista, quantum vis exigua sint in maius excellunt:
nunquam perniciofa seruant modum. Quam-
vis lenia initia morborum, serpunt, & ægra
corpora, minima interdum mergit accessio.
Illud vero cuius dementia est credere, quarum
rerum extra nostrum arbitrium posita princi-
pia sunt, earum nostri esse arbitrii terminos.
Quomodo ad id finiendum satis valeo, ad quod
prohibendum parum valui: cum facilius sit
excludere quam admissa comprimere. Qui-
dam ita distinxerunt, ut dicerent: Temperans
ac prudens positione quidem mentis, & habitu
tranquillus est, euentu non est: nam quantum
ad habitum mentis suæ, non perturbatur, nec
contristatur, nec timet: sed multæ extrinsecus
causæ incidunt, quæ illi perturbationem affe-
rant. Tale est quod volunt dicere. Iracun-
dum quidem illum non esse, irasci tamen ali-
quando: & timidum quidem non esse, timere
tamen aliquando: id est vitio timoris carere, af-
fectu non carere. Quod si recipitur, usu frequen-
ti timor transit in vitium: & ira animum ad-

missa, habitum illum ira carentis animi retexit. Præterea, si non contemnit venientes extrinsecus causas, & aliquid timet; cum fortiter eundem erit aduersus tela, ignes, pro patria, legibus libertate, cunctanter exhibet, & animo recedente. Non cadit autem in sapientem hæc diuersitas mentis. Illud præterea iudico obseruandum, ne duorum separatim probanda sunt, misceamus. Per se enim colligitur, vnum bonum esse quod honestum: per se rursus, ad vitam beatam satis esse virtutem. Si vnum bonum est quod honestum, omnes concedunt ad beatæ viuendum sufficere virtutem: è contrario non remitteretur, beatam sola virtus facit, vnum bonum esse quod honestum est. Xenocrates & Speusippus putant beatum vel sola virtute fieri posse: non tamen vnum bonum esse quod honestum est. Epicurus quoque iudicat, cum virtutem habeat, beatum esse, sed ipsam virtutem non satis esse ad beatam vitam quia beatum efficiat voluptas, quæ ex virtute est, non ipsa virtus. Inepta distinctio. Idem enim negat, vnquam virtutem esse sine voluptate: ita si ei iunctas semper est, atque inseparabilis, & sola satis est: habet enim secum voluptatem, sine qua non est, etiam cum sola est. Illud autem absurdum est, quod dicitur beatum quidem futurum vel sola virtute; non futurum autem perfecte beatum; quod quemadmodum fieri possit, non reperio. Beata enim vita bonum in se perfectum habet, inexsuperabile; quod si est, perfecte beata est. Si deorum vita nihil habet maius aut melius: beata autem vita diuina est: nihil habet, in quod amplius possit attolli. Præterea si beata vita nullius est indigens, omnis beata vita perfecta est, eademque est, & beata, beatissima. Nunquid dubitas, quin beata vita summum bonum

num sit? ergo si summum bonum habet, summe beata est. Quotiesmodum summum, adiectionem non recipit; (quid enim supra summum erit?) ita ne beata quidem vita, quæ sine summo bono non est. Quod aliquem magis beatum induxeris, & multo magis innumerabilia discrimina summi boni facies: cum summum bonum intelligam, quod supra se gradum non habet. Si est aliquis minus beatum quam alius, sequitur, ut hic alterius vitam beatioris magis concupiscat, quam suam: beatus autem nihil suæ præfert. Vtrumlibet ex his incredibile est: aut aliquid beato restare, quod esse quam quod est malit: aut id illum non malit, quod illo melius est. Vtique enim quo prudentior est, hoc magis se ad id quod est optimum extendet, & id omni modo consequi cupiet. Quomodo autem beatus est, qui cupere etiam nunc potest, imo qui debet? Dicam quid sit ex quo veniat hic error. Nesciunt beatam vitam unam esse: in optimo illam statu ponit qualitas sua, non magnitudo. Itaque in æquo est longa & brevis, diffusa & angustior; in multa loca, multasque partes distributa, & in unum coacta. Qui illam numero assimat, & mensura, & partibus, iam illi quod habet eximium, eripit. Quid autem est in beata vita eximium: quod plena est. Finis, ut puta, edendi bibendique satietas est: hic plus edit, ille minus: quid refert: uterque iam satur est: hic plus bibit, ille minus: quid refert, uterque non sitit. Hec pluribus annis vixit, hic paucioribus: nihil interest si tam illum multi anni beatum fecerunt, quam hunc pauci. Ille quæ tu minus beatum vocas, non est beatus: non potest nomen imminui. Quid fortis est, sine timore est: qui sine timore est, sine tristitia

est : qui sine tristitia est , beatus est . Nostro-
rum hæc interrogatio est : Aduersus hanc sic re-
spondere conantur , falsam non rem , & con-
trouersiosam pro confessa vindicare , eum qui
fortis est , sine timore esse Quid ergo ? inquit :
fortis imminetia mala non timebit : istud de-
mentis alienatique , non fortis est . Ille vero ,
inquit , moderatissime timet , sed in totum ex-
tra metum non est . Qui hæc dicunt , rursus in
idem reuoluuntur , vt illis virtutum loco sint mi-
nora vitia . Nam qui timet quidem , sed rarius , &
minus , non caret malitia , sed leuiore vexatur . At
enim dementē puto , qui mala imminetia non
extimescit . Verum est quòd dicit , si mala sunt :
sed si scit mala illa non esse , & vnā tantum
turpitudinem malum iudicauit debet secure pe-
ricula adspicere , & alijs timenda contemnere :
aut si stulti & amentis est , mala non timere :
quo quis prudentior est , hoc timebit magis .
Vt vobis , inquit , videtur , præbebit se pericu-
lis fortis . Minime : non timebit , illa , sed vita-
bit : cautio illum decet , timor non decet . Quid
ergo ? inquis ? mortem , vincula , ignes , alia
tela fortunæ non timebit : Non : scit enim illa
non esse mala , sed videri : omnia ista humanæ
vitæ formidines putat . Describe captiuitatem ,
verbera , catenas , egestatem , & membrorum la-
serationes , vel per morbum , vel per iniuriam :
& quidquid aliud attuleris , inter lymphaticos
metus numerat . Ista timidis timenda sunt .
An id existimas malum , ad quod aliquando
nostra sponte veniendum est . Quæris , quid sit
malum : Cedere his quæ mala vocantur , & illis
libertate suam dedere , pro qua cuncta pati-
enda sunt . Perit libertas , nisi illa contemni-
mus , quæ nobis iugum imponunt . Nun dubi-
ta-

tarent quid conuenirent forti viro, si scirent quid esset fortitudo. Non est enim inconulta temeritas, nec periculorum amor, nec formidabilem appetitio; scientia est distinguendi quid sit malum, & quid non sit. Diligentissima in tutela sui fortitudo est, & eadem patientissima eorum, quibus falsa species malorum est. Quid ergo, si ferrum intentatur ceruicibus viri fortis, si pars subinde alia atque alia suffoditur, si viscera sua in sinu suo vidit, si ex intervallo, quo magis tormenta sentiat, repetitur, & per adsuccata viscera recens dimittitur sanguis, non timere istum tu dices, non dolere? Iste verò dolet: sensum enim hominis nulla exuit virtus: sed non timet: inuictus ex alio dolores suos spectat. Quæris, quistunc animus illi sit? Qui ægrum amicum adhortantibus. Quod malum est, nocet: quod nocet, deteriorem facit: dolor & paupertas deteriorem non faciunt: ergo mala non sunt. Falsum est, inquit, quod proponitur: non enim si quid nocet, etiam deteriorem facit. Tempestas & procella nocet gubernatori, non tamen illum deteriorem facit. Quidam Stoici ita aduersus hoc respondent. Deteriorem fieri gubernatorem tempestate ac procella, quia non possit id quod proposuit efficere, nec tenere cursum suum: deteriorem illum in arte sua non fieri, in opere fieri. Quibus Peripateticus: Ergo, inquit, & sapientem deteriorem faciet paupertas, & dolor, & quidquid aliud tale fuerit: virtutem enim illi non eripiet, sed opera eius impediet. Hoc rectè diceretur, nisi dissimilis esset gubernatoris conditio, & sapientis. Huic enim propositum est in vita agenda, non vique quod tentat, efficere, sed omnia rectè facere: gubernatori

propositum est, utique nauem in portum perducere. Arte ministræ sunt: præstare debent quod promittunt: sapientia domina rectorique est. Artes seruiunt vitæ; sapientia imperat. Ego aliter respondendum iudico, nec artem gubernatoris deteriore vlla tempestate fieri, nec ipsam administrationem artis. Gubernator tibi non felicitatem promissit, sed utilem operam, & nauis regendæ scientiam: hæc eo magis apparet, quo illis magis aliqua fortuita vis obstitit. Qui hoc potuit dicere, Neptune, nunquam hanc nauem, nisi rectam: arti satisfecit, tempestas non opus gubernatoris impedit, sed successum. Quid ergo? inquis: non nocet gubernatori ea res quæ illum tenere portum vetat? quæ conatus eius irritos efficit? quæ aut refert illum, aut detinet, & exarnat? Non tanquam gubernatori, sed tanquam nauiganti nocet. Alioquin gubernatoris, artem adeo non impedit, ut ostendat: tranquillo enim ut aiunt, quilibet gubernator est. Nauigio ista obsunt, non rectori eius, quæ rector est. Duas personas habet gubernator: alteram communem cum omnibus qui eandem conscenderunt nauem, quæ ipse quoque vector est: alteram propriam, quæ gubernator est: tempestas tanquam vectori nocet, non tanquam gubernatori. Deinde gubernatoris ars alienum bonum est, ad eos quos vehit, pertinet: quomodo medici ars ad eos, quos curat: sapientia commune bonum est, & eorum cum quibus viuit, & proprium ipsius: Itaque gubernatori fortasse nocetur, cuius ministerium alijs promissum tempestate impeditur: sapienti non nocetur à paupertatem, non à dolore, non ab alijs tempestatibus vitæ. Non enim prohibentur opera eius

eius omnia, sed tantum ad alios pertinentia: ipse semper in actu est, non in effectu: tunc maximus, cum illi fortuna se opposuit: tunc ipsius sapientiæ negotium agit, quam diximus & alienum bonum esse, & suum. Præterea, ne alijs quidem tunc prædesse prohibetur, cum illum aliquæ necessitates premunt. Propter paupertatem prohibetur docere, quemadmodum tractanda respublica sit: at illud docet, quemadmodum tractanda sic paupertas; per totam vitam opus eius extenditur. Ita nulla fortuna, nulla res, actus sapientis excludit. Id enim ipsum agit, quo alia agere prohibetur. Ad utrosque casus aptus est: bonorum rector, & malorum victor. Sic, inquam: se exercuit, ut virtutem tam in secundis quam in aduersis exhibeat: nec materiam eius, sed ipsam inueatur. Itaque nec paupertas illum, nec dolor, nec quidquam aliud quod imperitos auertit & præcipientes agit, prohibet. Tu illum premi putas malis? vititur. Non ex ebore tantum Phidias sciebat facere simulacra, faciebat ex ære: si marmor illi, si adhuc viliorem materiam obtulisses, fecisset quale ex illa fieri optimum posset. Sic sapiens virtutem, si licebit, in diuitijs explicabit; si minus, in paupertate: si poterit, in patria; si minus, in exilio: si poterit, imperator; si minus, miles: si poterit, integer; si minus, debilis: quamcumque fortunam acceperit, aliquid ex illa memorabile efficiet. Certi sunt domitores ferarum, qui sæuissima animalia & ad occursum exterrantia hominem, docent pati iugum: nec asperitatem excussisse contenti, vsque in contubernium mitigant. Leonibus magister manum insertat, osculatur tigrim tuus custos, elephantem mini-

que in propugnaculum villæ vtriusque subsec-
tas. Cisternam ædificijs ac viridibus subditam,
quæ sufficere in usum vel exercitus posset. Bal-
neolum angustum tenebricosum ex consuetu-
dine antiqua, non videbatur maioribus nostris
caldum; nisi obscurum. Magna ergo me vo-
luptas subit, contemplantem mores Scipionis
ac nostros. In hoc angulo ille Cartaginis
horror, cui Roma debet, quod tantum semel
capta est abluebat corpus laboribus rusticis les-
sum; exercebatenim opere se, teramque (ut
mos fuit priscis) ipse subigebat. Sub hoc ille
recto tam sordido stetit, hoc illum pauperculum
tam vile sustinuit. At nunc quis est, qui sit la-
uari sustineat? pauper sibi videtur ac sordidus
nisi parietes magnis & pretiosis orbibus refulse-
runt; nisi Alexandrina marmora Numidicis
crustis distincta sunt; nisi illis undique operosa
& in picturæ modum variara circumlitio præ-
texitur; nisi vitro absconditur camera; nisi
Thasius lapis, quondam rarus in aliquo spe-
ctaculum templo, piscinas nostras circumde-
dit; in quas multa sudatione corpora exinanita
demittimus; nisi aquam argentea epistomia
luderunt. Et adhuc plebeias fistulas loquor,
quid cum ad balnea libertinorum peruenero?
quantum statuarum, quantum columnarum
est nihil sustentium, sed in ornamentum po-
sitarum, impensæ causa; quantum aquarum
per gradus cum fragore labentium? Eo delicia-
rum peruenimus, ut nisi gemmas calcare noli-
mus. In hoc balneo Scipionis minimæ sunt, ri-
mæ magis quam fenestræ, muro lapideo ex se-
ctæ, ut sine iniuria munimenri, lumen ad mitte-
rent. At nunc blattaria vocant balnea, si qua
non ita aptata sunt, ut totius dici solem fene-
stris

stris amplissimis recipiant; nisi & lauantur simul & colorantur; nisi ex folio agros & maria prospiciunt. Itaque quæ concursus & admirationem habuerant cum dedicarentur, hæc in antiquorum numerum reijciuntur, cum aliquid noui luxuria commenta est, quo ipsa se obrueret. At olim & pauca erant balnea nec vllò cultu exornata. Cur enim ornaretur res quadransaria, & in usum, non oblectamentum reperta? Non suffundebatur aqua, nec recens semper velut ex calido fonte currebat: nec referre credebant, in quam perlucida sordes deponerent. Sed dii boni, quàm iuuabat illa balnea intrare obscura, & gregali rectorio inducta, quæ scires. Catonem tibi ædilem, aut Fabium Maximū, aut ex Cornelij aliquem manu sua temperasse? Nam hoc quoque nobilissimi ædilesungebatur officio, intrandi ea loca quæ populum receptabant, exigendi que munditias, & vtilem ac salubrem temperaturam: non hanc, quæ nuper inuenta est, similis incendio, adeo, quidem, vt conuictū in aliquo scelere seruum, viuum, lauari oporteat. Nihil mihi videtur iam interesse, ardeat balneum, an caleat. Quanta nunc aliqui rusticitatis damnant Scipionem, quod non in caldarium suum latis specularibus diem admiserat? quod non in multa luce decoquebatur, & expectabat, vt in balneo concoqueret; O hominem calamitosum! nesciit viuere! Non sacrata aqua lauabatur, sed sæpe turbida, & cum plueret vehementius, pene lutulenta. Nec multum eius inreterat, an sin lauaretur: veniebat enim, vt sudorem illic ablueret, non vt vnguentum: Quas nunc quorundam futuras voces credis? Non inuideo Scipioni: vere in exilio vixit, qui sic lauabatur. Imo si scias, non quotidie lauabatur: Nam, vt

aiunt

Sunt qui priscos mores vrbis tradiderunt, brachia & crura quotidie ablucebant, quæ scilicet sordes opere collegerant: ceterum toti nundinis lauabantur. Hoc loco dicet aliquis, liquet mihi immundissimos fuisse. Quid puras illos oluisse? militiam, laborem, virum. Postquam munda balnea inuenta sunt, spureiores sunt. Descripturus infamem & nimis notabilem delicijs Horatius Flaccus, quid ait?

Pastillos Rufillus olet

Dares nunc Rufillum, perinde esset, ac si hircum oleret, & Gorgonij loco esset quem idem Horatius Rufillo opposuit. Parum est sumere vnguentum, ni bis die terque renouetur, ne euanescat in corpore. Quid, quòd iidem odore tamquam suo gloriantur? Hæc si tibi nimium tristia videbuntur, villæ imputabis: in qua didici ab Ægialo diligentissimo patrefamiliæ (is enim nunc huius agri possessor est) quamuis vetus arbutum posse transferri. Hoc nobis senibus discere necessarium est, quorum nemo non oliuetum alteri ponit. Quòd vidi illum arborem trimum aut quadrimum fastidienti: fructus aurum non deponere: te quoque proteger illa, quæ *Tarda venit, seris factura nepotibus umbram*; ut ait Virgilius noster: qui non quid verissime, sed quid decentissime diceretur, adspexit; nec agricolas docere voluit, sed legentes delectare. Nam (ut omnia alia transeam) hoc quòd hodie mihi necesse fuit reprehendere, adscribam: *Vere fabis satio est, tunc te quoque medica pueres Accipiunt sulci, & milio venit annua cura.* An vno tempore ista ponenda sint: & an vtriusque verna sit satio, hinc æstimes licet. Iunius mensis est quo tibi scribo, iam proclius in Iulium. Eodem die vidi fabam metentes, millium

cere non cogito : ne quemadmodum Ægialus
 noster me sibi aduersarium parauit, sic ego pā-
 re in te mihi.

EPIST. LXXXVII.

*Frugalitas Senecæ, & externorum contemptus:
 admonitio ad alios, ut sic velint faciantque.
 Differta ciuncula deinde, quibus approbat.
 Fortuita in bonis non esse; dumtaxat Commo-
 da dici posse.*

NAufragium, antequam nauem ascende-
 rem feci: quomodo acciderit, non adij-
 cio, ne & hoc putes inter Stoica paradoxa po-
 nendum: quorum nullum esse falsum, nec tam
 mirabile quàm prima facie videtur, cum volue-
 ris approbabo, imo etiam si nolueris. Interim
 hoc me iter docuit, quàm multa haberemus su-
 peruacua, & quàm facile iudicio possemus de-
 ponere: quæ si quando necessitas abstulit, non
 sentimus ablata. Cum paucissimis seruis, quos
 vnum capere vehiculum potuit, sine vllis rebus
 nisi quæ corpore nostro continebantur, ego &
 Maximus meus biduum iam beatissimum agi-
 mus Culcitra in terra iacet, ego in culcitra.
 Ex duabus penulis, altera stragulum, altera o-
 pertorium facta est: De prandio nihil detrahi po-
 tuit: paratum fuit non magis hora, nusquam sine
 caricis, nusquam sine pugillatibus. Illæ, si panem
 habeo, pro pulmentario sunt, si non pro pane:
 quotidie mihi annum nouum faciunt, quæ ego
 faustum & felicem reddo bonis cogitationibus, &
 animi magnitudine: qui nunquam maior est;
 quam vbi aliena seposuit: & fecit sibi pacem, nihil
 timendo; fecit sibi diuitias, nihil concupiscendo.

Vc-

Vehiculum in quod impositus sum, rusticum est. Mulæ viuere se ambulando testantur, mulio excalceatus non propter ætatem. Vix à me obtineo, vt hoc vehiculum velim videri meum. Durat adhuc peruersa recti verecundia: quoties in aliquem comitatum lautio- rem incidimus, inuitus erubescō: quod argumen- tum est, ista quæ probo, quæ laudo, nondum habere certam fidem & immobilem. Qui sor- dido vehiculo erubescit, pretioso gloriatur. Parum adhuc profeci, nondum audeo frugali- tatem palam ferre, etiam nunc curo opiniones viatorum. Contra totius generis humani opi- niones mittenda vox erat: Insanitis, erratis, stu- petis ad superuacua, neminem æstimatis suo. Cum ad patrimonium ventum est, diligentissi- mi computatores, sic rationem ponitis singulo- rum, quibus aut pecuniam credituri estis, aut beneficia: (nam hæc quoque iam expensa fertis) late possidet, sed multum debet: habet domum formosam, sed alienis nummis paratam: fa- miliam nemo cito speciosiore producet, sed nominibus non respondet. Si creditoribus sol- uerit, nihil illi supererit. Idem in reliquis quoque facere debeatis excutere quantum proprii quisque habeat. Diuitem illum putas quia aurea supellex etiam in via eum sequitur, quia in omnibus prouincijs arat, quia magnus Kalendarij liber voluitur, quia tantum subur- bani agri possidet, quantum inuidiose in deser- tis Apuliæ possideret: cum omnia dixeris, pau- per est: quare? quia debet: quantum? inquis: omnia: nisi fortè iudices interesse, vtrum ali- quis ab homine, an à fortuna mutuum sumpse- rit: Quid ad rem pertinent mulæ saginatae, vnus omnes coloris? Quid ista vehicula cæcata?

*instruiti ostro alipedes, pectusque capitis
 Aurea pectoribus demissa monilia pendens.
 Tecti auro, fulvum manducant sub dentibus
 aurum.*

Ista nec dominum meliorem possunt facere,
 nec mulam. M. Cato Censorius (quem tam
 rei p. hercule profuit nasci quàm Scipionem: al-
 ter enim cum hostibus nostris bellum, alter
 cum moribus gessit) canterio vehebatur, & hip-
 poperis quidem impositis, ut secum vtilia por-
 taret. O quàm cuperem illi nunc occurrere ali-
 quem ex his trosculis in via diuitibus, cursores
 & Numidas, & multum ante se pulveris agen-
 tem. Hic sine dubio cultior comitatioque
 quàm M. Cato videretur: hic, inter illos appa-
 ratus delicatus, qui cum maximè dubitat, utrum
 se ad gladium locet, an ad cultrum. O quantum
 erat sæculi decus, imperatorem triumphalem,
 censorium (& quòd super omnia hæc est) Cato-
 nem, vno caballo esse contentum, & ne toto
 quidem? Partem enim sarcinæ, ab utroque la-
 tere dependentes, occupabant. Ita non omni-
 bus obelismannis, & asturconibus, & tollu-
 tarijs præferres vnicum illum equum, ab ipso
 Catone defrictum? Video non futurum finem
 in ista materia ullum, nisi quem mihi ipse fece-
 ro. Hic itaque conticescam, quantum ad ista
 quæ sine dubio talia diuinavit futura, qualia
 nunc sunt, qui primus appellavit impedimenta.
 Nunc volo paucissimas adhuc interrogationes
 nostrorum tibi reddere, ad virtutem pertinen-
 tes, quàm satisfacere vitæ beatæ contendimus.
 Quòd bonum est, bonos facit: nam & in atte-
 musica quòd bonum est, facit musicum: fortui-
 ta bonum non faciunt: ergo non sunt bona. Ad-
 augustinus hoc sic respondent Peripatetici, ut quòd
 pri-

primum proponimus, falsum esse dicant. Ab eo, inquit, quod est bonum, non utique fiunt boni. In musica est aliquod bonum, tamquam tibia, aut chorda, aut organum aliquod aptatum ad usus canendi: nihil tamen horum facit musicum. Hic respondebimus. Non intelligitis, quomodo posuerimus, quod bonum est musico. Non enim id dicimus, quod instruit musicum, sed quod facit: tu ad supellectilem artis, non ad artem venis. Si quid autem in ipsa arte musica bonum est, id utique musicum faciet. Etiamnum facere id planius volo. Bonum in arte musica duobus modis dicitur: altero, quo effectus musici adiuuatur: altero, quo ars. Ad effectum pertinent instrumenta, tibiae, & organa, & chordae: ad artem ipsam non pertinent. Est enim artifex etiam sine istis: uti forsitan non potest arte. Hoc non est æquè duplex in homine; id enim bonum & hominis, & vitæ. Quod contemptissimo cuique contingere, ac turpissimo potest, bonum non est: opes autem & lenoni, & lanistæ contingunt: ergo non sunt bona. Falsum est, inquit, quod proponitur. Nam & in grammatica, & in arte medendi, aut gubernandi, videmus bona humillimis quibusque contingere. Sed istæ artes non sunt magnitudinem animi professæ, non consurgunt in altum, nec fortuita fastidiunt. Virtus extollit hominem, & supra cetera mortalibus collocat: nec ea, quæ bona, nec ea quæ mala vocantur, aut cupit nimis, aut expauescit. Chelidon, unus ex Cleopatæ mollibus, patrimonium grande possedit. Nuper Natalis, tam improbæ linguæ quàm impuræ, in cuius ore seminae purgabantur, & multorum heres fuit, & multos habuit heredes. Quid ego? ytrum illam pecunia

pu-

purum effecit, an ipse pecuniam impuravit?
 quæ sic in quosdam homines, quomodo de na-
 rius in cloacam cadit. Virtus super ista confi-
 sit, suo ære censetur; nihil ex istis quolibet
 incurrentibus bonum iudicat. Medicina, & gu-
 bernatio, non interdicit sibi ac suis admiratio-
 nem talium rerum. Qui non est vir bonus, po-
 test nihilominus medicus esse; potest governa-
 tor, potest grammaticus, tam mehercules
 quam coquus. Cui contigit habere non quæli-
 bet, hunc non quem libet dixeris. Qualia quis-
 que habet, talis est. Fiscus tanti est, quantum
 habet: imo in accessionem eius venit quod
 habet. Quis pleno sacculo ullum pretium po-
 nit, nisi quod pecuniæ in eo conditæ numerus
 effecit? Idem evenit magnorum dominis patri-
 moniorum: accessiones illorum & appendices
 sunt. Quare ergo sapiens magnus est: quia
 magnum animum habet. Verum est ergo,
 quod contemptissimo cuique contingit, bonum
 non esse. Itaque indolentiam nunquam bo-
 nam dicam: habet illam cicada, habet pulex.
 Ne quietem quidem, & molestia vacare, bonum
 dicam: quid est otiosius verme? Quæris, quæ
 res sapientem faciat: quæ Deum. Des oportet
 illi aliquid diuinum, aliquid cæleste, ma-
 gnificum. Non in omnes bonum cadit, nec
 quem libet possessorem patitur. Vide,
*Et quid quæque serar regio, & quid quæque re-
 cuset.*

*Hic segetes illic veniunt felicius vnae.
 Arborci fetus alibi, atque iniussa virescunt
 Gramina; nonne vides; croceos ut Tmolus
 odores,
 India mittit ebur, molles suathura Sabæi:
 At Chalybes nudi ferrum, . . .*

Ista

malo bonum, non magis quam ficus ex olea: ad semen nata respondent; bona degenerare non possunt. Quemadmodum ex turpi honestum non nascitur, ita ne ex malo quidem bonum: nam idem est honestum & bonum. Quidam ex nostris aduersus hoc sic respondent: putemus pecuniam bonum esse vndecumque sumptam, non tamen ideò ex sacrilegio pecunia est, etiam si ex sacrilegio sumitur. Hoc sic intellige. In eadem vrna & aurum est, & vipera. Si aurum ex vrna sustuleris, quia illic & vipera est, non ideò mihi vrna aurum dat, quia viperam habet, sed aurum dat, cum & viperam habeat. Eodem modo ex sacrilegio lucrum fit: non qua turpe & sceleratum est sacrilegium, sed qua lucrum habet: quemadmodum in illa vrna vipera malum est, non aurum quòd cum vipera iacet: sic in sacrilegio malum est scelus, non lucrum. Quibus opponitur. Dissimillima vtriusque rei conditio est. Illic aurum possum sine vipera tollere: hic lucrum sine sacrilegio facere non possum: lucrum istud non est appositum sceleri, sed immixtum. Quòd dum consequi volumus in multa mala incidimus; id bonum non est: dum diuitias consequi volumus, in multa mala incidimus: ergo diuitiæ bonum non sunt. Duas, inquit, significationes habet propositio vestra: nam, dum diuitias consequi volumus, in multa nos mala incidere: in multa autem mala incidimus, & dum virtutem consequi volumus. Aliquis, dum nauigat studij causa, naufragium fecit: aliquis captus est. Altera significatio talis est. Per quòd in mala incidimus, id bonum non est. Huic propositioni non erit consequens, per diuitias nos, aut per voluptates in mala incidere: aut si per diuitias in multa mala inci-

dimus, non tantum bonum diuitiæ non sunt, sed malum sunt. Vos autem illas dicitis tantum, bonum non esse. Præterea, inquit, conceditis diuitias habere aliquid usus: inter commoda illas numeratis. Atqui eadem ratione nec commodum quidem erunt: per illas enim multa nobis incommoda eueniunt. His quidam hoc respondent. Erratis, qui incommoda diuitijs imputatis: Illæ neminem lædunt: aut sua cuique nocet stultitia, aut aliena nequitia: sic, quemadmodum gladius, qui neminem occidit, occidentis telum est. Non ideo diuitiæ tibi nocent, si propter diuitias tibi nocetur. Possidonius (ut ego existimo) melius: qui ait diuitias esse causam malorum, non quia ipsæ faciant aliquid, sed quia facturos irritant. Alia est enim causa efficiens, quæ protinus necesse est noceat: alia præcedens: hanc præcedentem causam diuitiæ habent. Inflant animos, superbiam pariunt, inuidiam contrahunt, & usque eo mentem alienant, ut fama pecuniæ nos etiam nocitura delectet. Bona autem omni carere culpa decet: puta sunt, non corrumpunt animos, non sollicitant: extollunt quidem & dilatant, sed sine tumore. Quæ bona sunt, fiduciam faciunt: diuitiæ audaciam. Quæ bona sunt, magnitudinem animi dant: diuitiæ insolentiam. Nihil autem aliud est insolentia, quam species magnitudinis falsa. Isto modo, inquis, etiam malum sunt diuitiæ, non tantum bonum non sunt. Essent malum, si per se nocerent, si (ut dixi) haberent efficientem causam: nunc præcedentem habent, & quidem non irritantem tantum animos, sed attrahentem. Speciem enim boni ostendunt verisimilem, ac plerisque credibilem. Habet virtus quoque præcedentem causam, ad in-

uidiam: multis enim propter sapientiam, multis propter iustitiam inuidetur: sed nec ex se hanc causam habet, nec verisimilem. Contra enim verisimilior illa species hominum, animis obijcitur à virtute, quæ illos in amorem & admirationem vocet. Posidonius sic interrogandum ait: Quæ neque magnitudinem animo dant, nec fiduciam, nec securitatem, non sunt bona: diuitiæ autem, & bona valetudo, & similia his nihil horum faciunt: ergo non sunt bona. Hanc interrogationem magis etiamnum hoc modo intendit: Quæ neque magnitudinem animo dant, nec fiduciam, nec securitatem, contra autem insolentiam, tumorem, arrogantiam creant, mala sunt: à fortuitis autem in hæc impellimur: ergo non sunt bona. Hac, inquit, ratione ne commoda quidem ista erunt. Alia est commodorum conditio, alia bonorum commodum est, quod plus usus habet, quàm molestiæ: bonum, sincerum esse debet, & ab omni parte innoxium. Non est id bonum, quod plus prodest: sed quod tantum prodest. Propterea commodum & ad animalia pertinet, & ad imperfectos homines, & ad stultos. Itaque potest ei esse incommodum mixtum: sed commodum dicitur, à maiore sua parte estimatum. Bonum ad vnum sapientem pertinet, inuiolatum esse oportet. Bonum animum habet vnus tibi nodus, sed Herculeus restat. Ex malis bonum fit: ex multis paupertatibus diuitiæ fiunt: ergo diuitiæ bonum non sunt. Hanc interrogationem nostri non agnoscunt. Peripatetici & fingunt illam, & solvunt. Ait autem Posidonius, hoc sophisma per omnes dialecticorum scholasiactatum; sic ab Antipatro refelli. Paupertas non per positionem, sed per detractionem

dicatur, vel ut (antiqui dixerunt) per orationem; Græci dicunt *τὸ στερεῖν* non quòd habeat, dicitur, sed quòd non habeat. Itaque ex multis inanibus nihil impleri potest: diuitias multæ res faciunt, non multæ inopiæ. Aliter quàm debes, paupertatem intelligis. Paupertas est, non quæ pauca possidet, sed quæ multa non possidet, ita non ab eo dicitur quòd habet, sed ab eo quòd ei deest. Facilius quòd volo exprimere, si Latinum verbum esset, quod *ὑπαρξία* significatur: Hanc paupertati Antipater assignat. Ego non video quid aliud sit paupertas, quàm parui possessio. De isto videbimus, si quando valdè vacabit, quæ sit diuitiarum, quæ paupertatis substantia: sed tunc quoque considerabimus, numquid satius sit paupertatem permulcere, diuitijs demere supercilium, quàm litigare de verbis, quasi iam de rebus iudicatum sit. Putemus nos ad concionem vocatos. Lex de abolendis diuitijs fertur: his interrogationibus suaturi aut dissuaturi sumus? his effecturi, ut populus Romanus paupertatem, fundamentum & causam imperij sui, requirat ac laudet? diuitias autem suas timeat? ut cogitet has se apud victos reperisse? Hinc ambitum, & largitiones, & tumultus, in urbem sanctissimam temperantissimamque irrupisse? nimis luxuriosè ostentari gentium spolia? quòd vnus populus eripuerit omnibus, facilius vni ab omnibus eripi posse? Hæc satius est suadere, & expugnare affectus, non circumscribere. Si possumus, fortius loquamur: si minus, apertius.

EPIST. LXXXVIII.

Liberalia studia in bonis non esse; nec ad virtutem per seducere. Singillatim hoc docet, in Gram-

Grammatica, Musica, Geometria, Astronomia. Et si tamen non ducunt, conducunt: id est, iuuant & preparant. Tum diuisio alia artium, in Vulgares, Ludicras, Pueriles, Liberales, & in istis, solam Philosophiam esse, quæ vere liberum facit. Sola etiam de Bonis Malisque indagat, sola noscit. Sola igitur cõlenda, aut præcipue est: & ostendit quam inutilia aut superflua Philologi sectentur; quidam etiam Philosophi. O bona hic, o aurea; Legite iuvenes, senesque.

DE liberalibus studiis quid sentiam, scire desideras. Nullum suspicio; nullum in bonis numero, quòd adæ exit. Meritoria artificia sunt, hætenus vtilia, si preparant ingenium, non detinent. Tamdiu enim istis immorandum est, quamdiu nihil animus agere maius potest: rudimenta sunt nostra, non opera. Quare liberalia studia dicta sint vides, quia homine libero digna sunt. Ceterum vnum studium vere liberale est, quòd liberum facit, hoc sapientiæ, sublime, forte, magnanimum: cetera pusilla & puerilia sunt. Ac tu quidquam in istis esse credis boni, quorum professores turpissimos omnium ac flagitiosissimos cernis? Non discere debemus ista, sed didicisse. Quidam illud de liberalibus studiis quærendum iudicauerunt, an virum bonum facerent. Ne promittunt quidem, nec huius rei scientiam affectant. Grammaticus circa curam sermonis versatur, & si latius euagari vult, circa historias. Iam vt longissime fines suos proferat, circa carmina. Quid horum ad virtutem viam sternit; Syllabarum enarratio, & verborum diligentia; & fabularum memoria, & versuum lex ac modificatio; Quid ex his

metum demit, cupiditatem eximit, libidinem frenat? Ad geometriam transeamus, & ad musicam: nihil apud illas inuenies, quod vetet time-
re vetet cupere: quæ quisquis ignorat, alia frustra scit. Videndum vtrum: doceant isti virtu-
tem, an non: si docent, nec tradunt quidem: si docent, philosophi sunt. Vis scire, quàm non ad docendam virtutem confederint? adspice quàm dissimilia inter se omnium studia sint: ut qui similitudo esset idem docentium. Nisi forte tibi. Homerum philosophum fuisse persua-
dent, cum, his ipsis quibus colligunt, negent. Nam modo Stoicum illum faciunt, virtutem solam probantem, & voluptates refugientem, & ab honesto ne immortalitatis quidem pretio recedentem: modo Epicurum, laudantem sta-
tum quietæ ciuitatis, & inter conuiuia cantus: que vitam exigentis: modo Peripateticum, bonorum, tria genera inducentem: modo Academicum, incerta omnia dicentem. Apparet nihil horum esse in illo, cui omnia insunt: ista enim inter se dissident. Demus illis, Homerum philosophum fuisse: nempe sapiens factus est, antequam carmina vlla cognoscere: ergo illa discamus, quæ Homerum fecere sapien-
tem. Hoc quidem me quærere, vtrum maior ætate fuerit Homerus an Hesiodus, non magis ad rem pertinet: quàm scire an minor Hecuba fuerit, quàm Helena, & quare tam male tulerit ætatem. Quid, inquam, annos Patrocli & Achillis inquirere, ad rem existimas pertinere? Quæris, Vlysses vbi errauerit, potius, quàm efficias, ne nos semper erremus? Non vacat audire, verum inter Italiam & Siciliam iactatus sit, an extra notum nobis orbem: neque enim potuit in tam angusto error esse tã longus. Tēpe-
sta-

states animi nos quotidie iactant, nequitia in
 omnia Vlyssis mala impellit: non deest forma
 quæ sollicitet oculos, non hostis: hic monstra
 effert, & humano cruore gaudencia: hinc insi-
 diosa blandimenta aurium: hinc naufragia, &
 tot varietates malorum. Hoc me doce, quo-
 modo patriam amem, quomodo vxorem,
 quomodo patrem, quomodo ad hæc tam ho-
 nestæ vel naufragus nauigem. Quid inquis,
 an Penelopa impudica fuerit, an verba sæculo
 suo dederit, an Vlysses illum esse quem vido-
 bat, antequam scire, suspicata sit? Doce me,
 quid sit pudicitia, & quantum in ea bonum: in
 corpore, an in animo posita sit. Ad musicum
 transeo. Doce me, quomodo inter se acutæ ac
 graues voces consonent, quomodo neruorum
 disparem reddentium sonum fiat concordia.
 Fac potius, quomodo animis secum meus con-
 sonet, nec consilia mea discrepent. Monstras
 mihi, qui sint modi flebiles: monstra potius,
 quomodo inter aduersa non emittam flebilem
 vocem. Metiri me geometres docet latifun-
 dia: potius doceat, quomodo metiar quantum
 homini sit satis. Numerare docet me arithme-
 tica, & auaritiæ commodare digitos: potius do-
 ceat, nihil ad rem pertinere istas computatio-
 nes: non esse felicior, cuius patrimonium
 tabularios lassat; imo quàm superuacua possi-
 deat? qui infelicissimus futurus est, si quantum
 habeat, per se computare cogatur. Quid mihi
 prodest, scire agellum in partes diuidere, si ne-
 scio cum fratre diuidere? Quid prodest colligere
 subtiliter pedes iugeri, & comprehendere etiam
 si quid decempedam effugit, si tristem me fa-
 cit vicinus potens, & aliquid ex meo abradens:
 Doces me, quomodo nihil perdam ex finibus.

meis: at ego discere volo, quomodo totos hilaris
amittam. Paterno agro, inquit, & auito expellor.
Quid? ante auum tuum quis istum agrum re-
muit? Cuius, non dico hominis, sed populi fuerit,
expedire potes? Non dominus isto, sed colonus
intraſti. Cuius colonus es? bene tecum agi-
tur, heredis. Negant iurisperiti quidquam
uſucapi, quod publicum eſt: publicum eſt hoc
quod tenes, quod tuum dicis; publicum eſt, &
quidem generis humani. O egregiam artem?
ſcis rotunda metiri: in quadratum redigis quā-
cumque acceperis formam: interualla ſiderum
dicis: nihil eſt quod in menſuram tuam non ca-
dat. Si artifex es, metire hominis animum; dic
quā magnus ſit, dic quā puſillus ſit. Scis quæ
recta ſit linea: quid tibi prodeſt, ſi quid in vita
rectum ſit ignoras? Venio nunc ad illum qui
cæleſtium notitia gloriatur,

*Frigida Saturni quo ſeſe ſtellat receptet,
Quos ignis cæli Cyllenius erret in orbes.*

Hoc ſcire quid prodeſcit: ut ſolicitus ſim, cum
Saturnus & Mars ex contrario ſtabunt, aut cum
Mercurius veſperinum faciet occaſum vidente
Saturno? Potius hoc diſcam, ubi cumque ſunt iſta,
propria eſſe, non poſſe mutari. Agit illa conti-
nuus ordo fatorum, & inuitabilis curſus: per
ſtatas vices remeant. Effectus rerum omnium
aut mouent, aut notant. Sed ſiue quidquid eue-
nit faciunt, quid immutabilis rei notitia proſi-
ciet: ſiue ſignificant quid refert prouidere, quod
effugere non poſſis: Scias iſta, neſcias, ſient.

*Si vero ſolem ad rapidum ſtellasque ſequentes
Ordine reſpicias, numquam te craſtina fallet
Hora, nec inſidiis noctis capiere ſerenæ.*

Satis abundeque prouiſum eſt, ut an inſidijs tu-
tus eſſem. Numquid me craſtina non fallit ho-

ra: fallit enim, quod nescienti euenit. Ego, quid futurum sit, nescio: quid fieri possit, scio. Ex hoc nihil desperabo: totum exspecto. Si quid remittitur, boni consulo. Fallit me hora, si parcit: sed ne sic quidem fallit. Nam quemadmodum scio omnia accidere posse, sic scio & non utique casura. Utique secunda exspecto: malis paratus sum. In illo feras me necesse est non per prescriptum euntem. Non enim adducor, ut in numerum liberalium artium pictores recipiam, non magis, quam statuarios, aut marmorarios, aut ceteros luxuriæ ministros. Æque luctatores, & totam oleo ac luto constantē scientiam expello ex his studijs liberalibus, aut & vnguētarios recipiam, & cocos, & ceteros voluptatibus nostris ingenia accommodantes sua. Quid enim, oro te, liberale habent isti ieiuni vomitores, quorum corpora in sagina, animi in macie & vaterno sunt? An liberale studium istud esse iuuentuti nostræ credimus, quam maiores nostri rectam exercebant, hastibus iacere, sudem torquere, equum agitare, arma tractare? Nihil liberos suos docebant, quod discendum esset iacentibus. Sed nec hæ nec illæ docent, aluntve virtutem. Quid enim prodest equum regere, & cursum eius freno temperare, affectibus effrænatissimis abstrahi? Quid prodest multos vincere luctatione vel cæstu, ab iracundia vinci? Quid ergo nihil liberalia nobis conferunt studia? Ad alia multum ad virtutem nihil. Nam & hæ viles ex professo artes, quæ manu constant, ad instrumenta vitæ plurimum conferunt, tamen ad virtutem non pertinent. Quare ergo liberalibus studijs filios erudimus. Non quia virtutem dare possunt, sed quia animum ad accipiendam virtutem præparant. Quemadmodum prima illa, ut antiqui vocabant,

literatura, per quam pueris elementa traduntur, non docet liberales artes, sed mox precipiendis locum parat: sic liberales artes non perducat animum ad virtutem, sed expediunt. Quattuor ait esse Possidonium artium genera. Sunt vulgares & sordidae, sunt ludicae, sunt pueriles, sunt liberales. Vulgares opificum, quae manu constant, & ad instruendam vitam occupatae sunt: in quibus nulla decoris, nulla honesti simulatio est. Ludicae sunt, quae ad voluptatem oculorum atque aurium tendunt. His annuere licet machinatores, qui pegmata per se surgentia excogitant, & tabulata tacite in sublimem crescentia, & alias ex inopinato varietates, aut dehiscantibus quae coherebant, aut his quae distabant, sua sponte coeuntibus: aut his quae eminebant, paulatim in se residentibus. His imperitorum feriuntur oculi, omnia subita (quia causas non nouere) mirantium. Pueriles sunt, & aliquid habentes liberalibus simile, haec artes quas *εὐχρηστία* Græci, nostri liberales vocant. Solae autem liberales sunt, imo (ut dicam verius) liberae, quibus curae virtus est. Quemadmodum, inquit, est animi aliqua pars philosophiae naturalis, est aliqua moralis, est aliqua rationalis, sic & haec quoque liberalium artium turba locum sibi in philosophia vindicat. Cum ventum est ad naturales quaestiones, geometriae testimonio statuitur. Ergo eius quam adiuuat, pars est? multa adiuuant nos, nec ideo partes nostrae sunt: imo, si partes essent, non adiuuarent. Cibus adiutorium corporis, nec tamen pars est. Aliquid nobis praestat geometriae ministerium. Sic philosophiae necessaria est, quomodo ipsi faber: sed nec hic geometriae pars est, nec illa philosophiae. Præterea, vtraque fines suos habet:

Habet: sapiens enim causam naturalium & quærit & nouit, quorum numeros mensura sq; geometres persequitur & supputat. Qua ratione constant cælestia, quæ illis sit vis, quæue natura sapiens scit cursus & recursus & obseruationes, per quas descendunt & alleuantur, ac speciem interdum stantium præbent, cum cælestibus stare non liceat, colligit mathematicis. Quæ causa in speculo imagines exprimat, scit sapiens: illud tibi geometer potest dicere, quantum abesse debeat corpus ab imagine, & qualis forma speculi, quales imagines reddat. Magnum esse solem philosophus probabit, quæritus sis, mathematicus, qui usu quodam & exercitatione procedit: sed ut procedat, impetranda illi quædam principia sunt. Non est autem ars sui iuris, cui precarium fundamentum est. Philosophia nihil ab alio petit, totum opus à solo excitat, Mathematica (ut ita dicam) superficialia est, in alieno ædificat, aliena accipit principia, quorum beneficio ad vltiora perueniat: si per se iret ad verum, si totius mundi naturam posset comprehendere, dicerem multum collaturam mentibus nostris quæ tractatu cælestium crescunt, trahuntque aliquid ex illo. Vna re consummatur animus, scientia bonorum ac malorum immutabili, quæ soli philosophiæ competit. Nulla autem ars alia de bonis ac malis quærit: Singulas habet circum ire virtutes. Fortitudo contemnitur timendorum est: terribilis; & subiugum libertatem nostram mittentia, despicit, prouocat, frangit: nunquid ergo hanc liberalia studia corroborant; Fides sanctissimum humani pectoris bonum est, nulla necessitate ad fallendum cogitur, nullo corrumpitur præmio. Vix, inquit, cæde, occide, non prodam: sed quo magis

gis secreta quæret dolor, hoc illa altius condam-
 numquid liberalia studia hos animos facere
 possunt? Temperantia voluptatibus imperat;
 alias odit atque abigit, alias dispensat, & ad sa-
 num modum redigit, nec vnquam ad illas pro-
 pter ipsas venit. Scit optimum esse modum
 cupitorum, non quantum velis, sed quantum
 debeas, sumere. Humanitas vetat superbum
 esse aduersus socios, vetat avarum: verbis rebus
 affectibus comem se, facilemque omnibus præ-
 stat: nullum alienum malum putat, bonum
 autem suum id maxime, quod alicui bono fu-
 turum est, amat: nunquid liberaria studia hos
 mores præcipiunt: non magis quàm simplicita-
 tem, quàm modestiam ac moderationem, non
 magis quàm frugalitatem, ac parsimoniam:
 non magis quam clementiam, quæ alieno san-
 guini tanquam suo parcat, & scit homini non
 esse homine prodige vtendum. Cum dicatis,
 inquit, sine liberalibus studijs ad virtutem non
 perueniri, quemadmodum negatis illa nil con-
 ferre virtuti: quia nec sine cibo ad virtutem
 peruenitur, eibus tamen ad virtutem non perti-
 net. Ligna nihil nani conferunt, quamuis non
 fiat nauis sine lignis. Non est, inquam, cur
 aliquid putes eius adiutorio fieri sine quo non
 potest fieri. Potest quidem etiam illud dici, si-
 ne liberalibus studijs veniri ad sapientiam posse:
 quamuis enim virtus discenda sit, tamen non
 per hæc discitur. Quid est autem, quare existi-
 mem, non futurum sapientem cum qui litteras
 nescit: cū sapientia non sit in litteris? Res tradit
 non verba: & nescio an certior memoria sit, quæ
 nullum extra se subsidium habet. Magna & spa-
 tiosa res est, sapientia: vacuo illi loco opus est: de
 diuinis humanisque discendum est; de præteri-
 tis

ris, de futuris, de caducis, de æternis, de tempore?
 de quo vno vide quàm multa quærantur. Primum,
 an per se sit aliquid: deinde, an aliquid ante tem-
 pus sit: si tempus cùm mundo cæpit, an & ante
 mundum, quia fuerit aliquid, fuerit & tempus.
 Innumerabiles quæstiones sunt de animo tantùm:
 vnde sit, qualis sit, quando esse incipiat, quandiu
 sit: an aliunde alio transeat, & domiciliũ mutet,
 ad alias animalium formas, aliasque coniectus:
 an non ampliùs quàm semel seruiat; & emissus
 vagetur in toto: vtrum corpus sit, an non sit: quid
 sit facturus, cùm per nos aliquid facere desierit;
 quomodo libertate sua vsurus, cùm ex hac effu-
 gerit cauea: an obliuiscatur priorum, & illic nosse
 se incipiat, postquàm de corpore abductus in subli-
 me secessit. Quaecumque partem rerum huma-
 narum diuinarumque comprehenderis, ingenti
 copia quærendorum ac discendorum fatigaberis.
 Hæc tam multa, tam magna, vt habere possint li-
 berum hospitium, superuacua ex animo tollenda
 sunt. Non dabit se in has angustias virtus: laxum
 spatium res magna desiderat: expellantur omnia
 totum pectus illi vacet. At enim delectat artium
 notitia multarum. Tantum itaq; ex illis retinea-
 mus, quantum est necessarium. An tu existimas
 reprehendendum, qui superuacua vsu sibi com-
 parat, & pretiosarum rerum pompam in domo
 explicat? non putas eum, qui occupatus est in su-
 peruacua litterarum supellectile? Plus scire velle
 quàm sit satis, intemperantiæ genus est. Quid,
 quòd ista liberalium artium conlectatio molestos
 verbosos, intèpestiuos, sibi placentes facit, & idcò
 nō discentes necessaria, quia superuacua didice-
 runt: Quattuor millia librorum Didymus gram-
 maticus scripsit: miser, si tam multa superuacua
 legisset. In his libris de patria Homeri quæ-
 tur,

tur, in his de Æneæ matre vera in his libidinosior Anacreon, an ebriosior vixerit: in his, an Sappho publica fuerit: & alia, quæ erant dediscenda, si scires. Inunc, & longam esse vitam nega. Sed ad nostros quoque cum perueneris, ostendam multa securibus recidenda. Magna impendio temporum, magna alienarum aurium molestia, laudatio hæc constat. Oh hominem litterarum! Simus hoc titulo rusticioze contenti: O virum bonum! Itane est? annales euoluam omnium gentium, & quis primus carmina scripserit, quæram: quantum temporis inter Orpheæ intersit, & Homerum, cum fastos non habeam, computabo: & Aristarchi notas, quibus aliena carmina compunxit, recognoscam: & ætatem in syllabis conteram. Itane in geometriæ puluere hærebo? Adeo mihi præceptum illud salutare excidit: Tempori parce? Hæc sciam, vt quid ignorem? Appion grammaticus, qui sub C. Cætare tota circulator est. Græcia, & in nomen Homeri ab omnibus ciuitatibus adoptatus: aiebat Homerum vtraque materia consummata, & Odyssea, & Iliade, principium adiecisse operi suo, quo bellum Troianum complexus est. Huius rei argumentum afferabat, quod duas litteras in primo versu posuisset ex industria librorum suorum numerum continentes. Talia sciat oportet, qui multa vult scire. Non vis cogitare quantum temporis tibi auferat mala valetudo, quantum occupatio publica, quantum occupatio priuata, quantum occupatio quotidiana, quantum somnus: metire ætatem tuam: tam multa non capit. De liberalibus studiis loquor: philosophi quantum habent superuacui? quantum ab usu recedentis? Ipsi quoque ad syllabarum distinctiones, & coniunctionum, ac prepositionum pro-

proprietates descenderunt, & inuidere grammaticis, inuidere geometris. Quidquid in illorum artibus superuacuum erat, transtulere in suam. Sic effectum est, ut diligentius scirent loqui, quam viuere. Audi, quantum mali faciat nimia subtilitas; & quam infesta veritati sit. Protagoras, ait, de omni re in utramque partem disputati posse ex æquo; & de hac ipsa, an omnes res in utramque partem disputabilis sit. Nausiphantes ait, ex his, quæ videntur esse nihil magis esse, quam non esse: Parmenides ait, ex his, quæ videntur, nihil esse in vniuersum: Zenon Eleatem omnia negotia de negotio deiecit, ait nihil esse. Circa eadem fere Pyrrhonij versantur, & Megarici, & Eretrici, & Academici, qui nouam induxerunt scientiam, nihil scire. Hæc omnia in illum superuacuum studiorum liberalium gregem conijce. Illi mihi non profuturam scientiam tradunt, hi spem omnis scientiæ eripiunt: satius est superuacua scire, quam nihil: Illi, non præferunt lumen, per quod acies dirigatur ad verum: hi oculos mihi effodiunt. Si Protagoræ credo, nihil in rerum natura est, nisi dubium: si Nausiphani, hoc vnum certum est, nihil esse certe: si Parmenidi, nihil est præter vnū: si Zenoni, ne vnum quidem. Quid ergo nos sumus? quid ista quæ nos circumstant, alunt, sustinent? Tota rerum natura umbra est, aut inanis, aut fallax. Non facile dixerim, utrum magis irascar illis, qui nos nihil scire voluerunt: an illis, qui ne hoc quidem nobis reliquerunt, nihil scire.

EPIST. LXXXIX.

Philosophiæ & sapientiæ discrimen: & illius diuisio varia, partiumque iterum diuisio;

& descriptio. Monitum deinde, hæc & talia ad mores atque animum referenda; & obiter in male diuites inuehitur, luxumque simul & auaritiâ castigat.

Rem utilem desideras, & ad sapientiam properanti utique necessariam; diuidi philosophiam, & ingens corpus ejus in membra disponi. Facilius enim per partes in cognitionem totius adducimur. Utinam quemadmodum vniuersi mundi facies in conspectum venit, ita philosophia tota nobis posset occurrere, similem mundospectaculum. Profecto enim omnes mortales in admirationem sui raperet relictis his quæ nunc magna, magnorum ignorantia, credimus. Sed quia contingere hoc non potest, sic erit à nobis adspicienda quemadmodum mundi secreta cernuntur. Sapientis quidem animus totam molem ejus amplectitur, nec minus illam velociter obit, quam cælum acies nostra: nobis autem, quibus perumpenda caligo est, & quorum visus in proximo deficit, singula quæque ostendi facilius possunt, vniuersi nondum capacibus. Faciam ergo quod exigis, & philosophiam in partes, non in frustra, diuidam. Diuide enim illam, non concidi, utile est: nam comprehendere, quemadmodum maxima, ita minima, difficile est. Describitur in tribus populus, in centurias exercitus. Quidquid in maius creuit, facilius agnoscitur, si discessit in partes: quas (ut dixi) innumerabiles esse, & paruas, non oportet. Idem enim vitij habet nimia, quod nulla diuisio; simile confuso est, quidquid vltque in puluerem sectum est. Primum itaque, sicut videtur, tibi dicam, inter sapientiam & philosophiam quid

Interfit. Sapientia perfectum bonum est mentis humanæ: philosophia sapientiæ amor est & affectio. Hæc ostendit, quo illa peruenit. Philosophia vnde dicta sit, apparet: ipso enim nomine fatetur. Quidam sapientiam ita finiunt, vt dicerent eam diuinorum & humanorum scientiam. Quidam ita: Sapientia est, nosse diuina & humana, & horum causas. Superuacua mihi videtur hæc adiectio, quia causæ diuinorum humanorumque partes sunt. Philosophiam quoque fuerunt qui aliter atque aliter definirent: alij studium illam virtutis esse dixerunt; alij studium corrigendæ mentis. A quibusdam dicta est, appetitio rectæ rationis. Illud quasi constet, aliquid inter philosophiam & sapientiam interesse. Neque enim fieri potest, vt idem sit quod affectatur, & quod affectat. Quomodo multum inter auaritiam & pecuniam interest, cum illa cupiat, hæc concupiscatur: sic inter philosophiam & sapientiam. Hæc enim illius effectus, & præmium est: illa venit, ad hancitur. Sapientia est, quam Græci σοφία, vocant. Hec verbo quoque Romani utebantur, sicut philosophia nunc quoque vtuntur. Quod & togatæ tibi antiquæ probabunt, & inscriptus Dossenni monumento titulus; *Hospes resiste, & sapiam Dossenni lege.*

Quidam ex nostris, quamuis philosophia studium virtutis esset, & hæc peteretur, illa peteret, tamen non putauerunt illas distrahi posse. Nam nec philosophia sine virtute est, nec sine philosophia virtus est. Philosophia studium virtutis est, sed per ipsam virtutem: nec virtus autem esse sine studio sui potest, nec virtutis studium sine ipsa. Non enim quemadmodum in his qui aliquid ex distan-

ti loco ferire conantur, alibi est qui petit, aliquod petitur: nec quemadmodum itinera quæ ad vrbes perducunt, extra ipsas sunt; ad virtutem venit per ipsam. Cohærent ergo inter se philosophia, virtusque. Philosophiæ tres partes esse dixerunt & maximi & plurimi auctores. Moralem, Naturalem, & Rationalem. Prima componit animum, secunda rerum naturam scrutatur, tertia proprietates verborum exigit, & structuram, & argumentationes, ne pro vero falsa surrepant. Ceterum inuenti sunt & qui in pauciora philosophiam, & qui in plura diducerent. Quidam ex Peripateticis quartam partem adiecerunt: Civilem quia quamdam propriam exercitationem desideret, & circa aliam materiam occupata sit. Quidam adiecerunt his partem, quam Græci *οἰκονομικὴν* vocant, administrandæ rei familiaris scientiam. Quidam & de generibus vitæ locum separauerunt. Nihil autem horum in illa parte morali non reperitur. Epicurei duas partes philosophiæ putauerunt esse. Naturalem atque Moralem; Rationalem remouerunt. Deinde cum ipsis rebus cogerentur ambigua secernere, falsa sub specie veri latentia coarguere, ipsi quoque locum, quem De iudicio & regula appellant, alio nomen rationalem induxerunt: sed cum accessionem esse naturalis partis existimant. Cyrenaici naturalia cum rationalibus sustulerunt, & contenti fuerunt moralibus: sed hi quoque qui remouent, aliter inducunt. In quinque enim partes moralia diuidunt: vt vna sit de fugiendis & expetendis, altera de affectibus, tertia de actionibus, quarta de causis, quinta de argumentis. Causæ rerum ex naturalis parte sunt, argumenta ex rationali, actiones,

nes ex morali. Aristo Chius non tantum superuacuas esse dixit naturalem & rationalem, sed etiam contrarias: moralem quoque, quam solam reliquerat, circumcidit. Nam cum locum qui monitiones continet, sustulit, & pædagogi esse dixit, non philosophi: tanquam quidquam aliud sit sapiens, quam humani generis pædagogus. Ergo cum tripertita sit philosophia, moralem eius partem primum incipiamus disponere. Quam in tria rursus diuidi placui ut prima esse inspectio suum cuique distribuens, & æstimans quanto quidque dignum sit maxime utilis: quid enim est tam necessarium, quam pretia rebus imponere. Secunda de impetu: tertia de actionibus. Primum enim est, ut quanti quidque sit, iudices secundum, ut impetum ad illa capias ordinatum temperatumque: tertium, ut inter impetum tuum, actionemque conueniat, ut in omnibus istis tibi ipsi consentias. Quidquid ex his tribus defuerit, turbat & cetera. Quid enim prodest, intus æstimata habere omnia, si sis impetu nimius? Quid prodest impetus repressisse, & habere cupiditates in tua potestate, si in ipsa rerum actione tempora ignoras, nec scias quando quidque, & ubi, & quemadmodum agi debeat? Aliud est enim: dignitates & pretia rerum nosse: aliud articulos: & aliud impetus refrænare, & ad agenda ire, non ruere. Tunc ergo vita sibi concors est, ubi actio non destituit impetum. Impetus ex dignitate rei cuiusque concipitur, perinde remissus acriorue, prout illa digna est peti. Naturalis pars philosophiæ in duo scinditur: Corporalia, & Incorporalia. Vtraque diuiduntur in suos, ut ita dicam gradus. Corporum locus in hoc primum, in

ea quæ faciunt, & quæ ex his gignuntur: gignuntur autem elementa. Ipse elementi locus, ut quidam putant, simplex est: ut quidam, in materiam, & causam omnia mouentem, & elementa diuiditur. Superest ut rationalem partem philosophiæ diuidamus. Omnis oratio aut continua est, aut inter respondentem & interrogantem discissa. Hanc Διαλεκτικῶν illam ῥητορικῶν placuit vocari, hæc, verba curat, & sensus, & ordinem Διαλεκτικῆ in duas partes diuiditur, in verba, significationes: id est, in res quæ dicuntur, & vocabula quibus dicuntur. Ingens deinde sequitur vtriusque diuisio. Itaque hoc loco finem faciam:

... *Et summa sequar fastigia verum.*

Alioqui si voluero facere partium partes, questionum liber fiet: Hæc, Lucili virorum optime, quo minus legas non deterreo; dummodo quidquid legeris ad mores statim referas. Illos compesce, marcentia in te excita, soluta constringe, contumacia doma, cupiditates tuas publicasque quantum potes, vexa, & istis dicentibus, Quousque eadem: responde. Ego debeo dicere. Quousque eadem peccabitis; Remedia antequam vultis, quam vitia desinere: ego vero eo magis dicam, & quia recusatis, perseverabo. Tunc incipit medicina proficere, ubi in corpore alienato dolorem tactus expressit. Dicam etiam inuitis profutura. Aliquando aliqua ad vos non blanda vox veniet, & quia verum singuli audire non vultis, publice audite. Quousque fines possessionum propagabitis ager vni domino, qui populum cepit angustus est. Quousque arationes vestras porrigetis, ne prouinciarum quidem saturationi circumscribere prædiorum modum. Illustrium fluminum per priuatum decur-

curfus, & amnes magni, magnarumque gentium termini, usque ad ostium à fonte, vestri sunt. Hoc quoque parum est, nisi latifundijs vestris maria cinxistis: nisi trans Hadriam, & Ionium, Ægæumque, vester villicus regnet: nisi insulæ, ducum domicilia magnorum, inter vilissima rerum numerentur. Quàm vultis, late possidere: sit fundus, quod aliquando imperium vocabatur: facite vestrum quidquid potestis, dum plus sit alieni. Nunc vobiscum loquor, quorum eque spatiose luxuria, quàm illorum auaritia diffunditur. Vobis dico; Quousque nullus erit lacus, cui non villarum vestrarum fastigia immineant? nullum flumen, cuius non ripas ædificia vestra prætexant? Vbicumque scatebunt aquarum calentium venæ, ibi noua diuersoria luxuriæ excitabuntur. Vbicumque in aliquem sinum litus curuabitur, vos protinus fundamenta iacietis, nec contenti solo, nisi quod manu feceritis, maria agetis introrsus. Omnibus licet locis tecta vestra splendeant, alicubi imposita montibus, in vastum terrarum marisque prospectum, alicubi ex plano in altitudinem montium educta: cum multa ædificaueritis; cum ingentis: tamen & singula corpora estis, & paruula. Quid profunt multa cubicula? in una iacetis. Non est vestrum, ubicumque non estis. Ad vos deinde transeo, quorum profunda & insatiabilis gula, hinc maria scrutatur hinc terras. Alia hamis, alia laqueis, alia rerum varijs generibus cum magno labore persequitur: nullis animalibus, nisi ex fastidio, pax est. Quantulum enim ex istis epulis, quæ per tot comparatis manus festo voluptatibus ore libatis? quantulum ex ista fera, periculose capta, dominus crudus ac nauseans gustat? quantulum

ex tot conchylijs tam longe aduectis, per istum stomachum inexplibilem, labitur: infelices etiam, quòd non intelligitis, vos maiorem famem habere, quàm ventrem. Hæc alijs dic: vt dum dicis, audias ipse. Scribe: vt dum scribis, legas, omnia ad mores, & ad sedandam rabiem affectuum referens. Stude, non vt plus aliquid seias sed vt melius.

EPIST. XC.

Philosophia laus; ea vitam formauit, consortia & imperia instituit, leges & iura dedit. An etiam artes vitæ utiles, vt fabricam, marmorariam, metallariam, vestrariã, aliasque? Negat ipse, contra Posidonium, & inferiora hac maiestate illius esse, & multa horum supernacua. Non corporis, sed animi negotium illa gerit, & gessit. Rudi etiam sæculo, an fuere Sapientes? Non, sed Sapientibus similes, beneficio non Doctrinæ, sed naturæ. Multa in his bona, & scientia aut vita fructuosa.

QVis dubitare, mi Lucili, potest, quin Deorum immortalium munus sit, quod viuimus: philosophiæ, quod bene viuimus? Itaque tanto plus nos debere huic, quàm dijs, quanto maius beneficium est bona vita, quàm vita? Pro certo deberetur, nisi ipsam Dis philosophiam tribuissent: cuius scientiam nulli dederunt, facultatem omnibus. Nam si hanc quoque donum vulgare fecisset, & prudentes nasceremur: sapientia quod in se optimum habet perdidisset: interfortuita esset. Nunc enim hoc in illa pretiosum atque magnificum est, quod non obuenit, quod illam sibi quisq; debet, quòd

quòd non ab alio petitur. Quid haberes, quòd in philosophia suspiceres, si beneficiaria res esset? Huius opus vnum est, de diuinis humanisque verum inuenire: ab hac nunquam recedit iustitia, pietas, religio, & omnis alius comitatus virtutum confertatum, & inter se cophærenium. Hæc docuit colere diuina, humana diligere, & penes Deos imperium esse, & inter homines consortium: quòd aliquamdiu iniolatum mansit, antequam societatem auaritia distraxit, & paupertatis causa etiam his, quos fecit locupletissimos, fuit. Desierunt enim omnia possidere, dum volunt propria. Sed primi mortaliū, quique ex his geniti, naturam incorrupti sequebantur, eandem habebant & ducem, & legem commissi melioris arbitrio. Naturæ est enim, potioribus deteriora submittere. Mutis quidem gregibus aut maxima corpora præsent, aut vehementissima. Non præcedit armenta degener taurus, sed qui magnitudine ac toris ceteros mares vicit: elephantorum gregem excelsissimus ducit: inter homines, pro summo est optimus. Animo itaque rector eligebatur: ideoque summa felicitas erat gentium: in quibus non poterat potentior esse, nisi melior. Tantum enim quantum vult potest, qui se, nisi quòd debet, non putat posse. Illo ergo sæculo, quòd aureum perhibent, penes sapientes fuisse regnum Posidonius iudicat. Hi continebant manus, & infirmiores à validioribus tuébantur: suadebant, dissuadebantque, & vtilia atque inutilia monstrabant. Horum prudentia, ne quid deesset suis, prouidebat fortitudo arcebat pericula; beneficentia augebat ornabatque subiectos. Officium erat imperare, non regnum. Nemo quantum posset aduersus eos experiebat-

tur,

tar, per quos ceperat posse. Nec erat cuiquam aut animus in iniuriam, aut causa: cum benè imperanti bene pareretur, nihilque rex maius minari male parentibus posset, quàm ut abiret è regno. Sed postquam surrepentibus vitijs, in tyrannidem regna versa sunt, opus esse capit legibus, quas & ipsas inter initia tulere sapientes. Solon, qui Athenas æquo iure fundavit, inter septem ævi sapientia notos. Lycurgum si eadem ætas tulisset, sacro illi numero accessisset octavus. Zaleuci leges Charondæque laudantur: hi non in foro, nec in consultorum atrio, sed in Pythagoræ tacito illo, sanctoque secessu didicerunt iura, quæ florenti tunc Siciliæ, & per Italianam Græciæ ponerent. Hastenus Posidonio assentior: artes quidam à philosophia inuentas, quibus in quotidiano usu vita vitur, non concesserim, nec illam fabricæ assertam gloriam: illa, inquit, sparsos & aut cauis tectos, aut aliqua rupe suffossa, aut exetæ arboris trunco, docuit tecta moliri. Ego vero philosophiam iudico, non magis excogitasse has machinationes tectorum supra tecta surgentium, & vrbes prementium, quàm viuaria piscium in hoc clausa, ut tempestatum pericula non adiret gula, & quamvis acerrime pelago sæuiente, haberet luxuria portus suos, in quibus distinctos piscium greges saginaret. Quid ais? Philosophia docuit homines habere clauem & feram; & quid aliud erat, avaritiæ signum dare? philosophia hæc, cum tanto habitantium periculo, imminetia tecta suspendit? Parum enim erat fortuitis regi, & sine arte & difficultate naturale sibi inuenire aliquod receptaculum. Mihi crede, felix illud sæculum ante architectonas fuit. Ista nata sunt, iam nascente

luxuria ; in quadratum tigna decidere , & ferraper designata corrente , certa manu trabem scindere .

Nam primi cuneis scindebant fissile lignum .

Non enim tecta cœnationi , epulum recepturæ , parabantur : nec in hunc usum pinus aut abies deferabatur longo vehiculorum ordine , vicis intrementibus , vt ex illa lacunaria auro grauiapenderent . Furcæ vtrinq̃ suspensæ fulciebant casam : spissæ ramalibus , ac fronde congesta & in procliuē disposita , decursus imbribus quamvis magniserat . Sub histectis habitauere securi : Culmusliberos texit : sub marmore atque auro seruitus habitat . In illo quoque dissentio à Posidonio , quod ferramenta fabrilia excogitata à sapientibus viri iudicat . Isto enim modo dicat , licet , sapientes , per quos .

Tunc laqueis captare feras , & fallere visco Inuētum , & magnos canibus circundare saltus .

Omnia enim ista sagacitas hominum , non sapientia inuenit . In hoc quoque dissentio , sapientes fuisse qui ferri metalla & æris inuenerunt : cum incendio siluarum adusta tellus , in summo venasiacentes liquefacta fudisset . Ista tales inuenit , quales colunt . Ne illa quidem tam subtilis quæstio mihi videtur , quam Posidonio : Utrum malleus in usu esse prius , an forcipeces ceperint . Utraque inuenit aliquis exercitati ingenij , acuti , non magni , nec elati , & quidquid aliud corpore incuruato , & animo humum spectante , quærendum est . Sapiens facilis victus fuit : quid ni ; cum hoc quoque sæculo esse quàm expeditissimus cupiat ? Quomodo , oro te , conuenit , vt Diogenem mireris , & Dædalum ; Vter ex his sapiens tibi videtur ; qui ferram commentus est ; an ille , qui cum vidisset puerum cauā

manu bibentem aquam, fregit protinus exem-
 ptum è perula calicem, hac obiurgatione sui:
 Quam diu homo stultus superuacuas sarcinulas
 habui? qui se complicuit in dolio, & in eo cu-
 bitauit? Hodie virum tandem sapienterem
 putas, qui inuenit quemadmodum in immen-
 sam altitudinem crocum latentibus fistulis ex-
 primat; qui Euripos subito aquarum impetu
 implet, aut siccet; versatilia cœnationum la-
 quearia ita coagmentat, vt subinde alia facies
 atque alia succedat, & toties recta, quoties fer-
 cula mutantur an eum, qui & alijs & sibi hoc
 monstrat, quam nihil nobis natura durum ac
 difficilo imperauerit? Posse nos habitare sine
 marmorario fabro, posse nos vestitos esse sine
 commercio Serum, posse nos habere vsibus no-
 stris necessaria; si contenti fuerimus his, quæ
 terra posuit in summo? Quem si audire huma-
 num genus voluerit, tam superuacuum sciet si-
 bi coquum esse, quam militem. Illi sapientes
 fuerunt, aut certe sapientibus similes, quibus
 expedita erat tutela corporis. Simplici cura
 constant necessaria: in delicias laboratur: Non
 desiderabis artifices; si sequere naturam: illa
 noluit esse districtos: ad quæcumque nos coge-
 bat, instruxit. Frigius intolerabile est corpori
 nudo. Quid ergo? nunquid non pelles fera-
 rum, & aliorum animalium, à frigore satis
 abundeque defendere queunt? non corticibus
 arborum pleræque gentes regunt corpora? non
 auium plumæ in vltum vestis conferuntur? non
 hodieque magna Scytharum pars, tergis vulpi-
 um induitur ac murum, quæ tactu mollia, &
 impenetrabilia ventis sunt? Opus est tamen ca-
 lorem solis æstiuæ vmbra crassiore, propellere.
 Quid ergo? non vetustas multa addidit loca
 quæ

quæ vel iniuria temporis, vel alio quolibet casu excavata in specum recesserunt: Quid ergo? non quamlibet virream craterem texuerunt manu, & vili obleuerunt luro, deinde stipula alijsque siluestribus operuere fastigium, & pluvijæ per detrita labentibus hiemem transiere securi? Quid ergo? non in defosso latent Syrticæ gentes: quibus propter nimios solis ardores, nullum tegumentum satis repellendis caloribus solidum est, nisi ipsa arens humus. Non fuit tam inimica natura, ut cum omnibus alijs animalibus facilem actum vitæ daret homo solus non posset sine tot artibus vivere. Nihil horum ab illa nobis imperatum est, nihil ægre quærendum, ut possit vita produci. Ad parata nati sumus: nos omnia nobis difficilia faciliū fastidio fecimus. Tecta tegumentaque, & fomenta corporum, & cibi, & quæ nunc ingens negotium facta sunt, obuia erant, & gratuita, & opera leui parabilia: modus enim omnium, prout postulabat necessitas, erat: nos ista pretiosa, nos mira, nos magnis multisque conqui-
renda artibus fecimus. Sufficit ad id natura quod poscit. A natura luxuria descivit: quæ quotidie seipsam incitat, & tot sæculis crescit, & ingenio adiuvat vitia. Primo superuacua cœpit concupiscere, inde contraria, nouissime corporis animum addixit, & illius deseruire libidini iussit. Omnes istæ artes, quibus aut excitatur ciuitas, aut strepit, corporis negotium gerunt: cui omnia olim tanquam seruo præstabantur, nunc tanquam domino parantur. Itaque hinc textorum, hinc fabrorum officina sunt, hinc odores coquentium, hinc molles corporis motus docentium, mollesque cantus & infractos. Recessit enim illa natura-

lis modus, desideria opem necessaria finiens: iam rusticitatis & miseriae est, velle quantum sat est. Incredibile est, mi Lucili, quam facile etiam magnos viros dulcedo oratione abducata vero. Ecce Posidonius, ut mea fert opinio, unus ex ijs qui plurimum philosophiae contulerunt, dum vult describere primum, quemadmodum alia torqueantur fila, alia ex molli solutoque ducantur: deinde quemadmodum tela suspensis ponderibus rectum stamen extendat, quemadmodum subtemen infertum, quod duritiam utrinque comprimendis tramæ remolliat, spatha coire cogantur & iungi, tetrini quoque artem a sapientibus dixi inuentam, oblitus postea repperit hoc subtilius genus, in quo

Tela iugo iuncta est, stamen secernit arando.

Inferitur medium radiis subtemen acutis,

Quod lato feriunt insecti pectine dentes.

Quod si contigisset illi videre has nostri temporis telas, quibus vestis nihil celatura conficitur, in qua non dico nullum corpori auxilium, sed nullum pudori est? transit deinde ad agricolas, nec minus facunde describit proscissum aratro solum, & iteratum, quo solutior terra facilius pateat radicibus: tum sparsa semina, & collectas manu herbas, ne quid fortuitum & agreste succrescat, quod necet segetem. Hoc quoque opus ait esse sapientium: tanquam non nunc quoque plurima cultores agrorum noua inueniant, per quæ fertilitas augeatur. Deinde non est contentus his artibus, sed in pristinum sapientem submittit. Narrat enim, quemadmodum, rerum naturam imitatus, panem coepit facere. Receptas, inquit, in os fruges, concurrens inter se duritia dentium frangit, & quidquid excidit, ad eosdem dentes lingua refer-

tur:

tur: tunc vero saluæ miscetur, vt facilius per fauces lubricas transeat. Cum peruenit in ventrem, aqualiculi feruore concoquitur, tunc demum corpori accedit: Hoc aliquis secutus exemplar, lapidem asperum aspero imposuit, ad similitudinem dentium, quorum pars immobilis motum alterius expectat: deinde vtriusque attritu grana franguntur, & sæpius regeruntur, donec ad minutiam frequenter trita redigantur. Tunc farinam aqua sparsit, & assidua tractatione perdomuit, finxitque panem: quem primo cinis calidus, & feruens testa percoxit: deinde furni paullatim reperti, & alia genora, quorum feruor feruiret arbitrio. Non multum abfuit, quin futrinum quoque inuentum a sapientibus diceret. Omnia ista ratio quidem, sed non recta ratio commenta est. Homini ss enim non sapientis inuenta sunt; tam mehercules quam nauigia, quibus amnes, quibusque maria transimus, aptatis ad excipiendum ventorum impetum velis, & additis à tergo gubernaculis, quæ huc atque illuc cursum nauigij torqueant & exemplum à piscibus tractum est, qui cauda reguntur, & leui eius in virumque momento velocitatem suam flectunt. Omnia hæc quidem, inquit, sapiens inueniuit: sed minora, quam vt ipse tractaret, sordidoribus ministris dedit. Imo non ab alijs excogitata ista sunt quam à quibus hodieque curantur. Quædam nostra demum prodisse memoria scimus: vt speculaciorum vsum, perlucens testa, clarum transmittentium lumen: vt suspensuras balnearum, & impressos parietibus tubos, per quos circumfunderetur calor, qui ima simul & summa fonderet æqualiter. Quid loquar marmora, quibus templâ, quibus domus fulgent? Quid lapideas

molet in totundum ac leue formatas, quibus
 porticus & capacia populorum testa suspici-
 mus. Quid verborum notas, quibus quamuis ci-
 tata excipitur oratio, & celeritatem linguæ ma-
 nus sequitur: Vilissimorum mancipiorum ista
 commenta sunt, sapientia altius sedet, nec ma-
 nus edocet; animorum magistra est. Vis scire,
 quid illa eruerit, quidue effecerit. Non indeco-
 ros corporis motus, nec varios per turbam ac ti-
 biam catus, quibus exceptus spiritus, aut in exitu
 aut in transitu, formatur in vocem: non arma, nec mu-
 ros nec bella; ut illa molitur, paci fauet, & genus
 humanum ad concordiam vocat. Noc est, in-
 quam instrumentorum ad usus necessarios opi-
 fex: quid illi tam paruula assignas? artificem vi-
 des vitæ. Alia quidem artes sub dominio ha-
 bet, nam cui vita, illi vitæ quoque ornamenta
 seruiunt, ceterum ad beatum statum tendit, il-
 lo ducit, illo vias aperit. Quæ sint mala, quæ
 videantur ostendit, vanitatem exuit mentibus,
 dat magnitudinem solidam; inflatam vero, &
 ex inani speciosam reprimit; nec ignorari si-
 nit, inter magna quid intersit & tumida, totius
 naturæ notitiam ac suæ tradit. Quid sint dii,
 qualesque, declarat, quid inferi, quid lares &
 genij. Quid in secundam numinum formam
 animæ perpetuæ, ubi consistent, quid agant
 quid possint, quid velint. Hæc eius initia men-
 ta sunt, per quæ non municipale sacrum, sed
 ingens omnium deorum templum mundus iste
 referatur, cuius vera simulacra, verasque fa-
 cies cernendas mentibus prorulit; nam ad spe-
 ctacula tam magna hebes visus est: ad initia
 deinde rerum redit & æternam rationem to-
 ti inditam, & vim omnium seminum singula
 proprie figurantem. Tum de animo cepit in-
 quire.

quirere, vnde esset, vbi, quam diu, in quot membra diuisus. Deinde à corporalibus se ad incorporea transtulit, veritatemque & argumenta eius excussit: post hæc, quemadmodum discernentur vitæ ac necis ambigua: in vtraque enim falsa veris immixta sunt. Non abduxit, inquam, se, vt Posidonio videtur, ab istis artibus sapiens, sed ad illas omnino non venit. Nihil enim dignum inuentu iudicasset, quod non erat dignum perpetuo. vsu iudicatus: ponenda non sumeret. Anacharsis, inquit, inuenit rotam figuli, cuius circuitu vasa formantur. Dein quia apud Homerum inuenitur figula rota, mauult videri versus falsos esse, quam fabulam. Ego nec Anacharsin huius rei fuisse auctorem contendo: & si fuit, sapiens quidem hoc inuenit, sed non tanquam sapiens: sicut multa sapientes faciunt, qua homines sunt, non qua sapientes. Puta velocissimum esse sapientem: cursu omnes anteibit, qua velox est non qua sapiens. Cuperem Posidonio aliquem vitrarium ostendere, qui spiritu vitrum in habitus plurimos format, qui vix diligentiam manuum effingerentur. Hæc inuenta sunt, postquam sapientem inuenire desuimus. Democritus, inquit, inuenisse dicitur fornicem, vt lapidum curuatura, paulatim inclinatorum medio saxo alligaretur. Hoc dicam fallum esse. Necesse est enim ante Democritum, & pontes, & portas fuisse, quarum fere summa curuantur. Excidit porro vobis, eundem Democritum inuenisse, quemadmodum ebur mollioretur quemadmodum decoctus calculus in smaragdum conuerteretur, qua hodieque coctura inuienti lapides coctiles colorantur. Ita sapiens, licet inuenierit, non qua sapiens erat inuenit:.

multa enim facit, quæ ab imprudentissimis aut æque fieri videmus, aut peritius, aut exercitatus. Quid sapiens inuestigauerit, quid in lucem protraxerit, quæris? Primum rerum naturam, quam non ut cetera animalia oculis secutus est, tardis ad diuina. Deinde vitæ legem, quam ad vniuersa direxit: nec nosse tantum, sed sequi docuit deos, & accidentia non aliter excipere, quam imperata. Vetuit parere opinionibus falsis, & quanti quidque esset, vera æstimatione perpendit: damnavit mixtas pœnitentiæ voluptates. Et bona semper placitura laudauit, & palam fecit, felicissimum esse, cui felicitate opus non est: potētissimum esse, qui se habeat in potestate; Non de ea philosophia loquor, quæ ciuem extra patriam posuit, extra mundum deos, quæ virtutem donauit voluptati; sed illa, quæ nullum bonum putat, nisi quod honestum est; quæ nec hominis, nec fortunæ muneribus deleniri potest; cuius hoc prætium est, non posse pretio capi. Hanc philosophiam fuisse illo rudi sæculo, quo adhuc artificia deerant, & ipso vsu discabant vtilia, non credo: sicut ante fortunata tempora, cum in medio iacerent beneficia naturæ promiscue vtenda, antequam auaritia atque luxuria dissociauere mortales, & ad rapinam ex consortio discurrere, non errant illi sapientes viri, etiam si faciebant facienda sapientibus. Statum quidem generis humani, non alium quisquam suspexerit magis; nec si cui permittat Deus terrena formare, & dare gentibus mores, aliud probauerit, quam quod apud illos fuisse memoratur, apud quos

... nulli subigebant arua coloni.

Nec signare quidem, aut partiri limite campum
Fus erat: in medium quærebant ipsaque tellus

Omnia

Omnia liberius, nullo poscente ferebat.
Quid hominum illo genere felicius? In commune rerum natura fruebantur: sufficebat illa, ut parens, in tutelam omniam: hæc erat publicarum opum securæ possessio. Quid ni ego illud locupletissimum mortalium genus dixerim, in quo pauperem inuenire non posses? Irrupit in res optime positas avaritia: & dum seducere aliquid cupit, atque in suum vertere, omnia fecit aliena, & in angustum ex immenso redacta, paupertatem iatulit, multa concupiscendo, omnia amisit. Licet itaque velis nunc concurrere & reparare quod perdidit: licet agros agris adijciat, vicinum vel pretio pellas æris, uel iniuria: licet in prouinciarum spatium iuta dilatet, & possessionem uocet per suam longam peregrinationem: nulla nos finium propagatio co reducet, unde discessimus. Cum omnia fecerimus, multum habebimus: uniuersum habebamus. Terra ipsa fertilior erat, illaborata, & in usus populorum non diripientium larga. Quidquid natura protulerat, id non minus inuenisse, quam inuentum monstrare alteri, voluptas erat nec aut ulli superare poterat, aut deesse: inter concordēs diuidebatur. Nondum valentior imposuerat infirmiori manum, nondum avarus abscondendo quod sibi iaceret, alium necessarijs quoque excluderat: par erat alterius, ac sui, cura. Arma cessabant, incruentæque humano sanguine manus, odium omne in feras verterant. Illi, quos aliquod nectus densum à sole protegebat, qui aduersus sæuitiam hiemis aut imbris, vili receptaculo tuti sub fronde vivebant, placidas transigebant sine suspirio noctes. Sollicitudo nos in nostra purpura versat, & acerrimis excitat stimulis: at quæ

mollem somnum illis dura tellus dabat. Non impendebant cælata laquearia: sed in aperto iacentes sidera superlabebantur, & insigne spectaculum noctium; mundus in præceptis agebatur, silentio tantum opus ducens, tam interdiu illis, quam noctu, patebat profectus huius pulcherrimæ domus libebat intrueri signa, ex media cæli parte vergentia, rursus ex occulto alia surgentia. Quid ni iuaret vagari inter tam late sparsa miracula? At vos ad omnem rectorum pauperis somnum, & inter picturas vestras si quid increpuit, fugitis attoniti. Non habebant domos, instar urbium. Spiritus ac liber inter aperta flatus, & levis umbra rupis aut arboris, & perlucidi fontes, cuique non opere, nec fistula, nec ullo coacto itinere obsolefacti, sed sponte currentes, & præta sine arte formosa, inter hæc agreste domicilium, rustica politum manu. Hæc erat secundum naturam domus, in qua libebat habitare, nec ipsam, nec pro ipsa timentem: nunc magna pars nostri metus, tecta sunt. Sed quamvis egregia illis vita fuerit, & carens fraude, non fuere sapientes, quando hoc iam in opere maximo nomē est, Non tamen negauerim fuisse alii spiritus viros, & ut ita dicam, à dijs recentes: neque enim dubium est, quin meliora mundus nondum effectus ediderit. Quemadmodum autem omnibus indoles fortior fuit, & ad labores paratior: vita non erant ingenia omnibus consummata. Non enim dat natura virtutem: ars est, bonum fieri. Illi quidem non aurum, nec argentum, nec perlucidos lapides in aëre terrarum facere quærebant, parcebantque adhuc etiam muris animalibus tantum aberrat, ut homo hominem non iratus, non timens, tantum spectaturus occideret, Nondum vestris

illis erat picta, nondum texebatur aurum: adhuc non eruebatur. Quid ergo: Ignorantia rerum, innocentes erant; multum autem interest, virum peccare aliquis nolit, an nesciat. Deerat illis iustitia, deerat prudentia, deerat temperantia ac fortitudo. Omnibus his virtutibus habebat similia quædam rudis vita: virtus non contingit animo, nisi instituto, & edocto, & ad summum assidua exercitatione perducto. Ad hoc, quidem, sed sine hoc nascimur: & in optimis quoque antequam erudiat, virtutis materia, non virtus est.

EPIST. XCI.

Lugdunensis colonia incendium triste, & subitum: ea iniectio, cogitandum de inopinatis, & quæ homini possunt accidere. Ponit ante oculos incerta & fluxa hæc rerum: maxima & firmissima minui, mutari, subduci, terræ motu, aquis, flammis. Omnia mortalia morte damnata esse. Ergo nec istam homini, nec infamiam timenda.

Liberalis noster nunc tristis est, nunciato incendio, quo Lugdunensis colonia exusta est. Mouere hic casus quemlibet posset, nedum hominem patriæ suæ amantissimum. Quæ res, efficit, ut firmitatem animi sui quærat, quam videlicet ad quæ timeri posse putabat, exercuit: hoc vero tam inopinatum malum, & pæne inauditum, non miror si sine metu fuit, cum esset sine exemplo. Multas enim ciuitates incendium vexauit, nullam abstulit. Nam etiam ubi hostili manu in tecta ignis immissus est, multis locis deficit: & quamuis subinde excitetur, raro tamen sic cuncta depascitur, ut nihil

ferro relinquat. Terrarum quoque vix vnquam tam grauis & perniciosus fuit motus, vt tota oppida euerteret. Numquam denique tam infectum vlli exarsit incendium, vt nihil alteri superesset incendio. Tot pulcherrima opera, quæ singula illustrare vrbes singulas possent, vna nox strauit, & in tanta pace, quantum ne bello quidem timeri potest, accidit. Quis hoc credat, vbi-que armis quiescentibus, cum toto orbe terrarum diffusa securitas sit, Lugdunum quod ostendebatur in Gallia, quæri? Omnibus fortuna, quos publicè afflixit, quod passuri erant, timere permisit: nulla res magna non aliquod habuit ruinæ suæ spatium: in hac, vna nox fuit inter urbem maximam, & nullam. Denique diutius illam tibi perisse, quam periit, narro. Hæc omnia Liberalis nostri affectum inclinant, aduersus sua firmum & erectum: nec sine causa concussus est. Inexpectata plus aggrauant: nouitas adiicit calamitatibus pondus: nec quisquam mortalium non magis, quod etiam miratus est, doluit. Ideo nihil nobis improuissimè esse debet: in omnia præmittendus est animus: cogitandumque, non quidquid solet, sed quidquid potest fieri. Quid enim est, quod non fortuna cum voluit, & florentissimo detrahat? quod non eo magis aggrediatur, & quatiat, quo speciosius fulget? Quid illi arduum, quidue difficile est? non vna via semper, ne tota quidem incutrit. Modo nostras in nos manus aduocat, modo suis contenta viribus, inuenit pericula sine auctore. Nullum tempus exceptum est: in ipsius voluptatibus causæ doloris oriuntur. Bellum in media pace consurgit, & auxilla securitatis in metum transeunt: ex amico inimicus, hostis ex socio. In subitas tempestates,

hibernique maiores, agitur æstiva tranquillitas. Sine hoste patimur hostilia: & cladis causas, si alia deficiunt, nimia sibi felicitas inuenit. Inuadit temperatissimos morbus, validissimos phthisis, innocentissimos pœna, secretissimos tumultus. Eligit aliquid noui casus, per quod velut oblitis vires suas ingerat. Quidquid longa series, multis laboribus, multa Deum indulgentia struxit, id vnus dies spargit ac dissipat. Longam moram dedit malis properantibus, qui diem dixit; hora, momentumque temporis euertendis imperijs suffecere. Esset aliquod imbecillitatis nostræ solatium, rerumque nostrarum, si tam tarde perirent cuncta, quam fiat: nunc incrementa lente exeunt, festinatur in damnum. Nihil priuatim, nihil publice stabile est; tam hominum, quam vrbium, fata voluntur. Inter placidissima terror existit, nihilque, extra tumultuantibus causis, mala vnde minime expectabuntur, erumpunt. Quæ domesticis bellis steterant regna, quæ externis, impellente nullo ruunt. Quota quæque felicitatem ciuitas pertulit? Cogitanda ergo sunt omnia, & animus aduersus ea quæ possunt euenire, firmandus. Exsilia, tormenta, bella, morbos naufragia meditare, potest te patriæ, potest patriam tibi casus eripere: potest te in solitudinem abijcere, potest hoc ipsum in quo turba suffocatur, fieri solitudo. Tota ante oculos fortis humanæ conditio ponatur: nec quantum frequenter euenit, sed quantum plurimum potest euenire, præsumamus animo, si volumus opprimi, nec vllis inusitatis velut nouis obstupefieri. In plenum cogitanda fortuna est; Quoties Asiæ, quoties Achaïæ vrbes vno tremore ceciderunt? quot oppida in Syria? quot in Macedonia

donia deuorata sunt? Cyprum quoties vastauit: hæc clades? quoties in se Paphus corruit? Frequenter nobis nuntiati sunt rotarum urbium interitus: & nos, inter quos frequenter ista nuntiantur, quota pars omnium sumus? Consurgamus itaque aduersus fortuita: & quidquid inciderit, sciamus non esse tam magnum, quam rumore iactetur. Ciuitas arsit opulenta, ornamentumque provinciarum, quibus & inserta erat, & excepta, vni tamen imposita, & huic non altissimo monti. Omnium istarum ciuitatum, quas nunc magnificas ac nobiles audis, vestigia quoque tempus eradet. Non vides quemadmodum in Achaia clarissimarum urbium iam fundamenta consumpta sint, nec quidquam exstet, ex quo appareat illas saltem fuisse? Non tantum manufacta labuntur, non tantum humana arte atque industria posita vertit dies: iuga montium disfluunt, totæ desedere regiones. Operto sunt fluctibus, quæ procul à conspectu maris stabant: vastauit ignis colles, per quos elucebat: ero sit & quondam altissimos vertices, solatia nauigantium ac speculas; ad humilem arenam deduxit. Ipsius naturæ opera vexantur & idè æquo animo ferre debemus urbium excidia. Casura omnia exstant: omnibus exitus manet: siue interna vi flatuque præclusa violenti pondus, sub quo tenentur, excusserint; siue torrentium in abdito vis obstantia effregerit; siue flammarum violentia compaginem soli ruperit; siue vetustas, à qua nihil tutum est, expugnauerit minutatim; siue grauitas cæli egresserit populos, & situs deserta corruperit. Enumerare omnes fatorum vias, longum est: hoc vnum scio: omnia mortalium opera, mortalitate damnata sunt: inter peritura viuimus. Hæc

ego atque eiusmodi solatia admoueo. Liberali nostro, incredibili quodam patriæ suæ amore flagranti: quæ fortasse consumpta est, ut in melius excitaretur. Sæpe maior fortunæ locum fecit iniuria: multa ceciderunt, ut altius surgerent, & in maius. Timagenes felicitati urbis inimicus aiebat, Romæ sibi incendia ob hoc vnum dolori esse, quod sciret meliora resurrectura, quàm arsisent. In hac quoque vrbe verisimile est certaturos omnes esse, ut maiora certioraque quàm amifere, restituantur. Sint utinam diuturna, & melioribus auspicijs in æuum longius condita. Nam huic coloniz ab originæ suæ centesimus annus est, ætas ne homini quidem extrema. A Planco deducta in hanc frequentiam, loci opportunitate, conualuit: quæ tamen grauissimos casus intra spatium humanæ pertulit senectutis. Itaque formetur animus ad intellectum, patientiamque sortis suæ, & sciat nihil inausum esse fortunæ. Aduersus imperia illam idem habere iuris, quòd aduersus imperantes: aduersus vrbes idem posse, quòd aduersus homines. Nihil horum indignandum est: in eum intrauimus mundum, in quo his legibus viuatur. Placet? pare: non placet? quacumque vis, exi. Indignare, si quid in te iniqui proprie constitutum est: sed si hæc imos summosque necessitas alligat, in gratiam cum fato reuertere, à quo omnia resoluntur. Non est quòd nostrumulis meriaris, & his monumentis, quæ viam disparia prætexunt: æquat omnes cinis: impares nascimur, pares morimur. Idem de urbibus, quòd de urbium incolis dico: tam Ardea capta, quàm Roma est. Conditor ille iuris humani, non natalibus nos nec nominum claritate distinxit, nisi dum sumus. Vbi verò ad finem mor-

italium ventum est : Discede, inquit, ambitio-
 omnium quæ terram premunt, simplex esto.
 Ad omnia patiēda pares sumus: nemo altero fra-
 gilior est, nemo in crastinum sui certior. Ale-
 xander Macedonum rex discete Geometriam
 infelix cæperat, sciturus quam pusilla terra es-
 set, ex qua minimum occupauerat. Ita dico in-
 felix ob hoc, quod intelligere debebat falsum se
 gerere cognomen: quis enim esse magnus in
 pusillo potest? Erant illa quæ tradebantur, sub-
 tilia, & diligenti intentione discenda: non quæ
 percipere posset vesanus homo, & trans Ocea-
 num cogitationes suas mittens. Facilia, inquit,
 me doce. Cui præceptor: Ista, inquit omnibus
 eadem sunt, æque difficilia. Hoc puta rerum na-
 turam dicere: Ista de quibus quereris, omnibus
 eadem sunt: nulli dari faciliora possunt: sed
 quisquis volet: sibi ipsi illa reddet faciliora.
 Quomodo? Æquanimirate. Et doleas oport-
 et, & sitias, & esurias, & senes eas, & si tibi lon-
 gior contigerit inter homines mora, & ægro-
 tes, & perdas aliquid, & pereas. Non est tamen
 quod istis, quæ te circumstrepunt, credeas, nihil
 horum malum est, nihil intolerabile, aut du-
 rum. Ex consensu istis metus est: sic mortem
 times, quomodo famam: quid autem stultius
 homine, verba metuente? Eleganter Demetrius
 noster solet dicere, eodem loco sibi esse voces
 imperitorum, quo ventre redditos crepitus.
 Quid enim, inquit, mea refert, iursum isti an
 deorsum sonent? Quanta dementia est vereri,
 ne infameris ab infamibus? Quemadmodum
 famam extimuiſtis sine causa: sic & illa, quæ
 nunquam timeretis, nisi fama iussisset. Num-
 quid detrimenti faceret vir bonus, inquis ru-
 moribus aspersus? nec morti quidem hoc apud

nōs noceat: & hæc malam molitionem habet. Nemo eorum qui illam accusant, expertus est: interim temeritas est, damnare quod nescias. At illud scis, quam multis utilis sit, quam multos liberet tormentis, egestate, querelis, supplicijs, tædio. Non sumus in vllius potestate, cum mor in nostra potestate sit.

EPIST. XCII.

Rationem in homine dominari, & huc omnia referri: & in ea perfectam Beatam vitam esse. Externa leue, aut nullum pondus habere. Vtique voluptatem non facere momentum, irationalium bonum. Et posse tamen sumi externa, que secundum Naturam sunt, sed iudicio; & hoc tunc in iis Bonum esse, bene eligi. Nihilominus & sine iis, sola Virtute beatum, imo Beatissimum aliquem esse. Accedere hæc posse, non tamen augere addita, nec minuire detracta Beatitatem: in quam nec Tempus aliquid potest. Deo assimilari, ad illum eamus.

Puto inter me teque conuenit, externa corpori acquiri, corpus in honorem animi coli, in animo esse partes ministras, per quas mouemur alimurque, propter ipsum principale nobis datas. In hoc principali est aliquid irrationale est & rationale. Illud huic seruit: hoc vnum est, quod alio non refertur, sed omnia a se perfert. Nam illa quoque diuina ratio omnibus præposita est, ipsa sub nullo est: & hæc autem nostra eadem est, quia ex illa est. Si de hoc inter nos conuenit, sequitur vt de illo quoque conueniat, in hoc vno positam esse beatam vitam, vt in

nobis ratio perfecta sit. Hæc enim sola non submittit animum, stat contra fortunam: in quolibet rerum habitu seruat, seruat. Id autem vnum bonum est, quod nunquam defringitur. Is, inquam, beatus, quem nulla res minorem facit: tenet summa, & ne vlli quidem, nisi sibi, innixus. Nam qui aliquo auxilio sustinetur, potest cadere; Si aliter est, incipient in nobis multum valere non nostra. Quis autem, ut constare fortuna, aut quis se prudens ob aliena miratur? Quid est beata vita? securitas & perpetua tranquillitas. Hanc dabit animi magnitudo, dabit constancia bene iudicati tenax. Ad hoc quomodo peruenitur? si veritas tota perspecta est, si seruatus est in rebus agendis ordo, modus decor, & innoxia voluntas aut benigna, intentioni, nec vnquam ab illa recedens, amabilis simul, mirabilisque. Denique, ut breuiter tibi formulam scribam, talis animos sapientis esse viri debet qualis Deum deceat. Quid potest desiderare is, cui omnia honesta contingunt? Nam, si possunt aliquid non honesta conferre ad optimum statum, in ijs erit beata vita, sine quibus non est. Et quid stultis turpiusue, quam bonum rationalis animi ex irrationalibus necere? Quidam tamen augeri summum bonum iudicant, qua parum plenum sit, fortunis repugnantibus. Antipater quoque, inter magnos sectæ huius auctores, aliquid se tribuere dicit externis, sed exiguum admodum. Vides autem quale sit, die non esse contentum, nisi aliquis igniculus alluxerit. Quod potest in hac claritate solis habere scintilla momentum: Si non es sola honestate contentus, necesse est aut quietem adijci velis, quam besychiam vocant Græci, aut voluptatem. Horum alterum vtrumque recipi potest: vacat enim

enim animus molestia liber ad inspectum vni-
 uersi, nihilque illum auocat à contemplatione
 naturæ: alterum illud, voluptas, bonum pecoris
 est. Adijcimus rationali irrationale, honesto in-
 honestum. Magnam vitam facit titillatio corpo-
 ris. Quid ergo dubitatis dicere, bene esse homini
 si palato bene est. Et hunc tu, non dico inter vi-
 ros numeras, sed inter homines cuius summum
 bonum saporibus, ac coloribus, ac senis constat.
 Excedat ex hoc animalium numero pulcherri-
 mo, ac dijs secundo; mutis aggregetur animal
 pabulo lætum. Irrationalis pars animi duas ha-
 bet partes: alteram animosam, ambitiosam, im-
 potentem, positam in affectibus: alteram hu-
 milem, languidam voluptatibus deditam. Illam
 effrænatam, meliorem tamen, certe fortio-
 rem ac digniorem viro, reliquerunt: hanc necessa-
 riam beatæ vitæ putauerunt, eneruem & abie-
 ctam. Huic rationem seruire iusserunt, & fece-
 runt animalis generosissimi bonum, demissum
 & ignobile. Præterea mixtum, portentosumque
 & ex diuersis animalium congruentibus mem-
 bris: nam, ut ait Virgilius noster in Scylla,
Prima hominis facies, & pulchro pectore virgo
Pube tenus, postrema immani corpore pistris,
Delphinum caudas utero commissa luporum.
 Huic tamen Scyllæ fera animalia iuncta sunt,
 horrenda, velocia: at isti sapientiam ex quibus-
 nam composuere, portentis: prima hominis pars,
 est ipsa virtus: huic committitur futilis caro, &
 fluida, & receptanda tantum cibus habilis, ut ait
 Posidonius. Virtus illa diuina in lubricum desi-
 nit, & superioribus eius partibus venerandis at-
 que cælestibus, animal iners ac marcidum atte-
 xitur. Illa utcumque alta quies, nihil quidem
 ipsa animo præstabat, sed impedimenta remo-

uebat: voluptas vltro dissoluit, & omnia robur emollit. Quæ inuenietur tam discors inter se iunctura corporum? Fortissimæ rei inertissima adstruitur, seuerissimæ parum feria, sanctissimæ intemperans vsque ad incesta. Quid ergo? inquit: si virtutem nihil impeditura sit bona valetudo, & quies, & dolorum vacatio: non petes illa? Quid ni petam? non quia bona sunt, sed quia secundum naturam sunt, & quia bono à me iudicio sumuntur. Quod erit in illis tunc bonum? hoc vnum, bene eligi. Nam cum vestem qualem decet sumo, cum ambulo vt oportet, cum cæno quemadmodum debeo: non cæna aut ambulatio, aut vestis bona sunt; sed meum in his propositum seruantis in quaque re rationi conuenientem modum. Etiam nunc cadijciam: Mundæ vestis electio appetenda est homini: natura enim homo mundum & elegans animal est. Itaque non est bonum per se mundas vestis, sed mundæ vestis electio: quia non in re bonum est, sed in electione: quia actiones nostræ honestæ sunt, non ipsa quæ aguntur. Quod de veste dixi, idem de corpore me existima dicere: nam hoc quoque natura, vt quendam vestem, animo circundedit; velamentum eius est. Quis autem vnquam vestimenta æstimauit arcula? Nec bonum, nec malum vagina gladium facit. Ergo de corpore quoque idem tibi respondeo: sumpturum quidem me, si detur electio, & sanitatem & vires: bonum autem futurum iudicium de illis meum, non ipsa. Est quidem, inquit, sapiens beatus; summum tamen illud bonum non assequitur, nisi illi & naturalia instrumenta respondeant. Ita miser quidem esse, qui virtutem habet, non potest: beatissimus autem non

est.

et, qui naturalibus bonis destituitur, ut valetudine, & membrorum integritate. Quod incredibile videtur, id concedis, aliquem in maximis & continuis doloribus non esse miserum, esse etiam beatum; quod leuius est, negas, beatissimum esse. Atqui si potest virtus efficere, ne miser aliquis sit, facilius efficiet, ut beatissimus sit: minus enim interualli à beato ad beatissimum restat, quam à misero ad beatum. An quæ restantum valet, ut ereptum calamitatibus inter beatos locet? non potest adijcere quod superest, ut beatissimum faciat? in summo deficit eliuo? Commoda sunt in vita, & incommoda: utraque extra nos. Si non est miser vir bonus, quamuis omnibus prematur incommodis, quomodo non beatissimus, & si aliquibus commodis deficitur? Nam quemadmodum in commodorum onere usque ad miserum non deprimitur, sic commodorum inopia non deducitur à beatissimo: seu tam sine commodis beatissimus est, quam non est sub incommodis miser. Aut potest illi eripi bonum suum, si potest minui. Paulo ante dicebam, igniculum nihil conferre luminis solis claritate enim eius, quidquid sine eo lucet, absconditur. Sed quædam, inquit soli quoque obstant. At solis vis & lux integra est, etiam inter opposita: & quauis aliquid interiaceat, quod nos prohibeat eius ad spectu, in opere est, cursu suo fertur. Quoties inter nubila luxit, non est sereno minor, nec tardior quidem: quoniam multum interest, utrum aliquid obfret tantum, an impediat. Eodem modo uirtuti opposita nihil detrahunt: non est minor, sed minus fulget: nobis forsitan non æquæ apparet, ac niter, sibi eadem est, & more solis obscuri, in occulto uim suam exerceat. Hoc itaque aduersus uirtutem possunt calamitates &

da-

damna, & iniuriæ, quod aduersus solem potest nebula. Inuenitur qui dicat, sapientem corpore parum prospero vltum, nec miserum esse, nec beatum. Hic quoque fallitur: exequat enim fortuita virtutibus, & tantumdem tribuit honestis, quantum honestate carentibus. Quid autem foedius, quid indignius, quam comparare veneranda contemptis? Veneranda enim sunt fides, iustitia, pietas, fortitudo, prudentia: è contrario vilia sunt, quæ sæpè contingunt pleniora vilissimis, crur solidum, & lacertos, & dentes, & horum sanitas, firmitasque. Deinde si sapiens cui corpus molestum est, nec miser habebitur, nec beatus, sed in medio relinquetur: vita quoque eius nec appetenda erit, nec fugienda. Quid autem tam absurdum, quàm sapientis vitam appetendam non esse? aut quid tam extra fidem, quàm esse aliquam vitam nec appetendam, nec fugiendam? Deinde, si damna corporis miserum non faciunt, beatum esse patiuntur. Nam quibus potentia non est in peiorem transferendi statum, nec interpellandi quidem optimum. Frigidum, inquit, aliquid, & calidum nouimus; inter vtrumque tepidum est. Sic aliquis beatus est, aliquis miser; aliquis nec miser, nec beatus. Volo hanc contra nos positam imaginem excutere. Si tepido illi plus frigidi ingesserò fiet frigidum: si plus calidi affudero, fiet nouissimè calidam. At huic, nec misero, nec beato, quantumcumque ad miseras adiecero, miser non erit, quem admodum dicitis: ergo imago ista dissimilis est. Deinde trado tibi hominem, nec miserum, nec beatum: huic adijcio cæcitatem, non fit miser: adijcio debilitatem, non fit miser: adijcio dolores continuos & graues, non fit miser:

miser. Quem tam multa mala in miseram vi-
 tam non transferunt, nec ex beata quidem edu-
 cunt. Si non potest, ut dicitis, sapiens ex beato in
 miserum decidere, non potest in non beatum;
 quare enim qui labi cepit, alicubi subsistat? quæ-
 res non patitur illum ad inum deuolui, retinet
 in summo. Quidni non possit beata vita rescindi?
 nec remitti quidem potest; & ideo virtus ad il-
 lam per se ipsa satis est. Quid ergo? inquit, sa-
 piens non est beator, qui diutius vixerit quem
 nullus auocauit dolor; quam ille qui cum mala
 fortuna semper luctatus est. Responde mihi:
 Numquid & melior est, & honestior? si hæc non
 sunt, nec beator quidem est. Rectius vivat, o-
 portet, ut beatus vivat; si rectius non potest, ne
 beatus quidem. Non intenditur virtus: ergo ne
 beata quidem vita, quæ ex virtute est. Virtus enim
 tantum bonum est, ut istas accessiones minutas
 non sentiat, breuitatem æui, & dolorem, & cor-
 porum varias offensiones. Nam voluptas non est
 digno, ad quàm respiciat. Quid est in virtute
 præcipuum; futuro non indigere, nec dies suos
 computare, in quantolibet tempore, bona eterna
 consummare, incredibilia nobis hæc videntur, &
 supra humanam naturam excurrentia: maiesta-
 tem enim eius in nostra imbecillitate metimur,
 & vitijs nostris nomen virtutis imponimus.
 Quid porro, non æque incredibile videtur, ali-
 quem in summis cruciatibus positum, dicere,
 Beatus sum: atque hæc vox in ipsa officina vo-
 luptatis est audita. Beatissimum, inquit, hunc &
 vltimum diem ago, Epicurus: cum illum hinc
 vitæ difficultas torqueret, hinc insanabilis exul-
 cerati dolor ventris, Quare ergo incredibilia
 sunt ista apud eos qui virtutem colunt: cum
 apud eos quoque reperiantur, apud quos vo-

hūptas imperat? Hi quoque degeneres & hū-
 millimæ mentis aiunt, in summis doloribus,
 in summis calamitatibus, sapientem nec mi-
 serum futurum, nec beatum. Atqui hoc quo-
 que incredibile est, imo incredibilius. Non vi-
 deo enim, quomodo non in infimum agatur,
 & fastigio suo deiecta virtus. Aut beatum
 præstare debet: aut, si ab hoc depulsa est, non
 prohibebit fieri miserum. Stans non potest vin-
 ci: aut vincatur oportet, aut vincat. Dijs, in-
 quit, immortalibus solis & virtus & beata vita
 contingit: nobis ymbra quædam illorum bono-
 rum & similitudo: accedimus ad illa, non per-
 uenimus. Ratio vero, dijs hominibusque
 communis: hæc in illis consummata est, in no-
 bis consummabilis. Sed ad desperationem nos
 vitia nostra perducunt. Nam ille alter secun-
 dus, ut aliquis parum constans ad custodienda
 optima, cuius iudicium labat etiamnum & in-
 certum est, desiderat oculorum atque aurium
 sensum, bonam valetudinem, & non solum
 adspectum corporis, & habitu manentem suo
 ætatis præterea longius spatium. Per hanc po-
 test non pænitenda agitare, ut in imperfecto
 viro. Huic malitiæ vis quædam inest, qua ani-
 mum habet mobilem ad praua: ille agit carens
 malitia, & ea agitatio abest à bono. Non est
 adhuc bonus, sed in bonum fingitur: cui cum-
 que autem deest aliquid ad bonum, malus est.
Sed si cui virtus, animusque in corpore præsens:
 Hic deos æquat, illo tendit, originis suæ memor.
 Nemo improbe eo conatur adscendere, unde
 descenderat. Quid est autem, cur non existi-
 mes in eo diuini aliquid existere, qui Dei pars
 est: totum hoc quo continemur, & vnum est,
 & Deus: & socij eius sumus, & membra. Ca-

pax est noster animus: perfertur illo si vitia non deprimant. Quemadmodum corporum nostrorum habitus erigitur, & spectat in cœlum; ita animus cui, in quantum vult, licet porrigi, in hoc à natura rerum formatus est, vt paria dijs velit, & sic vtatur suis viribus, ac se in spatium suum extendat. Nam si aliena vi ad summa niteretur, magnus erat labor, ire in cœlum, redit cum hoc iter nactus est, vadit audacter, & contemptor omnium, nec ad pecuniam respicit: aurum argentumque, illis in quibus iacere tenebris dignissima, non adhuc æstimat splendorem, quo imperitorum verberant oculos. Scit erui e cœno, ex quo illa se crevit cupiditas nostras & effodit. Scit, inquam, alibi positas esse diuitias, quam quo congeruntur: animum impleri debere, non arcem. Hunc imponere domino omnium rerum lices, hunc in possessionem rerum nature inducere, vt suorum. Oriens Occidensque terminus fiat, deorumque ritu cuncta possideat, cum opibus suis diuites superne despiciat quorum nemo tam lætus est suo, quàm tristis alieno. Cum se in hanc sublimitatem tulit, corporis quoque, velut oneris necessarij, non amator, sed procurator est: nec se illi cui impositus est, subiicit. Nemo liber est, qui corpori seruit: nam vt alios dominos, quos nimia pro illo sollicitudo inuenit, transeas, ipsius morosum imperium delicatumque est. Ab hoc, modo æquo animo exit, modo magno prosilit: nec, quis deinde reliquijs eius futurus sit exitus, querit. Sed vt ex barba capillos detonsos negligimus: ita ille diuinus animus egressurus hominem, quo receptaculum suum conferatur, ignis illud exurat, an feræ distrahat; an terra contegat, non magis ad se iudicat, pertinere, quàm secundas ad editum infantem.

Vtrum proiectum aues dicerant, an consumatur.

canibus data præda marinis.
quid ad illum? Qui tunc quoque, cum inter homines est, nullas minas timet: vllasne timebit post mortem minas eorum, quibus vsque ad mortem timeri parum est? Non conterret, inquit, me, nec vncus, nec proiecti ad contumeliam cadaueris laceratio: sæda visuris. Neminem de supremo officio rogo: nulli reliquias meas commendo: ne quis in sepultus esset rerum natura prospexit. Quem scauitia proiecerit, dies condet. Diserte Mæcenas ait:

Nec tumulum curo sepelis natura relictos.
Alte cinctum putes dixisse: habuit enim ingenium & grande & virile, nisi illud secum disieciisset.

EPIST. XCIII.

De morte Philosophi Metronactis, qui iuuenis obiit. Parum id refert; & vita non spatio, sed actu metienda est. Omnia bona ea, longa; denique nihil hic longum.

IN epistola qua de mortem Metronactis philosophi querebaris, tanquam & potuisset diutius viuere, & debuisset, æquitatem tuam desideravi: quæ tibi in omni persona, in omni negotio superest, in vna re deest, in qua omnibus. Multos inueni æquos aduersus homines: aduersus deos neminem. Obiurgamus quotidie fatum: Quare ille in medio cursus raptus est? quare ille non rapitur? quare senectutem & sibi & alijs grauem extendit? Vtrum obsecro te æquius iudicas, te naturæ, an tibi parere naturam? quid autem interest quam cito exeas unde vique exeundum est? Non vt diu viua-

mus

naturam

mus, curandum est : sed ut satis , nam ut diu viuas, fato opus est : ut satis, animo. Longa est vita, si plena est : impletur autem, cum animus sibi bonum suum reddidit, & ad se potestatem sui transtulit. Quid illum octoginta anni iuant, per inertiam exacti? non viuit iste, sed in vita moratus est; nec sero mortuus est, sed diu. Octoginta annis vixit. Interest, mortem eius ex quo die numeres! At ille obiit viridis: sed officia boni ciuis, boni amici, boni filij exsecutus est: in nulla parte cessauit: licet eius ætas imperfecta sit, vita perfecta est. Octoginta annis vixit. Imo octoginta annis fuit: nisi forte sic xixisse eum dicis quomodo dicuntur arbores viuere. Obsecro te, mi Lucili, hoc agamus; ut quæmadmodum pretiosa rerum, sic vita nostra non pateat multum, sed multum pendat. Actum illam metiamur, non tempore. Vis scire, quid inter hunc intersit vegetum contemptoremque fortunæ, functum omnibus vitæ humanæ stipendijs, atque in summum bonum eius euectum, & illum cui multi anni transmissi sunt? alter post mortem quoque est, alter ante mortem periit. Laudemus itaque, & in numero felicium reponamus eum, cui quantulumcumque temporis contingit, bene collocatum est. Uidit enim veram lucem, non fuit vnus e multis: & viuit, & vixit, & viguit. Aliquando sereno vsu est: aliquando, ut solet, validi sideris fulgor per nubila emicuit. Quid quæris, quamdiu vixerit? vixit ad posteros vsque: transiit, & se in memoriam dedit. Nec ideo mihi plures annos accedere recusauerim: nihil tamen ad beatam vitam defuisse dicam, si spatium eius inciditur. Non enim ad eum diem me appropinquantem, quem vltimum mihi spes audax promisc-

rat : sed nullum non tanquam vltimum adspexi . Quid me interrogas , quando natus sim ? an inter iuniores adhuc censeat ? habeo meum . Quemadmodum in minore corporis habitu , potest homo esse perfectus : sic & in minore temporis modo , potest esse vita perfecta . Ætas inter externa . Quandiu sim , alienum est : quamdiu vis bonus sim , meum est . Hoc à me exige , ne velut per tenebras æuum ignobile emetiar : vt agam vitam non vt præteruehar . Queris quod sit amplissimum vitæ spatium , vtque ad sapientiam viuere . Qui ad illam peruenit , attingit non longissimum finem , sed maximum : ille vero gloriatur audacter , & dijs agat gratias : interque eos , sibi & rerum naturæ imputer , quod fuit . Merito enim imputabit : meliorem illi veram reddidit , quam acceperat . Exemplar boni viri posuit : qualis quantusque esset ostendit : si quid adiecisset , fuisset simile præterito . Et tamen quousque viuimus ? omnium rerum cognitione finiti sumus . Scimus à quibus principalis natura se attollat , quemadmodum ordinet mundum , per quas vices annum reuocet , quemadmodum omnia quæ vsquam erant , cluserit , & seipsam sui finem fecerit . Scimus , sidera impetu suo vadere : præter terram ~~in~~ ⁱⁿhiisitare , cetera continua velocitate decurrere . Scimus quemadmodum solem luna prætereat : quare tardior velociorem post se relinquat : quomodo lumen accipiat , aut perdat : quæ caussa inducat noctem , quæ reducat diem . Illuc eundum est , vbi ista proprius adspicias : nec hac ipse , inquit sapiens ille , fortius exeo , quod patere mihi ad deos meos iter iudico . Merui quidem admitti , & iam inter illos sui animumque illo mecum misi , & ad me illi suum miserunt .

runt. Sed tolli me de medio puta, & post mortem nihil ex homine restare, æque magnum animum habeo, etiam si nusquam transiturus excedo. Non tam multis vixit annis, quam potuit. Et paucorum versuum liber est, & quidem laudandus atque utilis: annales Tamusij scis quam non decori sint, & quid vocentur: æque est vita quorundam longa, & quod Tamusij sequitur annales. Numquid feliciorum iudicas, cum, qui summo die muneris, quam cum qui medio occiditur: numquid aliquem esse tam stulte cupidum vitæ putas, ut iugulari in spoliario, quam in arena malit? Non maiore spatio alter alterum præcedimus: mors per omnes it: qui occidit, consequitur occisum. Minimum est, de quo sollicitissime agitur. Quid autem ad rem pertinet quamdiu vites, quod evitare non possis.

EPIST. XCIV.

Dissertatio, utrum Dogmatica, an Pænetica pars philosophiæ utilior: & an altera sine altera sufficiat: Aristo priorem præfert, & solam admittit: eiusque hic argumenta, alii & alteram adiungunt, ac magnos eius usus ostendunt: & Seneca diducit eleganter, argute, fructuose. Lege, & oblectare.

EAm partem philosophiæ, quæ propria cuique personæ præcepta, nec in uniuersum componit hominem, sed marito suadet, quomodo se gerat aduersus uxorem, patri, quomodo educet liberos: domino, quomodo seruos regat: quidam solam receperunt, ceteras quasi extraneam utilitatem vagantes reliquerunt tanquam quis pos-

sit de parte suadere, nisi qui summam prius totius vitae complexus est. Sed Aristoteli stoicus & contrario hanc partem leuem existimat, & quæ non descendat in pectus vsque: at illam non habentem præcepta, plurimum ait proficere, ipsaque decreta philosophiæ, constitutionem esse summi boni: quam qui bene intellexit & didicit, quid in quaque re faciendum sit, sibi ipse præcepit. Quemadmodum qui iaculari discit destinatum locum captat, & manu format ad dirigenda quæ mittit: cum hanc vim ex disciplina & exercitatione percepit, quocumque vult, illa utitur: didicit enim non hoc aut illud ferire, sed quodcumque voluerit: sic qui se ad totam vitam instruxit, non desiderat particulatim admoneri, doctus in totum: non quomodo cum vxore aut cum filio viueret, sed quomodo bene viueret: in hoc est, & quomodo cum vxore ac liberis viuat. Cleanthes vtilem quidem iudicat & hanc partem, sed imbecillem nisi ab vniuerso fluit, nisi decreta ipsa philosophiæ & capita cognouit. In duas ergo quæstiones locus iste diuiditur. Vtrum vtilis, an inutilis sit: & an solus virum bonum possit efficere, id est, vtrum sepe ruacuus sit, an omnes faciat superuacuos. Qui hanc partem videri volunt superuacuam, hoc aiunt: Si quid oculis oppositum moratur aciem, remouendum est illo quidem non abiecto operam perdidit qui præcepit: Sic ambulabis, illo manum porriges, Eodem modo, vbi aliqua res obcæcat animum & an officiorum dispiciendum ordinem impedit, nihil agit, qui præcipit: Sic viues cum patre sic cum vxore. Nihil enim proficiente præcepta, quamdiu menti error obsusus est: si ille discutitur, apparebit quid cuique debeatur officio.

Alio

Alioquin doces illum, quid sano faciendum sit, non sanum efficis. Pauperi, ut agat diuitem, monstras; hoc quomodo manente paupertate fieri potest? Ostendis esurienti, quid tanquam satur faciat: fixam potius medullis famem detrahe. Idem tibi de omnibus vitijs dico: ipsa remouenda sunt; non præcipiendum, quod fieri illis manentibus non potest. Nisi opiniones falsas, quibus laboramus, expuleris: nec avarus, quomodo vtendum pecunia sit, exaudiet; nec timidus, quomodo pericula contemnat. Efficias oportet, ut sciat pecuniam nec bonum, nec malum esse; ostendas illis miserimos diuites. Efficias, ut quicquid publice expauimus, sciat non esse tam timendum, quam fama circumfert, nec dolere quoque, nec mori. Sæpe in morte, quam pati lex est, magnum esse solatium quod ad neminem redit: in dolore pro remedio futuram obstinationem animi, qui leuius facit sibi, quidquid contumaciter passus est. Optimam doloris esse naturam, quod non potest nec qui extenditur, magnus esse; nec qui est magnus, extendi. Omnia fortiter accipienda, quæ nobis mundi necessitas imperat? His decretis cum illum in conspectum suæ conditionis adduxeris, & cognouerit beatam vitam esse, non quæ secundum voluptatem est, sed secundum naturam: cum virtutem vnicum bonum hominis adamauerit, turpitudinem solum malum segerit, reliqua omnia, diuitias, honores, bonam valetudinem, vires, imperia scierit esse median partem, nec bonis annumerandam, nec malis monitorem non desiderabis ad singula, qui dicat: Sic incede, sic cæna: hoc viro, hoc femina, hoc marito, hoc cælibi conuenit. Ista enim qui diligen-

tiſſime monent, ipſi facere non poſſunt. Hæc
 pædagogus puero, hæc auia nepoti præcipit: &
 irascendum non eſſe, magiſter iracundiſſimus
 diſputat. Si ludum litterarium intraueris, ſcies
 iſta quæ ingenti ſupercilio philoſophi iactant, in
 puerili eſſe præſcripto. Vtrum manifeſta de-
 mum: an dubia præcipies? non deſiderant ma-
 niſteſta monitores: præcipienti dubia, non cre-
 datur; ſuperuacuum eſt ergo præcipere. Id
 adeo ſic diſce. Si id mones quod oſcurum eſt
 & ambiguum, probationibus adiunandum erit;
 ſi probaturus es: illa per quæ probas, plus, valet,
 ſatisque per ſe ſunt. Sit amico vttere, ſit vttere,
 ſic ſocio quare? quia iuſtum eſt. Omnia iſta mi-
 hi locus de iuſtitia tradit. Illic inuenio æquita-
 tem per ſe expetendam, nec metu nos ad illam
 cogi, nec mercede conduci: non eſſe iuſtū, cui
 quidquam in hac virtute placet, præter ipſam.
 Hæc cum perſuaſi mihi, & perbibui, quid iſta
 præcepta proficiunt, quæ eruditum docent?
 Præcepta dare ſcienti, ſuperuacuum eſt; ne-
 ſcienti, parum. Audiri enim debet, non tan-
 tum quid ſibi præcipiatur, ſed etiam quare.
 Vtrum, inquam veras opiniones habenti de bo-
 nis malisque, ſunt neceſſaria, an non habentis
 qui non habet, nihil à te adiuuabitur, aures
 eius contraria monitionibus tuis fama poſſedit:
 qui habet exactum iudicium de fugiendis pe-
 tendisque, ſcit quid ſibi faciendum ſit, etiam
 te tacente: tota ergo pars iſta philoſophiæ ſub-
 moueri poteſt. Duo ſunt, propter quæ delin-
 quimus; Aut ineſt animo prauis opinionibus
 malitia contracta; aut etiā ſi non eſt falſis occu-
 patus, ad falſa procliuſ eſt, & cito ſpecie, quo
 non oportet trahēte, corrūpitur. Itaque debemus
 aut peruocare mentem ægram, & vitij liberare,
 aut

aut vacantem quidem, sed ad peiora pro nam,
 præoccupare. Vtrumque decreta philosophiæ
 faciunt, ergo tale præcipiendi genus nihil agit.
 Præterea, si præcepta singulis damus, incompre-
 hensibile opus est. Alia enim dare debemus fe-
 neranti, alia colenti agrum, alia negotianti, alia
 regum amicitias sequenti, alia pares alia infio-
 res amatur. In matrimonio præcipias, quomodo
 viuat cum vxore aliquis quàm virginem duxit,
 quomodo cum ea quæ alicuius ante matrimo-
 nium experta est, quemadmodum cum locu-
 plete, quemadmodum cum indotata. An non
 putas aliquid esse discriminis inter sterilem, &
 facundam; inter prouectiorem, & puellam;
 inter matrem, & nouercam: Omnes species
 complecti non possumus: atqui singulæ propria
 exigunt. Leges autem philosophiæ breues sunt,
 & omnia alligant. Adijce nunc, quòd sapientis
 præcepta finita esse debent, & certa: si qua fini-
 ri non possunt, extra sapientiam sunt: sapientia
 rerum terminos nouit. Ergo ista pars præcepti-
 ua submouenda est: quia quòd paucis premit-
 tit, præstare omnibus non potest: sapientia au-
 tem omnes tenet. Inter insaniam publicam,
 & hanc quæ medicis traditur, nihil interest: ni-
 si quòd hæc morbo laborat, illa opinionibus
 falsis: Altera causas furoris traxit ex valetudi-
 ne altera animi mala valetudo est. Si quis fu-
 rioso præcepta det, quomodo loqui debeat, quo-
 modo procedere, quomodo in publica se gere-
 re, quomodo in priuato: erit ipso quem mone-
 bit, insanius; bilis nigra curanda est, & ipsa fu-
 roris causa remouenda. Idem in hoc alio animi
 furore faciendum est, ipse discuti debet: alio-
 quin abibunt in vanum monentium verba. Hæc
 ab Aristotele dicuntur. Cui respondebimus

ad singula. Primum aduersus illud quod ait, si quid obstat oculo, & impedit visum, debere remoueri. Fateor, huic non esse opus præceptis ad viuendum, sed remedio quo purgetur acies, & officientem sibi moram effugiat. Natura enim videmus, cui visum sui reddit, qui remouet obstantia. Quid autem cuique debeat officio, natura non docet. Deinde cuius curata suffusio est, is non protinus cum visum recepit, alijs quoque potest reddere: malitia liberatus, & liberat. Non est opus exhortatione, nec consilio quidem, vt colorum proprietates oculus intelligat, à nigro album, etiam nullo monente, distinguet: multis contra præceptis eget animus, vt videat quid agendum sit in vita. Quamquam oculos quoque ægros medicus non tantum curat, sed etiam monet. Non est, inquit, quod protinus imbecillam aciem cominitas improbo lumini, a rebris primo ad vmbrosa procede, deinde plus aude, & paulatim claram lucem pari assuesce. Non est quod post cibum studeas, non est quod plenis oculis, ac tumentibus imperes. Afflatum & vim frigoris in os occurrentis euita: alia eiusmodi, quæ non minus quam in medicamenta proficiunt. Adiecit remedijs medicina consilium. Error, inquit, est causa peccandi: hunc nobis præcepta non detrahunt, non expugnant opiniones de bonis ac malis falsas. Concedo, per se efficacia præcepta non esse ad euertendam prauam animi persuasionem, sed non ideo, ne alijs quidem adiecta, proficiunt. Primum memoriam renouant: deinde quæ in vniuersis confusus videbantur, in partes diuisa diligentius considerantur. At in isto modo licet & consolationes dicas superuacuas, & exhortationes, atqui

non

non sunt superuacua: ergo ne monitiones quidem. Stultum est, inquit, præcipere ægio, quid facere tamquam sanus debeat: cum restituenda sanitas sit, sine qua irrita sunt præcepta. Quid quod habent ægri sanique quædam communia, de quibus admonendi sunt: tamquam ne auide cibos appetant; ut lassitudinem vitent. Habent quædam præcepta communia pauper & diues. Sana, inquit, auaritia, & nihil habebis, quod admoneras aut pauperem, aut diuitem, si cupiditas vtriusque confidet. Quid quod aliud est, non concupiscere pecuniam? Aliud, uti pecunia sciet, cuius auari modum ignorant, etiam non auari usum. Tolle, inquit, errores: superuacua præcepta sunt. Falsum est: putâ enim auaritiam relaxatam: putâ adstrictam esse luxuriam, temeritati frenos injectos; ignatiæ subditum calcar, etiam remotis vitijs, quid & quemadmodum debeat facere, discendum est. Nihil, inquit, efficient, monitiones, ad moræ grauib. vitijs. Ne medicina quidem morbos insanabiles vincit: tamen ad hiperturâlijs in remedium, alijs in leuamentum. Ne ipsa quidem vniuersæ philosophiæ vis, licet tota in hoc vires suas aduocet, duram iam & veterem animis extrahet pestem, sed non ideo nihil sanat, quia non omnia. Quid prodest, inquit, aperta monstrare? Plurimum: interdum enim, scimus, nec attendimus. Non docet admonitio, sed aduertit, sed excitat, sed memoriam continet, nec paritur elabi. Pleraque ante oculos posita transimus: admonere, genus adhortandi est: sepe animus etiam aperta dissimulat, ingerenda est itaque illi notitiarum notissimarum. Illa hoc loco in Vatinnium Catoâ reperenda sententia est. Factum ambitum illi

tis: & hoc vos scire, omnes sciunt. Si amicitias sancte colendas esse: sed non facis. Scis improbum esse, qui ab vxore pudicitiam exigit, ipse alienarum corruptor vxorum. Scis vt illi nil cū adultero, sic nihil tibi esse debere cū pellice: & non facis. Itaque subinde reducendus es ad memoriam: non enim reposita illa esse oportet, sed in promptu. Quaecumque salutaria sunt, saepe agitari debent, saepe versari: vt non tantum nota sint nobis, sed etiam parata. Adijce nunc, quod aperta quoque, apertiora fieri solent. Si dubia sunt, inquit, quæ præcipis, probationes adijcere debebis: ergo illæ non præcepta, proficient. Quid quod etiam sine probationibus, ipsa momentis auctoritas prodest: sic quomodo iurisperitorum valent responsa, etiam si ratio non redditur. Præterea: ipsa quæ precipiuntur, per se multum habent ponderis: vtique si aut carmini intexta sunt, aut prosa oratione in sententiam coartata. Sicut illa Catoniana: Emas, non quod opus est, sed quod necesse est. Quod non opus est, asse carum est. Qualia sunt illa, aut reddita oracula, aut similia: Tempori parce; Te nosce. Numquid rationem exiges, cū tibi aliquis hos dixerit versus?

Iniuriarum remedium est, obliuio.

Audentes fortuna iuuat.

Tiger sibi ipse obstat.

Aduocatum ista non quærunt: affectus ipsos tangunt, & natura vim suam exercente proficiunt. Omnium honestarum rerum semina animi gerunt, quæ admonitione excitantur: non aliter quam scintilla flatu leui adiuta, ignem suum explicat. Erigitur virtus, cū tacta est & impulsæ. Præterea, quædam sunt quidem in animo,

no, sed parum prompta : quæ incipiunt in expedito, esse, cum dicta sunt. Quædam diuersis locis iacent sparsa, quæ contrahere exercitata mens non potest. Itaque in vnum conferenda sunt, & iungenda, vt plus valeant animumque magis allenent. Aut, si præcepta nihil addiuuant, omnis instituto tollenda est : ipsa natura contenti esse debemus. Hoc qui dicunt, non vident alium ingenij esse mobilis & erecti, alium tardi & hebetis : vtique alius alio ingeniosior est. Ingenij vis præceptis alitur & crescit, nouasque persuasiones adijcit innatis, & deprauata corrigit. Si quis, inquit, non habet recta decreta, quid illum admonitiones iuuabunt vitijs obligatum ? Hoc scilicet, vt illis liberetur : non enim extincta in illo indoles naturalis est ; sed obscurata, & oppressa. Sic quoque tentat resurgere, & contra praua nititur ; nacta vero præsidium, & adiuta præceptis, conualescit ; tamen illam diutina pestis non infecit, nec enecuit. Hanc enim ne disciplina quidem philosophiæ, toto impetu suo connixa, restituet. Quid enim interest inter decreta philosophiæ, & præcepta ; nisi quod illa generalia præcepta sunt, hæc specialia ? Vtrique res præcipit ; sed altera in totum, particulatim altera. Si quis, inquit, recta habet & honesta & decreta, hic ex superuacuo monetur. Minime ; nam hic quoque doctus quidem est facere, quæ debet : sed adhuc non satis prospicit. Non enim tantum affectibus impedimur, quo minus probanda faciamus sed imperitia inueniendi quid quæque res exigit. Habemus interdum compositum animum : sed residem, & inexercitatum ad inueniendam officiorum viam, quàm admonitio demonstrat. Expelle, inquit, falsas opiniones de bonis & malis, in
locum

locum autem earum veras reppone: & nihil habebit admonitio quod agat. Ordinatur ista sine dubio ratione animus, sed non ista tantum. Nam quoniam argumentis collectum sit, quæ bona, quæ mala sunt: nihilominus habent præcepta partes suas, & prudentia, & iustitia officijs constant: officia præceptis disponuntur. Præterea, ipsum de bonis malisque iudicium confirmatur officiorum executione, ad quam præcepta perducunt. Vtraque enim inter se consentiunt: nec illa possunt præcedere, ut non hæc sequantur, & hæc ordinem sequuntur suum. Unde apparet illa præcedere. Infinita, inquit, præcepta sunt. Falsum est: nam de maximis ac necessarijs rebus, non sunt infinita: tenues autem differentias habent, quas exigunt tempora, loca personæ. Sed his quoque dantur præcepta generalia. Nemo, inquit, præceptis curat insaniam: ergo nec malitiam quidem. Dissimile est: nam si insaniam sustuleris: sanitas reddita est: si falsas opiniones exclusimas, non statim sequitur dispectus rerum agendarum: & ut sequatur, tamen admonitio corroborabit rectam de bonis malisque sententiam. Illud quoque falsum est, nihil apud insanos proficere præcepta. Nam quemadmodum sola non prosunt, sic curationem addiuvant: & denuncia- tio, & castigatio insanos coercuit. De illis insanis nunc loquor, quibus mens mota est, non erepta. Leges, inquit, ut faciamus quod oportet, non efficiunt: & quid aliud sunt, quam minis mixta præcepta? Primum omnium, ob hoc ille non persuadent, quia minantur: at hæc non cogunt, sed exorant. Deinde leges à scelere deterrent: præcepta in officium adhorantur. His adijce, quod leges quoque proficiunt

sunt ad bonos mores utique si non tantum im-
 perant; sed docent. In hac re, dissentio à Posi-
 donio. Non probō, quod Platonis legibus
 adlecta principia sunt. Legem enim breuem
 esse oportet, quo facilius ab imperitis teneatur,
 velut emissā diuinitus vox sit. Iubeat, non dis-
 putet. Nihil videtur mihi frigidus, nihil ine-
 ptius, quam lex cum prologo. Mone, dic quid
 me velis fecisse, non discō, sed pareo. Profi-
 ciunt itaque malis moribus, uti videbis ciuita-
 tes, vsas malis legibus. At non apud omnes pro-
 ficiunt. Ne philosophia quidem, nec ideo inu-
 tilis, & formandis animis inefficax est, quid au-
 tem philosophia, nisi vitæ lex est. Sed putemus
 non proficere leges, non ideo sequitur, ut ne mo-
 nitiones quidem proficiant. Aut sic & consolā-
 tiones nega proficere, dissuasionesque, & adhor-
 tationes, obiurgationes, & laudationes. Omnia
 ista monitionum genera sunt, per ista ad perfe-
 ctum animi statum peruenitur. Nulla res ma-
 gis animis honesta induit, dubiosque & in pra-
 uum inclinabiles reuocat ad rectum, quam bo-
 norum virorum conuersatio. Paullatim enim
 descendit in pectora, & vim præceptorum ob-
 tinet frequenter audiri, adspici frequenter. Oc-
 cursus mehercule ipse sapientium iuuat, & est
 aliquid, quod ex magno viro vel tacente profi-
 cias. Nec tibi facile dixerim, quemadmodum,
 profit sic ut illud intelligam, profuisse. Minu-
 ta quædam, ut ait Phædon, animalia, cum mor-
 dent, non sentiuntur, adeo tenuis illis & fallens
 in periculum vis est, tumor indicat morsum,
 & in ipso tumore nullum vulnus apparet. Idem
 tibi in conuersatione virorum sapientium cue-
 niet, non deprehendes quemadmodum, aut
 quando, tibi profit, profuisse deprehendes.

Quorsum, inquit, hoc pertinet? Æque præcepta bona si sæpe tecum sint, profutura, quam bona exempla. Pythagoras ait, alium animum fieri intrantibus templum, deorumque simulacra ex vicino cernentibus, & alicuius oraculi operientibus vocem. Quis autem negauerit, fexiri quibusdam præceptis efficaciter etiam imperitissimos; velut his breuissimis vocibus, sed multum habentibus ponderis: *Nihil nimis.*

Anarus animus nullo satiatur lucro

Ab aliis expectes, alteri quod feceris.

Hæc cum ictu quodam audimus, nec ulli licet dubitare, aut interrogare, Quare? adeo etiam sine ratione ipsa veritas, ducit. Si reuerentia frænât animos, aut vitia compescit: cur non admonitio idem possit? Si imponit pudorem castigatio: cur admonitio non faciat, etiamsi nudis præceptis utitur? Illa vero efficacior est, & altius penetrat, quæ adiuuat ratione, quod præcipit quæ adiicit, quare qui dque faciendum sit & quis facientem, obediētemque præceptis fructus expectet. Si imperio proficitur, & admonitione proficitur: atqui proficitur imperio: ergo & admonitione. In duas partes virtus diuiditur, in contemplationem veri, & actionem: contemplationem institutio tradit, actionem admonitio. Virtutem, & exercet, & ostendit recta actio. acturo autem si prodest qui suadet, & qui mouet, proderit. Ergo si recta actio virtuti necessaria est, rectas autem actiones admonitio demonstrat, & admonitio necessaria est. Duæ res plurimum roboris animo dant, fides veri, & fiducia: utramque admonitio facit. Nam & creditur illi, & cum creditum est, magnos animus spiritus concipit, ac fiducia impletur, ergo admonitio non est superuacua. M. Agrippa, vir ingentis

animi, qui solus ex his quos ciuilia bella claros
 potentesque fecerunt, felix in publicum fuit, di-
 cere solebat, multum se huic debere sententiæ.
 Nam concordia parue res crescunt, discordia
 maximæ dilabuntur. Hac se aiebat, & fratrem,
 & amicum optimum factum. Si eiusmodi sen-
 tentiæ, familiariter in animum receptæ, for-
 mant eum: cur non hæc pars philosophiæ, quæ
 talibus sententijs constat, idem possit? Pars vir-
 tutis disciplina constat, pars exercitatione: &
 discas oportet, & quod didicisti, agendo con-
 firmes. Quod si ita est, non tantum scita sa-
 pientiæ profunt, sed etiam præcepta; quæ affe-
 ctus nostros velut edicto coerent, & alligant.
 Philosophia, inquit diuiditur in hæc, scien-
 tiam, & habitum animi. Nam per didicit, &
 facienda qui hæc percepit, nondum sapiens
 est, nisi in ea quæ didicit, animus eius transfigu-
 ratus est. Tertia pars, ista præcipiendi, ex
 utroque est, & ex decretis, & ex habitu: ita-
 que superuacua sic ad implendam virtutem
 cum duo illa sufficiant. Isto ergo modo con-
 solatione superuacua est tam hæc quoque ex
 utroque: est & exhortatio & suasio, & ipsa
 argumento? nam & hæc ab habitu animi
 compositi validique proficitur. Sed quamuis
 ista ex habitu animi veniant; optimis animis
 habitu & ex his est, & ex illis. Deinde istud
 quod dicis, iam perfecti viri est, ac summam
 consecuti felicitatis humanæ. Ad hoc autem
 tarde peruenitur; interim etiam imperfecto, sed
 proficienti, demonstranda est in rebus agendis
 via. Hanc forsitan etiam sine admonitione dabit
 sibi ipsa sapientia; quæ iam eo perduxit animū,
 vt moueri nequeat, nisi in rectum. Imbecil-
 lioribus quidem ingenijs necessarium est ali-
 quem

quem præire: Hoc vitabis: hoc facies. Præterea, si expectat tempus quo per se sciat, quid optimum factu sit; interim errabit, & errando impediatur, quo minus ad illud perueniat, quo possit se esse contentus: regi ergo debet, dum incipit posse se regere. Pueri ad præscriptum discunt, digiti illorum tenentur, & aliena manu per litterarum simulacra ducuntur: deinde imitari iubentur proposita, & ad illa reformare chirographum sic animus noster dum eruditur ad præscriptum, iudicatur. Hæc sunt per quæ probatur, hanc philosophiæ partem superuacua non esse. Quæritur deinde, an ad faciendū sapiētem sola sufficiat. Huic quæstioni suum diem dabimus: interim omissis argumentis nonne apparet nobis esse opus aliquo aduocato, qui contra populi præcepta præcipiat? nulla ad aures nostras vox impune perferatur: nocent qui optant, nocent qui exsecrantur; nam & horum impræcatio falsos nobis metus inserit, & illorum amor male docet bene optando. Mittit enim nos ad longinqua bona, & incerta & errantia, cum possimus felicitatem domo promerere. Non licet, inquam, ire recta via: trahunt in præuium parentes, trahunt serui: nemo errat vni sibi, sed dementiam spargit in proximos, accipitque inuicem. Et ideo in singulis vitia populorum sunt, quia illa populus dedit: dum facit quisque peiorem, factus est. Didicit deteriora, deinde docuit: effectaque est ingens illa nequitia, congesto in vnum, quod cuique pessimum scitur. Sit ergo aliquis custos, & aurem subinde peruellat, abigatque rumores, & reclamet populis laudantibus. Erras enim, si existimas nobiscum vitia nasci: superuenerunt ingesta sunt. Itaque monitionibus crebris, opi-

niones quæ nos circumsonant, compescamus? Nulli nos vitio natura conciliat: nos illa integros, ac liberos genuit. Nihil quidē quod auaritiā nostram irritaret, posuit in aperto; pedibus aurum & argentum subiecit, calcandumque ac premendum dedit; quidquid est, propter quod calcamur ac premimur. Illa vultus nostros erexit in cælum, & quidquid magnificum mirumque fecerat, videri à suspicientibus voluit; ortus occasusque, & properantis mundi volubilem cursum, interdū terrena aperientem, noctu cælestia; tardos siderum inceſsus, si compares totī citatissimos, si cogites, quanta spatia nunquam intermissa velocitatem circumcant; defectus solis & lunæ, inuicem obstantium. Alia deinceps digna miratu, siue per ordinem subeunt, siue subitis causis mota profiliunt, vt nocturni ignium tractus, & sine vllō ictu sonituque fulgores cæli patiscentis, columnæque ac trabes, & varia simulacrâ flammarum. Hæc supra nos itura disponit; aurum quidem & argentum, & propter ista nunquam pacem agens ferrum, quasi male nobis committerentur, abscondit. Nos in lucem, propter quæ pugnaremus, extulimus; nos & caullas periculorum nostrorum, & instrumenta, dissecto terrarum pondere eruimus; nos fortunæ mala nostra tradidimus, nec erubescimus summa apud nos haberi, quæ fuerant ima terrarum. Vis scire, quam falsus oculos tuos decipit fulgor? nihil est istis, quamdiu, meris & inuoluta cæno suo iacent, sedius, nihil obscurius; quidni; quando per longissimorum cuniculorum tenebras extrahuntur; nihil est illis dum fiunt, & à fece sua separantur, informius. Denique ipsos opifices intueri, per quorum manus.

nus sterile terræ genus & informe perpurgatur videbis quanta fuligine oblinantur. Atqui ista magis inquinant animos, quàm corpora: & in possessore eorum, quàm in artifice, plus est sordium. Necessarium itaque est admoneri, & habere aliquem aduocatum bonæ mentis, æque tanto fremitu tumultuque falsorum, vnam denique audire vocem. Quæ erit illa vox? ea scilicet, quæ tibi tantis clamoribus ambitiosis exsurdato, salubria infusurret verba: quæ dicat. Non est quòd inuideas istis, quos magnos felicesque populus vocat: non est quòd ibi compositæ mentis habitum & sanitatem plausus excutiat: non est: quòd tibi tranquillitatis tuæ fastidium faciat ille, sub illis fascibus, purpura cultus: non est quòd feliciorum cum iudices, cui submouetur, quàm quem lictor semita deiicit. Si vis exercere tibi vtile, nulli autem graue imperium, submoue vitia. Multi inueniuntur, qui ignem inferant viribus, qui inexpugnabilia sæculis, & per aliquot ætates tuta prosternant, qui æquum arcibus aggerem attollant, & muros in miram altitudinem adductos arietibus ac machinis quassent: multi sunt, qui ante se agant agmina, & tergis hostium graues insistent, & ad mare magnum perfusi cæde gentium veniant: sed hi quoque, ut vincerent hostem, cupiditate victi sunt. Nemo illis venientibus resistit, sed nec ipsi ambitioni, crudelitati que resistunt: tunc cum agere visi sunt alios, agebantur. Agebat infelicem Alexandrum furor aliena deuastandi, & ad ignora mittebat. An tu putas sanum, qui à Græciæ primùm cladibus in qua eruditus est, incipit: qui quòd cuique optimum est, eripuit? Lacedæmonia seruire iubet, Athenas tacere. Non contentus tot ciuitatum strage, quas aut vicerat

Philippus, aut emerat, & alias alio loco proijcit, & toto orbe arma circumfert: nec substitit
 vſquam laſſe crudelitas: immanem ferarum
 modo, quæ plusquàm exigit fames, mordent.
 Iam in vnum regnum multa regna coniecit
 iam Græci Perſæque eundem timent, iam etiam
 à Dario liberæ nationes ingum accipiunt; hic
 tamen vltra Oceanum ſolemque, indignatur ab
 Herculis, Liberique veſtigijſ victoriam flecto-
 re, ipſi naturæ vim parat. Non ille ire vult,
 ſed non poteſt ſtare: non aliter, quàm in præ-
 ceptis deiecta pondera, quibus cundi finis eſt,
 iacuiſſet. Ne Cn. quidem Pompeio externa
 bella aut domeſtica virtus aut ratio ſuadebat:
 ſed inſanus amor magnitudinis falſæ, modò
 in Hiſpaniam & Sertoriana arma, modò ad col-
 ligendos piratas, ac maria pacanda vadebat.
 Hæ prætexebantur cauſæ, ad continuandam
 potentiam. Quid illum in Africam, quid in
 Septentrionem, quid in Mitridatem, & Ar-
 meniam, & omnes Aſiæ angulos traxit? infi-
 nita ſcilicet cupido creſcendi: cùm ſibi vnũ
 parum magnis videretur. Quid C. Cæſarem
 in ſua fata, pariter ac publica, immiſit; glo-
 ria & ambitio, & nullus ſupra ceteros cini-
 nendi modus. Vnum ante ſe ferre non potuit,
 cùm reſp. ſupra ſe duos ferret. Quid, tu C.
 Marium ſemel conſulem (vnum enim conſu-
 latum accipit, ceteros rapuit) cùm Theuto-
 nicos Cimbroſque concideret, cùm Iugur-
 tham per Africæ deſerta ſequeretur, tot pe-
 ricula putas appetiſſe, virtutis inſtinctu? Ma-
 rius exercitum, Marium ducebat ambitio.
 Iſti cùm omnia concuſſerent, concutiebantur:
 turbinum more, qui rapta conuoluunt, ſed ipſi
 ante voluuntur, & ob hæc maiore impetu
 in

incurrunt; quia nullum illis sui regimen est. Ideoque cum multis fuerunt mali pestiferam illam vim, qua plerisque nocuerunt, ipsi quoque sentiunt. Non est quod credas, quemquam fieri aliena infelicitate felicem. Omnia ista exempla, quæ oculis atque auribus nostris ingeruntur, retexenda sunt, & plenum malis sermonibus pectus exhauriendum. Inducenda est in occupatum locum virtus; quæ mendacia contra verum placentia extirpet, quæ nos a populo cui nimis credimus, separet, ac sinceris opinionibus reddat. Hæc est enim sapientia, in naturam conuerti, & eo restitui, vnde publicus error expulerit. Magna pars sanitatis est, hortatores insanix reliquisse, & ex isto catu inuicem noxio procul abiisse. Hoc ut esse verum scias, adspice, quanto aliter vnusquisque populo viuat, aliter sibi. Non est per se magistra solitudo innocentix, nec frugalitatem docent rura; sed vbi testis ac spectator abcessit, vitia subsidunt, quorum monstrari & conspici fructus est. Quis eam, quam nulli ostenderet, induit purputam? quis posuit secretam in auro dapem? quis sub alicuius rusticæ arboris proiectus vmbra, luxuriæ suæ pompam solus explicuit? Nemo oculis suis lautus est, ne paucorum quidem & familiarium, sed apparatus vitæ orum suorum pro modo turbæ spectantis expandit. Itaque irritamentum est omnium, in quæ insanimus, admirator & conscius. Ne conpiscamus effices, sine ostendamus effeceris. Ambitio & luxuria, & impotentia, scenam desiderant? sanabis ista, si absconderis. Itaque si in medio vrbiū fremitu collocati sumus, stet ad latus monitor, & contra laudatores ingentium patrimoniorum laudet paruo diuitem, & vsu opes
me-

metientem. Contra illos, qui gratiam ac potentiam attollunt, otium ipse suspiciat traditum litteris, & animum ab externis ad sua reuerſum. Ostendat ex constitutione vulgi beatos, in isto inuidioso fastigio ſuo tremantes & attonitos, longeque aliam de ſe opinionem habentes, quam ab alijs habetur. Nam quæ alijs videntur excelsa, ipsis prærupta ſunt. Itaque exanimantur; & trepidant, quocies deſpexerunt in illud magnitudinis ſuæ præceps. Cogitant enim varios caſus, & in ſublîmi maxime libricos: tunc appetita formidant, & quæ & illos graues alijs reddit, grauior ipsis felicitas incumbit. Tunc laudant otium lenæ & ſui iuris: odio eſt fulgor, & fuga iam à rebus adhuc ſtantibus quæritur: tunc demum videas philoſophantes metus, & ægræ fortunæ ſana conſilia. Nam quaſi iſta inter ſe contraria ſunt, bona fortuna, & mens bona: ita melius in malis ſapimus, ſecunda reſtum auferunt.

EPIST. XCV.

Hæret aut pendet à priori, quæriturq; An igitur parænetica ſola ſufficiat? cum præſertim oſtenderit tantos eius & tam claros uſus. Negat, & argumenta quæ adferuntur perit, ac refellit. Dogmaticam igitur laudat, & ab illo fonte manare Præcepta, & uitam ea contineri oſtendit. Florida miſcet, & in Luxum, Libidinem. Ambitum obiter excurrit. Tota pulchra & fructuoſa eſt.

PEtis a me, ut id quod in diem ſuum dixeram debere differri, repreſentem, & ſcribam tibi an hæc pars philoſophiæ, quam Græci *παραπαιδείξις* vocant, nos præceptiuam dicimus, fatiſſit

sit ad consummandam sapientiam. Scio te in
 bonam partem accepturum, si negauero. Eo
 magis promitto, & verbum publicum perire
 non patior: Postea noli rogare, quod impetrare
 noluerimus. Interdum enim obnixè petimus,
 id quod recusaremus, si quis offerret. Hæc siue
 leuitas est, siue vermilitas, punienda est promit-
 tendi facilitate. Multa videri volumus velle,
 sed nolumus. Recitatio historiam ingentem
 attulit, munitissime scriptam, arctissime plica-
 tam, & magna parte perfecta: Desinam, in-
 quit, si vultis. Acclamatur, Recita, recita, ab
 his qui illum obmutescere illico cupiunt. Sæ-
 pè aliud volumus, aliud optamus: & verum ne
 dijs quidem dicimus; sed dii aut non exaudiunt
 aut misereantur. Ego me, omissa misericordia,
 vindicabo, & tibi ingentem epistolam impin-
 gim: quàm tu inuitus leges, dicito. Ego mihi
 hoc contraxi: teque inter illos numera, quos
 vxor magno ducta ambitu torquet: inter illos,
 quos diuitiæ per summum acquisitæ sudorem,
 malè habent: inter illos, quos honores, nulla
 non arte atque opera petiti, discutiant, & cere-
 ros, malorum suorum compotes. Sed vt, omisso
 principio, rem ipsam aggrediar: Beata, in-
 quiunt, vita constat ex actionibus rectis: ad
 actiones rectas præcepta perducunt: ergo ad
 beatam vitam præcepta sufficiunt. Non tamen
 semper ad actiones rectas præcepta perducunt,
 sed cum obsequens ingenium est: aliquando
 frustra admouentur, si animum opiniones obli-
 dent prauæ. Deinde, etiam si rectè faciunt,
 nesciunt facere se rectè. Non potest eum quis-
 quam nisi ab initio formatus, & tota ratione
 compositus, omnes exsequi numeros, vt sciat
 quando oporteat, & in quantum, & cum quo
 & quem.

& quemadmodum . Quare non potest toto animoad honesta conari, ne constanter quidem, aut libenter: sed respiciet, sed hæsitabit . Si honesta, inquit, actio ex præceptis venit, ad beatam vitam præcepta abunde sunt: atqui est illud: ergo & hoc . His respondemus, Actiones honestas ex decretis fieri, non tantum præceptis . Si aliæ, inquit, artes contentæ sunt præceptis, contenta erit & sapientiâ: nam & hæc ars vitæ est . Arqui gubernatorem facit ille, qui præcipit . Sic moue gubernaculum, sic vela submitte, sic secundo vento utere, sic aduerso resiste, sic dubium communemque tibi vindica . Alios quoque artifices præcepta confirmant: ergo non. hoc idem poterunt artifices viuendi? Omnes istæ artes circa instrumenta vitæ occupatæ sunt, non circa totam vitam . Itaque multa illas inhihent extrinsecus, & impediunt, spes, cupiditas, timor . At hæc quæ artem vitæ professæ est, nulla re, quo minus se exerceat, vetari potest: discutit enim impedimenta, & tractat obstantia . Vis scire quàm dissimilis sit harum artium conditio, huius? In illis excusatiùs est, voluntate peccare, quàm casu: in hac, maxima culpa est, sponte delinquere . Quod dico, tale est . Grammaticus non erubescit solæcisimum, si sciens facit: erubescit, si nesciens . Medicus si deficere ægrum non intelligit, quantum ad artem magis peccat, quàm si se intelligere dissimulat . At in hac arte viuendi, turpior volentium culpa est . Adijce nunc, quod artes quoque pleræque, imo ex omnibus liberalissimæ, habent decreta sua, non tantum præcepta: sicut medicina . Itaque alia est Hippocratis secta, alia Asclepiadis, alia Themisonis.

Præterea nulla ars contemplatiua sine decretis suis est, quæ Græci vocant *δῶματα*: nobis decreta licet appellare, vel scita, vel placita quæ in geometria, & in astronomia inuenies. Philosophia autem & contemplatiua est, & actiua: spectat: simulque agit. Erras enim, si illam puras tantum terrestres operas promittere: altius spirat. Totum, inquit, mundum scrutor, nec me intra contubernium mortale contineo, suadere vobis, ac dissuadere contenta: magna me vocant supraque vos posita.

Nam tibi de summa tali ratione deumque, Differere incipiam; & rerum primordia pandā, Unde omnis natura creet res, auctet, alisque Quoque eadē rursus natura perempta resoluat ut ait Lucretius: sequitur ergo, ut cum contemplatiua sit, habeat, decreta sua, Quid, quod facienda quoque nemo rite obibit, nisi is cui ratio erit tradita, qua in quaque re omnes officiorum numeros exsequi possit? quos non seruabit, qui in rem præcepta acceperit, non in omne. Imbecilla sunt per se, & ut ita dicam, sine radice, quæ partibus dantur. Decreta sunt quæ muniant, quæ securitatem nostram, tranquillitatemque tueantur, quæ totam vitam, totamque rerum naturam simul contineant. Hoc interest inter decreta philosophiæ, & præcepta: quod inter elementa, & membra: hæc ex illis dependent: illa & horum causæ sunt, & omnium. Antiqua, inquit, sapientia nihil aliud, quam facienda & vitanda præcepit: & tunc longe meliores erant viri postquam docti prodierunt, boni desunt. Simplex enim illa & aperta virtus in obscuram & solertem scientiam versa est, docemurque disputare, non viuere. Fuit sine dubio, ut dicis, vetus illa sapientia, cum maximè nas-

scens

scens rudis: non minus quàm ceteræ artes, quarum in processu subtilitas creuit. Sed ne opus quidem adhuc erat remedijs diligentibus. Nondum in tantum nequitia surrexerat, nec tam late se sparserat: poterant vitijs simplicibus obstarè remedia simplicia. Nunc necesse est tanto operiosiora esse munimenta, quanto valentiora sunt, quibus petimur. Medicina quondam paucarum fuit scientia herbarum, quibus sisteretur fluens sanguis, vulnera coirent paullatim: deinde in hanc peruenit tam multiplicem varietatem. Nec est mirum, tunc illam minus negotij habuisse firmis adhuc, solidisque corporibus, & facili cibo, nec per artem voluptatemque corrupto. Qui postquam cepit, non ad tollendam, sed ad irritandam famem quæri, & inuentæ sunt mille condituræ, quibus auiditas excitaretur: quæ desiderantibus alimenta erant, onera sunt plenis. Inde pallor, & neruorum vino madentium tremor, & miserabilior ex cruditatibus, quàm ex fame macies: inde incerti labantium pedes, & semper qualis in ipsa ebrietate titubatio: inde in totam cutem humor admissus, distensusque venter, dum malè assuescit plus capere, quam poterat: inde suffusio luridæ bilis, & decolor vultus, rabesque in se putrescentium, & retorti digitis articulis obrigescens, neruorum sine se sui iacentium torpor, aut palpitatio sine intermissione vibrantium. Quid capitis vertigines dicam? quid oculorum auriumque tormenta, & cerebri æstuantis verminationes, & omnia per quæ exoneramur, internis vlceribus affecta: Innumerabilia prætereà febrium genera, aliarum impetu seuientium, aliarum tenui peste repentium, aliarum cum horrore & multa membro- rum quassatione venientium? Quid alios

referam innumerabiles morbos, supplicia luxuriae? Imunes erant ab istis malis, qui non dum se delicijs soluerant, qui sibi imperabant, sibi ministrabant. Corpora opere ac vero labore durabant, aut cursu defatigati, aut venatu, aut tellure versata: excipiebat illos cibus, qui nisi esurientibus placere non poterat. Itaque nihil opus erat tam magna medicorum supellectile, nec tot ferramentis, atque pyxidibus. Simplex erat ex simplici causa valetudo: multos morbos multa fercula fecerunt. Vide quantum rerum per vnam gulam transitarum permisceat luxuria, terrarum marisque vastatrix: necesse est itaque inter se tam diuersa dissideant, & hausta male digerantur, alijs alio nitentibus. Nec mirum, quod inconstans variusque ex discordi cibo morbus est: & illa ex contrarijs naturae partibus in eundem compulsæ redundat. Inde tam nullo agrotamus genere, quam viuimus. Maximus ille medicorum, & huius scientiæ conditor, feminis nec capillos desluere dixit, nec pedes laborare. Atqui hæc iam & capillis destituuntur, & pedibus agræ sunt. Non mutata seminarum natura, sed vita est: nam cum virorum licentiam æquauerint, corporum quoque virilium vitia æquauerunt. Non minus peruigilant, non minus pascunt, & oleo & mero viros prouocant: æque inuitis ingesta visceribus per os reddunt, & vinum omne vomitu remittuntur: æque niuem rodunt, solatium stomachi æstuantis. Libidine verò, nec maribus quidem cedunt, patinatae. Dij illas deæque male perdant: adeo peruersum commentæ genus impuditiæ: viros incunt. Quid ergo mirandum est, maximum medicorum, ac naturæ peritissimum, in mendacio prehendi, cum tot feminae

podagricæ caluæque sint? Beneficium sexusfui
 vitij perdiderunt: & quia feminam exuerunt,
 damnatæ sunt morbis virilibus. Antiqui me-
 dici nesciebant dare cibum sapius, & vino ful-
 eire venas cadentes: nesciebant sauiem emitte-
 re, & diutinam ægrotationem balneo sudori-
 butque laxare: nesciebant crurum vinculo, bra-
 chiorumque, latentem vim, & in medio se-
 dentem, ad extrema reuocare. Non erat ne-
 cesse circumspicere multa auxiliorum genera,
 cum essent periculorum paucissima. Nunc ve-
 rò quàm longè processerunt mala valetudinis?
 has vsuras voluptatum pendimus, vltra mo-
 dum fasque concupitarum. Innumerabiles esse
 morbos nou miraberis, coquos numera.
 Cessat omne studium, & liberalia professi, sine
 vlla frequentia, desertis angulis præsident. In
 rhetorum ac philosophorum scholis, solitudo
 est: at quam celebres culinæ sunt, quanta circa
 nepotum focos iuuentus premit? Transeo pue-
 rorum infelicium greges: quos post transacta
 conuiuia, aliæ cubiculi contumeliæ expectant.
 Transeo agmina exoletorum, per nationes co-
 loresque descripta, vt eadem omnibus leuitas sit
 eadem prima mensura lanuginis, eadem spe-
 cies capillorum, ne quis, cui rectior est coma,
 crispulis misceatur. Transeo pistorum turbam;
 transeo ministratorum per quos signo dato ad
 inferendam cœnam discutritur. Dij boni, quan-
 tum hominum vnus venter exercet? Quid? tu
 illos boletos, voluptarium venenum, nihil oculi
 operis iudicas facere, etiã si præsentanei nō fun-
 dant? Quid? tu illam æstiuam niuem non putas
 callum iecinoribus obducere? Quid? illa ostrea
 inextissimam carnem, cæno saginaram, nihil exi-
 stimas limosæ grauitatis inferre? Quid? illud So-

eorum garum, pretiosam malorum piscium sa-
 niem, non credis vrere falsa tæbe præcordia?
 Quid? illa purulenta, & quæ tantum non ab
 ipso igne in os transferuntur, iudicas: sine noxâ
 in ipsis visceribus estingui? Quàm fædi atque
 pestilentes ructus sunt? quantum fastidium sui
 exhalantibus crapulam veterem? Scias putre-
 scere sumpta, non concoqui. Memini fuisse
 quondam in sermone nobilem patinam, in
 quàm quidquid apud lautos solet diem ducere,
 properans in damnum suum popina congesse-
 rat: veneriæ spondylique, & ostrea catenus
 circumcisa, qua eduntur, interuenientibus di-
 stinguebantur echinis; torti distractique sine
 ullis ossibus nulli constrauerant. Piget iam
 esse singulas: coguntur in vnum sapores. In
 eterna fit, quod fieri debet saturo in ventre. Ex-
 spectro iam vt manducata ponantur; quantula
 autem hoc minus est, testas excerpere atque
 ossa, & dentium opera coquum fungi? Graue
 est luxuriari per singula: omnia semel, & in
 eundem saporem versa, ponantur. Quare ego
 ad vnam rem manum porrigam? plura veniant
 final: multorum ferculorum ornamenta coeant
 & cohæreant. Sciant protinus hi, qui iactatio-
 nem ex istis peti, & gloriam aiebant, non osten-
 di ista, sed conscientiæ dari. Pariter sint, quæ
 disponi solent, iure vno perfusa: nihil intersit,
 ostrea echinis, spondyla perturbari nullis con-
 coctique ponantur. Non esset confusior vomen-
 tium cibus. Quomodo ista perplexa sunt, sic ex
 istis non singulares morbi nascuntur, sed inex-
 plicabiles, diuersi, multiformes: aduersus quos
 & medicina armare se caput multis generi-
 bus, multis obseruationibus. Idem de philoso-
 phia dico. Fuit aliquando simplicior inter mi-
 nora

nōra peccantes, & leui quoque cura remediabiles: aduersum tantam morum euersionem, omnia conanda. Et vtinam sic denique lues ista vinceretur! Non priuatim solum, sed publice fuerimus. Homicidia compescimus, & singulas caedes: quid bella, & occisarum gentium gloriosum scelus? Non auaritia, non crudelitas modum nouit: & ista quamdiu furtim, & à singulis fiunt, minus noxia minusque monstrosa sunt: ex senatusconsultis plebisque scitis saeva exercentur, & publice iubentur, vetita priuatim. Quæ clari commissa capite luerent, eadem quia paludati fecere, laudamus. Non pudet homines mitissimum genus, gaudere sanguine alterno, bella gerere gerendaque liberis tradere: cum inter se etiam mutis, ac feris pax sit? Aduersus tam potentem explicitumque late furorem operosior philosophia facta est, & tantum sibi virium sumpsit quantum his; aduersus quæ parabatur, accesserat. Expeditum erat, obiurgare indulgentes mero, & perentes delicatiorem cibum: non erat animus ad frugalitatem magna vi reducendus, à qua pululum disceserat;

Nunc manibus rapidis opus est, nunc arte magistra.

Voluptas ab omni parte quæritur: nullū intra se manet vitium. In auaritiam præceps luxuria est: honestatis obliuio inuasit: nihil turpe est, cuius placet pretium. Homo, sacra res, homini iam per lusum & iocum occiditur: & quem erudiri ad inferenda accipiendaque vulnera nefas erat, is iam nudus inermisque producitur: satisque spectaculi ex homine, mors est. In hac ergo morum peruersitate, desideratur solito vehementius aliquid quod mala inueterata discutiatur: decreta agendum est, vt reuellatur penitus falsus

forum recepta persuasio. His si adiunxerimus præcepta consolationes adhortationes, poterunt valere: per se inefficaces sunt. Si volumus habere obligatos, & malis, quibus iam tenentur auellere; discant quid malum, quid bonum sit: sciant, omnia, præter virtutem, mutare nomen modo mala fieri, modo bona. Quemadmodum primum militiæ vinculum est religio, & signorum amor & deferendi nefas; tunc deinde facile cetera exiguntur mandanturque iusiurandum adactis: ita in his, quos velis ad beatam vitam perducere, prima fundamenta iacienda sunt, & insinuanda virtus. Huius quadam superstitione teneantur: hanc ament: cum hac vivere velint, sine hac nolint. Quid ergo? non quidam sine institutione subtili euaserunt probi magnosque profectus assecuti sunt, dum nudis tantum præceptis obsequuntur? Fateor, sed felix ingenium illis fuit, & salutaria in transitu rapuit. Nam, ut dii immortales nullam didicere virtutem, cum omni editi; & pars naturæ eorum est, esse bonos, ita quidam ex hominibus egregiam sortiti indolem, in ea quæ tradi solent, perueniunt sine longo magisterio; & honesta complexi sunt, cum primum audierunt. Unde ista tam rapacia virtutis ingenia, vel ex se fertilia? At illis aut hebetibus, & obtusis, aut mala consuetudine obsessis, diu rubigo animorum effricanda est. Ceterum ut illos in bonum pronos citius educit ad summa, & hos imbecilliores adiuuabit, malisque opinionibus extrahet, qui illis philosophiæ placita tradiderit: quæ quàm sint necessaria, scilicet, videas. Quædam insident nobis quæ nos ad alia pigros, ad alia temerarios faciunt. Nec hæc audacia reprimi potest, nec illa inertia suscitari, nisi causæ eorum

eximantur, falsa admiratio, falsa formido. Hæc nos quandiu possident, dicas licet: Hoc patri præstare debes, hoc liberis, hoc amicis, hoc hospitibus: tentantem auaritia retinebit. Sciet pro patria pugnandum esse: dissuadebit timor. Sciet pro amicis desuadendum esse, ad extremum usque sudorem: sed deliciae vetabunt. Sciet in uxorem grauissimum esse genus iniuriæ, pellicem: sed illum libido in contraria impinget. Nihil ergo proderit dare præcepta, nisi prius amoveas obstantia præceptis: non magis, quam proderit arma in conspectu posuisse, propiusque admouisse: nisi usus manus expediuntur. Ut ad præcepta quæ damus, possit animus ire, solvendus est. Putemus aliquem facere, quod oportet: non faciet assidue, non faciet æqualiter: nescit enim quare faciat. Aliqua vel casu, vel exercitatione, exhibunt recta: sed non erit in manu regula, ad quam exigantur, cui credat recta esse quæ fecit. Non promittet se talem in perpetuum, qui casu bonus est. Deinde, præstabunt tibi fortasse præcepta, ut quod oportet facias: non præstabunt, ut quemadmodum oportet: & si hoc non præstant, ad virtutem non perducunt. Faciet quod oportet monitus, concedo, sed id parum est, quoniam quidem non in facto laus est, sed in eo quemadmodum fiat. Quid est cana sumptuosa flagitiosius, & equestrem censum consumente? quid tam dignum censoria nota, si quis ut isti ganeo-nes loquuntur, sibi hæc & genio sum præstet? & toties tamen sestertio aditiales canæ frugalissimis viris constiterunt. Eadem res si gulæ datur, turpis est: si honori, reprehensionem effugit. Non enim luxuria, sed impensa sollennis est. Multum ingentis formæ (quare autem non

pondus adjicio: & aliquorum gulam irrito-
 quatuor pondo & ad selibram fuisse aiebant)
 Tiberius Cæsar missum sibi, cum in macellum
 deferri & venire iussisset, Amici, inquit, om-
 nia me fallunt, nisi istum nullum aut Apicius
 emerit, aut P. Octavius. Ultra spem illi conie-
 ctura processit: licitari sunt: vicit Octavius, &
 ingentem consecutus est inter suos gloriam,
 cum quinque millibus HS. emisset piscem,
 quem Cæsar vendiderat, ne Apicius quidem
 emerat. Numerare tantum Octavio fuit tur-
 pe: nam ille qui emerat, ut Tiberio mitteret,
 (quamquam illum quoque reprehenderim) ad-
 miratus est rem, qua putavit Cæsarem dignum.
 Amico ægro aliquis assidet: probamus, at hoc si
 hereditatis causa facit, vultur est, cadauer exspe-
 ctat. Eadem & turpia sunt, & honesta: refert, qua-
 se, aut quemadmodum fiant. Omnia autem ho-
 neste fient, si honesto nos addixerimus, idque
 vnum in rebus humanis bonum iudicauerimus,
 quæque ex eo sunt, cetera, in diem bona sunt.
 Ergo insigi debet persuasio ad totam perti-
 nens vitam: hoc est, quod decretum voco. Qua-
 lis hæc persuasio fu erit, talia erunt quæ agen-
 tur, quæ cogitabuntur: qualia autem hæc fue-
 rint, talis vita erit. In particulas suasisse totum
 ordinanti parum est. M. Brutus in eo libro,
 quæ *περί καὶ τῆς νόσου* inscripsit, dat multa præ-
 cepta & parentibus, & liberis & fratribus, hæc ne-
 mo faciet quemadmodum debet, nisi habuerit
 quo referat. Proponamus oportet finem sum-
 mi boni, ad quem nitamur ad quem omne
 factum nostrum dictumque respiciat, veluti na-
 uigantibus ad aliquod sidus dirigendus est cur-
 sus. Vita sine proposito, vaga est. Quod si
 utique proponendum est, incipiunt necessario
 esse

esse decreta . Illud , puto , concedes nihil esse turpius dubio , & incerto ac timido , pedem modo referente , modo producente . Hoc in omnibus rebus accidet nobis ; nisi eximantur , quæ reprehendunt animos ac detinent , & conari totos vetant . Quomodo sint dii colendi , solet præcipi . Accendere aliquem lucernam sabbathis prohibeamus , quoniam nec lumine dii egent , & ne homines quidem delectantur fuligine . Vetemus salutationibus matutinis fungi & foribus assidere templorum ; humana ambitio istis officiis capitur . Deum colit , qui nouit . Vetemus lintea & strigiles Ioui ferre , & speculum tenere Iunoni . Non querit ministros Deus , quid ni ? ipse humano generi ministrat , ubique & omnibus præsto est . Audiat licet , quemadmodum se gerere in sacrificiis debeat , quàm procul resilire à molestis ac superstitionibus ; nunquam satis profectum erit , nisi qualem debet Deum , mente conceperit , omnia habentem , omnia tribuentem , beneficia gratis dantem . Quæ causa est diis benefaciendi ? natura . Errat , si quis putat illos nocere vel le , non possunt , nec accipere iniuriam queunt nec facere . Lædere etenim lædique , coniunctum est . Summa illa ac pulcherrima omnium , natura , quos periculo exemit nec periculosos quidem fecit . Primus est deorum cultus , deos credere ; deinde , reddere illis maiestatem suam , reddere bonitatem , sine qua nulla maiestas est . Scire , illos esse qui præsident mundo , qui vniuersa vi sua temperant , qui humani generis tutelam gerunt , interdum curiosi singulorum . Hi nec dant malum , nec habent , ceterum castigant quosdam , coercent , & irrogant pœnas , & aliquando specie boni puniunt . Vis deos

propitiare? bonus esto. Satis illos coluit, quisquis imitatus est. Ecce altera quaestio, quomodo hominibus sit utendum. Quid agimus; quædamus præcepta? Ut parca tur sanguini humano? quantulum est ei non nocere, cui debeas prodesse? Magna scilicet laus est, si homo mansuetus homini est. Præcipientes ut naufrago manum porrigat, erranti viam monstret, cum esuriente panem suum diuidat? Quando omnia quæ præstanda sunt ac vitanda, dicam, cum possim breuiter hanc formulam humani officij tradere? Omne hoc quod vides, quo diuicia atque humana conclusa sunt, vnum est: membra sumus corporis magni. Natura nos cognatos edidit, cum ex iisdem & in eadem gigneret. Hæc nobis amorem indicit mutuum, & sociabiles fecit: illa æquum iustumque composuit: ex illius constitutione miserius est nocere, quàm lædi: & illius imperio paratæ sunt ad iuuandum manus. Iste versus, & in pectore, & in ore sit: *Homo sum, humani nihil à me alienum puto.* Habeamus in commune, quod nati sumus. Societas nostra lapidum fornicationi similissima est: quæ casura, nisi inuicem obstarent, hoc ipso sustinetur. Post deos hominesque dispiciamus quomodo rebus sit utendum. In superuacuum præcepta iactauimus, nisi illud præcesserit, qualem de quoque re habere debeamus opinionem de paupertate, de diuitijs, de gloria, de ignominia, de patria, de exilio. Æstimemus singula, fama remota: & quæramus quid sint, non quid vocentur. Ad virtutes transeamus, præcipiet aliquis, ut prudentiam magni æstimeamus, ut fortitudinem complectamur: temperantiam amemus; iustitiam, si fieri potest, propius etiam quam ceteras, nobis applicemus.

Sed

Sed nihil agetur, si ignoramus quid sit virtus: una sit, an plures: separatæ, an annexæ: an qui unam habet, & ceteras habeat: quomodo inter se differant. Non est necesse fabro de fabrica querere, quod eius initium, quis usus sit: non magis quam pantomimo, de arte saltandi. Omnes istæ artes se sciunt: nihil deest. Non enim ad totam pertinent vitam: virtus & aliorum scientia est, & sui: discendum de ipsa est, ut ipsa voluntas discatur: actio recta non erit, nisi recta fuerit voluntas: ab hac enim est actio. Rursus voluntas non erit recta, nisi habitus animi rectus fuerit: ab hoc enim est voluntas. Habitus porro animi non erit in optimo, nisi totius vitæ leges perceperit, & quid de quoque indicandum sit, exegerit, nisi res ad verum redegerit. Non contingit tranquillitas, nisi immutabile certumque iudicium adeptis: ceteri decidunt subinde, reponuntur, & inter omnia appetitaque alternis fluctuantur. Causa huius iactationis est, quod nihil liquet incertissimo regimine utentibus, fama. Si vis eadem semper velle, vera oportet velis. Ad verum sine decretis non peruenitur; continent vitam; Bona & mala, honesta & turpia, iusta & iniusta, pia & impia, virtutes ususque virtutem, rerum commodarum possessio, existimatio ac dignitas, valetudo vires forma, sagacitas sensuum, hæc omnia æstimatorem desiderant, quanti quidque incensum deferendum sit. Falleris enim, & pluris quædam quam sunt, putas; adeoque falleris, ut quæ maxima inter vos habentur, diuitiæ, gratia, potentia, sestertio nummo æstimanda sunt. Hoc nescies, nisi constitutionem ipsam, qua ista inter se æstimantur, inspiceris. Quemadmodum folia vivere per se non possunt.

possunt; tantum desiderant, cui inhaereant, & quo trahant succum: haec ista praecepta si sola sunt, emittunt; insigunt, tollunt fectæ. Præterea non intelligunt hi qui decreta tollunt, eo ipso confirmari illa, quo tolluntur. Quid enim dicunt? praeceptis satis vitam explicari, superflua esse decreta sapientiae; id est, dogmata. Atqui hoc ipsum quod dicunt, decretum est: tam hercule, quam si nunc ego dicerem, recedendum esse à praeceptis superuacuis, & in hæc sola studium conferendum: hoc ipso quo negarem curanda esse praecepta, præciperem. Quædam admonitionem philosophiæ desiderant; quædam probationem: & quidem multa; quia involuta sunt, vixque summa diligentia ac summa subtilitate aperiuntur. Si probationes necessariae sunt, & decreta, quæ veritatem argumentis colliguntur: Quædam aperta sunt, quædam obscura. Aperta, quæ sensu comprehenduntur, quæ memoria obscura, quæ extra hæc sunt. Ratio autem non impletur manifestis: maior eius pars pulchriorque in occultis est. Occulta probationem exigunt, probatio non sine decretis est, necessaria ergo decreta sunt. Quæ res communem sensum facit, eadem perfectum, certarum rerum persuasio: sine qua, omnia in animo natant: necessaria ergo sunt decreta, quæ dant animis inflexibile iudicium. Denique cum moneamus aliquem, ut amicum eodem habeat loco quo se, ut ex inimico cogitet posse fieri amicum in illo amorem incitet, in hoc moderetur odium: adiciamus, iustum est & honestum. Iustum autem honestumque decretorum nostrorum continet ratio: ergo hæc necessaria est, sic ne qua nec illa sunt. Sed utraque iungamus: namque & sine radice inutiles, rami sunt. & ipse

sæ radices his, quæ genuere, adiuuantur. Quam-
 tum utilitatis manus habeant, nescire nulli li-
 cet: aperte iuuant: cor, illud quo manus vi-
 uunt, ex quo impetum sumunt quo mouentur,
 latet. Idem dicere de præcepti, spolum: aperta
 sunt: decreta verò sapientiæ in abdito. Sicut
 sanctiora sacrorum tantum initiati sciunt ita in
 philosophia, arcana illa admissis receptisque in
 sacra ostenduntur: at præcepta, & alia huius-
 modi, profanis quoque nota sunt. Posidonius
 non tantum præceptionem, (nihil enim nos hoc
 verbo uti prohibet) sed etiam suasionem, & con-
 solationem, & exhortationem necessariam iu-
 dicat. His adiicit causarum inquisitionem;
 quam curætiologiam dicere non audemus,
 cum Grammatici, custodes Latini sermonis, suo
 iure appellent, non video: Ait utilem futu-
 ram esse descriptionem cuiusque virtutis: hanc
 Posidonius ætiologiam vocat; quidam *Χαριων*
σημειον, appellant, signa cuiusque virtutis &
 vitij ac notas reddentem, quibus inter se similia
 discriminantur. Hæc res eandem vim habet, quæ
 præcipere. Nam qui præcipit, dicit: illa facies,
 si voles temperans esse. Qui describit, Tem-
 perans est, qui facit illa qui illis abstinet. Quæris
 quid intersit? alter præcepta virtutis dat, alter
 exemplar. Descriptiones has, & (ut publicano tibi
 utar verbo *εὐχαιων μὲν*, ex usu esse cōfiteor. Pro-
 ponamus laudanda: inuenietur imitator: putas
 utile, tibi dari argumenta, per quæ intelligas
 nobilem equum, ne fallaris empturus, ne opo-
 ram perdas in ignauo? Quanto hoc utilius est,
 excellentis animi notas esse, quas ex alio in se
 transferre permittitur?

Continuo pecoris generosi pullus in aruam

Altius ingreditur, & mollia crura reponit.

Pri-

*Primus inire viam, & fluuios tentare minaces
Audet, & ignota sese committere ponto.*

*Nec vanos horret strepitus; illi ardua ceruix;
Argutumque caput, breuis alius obesaq; terga;
Luxuriatque toris animosum pectus.*

..... cum, si quæsonum procul arma dedere,
Stare loco nescit micat auribus & tremis artus.
Collectumq; premens voluit sub naribus ignem.
Dum Aliud agit Virgilius noster, descripsit vi-
rum fortem. Ego certe non aliam imaginem
magna viro dederim: si mihi Cato exprimendus
inter fragores bellorum ciuiliū impau-
dus, & primus incessens ad motos iam exercitus
alpibus, ciuiliq; se bello ferens obuium: non
aliū illi assignauerim vultum, non aliū
habitum: altius certe nemo ingredi potuit;
quam qui simul contra Cæsarem Pompeiumq;
se sustulit, & alijs Cæsarianas opes, alijs Pom-
peianas fouentibus, vtrumque prouocauit, o-
stenditque aliquas esse reip. partes. Nam pa-
rum est in Catone, dicere: Nec vanos horret
strepitus. Quid ni, cum veros vicinosque non
horreat? cum contra decem legiones, & Galli-
ca auxilia, & mixta barbarica arma ciuilibus,
vocem liberam mittat, & remp. horretur, ne
pro libertate decidat, sed omnia experiatur,
honestius in feruitutem casura, quam itura?
Quantum in illo vigoris ac spiritus, quantum
in publica trepidatione fiducia est? Scit se
vnuū esse, de cuius statu non agatur: non
enim quæri, an liber Cato, sed an inter liberos
sit. Inde periculorum gladiatorumque contemp-
tus. Libet admirantem inuictam constantiam
viri, inter publicas ruinas non labantis, dicere?
Luxuriatque toris animosum pectus. Proderit
non tantum quales esse soleant boni viri, dice-
re,

formamque eorum & lineamenta deducere: sed quales fuerint narrare, & exponere Catonis illud ultimum ac fortissimum vulnus, per quod libertas amisit animam: Lælij sapientiam, & cum suo Scipione concordiam: alterius Catonis domi forisq; egregia facta: Tiberonis ligneos lectulos, cum in publicum sternerentur, hædinasque pro stragulis pelles, & ante ipsius Iouis cellam proposita conuiuis vasa fictilia: quid aliud paupertatem in capitolio consecrare? Ut nullum aliud factum eius habeam, quo illum Catonibus inferam, hoc parum credimus? Censura fuit illa, non cæna. O quam ignorant homines cupidi gloriæ, quid illa sit, aut quemadmodum petenda! Illo die populus Romanus multorum supellectilem spectauit, vnius miratus est. Omnium illorum aurum argentumque fractum est & millies conflatum: at omnibus sæculis Tiberonis fictilia durabunt.

EPIST. XCVI.

Contra Querulos, omnia à Fato, ac Deo venire. Quid igitur indignamur? Pareamus istis aut potius assentiamur Bonæ.

TAmen tu indignaris aliquid, aut quereris & non intelligis, nihil esse in istis mali, nisi hoc vnum, quod indignaris & quereris: Si me interrogas, nihil puto viro miserum, nisi, aliquid esse in rerum natura putet miserum. Non feram me, quo die aliquid ferre non poterò. Male valco: pars sati est. Familia decubuit: fœnus offendit: domus crepuit: damna, vulnera, labores, metus incurrerunt: Solet fieri: hoc parum est: debuit fieri: decernuntur ista, non accidunt. Si quid credis mihi, intimos affectus meos tibi cum maxime detego:

in omnibus quæ aduersa videntur & dura, sic formatus sum. Non parco Deo, sed assentior; ex animo illum, non quia necesse est, sequor. Nihil umquam mihi incidet, quod tristis incipiam, quod malo vultu; nullum tributum inuitus conferam. Omnia autem ad quæ gemimus, quæ expauescimus, tributa vitæ sunt. Horum mi Lucili, nec speraueris immunitatem, nec perieris. Vesicæ te dolor inquietauit; epulæ fuerunt parum dulces, detrimenta continua; propius accedam; de capite timuisti. Quid tu, nesciebas hæc te optare, cum optares senectutem? Omnia ista in longa vita sunt, quomodo in longa via & puluis & lutum & pluuia. Sed volebam, inquis, viuere, carere tamen incommodis omnibus. Tam effeminata vox virum dedecet. Videris, quemadmodum hoc votum meum excipias? ego illud magno animo, non tantum bono facio. Neque dii, neque deæ faciant, vt re fortuna in delicijs habeat. Ipse te interroga, si quis potestatem tibi Deus faciat, vtrum velis viuere in macello, an in castris. Atqui viuere, mi Lucili, militare est. Itaque hi qui iactantur, & per operosa atque ardua sursum atque deorsum eunt, & expeditiones periculosissimas obeunt, fortes viri sunt, primoresque castrorum: isti quos publica quies, alijs laborantibus, molliter habet, Turturellæ sunt, tuti contumeliæ causa.

E P I S T. XCVII.

Et nunc, & olim, fuisse malos. Exemplum à iudicio Clodiano, quod ille nummis & adulterijs corrupit. De vi deinde Conscientiæ: damnari ab ea mala: atque etiam puniri interno flagello aut morsu.

Erras,

Eras, mi Lucili, si existimas nostri sæculi esse, vitium, luxuriam & negligentiam boni moris, & alia quæ obijcit suis quisque temporibus. Hominum sunt ista, non temporum: nulla ætas vacavit à culpa. Et si æstimare licentiam cuiusque sæculi incipias: pudet dicere nunquam apertius, quàm coram Catone peccatum est. Credat aliquis pecuniam esse versatam in eo iudicio, in quo reus erat Clodius, ab id adulterium: quòd cum Cæsaris vxore in aperto commiserat, violatis religionibus eius sacrificijs; quòd pro populo fieri dicitur, sic sub motis extra conspectum omnibus vitijs, vt picturæ; quoque masculorum animalium contendantur. At qui dati iudicibus nummi sunt, & quòd hac etiamnum pactione turpius est supra insuper matronarum, & adolescentulorum nobilium, salarij loco exacta sunt. Minus crimine, quàm absolutione, peccatum est. Adulterij reus, adulteria diuisit: nec ante fuit de salute fecutus, quàm similes sui iudices suos reddidit. Hæc in eo iudicio facta sunt, in quo, si nihil aliud, Cato testimonium dixerat. Ipsa ponam verba Ciceronis, quia res fidem excedit. Accersuit ad se, promisit, intercessit; dedit: Iam verò, ò dij boni, rem perditam, etiam noctes certatum mulierum, atque adolescentulorum nobilium introductiones; nonnullis iudicibus pro mercedis cumulo fuerunt. Non vacat de pretio queri, plus in accessionibus fuit. Vis seueri illius vxorem? Dabo illam. Vis diuitis? huius quoque tibi præstabo concubitus. Adulterium nisi feceris, damna. Illa formosa quàm desideras, veniet: illius tibi noctem promitto, nec differere intra comperendinationem, fides promissi mei stabit. Plus est distribuere adulteria, quàm

quam facere: illud est, matribus familiæ denunciare: hoc, illudere. Hi iudices Clodiani à senatu petierant præsidium, quod non erat nisi damnatis necessarium: & impetrauerant. Itaque eleganter illis Catulus, absoluto reo. Quid vos, inquit, præsidium à nobis petebatis: an, ne nummi vobis eriperentur? Inter hos tamen locos, impune tulit ante iudicium adulter, in iudicio leno; qui damnatione peius effingit, quam meruit. Quidquam fuisse corruptius illis moribus credis, quibus libido non facris inhiberi, non iudicijs poterat; quibus in ea ipsa quæstione, quæ extra ordinem senatusconsulto exercebatur, plus quam quærebatur admissum est? Quærebatur, an post adulterium aliquis posset tutus esse: apparuit sine adulterio tutum esse non posse. Hoc inter Pompeium & Cæsarem, inter Ciceronem Catonemque commissum est: Catonem inquam illum, quo sedente negatur populus permisisse sibi postulare Florales iocos nudandarum meretricum. Credis spectasse tunc seuerius homines, quam iudicasse? Et fient, & facta sunt ista: & licentia urbium, aliquando disciplina metuque, nunquam sponte confidet. Non est itaque quod credas, nunc plurimum libidini permissum esse legibus, minimum. Longe enim frugalior hæc inuentus, quam illa est, cum reus adulterium apud iudices negaret, iudices apud reum contererentur: cum stuprum committeretur rei iudicandæ causa: cum Clodius iisdem vitijs gratiosus quibus nocens conciliaturas exerceret in ipsa causæ dictione. Credat, hoc quisquam; qui damnabatur vno adulterio, absolutus est multis. Omne tempus Clodios, non omne Catones feret. Ad deteriora faciles sumus: quia

nec dux potest, nec comes deesse; & res etiam ipsa sine duce, sine comite procedit: non primum est tantum ad vitia, sed præceptis. Et, quod plerisque inemendabiles facit, omnium aliarum artium peccata artificibus pudori sunt, offenduntque deerrantem: vitæ peccata delectant. Non gaudet nauigio gubernator euerso, non gaudet ægro medicus elato, non gaudet orator, si patroni culpa reus cecidit: at contra, omnibus crimen suum voluptati est. Læretur ille adulterio, in quod irritatus est ipsa difficultate: læratur ille circumscriptioe furtoque: nec ante illi culpa, quam culpæ fortuna displicuit. Id praua consuetudine euenit. Alioqui ut scias, subesse animis, etiam in pessima abductis, boni sensum, nec ignorari turpe, sed negligi; omnes peccata dissimulant, & quamuis felicitate cesserint, fructu illorum viuunt, ipsa subducunt. At bona conscientia prodire vult, & conspicitur ipsas nequitia tenebras timet. Eleganter itaque ab Epicuro dictum puro, potest nocentia contingere ut lateat, latendi fides non potest. Aut si hoc modò melius hunc explicari posses iudicas sensum: Ideò non prodest latere peccantibus, quia latendi etiam si felicitatem habent, fiduciam non habent. Ita est: tuta scelera esse possunt: secreta non possunt. Hoc ego repugnare sectæ nostræ, si sic expediatur, non iudico: quare? quia prima & maxima peccantium est pœna, peccasse, nec vllum scelus, licet illud fortuna exornet muneribus suis, licet tueatur ac vindicet, impunitum est: quoniam sceleris in scelere supplicium est. Sed nihilominus & hæc, & illa, secundæ pœnæ premunt ac sequuntur: timere semper & expauescere, & securitati diffidere. Quare ergo hoc
suppli-

supplicio nequitiam liberem? quare non semper illam in suspensio relinquam? illic dissentiamus cum Epicuro, ubi dicit, nihil iustum esse natura, crimina vitanda esse, quia vitari metus non possit. Huic consensimus mala facinora conscientia flagellari, plurimum illi tormentorum esse, eo quod perpetua illam sollicitudo urget ac verberat quod sponsoribus securitatis suae non potest credere. Hoc enim ipsum argumentum. Epicuri est, natura nos à scelere abhorrere, quod nulli non etiam inter tuta timor est. Multos fortuna liberat poena, metum neminem: quare? quia infixi nobis eius rei auersario est, quàm natura damnauit. Idcirco nunquam fides latendi sit etiam latentibus quia, coarguit illos conscientia, & ipsos sibi ostendit. Proprium autem est nocentium, trepidare. Male de nobis actum erat, quod multa scelera legem & iudicem effugiunt, & scripta supplicia: nisi illa naturalia & graua de presentibus soluerent, & in locum patientiae timor cederet.

EPIST. XCVIII.

Solis internis Bonis fidendum alia venire, abire. Hoc meditandum, & omnia ut fugacia adspicienda, atque habenda. Preparandus itaque animus ad amissionem talium, & ad tolerandum obsirmandus. Quidni, Alii iuberunt. Sequere exempla, imo ipse esto exemplum. Plano inter bonas utilesque Epistola.

NUnquam credideris felicem quemquam, ex felicitate suspensum: fragilibus inuititur, quid aduentitio lætus est, exibat gaudiū quod intrauit. At illud ex se ortum, fidele, firmum, que

que est, & crescit, & ad extremum usque proficitur: cetera quorum admiratio est vulgo, in diem bona sunt. Quid ergo? non vsui, ac volupitati esse possunt? Quis negat? sed, ita si illa ex nobis pendent, non ex illis nos. Omnia, quæ fortunam intuentur, ita fructifera, ac iucunda sunt, si quis habens illa, se quoque habet, nec in rerum suarum potestate est. Errant enim, mi Lucili, qui boni aliquid nobis, aut mali iudicant tribuere fortunam: materiam dat bonorum ac malorum, & initia rerum apud nos in malum bonum ne exituratum. Valentior enim omni fortuna animus est: in utramque partem ipse res suas ducit, beatæque ac misere vitæ sibi causa est. Malus omnia in malum vertit, etiam quæ specie optimi venerant: rectus, atque integer corrigit praua fortunæ, & dura, atque aspera, ferendi scientia mollit: idemque & secunda gratè excipit, modesteque & aduersa constanter, atque fortiter. Qui licet prudens sit, licet exacto faciat cuncta iudicio, licet nihil supra vires suas tentet: non contingit illi bonum integrum illud, & extra minas fortunæ positum, nisi certus aduersus incerta est. Siue alios obseruare volueris (liberius enim inter aliena iudicium est) siue te ipsum fauore seposito; & senties hoc & confiteberis, nil ex his optabilibus, & caris utile esse nisi re contra leuitatem casus, rerumque casum sequentium, instruxeris: nisi illud frequenter, & sine querela, inter singula damna dixeris: Dijs aliter visum est. Imo mehercule, ut carmen fortius, ac iustius petam, quo animum tuum magis fulcias, hoc dicito, quoties aliquid aliter quam cogitabas euenerit: Dij melius. Sic composito nihil accidet: sic autem compositetur, si, quid humanarum rerum varietas pos-

possit, cogitauerit, antequam senserit. Si & liberos, & coniugem, atque patrimonium sic habuerit, tamquam non vtrique semper habiturus: & tamquam non futurus ob hoc miserior, si habere desierit. Calamitosus est animus futuri anxius, & ante miseras miser, qui sollicitus est, ut ea quibus delectatur, ad extremum usque permaneant. Nullo enim tempore conquiescet, & expectatione futuri, praesentia, quibus frui poterat, amittet. In æquo est autem amissio rei, & timor amittendæ. Nec ideo præcipio tibi negligentiam. Quin verò metuenda declina; & quidquid consilio prospici potest, prospice: quodcumque læsurum est, multò antè quàm accidat, specularè & aduerte. In hoc ipsum tibi plurimum conferret fiducia, & ad tolerandum omne obfirmata mens. Potest fortunam cauere, qui potest ferre, certè in tranquillo non tumultuatur. Nil est nec miserius nec stultius, quàm prætimere; quæ ista dementia est, malum suum antecedere? Denique, ut breuiter includam quòd sentio, & istos satageos, ac sibi molestos describam tibi; tam intemperantes in ipsis miserijs quàm sunt ante illas. Plus dolet quàm necesse est, qui ante dolet, quàm necesse sit. Eadem enim infirmitate dolorem non æstimat, quæ non expectat. Eadem intemperantia fingit sibi perpetuam felicitatem, fingit sibi crescere debere quæcumque contigerunt, non tantum durare: & oblitus huius petauri, quo humana iactantur, sibi vni fortuitorum constantiam spondet. Egregie itaque videtur mihi Metrodorus dixisse in ea Epistola, qua sororem, amisso optimæ indolis filio, alloquitur: Mortale est omne mortaliū bonum: de his loquitur bonis, ad quæ concurritur. Nam illud verū bonum non

non moritur: certum est sempiternumque, sapientia & virtus: hoc vnum contingit immortale mortalibus. Ceterum tam improbi sunt, tamque obliti quo eant, quo illos singuli dies trahant, ut mirentur aliquid se amittere, amissuri vno die omnia. Quidquid est, qui dominus inscriberis, apud te est, tuum non est: nihil firmum infirmo, nihil fragili æternum, & inuictum est. Tam necesse est perire, quam perdere: & hoc ipsum, si intelligimus, solatium est, æquo animo perdere, quod perituum est. Quid ergo aduersus has amissiones auxilij inueniemus? Hoc, ut memoria teneamus amissa, nec cum ipsis fructum excidere patiamur, quem ex illis percipimus. Habere, eripitur: habuisse, nunquam. Per ingratus est, qui cum amiserit, pro accepto nihil debet. Rem nobis eripic casus, vsum fructumque apud nos relinquit: quem nos iniquitate desiderij perdidimus. Dic tibi, Ex istis quæ terribilia videntur, nihil est inuictum. Singula vicere iam multi: ignem Mucius, crucem Regulus, venenum Socrates, exilium Rutilius, mortem ferro adactam Cato: & nos vincamus aliquid. Rursus ista, quæ ut speciosa & felicia trahunt vulgum, à multis & sæpe contempta sunt. Fabricius diuitias imperator reiecit, censor notauit: Tubero paupertatem & se dignam, & Capitolio iudicauit, cum fistilibus in publica cæna usus, ostendit, debere his hominem esse contentum, quibus dii etiamnum vterentur. Honores repulit pater Sextius, qui ta natus ut remp. deberet capessere, latum clauum diuo Iulio dante, non recepit. Intelligebat enim, quod dari posset, & eripi posse. Nos quoque aliquid ipsi faciamus animose: simus inter exempla. Quare deficiamus? quare desperamus?

quidquid fieri potuit, potest. Nos modo pur-
gemus animum, sequamurque naturam, à qua
aberranti cupiendum timendumque est, & for-
tuitis seruiendum. Licet reuerſi in viam, licet
in integrum reſtitui. Reſtituamus, vt poſſimus
dolores, quocumque modo corpus inuaſerint,
perſerre, & fortunæ dicere: Cum viro ſibi ne-
gotium eſt, quære quem vincas. His ſermo-
nibus, & his ſimilibus, lenitur illa vis vlceris:
quàm opto mehercules mitigari, & aut ſanari,
aut ſtare, & cum ipſo ſeneſcere. Sed ſecurus do
ipſo ſum: de noſtro damno agitur, quibus ſenex
egregius eripitur. Nam ipſe vitæ plenus eſt,
cui adijci nihil deſiderat ſua cauſa, ſed eorum
quibus vtilis eſt. Liberaliter facit, quod viuunt.
Alius iam hoſ cruciatus finiſſet: hic tam turpe
putat mortem fugere, quàm ad mortem confu-
gere. Quid ergo? non, ſi ſuadebit res, exhibet?
Quid ni exeat: ſi nemo iam eo viti poterit ſi ni-
hil aliud, quàm dolori operam dabit. Hoc eſt
mi Lucili, philoſophiam in opere diſcere, & ad
verum exerceri: videri quid homo prudens ani-
mi habeat contra mortem, contra dolorem:
cum illa accedat, hic premat. Quid faciendum
ſit, à faciente diſcendum eſt. Adhuc argumen-
tis actum eſt, an poſſit aliquis dolori reſiſtere,
an mors magnos quoque animos admota ſub-
mittere. Quid opus eſt verbis: in rem præſen-
tem eamus, nec mors illum contra dolorem
facit fortiorem, nec dolor contra mortem con-
tra utrumque ſibi fidit: nec ſpe mortis patienter
dolet, nec radio doloris libenter moritur: hunc
terr, illum exſpectat.

CONSOLETORIA IN MORTE FILII. SAPIENS, ITA ME
DENOſE DEſERTA.

E Pistolam, quam scripsi Marullo, cum filium paruulum amisisset, & diceretur molliter ferre, misi tibi. In qua non sum morem solitum secutus, nec putavi leniter illum debere tractari, cum obiurgatione esset quam consolatione dignior. Afflicto enim, & magnum vulnus male ferenti, paullisper cedendum est: exsatiat se, aut certe primum impetum effundat. Hi qui sibi lugere sumplerunt, protinus castigentur, & discant, quasdam etiam lacrymarum ineptias esse. Solatia expectas? conuicia accipe, tam molliter tu fers mortem filij? quid faceres, si amicum perdidisses? Decessit filius incertæ spei, paruulus: pusillum temporis periit. Causas doloris conquirimus, & de fortuna etiam inique queri volumus? quasi non sit iustas querendi causas præbitura. At me hercule satis mihi iam videbaris animi habere, etiam aduersus solida mala, nedum ad istas umbras malorum, quibus ingemiscunt homines moris causa. Quod damnorum omnium maximum est, si amicum perdidisses, danda opera erat, ut magis gauderes quod habueras, quam mœreres quod amiseras. Sed plerique non conputant, quanta perceperint; quantumue gauisifint. Hoc habet inter reliqua mala dolor, quod non superuacuum tantum, sed ingratus est. Ergo quod habuisti tale amicum, periit opera, tot animis, tanta coniunctione vitæ, tam familiari studiorum societate, nihil actum est. Cum amico effers amicitiam; & qui doles amisisse, habuisse non prodest? Mihi crede, magna pars ex illis quos amauimus, licet ipsos casus abstulerit, apud nos manet. Nostrum est quod præterijt tempus nec quidquam est loco tutiore, quam quod fuit. Ingrati aduersus percepta, spe futuri, sumus.

quasi non quod futurum est, si modo successerit nobis, cito in præterita transitorium sit. Anguste fructus rerum determinat, qui tantum præsentibus latus est: & futura & præterita delectant: hæc, exspectatione, illa memoria; sed alterum pendet, & non fieri potest: alterum non potest non fuisse. Quis ergo furor est, certissimo excidere? Acquiescamus his quæ iam hausimus; si modo non perforato animo hauriebamus, & transmittente quidquid acceperat. Innumerabilia sunt exempla eorum, qui libero iuvenes sine lacrimis exiulerunt; qui in senatum aut in aliquod publicum officium à rogo redierint, & statim aliud egerint; nec immerito. Nā primum, superuacuum est dolere, si nihil dolendo proficias; deinde iniquum est queri de eo, quod uni accidit, omnibus restat. Deinde, desiderij stulta conquestio est, ubi minimū interest inter amissum, & desiderantem. Eo itaque æquiore animo esse debemus, quod quos amisimus, sequimur. Respice celeritatem rapidissimi temporis: cogita breuitatem huius spæij, per quod citatissimi currimus; observa hunc comitatum generis humani, eodem tendentis, minimis interuallis distinctum, etiam ubi maxima videntur; quem putas perijisse, præmissus est. Quid autem dementius, quàm cum idem tibi iter emetiendum sit, flere cum qui antecessit? Flet aliquis factum, quod non ignorauit futurum? aut si mortem in homine non cogitauit, sibi imposuit. Flet aliquis factum, quod aiebat non posse non fieri? quisquis aliquem queritur mortuum esse, queritur hominem fuisse. Omnes eadem conditio deuinxit; cui nasci contingit, mori restat: Interuallis distinguimur, exitu æquamur. Hoc quod inter primum

mum diem & vltimum iacet, varium, & incertum est: si molestias æstimas, etiam puero longum; si velocitatem, etiam seni angustum. Nil non lubricum & fallax, & omni tempestate mobilius. Iactantur cuncta, & in contrarium transeunt, iubente fortuna: & in tanta volutatione rerum humanarum, nil cuiquam, nisi mors, certum. Tamen de eo queruntur omnes, in quo vno nemo decipitur. Sed puer decessit. Nondum dico melius agi cum eo qui vita defungitur: ad eum transeamus qui conuenit: quantulo vincit infantem? Proponere profunditatis vastitatem, & vniuersum complectere, deinde hoc quod aetatem vocamus humanam, compara immenso: videbis quam exiguum, sit, quod optamus, quod extendimus. Ex hoc quantum lacrimæ, quantum sollicitudines occupant, quantum mors antequam veniat, optata; quantum valetudo, quantum timor, quantum teneri, aut rudes, aut inutiles anni? dimidium ex hoc edormitur. Adijce labores, luctus, pericula, & intelliges, etiam in longissima vita minimum esse quod viuitur. Sed quis tibi concedat, non melius se habere cum cui cito reuertiliet, cui ante lassitudinem peractum, est iter? Vita, nec bonum nec malum est, boni ac mali locus est. Ita nihil perdidit ille, nisi aleam in damnum certiores. Potuit euadere modestus ac prudens, potuit sub cura tua in meliora formari, sed (quod iustius timetur) potuit fieri pluribus similis. Adspice illos iuvenes quos ex nobilissimis domibus in arenam luxuria proiecit: adspice illos, qui suam alienaque libidinem exercent, mutuo impudici, quorum nullus sine ebrietate, nullus siue aliquo insigni flagitio dies exit, plus timeri, quam sperari.

potuisse, manifestum erit. Non debes itaque
causas doloris accersere, nec leuia incommoda
indignando cumulare. Non hortor, ut nitaris
& vrgeas? non tam male de te iudico, ut tibi
aduersus hæc totam putem virtutem aduocan-
dam. Non est dolor iste, sed morsus: tu illum
dolorem facis. Sine dubio multum philosophia
profecit, si puerum nutrici adhuc quam patri-
notiorem, animo forti desideras. Quid nunc
ego duritiam suadeo, & in funere ipso erigere
vultum volo, & animum, ne contrahi quidem
patior? Minime: inhumanitas est ista, non vir-
tus, funera suorum iisdem oculis, quibus ipsos
videre: nec commoueri ad primam familiarum
diuisionem. Puta autem me vetare, quædam
non sunt sui iuris. Excidunt etiam retinentibus
lacrimæ, & animum profusæ leuant. Quid er-
go est: permittamus illis cadere, non impere-
mus. Fluant quantum affectus eiecerit, non
quantum poscet imitatio. Nihil vero maiori
adijciamus, nec illum ad alienum augeamus
exemplum. Plus ostentatio doloris exigit, quam
dolor: quotusquisque sibi tristis est? Clarius,
cùm audiuntur, gement: & taciti quietique,
dum secretum est: cùm aliquos viderint in fle-
tus novos excitantur. Tum capiti suo manus
ingerunt, quod potuerant facere, nullo prohi-
bent, liberius: tunc mortem comprecantur si-
bi, tunc lectulo deuoluuntur. Sine spectatore
cessat dolor. Sequitur nos, ut in alijs rebus; ita
in hac quoque hoc vitium, ad plurium exem-
pla componi; nec quid oporteat, sed quid so-
leat, adspicere, A natura discedimus: populo
nos damus, nullius rei bono auctori, & in hac
re, sicut in omnibus, inconstantissimo. Videt
aliquem fortem in luctu suo? impium vocat, &
effe-

efferatum. Uidet aliquem collabantem, & cor-
 pori affusum? effeminatum ait; & eneru-
 omnia itaque ad rationem reuocanda sunt.
 Siuius vero nihil est, quam famam captare
 tristitiae, & lacrimas approbare: quas iudico
 sapienter viro alias permissa cadere, alias vi sua
 latas. Dicam quid intersit. Cum primum nos
 nuncios acerbi funis perculit, cum tenemus
 corpus & complexu nostro in ignem transitum;
 lacrimas naturalis necessitas exprimit: & spiri-
 tus ictu doloris impulsus, quemadmodum to-
 tū corpus quatit, ita oculos, quibus adiacen-
 tem humorem perpremit & expellit. Hæ la-
 crimæ per elisionem cadunt, nolentibus nobis.
 Aliæ sunt, quibus exitum damus, cum memo-
 ria eorum quos amisimus, retractatur: & inest
 quiddam dulce tristitiæ: cum occurrunt sermo-
 nes eorum iucundi, conuersatio hilaris, officio-
 sa pietas, tunc oculi velut in gaudio relaxantur.
 His indulgemus, illis vincimur. Non est itaque
 quod lacrimas propter circumstantes affidentel-
 que aut contineas, aut exprimas: nec cessant,
 nec fluant vniquam tam turpiter, quam fingun-
 tur. Fiant sua sponte: ire autem possunt placi-
 disatque compositis. Sape salua sapientis au-
 stasitate fluxerunt; tamq̃ temperamento, vt il-
 lis nec humanitas, nec dignitas deesset. Licet,
 inquam, naturæ obsequi, grauitate seruata.
 Vidi ego in funere suorum verendos, in quorum
 ore amor eminebat, remota omni lugentium
 scena. Nihil erat nisi quod veris dabatur affe-
 ctibus. Est aliquid & dolendi decor: hic sapienti
 seruandus est: & quemadmodum in ceteris re-
 bus, ita & in lacrimis aliquid, sat est, impruden-
 tium vt gaudia, sic dolores exindauere. A quo
 animo excipe necessaria. Quid incredibile, quid
 mirum?

nouum euenit? quam multis cum maxime funus locatur? quam multis vitalia eruantur? quā multi post tuum luctum lugent? Quotie cogitaueris puerum fuisse, cogita & hominem, cui nihil certi promittatur, quem fortuna non utique perducit ad senectutem: vnde visum est, dimittit. Ceterum de illo frequenter loquere, & memoriam eius quantum potes, celebra: quæ ad te sæpius reuertetur, si erit sine acerbitate ventura. Nemo enim libenter tristi conuersatur, nedum tristitiæ. Si quos sermones eius, si quos quamuis paruuli iocos cum voluptate audieras, sæpius tepete potuisse illum implere spes tuas, quas paterna mente conceperas, audacter affirma. Obluisci quidem suorum, ac memoriam cum corporibus efferre, effusissime flere, meminisse parcissime: inhumani animi est. Sic aues, sic ferae foetus suos diligunt: quarum concitatus est amor, & pœne rapidus, sed cum amissis totus exstinguitur. Hoc prudentem virum non decet: meminisse perseueret, lugere desinat. Illud nullo modo probo, quod ait Metrodorus, esse aliquam cognatam tristitiæ voluptatem: hanc ipsam captandam in eiusmodi tempore. Ipsa Metrodori verba subscripsi: Μισοῦμαι ἡ δούλη ἀνδρεία τίς γάρ ἐστι. σοὶ μὲν ζητήσια κατὰ τὸν καιρὸν de quibus non dubito, quid sis sensurus. Quid enim turpius, quam captare in ipso luctu voluptatem, imo per luctum; & inter lacrimas quoque, quod iuuat, quærere? Hi sunt qui nobis obijciunt nimium rigorem, & infamant præcepta nostra duritia, quod dicamus dolorem in animum, aut admittendum non esse, aut cito expellendum. Vtrum tandem est aut incredibilius, aut inhumanius, non sentire amisso amico dolorem, an voluptatem in ipso

dolore aucupari? Nos quod præcipimus honestum est: cum aliquid lacrimarum affectus effuderit, & ut ita dicam, despumauerit, non esse tradendum animum dolori. Quid tu dicis? miscendam ipsi dolori voluptatem? Sic consolamur crustulo pueros, sic infantium fletum infuso lacte compeſcimus. Ne illo quidem tempore quo filius ardet, aut amicus expirat, cessare pateris voluptatem, sed ipsum vis titillare mærorem. Vtrum honestius dolor ab animo submouetur, an voluptas ad dolorem quoque admittitur? admittitur dico, captatur & quidem ex ipso. Est aliqua, inquit, voluptas cognata tristitiæ. Illud nobis licet dicere: vobis quidē non licet. Vnum bonum nostis, voluptatē; vnum malū dolorem. Quæ potest inter bonum, & malum, esse cognatio? Sed puta esse, nunc potissimum eruitur: & ipsum dolorem scrutamur an aliquid habeat iucundum circa se, & voluptarium? Quædam remedia alijs partibus corporis salutaria, velut sæda & indecora, adhiberi alijs nequeunt: & quod alibi prodesset sine damno verecunditiæ, id fit in honestum loco vulneris. Non te pudet luctum voluptate sanare? seuerius ista plaga curanda est: illud potius admone: nullum mali sensum, ad eum qui perit, peruenire: nam si peruenit, non perijt. Nulla, inquam, eum res lædit, qui nullus est: viuit, si læditur. Vtrum putas illi mala esse, quod nullus est, an quod est adhuc aliquis? Atqui nec ex eo potest ei tormentū esse quod non est: quis enim nullus sensus est: nec ex eo, quod est, effugit enim maximum mortis incommodum, non esse. Illud quoque dicamus ei, qui deslet, ac desiderat in ætate prima raptum: Omnes quantum ad breuitatem æui, si vniuerso cōpares, & iuuenes & senes in æquo sumus. Mi-

nus enim ad nos ex omni ætate venit, quàm quòd minimum esse quis dixerit: quoniam quidem minimum aliqua pars est: hoc quod viuimus, proximum nihilo est, & tamen (ò demeritiam nostram). late disponitur. Hæc tibi scripsi, non tamquam expectaturus esset remedium à me tam serum; liquet enim mihi te locutum tecum, quidquid lecturus es: sed ut castigare illam exiguam moram, quæ à te recessisti: & in reliquam exhortarer, contra fortunam tolleres animos, & omnia eius tela non, tanquam possent venire, sed tamquam utique essent ventura, prospiceres.

EPIST. C.

De Papirio Fabiano philosopho iudicium, eiusque scriptis.

Fabiani Papirij libros, qui inscribuntur. Ciuilium, legisse te cupidissime scribis, sed non respondisse expectationi tuæ: deinde, oblitus de philosopho agi, compositionem eius accusas. Puta esse quod dicis: & effundi verba, non fingi. Primum, habet ista res suam gratiam: & est decor proprius orationis leniter lapsæ. Multum enim interesse existimo, utrum exciderit, an fluxerit. Nunc in hoc quoque, quòd dicturus sum, ingens differentia est. Fabianus mihi non effundere videtur orationem, sed fundere, adeò larga est, & sine perturbatione, non sine cursu tamen veniens. Illud plane fatetur & præfert, non esse se tractatam, nec diu tortam. Sed ita, ut vis, esse credamus: mores ille, non verba composuit, & animis scripsit ista, non auribus. Præterea ipso dicente non vacasset tibi partes intueri, adq. te summa rapuisset: & fere quæ impetu placent, minus præstant ad manum

num relata. Sed illud quoque multum est, primo adpectu oculos occupasse, etiam si contentio diligens inuentura est, quod arguat. Si me interrogas, maior ille est qui iudicium abstulit, quam qui meruit. Et scio hunc autiorem rem esse, scio audacius sibi de futuro promittere esse. Oratio sollicita philosophum non decet. Vbi tandem erit fortis & constans, vbi periculum sui faciet, qui timet verba? Fabianus non erat negligens in oratione; sed securus: itaque nihil inuenies sordidum. Electa verba sunt; non captata: nec huius sæculi more contra naturam suam posita & inuersa; splendida tamen, quamuis sumantur è medio: sensus honestos & magnificos habent, non coactos in sententiam, sed latius ductos. Videbimus, quid parum recisum sit, quid parum structum, quid non huius recentis polituræ: cum circumspexeris omnia, nullas videbis angustias inanes. Desit sane varietas marmorum, & concisura aquarum cubiculis interfluentium, & pauperis cella, & quidquid aliud luxuria, non contenta decore simplici, miscet: quod dici solet, domus recta est. Adijce nunc quod de compositione non constat. Quidam illam volunt esse ex horrido comptam: quidam vsque eo aspera gaudent, vt etiam quæ mollius, casus explicuit, ex industria dissipent, & clausulas abrumphant, ne ad expectatum respondeant: Lege Ciceronem; compositio eius vna est: pedem seruat, curata, lenta, & sine infamia mollis. At contra, Pollionis Asinij salebrosa & exsiliens, & vbi minime expectes, relictura. Denique apud Ciceronem omnia desinunt: apud Pollionem cadunt: exceptis paucissimis, quæ ad certum modum, & ad vnum exemplar, adstricta sunt, Humilia prætereà tibi videri

dicis omnia, & parum erecta: quo vitio carere cum iudico. Non sunt humilia illa, sed placida, & ad animi tenorem quietum compositumque formata, nec depressa, sed plana. Deest illis oratorius vigor, stimuli que quæris, & subiti ictus sententiarum: sed totum corpus videris; quamvis sit incomptum, honestum est. Non habet oratio eius, sed debere dignitatem, Affer quem Fabiano possis præponere. Dic Ciceronem, cuius libri ad philosophiam pertinentes, præne totidem sunt, quot Fabiani. Cedam: sed non statim pusillum est, si quid maximo minus est. Dic Asinium Pollionem. Cedam, & respondeamus: In re tanta eminere est, & post duos esse. Nomina adhuc Linium. Scripsit enim & dialogos, quos non magis philosophiæ annumerare possis, quam historiæ: & ex professo philosophiam continentes libros. Huic quoque dabo locum: vide tamen, quam multos antecedit, qui à tribus vincitur, & tribus eloquentissimis. Sed non præstat omnia, non est fortis oratio eius, quamvis elata sit; non est violenta, nec torrens, quamvis effusa sit: non est perspicua, sed pura. Desideres, inquires, contra vitia aliquid asperere dici, contra pericula animo se, contra fortunam superbe, contra ambitionem contumehose. Volo luxuriam obiurgari, libidinē traduci, impotentiam frangi: fit aliquid oratorie acre, tragice grande, comice exile. Vis illum assidere pusillæ rei, verbis? Ille rerum se magnitudini addixit: eloquentiam, velut umbram, non hoc agens, trahit. Non erunt sine dubio singula circumspecta, nec in se collecta, nec omne verbum excitabit, ac punget: fateor: exhibunt multa, nec ferient, & inter-
dum otiosa præterlabetur oratio: sed mul-
tum

tum erit in omnibus locis & ingens sine tædio spatium. Denique illud præstabit, ut liqueat tibi, illum sensisse quæ scripsit. Intelliges actum hoc, ut tu scires quid illi placeret; non ut ille placeret tibi. Ad profectum omnia tendunt, & ad bonam mentem: non quæritur plausus. Talia esse scripta eius, non dubito, etiam si magis reminiscor quàm teneo: hæretque mihi color eorum, non ex recenti conuersatione familiariter, sed summatim ut solet ex vetere notitia. Cum audirem certe illum, talia mihi videbantur: non solida, sed plena, quæ adolescentem indolis bonæ attollerent, & ad imitationem sui vocarent, sine desperatione vincendi: quæ mihi adhortatio videtur efficacissima. Deterret enim, qui imitandi cupiditatem modo fecit, spem abstulit. Ceterum verbis abundabat, sine commendatione partium singularum, in vniuersum magnificus.

EPIST. CI.

De subita morte cuiusdam noti, & ex occasione nihil fidendum aut spondendum nobis. Omnia incerta, ideoque vita bona non differenda, longa autem non optanda, & exagitat Mæcenatis turpissimum votum.

Omnis dies, omnis hora, quam nihil simus ostendit, & aliquo argumento recēti admonet fragilitatis oblitos, cum æterna meditates respicere cogit ad mortem. Quid sibi istud principium velit, queris? Senecionē Cornelium, æquiem Romanum splendidum & officiosum, noueras: ex tenui principio se ipse promouet at, & iā illi decliuus erat cursus ad cetera. Facilius enim crescit dignitas, quàm incipit. Pecunia quous cir-

ca paupertatem plurimam moram habet, dum ex illa ereptat. Hic etiam Senecio diuitijs imminebat, ad quas illum duæ res ducebant efficacissimæ, & quærendi, & custodiendi scientiæ; quarum vel altera locupletem facere potuisset. Hic homo summæ frugalitatis, non minus patrimonij quam corporis diligens, cum me ex consuetudine mane vidisset, cum per totum diem amico grauiter affecto, & sine spe iacenti, vsque in noctem assedisset, cum hilaris cenasset, genere valetudinis præcipiti abreptus, angina, vix compressum arctatis faucibus spiritum traxit in lucem. Intra paucissimas ergo horas, postquam omnibus erat sani ac valentis officijs functus, decessit. Ille qui & mari & terra pecuniam agitabat, qui ad publica quoque, nullum relinquens inexpertum genus quæstus, accesserat, in ipso actu bene cedentium rerum, in ipsa procurrentis pecuniæ impetu, raptus est.

Inser e nunc Melibæe piras, pone ordine vites.
 Quàm stultum est artem disponere? ne crastino quidem dominamur. O quanta dementia est spes longas inchoantium! Emam, ædificabo, credam, exigam, honores geram, tum demum lassam & plenam tenebrotatem in otium referam. Omnia, mihi crede, etiam felicibus dubia sunt. Nihil sibi quisquam de futuro debet promittere, id quoque quod tenetur, per minus exit, & ipsam quam premimus horam casus incidit. Voluitur tempus, rara quidem lege, sed per obscurem: quid autem ad me, an natura terram sic, quod mihi metusum est? Navigationes longas, & peregrinis litonibus alienis, seros in patriam reditus proponimus: militiam, & castris laborum tarda inapropria procuratio, officiorumque per offi-

officia processus: cum interim ad latus mors est, quæ quoniam nunquam cogitatur, nisi aliena, nobis subinde ingeretur mortalitatis exempla, non diutius, quam dum miramur hæsuræ. Quid autem est stultius, quàm mirari id vllò die factum, quod omni potest fieri? Stat quidem terminus nobis, vbi illum inexorabilis fatorum necessitas fixit; sed nemo scit nostrum, quam prope versetur. Sic itaque formemus animum, tanquam ad extrema ventum sit: nihil differamus; quotidie cum vita paria faciamus. Maximum vitæ vitium est, quod imperfecta semper est, quod etiam aliquid ex illa differtur: qui quotidie vitæ suæ summam manum imposuit, non indiget tempore. Ex hac autem indigentia timor nascitur, & cupiditas futuri, exedens animum. Nihil est miserius dubitatione venientium, quorsum euadant. Quantum sit illud quod restat, aut quale, collecta mens inexplicabili formidine agitur. Quomodo effugiemus hanc volutationem? vno, si vita nostra non prominebit, si in se colligetur. Ille enim ex futuro suspenditur, cui irritum est præsens. Vbi verò quidquid mihi debui, redditum est, vbi stabilita mens scit, nihil interesse inter diem & seculum: quidquid deinceps dierum rerumque venturum est ex alto prospicit, & cum multo risu seriem temporum cogitat. Quid enim varietas mobilitasque casuum perturbabit, si certus sit aduersus incerta? Ideò, mi Lucili, prope viuere: & singulos dies, singulas vitas puta. Qui hoc modo se aptabit, cui vita sua quotidie fuit tota, securus est. In spe viuentibus, proximum quodque tempus elabitur: subitque auiditas, & miserrimum atque miserrima omnia efficiens, merus mortis. Inde illud Mæcenatis turpissimum

mum votum : quo & debilitatem non recusat, & deformitatem, & nouissime acutam crucem, dum modo inter hæc mala spiritus porogetur.

Debilem facito manum,

Debilem pede, coxa:

Tuber adstrue gibberum,

Lubricos quate dentes.

Vita dum superest, bene est.

Hanc mihi, vel acuta

Si sedem cruce sustine.

Quod miserrimum erat, si incidisset, optatur : & tamquam vitæ petitur, supplicij mora. Contemptissimum putatem, si viuere vellet vsque ad crucem. Tu verò, inquit, me debilites licet, dum spiritus in corpore fracto & nutili mane at depræues licet, dum monstruoso & distorto temporis aliquid accedat : suffigas licet, & acutam fessuro crucem subdas : est tanti, vulnus suum premere, & patibulo pendere destitutum, dum differat id quod est in malis optimum supplicij finem. Est tanti, habere animam, vt agam. Quid huic optes, nisi deos faciles? quid sibi vult illa carminis effeminati turpitudò? quid timoreis dementissimi pactio? quid tam sæda vitæ mendicatio? Huic putas vnquam recitalle Virgilium,

Vsque adeone mori miserum est?

Optat vltima malorum : & quæ parè grauissimè est, extendi ac sustineri cupit : quæ mercede scilicet vitæ longioris. Quid autem huius viuere est diu mori? Inuenitur aliquis, qui mali inter supplicia tabescere, & perire membratim, toties per stillicidia amittere animam, quam semel exhalare? Inuenitur qui velit adactus ad illud infelix lignum, iam debilius, iam prauus, & in sedum scapularum ac pectoris tuber elius,

cui multæ moriendi causæ etiam citra crucem fuerant, trahere animam tot tormenta tracturam? Nega nunc magnum beneficium esse naturæ, quod necesse est mori. Multi peiora pacisci adhuc parati sunt: etiam amicum prodere, ut diutius viuant: & liberos ad stuprum manu sua tradere, ut contingat lucem videre, tot consciam scelerum. Executienda vitæ cupido est: dicendumque nihil interesse quando patiaris quod quandoque patiendum est: quàm benè viuas referre, non quamdiu: sæpè autem in hoc esse bene, ne diu,

EPIST. CII.

Aliquid de immortalitate animæ: tum quæstiuncula, An claritas post mortem ad nos faciat: Disputat tenuiter primo & scholasticè, tum in extremo adsurgit, & ad Deum ac cælestia animum ducit. Corpus hoc, sarcinam aut velamentum esse: sperni debere, & exui cum Deus, & dies ille vacant.

Quomodo molestum est iucundum somnium videnti, qui excitat: aufert enim voluptatem, etiamsi falsam, effectum tamen veræ habentem: sic epistola tua mihi fecit iniuriam: reuocauit enim me cogitationi apte traditum, & iturum, si licuisset, ulterius. Iuuabat de æternitate animarum quærere, imo mehercule credere: credebam enim facile opinionibus magnorum virorum, rem gratissimam promittentium magis, quàm probantium. Dabam me spei tantæ: iam eram fastidio mihi, iam reliquias ætatis infractæ contemnebam, in immensum illud tempus, & in possessionem omnis æui transiturus: cum subito experrectus sum, epistola tua accepta, & tam bellum somnium

nium perdidisti: quod ceperam, si te dimisero, se-
redimam. Negas me epistola prima totam
quæstionem explicuisse, in qua probare conabar
id quod nostris placet, claritatem quæ post
mortem contingit, bonum esse. Id enim me
non soluisse, quod opponitur nobis. Nullum
inquiunt, bonum ex distantibus: hoc autem ex
distantibus constat. Quid interrogas, mihi bu-
cili, eiusdem quæstionis est, loci alterius: &
ideo non hoc tantum, sed alia quoque eodem
pertinentia, distuleram. Quædam enim, ut
scis, moralibus rationalia immixta sunt. Ita-
que illam partem recte ad mores pertinentem
tractavi. Numquid stultum sit ac superuacuum,
ultra extremum diem curas transmittere. An
cadant bona nostra nobiscum, nihilque sit eius
qui nullus est. An ex eo, quod cum erit, sen-
suri non simus antequam aliquis fructus perci-
pi aut peti possis. Hæc autem omnia ad mo-
res spectant: itaque suo loco posita sunt. At
quæ à dialecticis contra hanc opinionem di-
cuntur, segreganda fuerunt: & ideo seposita
sunt nunc quia omnia exigis, omnia quæ di-
cunt persequar, deinde singulis occurrani. At
nisi aliquid prædixero, intelligi non poterunt
quæ refellentur. Quid est, quod prædicere
velim? Quædam continua esse corpora, ut ho-
minem; quædam composita, ut nauem, de-
num; omnia denique quorum diuersæ partes
iunctura in vnum sunt coactæ; quædam ex di-
stantibus, quorum adhuc membra separata
sunt, tanquam exercitus, populus, senatus. Il-
li enim, per quos ista corpora efficiuntur, alius
aut officio coherent, natura diducti & singuli
sunt. Quid est, quod etiam nunc prædicere
velim? Nullum bonum putamus esse, quod ex
di-

distantibus constat : vno enim spiritu vnum bonum contineri ac regi debet , vnum esse vnus, boni principale . Hoc si quando desideraueris , per se probatur : interim ponendum fuit , quæ inde nostra tela mittuntur . Dicitis , inquit , nullum bonum ex distantibus esse : Claritas autem ista , bonorum virorum secunda opinio est . Nam quomodo fama non est vnus sermo , nec infamia vnus mala existimatio : sic nec claritas , vni bono placuisse . Consentire in hoc plures insignes & præstantes viri debent , vt claritas sit . Hæc autem ex iudicijs plurium efficitur , id est , distantium : ergo non est bonum . Claritas , inquit , laus est à bonis bono reddita : laus oratio : vox est , aliquid significans : vox autem licet virorum sit bonorum , bonum non est . Neque enim quidquid vir bonus fecit , bonum est : nam & plaudit , & sibilat : sed nec plausum quisquam , nec sibilum , licet omnia eius admiretur & laudet , bonum dicit , non magis quam sternutamentum aut tussim . Ergo claritas bonum non est . Ad summam , dicite nobis , vtrum laudantis , an laudati bonum sit ? Si laudantis bonum esse dicitis , tam ridiculam rem facitis quàm si affirmetis meum esse , quod alius bene valeat . Sed laudare dignos , honesta actio est : ita laudantis bonum est , cuius actio est , non monstrum qui laudamur : atqui hoc quærebat . Respondebo nunc singulis cursim . Primum , an sit aliquis ex distantibus bonum , etiam nunc quæritur , & pars vtræque sententias habet . Deinde , claritas desiderat multa suffragia : potest & vnus boni viri iudicio esse contenta . Nam omnes honos bonus vnus iudicat . Quid ergo ? inquit : & fama erit vnus hominis existimatio , & infamia , vnus malignus

sermo ! Gloriam quoque , inquit , latius fusam intelligo : consensum enim multorum exigit . Diuersa horum conditio est , & illius . Quare , quia si de me bene vir bonus sentit eodem loco sum , quo , si omnes boni idem sentirent : omnes enim si me cognouerint , idem sentient . Par illis idemque iudicium est : æque vero insistitur ab his , qui dissidere non possunt . Ita pro eo est , ac si omnes idem sentiant : quia aliud sentire non possunt . Ad gloriam & famam , non est satis vnius opinio . Ille idem potest vnius sententia , quod omnium : quia omnium si perrogetur , vna erit : hic diuersa dissimilium iudicia sunt , dissimiles affectus . Dubia omnia inuenias , leuia , suspecta . Putas tu posse sententiam vnam omnium esse ? non est vnius vna . Illis placet verum : veritatis vna vis , vna facies est : apud has falsa sunt , quibus assentiuntur . Nunquam autem falsis constantia est ? variantur & dissident . Sed laus , inquit , nihil aliud quam vox est : vox autem bonum non est . Cum dicunt claritatem laudem esse bonorum , à bonis redditam : iam non ad vocem referunt , sed ad sententiam . Liceat enim vir bonus raceat , sed aliquem indicet dignum laude , laudatus est . Præterea , aliud est laus , aliud laudatio . Hæc & vocem exigit . Itaque nemo dicit laudem funebrem , sed laudationem , cuius officium oratione constat . Cum dicimus aliquem laude dignum , non verba illi benigna hominum , sed iudicia promittimus . Ergo laus etiam taciti est bene sentientis , ac bonum virum apud se laudantis . Deinde , vt dixi , ad animum refertur laus , non ad verba ; quæ conceptam laudem egerunt , & in notitiam plurium emittunt . Laudat qui laudandum esse iudicat . Cum Tragicus ille
apud

apud nos ait, Magnificum esse laudari à laudato viro : laude digno , ait. Et cum æquè antiquus poeta ait, Laus alit artes: non laudationem dicit, quæ corrumpit artes, nihil enim æque & eloquentiam & omne aliud studium auribus deditum vitiauit, quam popularis assensio. Forma utique vocem desiderat, claritas non : potest enim citra vocem contingere, contenta iudicio : plena est, non tantum inter tacentes, sed etiam inter reclamantes : Quid intersit inter claritatem & gloriam dicam. Gloria multorum iudicij constat, claritas bonorum. Cuius, inquit, bonum est claritas, id est, laus, bono à bonis reddita? utrum laudati, an laudantis? Vtriusque: meum qui laudor, quia natura me amantem omnium genuit, & bene fecisse gaudeo, & gratos me iuuenisse virtutum interpretes lætor. Hoc plurimum bonum est, quod grati sunt, sed & meum. Ita enim animo compositus sum, ut aliorum bonum, meum iudicem : utique eorum, quibus ipse sum boni causa. Est illud laudantium bonum; virtute enim geritur: omnis autem virtutis actio bonum est. Hoc contingere illis non potuisset, nisi ego talis essem. Itaque utriusque bonum est, merito laudari, tam me hercule, quàm bene iudicasse, iudicantis bonum est, & eius, secundum quem iudicatum est. Numquid dubitas quin iustitia & habentis bonum sit, & eius cui debitum soluit? Merentem laudare iustitia est: igitur utriusque bonum est. Cauillatoribus istis abunde responderimus. Sed non debuit hoc nobis esse propositum arguta differere, & philosophiam in has angustias ex sua maiestate detrahere. Quanto satius est, ite aperta via & recta, quàm sibi ipsi flexus disponere quos cum magna molestia de-
beas

beas relegere? neque enim quidquam aliud istę disputationes sunt, quàm inter se perire captantium lusus. Dic potius, quàm naturale sit, in immensum mentem suam extendere. Magna & generosa res est humanus animus: nullos sibi poni nisi communes & cùm Deo terminos patitur. Primum, humilem non accipit patriam: Ephesum aut Alexandriam, aut si quod est etiamnum frequentius incolis, latius rectis solum. Illi patria est, quodcumque suprema & vniuersa circuitu suo cingit: hoc omne conue-xum; intra quod iacent maria cùm terris, intra quod aer humanis diuina secernens etiam coniungit, intra quod disposita tot numma in actus suos excubant. Deinde, arctam ætatem sibi dari non finit. Omnes, inquit, anni mei sunt: nullum sæculum magnis ingenijs clusum est; nullum non cogitationi peruium tempus. Cùm venerit dies ille qui mixtum hoc diuini humanique secernat corpus hoc, vbi inueni, relinquam: ipse me dijs reddam: nec nunc sine illis sum, sed graui terrenoque detineor. Per has mortalis æui moras, illi meliori vitæ longiorique proluditur. Quemadmodum nouem mensibus nos tenet maternus vterus, & præparat non sibi, sed illi loco in quem videmur emit-ti; iam idonei spiritum trahere, & in aperto durare; sic per hoc spatium, quod ab infantia pater in senectutem, in alium maturescimus partum. Alia origo nos expectat, alius rerum status. Nondum cælum, nisi ex interuallo, pati possumus. Proinde intrepidus horam illam decretoriam prospice: non est animo suprema, sed corpori. Quidquid circa te iacet rerum, tamquam hospitalis loci sarcinas spectata: transeundum est; Excudit redeuntem natura,

tura, sicut intrantem. Non licet plus efferre,
 quam intuleris: imo etiam ex eo, quod in vitam
 attulisti, pars magna ponenda est. Detrahatur
 tibi hæc circumiecta, nouissimum velamentum
 tui, cutis: detrahatur caro & suffusus sanguis,
 discurrensque per totum: detrahentur ossa ner-
 uique firmamenta fluidorum ac labentium.
 Diesiste, quem tamquam extremum reformi-
 das, æterni natalis est. Depone onus: quid cun-
 ctaris; tamquam non prius quoque, relicto, in
 quo latebas, corpore, exieris? Hæres & relucta-
 ris: tunc quoque magno visu matris expulsus es.
 Gemis, ploras: & hoc ipsum fluere, nascentis
 est. Sed tunc debebat ignosci: rudis & imperi-
 tus omnium veneras, ex maternorum viscerum
 callido mollique fomento emissum, afflauit au-
 ra liberior. Deinde, offendit duræ manus ta-
 ctus: tenerque adhuc, & nullius rei ghærus ob-
 stupuisti inter ignota, Nunc tibi non est no-
 uum separari ab eo, cuius ante pars fueris:
 æquo animo membra iam superuacua dimitte,
 & istud corpus inhabitatum diu, pone. Scin-
 detur obruetur, abolebitur. Quid contristaris?
 ita solet fieri. Percunt semper velamenta na-
 scentium. Quid ista sic diligis, quasi tua? istis
 opertus es. Veniet qui te retelet dies, & ex
 contubernio fœdi atque olidi ventris educat.
 Hinc nunc quoque tu quantum potes, subuola:
 utique etiam necessarijs, quæ cohærebunt, alic-
 nus. Iam hinc, altius aliquid sublimiusque me-
 ditare. Aliquando naturæ tibi arcana retegē-
 tur, discutietur ista caligo, & lux vndique clara
 percutiet. Imaginate rerum, quantus ille sit
 fulgor, tot sideribus intet se lumen miscenti-
 bus. Nulla serenum vmbra turbabit: æqualiter
 splendeat omni cœli latus: dies & nox æris
 infi-

infini vices sunt. Tunc in tenebris vixisse dices, cum totam lucem totus adspexeris: quam nunc per angustissimas oculorum vias, obscure intueris, & tamen admiraris tam procul. Quid tibi videbitur diuina lux, cum illam suo loco videris? Hæc cogitatio nihil sordidum animo subfidere sinit, nihil humile, nihil crudele: Deos omnium rerum esse testes ait, illis nos approbari, illis in futurum parari iubet, & æternitatem proponere; quam qui mente concepit, nullos horret exercitus, non terretur turba, nullis ad timorem minis agitur. Quid ni non timeat, qui mori sperat? si is quoque, qui tamdiu animum iudicat manere, quamdiu retinetur corporis vinculo; exsolutum, statim spargi; id agit, ut etiam post mortem utilis esse possit. Quamuis enim ipse ereptus sit oculis, tamen

*Multa viri virtus animo, multusq; recursat
Gentis honos.*

Cogita, quantum nobis exempla bona prosint: scies magnorum virorum, non minus præsentia esse valem memoriam.

E P J S T. CIII.

Malitia & insidiæ inter se hominum. Tu tamen non eadem facis, aut repone, sed mris in omnes & volens esto.

Quid ista circumspicis, quæ tibi possunt fortasse evenire, sed possunt & non evenire & incendium dico, ruinam, aliaque, quæ nobis incidunt, non insidiamur: illa potius vide, illa deuita, quæ nos observant, quæ captant. Rari sunt casus, etiam si graues, naufragium facere vehiculo euerti: ab homine homini quotidianum periculum. Aduersus hoc te expedi, hoc intentis

ocu

Œculis intueri. Nullum enim malum frequen-
tius, nullum pertinacius, nullum blandius.
Tempeſtas minatur, antequam ſurgat: crepant
ædificia, antequam corruant: prænunciat fu-
mus incendium: ſubita eſt ex homine perniciēs,
& eo diligentius tegitur, quo propius accedit.
Erras, ſi iſtorum tibi qui occurrunt vultibus
credis, hominum eſſigies habent, animos fera-
rum: niſi quod illarum pernicioſior eſt primus
iacuſus, quos tranſire non queunt. Nunquam
enim illas ad nocendum niſi neceſſitas inigit:
aut fame, aut timore coguntur ad pugnam: ho-
mini perdere hominem libet. Tu tamen ita
cogita, quod ex homine periculum ſit: ut co-
gites, quod ſit hominis officium. Alterum in-
tuere, ne lædaris; alterum, ne lædas. Commodis
omnium læteris, mouearis incommodis, & me-
nineris quæ præſtare debeas, quæ cauere. Sic
vivendo quid conſequeris? non, ut ne noceant;
ſed, ne fallant. Quantum autem potes, in philo-
ſophiam ſecede: illa te ſinu ſuo proteget: in
huius ſacrario eris aut tutus, aut tutior. Non ari-
tant inter ſe, niſi in eodem ambulantes. Quod
autem ipſam philoſophiam, non debebis iacta-
re: multis fuit periculi cauſa, inſolenter tracta-
ta, & contumaciter. Vitia tibi detrahat, non alij,
exprobet: non abhorreat à publicis moribus;
nec hoc agat, ut quidquid non facit, damnare
videatur. Licet ſapere ſine pompa, ſine invidia.

EPIST. CIU.

*De inſualetudine ſua de cura & caritate in ſe-
uxoris, Locum ſe mutaffe, ut recrearetur, &
hinc de Peregrinatione pulcherrimè diſſerta-
tio. Non eſſe eam à ſe utilem, niſi animo
Tom. II. T talis*

ialis efficitur. Ille emendetur, affectus recedantur; omnia tunc loca & status iucunda. Peregrinatio etiam alia pulcherrima, ad priuscos & magnos viros ire, illos cogitatione insueri atque imitari. Hoc vitia tolli, virtutes inserit, atque istuc Lucilium vocant.

IN Nomentanum meum fugi, quid putas? vrbem? imo febrem, & quidem surrepentem? Iam manum mihi iniecerat: protinus itaque parari vehiculum iussi, Paullina mea retinente. Medicus initia esse dicebat, motis venis, sed incertis, & naturalem turbantibus modum. Exire perseveravi. Illud mihi in ore erat domini mei Gallionis: qui cum in Achaia febrem habere cepit, protinus navem adscendit, clamitans non corporis esse, sed loci morbum. Hoc ego Paullinae meae dixi, quæ mihi valetudinem meam commendat. Nam cum sciam spiritum illius in meo verti: incipio, ut illi consulam mihi consulere: & cum me fortiolem senectus ad multa reddiderit, hoc beneficium ætatis amitto. Venit enim mihi in mentem, in hoc senex & adolefcentem esse, cui pareitur. Itaque quoniam ego ab illa non impetro, ut me fortius amet: impetrat illa me, ut me diligentius amem. Indulgendum est enim honestis affectibus: & interdum etiam si premunt causæ, spiritus in honorem suorum vel cum tormento reuocandus, & in ipso ore retinendus est, cum bono viro viuendum sit, non quamdiu iuvat, sed quamdiu oportet. Ille qui non uxorem, non amicum tanti putat, ut diutius in vita commoretur, qui perseverat mori, delicatus est. Hoc quoque imperet sibi animus, ubi utilitas suorum exigit: nec tantum si vult mori, sed si cepit, intermittat, & suis sed commodet. Ingentis animi est,

aliena caussa ad vitam reuerti: quod magni viri sæpe fecerunt. Sed hoc quoque summæ humanitatis existimo, senectutē suam, cuius maximus fructus, est, secutior sui tutela, & vitæ vsus animosior, attentius conseruare, si scias alicui tuorum esse dulce, vtile, optabile. Habet præterea in se non mediocre ista res gaudium, & mercedem; quid enim iucundius, quàm vxori tæ earum esse, vt propter hoc tibi carior fias? Potest itaque Paullina mea non tantum suum mihi timorem imputare, sed etiam meum. Quæris ergo quomodo mihi consilium profectiois cesserit? Vt primum grauitatem vrbs excessi, & illum odorem culinarum fumantium, quæ motæ quidquid pestiferi vaporis obruerant, cum puluere effundunt, protinus mutatam valetudinem sensi. Quantum deinde abiectum putas viribus, postquam vineas attigisti in pascuum emisuscibum meum inuasi. Repetiui ergo iam me, non permansit marcor ille corporis dubij, & male cogitantis: incipio toto animo studere. Non multum ad hoc locus confert, nisi se sibi præstet animus, qui secretum & in occupationibus medijs, si volet, habebit. At ille qui regiones eligit, & otium captat, vbique quo distringatur inueniet. Nam Socratem quarenti cuidam, quod nihil sibi peregrinationes profuissent, respondisse ferunt. Non immerito hoc tibi euenit; reum enim peregrinabar. O quàm bene ci in quibusdam ageretur, si à se aberraret. Nunc primi seipso sollicitant, corrumpunt, terriunt. Quid prodest mare trajcere, & vrbes mutare? si vis ista quibus vrgeris, effugere, non alibi sis oportet, sed alijs. Puta venisse te Athenas, puta Rhodon: elige arbitrio tuo ciuitatem; quid ad rem pertinet, quos illa mores habeat: tuos ad fe-

res . Diuitias iudicabis bonum? torquebit te paupertas, & (quod est miserrimum) falsa . Quamuis enim multum possideas, tamen quia aliquis plus habet, tanto tibi videberis deficere, quanto vinceris . Honores iudicas bonum? male te habebit ille consul factus, ille etiam re-fectus: ringeris, quoties aliquem in factis sapius legeris . Tantus erit ambitionis furor, vt nemo tibi post te videatur, si aliquis ante te fuerit. Maximum malum iudicabis mortem: cum in illa nihil sit mali, nisi, quod ante ipsam est, timeri. Exterrebunt te non tantum pericula, sed suspiciones: vanis semper agitaberis. Quid enim proderit,

..... *enasse tot vrbes;*

Argelicas, mediosq; fugam tenuisse per hostes?
Ipsa pax timores subministrabit: ne tuis quidē habebitur fides, consternata semel mente: quæ vbi consuetudinem pauoris improuidi fecit, etiam ad tutelam salutis suæ inhabilis est. Non enim vitat, sed fugit: magis autem periculis paremus auersi . Grauißimum iudicabis malum, aliquem ex his quos amabis amittere: cum interim hoc tam ineptum erit, quam flere, quod arboribus amœnis & domum tuam ornantibus decidant folia . Quidquid te delectat, æque viget, vt videras dum viret: vtique aliud alio die casus excutiet: sed quemadmodum frondium iactura facilius est, quia renascuntur: sic istorum quos amas, quosque oblectamenta vitæ putas esse, damnum; quia reparantur, etiam si non renascantur . Sed non erunt iidem. Ne tu quidem idem eris: omnis dies, omnis hora te mutat: sed in alijs rapina facilius apparet: hic latet, quia non ex aperto fit. Alij auferuntur, at ipsi nobis furto subducimur. Horum nihil cogi-

cogitabis, nec remedia vulneribus appones, sed ipse tibi ferēs solitudinū causas, alia, sperando, alia desperando? Si sapias, alterum alteri mīscas nec speraueris sine desperatione, nec desperaueris sine spe. Quid per se prodesse peregrinatio cuiquam potuit? Non voluptates illa temperauit, non cupiditates refrēnauit, non iras represit, non indomitos amoris impetus fregit, nulla denique animo mala eduxit, non iudiciū dedit, non excussit errorem: sed ut puerum ignota mirantem, ad breue tempus rerum aliqua nouitate detinuit. Ceterum inconstanti am mentis, quæ cum maxime ægra est, laceffit, nobiliorem leuioremque reddit ipsa iactatio. Itaque quæ petierant cupidissime loca cupidius deferunt, & auium modo transuolant, citiusque quam uenerant, abeunt. Peregrinatio notitiā dabit gentium, nouas tibi montium formas ostendet, inuisitata sp̄atia camporum, & irriguas perennibus aquis valles, & alicuius fluminis sub obseruatione naturam: siue, ut Nilus, æstiuo incremento tumet, siue; ut Tigris, etipitur ex oculis, & actō per occulta cursu, integræ magnitudini redditur, siue, ut Meander, poetarum om̄ium exercitatio, & ludus implicatur crebris anfractibus & sæpe in vicinū alueo suo admotus, antequam sibi influat flectitur; ceterū neque meliorem faciet, neque saniozem. Inter studiā versandum est, & inter auctores sapientiæ, ut quæsitā discamus, nondum iuuenta quæramus. Sic eximēdus animus ex miserrima seruitute, in libertatem asseritur. Quamdiu quidē nescieris, quid fugiendum quid perendum, quid necessarium, quid superuacuum, quid iustum, quid honestum sit, non erit hoc peregrinari, sed errare. Nullam tibi opem feret iste discursus: peregrināris enim

T 3 cum

cum affectibus tuis, & mala te tua sequuntur? Utinam quidem sequerentur! longius abessent, nunc fers illa, non ducis. Itaque ubique te premunt, & paribus incommodis vrant. Medicina ægro, non regio, quaerenda est. Eregit aliquis crur aut extorsit articulum? non vehiculum nauemque conscendit sed aduocat medicum, ut fracta pars iungatur, ut luxata in locum reponatur? Quid ergo? animum, tot locis fractum & extortum, credis locorum mutatione posse sanari? maius est istud malum, quam ut gestatione curetur. Peregrinatio non facit medicum, non oratorem: nulla ars loco discitur. Quid ergo? Sapientia rerum omnium maxima in itinere colligetur? Nullum, mihi crede, æter est, quod te extra cupiditates, extra iras, extra metus sistat, aut si quod esset, agmine facto, gens illuc humana pergeret. Tamdiu ista vrgebunt mala, macerabuntque per terras ac maria vagum, quamdiu malorum gestaris causas. Fugam tibi non prodesse miraris, tecum sunt quæ fugis. Te igitur emenda, onera tibi detrahe & desideria, saltem intra modum contine. Omnem ex animo erade nequitiam; si vis peregrinationes habere iucundas tuum comitem sana. Hærebit tibi auaritia, quamdiu auaro sordidoque conuixeris, hærebit tumor, quamdiu cum superbo conuersaberis; nunquam sæuitiam in tortoris contubernio pones; incendent libidines tuas adulterorum sodalitia. Si velis vitijs exui, longe à vitiorum exemplis recedendum est. Auarus, corruptor, sæuus, fraudulentus, multum nocituri si prope à te fuissent, intra re sunt. Ad meliores transi, cum Catonibus viuere, cum Lælio, cum Tuberone: quod si conuiuere etiam Græcis iuuat, cum Socrate, dum, Zenone

versare. Alter te docebit mori, si necesse erit alter, antequam necesse erit. Uive cum Chrysippo, cum Posidonio. Hi tibi tradent diuinorum humanorumque notitiam: hi iubebunt in opere esse: nec tantum scite loqui, & in oblationem audientium verba iactare, sed animi indurare, & aduersus minas erigere. Vnus est enim huius vitæ fluctuantis & turbidæ portus, euentura contemnere, stare fidenter, aperte tela fortunæ aduerso pectore excipere, non latitantem, nec tergiuersantem. Magnanimos nos natura produxit: & ut quibusdam animalibus ferum dedit, quibusdam subdolum, quibusdam pavidum, ita nobis gloriosum & excelsum spiritum, quærentem ubi honestissime, non ubi tutissime viuat: simillimum mundo: quem quantum mortalibus passibus licet, sequitur æmulatorque. Profert se, laudari & adspici credit. Dominus omnium est, supra omnia est: itaque nulla se rei submittit: nihi illi videtur graue, nihil asperum, quod virum incuruet.

Terribiles visu formæ, letumque labosque minime quidem, si quis rectis oculis intueri illa possit, & tenebras perrumpere. Multa per noctem habita terrori; dies vertit ad risum.

Terribiles visu formæ, letumque labosque. egregie Virgilius noster. Non re dixit terribiles esse, sed visu; id est videri non esse. Quid, inquam, in istis est tam formidabile, quam fama vulgavit? Quid est, obsecro te Lucili, cur timeat laborem vir, mortem homo? Torrens mihi occurrunt isti, qui non putant fieri posse quidquid facere non possunt, & aiunt nos loqui maiora, quam quæ natura humana sustineat. At quanto ego de illis melius existimo? ipsi quoque hæc

possunt facere, sed nolunt. Denique quem
 vnquam ista destituere tentantem? cui non fa-
 cilia apparuere in actu? Non quia difficilia
 sunt, non audemus: sed quia non audemus dif-
 ficilia sunt. Si tamen exemplum desideratis,
 accipite Socratem perperitium senem, per
 omnia aspera iactatum, inuictum tamen &
 paupertate, quàm graniozem illi domestica
 onera faciebant & laboribus, quos militares
 quoque pertulit, & quibus ille domi exercitus:
 sine vxorem eius spectes moribus seram, lingua
 petulantem; siue liberos indociles, & matri
 quàm patri similiores. Sic fere aut in bello fuit
 aut in tyrannide, aut in libertate, bellis ac ty-
 rannis seuiore. Viginti & septem annis punga-
 um est: post finita arma; triginta tyrannis no-
 xæ dedita est ciuitas, ex quibus plerique inimi-
 ci erant. Nouissima damnatio est sub grauissi-
 mis nominibus impleta: obiecta est & religio-
 num violatio, & iuuentutis corruptela quàm
 immittere in deos, in patres, in Remp dictus
 est: post hæc carcer & venenum. Hæc vsque eo
 animum Socratis non mouerunt, vt ne vultum
 quidem mouerint. Illam mirabilem laudem, &
 singularem, vsque ad extremum seruauit: non
 hilariorem quisquam, non tristiozem Socratem
 vidit: æqualis fuit in tanta æqualitate fortunæ.
 Vis alterum exemplum accipe huc M. Cato-
 nem recentiozem, cùm quo & infestius fortu-
 na egit, & pertinacius. Cui cùm omnibus lo-
 cis obstitisset, nouissime & in morte: ostendit
 tamen virum fortem posse inuita fortuna viue-
 re, inuita mori. Tota illi ætas aut in armis est
 exacta ciuilibus, aut in ætate concipiente iam
 ciuile bellum. Et hunc licet dicas non minus,
 quàm Socratem, in seruitute vixisse: nisi forte

Cn.

magnitudo est

Cn. Pompeium, & Cæsarem, & Crassum putas libertatis socios fuisse. Nemo mutatum Catonem, toties mutata Rēp. vidit: eundem se in omni statu præstitit. In prætura, in repulsa, in accusatione, in prouincia, in concione, in exercitu, in morte, denique in illa Reip. trepidatione, cum illinc Cæsar esset decem legionibus pugnacissimis subnixus, tot externarum gentium præsidij hic Cn. Pompeius, fatis vnus aduersus omnia. Cum alij ad Cæsarem inclinarent, alij ad Pompeium, solus Cato fecit aliquas & Reip. partes. Si animo complecti uolueris illius imaginem temporis videbis illinc plebem & omnem erectum ad res nouas vulgum: hinc optimates & equestrem ordinem, quidquid erat in diuitate sancti & lecti: duos in medio relictos, & Remp. & Catonem. Miraberis, inquam, cum animaduuerteris.

*Atridem, Priamumque, & sænum am-
bobus Achillem.*

Vtrumque enim improbat, vtrumque exarmat. Hanc fert de utroque sententiam: Ait se, si Cæsar vicerit, moriturum: si Pompeius, exsulaturum. Quid habebat quod timeret, qui ea sibi & victo & victori constituerat, quæ constituta esse ab hostibus iratissimis poterant? Perijt itaque ex decreto suo. Vides posse homines labores pati? per medias Africæ solitudines pedes duxit exercitum. Vides posse tolerare sitim? & in collibus arentibus, sine vllis impedimentis victi exercitus reliquias trahens, inopiam humoris loricated tulit: & quoties aquæ fuerat occasio, nouissimus bibit. Vides honorem & notam posse contemni? eodem quo repulsus est die, in comitio pila iussit. Vides posse non timeri potentiam superiorum? & Pompeium

& Cæsarem, quorum nemo alterum offendere audebat, nisi ut alterum demereretur, simul pro-
uocauit. Vides tam mortem posse contemni
quàm exsilium? & exsilium sibi indixit & mor-
tem, & interim bellum. Possumus itaque ad-
uersus ista tantum habere animi: libeat modo
subducere iugo collum. In primis autem des-
puendæ sunt voluptates: enervant, & effeminant
& multum petunt: multum autem à fortuna
petendum est. Deinde spernendæ opes; auctora-
menta sunt seruitutis. Aurum & argentum, &
quidquid aliud felices domos onerat, relinqua-
tur: non potest gratis constare libertas. Hanc si
magno æstimas, omnia paruo æstimanda sunt.

EPIST. CV.

*Brenia, sed utilia præcepta ad securitatem. La-
ge, & usurpa.*

QUæ obseruanda tibi sint, ut tutior viuas;
dicam. Tu tamen sic audias censeo ista
præcepta, quomodo si tibi præciperem, qua
ratione bonam valetudinem in Ardeatino tue-
reris. Considera; quæ sint quæ hominem
in perniciem hominis instigent: inuenies spem
inuidiam, odium, metum, contemptum. Ex
omnibus istis, adeò leuissimum est contemptus,
ut multi in illo remedij causa delituerint.
Quem quis contemnit, calcat sine dubio, sed
transit. Nemo homini contempto; pertinaci-
ter, nemo diligenter nocet. Etiam in acie iacens
præteritur: cum stante pugnatur. Spem impro-
borum vitabit, si nihil habueris quod cupidita-
tem alienam, & improbam irriter, si nihil insigne
possederis. Concupiscuntur enim insignia, etiam
si pa-

si parum nota sunt. Sic verò inuidiam effugies, si te non ingesseris oculis, si bona tua non iactaueris, si scieris in sinu gaudere. Odium autem ex offensa sic vitabis, neminem lacerando gratuito: à quo te sensus communis tuebitur: fuit enim hoc multis periculòsum. Quidam odium habuerunt, nec inimicum, Illud, ne timearis, præstabit tibi & fortunæ mediocritas, & ingenij lenitas: cum te esse homines scient, quem offendere sine periculo possint. Reconciliatio tua & facilis sit, & certa. Timeri autem tam domi molestum est, quàm fortis tam à seruis, quàm à liberis. Nulli non ad nocendum satis virium est. Adijce nunc, quòd, qui timetur, timer: nemo potuit terribilis esse secure. Contemptus superest: cuius modum in sua potestate habet, qui illum sibi adiunxit: qui contemnitur, quia voluit, non quia debuit. Huius incommodum & artes bonæ discutiunt, & amicitia eorum, qui apud aliquem potentem potentes sunt, quibus applicari expediet, non implicari: ne pluri remedium, quàm periculum constet. Nihil tamen æque proderit, quàm quiescere, & minimum cum alijs loqui, plurimum secum. Est quædam dulcedo sermonis, quæ irrepit, & blanditur, & non aliter quàm ebrietas aut amor secreta producit. Nemo quòd audierit, tacebit; nemo quantum audierit, loquetur. Qui rem non tacuerit, non tacebit auctorem. Habet unusquisque aliquem cui tantum credit, quantum ipsi creditum est: ut garrulitatem suam custodiat, & contentus sit vnus auribus, populum faciet. Sic quod modo secretum erat, rumor est. Securitatis magna portio est, nihil iniqui facere. Confusam vitam & perturbatam impotentes agunt: tantum metuunt, quantum

nocent : nec vlllo tempore vacant . Trepidant enim cum fecerunt , hærent , conscientia aliud agere non patitur ; ac subinde respondet re ad se cogit . Dat penas , quisquis expectat : quisquis autem meruit , expectat . Tutum aliqua res in mala conscientia præstat , nulla securum : putat enim se , etiam si non deprehenditur , posse deprehendi : & inter somnos mouetur , & quoties alicuius scelus loquitur , de suo cogitat . Non satis illi oblitteratum videtur , non satis rectum . Nocens habuit aliquando latendi fortunam , nunquam fiduciam .

EPIST. CVI.

Tenuis , & Chrysippæa questio , An Bonum sit corpus : In extremo aliquid contra argutias .

Tardius rescribo ad epistolas tuas : non quia districtus occupationibus sum : hanc excusationem caue audias ; vago , & omnes qui volunt vacant . Neminem ressequuntur ipsi illas amplexantur , & argumentum esse felicitati occupationem putant . Quid ergo fuit , quare non protinus rescriberem ei , de quo querebas : Veniebat in contextum operis mei : scis enim memoralem philosophiam velle complecti , & omnes ad eam pertinentes quaestiones explicare . Itaque dubitavi utrum differrem te , an , donec suus isti rei veniret locus ius tibi extra ordinem dicerem : humanius visum est , tam longe venientem non deinere . Itaque & hoc ex illa serie rerum coherentem excerptam , & si qua erunt huiusmodi , non quærenti tibi vitro mittam . Quæ sint hæc , interrogas : Quæ scire magis iuvat , quam prodest : sicut hoc de quo quæris , an bonum corpus sit . Bonum prodest : facit enim : quod facit , corpus est : bonum , agit :
ant-

animum, & quodammodo format & continet: quæ ergo propria sunt corporis, ea corporis bona sunt: corpora ergo sunt, & quæ animi sunt: nam & hic corpus est: bonum hominis necesse est corpus sit, cum ipse corporalis. Mentionem, nisi & quæ alunt illud, & quæ valetudinem eius vel custodiunt, vel restituunt, corpora sunt: ergo & bonum eius corpus. Non puto te dubitaturum, an affectus corpora sint, ut aliud quod de quo non quæris, infulciam: tamquam ira amor, tristitia: si dubitas, vide an vultum nobis mutant, an frontem adstringant, an faciem diffundant, an ruborem euocent, an fugent sanguinem: Quid ergo? tam manifesta corpori notas credis imprimi, nisi à corpore? Si affectus corpora sunt, & morbi animorum, auaritia, crudelitas, indurata vitia, & in statum inemendabilem adducta: ergo & malitia, & species eius omnes, malignitas, inuidia, superbia. Ergo & bona: primum quia contraria istis sunt: deinde, quia eadem tibi indicia præstabunt. An non vides, quantum oculis det vigorem fortitudo? quantam intentionem prudentia? quantam modestiam & quietem reuerentia, quantam serenitatem lætitia, quantum rigorem seueritas? quantam remissionem veritas? Corpora ergo sunt quæ colorem habitumque corporum mutant, quæ in illis regnum suum exercent. Omnes autem quas retuli virtutes, bona sunt, & quidquid ex illis est. Nunquid est dubium, an id quod quid tangi potest, corpus sit?

Tangere enim & tangi, nisi corpus, nulla potest res, ut ait Lucretius.

Omnia autem ista quæ dixi, non mutarent corpus, nisi tangerent: ergo corpora sunt. Etiamnum, cui tanta vis est, ut impellat & cogat,

& re-

& retineat & iubeat, corpus est. Quid ergo? Non timor retinet? non audacia impellit? non fortitudo immittit, & impetum dat? non moderatio refrænât ac reuocat; non gaudium extollit? non tristitia adducit? Denique quidquid facimus, aut malitiæ, aut virtutis gerimus imperio: quòd imperat corpori, corpus est: quòd vim corpori affert, corpus. Bonum corporis corporale est: bonum hominis, & corporis bonum est: itaque corporale est. Quoniam, vt voluisti, morem gessi tibi, nunc ipse dicam mihi, quòd dicturum esse te video: Latrunculisludimus; in superuacuis subtilitas teritur, non faciunt bonos ista, sed doctos: Apertior res est, sapere: imo simplicior, paucis opus est ad mentem bonam litteris. Sed nos vt cetera in superuacuum diffundimus, ita philosophiam ipsam. Quemadmodum omnium rerum; sic litterarum quoque intemperantia laboramus: non vitæ, sed scholæ discimus.

EPIST. CVII.

Solatur Lucilium & erigit, in fuga seruorum. Ista & alia in vitam incidere, ideoque non inopinata esse debere. Patere igitur, quòd non emendas. Bona & sapiens Epistola.

Vbi illa prudentia tua: vbi in dispiciendis rebus subtilitas, vbi magnitudo: Tam pusilla te angunt: serui occupationes tuas occasionem fugæ putauerunt. Si amici, deciperent, (habcant enim sane nomen, quòd illis Epicurus noster imposuit, & ita vocentur,) quo turpius non sint omnibus rebus tuis, desint illi, qui & operam tuam conterebant, & te alijs molestum esse credebant. Nihil horum insolitum, nihil inexpectatum

statum est. Offendi rebus istis tam ridiculum est, quàm queri, quòd spargaris in publico, aut inquineris in luto. Eadem vitæ conditio est, quæ balnei, turbæ, itineris: quædam intermittentur, quædam incident. Non est delicata res, vivere. Longam viam ingressus es: & laboris oportet, & arietes, & cadas, & lafferis, & exclames. O mors; id est, mentiaris. Alio loco comitem relinques, alio efferes, alio timebis. Per eiusmodi offensas emetiendum est confragosum hoc iter. Mori me vult; præparetur animus contra omnia. Sciat se venisse ubi patiauit fulmen; sciat se venisse, ubi

Luctus & ultrices posuere cubilia curæ,

Pallentesq; habitant morbi tristisq; senectus;

In hoc contubernio vita degenda est. Effugere ista non potes, contemnere potes: contemnes autem, si sepe cogitaues, & futura præsumpseris. Nemo non fortius ad id cui se diu composuerat, accessit, & duris quoque, si præmeditata erant, obstitit. At contra imparatus, etiam leuissima expauit. Id agendum est, ne quid nobis inopinarum sit: & quia omnia nouitate grauiora sunt, hæc cogitatio assidua præstabit, ut nulla sis malo tiro. Serui te reliquerunt. Alium compilauerunt, alium accusauerunt, alium occiderunt, alium prodiderunt, alium calcauerunt, alium veneno, alium criminatione petierunt. Quidquid dixeris, multis accidit. Deinceps quæ multa & varia sunt in nos diriguntur. Quædam in nos fixa sunt, quædam vibrant, & cum maxime veniunt, quædam ad alios peruenitura nos stringunt. Nihil miremur eorum ad quæ nati sumus: quæ ideo nulli quærenda, quæ paria sunt omnibus. Ita dico paria sunt: nam etiam quòd effugit aliquis, pati potuit. Equum autem

ius est, non quo omnes vfi sunt, sed quod omnibus latum est. Imperetur æquitas animo & sine querela mortalitatis tributa pendamus. Hiems frigora adducit: algendum est: æstas calores refert: æstuandum est: intemperies cæli valetudinem tentat: ægrotandum est. Et fera nobis loco occurret, & homo perniciosior feris omnibus. Aliud aqua, aliud ignis eripiet. Hanc rerum conditionem mutare non possumus: id possumus: magnum sumere animum & viro bono dignum; quo fortiter fortuita patiamur, & naturæ consentiamus. Natura autem hoc, quod vides regnum mutationibus temperat. Nubilo serena succedunt: turbantur maria, cum quieuerunt: stant inuicem venti: noctem dies sequitur: pars cæli confurgit, pars mergitur: contrarijs rerum æternitas constat. Ad hanc lege animus noster aptandus est: hanc sequatur, hic pareat; & quæcumque fiunt, debuisse fieri putet: nec velit obuiigare naturam Optimum est pati, quod emendare non possis: & Deum, quo auctore cuncta proueniunt, sine murmuratione comitari. Malus miles est, qui imperatorem gemens sequitur. Quare impigri atque alacres excipiamus imperia, nec deserramus hunc operis pulcherrimi cursum, cui quidquid patimur, intextum est: & sic alloquamur Iouem, cuius gubernaculo moles ista dirigitur, quemadmodum Cleanthes noster versibus disertissimis alloquitur: quos mihi in nostrum sermonem mutare permittitur, Ciceronis viri disertissimi exemplo. Si placuerint, boni consules: si displicuerint, scies me in hoc secutum Ciceronis exemplum.

*Duc me parens celsique dominator poli,
Quocumque placuit, nulla parendi mora est.*

Assum impiger : fac nolle, comitabor gemens.

Ducunt volentem fata, nolentem trahunt.

Malusque patiar, quod pati licuit bono.

Sic viuamus, sic loquamur: paratos nos inueniat atque impigros fatum. Hic est magnus animus qui se Deo tradidit: at contra ille pusillus ac degener, qui oblectatur, & de ordine mundi male existimat, & emendare mauult deos, quam se.

EPIST. CVIII.

Quomodo philosophi legendi, vel audiendi sint. Cum dilectu, & ea maxime excerpenda, & imbibenda, quæ faciunt vitæ. Oblectamenta qui quærant, frustra sunt; tu emendationem. Nec id difficile. Natura enim ipsa vocat ad Honestum. Semina eius & fomites in animo nostro sunt, surgunt & excitantur, cum dolor & irritator accessit. A suo exemplo, cum apud Atalum disceret Ostendit deinde, vario fine atque animo ad auctores legendos venire, nos autem debere illo Philosophi. Pareamus, & legere atque audite vos Philologi.

ID, de quo quæris, ex his est, quæ scire tantum teo, vt scias, pertinet. Sed nihilominus quia pertinet, pertinaciter properas, nec vis expectare libros, quos cum maxime ordino continentes totam moralem philosophiæ partem, statim expediam. Illud tamen prius scribam: quemadmodum tibi ista cupiditas discendi, qua flagrare te video, dirigenda sit, ne ipsa se impediat. Nec passim carpenda sunt, nec auide inuadenda vniuersa: per partes peruenitur ad totum. Aptari onus viribus debet: nec plus occupari, quam cui sufficere possumus. Non quantum vis, sed quantum capis, hauriendum est: bonum tan-

tantum habe animum : capies, quantum voles.
 Quo plus recipit animus, hoc se magis laxat.
 Hæc nobis præcipere. Attalum memini, cum
 scholam eius obsideremus, & primi veniremus
 & nouissimi exiremus, ambulantes quoque il-
 lum ad aliquas disputationes euocaremus, non
 tantum paratum discantibus, sed obuium. Idem,
 inquit, & docenti, & discanti debet esse propo-
 situm : ut ille prodesse velit, hic proficere. Qui ad
 philosophorum scholas venit, hic quotidie se-
 cū aliquid boni ferat : aut sanior domum redeat,
 aut sanabilior. Redibit autem : ea enim philoso-
 phie vis est, ut non solum studentes, sed etiam
 conuersantes iuuet. Qui in solem venit, licet nō
 in hoc venerit, colorabitur : qui in vnguentaria
 taberna resederunt, & paullo diutius commo-
 rati sunt, odorem secum loci ferunt : & qui apud
 philosophum fuerunt, traxerint aliquid necesse
 est, quod prodesset etiam negligentibus. At-
 tende quid dicam : negligentibus, non repu-
 gnantibus : Quid ergo ; non nouimus quosdam,
 qui multis apud philosophum annis persede-
 rint, & ne colorem quidem duxerint ? Quid ni
 mouerim ? pertinacissimos quidem, & assiduos :
 quos ego non discipulos philosophorum, sed
 inquilinos voco. Quidam veniunt ut audiant,
 non ut discant : sicut in theatrum voluptatis
 causa ad delectandas aures, oratione, vel voce,
 vel fabulis ducimus. Magnam hanc auditorum
 partem videbis, cui philosophi schola diuerso-
 rium otij sit. Non id agunt ut aliqua illic vitia
 deponant, ut aliquam legem vitæ accipiant, ad
 quam mores suos exigant, sed ut oblectamento
 aurium perfruantur. Aliqui tamen & cum pugil-
 laribus veniunt, non ut res excipiant, sed verba ;
 quæ tam sine profectu alieno discant, quam sine
 suo

suo audiānt. Quidam ad magnificas voces excitantur, & transeunt in affectum dicentium, alacres vultu & animo: nec aliter concitantur, quam solent Phrygij tribicinis sono semiuiri, & ex imperio furentes. Rapiunt illos instigatque rerum pulchritudo, non verborum inanum sonitus. Si quid acriter contra mortem dictum est, si quid contra fortunam contumaciter, iuuat protinus quæ audias facere. Afficiuntur illi: & sint quales iubentur, si illa animo forma permaneat, si non impetum insignem protinus populus honesti dissuasor excipiat. Pauci illam, quam conceperant, mentem domum perferre potuerunt. Facile est auditorem concitare ad cupiditatem recti. Omnibus enim natura fundamenta dedit, semenque virtutum: omnes ad omnia ista nati sumus: cum irritator accessit, nunc illa animi bona velut sopita excitantur. Non vides quemadmodum theatra consonent, quoties aliqua dicta sunt, quæ publice agnoscimus, & consensu vera esse testamur.

De sunt inopia multa auaritia omnia.

In nullum auarus bonus est, in se pessimus

Ad hos versus ille sordidissimus plaudit, & vitijs suis fieri conuicium gaudet. Quanto magis hoc iudicas euenire, cum à philosopho ista dicuntur: cum salutaribus præceptis versus inferuntur efficacius eadem illa demissuri in animum imperitorum. Nam ut dicebat Clantes quemadmodum spiritus noster clariorem sonum reddit, cum illum tuba per longi canalis angustia tractum, parentiore nouissime exitu effudit: sic sensus nostros clariores carminis arcta necessitas efficit. Eadem negligentibus audiuntur, minusque percutiunt, quamdiu solum

oratione dicuntur: vbi accessere numeri, & egregium sensum astrinxere certi pedes, eadem illa sententia velut lacerto excusa torquetur. De contemptu pecuniæ multa dicuntur, & longissimis orationibus hoc præcipitur, vt homines in animo, non in patrimonio putent esse diuitias, cum esse locupletem, qui paupertati suæ apus est, & paruo se diuitem fecit: magis tamen feriuntur animi, cum carmine eiusmodi dicta sūt *Is minimo eget mortalis; qui minimum cupit: Quod vult habet, qui velle quod satis est potest.* Cum hæc atque eiusmodi audimus, ac confessionem veritatis adducimur. Illi enim quibus nihil satis est, admirantur, acclamant, odium pecuniæ indicunt: Hunc illorum affectum vbi videris vrge, hoc preme, hoc onera, relictis ambiguitatibus, & syllogismis, & cauillationibus; & ceteris acuminis, irriti ludicris. Dic in auaritiam, dic in luxuriam: cum profecisse te videris, & animos audientium affeceris, insta vehementius. Verisimile non est, quantum proficiat talis oratio remedio intenta, & tota in bonum audientium versa: Facillime enim tenera conciliantur ingenia ad honesti rectique amorem. Adhuc docilius leuiterque corruptis inijcit manum veritas, si aduocatum idoneum iuncta est. Ego certe, cum Attalum audirem, in vitia, in errores, in mala vitæ perorantem, sæpe misertus sum generis humani, & illum sublimem altiorumque humano fastigio credidi. Ipse regem se esse dicebat: sed plusquam regnare mihi videbatur cui licere censuram agere regnantium. Cū verò commendare paupertatem ceperat, & ostendere, quam quidquid vsum excederet, pondus esset superuacuum & graue ferenti: sæpe exire e schola pauperi libuit. Cū ceperat voluptates no-

stras

stras traducere, laudare castum corpus, sobriam
 mensam, puram mentem, non tantum ab illicitis
 voluptatibus, sed etiam superuacuis, libebat
 circumscribere gulam & ventrem. Inde mihi
 quædam permansere, Lucili. Magna enim in
 omnia impetu veneram: deinde ad ciuitatis
 vitam reductus, ex bene cœptis pauca seruaui.
 Inde ostreis boletisque in omnem vitam renun-
 ciatum est. Nec enim cibi, sed oblectamenta
 sunt, ad edendum saturos cogentia: quod gra-
 tissimum est edacibus, & se ultra quam capiunt
 farcientibus, facile descensura, facile reditura.
 Inde in omnem vitam vnguento abstinemus:
 quoniam optimus odor in corpore est nullus.
 Inde vino caret stomachum: inde in omnem
 vitam balneum fugimus. Decoquere corpus,
 atque exinanire sudoribus, inutile simul delica-
 tumque credimus. Cetera proiecta redierunt:
 ita tamen, vt, quorum abstinentiam interrupi,
 modum seruem: & quidem abstinentiæ pro-
 ximiorum: nescio an difficiliorem; quoniam
 quædam abscinditur facilius animo, quam
 temperantur. Quoniam cœpi tibi: exponere,
 quantum maiori impetu ad philosophiam iu-
 uenies accesserim, quam senex pergam, non
 pudebit fateri, quam mihi amorem Pythagoræ
 iniecerit Sotion. Docebat, quare ille animali-
 bus abstinuisset, quare postea Sextius, Dissimi-
 lis utrique causa erat, sed utrique magnifica.
 Hic homini satis alimentorum citra sanguinem
 esse credebat, & crudelitatis consuetudinem
 fieri, vbi in voluptatem esset adducta laceratio.
 Adijciebat, contrahendam materiam esse lu-
 xuriæ colligebat, bonæ valetudini contraria esse
 alimenta varia: & nostris aliena corporibus. At
 Pythagoras omnium inter omnia cognatio-
 nem

nem esse dicebat, & aliorum commercium in alias atque alias formas transcuntium. Nulla (si illi credas) anima interit, nec cessat quidem, nisi tempore exiguo, dum in aliud corpus transfunditur. Videmus per quas temporum vices, & quando pererratis pluribus domicilijs, in hominem reuertatur: interim sceleris hominibus ac patricidij metum fecit, cum possint in parentis animam inscij incurrere, & ferro morsuue violare, in quo cognatus aliquis spiritus hospitaretur. Hæc cum exposuisset Sorion, & impleisset argumentis suis, non credis, inquit, animas in alia corpora atque alia describi: & migrationem esse, quam dicimus esse mortem? Non credis in his pecudibus ferisue, aut aqua merfis, illum quondam hominis animum morati? Non credis nihil perire in hoc mundo, sed mutare regionem: nec tantum cœlestia per certos circuitus verti, sed animalia quoque per vices ire, & animos per orbem agi? Magni ista crediderunt viri: itaque iudicium quidem tuum sustine: ceterum omnia tibi integra serua. Si vera sunt ista, abstinuisse animalibus innocentia est: si falsa, frugalitas est. Quod istic credulitatis tuæ damnum est? A i nenta tibi leonum & vulturum eripio. His instinctus, abstinere animalibus cœpi, & anno peracto non tantum facilis erat mihi consuetudo, sed ducis. Agiliorum mihi animum esse credebam: nec tibi hodie affirmauerim an fuerit. Quæris, quomodo desierim? In Tiberij Cæsaris principatum iuuentæ tempus inciderat: alienigenarum sacra mouebantur: sed inter argumenta superstitionis ponebatur quorundam animalium abstinencia. Patre itaque meo rogante, qui non calumniam timebat, sed philosophiam oderat, ad pri-

pristinam consuetudinem redij: nec difficulter mihi, vt inciperem melius cœnare, persuasit. Laudare solebat Attalus culeitram, quæ resisteret corpori: tali vtor etiam senex, in qua vestigium apparere non possit. Hæc retuli, vt probarem tibi, quam vehementes haberent tirun- euli impetus primos ad optima quæque, si quis exhortaretur illos, si quis impelleret. Sed aliquid præcipientium vitio peccatur, qui nos docent disputare, non viuere aliquid discendum, qui propositum adferunt ad præceptores suos, non animum excolendi, sed ingenium. Itaque quæ philosophia fuit, facta philologia est. Multum autem ad rem pertinet, quo proposito ad quam rem accedas. Quid grammaticus futurus, Virgilium scrutatur, non hoc animo legi illud egregium,

..... *Fugit irreparabile tempus.*

Vigilandum est: nisi properamus, relinquimur, agit nos, agiturque velox dies: in scij rapimur omnia in futurum disponimus, & inter præcipitia lenti sumus. Sed vt obseruet, quoties Virgilius de celeritate temporum dicit, hoc vt i- bo illum. FUGIT.

*Optima quæque dies miseris mortalibus æui
Prima fugit; subcunt morbi, tristisque senectus,
Et labor, & dura rapit inclementia mortis.*

Ille qui ad philosophiam spectat, hæc eadem quo debet, abducit. Numquam Virgilius, inquit, dies dicit ire, sed fugere; quod currendi genus concitatissimum est: & optimos quosque primos rapi. Quid ergo cessamus non ipsi concitare, vt velocitatem rapidissimæ rei possimus æquare? Meliora præteruolant; deteriora succedunt. Quemadmodum ex amphora primum quod est sincerissimum effluit, grauissimum quodque turbidum- que

que subsidit; sic in ætate nostra, quod optimū, in primū est. Id exhauriri in alijs potius patimur, ut nobis sacem referuamus. Inhæreat istud ultimo, & tanquam missum oraculo placeat:

Optima quæque dies miseris mortalibus ani-

Prima fugit!

Quare optima? quia restat quod incertum est. Quare optima? quia iuvenes possumus discere, possumus facilem animum, & adhuc tractabilem ad meliora conuertere: quia hoc tempus idoneum est laboribus, idoneum agitandis per studia ingenijs, & exercendis per opera corporibus. Quod superest, segnius & languidius est, & propius à fine: Itaque toto hoc agamus animo, & omissis ad quæ diuertimus, in rem vnā laboremus: ne hanc temporis pertinacissimi celeritatem, quam retinere non possumus, relictī demum intelligamus. Primus quisque tanquam optimus dies placeat, redigatur in nostrum: quod fugit, occupandum est. Hoc non cogitat ille, qui grammatici oculis carmen istud legit, ideo optimum quemque primum esse diem, quia subeunt morbi, quia senectus premit, & adhuc adolescentiam cogitantibus supra caput est: sed ait: Virgilium semper vnā ponere morbos & senectutem: non meherecule immerito, senectus enim insanabilis morbus est. Præterea, inquit, hoc senectuti cognomen imposuit, tristē illam vocat.

subeunt morbi tristisque senectus

Non est quod mireris, ex eadem materia suū quemque studijs apta colligere. In eodem præto bos herbam quærit, canis leporem, ciconia lacertum. Cū Ciceronis libros de Rep. prehendit hinc philologus aliquis, hinc grammaticus, hinc philosophiæ deditus; alius aliā curam suam

mittit. Philosophus admiratur, contra iustitiam dici tam multa potuisse. Cùm ad hanc eam demlectionem philologus accessit, hoc subnotat, duos Romanos reges esse, quorum alter patrem non habet, alter matrem. Nam de Seruij matre dubitatur? Anci pater nullus; Numæ nepos dicitur. Præterea notat, eum quem nos dictatorem dicimus, & in historijs ita nominari legimus, apud antiquos magistrum populi vocatum. Hodieque id extat in Auguralibus libris: & testimonium est, quod qui ab illo nominatur, magister equitum est. Æque notat, Romulum perisse solis defectione. Prouocationem ad populum etiam à regibus fuisse. Id ita in Pontificalibus libris aliqui putant, & Fenestella. Eosdem libros cùm grammaticus explicuit, primum REAPSE dici ab Cicerone, id est, re ipsa, in commentarium refert: nec minus SEPSE, id est, se ipse. Deinde transit ad ea, quæ consuetudo sæculi mutauit, tanquam quod ait Cicero, Quoniam sumus ab ipsa calce, eius interpellatione reuocati: hanc quam nunc in circo cretam vocamus, calcem antiqui dicebant. Deinde Ennianos colligit versus, & in primis illos de Africano scriptos:

..... *Cui nemo ciuis neque hostis.*

Quiuit pro factis reddere operæ pretium.

Ex eose ait intelligere, apud antiquos non tantum auxilium significasse opera, sed opera: ait enim neminem potuisse Scipioni neque ciuem, neque hostem reddere operæ pretium. Felicem deinde se putat, quod inuenerit, vnde visum sit Virgilio dicere.

..... *Quem super ingens*

Porta tonat cali

Ennium hoc ait Homero surripuisse. Ennio Virgilium. Est enim apud Ciceronem in his

ipsis de Rep. hoc Epigramma :

Sis fas endo plagas caelestum ascendere cuiquam.

Mi soli cali maxima porta patet.

Sed ne & ipse, dum alud ego, in philologum aut grammaticum dilabar, illud admonco, auditionem philosophorum, lectionemque, ad propositum beatæ vitæ trahendam : non ut verba prisca aut fista captemus, & translationes improbas figurasque dicendi, sed ut profutura præcepta, & magnificas voces, & animosas, quæ mox in rem transferantur. Sic ista discamus, ut quæ fuerunt verba, sint opera. Nullos autem peius mereri de omnibus mortalibus iudico, quam hui philosophiam velut aliquod artificium vænale didicerunt : qui aliter viuunt, quam viuendum esse præcipiunt. Exempla enim seipsum inutiles disciplinæ circumferunt, nulli non vitio quod insequuntur, obnoxij. Non magis mihi potest quisquam talis prodesse præceptor, quam gubernator in tempestate nauseabundus. Tenendum est, rapiente fluctu, gubernaculum, luctandum cum ipso mari, eripienda sunt vento vela : quid me potest adiuuare rector nauigij attonitus & vomitans ? Quanto maiore putas vitam tempestate iactari, quam vlla ratem ? non est loquendum, sed gubernandum. Omnia quæ dicunt, quæ turba audiente iactant, aliena sunt : dixit illa Plato, dixit Zeno, dixit Chrysippus, & Posidonius, & ingens agmen tot ac talium. Quomodo probare possint sua esse, monstrabo : faciant quæ dixerint. Quoniam quæ volueram ad te perferri, iam dixi, nunc desiderio tuo satisfaciam, & in alteram epistolam integrum quod exegeras transferam : ne ad spinosam, & auribus erectis curiosisque audiendam, lassius accedas.

EPIST. CIX.

Quæstiuncula, an sapiens sapienti, & quomodo, profit. Causa dubitandi, quia omnia summa in sapiente, nec adiectioni locus. Respondet tamen prodesse, & distincte exsequitur. In fine detestatur argutias inutiles.

AN sapiens sapienti profit, scire desideras? Dicimus plenum omni bono esse sapientem, & summa adeptum: quomodo prodesse aliquis possit summum bonum habenti, quæritur. Profunt inter se boni: exercent enim virtutes, & sapientiam in suo statu continent: desiderat uterque aliquem, cum quo conferat, cum quo quærat. Peritos luctandi, usus exercet: musicum, qui paria didicit, monet. Opus est & sapienti, agitatione virtutum. Ita quemadmodum ipse se mouet, sic mouetur ab alio sapiente. Quid sapiens sapienti proderit? impetum illi dabit, occasiones actionum honestarum commonstrabit. Præter hæc, aliquas suas cogitationes exprimet, docebit, quæ inuenerit. Semper enim sapienti restabit quod inueniat, & quo animus eius excurrat. Malus malo nocet; facit peiorem iram, metum incitandò, tristitiæ asfentiendo, voluptates laudando: & tunc maxime laborant mali, ubi plurimum vitia miscuere, & in vnum collata nequitia est: ergo ex contrario, bonus bono proderit. Quomodo? inquis. Gaudium illi afferet, fiduciam confirmabit, ex conspectu mutæ tranquillitatis crescet utriusque lætitia. Præterea, quarundam illi rerum notitiam tradet: non enim omnia sapiens scit: etiamsi scire, breviores vias rerum aliquis

excogitare possit, & has indicare, per quas facilius totum opus circumfertur. Proderit sapienti sapiens: non scilicet tantum suis viribus, sed ipsius quem adiuuat. Potest quidem ille etiam relictus sibi, explicare partes suas. Vretur proprie velocitate: sed nihilominus adiuuat etiam, qui currentem hortatur. Non prodest tantum sapiens sapienti, sed sibi ipsi. Obijcies. Detrahe illi vim propriam, & ille nihil agit. Isto modo dicas licet, non esse in melle dulcedinem. Nam ipse ille qui est, esse debet ita aptatus lingua palatoque ad huiusmodi gustum, ut ille tali sapore capiat, non offendatur. Sunt enim quidam, quibus morbi vitio mel amarum videatur. Oportet utrumque talem esse, ut & ille prodesse possit, & huic profecturo idoneo materia sit. In summum, inquit, producto calorem calefieri superuacuum est, & in summum producto bonum superuacuum est, quod prosit. Numquid instructus omnibus rebus agricola, ab alio instrui querit? Numquid armatus miles quantum in aciem exituro satis est, amplius arma desiderat? Ergo nec sapiens: satis enim vitæ instructus, satis armatus est. Qui in summo est calore, ei non opus est adiecto, ut summum teneat. Ipse se, inquit, valor continet. Ad hæc respondeo. Primum multum interest inter ista, quæ comparas. Calor enim vnus est: prodesse varium est. Deinde calor non adiuuatur adiectione caloris, ut valeat: sapiens non potest in habitu suæ mentis stare, nisi amicos aliquos similes sui admisit, cum quibus virtutes suas communicet. Adijce nunc, quod omnibus inter se virtutibus amicitia est. Itaque prodest, qui virtutes alicuius pares suis amat, amandasque inuicem præstant. Similia delectant: utique ubi honesta

honestæ sunt, & probare ac probari sciunt. Etiamnum. Sapientis animum perite mouere nemo alius potest, nisi sapiens: sicut hominem mouere rationaliter non potest, nisi homo. Quomodo ergo ad rationem mouendam ratione opus est: sic ut moueatur ratio perfecta opus est ratione perfecta. Prodesse dicuntur, & qui media nobis largiuntur, pecuniam, gratiam, incolumitatem alia in usus vitæ cara aut necessaria: in his dicetur etiam stultus sapienti prodesse. Prodesse autem est, animum secundum naturam mouere virtute sua, aut eius qui mouebitur. Hoc non sine ipsius quoque, qui proderit, bono fiet: necesse est enim, alienam virtutem exercendo, exerceat & suam. Sed ut remoueas ista, quæ aut summa bona sunt, aut summorum efficientia, nihilominus prodesse inter se sapientes possunt. Inuenire enim sapientem, sapienti per se res petenda est, quia natura bonum omne carum est bono, & sic quisque conciliatur bono, quemadmodum sibi necesse est, ex hac quæstione, argumenti causa, in alteram transeam: Quæritur enim, an deliberaturus sit sapiens, an in consilium aliquem aduocaturus: quod facere illi necessarium est, cum ad hæc ciuilia & domestica venit, & (ut ita dicam) mortalia. In his sic illi opus est alieno consilio, quomodo medico, quomodo gubernatori, quomodo aduocato, & litis ordinatori: Proderit ergo sapiens aliquando sapienti, suadebit enim, sed in illis quoque magnis ac diuinis, ut diximus, communiter honesta tractando, & animos cogitationeque miscendo, utilis erit. Præterea secundum naturam est & animos complecti, & amicorum actu, ut suo proprioque latari. Nam si hoc non fecerimus, ne virtus

quidem nobis permanebit, quæ in exercendo se, usu valet. Virtus autem suadet præsentia bene collocare, in futurum consulere, deliberare, & intendere animum: facilius intendet explicabitque qui aliquem sibi assumpserit: Quærit itaque aut perfectum virum, aut proficientem, vicinumque perfecto. Proderit autem ille perfectus, si consilium communi prudentia iusserit. Aiunt homines plus in alieno negotio videre, quam in suo: hoc illis evenit, quos amor sui excæcat, quibusque dispectum utilitatis timor in periculis excutit. Incipiet sapere securior, & extra metum positus. Sed nihilominus quædam sunt, quæ etiam sapientes in alio, quam in se, diligentius vident. Præterea illud quod dulcissimum honestissimumque est, idem velle atque idem nolle, sapiens sapienti præstabit. Egregium opus pari iugo ducet. Persolui quod exegeras, quamquam in ordine rerum erat; quas moralis philosophiæ voluminibus complectimur. Cogitat, quod soleo frequenter tibi dicere: In istis nos nihil aliud quam acumen exercet. Toties enim illo reuertor; Quid ista merces iuuat? fortio rem faciet iustio rem, temperatio rem? Nondum exerceri vacat: adhuc medico mihi opus est. Quid me doces scientiam inutilem? magna promisisti: exigua video. Docebas intrepidum fore, etiamsi circa me gladii micarent, etiamsi mucro tangeret iugulum, dicebas securum fore, etiamsi circa me flagrarent incenda, etiam subitus turbo tota nauem meam mari raperet. Hæc mihi præstare, ut voluptatem, ut gloriam contemnā: postea docebit implicita soluere, ambigua distinguere obscura perspicere: nunc doce, quod necesse est.

EPIST.

EPIST. CX.

Genios singulis datos : quos fauentes habet, qui Bonam mentem habet. Vota nostra, & iudicia improba esse: res non ex vero aestimantium Vana optari, vana timeri. Remedium utriusque à philosophia: quoniam vocat spretis supernacuis Luxum denique producit, & castigat Attali egregia oratione.

EX Nomentano te meo saluto, & iubeo te habere mentem bonam, hoc est, propitios deos omnes: quos habet placatos & fauentes, quisquis sibi se propitiavit. Seponere in presentia, quæ quibusdam placent: Unicuique nostrum pædagogum dari Deum, non quidem ordinarium, sed hunc inferioris notæ, ex eorum numero quos Ovidius ait, de plebe deos. Ita tamen hoc seponas volo, ut memineris maiores nostros, qui crediderunt hoc, Stoicos fuisse: singulis enim & Genium & Iunonem dederunt. Postea videbimus, an tantum diis vacet, ut priuatorum negotia procurent: interim illud scito, siue assignati sumus, siue neglecti, & fortunæ dari, nulli te posse imprecari quidquam grauius, quam si imprecatus fueris, ut se habeat iratum. Sed non est, quare cuiquam, quem dignum pœna putaueris, optes, ut infestus deos habeat: habet, inquam, etiam si videtur eorum cura & fauore produci. Adhibe diligentiam tuam, & intueri, quid sint res nostræ, non quid vocentur: & scies plura mala contingere nobis, quam accidere. Quoties enim felicitatis causa & initium fuit, quod calamitas vocabatur? Quoties magna gratulatione excepta res

gradum sibi struxit in præceptis, & aliquem iam eminentem alleuauit etiamnum, tanquam ibi adhuc staret, vnde tuto caderet? sed ipsum illud cadere non habet in se maliquidquam, si exitum spectes, vltra quem natura neminem deijcit. Prope est rerum omnium terminus, prope est, inquam, & illud vnde felix eijcitur, & illud vnde infelix emittitur. Nos vtraque extendimus, & longa, spe ac metu facimus. Sed si sapias, omnia humana cōditiōe metire: simul & quod gaudes: & quod times contrahe. Est tanti diu nihil gaudere, ne quid diu timeas. Sed quare istuc malum adstringo? non est quod quidquam timendum putes. Vana sunt ista quæ nos mouent, quæ attonitos habent. Nemo nostrum quid veri esset, excussit, sed metum alter alteri tradidit. Nemo ausus est ad id quod perturbatur accedere & naturam ac bonum timoris sui nosse. Itaque res falsa & inanis habet adhuc fidem, quia non coarguitur. Tanti putemus oculos intendere: iam apparebit quam breuia, quam incerta, quam tuta timeantur. Talis est animorum nostrorum confusio, qualis Lucretio visa est:

Nam velati pueri trepidant, atque omnia cæcis.

In tenebris metunt; ita nos in luce time-
mus.

Quid ergo? Non omni puero stultiores sumus, qui in luce timeamus? Sed falsum est, Lucreti: non timeamus in luce, omnia nobis fecimus tenebras: nihil videmus, nec quid noceat, nec quid expediat: tota vita incursumus, nec ob hoc resistimus, aut circumspicius pedem ponimus. Vides autem quam sit furiosa res, in tenebris impetus. At mehercule id agimus, vt longius reuocandi simus: & cum ignoremus quo feramur, velo-

citer

citer tamen illo quo intendimus, ire perseveramus. Sed lufcescere, si velimus, potest. Vno autem modo potest, si quis hanc humanorum divinarumque notitiam acceperit: si illa se non perfuderit, sed infecerit: si eadem, quamvis sciat, retractaverit, & ad se sæpe retulerit: si quæsierit quæ sint bona, quæ sint mala: quibus hoc si falso nomen adscriptum: si quæsierit de honestis, de turpibus, de providentia. Nec intra hæc humani ingenij sagacitas sistitur: prospicere & ultra mundum libet, quo feratur, vnde surrexerit, in quem exitum tanta rerum velocitas properet. Ab hac divina contemplatione abductum animum in sordida & humilia pertrexi-
mus, ut avaritiæ serviret, ut relicto mundo terminisque eius, & dominis cuncta versantibus, terram rimaretur, & quæreretur quid ex illa mali effoderet, non contentus oblati. Quidquid nobis bono futurum erat, Deus & parens noster in proximo posuit. Non expectabit inquisitionem nostram: ultro dedit; nocturna altissime preffit. Nihil nisi de nobis queri possumus. ea quibus petiremus, nolente rerum natura & abscondente, protulimus. Addiximus animum voluptati: cui indulgere, initium omnium malorum est. Tradidimus ambitioni & famæ, ceteris æque vanis & inanibus. Quid ergo nunc te horro ut facias? nil novi: nec enim novis malis remedia quærentur: sed hoc primum, ut tecum ipse dispicias, quid sit necessarium, quid superuacuum. Necessaria tibi ubique occurrent superuacua & semper, & toto animo querenda sunt. Non est autem quod te nimis laudes, si contempseris aureos lectos, & gemmeam supellectilem: quæ est enim virtus, superuacua contemnere tunc te admirare cum contempseris necessaria. Non magnâ rem

facis, quod viuere sine recto apparatu pōtes : quod non desideras milliarios apros, nec linguas phænicopterorum, & alia portenta luxuriæ, iam tota animalia fastidientis, & certa membra ex singulis eligentis. Tunc te admirabor, si non contempseris etiam sordidum panem : si tibi persuaseris, herbas, ubi necesse est, non pecori tantum, sed homini nasci : si scieris cacumina arborum explementum esse ventris, in quem sic pretiosa congerimus, tamquam recepta seruantem : sine fastidio implendus est. Quid enim ad rem pertinet, quid accipiat, perditurus quidquid acceperit? Delectant te disposita, quæ terra marique capiuntur : alia congratiora, si recepta perferuntur ad mensam : alia, si diu pasta & coacta pinguescere, fluunt, ac vix saginam continent suam. Delectat te minor horum, arte quæsitus. At mehercule ista solite scrutata, varieque condita, cum subierint ventrem, vna atque eadem fœditas occupabit. Vis ciborum voluptatem contemnere? exitum specta. Attalum memini cum magna admiratione omnium hæc dicere. Diu mihi, inquit, imposuere diuitiæ : stupebam, ubi aliquid ex illis alio atque alio loco fulserat : existimabam similia esse quæ laterent, his quæ ostenderentur. Sed in quodam apparatu vidi rotas opes vrbs, cælatas ex auro & argento, & his quæ pretium auri argentique vicerunt, exquisitos colores, & vestes ultra non tantum nostrum, sed ultra finem hostium aduectas. Hinc puerorum perspicuos cultu atque forma greges, hinc feminarum, & alia quæ res suas recognoscens summi imperij fortuna protulerat. Quid hoc est, inquam, aliud quam irritare cupiditates hominum per se incitatas? Quid

sibi

sibi vult ista pecuniæ pompa? ad discendam auaritiā conuenimus. At mehercules minus cupiditatis istinc effero, quam attuleram. Contempsisti diuitias, non quia superuacua, sed quia pusillæ sunt. Vidistine, quā intra paucas horas ille ordo, quamuis lentus dispositusque, transierit? hoc totam vitam nostram occupabit quo totum diem occupare non potuit? Accessit illud quoque: tam superuacua mihi visæ sunt habentibus, quā fuerant spectantibus. Hoc itaque ipsi mihi dico, quoties tale aliquid præstrinxerit oculos meos, quoties occurrit domus splendida, cohors culta seruorum, lætica formosis imposita calanibus: quid miraris? quid stupes? Pompa est. Ostenduntur istæ res, non possidentur: & dum placent, transeunt. Adueras potius te conuerte diuitias: disce paruo esse contentus: & illam vocem magnus atque animosus exclama: Habeamus aquam habeamus pulentam. Ioui ipsi de felicitate controuersiam faciamus. Faciamus, oro te, etiam si ista defuerint. Turpe est, beatam vitam in auro & argento reponere: æque turpe est in aqua & polenta. Quid ergo faciam, si ista non fuerint? Quæris, quod sit remedium inopiæ? famem fames sinit. Alioqui quid interest, magna sint, an exigua quæ seruire te cogunt: quid refert quantum sit, quod tibi possit negare fortuna? Hæc ipsa aquæ & polenta in alienum arbitrium cadit: liber est autem, non in quem parum licet fortunæ, sed in quem nihil. Ita est: nihil desideres oportet, si vis Iouem prouocare, nihil desiderantem. Hæc nobis Attalus dixit: natura omnibus edixit. Quæ si voles frequenter cogitare, id ages, si sis felix, non ut videaris; & ut tibi videaris, non alijs.

*Cauillos, vanam & humilem philosophiam esse,
veram illam de moribus, firmam, altam.
Huc eundem,*

Quid vocentur Latine sophismata, quæsi-
stis à me. Multi tentauerunt illis nomen
imponere, nullum hæsit: videlicet quia
res ipsa non recipiebatur à nobis, nec in
vsu erat, nomini quoque repugnatum est. Aptis-
simum tamen videtur mihi, quo Cicero vsus
est: Cauillationes vocat: quibus quisquis se tra-
didit, quæstiunculas quidem vafra nectit: cete-
rum ad vitam nihil proficit, neque fortior fit,
neque temperatior, neque elatior. At ille qui
philosophiam in remedium suum exercuit, in-
gens fit animo, plenus fiducia, inexuperabilis, &
maior adeunti. Quod in magis euenit mon-
tibus, quorum proceritas minus apparet longe
inuentibus; cum accefferis, tunc manifestum fit
quàm in arduo summa sint: talis est, mi Lucili,
verus, & rebus, non artificij, philosophus. In-
edito stat admirabilis celsus, magnitudinis vere.
Non exsurgit in plantas, nec summis ambulat
digitijs, eorum more qui mendacio staturam
adiuant, longioresque quàm sunt, videri vo-
lunt: contentus est magnitudine sua. Quid nã
contentus sit eousque creuisse, quo manum for-
tuna non porrigit; ergo & supra humana est.
Par sibi in omni statu rerum, siue secundo cursu
vita procedit, siue fluctuatur per aduersa ac dif-
ficilia. Hanc constantiam cauillationes istæ, de
quibus paullo ante loquebar, præstare non pos-
sunt, Ludit istis animus, non proficit: & philoso-
phiam

phiam à fastigio deducit in planum. Nec te prohiberim aliquando ista agere, sed tunc cum voles nihil agere. Hoc tamen habent in se pessimum, dulcedinem quandam sui faciunt, & animum specie subtilitatis inductum tenent, ac remorantur: cum tanta rerum moles vacet, cum vix tota vita sufficiat, ut hoc vnum discas, vitam contemnere. Quid regere? inquis: secundum opus est. Nam nemo illam bene rexit, nisi qui contempserat.

EPIST. CXII.

Desperat de amico reformando, vetere annorum & vitiorum.

Cypio mehercule amicum tuum formari, ut desideras, & institui: sed valde durus capitur, imo potius, quod est molestius, valde mollis capitur, & consuetudine mala ac diutina fractus. Volo tibi ex nostro artificio exemplum referre: Non quælibet insitionem vitij patitur: si vetus & excelsa est, si infirma gracilisque: aut non recipiet surculum, aut non alet, nec applicabit sibi, nec, in qualitatem eius naturamque transibit. Itaque solemus supra terram præcidere: ut, si non responderit, tentari possit secunda fortuna, & iterum repetita infra terram inferatur. Hic de quo scribis & mandas, non habet vires: indulgit vitij simul & emarcutit, & induruit. Non potest recipere rationem non potest nutrire. At cupit ipse. Noli credere: non dico illum mentiri tibi putat se cupere. Stomachum illi fecit luxuria: cito tamen cum illa redibit in gratiam. Sed dicit se offendi vita sua. Non negauerim: quis enim non offenditur? homines vitam suam & amant simul, & oderunt!

Tunc

Tunc itaque de illo feremus sententiam, cum fidem nobis fecerit, inuisam iam sibi esse luxuriam; nunc illis conuenit.

E P I S T. CXIII.

*Questio, An virtutes sint Animalia: Stoice
asserit esse: itemque Vitia & Affectus. Post
ridendam nobis hodie disputatiunculam, a
talibus auocat, ad utilia vitæ vocat.*

DEsiderastibi scribi à me, quid sentiam de hac quæstione iactata apud nostros: An iustitia, an fortitudo, prudentia, ceteræque virtutes, animalia sint. Hac subtilitate efficimus, Lucili carissime, ut exercere ingenium inter irrita videamur, & disputationibus nihil profuturis otium terere. Faciam quod desideras, & quid nostris videatur, exponeam. Sed me in alia sententia profiteor esse. Puto quædam esse, quæ decent phæcasiatum palliatumque. Quæ sint ergo quæ antiquos mouerint, dicam. Animum constat animal esse: cum ipse efficiat, ut simus animalia, cum ab illo animalia nomen hoc traxerint. Virtus autem nihil aliud est, quam animus quodammodo se habens: ergo animale est. Deinde: Virtus agit aliquid: agit autem nihil sine impetu potest: si impetum habet, qui nulli est, nisi animali, animal est. Si animal est, inquit, virtus, habet ipsam virtutem. Quid ni? habet seipsam. Quomodo sapiens omnia per virtutem gerit, sic virtus per se. Ergo, inquit, & omnes artes animalia sunt, & omnia quæ cogitamus, quæque mente complectimur. Sequitur, ut multa animalium millia habitent in his angustijs pectoris & sin-

singuli multa sumus animalia, aut multa habemus animalia. Quæris, quid aduersus ista respondeantur? Vnaquæque res ex istis animal erit, multa animalia non erunt. Quare? dicam, si mihi accomodaueris subtilitatem & intentionem tuam. Singula animalia singulas debent habere substantias: ista omnia vnum animum habent. Itaque singula esse possunt, multa esse non possunt. Ego & animal sum & homo, non tamen duos esse dices. Quare? quia separati esse debent. Ita dico, alter ab altero debet esse diductus, ut duo sint. Quidquid vnum multiplex est sub vnâ cadet naturam: itaque vnum est. Et animus meus animal est, & ego animal sum, duo tamen non sumus: quare? quia animus meus pars est. Tunc aliquid per se numerabitur, cum per se stabit: vbi verò alterius membrum erit, non poterit videri aliud. Quare? dicam, quia quod aliud est, suum oportet esse, & proprium, & totum, & intra se absolutum. Ego in alia esse me sententia professus sum. Non enim tantum virtutes animalia, erunt, si hoc recipitur: sed opposita quoque illis vitia & affectus, tamquam ira, timor, luctus, suscipio. Ultra res ista procedet: omnes sententiæ, omnes cogitationes animalia erunt: quod nullo modo recipiendum est. Non enim quidquid ab homine fit, homo est. Iustitia quid est? inquit. Animus quodammodo se habens. Itaque si animus animal est, & iustitia. Minime: hæc enim habitus animi est, & quædam vis. Idem animus in varias figuras conuertitur, & non toties animal aliud est, quoties aliud facit, nec illud quod fit ab animo, animal est. Si iustitia animal est, si fortitudo, si ceteræ virtutes: vtrum desinunt animalia esse subinde, ac rursus incipiunt, an semper sunt? Desinere

vir-

Virtutes non possunt : ergo multa animalia, imò innumerabilia in hoc animò versantur . Non sunt, inquit, multa : quia ex vno religata sunt, & partes vnius ac membra sunt . Talem ergo faciem animi nobis proponimus, qualis est Hydrae multa habentis capita, quorum vnumquodque per se pugnet, per se noceat . Atqui nullum ex illis capitibus animal est, sed animalis caput : ceterum ipsa vnū animal est . Nemo in Chimæra leonem esse animal dixit, aut draconem : hæ partes erant eius : partes non sunt animalia . Quid est, quo colligas iustitiam animal esse ? agit, inquit, aliquid, & prodest : quod autem agit aliquid, & prodest, impetum habet : quod autem impetum habet, animal est . Verum est, si suum impetum habet : suum autem non habet, sed animi . Omnes animal donec motiatur, id est quod cœpit : homo donec moriatur, homo est : equus item, & canis : transire enim in aliud non possunt . Iustitia, id est, animus quodammodo se habens, animal est . Credamus . Deinde animal est fortitudo, id est animus quodammodo se habens . Quis animus ? Ille qui modo iustitia erat ? tenetur in priore animali ; in aliud animal ei transire non licet . In eo illi, in quo primum esse cœpit, perseuerandum est . Præterea vnus animus duorum animalium esse non potest, multo minus pluriū . Si iustitia, fortitudo, temperantia, ceteræque virtutes animalia sunt : quomodo vnū animum habebunt ? Singulos habeant oportet, aut non sunt animalia . Non potest vnū corpus pluriū animalium esse : hoc & ipsi faterentur . Iustitiæ quod est corpus ? animus . Fortitudinis quod est corpus ? idem animus . Atqui vnū corpus esse duorum animalium nō potest .
Sed

Sed idem animus, inquit, iustitiæ habitum induit, & fortitudinis, & temperantiæ. Hoc fieri posset, si quo tempore iustitia esset, fortitudo non esset quo tempore fortitudo esset, temperantia non esset? Nunc verò omnes virtutes simul sunt. Ita quomodo erunt singula animalia, cum vnus animus sit, qui plusquam vnum animal non potest facere? Denique nullum animal pars est alterius animalis, iustitia autem pars est animi, non est ergo animal. Videor mihi in re confessa perdere operam. Magis enim indignandum de isto, quam disputandum est. Nullum animal alterius pars est, Circumspice omnium corpora, nulli non & color proprius est, & figura sua, & magnitudo. Inter cetera, propter quæ mirabile diuini artificis ingenium est, hoc quoque existimo, quod in tanta in copia rerum nunquam in idem incidit, etiam quæ similia videntur, cum contuleris, diuersa sunt. Tot fecit genera foliorum, nullum non sua proprietate signatum, tot animalia, nulli similitudo cum altero conuenit, Vtique aliquid interest. Exegit à se, vt quæ alia erant, & dissimilia essent, & imparia. Uirtutes, vt dicis, omnes pares sunt, ergo non sunt animalia. Nullum non animal per se aliquid agit. Virtus autem per se nihil agit, sed cum homine. Omnia animalia aut rationalia sunt, vt homines, vt dij; aut irrationalia, vt pecora. Virtutes vtique rationales sunt: atqui nec homines sunt, nec dij: ergo non sunt animalia. Omne rationale animal nihil agit; nisi primum specie alicuius rei irritatum est, deinde impetum cepit, deinde assensio confirmauit hunc impetum. Quid sit assensio, dicam. Opportet me ambulare nunc demum ambulo, cum hoc mihi dixi, & ap-
pro-

robavi hanc opinionem meam : oportet me sedere : tunc demum sedeo : hæc assensio in virtute non est . Puta enim prudentiam animal esse : uomodo assentietur ? Oportet me ambulare : hoc natura non recipit : prudentia enim ei cuius sit prospicit , non sibi . Nam nec ambulare potest , nec sedere : ergo assensionem non habet ; quod assensionem non habet , rationale animal non est . Virtus sit animal est , rationale est ; rationale autem non est ; ergo nec animal . Si virtus animal est : virtus autem bonum est : omne bonum animal est . Hoc nostri fatentur . Patrem seruare , bonum est : & sententiam prudenter inenatu dicere , bonum est ; & iuste decernere , bonum est . Ergo & patrem seruare , animal est ; & prudenter dicere , animal est ; eo usque res excedet , ut risum tenere non possis . Prudenter tacere , & cænare bene , bonum est ; ita & tacere & cænare , animal est . Ego mehercule trillare non desinam , & ludos mihi ex istis subtilibus ineptijs facere . Iustitia & fortitudo si animalia sunt , certe terrestria sunt . Omne animal terrestre alget , esurit , sitit , ergo iustitia alget , fortitudo esurit , elementia sitit . Quid porro non interrogabo illos , quam figuram habeant ista animalia , hominis , an equi , an feræ . Si rotundam illis , Qualem Deo , dederint formam ; quæram , an & auaritia & luxuria , & dementia æque rotundæ sint ? sunt enim & ipsæ animalia . Si has quoque corrotundauerint ; etiamnum interrogabo , an prudens ambulationis animal sit , nec ne ? confiteantur necesse est . Deinde dicant , ambulationem esse animal , & quidem rotundum . Ne putes autem me primum ex nostris , non ex præscripto loqui , sed meæ sententiæ esse , inter Cleanthem , & discipulum

lum eius Chrysippum, non conuenit quid sit ambulatio Cleanthes ait, spiritum esse à principali vsque in pedes permissum; Chrysippus, ipsum principale. Quid est ergo, cur non ipsius Chrysippi exemplo sibi quisque se vindicet, & ista tot animalia, quot mundus ipse non potest capere, derideat? Non sunt, inquit, virtutes multa animalia, & tamen animalia sunt. Nam quemadmodum aliquis & poeta est & orator, & tamen vnus; sic virtutes istæ animalia sunt, sed multa non sunt. Idem est animus & iustus, & prudens, & fortis, ad singulas virtutes quodam modo se habens. Sublata est quæstio; conuenit nobis; Nam & ego interim fateor, animum animal esse; postea visurus, quam de ista re sententiam feram. Actiones eius animalia esse nego. Alioquin & omnia verba erunt animalia, & omnes versus. Nam si sermo prudens bonum est; bonum ante omne animal est: sermo ergo animal est. Prudens versus, bonum est, bonum autem omne animal est; versus ergo animal est. Itaque,

Arma virumque cano

Animal est; quod non possunt rotundum dicere cum sex pedes habeat. Textorium, inquis, totum mehercule istud est: quod cum maxime agitur; dissilio risu, cum mihi propono solacium animal, esse, & barbarissimum, & syllogissimum, & aptas illis facies, tanquam pictor, assigno. Hæc disputamus, attractis supercilijs, fronte rugosa. Non possum hoc loco dicere illud Cæcilianum; O tristes ineptias! ridiculæ sunt. Quin itaque potius aliquid utile nobis ac salutare tractamus, & quærimus quomodo ad virtutes venire possimus, quæ nos ad illas via adducat. Doceme, non an fortitudo animal sit; sed nullum animal felix esse sine fortitudine.

ac,

ne, nisi contra fortuita conualuit, & omnes casus antequam exciperet, meditando prædormuit. Quid est fortitudo? munimentum humanæ imbecillitatis inexpugnabile: quod qui circumdedit sibi, securus in hac vitæ obsidione perdurat. Utitur enim suis viribus, suis telis. Hoc loco tibi Posidonij nostri sententiam referre volo: Non est quod vnquam fortunæ armis putes esse te tutum: tuis pugna contra ipsam: fortuita non armant. Itaque contra hostes instructi, contra ipsam incermesunt. Alexander quidem Persas, & Hyrcanos, & Indos, & quidquid gentium vsque in Océanum extendit Oriens, vastabat fugabatque: sed ipse modo occiso amico, modo amisso, iacebat in tenebris alias scelus, alias desiderium suum mærens, victor tot regum atque populorum, iræ tristitiæque succubuit. Id enim egerat, vt omnia potius haberet in potestate, quam affectus. O quam magnis homines erroribus tenentur, qui ius dominandi trans maria cupiunt permittere: felicissimosque se iudicant, si multas per milites prouincias obtinent, & nouat veteribus adiungunt, ignari quòd sit illud ingens parque dijs regnum. Imperare sibi maximum imperium est. Doceat me, quam sacra res sit iustitia, alienum bonum spectans, nihil ex se petens, nisi vsum sui. Nihil sit illi cum ambitione famaue: sibi placeat. Hoc ante omnia sibi quisque persuadeat. Me iustum esse gratis oportet. Parum est: adhuc illud persuadeat sibi. Me in hanc pulcherrimam virtutem vitro etiam impendere iuuet; vt tota cogitatio à priuatis commodis quam longissime auersa sit. Non est quod spectes, quod sit iustæ rei premium maius, quam iustum esse. Illud adhuc

huc tibi affige, quod paullo ante dicebam: nihil ad rem pertinet, quam multi æquitatem tuam nouerint. Qui virtutem suam publicari vult; non virtuti laborat, sed gloriæ: Non vis esse iustus sine gloria? at meherculesæpe iustus esse debebis cum infamia. Et tunc, si sapis, mala opinio bene parata delectat.

EPIST. CXIV.

Eloquentiam alias aliam esse, & placere; vii mores publici sunt, seueri, soluit, fracti. Ab animo colorem illam sumere; idque exemplo Mecænatis docet. Illum igitur curandum & fortandum esse; à quo sensus & verba deinde recta. Obiter contra luxuriam.

QUare quibusdam temporibus prouenerit corrupti generis oratio, quæris & quomodo in quædam vitia inclinatio ingeniorum facta sit, vt aliquando inflata explicatio vigeret, aliquando infracta, & in morem cantici ducta. Quare alias sensus audaces, & fidem egressi placuerint, alias abruptæ sententiæ & suspiciosæ, in quibus plus intelligendum est, quàm audiendum quare aliqua ætas fuerit quæ translationis iure vteretur inuerecunde. Hoc, quod audire vulgo soles, quod apud Græcos in prouerbum cessit; talis hominibus fuit oratio, qualis vita. Quemadmodum autem vniuscuiusque actio dicenti similis est, sic genus dicendi aliquando imitatur publicus mores. Si disciplina ciuitatis laborauit, & se in delicias dedit, argumentum est luxuriæ publicæ orationis lasciuiæ: si modo non in vno aut in altero fuit, sed approbata est, & recepta. Non potest alius esse ingenio, alius

animo

animo color. Si ille sanus est, si compositus; grauis, temperans, ingenium quoque siccum ac sobrium est: illo vitiatō, hoc quoque afflatur. Non videt, si animus elanguit, trahi membra, & pigre moueri pedes? si ille effæminatur est, in ipso incessu apparere molitiem; si ille acer est & velox concitari gradum; si furit (aut quod furori simile est) irascitur, turbatum esse corporis motum, nec ire, sed ferri. Quanto hoc magis accidere ingenio putas, quod totum animo permixtum est? ab illo fingitur, illi parer, inde legem petit. Quomodo Mæcenas vixerit, notius est, quam vt narrari nunc debeat quomodo ambulauerit, quam delicatus fuerit, quam cupierit videri, quam vitia sua latere noluerit. Quid ergo, non oratio eius æque soluta est; quam ipse discinctus, non tam insignita illius verba sunt, quam cultus, quam comitatus, quam domus, quam vxor? Magni ingenij vir fuerit, si illud egisset via rectiore, si non vitasset intelligi, si non etiam in oratione diffunderet. Videbis itaque eloquentiam ebrii hominis inuolutam, & errantem, & licentiæ plenam. Mæcenas in cultu suo. Quid torpius amne, siluisque ripa comantibus? Vide vt alueum lintribus arent versoque vado remittant hortos. Quid si quis fæminæ cirro crispatae, & labris columbatur? Incipitque suspirans, vt ceruice laxa feratur: nemo tyranni, irremediabilis factio rimantur, epulis, lagenaque tentant domos, & sæpe mortem exigunt. Genium festo vix suo restem, tenuis cerei fila & crepacum molam, socum mater aut vxor inuestiunt. Non statim hæc cum legeris, hoc tibi occurret, hunc esse qui solutis tunicis in vrbe semper incesserit? Nam etiam cum absentis partibus Cæsaris fungeretur, signum a discin-

à disincto petabatur. Huic esse qui in tribu-
nali, in rostris, in omni publico cœtu sic appa-
ruerit, vt pallio velaretur caput, exclusis vtri-
que auribus, non aliter quam in Mimo diuites
fugitiui solent. Hunc esse cui, cum maxime ci-
uilibus bellis strepentibus, & sollicita vrbe & ar-
mata, comitatus hic fuerit in publico: Ip adones
duo, magis tamen viri quam ipse? Hunc esse,
qui vxorem millies duxit: cùm vnā habuerit?
Hæc verba tam improbe structa, tam negligenter
obiecta, tam contra consuetudinem omnium
posita, ostendunt, mores quoque non minus no-
uos & prauas, & singulares fuisse. Maxima laus
illi tribuitur mansuetudinis: pepercit gladio,
sanguine abstinuit; nec vlla alia re, quid posset,
quam licentia ostendit. Hanc ipsam laudem
suam corruptit istis orationis portentissimæ
delicijs. Apparet enim mollem fuisse, non mi-
rem. Hoc istæ ambages compositionis, hoc ver-
ba transuersa, hoc sensus magni quidem sæpe,
sed enervati dum exeunt, cuius manifestum
facient; motum illi felicitate nimia caput; quod
vitium hominis esse interdum, interdum tem-
poris solet. Vbi luxuriam late felicitas fudit,
vultus primum corporum esse diligentior inci-
pit, deinde supellestili laboratur; deinde in ip-
sas domos impenditur cura, vt in laxitatem iu-
ris excurrant, vt parietes aduectis trans maria
marmoribus fulgeant, vt tecta varientur auro,
vt lacunaribus pauimentorum respondeat ni-
tor; deinde ad cœnas lautitia transfertur, & il-
lic commendatio ex nouitate & soliti ordinis
commutatione captatur; vt ea quæ claudere
cœnam solent, prima ponantur? vt quæ adue-
nientibus dabantur, exeuntibus dentur. Cùm af-
fuerit animus fastidire quæ ex more sunt, & illi

Tunc itaque de illo feremus sententiam, cum fidem nobis fecerit, inuisam iam sibi esse luxuriam; nunc illis conuenit.

EPIST. CXIII.

*Questio, An virtutes sint Animalia: Stoice
asserit esse: itemque Vicia & Affectus. Post
ridendam nobis hodie disputationunculam, a
talibus auocat, ad utilia vitæ vocat.*

DESiderastibi scribi à me, quid sentiam de hac quæstione iactata apud nostros: An iustitia, an fortitudo, prudentia, ceteræque virtutes, animalia sint. Hac subtilitate efficimus, Lucili carissime, vt exercere ingenium inter irrita videamur, & disputationibus nihil profuturis otium terere. Faciam quod desideras, & quid nostris videatur, exponeam. Sed me in alia sententia profiteor esse. Puto quædam esse, quæ decent phæcasiatum palliatumque. Quæ sint ergo quæ antiquos mouerint, dicam. Animum constat animal esse: cum ipse efficiat, vt simus animalia, cum ab illo animalia nomen hoc traxerint. Virtus autem nihil aliud est, quam animus quodammodo se habens: ergo animale est. Deinde: Virtus agit aliquid: agit autem nihil sine impetu potest: si impetum habet, qui nulli est, nisi animali, animal est. Si animal est, inquit, virtus, habet ipsam virtutem. Quid ni? habet seipsam. Quomodo sapiens omnia per virtutem gerit, sic virtus per se. Ergo, inquit, & omnes artes animalia sunt, & omnia quæ cogitamus, quæque mente complectimur. Sequitur, vt multa animalium millia habitent in his angustiis pectoris & sin-

singuli multa sumus animalia, aut multa habemus animalia. Quæris, quid aduersus ista respondeantur? Vnaquæque res ex istis animal erit, multa animalia non erunt. Quare? dicam, si mihi accomodaueris subtilitatem & intentionem tuam. Singula animalia singulas debent habere substantias; ista omnia vnum animum habent. Itaque singula esse possunt, multa esse non possunt. Ego & animal sum & homo, non tamen duos esse dices. Quare? quia separati esse debent. Ita dico, alter ab altero debet esse diductus, ut duo sint. Quidquid vnum multiplex est sub vnâ cadet naturam: itaque vnum est. Et animus meus animal est, & ego animal sum, duo tamen non sumus: quare? quia animus meus pars est. Tunc aliquid per se numerabitur, cum per se stabit: vbi verò alterius membrum erit, non poterit videri aliud. Quare? dicam, quia quod aliud est, suum oportet esse, & proprium, & totum, & intra se absolutum. Ego in alia esse me sententia professus sum. Non enim tantum virtutes animalia, erunt, si hoc recipitur: sed opposita quoque illis vitia & affectus, tamquam ira, timor, luctus, fuscipio. Ultra res ista procedet: omnes sententiæ, omnes cogitationes animalia erunt: quod nullo modo recipiendum est. Non enim quidquid ab homine fit, homo est. Iustitia quid est? inquit. Animus quodammodo se habens. Itaque si animus animal est, & iustitia. Minime: hæc enim habitus animi est, & quædam vis. Idem animus in varias figuras conuertitur, & non toties animal aliud est, quoties aliud facit, nec illud quod fit ab animo, animal est. Si iustitia animal est, si fortitudo, si ceteræ virtutes: vtrum desinunt animalia esse subinde, ac rursus incipiunt, an semper sunt. Desinere

vir-

Virtutes non possunt : ergo multa animalia, imò innumerabilia in hoc animò versantur. Non sunt, inquit, multa : quia ex vno religata sunt, & partes vnius ac membra sunt. Talem ergo faciem animi nobis proponimus, qualis est Hydræ multa habentis capita, quorum vnumquodque per se pugnet, per se noceat. Atqui nullum ex illis capitibus animal est, sed animalis caput : ceterum ipsa vnum animal est. Nemo in Chimæra leonem esse animal dixit, aut draconem : hæ partes erant eius : partes non sunt animalia. Quid est, quo colligas iustitiam animal esse? agit, inquit, aliquid, & prodest : quod autem agit aliquid, & prodest, impetum habet : quod autem impetum habet, animal est. Verum est, si suum impetum habet : suum autem non habet, sed animi. Omnes animal donec moriatur, id est quod cæpit : homo donec moriatur, homo est : equus item, & canis : transire enim in aliud non possunt. Iustitia, id est, animus quodam modo se habens, animal est. Credamus. Deinde animal est fortitudo, id est animus quodam modo se habens. Quis animus? Ille qui modo iustitia erat? tenetur in prior animal; in aliud animal ei transire non licet. In eo illi, in quo primum esse cæpit, perseuerandum est. Præterea vnus animus duorum animalium esse non potest, multo minus plurium. Si iustitia, fortitudo, temperantia, ceteræque virtutes animalia sunt : quomodo vnum animum habebunt? Singulos habeant oportet, aut non sunt animalia. Non potest vnum corpus plurium animalium esse : hoc & ipsi fatentur. Iustitiæ quod est corpus? animus. Fortitudinis quod est corpus? idem animus. Atque vnum corpus esse duorum animalium nō potest.

Sed

Sed idem animus, inquit, iustitiæ habitum induit, & fortitudinis, & temperantiæ. Hoc fieri posset, si quo tempore iustitia esset, fortitudo non esset quo tempore fortitudo esset, temperantia non esset? Nunc verò omnes virtutes simul sunt. Ita quomodo erunt singula animalia, cum vnus animus sit, qui plusquam vnum animal non potest facere? Denique nullum animal pars est alterius animalis, iustitia autem pars est animi, non est ergo animal. Videor mihi in re confessa perdere operam. Magis enim indignandum de isto, quam disputandum est. Nullum animal alterius pars est, Circumspice omnium corpora, nulli non & color proprius est, & figura sua, & magnitudo. Inter cetera, propter quæ mirabile diuini artificis ingenium est, hoc quoque existimo, quod in tanta in copia rerum nunquam in idem incidit, etiam quæ similia videntur, cum contuleris, diuerſa sunt. Tot fecit genera foliorum, nullum non sua proprietate signatum, tot animalia, nulli similitudo cum altero conuenit, Vtique aliquid interest. Exegit à se, vt quæ alia erant, & dissimilia essent, & imparia. Virtutes, vt dicis, omnes pares sunt, ergo non sunt animalia. Nullum non animal per se aliquid agit. Virtus autem per se nihil agit, sed cum homine. Omnia animalia aut rationalia sunt, vt homines, vt dij; aut irrationalia, vt pecora. Virtutes vtique rationales sunt: atqui nec homines sunt, nec dij: ergo non sunt animalia. Omne rationale animal nihil agit; nisi primum specie alicuius rei irritatum est, deinde impetum cepit, deinde assensio confirmauit hunc impetum. Quid sit assensio, dicam. Opportet me ambulare nunc demum ambulo, cum hoc mihi dixi, & ap-
pro-

probaui hanc opinionem meam : oportet me sedere : tunc demum sedeo : hæc assensio in virtute non est . Puta enim prudentiam animal esse : quomodo assentietur ? Oportet me ambulare : hoc natura non recipit : prudentia enim ei cuius est prospicit , non sibi . Nam nec ambulare potest , nec sedere : ergo assensionem non habet ; quod assensionem non habet , rationale animal non est . Virtus sit animal est , rationale est ; rationale autem non est , ergo nec animal . Si virtus animal est : virtus autem bonum est : omne bonum animal est . Hoc nostri fatentur . Patrem seruare , bonum est : & sententiam prudenter in senatu dicere , bonum est ; & iuste decernere , bonum est . Ergo & patrem seruare , animal est ; & prudenter dicere , animal est ; eo vsque res excedet , vt risum tenere non possis . Prudenter tacere , & cænare bene , bonum est ; ita & tacere & cænare , animal est . Ego mehercule titillare non desinam , & ludos mihi ex istis subtilibus ineptijs facere . Iustitia & fortitudo si animalia sunt , certe terrestria sunt . Omne animal terrestre alget , esurit , sitit , ergo iustitia alget , fortitudo esurit , elementia sitit . Quid porro non interrogabo illos , quam figuram habeant ista animalia , hominis , an equi , an feræ ? Si rotundam illis , Qualem Deo , dederint formam ; quæram , an & auaritia & luxuria , & dementia æque rotundæ sint ? sunt enim & ipsæ animalia . Si has quoque corrotundauerint : etiamnum interrogabo , an prudens ambulatione animal sit , nec ne ? confiteantur necesse est . Deinde dicant , ambulationem esse animal , & quidem rotundum . Ne putes autem me primum ex nostris , non ex præscripto loqui , sed meæ sententiæ esse , inter Cleanthem , & discipulum

lum eius Chrysippum, non conuenit quid sit ambulatio Cleanthes ait, spiritum esse à principali vsque in pedes permissum: Chrysippus, ipsum principale. Quid est ergo, cur non ipsius Chrysippi exemplo sibi quisque se vindicet, & ista tot animalia, quot mundus ipse non potest capere, derideat? Non sunt, inquit, virtutes multa animalia, & tamen animalia sunt. Nam quemadmodum aliquis & poeta est & orator, & tamen vnus; sic virtutes istæ animalia sunt, sed multa non sunt. Idem est animus & iustus, & prudens, & fortis, ad singulas virtutes quodam modo se habens. Sublata est quæstio; conuenit nobis; Nam & ego interim fateor, animum animal esse; postea visurus, quam de ista re sententiam feram. Actiones eius animalia esse nego. Alioquin & omnia verba erunt animalia, & omnes versus. Nam si sermo prudens bonum est; bonum ante omne animal est: sermo ergo animal est. Prudens versus, bonum est, bonum autem omne animal est; versus ergo animal est. Itaque,

Arma virumque cano

Animal est; quod non possunt rotundum dicere cum sex pedes habeat. Textorium, inquis, totum mehercule istud est: quod cum maxime agitur; dissilio risu, cum mihi propono solacium animal, esse, & barbarissimum, & syllogismum, & aptas illis facies, tanquam pictor, assigno. Hæc disputamus, attractis supercilijs, fronte rugosa. Non possum hoc loco dicere illud Cæcilianum; O tristes ineptias! ridiculæ sunt. Quin itaque potius aliquid utile nobis ac salutare tractamus, & quærimus quomodo ad virtutes venire possimus, quæ nos ad illas via adducat. Doce me, non an fortitudo animal sit; sed nullum animal felix esse sine fortitudine

ne, nisi contra fortuita conualuit, & omnes casus antequam exciperet, meditando prae-
munit. Quid est fortitudo? munimentum hu-
manae imbecillitatis inexpugnabile: quod qui
circumdedit sibi, securus in hac vitae obsidione
perdurat. Vtitur enim suis viribus, suis telis.
Hoc loco tibi Posidonij nostri sententiam re-
ferre volo: Non est quod vnquam fortunae ar-
mis putes esse te tutum: tuis pugna contra ip-
sam: fortuita non armant. Itaque contra hostes
instructi, contra ipsam inermes sunt. Alexander
quidem Persas, & Hyrcanos, & Indos, & quid-
quid gentium vsque in Oceanum extendit
Oriens, vastabat fugabatque: sed ipse modo
occiso amico, modo amisso, iacebat in tenebris
alias scelus, alias desiderium suum mærens, vi-
tor tot regum atque populorum, iræ tristitiæ-
que succubuit. Id enim egerat, vt omnia po-
tius haberet in potestate, quam affectus. O
quàm magnis homines erroribus tenentur, qui
ius dominandi trans maria cupiunt permitte-
re: felicissimosque se iudicant, si multas per
milites prouincias obtinent, & nouat veteribus
adiungunt, ignari quòd sit illud ingens parque
dijs regnum. Imperare sibi maximum impe-
rium est. Doceat me, quam sacra res sit iusti-
tia, alienum bonum spectans, nihil ex se pe-
tens, nisi vsum sui. Nihil sit illi cum ambi-
tione famaque: sibi placeat. Hoc ante omnia
sibi quisque persuadeat. Me iustum esse gratis
oportet. Parum est: adhuc illud persuadeat
sibi. Me in hanc pulcherrimam virtutem vt-
tro etiam impendere iuuet; vt tora cogitatio à
priuatis commodis quam longissime auersa
sit. Non est quod spectes, quod sit iustæ rei
premium maius, quam iustum esse. Illud ad-
huc

huc tibi affige, quod paullo ante dicebam: nihil ad rem pertinet, quam multi æquitatem tuam nouerint. Qui virtutem suam publicari vult; non virtuti laborat, sed gloriæ: Non vis esse iustus *sine gloria*? at mehercules sæpe iustus esse debebis cum infamia. Et tunc, si sapias, mala opinio bene parta delectat.

EPIST. CXIV.

Eloquentiam alias aliam esse, & placere; uti mores publici sunt, seueri, soluit, fracti. Ab animo colorem illam sumere; idque exemplo Mecanatis docet. Illum igitur curandum & fortandum esse; à quo sensus & verba deinde recta. Obiter contra luxuriam.

QUare quibusdam temporibus prouenerit corrupti generis oratio, quæris & quomodo in quædam vitia inclinatio ingeniorum facta sit, ut aliquando inflata explicatio vigeret, aliquando infracta, & in morem cantici ducta. Quare alias sensus audaces, & fidem egressi placuerint, alias abruptæ sententiæ & suspiciosæ, in quibus plus intelligendum est, quàm audiendum quare aliqua ætas fuerit quæ translationis iure vteretur inuerecunde. Hoc, quod audire vulgo soles, quod apud Græcos in prouerbum cessit; talis hominibus fuit oratio, qualis vita. Quemadmodum autem vniuscuiusque actio dicenti similis est, sic genus dicendi aliquando imitatur publicos mores. Si disciplina ciuitatis laborauit, & se in delicias dedit, argumentum est luxuriæ publicæ orationis lasciuiæ: si modo non in vno aut in altero fuit, sed approbata est, & recepta. Non potest alius esse ingenio, alius
animo

à disincto petabatur. Huic esse qui in tribu-
nali, in rostris, in omni publico cœtu sic appa-
ruerit, vt pallio velaretur caput, exclusis vtri-
que auribus, non aliter quam in Mimo diuites
fugitiui solent. Hunc esse cui, cum maxime ci-
uilibus bellis strepentibus, & sollicita vrbe & ar-
mata, comitatus hic fuerit in publico: Ip adones
duo, magis tamen viri quam ipse? Hunc esse,
qui vxorem millies duxit: cum vnam habuerit?
Hæc verba tam improbe structa, tam negligenter
obiecta, tam contra consuetudinem omnium
posita, ostendunt, mores quoque non minus no-
uos & prauas, & singulares fuisse. Maxima laus
illi tribuitur mansuetudinis: pepercit gladio,
sanguine abstinuit; nec vlla alia re, quid posset,
quam licentia ostendit. Hanc ipsam laudem
suam corruptit istis orationis portentissimæ
delicijs. Apparet enim mollem fuisse, non mi-
rem. Hoc istæ ambages compositionis, hoc ver-
ba transuersa, hoc sensus magni quidem sæpe,
sed enervati dum exeunt, cuius manifestum
facient; motum illi felicitate nimia caput; quod
vitium hominis esse interdum, interdum tem-
poris solet. Vbi luxuriam late felicitas fudit,
vultus primum corporum esse diligentior inci-
pit, deinde supellectili laboratur; deinde in ip-
sas domos impenditur cura, vt in laxitatem ru-
ris excurrant, vt parietes aduectis trans maria
marmoribus fulgeant, vt tecta varientur auro,
vt lacunaribus pauimentorum respondeat ni-
tor; deinde ad cœnas lautitia transfertur, & il-
lic commendatio ex nouitate & soliti ordinis
commutatione captatur; vt ea quæ claudere
cœnam solent, prima ponantur? vt quæ adue-
nientibus dabantur, exeuntibus dentur. Cum af-
fuerit animus fastidire quæ ex more sunt, & illi

pro fordidis solita sunt ; etiam in oratione quod nouum est , quærit : & modo antiqua verba atque exoleta reuocat & profert : modo fingit , & ignota defleat : modo id quod nupes increbuit pro cultu habetur , audax translatio , ac frequens . Sunt qui sensus præcitant , & hinc gratiam sperent , si sententia pependerit , & audienti suspicionem sui fecerit : sunt qui illos detineant , & porrigant : sunt qui non vsque ad vitium accedant (necesse est enim hoc facere , aliquid grande tentanti) sed qui ipsum vitium ament . Itaque vbicumque videris orationem corruptam placere , ibi mores quoque à recto deseuisse , non erit dubium . Quomodo conuiuorum luxuria , quomodo vestium , agræ ciuitatis indicia sunt : sic orationis licentia (si modo frequens est) ostendit animos quoque , à quibus verba exeunt , procidisse . Mirari quidem non debes corrupta excipi , non tantum à corona fordidiore , sed ab hac turba quoque cultiore . Togis enim inter se isti , non iudicijs distant . Hoc magis mirari potes , quod non tantum vitiosa , sed & vitia landantur . Nam illud semper factum est : nullum sine venia placuit ingenium . Da mihi quemcumque vis magni nominis virum : dicam , quid illi ætas sua ignouerit , quid in illo sciens dissimulauerit . Multos dabo , quibus vitia non nocuerint : quosdam , quibus profuerint . Dabo , inquam maximæ famæ & inter miranda propositus : quos si quis corrigit , delet . Sic enim vitia virtutibus immixta sunt , vt illas secum tractura sint . Adijce nunc , quod oratio certam regulam non habet . Consuetudo illam ciuitatis , quæ nūquam in eodem diu stetit , versat . Multi ex alieno sæculo petunt verba ; duodecim tabulas inquantur . Gracchus

chus illis, & Crassus, & Curio, nimis culti & recentiores sunt; ad Appium usque, & ad Cornelianum redeunt. Quidam contra, dum nihil nisi tritum & usitatum volunt infordes incidunt. Vtrumque diverso genere corruptum est, tam mehercules, quam si vellent splendidis uti, ac sonantibus, & poeticis; necessaria, & in usu posita vitare, tam hunc dicam peccare, quam illum. Alter se iusto plus colit, alter se iusto plus negligit: ille & crura, hic nec alias quidem vellit. Ad compositionem transeamus: quod genera tibi dabo in hac, quibus peccetur? Quidam præfractam & asperam probant: disturbant de industria, si quid placidus effluxit: nolunt sine salebra esse iuncturam; virilem putant & fortem, quæ aurem inæqualitate percutiat. Quorundam non est compositio: modulatio est: adeo blanditur, & molliter labitur. Quid de illa loquar, in qua verba differuntur, & diu expectata vix ad clausulas redduntur? Quid de illa in exitulenta, qualis Ciceronis est, deuexa, & molliter desinens, nec aliter quam solet, ad morem suum pedemque respondens? Non tantum in genere sententiarum vitium est, si aut pusillæ sunt, & pueriles, aut improbæ, & plus auriæ quam pudore saluo licet; sed si floridæ sunt, & nimis dulces, si in vatum exeunt, & sine effectu, nihil amplius quam sonant. Hæc vitia unus aliquis inducit, sub quo tunc eloquentia est; ceteri imitatur, & alter alteri tradunt. Sic Sallustio vigente, amputatæ sententiæ, & verba ante expectatum cadentia, & obscura breuitas, fuere pro culeu. Arruntius vir raræ frugalitatis, qui historias belli Punici scripsit, fuit Sallustianus, & in illud genus nitens. Est apud Sallustium; Exercitum argento fecit: id est, pe-

cuncta parauit . Hoc Arruntius amare cepit :
 posuit illud omnibus paginis . Dicit quodam
 loco : Fugam nostris fecere alio loco , Hicto
 Rex Siracusanorum , bellum facit . Et alio lo-
 co : Quæ audita Panormitanos dedere Roma-
 nis fecere . Gustum tibi dare volui . Totus his
 contextitur liber . Quæ apud Sallustium rara
 fuerunt , apud hunc crebra sunt , & pæne conti-
 nua , nec sine causa : ille enim in hæc incide-
 bat : at hic illa quærebat . Vides autem quid se-
 quatur , vbi alicui vitium pro exemplo est . Di-
 xit Sallustius : Aquis hiemantibus . Arruntius
 in primo libro belli Punici ait ; Repente hie-
 mauit tempestas : Et alio loco , cum dicere vel-
 let frigidum annum fuisse , ait : Totus hiema-
 uit annus . Et alio loco : Inde sexaginta onera-
 rias , leues , præter militem & necessarios nau-
 tarum , hiemante Aquilone misit . Non desinit
 omnibus locis hoc verbum in fulcire . Quodam
 loco Sallustius dicit : Inter arma ciuilia æqui-
 boni famas petit . Arruntius non temperauit
 quomius primo statim libros poneret : Ingen-
 tes esse famas de Regulo . Hæc ergo & huius-
 modi vitia , quæ alicui impressit imitatio , non
 sunt indicia luxuriæ , nec animi corrupti . Pro-
 pria enim esse debent , & ex ipso nata , ex quibus
 tu æstimes alicuius affectus . Iracundi hominis
 iracunda oratio est : commoti nimis incitata , de-
 licati tenera & fluxa . Quod vides istos sequi , qui
 aut vellunt barbam , aut interuellunt : qui labra
 pressius rondunt , & abradunt , seruata & submis-
 sa cetera parte ; qui lacernas coloris improbi su-
 munt , qui perlucenrent togam : qui nolunt face-
 re quidquam quod hominum oculis transire li-
 ceat . Irritant illos , & in se aduertunt : volunt vel
 reprehendi , dum conspici . Talis est oratio Ma-

conatis, omniumque aliorum, qui non casu errant, sed scientes volentesque. Hoc à magno animi malo oritur. Quomodo in vino non ante lingua titubat, quam mens cessit oneri, & inclinata vel prodita est: ita ista oratio (quid aliud quam ebrietas) nulli molesta est, nisi animus labat. Ideo ille curetur: ab illo sensus, ab illo verba exeunt, ab illo nobis est habitus, vultus, incessus. Illo sano ac valente, oratio quoque robusta, fortis, virilis est: si ille procubit, & cetera sequuntur ruinam.

..... *Rege incolumi, mens omnibus una est.*

Amisso, rudere fidem.

Rex noster est animus: hoc incolumi, cetera manent in officio, parent & obtemperant: cum ille paullum vacillauit, simul dubitant. Cum verò cessit voluptati, artes quoque eius actusque marcent, & omnis ex languido fluidoque conatus est. Quoniam hac similitudine usus sum, perseuerabo. Animus noster modo rex est, modo tyrannus: rex, cum honesta intuetur, salutem sibi commissi corporis curat, & illi nihil imperat turpe, nihil sordidum: ubi verò impotens, cupidus, delicatus est, transiit in nomen detestabile ac ditum, & fit tyrannus. Tunc illum excipiunt affectus impotentes, instantque: qui initio quidem gaudet, ut solet populus largitione nocitura frustra plenus, & quæ non potest haurire, contrectat. Cum verò magis ac magis vires morbus excedit, & in medullas nervosque descendere deliciae: conspectu eorum, quibus se nimia auiditate inutilem reddidit, lætus, pro suis voluptatibus habet spectaculum, alienarum subministrator libidinum, testisque, quarum sibi usum ingerendo abstulit, nec illi tam gratum est abundare incutendis, quam acerbū, quod non on-

nem illū apparatus per gulam ventremque trans-
mittit: non cum omni exoletorum feminarum-
que turba conuolucatur: moeretque, quod ma-
gna pars suæ felicitatis exclusa corporis angu-
stijs, cessat. Numquid enim, mi Lucili, hic fu-
ror est, quod nemo nostrum mortalem se cogi-
tat? quod nemo imbecillum? imo quod nemo
nostrum vnum esse se cogitat? Adspice culinas
nostras, & concursantes inter torighes coquos
nostros: vnum videri putas ventrem, cui tanto
tumultu comparatur cibus? Adspice veterana
nostra, & plena multorum sæculorum vinde-
mijs horrea: vnum putas videri ventrem, cui
tot consulum regionumque vina conduntur?
Adspice quot locis vertatur terra, quot millia
coloniam arant, fodiant: vnum putas videri
ventrem, cui & in Sicilia, & in Africa feritur?
Sani erimus, & modica concupiscemus, si vnus-
quisque se numeret: metiatur simul corpus,
sciatque, nec multum capere, nec diu posse.
Nihil tamen æque tibi profuerit ad temperan-
tiam omnium rerum, quam frequens cogitatio
brevis æui, & huius incerti. Quidquid facies
respice ad mortem.

EPIST. CXV.

Contra nimis sermonis aut stili anxios: &
minuti hoc animi esse. Cum fiducia scriben-
dum loquendumque, sine quaesito ornati.
Quem in animo potius spectat. O qualis ille,
ubi Virtutes eum excoluerunt: omnes in
amorem rapiat, si conspici possit. At exter-
nus iste splendor falsus, aut nihil est: item
aurum omne & pecunia, quæ miramur. Non
faciunt hæc felices, aut securos; imo & mise-
ros, & miserandos.

Nimis anxium esse te circa verba & compositionem, mi Lucili, nolo, habeo maiora quæ cures. Quære quid scribas, non quemadmodum: & hoc ipsum, non ut scribas, sed ut sentias, ut illa quæ senseris, magis applices tibi, & veluti signes. Cuiuscumque orationem videris sollicitam & politam, scito, animum quoque non minus esse pusillis occupatum. Magnus ille remissius loquitur, & securius; quæcumque dicit, plus habent fiduciæ, quam curæ. Nosti complures iuvenes, barba & comanitidos, de capsula totos; nihil ab illis speraueris forte nihil solidum. Oratio vultus animi est; si circumtonsa est, & fucata, & manufacta, ostendit illum quoque non esse sincerum, & habere aliquid fracti. Non est ornamentum virile, concinnitas. Si nobis animum boni viri liceret inspicere, o quam pulchram faciem, quam sanctam, quam ex magnifico placidoque fulgentem videremus? hinc iustitia, illinc fortitudine, hinc temperantia prudentiaque lucentibus. Præter has frugalitas, & continentia, & tolerantia, & libertas, comitasque, & (quis credat) in homine rarum humanitas bonum, splendorem illi suum affunderent. Tum providentia, tum elegantia, & ex istis magnanimitas eminentissima quantum, dii boni, decoris illi, quantum ponderis, gravitatisque adderent? quanta esset cum gratia auctoritas? Nemo illum amabilem, qui non simul venerabilem diceret. Si quis viderit hanc faciem, altiore fulgentioreque, quam cerni inter humana conlucuit, nonne velut numinis occursum obstupescens resistat, & ut fas sit, vidisse, tacitus precetur? Tum advocante ipsū vultus benignitate productus, adoret ac supplex, & diu contemplatus multum ex-

stantem, supraque mensuram solitorum inter
nos adspici, elatam, oculis miri quidem, sed
nihilominus viuido igni flagrantibus, tunc de-
num illam Virgilij nostri vocem verens atque
attonitus emittat,

*O quam te mauprem virgo: namque haud si-
bi vultus*

Morsalis, nec vox hominem sonas . . .

*Sis felix, nostrumque lenes quaecumque labo-
rem.*

Aderit, leuabitque, si colere eam voluerimus.
Colitur autem non taurorum opimis corpori-
bus contrucidatis, nec auro argentoque suspen-
so, nec in thesauros stipe infusa, sed pia & re-
cta voluntate. Nemo, inquam, non amore
eius arderet, si nobis illam videre contingeret.
Nunc enim multa obstrigillant, & aciem no-
stram aut splendore nimio repereutiunt, aut
obscurato retinent. Sed si quemadmodum visus
oculorum quibusdam medicamentis acui solet,
& repurgari: sic & nos, si aciem animi liberare
impedimentis voluerimus, poterimus perspicere
virtutem, etiam obruptam corpore, etiam
paupertate opposita, & humilitate & infamia
obiacentibus. Cernemus, inquam, pulchritudi-
nem illam, quamnis sordido obtectam. Rursus
æque malitiam, & ærumnosi animi veterum
perspicemus: quamvis multus circa diuitiarum
radiantium splendor impediatur, & intuentem,
hinc honorum, illinc magnarum potestatum
falsa lux verberet. Tunc intelligere nobis lice-
bit, quam contemnenda miremur, simillimi
pueris quibus omne ludicrum in pretio est. Pa-
rentibus quippe, nec minus fratribus, præferunt
paruo ære emptæ monilia. Quid ergo inter nos
& illos interest, ut Aristo ait, nisi quod nos circa

tabulas & statuas infanimus, carius inepti? Illos reperti in littore calculi leues, & aliquid habentes varietatis delectant, nos ingentium maculæ columnarum, siue ex Ægyptijs arenis, siue ex Africæ solitudinibus aduectæ, porticam aliquam vel capacem populi carnationem ferunt. Miramur parietes tenui marmore inductos: eum sciamus, quale sit, quod absconditur: oculis nostris imponimus. Et cum auro tecta perfundimus, quid aliud quàm mendacio gaudemus? scimus enim sub illo auro fœda ligna latitare. Nec tantum parietibus aut lacunaribus ornamentum tenue prætenditur: omnium istorum quos incidere altos vides, bracteata felicitas est. Inspice, & disces sub ista tenui membrana dignitatis, quantum mali lateat. Hæc ipsa res tot magistratus, tot iudices detinet, quæ magistratus & iudices facit, pecunia; quæ ex quo in honore esse cœpit, verus rerum honor cecidit mercatoresque & venales inuicem facti, quærimus, non quale sit quidque, sed quanti. Ad mercedem pii sumus, ad mercedem impij. Honestæ, quamdiu aliqua illis spes inest, sequimur: in contrarium transitori, si plus scelera promittat. Admirationem nobis parentes auri argentique fecerunt: & teneris infusa cupiditas alius sedit, creuitque nobiscum. Deinde totus populus in alia discors, in hoc conuenit: hoc suspiciunt, hoc suis optant, hoc Dij velut rerum humanarum maximum, cum grati videri volunt, consecrant. Deniq; eo mores redacti sunt, ut paupertas maledicta, probroque sit, contempta diuitibus, inuisa pauperibus. Accedunt deinde carmina poetarum, quæ affectibus nostris faciem subdant, quibus diuitiæ velut vnicum vitæ decus ornamentumque laudantur. Nihil illis melius

nectare videntur Dij immortales posse, nec habere.

*Regia solis erat sublimibus alta columnis,
Clara amicante auro.*

Eiusdem currum adspice.

*Aureus axis erat, temo aureus, aurea summa
Curvatura rotæ, radiorum argenteus ordo.*

Denique quod optimum videri volunt seculum, aureum appellant. Nec apud tragicos defunt, qui lucro innocentiam, salutem, opinionem bonam mutant.

Sine me vocari pessimum, ut dives vocer.

An dives, omnes querimus: nemo, an bonus.

Non quare, unde: quid habeas, tantum rogant.

Ubique tanti quisque, quantum habuit, fuit.

Quid habere nobis turpe sit, queris: nihil.

Aut dives opto vivere, aut pauper mori.

Bene moritur, qui, dum moritur, lucrum facit.

Pecunia ingens generis humani bonum,

Cui non voluptas matris, aut blandæ potest

Par esse prolis, non sacer meritis parens.

Tam dulce si quid Veneris in Fultu micat,

*Merito illa amores celitum atque hominum
mouet.*

Cum hi nouissimi versus in tragœdia Euripidis pronunciati essent, totus populus ad eiciendum & actorem & carmen confurrexit vno impetu: donec Euripides in medium ipse profluit, petens, ut exspectarent viderentque quem admirator auri exitum faceret. Dabat in illa fabula pœnas Bellerophontes, quas in sua quisque dat. Nulla enim auaritia sine pœna est, quamuis satis sit ipsa pœnarum. O quantum lacrimarum, o quantum laborum exigit! quam misera desideratis, quam misera patis est! Adijce quotidianas sollicitudines, quæ pro mo-

do habendi quemque discruciant. Maiore tormento pecunia possidetur, quam quaeritur. Quantum damnis singemiscunt; quæ & magnæ incidunt, & maiora videntur? denique ut nihil illis fortuna detrahat, quidquid non acquiritur, damnum est. At felicem illum homines, & diuitem vocant; & consequi optant, quantum ille possidet. Fateor. Quid ergo? tu illos esse conditionis peioris existimas, quam qui habent & miseriam, & inuidiam? Utinam qui diuitias appetituri essent, cum diuitibus deliberarent! utinam honores perituri, cum ambitiosis, & summum adeptis dignitatis statum! profecto vota mutassent: cum interea illi noua suscipiunt, qui priora damnauerant. Nemo enim est cui felicitas sua, etiamsi cursu venit, satisfaciat. Queruntur & de consilijs, & de processibus suis: maluntque semper, quæ reliquerunt. Itaque hoc tibi philosophia præstabit, quo equidem nihil maius existimo: nunquam te poenitebit tui. Ad hanc tam solidam felicitatem, quam tempestas nulla concutiat, non perducent te apte verba contexta, & oratio fluens leniter. Eant ut, volent, dum animo compositio sua constet, dum sit magnus, & opinionum securus; & ob ipsa quæ alijs displicent, sibi placens: qui profectum suum vita æstimet, & tantum scire se iudicet, quantum non cupit, quantum non timet.

EPISTOLÆ CXVI.

Contra Peripateticos, excindendos affectus, non temperandos esse: neque à Natura induci. A mollitie sententiam aduersam nasci.

Vtrum satius sit, modicos habere affectus, an nullos, sæpe quæsitum est. Nostri illos expel-

hant: Peripatetici temperant. Ego non video, quomodo salubris esse aut utilis possit vlla mediocritas morbi. Noli timere: nihil eorum, quæ tibi non vis negari, eripio: facilem me, indulgentemque præbebo rebus, ad quas tendis, & quas aut vitæ necessarias, aut vtilis, aut iucundas putes: detrahā vitium. Nam cum tibi cupere interdixero, velle permittam: vteadem illa intrepidus facias, vt certiore consilio, vt voluptates illas magis sentias. Quidni? ad remagis peruenturæ sunt, si illis imperabis, quam si seruiēs. Sed naturale est, inquis: vt desiderio amici torquear: da ius lacrimistam iuste cadentibus. Naturale est opinionibus hominum tangi, & aduersis contristari: quare non permittas mihi hunc tam honestum malæ opinionis metum? Nullum vitium est sine patrocinio: nulli non initium est verecundum & exorabile, sed ob hoc latius funditur. Non obtinebis vt desinas, si incipere permiseris. Imbecillus est primū omnis affectus, deinde ipse se concitat & vires dum procedit, parat: excluditur facilius, quam expellitur. Quis negat omnes affectus a quodam quasi naturali fluere principio? curam nobis nostri natura mandauit: sed huic vbi nimium indulseris, vitium est. Voluptatem natura necessarijs rebus admiscuit, non vt illam peteremus, sed vt ea sine quibus non possumus viuere, gratiora nobis illius faceret accessio: si suo veniat iure, luxuria est. Ergo intransibiles resistamus: quia facilius, vt dixi, non recipiuntur quam exeunt. Aliquaatenus, inquis, dolere aliquaatenus timere permitte: sed illud aliquaatenus longe producit, nec vbi vis accipit finem. Sapienti non solite custodire se tutum est: & lacrimas suas & voluptates, vbi volet sistet.

fisset. Nobis quia non est regredi facile, optimum est omnino non progredi. Eleganter mihi videtur. Panætius respondisse adolescentulo cuidam quærenti. An sapiens amatores esset? De sapienter inquit videbimus: mihi & tibi, quæ adhuc sapientia longe absumus, non est committendum, ut incidamus in rem commotam, impotentem, alteri emancipatam, vilem sibi. Siue enim nos respexi, humanitate eius irritamur; siue contempsit, superbiam accendimus. Æque facilitas amoris, quam difficultas nocet. facilitate capimus, cum difficultate tentamus. Itaque conscij nobis imbecillitatis nostræ, quiescamus, Nec vino infirmum animum committamus, nec formæ, nec adulationi, nec ullis rebus blanda trahentibus. Quod Panætius de amore quærenti respondit, hoc ego de omnibus dico. Quantum possumus nos, à lubrico recedamus: in sicco quoque parum fortiter stamus. Occurres hoc loco mihi ista publica contra Stoicos voce. Nimis magna promittitis, nimis dura præcipitis: nos homunciones sumus, omnia nobis negare non possumus. Dolebimus, sed parum: concupiscemus, sed temperate: irascemur, sed placabimur. Scis quare non possumus ista? quia nos posse non credimus. Imo mehercules, aliud est in re. Vicia nostra, quia amamus, defendimus, & malumus excusare illa, quàm excutere. Satis natura homini dedit roboris, si illo utamur, si vires nostras colligamus, ac totas pro nobis, certe non contra nos concitemus. Nolle in causa est: non posse prætenditur.

EPIST. CXVII.

Questiuncula, An, cum Sapientia bonum sit, etiam sapere? Stoici istud vulgo negant.

alii afferunt, & ipse istis pronior. Denique amolitur hæc superuacua, & ad formationem morum serio vocat.

MUltum mihi tibi que negotij concinnabis, & dum nescis, in magnum me litem ac modestiam impinges, qui mihi tales quæstiones ponis, in quibus ego nec dissentire à nostris salua gratia, nec consentire salua conscientia possum. Quæris, an verum sit, quod Stoicus placet, Sapientiam bonum esse, sapere bonum non esse? Primum exponam, quid Stoicis videatur: tum dicere sententiam audebo. Placet nostris, quod bonum est, esse corpus: quia quod bonum est, facit: quidquid facit, corpus est. Quod bonum est, prodest: faciat autem aliquid oportet, ut prosit: si facit, corpus est. Sapientiam bonum esse dicunt: sequitur, ut necesse sit illam corporalem quoque dicere. At sapere non putant eiusdem conditionis esse. Incorporale est & accidens alteri, id est, sapientiæ: itaque nec facit quidquam, nec prodest. Quid ergo inquirunt, non dicimus, Bonum est sapere? dicimus, referentes ad id ex quo pendet, id est, ad ipsam sapientiam. Aduersus hos quid ab alijs respondeatur, audi, antequam ego incipio secedere, & in alia parte considerare. Isto modo, inquirunt, nec beatè viuere bonum est. Velint nolint, respondendum est, beatam vitam bonum esse, & beatè viuere bonum non esse. Etiamnum quoque nostris illud opponitur. Vultis sapere? ergo expetenda res est, sapere: si expetenda res est, bonum est. Coguntur nostri verba torquere, & vnam syllabam expetendo interponere, quam sermo noster inferi non sinat. Ego illam si pateris, adiungam. Expeten-

tendum est, inquiunt, quòd bonum est: ad ex-
petendum, quòd bone contingit: quòd, cum
bonum, consecuti sumus, non petitur tamquam
bonum, sed petito bono accedit. Ego non idem
sentio, & nostros iudico in hoc descendere: quia
iam primo vinculo tenentur, & mutare illis for-
mulam non licet. Multum dare solemus præ-
sumptioni omnium hominum. Apud nos veri-
tatis argumentum est, aliquid omnibus videri,
tamquam deos esse, inter alia sic colligimus
quòd omnibus de dijs opinio infira est: nec vlla
gens vsquam est adeò extra leges moresque
proiecta, vt non aliquos deos credat. Cum de
animarum æternitate differimus, non leue mo-
mentum apud nos habet consensus hominum,
aut timentium inferos, aut colentium. Vtor hac
publica persuasione: neminem inuenies, qui
non putet & sapientiam bonum, & sapere. Non
faciam quòd victi solent, vt prouocem ad popu-
lum nostris incipiemus armis configere. Quòd
accidit alicui: vtrum extra id cui accidit est an
in eo cui accidit? Si in eo est cui accidit, tam
corpus est, quàm illud cui accidit. Nihil enim
accidere sine tactu potest: quòd tangit, corpus
est. Si extra est, postquam acciderat, recessit:
quòd recessit, morum habet: quòd morum ha-
bet, corpus est. Speres me dicturum, non esse
aliud cursum, aliud currere; nec aliud calorem,
aliud calere: nec aliud lucem, aliud lucere.
Concedo ista alia esse, sed non fortis alterius.
Si valetudo indifferens est: & valere indiffe-
rens est. Si forma indifferens est: & formosum
esse indifferens est. Si iustitia bonum est: &
iustum esse bonum est. Si turpitudine malum
est: & turpem esse malum est: tam mehercules
quàm si lippitudo malum est, & lippire malum
est

est. Hoc ut scias, neutrum esse sine altero potest. Quod sapit, sapiens est: quod sapiens est, sapit. Adeo non potest dubitari, an quale illud sit, tale hoc sit, ut quibusdam utrumque vnum videatur atque idem. Sed illud libenter quaesierim: Cum omnia aut bona sunt, aut mala, aut indifferentia, sapere in quo numero sit? Bonum, negant esse: malum utique non est: sequitur, ut medium sit. Id autem medium atque indifferens vocamus, quod tam malo contingere, quam bono potest: tanquam pecunia forma, mobilitas. Hoc, ut sapiat, contingere nisi bono non potest: ergo indifferens non est. Arqui ne malum quidem est; quod contingere malo non potest: ergo bonum est. Quod nisi bonus non habet bonum est: sapere non nisi bonus habet: ergo bonum est. Accidens est, inquit, sapientiae. Hoc ergo quod vocas sapere, utrum facit sapientiam, an patitur? siue facit illud, siue patitur, utroque modo corpus est. Nam & quod sit, & quod facit, corpus est: si corpus est bonum est: vnum enim deerat illi, quo minus bonum esset, quod incorporale erat. Peripateticis placet, nihil interesse inter sapientiam & sapere, cum in utrolibet eorum & alterum sit. Numquid enim quemquam existis sapere, nisi qui sapientiam habet? Numquid quemquam qui sapiat, non putas habere sapientiam? Dialectici veteres ista distinguunt: ab illis diuisio usque ad Stoicos venit, Qualis sit hæc, dicam. Aliud est ager, aliud agrum habere. Quid ni? eum habere agrum ad habentem, non ad agrum pertineat. Sic aliud est sapientia, aliud sapere. Puto concedes duo esse hæc, id quod habetur, & eum qui habet; & resurgetur ea habet, qui sapit. Sapientia est mens perfecta,

vel

vel ad summum optimumque perducta : ars enim vitæ est . Sapere quid est ? non possum dicere mens perfecta , sed id quod contingit perfectam mentem habenti . Ita alterum, est mens bona : alterum quasi habere mentem bonam . Sunt, inquit , naturæ corporum : tanquam, hic homo est hic equus : has deinde sequuntur motus animorum enunciativum corporum . Hi habent proprium quiddam, & à corporibus seductum : tanquam , video Catonem ambulans : hoc sensus ostendit , animus credit . Corpus est quod video , cui & oculos , & animum intendi . Dico deinde . Cato ambulat non corpus quidem est quod nunc loquor , sed enunciativum quiddam de corpore : quod alij effatum vocant , alij enunciatum , alij edictum . Sic cum dicimus sapientiam , incorporale quiddam intelligimus : cum dicimus . Sapit : de corpore loquimur . Plurimum autem interest , vtrum illud dicas, an de illo . Putemus in præsentia ista duo esse : nondum enim quid mihi videatur , pronuncio : quid prohibet , quo minus aliud quidem sit , sed nihilominus bonum ? Dicebas paullo ante , aliud esse agrum , aliud habere agrum . Quid ni ? in alia enim natura est quæ habet , in alia quod habetur : illa terra est , hic homo est . At in hoc de quo agitur ; eiusdem naturæ sunt utraque , & qui habet sapientiam, & ipsa quæ habetur . Præterea illic aliud est quod habetur , alius qui habet : hic in eodem est, & quod habetur & qui habet . Ager iure possidetur : sapientia natura , ille ab alienari potest , & alteri tradi : hæc non discedit à domino . Non est itaque quod compares inter se dissimilia . Ceperam dicere , posse ista duo esse , tamen utraque bona . Sapientia , & sapiens duo sunt, & utrumque

que

que bonum esse concedis. Quomodo nihil obstat, quo minus & sapientia bonum sit; & habens sapientiam: sic nihil obstat, quo minus & sapientia bonum sit; & habere sapientiam, id est, sapere. Ego in hoc volo sapiens esse, ut sapiam: Quid ergo? non est id bonum, sine quo nec illud bonum est? Vos certe dicitis, sapientiam, si sine usu detur, accipiendam non esse. Quis est usus sapientiæ? Sapere hoc est in illa pretiosissimum? quo detracto, superuacua fit. Si tormenta mala sunt, torqueri malum est: ad eundem, ut illa non sint mala, si quod sequitur, detraxeris. Sapientia habitus perfectæ mentis est: sapere, usus perfectæ mentis. Quomodo potest usus eius bonum non esse, quæ sine usu bonum non est? Interrogo te, an sapientia sit expetenda: fateris. Interrogo, an usus sapientiæ sit expetendus fateris: negas enim te illam recepturum, si uti ea prohibearis: quod expetendum est, bonum est. Sapere, sapientiæ usus est: quomodo eloquentiæ, loqui: quomodo oculorum videre: ergo sapere, sapientiæ usus est: usus autem sapientiæ expetendus est: sapere ergo expetendum est: si expetendum est, bonum est. Olim ipse me damno, qui illos imitor dum accuso; & verba aperta rei impendo. Cui enim dubium potest esse, quin si æstus malum est, & æstuari malum sit? si calor malum est, malum sit algere? si vita bonum est, & vivere bonum est? Omnia ista circa sapientiam, non in ipsa sunt: at nobis in ipsa commorandum est, etiam si quid euagari libet, amplius habet illa spatiososque secessus. De deorum natura quæramus; de siderum alimento, de his tam varijs stellarum discursibus; an ad illarum motus nostra moueantur corpora, an corporibus omnium,

animum, animisque illinc impetus veniat. An & hæc quæ fortuita dicuntur, certa lege constita sint, nihilque in hoc mundo repentinum, aut expers ordinis volutetur. Ista iam à formatione morum recesserunt: sed leuant animum, & ad ipsarum quæ tractant rerum magnitudinem attollunt. Hæc verò de quibus paulò ante dicebam, minuunt, & deprimunt, nec ut putas exacuunt, sed extenuant. Obsecro vos, cur tam necessariam curam maioribus melioribusque debitam, in re nescio an falsa, ceriè inutili, terimus? Quid mihi profuturum est scire, an aliud sit sapientia, aliud sapere? quid mihi profuturum est scire, illud bonum esse, hoc non esse? Temere me geram, subibo huius voti aleam: tibi sapientia, mihi sapere contingat: pares erimus. Potius id age, ut mihi viam monstrés, qua ad ista perueniam. Dic mihi quid vitare debeam, quid appetere: quibus animum labantem studijs firmem; quemadmodum quæ me ex transuerso ferunt aguntque procul à me repellam. Quomodo par esse tot malis possim: quomodo istas calamitates remoueam, quæ ad me irruerunt: quomodo illas, ad quas ego irrupi. Doce, quomodo feram ærurnam sine gemitu meo, felicitatem sine alieno: quomodo vltimum necessarium vitæ terminum non expectem, sed ipsemet, cum visum erit, profugiam. Nihil mihi videtur turpius, quàm optare mortem. Nam si vis viuere: quid optas mori? si non vis quid deos rogas, quòd tibi nascenti dederunt? Nam ut quandoque moriaris, etiam inuito positum est: ut cum voles, in tua manu est. Alterum tibi necesse est, alterum licet: Turpissimum his diebus principium differri mehercules viri legi: Ita, inquit, quàm primum mo-

moriar. Homo demens, optas rem tuam. Itaque quam primum moriar. Fortasse inter has voces senex factus es. Alioqui quid in mora est? nemo te tenet, euade qua vilum est. Elige quamlibet rerum naturae partem, qua tibi praebent exitum iubeas. Haec nempe sunt elementa, quibus hic mundus administratur, aqua, terra, spiritus. Omnia ista tam causa viuendi sunt, quam viae mortis. Itaque quamprimum moriar. Quamprimum istud quod esse vis? quem illi diem ponis? citius fieri quam optas potest. Imbecille mentis ista sunt verba, & hac detestatione misericordiam captantis. Non vult mori, qui optat. Deos vitam roga, & salutem: si mori placuit hic mortis ex fructus, optare desinere. Haec mi Lucili, tractamus, his formemus animum. Haec est sapientia, hoc est sapere, non disputatiunculis manibus subtilitatem vanissimam agitare. Tot quaestiones tibi fortuna posuit: nondum illas soluisti: iam cauillaris. Quam stultum est, cum signum pugnae acceperis, ventitare? remoue ista luforia arma, decretoriis opus est. Dic qua ratione nulla animum tristitia, nulla fortitudo perturbet: qua ratione hoc secretarum cupiditatum pondus effundam. Agatur aliquid. Sapientia bonum est, sapere non est bonum. Sic sit, negemus, sapere bonum esse: ut hoc totum studium derideatur, tanquam operatum superuacuis. Quid si scires etiam illud quaeri, an bonum sit futura sapientia? Quid enim dubi? est, oro te, an nec mellē futuram iam sentiant horrea, nec futuram adolescentiam pueritia viribus aut villo robore intelligat? Aegro interim nihil ventura sanitas prodest, non magis, quam currentem luctantemque post multos secuturum sensus orium reficit. Quis ne scis

hoc

hoc ipso non esse bonum id quo futurum est, quia futurum est? nam quod bonum est, utique prodest: nisi præsentia prodesse non possunt. Si non prodest, bonum non est utique: si prodest, iam est. Futurus sum sapiens: hoc bonum erit, cum fuero: interim non est. Prius aliquid esse debet, deinde quale esse, quomodo, ore te, quod adhuc nihil est, iam bonum est? Quomodo autem tibi magis vis probari, non esse aliquid, quam si dixerò, futurum est? nondum enim venisse apparet, quod venit. Ver secuturum est; scio nunc hiemem esse; æstas secutura est; scia estatem non esse. Maximum argumentum habeo nondum præsentis, futurum esse. Sapiam spero, sed interim non sapio, si illud bonum haberem, iam hoc carerem malo. Futurum est, ut sapiam: ex hoc licet nondum me sapere intelligas, non possum simul & in illo bono, & in hoc malo esse. Duo ista non coeunt, nec apud eundem sunt vna, bonum & malum. Transcurramus solertissimas nugas, & ad illa quæ nobis aliquam opera sunt latura properemus. Nemo qui obstetricem parturienti filiæ sollicitus accersit, edictum & ludorum ordinem perlegit, nemo quid ad incendium domus suæ currit, tabulam latrunculariam perspicit, ut sciat quomodo alligatus exeat calculus. At me hercules omnia tibi undique nunciantur, & incendium domus, & periculum liberorum, & obsidium patriæ, & bonorum direptio, adijce istis naufragium motusque terrarum, & quidquid aliud timeri potest. Inter ista districtus, rebus, nihil aliud quam amicum oblectantibus, vacas? Quid inter sapientiam, & sapere intersit, inquiris? nodos nectis ac soluis, tanta mole impendente capiti tuo? Non tam benignum ac li-

be-

berale tempus natura nobis dedit, ut aliquid ex illo vacet perdere: & vide, quam multa etiam diligentissimis pereant. Aliud valetudo sua cuique abstulit, aliud suorum: aliud necessaria negotia, aliud publica occupauerunt: vitam nobiscum diuidit somnus. Ex hoc tempore tam angusto, & rapido, & nos auferente, quid iuuat maiorem partem mittere in vānum? Adijce nunc, quod assuescit animus delectare se potius, quam sanare, & philosophiam oblectamentum facere, tūc remedium sit. Inter sapientiam & sapere quid intersit, nescio; scio mea non interesse, sciam ista, an nesciam. Dic mihi quid, cū inter sapientiam, & sapere intersit, didicero, sapiam? Cur ergo potius inter vocabula me sapientiæ detines, quam inter opēra? Fac me fortiozem, fac me securiorem, fac fortunæ parem, fac superiorem, postea autem superiorem; ille, si fecero omne quod discō.

EPIST. CXVIII.

Inanes epistolas nolle se scribere; potius monitorum vitium vberes & iam facit. Suadet sua, non aliena tractare, à Fortuna nihil petere, nec ab ea pendere. Verum bonum querendum, & quid illud sit, definitum. Item quod quid ab Honeste differat. Omne bonum, secundum Naturam esse, nec tamen quidquid secundum Naturam, Bonum.

EXigis à me frequentiores epistolas. Rationes conferamus: soluendo non eris. Conuenerat quidem, ut tua priora essent; tu scriberes, ego rescriberem, sed non ero difficilis; bene credi tibi scio, itaque in antecessum dabo. Nec faciam, quod Cicero vir disertissimus facere Atticum iubet, ut etiam si rem nullam habebit, quod

quod in buccam venerit, scribat. Nunquam potest deesse quod scribam, ut omnia illa quæ Ciceronis implevit epistolas, transeam: quis candidatus laboret, quis alienis, quis suis viribus puet, quis consularum fiducia Cæsaris, quis Pompeij, quis ab se petat: quam durus sit fenerator Cæcilius, à quo minoris centesimis propinqui nummum mouere non possunt. Sua satius est mala, quam aliena tractare; se excutere, & videre, quam multarum rerum candidatus sit, & non suffragari. Hoc est, mi Lucili, egregiū hoc securum ac liberum, nihil petere, & tota fortunæ comitia transire. Quam putas esse iucundum, tribubus vocatis, cum candidati in templis suis pendeant, & alius nummos pronunciet alius per sequestrum agat, alius eorum manus oculis conterat, quibus designatus contingendæ manum negaturus est, omnes attoniti, vocem præconis expectant; stare otiosum, & spectare illas nundinas, nec ementem quidquam, nec vendentem? Quanto hic maiore gaudio fruatur, qui non prætoria, aut consularia comitia securus intuetur, sed magna illa, in quibus alij honores anniuersarios petunt, alij perpetuas potestates, alij bellorum euentus prosperos triumphosque, alij diuitias, alij matrimonia ac libero, alij salutem suam suorumque! quæ sit animi res est, solum nihil petere, nulli supplicare, & dicere: Nihil mihi tecum fortuna: non facio mei tibi copiam: scio apud te Catones repelli, Vatinios fieri: nihil rogo. Hoc est priuata facere fortunam. Libet ergo hæc inuicem scribere, & hanc integram semper egerere materiam, circumspicientibus tot millia hominū inquieta: qui ut aliquid pestiferi consequantur, per mala nituntur in malum, petuntque mox fugiēda, aut etiam

etiam fastidienda. Cui enim assecuto satis fuit, quod optanti nimium videbatur? Non est, ut existimant homines, auida felicitas, sed pusilla: itaque neminem faciat. Tu ista credis excelsa, quia longe ab illis iaces: ei vero qui ad illa peruenit, humilia sunt. Mentior, nisi adhuc quærit adscendere. Istud quod tu summum putas, gradus est. Omnes aut male habet ignorantia veri: tanquam ad bona seruntur, deceptis rumoribus. Deinde mala esse, aut inania, aut minora quam separauerint, adepti ac multa passi vident: maiorque pars miratur ex intervallo fallentia, & vulgo magna pro bonis sunt. Hoc ne nobis quoque eueniat, quæramus quid sit bonum. Varia eius interpretatio fuit. Finiuit hoc alius alio modo, alius illud aliter expressit. Quidam ita finiunt: Bonum est, quod inuitat animos quod ad se vocat. Huic statim opponitur: Quid si inuitat quidem, sed in perniciem? scis quàm multa mala, blanda sint. Verum, & verisimile, inter se differunt ira: Quod bonum est, vero iungitur: non est enim bonum, nisi verum est. At quod inuitat ad se & allicit facit, verisimile est: subrepat, sollicitat, attrahit. Quidam ita finierunt: Bonum est, quod appetitionem sui mouet, vel quod imperum animi tendentis ad se mouet. Et huic idem opponitur: multa enim imperum animi mouent, quæ petuntur petentium malo. Melius illi qui sic finierunt: Bonum est quod ad se imperum animi secundum naturam mouet: & ita demum petendum est, cum cœpit esse expetendum. Iam & honestum est: hoc enim perfecte est petendum. Locus ipse me admonet, ut, quid intersit inter bonum honestumque, dicam. Aliquid inter se habent mixtum, & inseparabile:

nec potest bonum esse, nisi cui aliquid honestū
 inest: & honestum utique bonum est. Quod er-
 go inter duo interest? Honestum est perfectum
 bonum, quo beata vita completur, cuius conta-
 ctu alia quoque bona fiunt. Quod dico, tale est.
 Sunt quædam neque bona, neque mala: tanquam
 militia, legatio, iurisdictio. Hæc cum honeste
 administrata sunt, bona esse incipiunt, & ex du-
 bio in bonum transeunt. Bonum societate hone-
 sti sit, honestum per se bonum est. Bonum ex
 honesto fluit, honestum ex se est. Quod bonum
 est malum esse potuit: quod honestum est, nisi
 bonum esse non potuit. Hanc quidam finitio-
 nem reddiderunt: Bonum est quod secundum
 naturam est. Attende quid dicam. Quo bonum
 est, & secundum naturam est: non protinus quod
 secundum naturam est, & bonum est. Multa
 quidem naturæ consentiunt: sed tam pusilla
 sunt, ut non conuenia illis boni nomen. Leuia
 enim sunt, & contemnenda, nullum, nec mini-
 mum contemnendum bonum. Nam quamdiu
 exiguum est, bonum non est: cum bonum esse
 cæpit, non exiguum est. Vade aliquid cogno-
 scitur bonum? si perfecte secundum naturam
 est. Fateris, inquis quod bonum est, secundum
 naturam esse: hæc eius proprietas est. Fateris
 & alia secundum naturam quidem esse; sed
 bona non esse. Quomodo ergo illud bonum
 est, cum hæc non sint? quomodo ad aliam pro-
 prietatem peruenit, cum utrique præcipuum
 illud commune sit, secundum naturam esse?
 ipsa scilicet magnitudine. Nec hoc nouum
 est, quædam crescendo mutari. Infans fuit
 factus est pubes; alia eius proprietas fit: ille
 irrationalis est, hic rationalis. Quædam in-
 cremento non tantum in maius exiunt, sed in
 aliud.

aliud. Non sit, inquit, aliud quod maius sit. Vtrū lagenam an dolium impleas vino, nihil refert: in utroque proprietas vini est. Exiguum mellis pondus, & magnum, sapore non differt. Diuersa ponis exempla: in istis enim eadem qualitas est: quamuis augeantur, manent. Quædam amplificatio in suo genere, in sua proprietate perdurant: quædam post multa incrementa, vltima demum vertit adiectio, & nouam illis, aliamque quam in qua fuerant, conditionem imprimit. Vnus lapis fecit fornicem, ille quin latera inclinata cuneauit, & interuentu suo vinxit. Summa adiectio quare plurimum facit, vel exigua? quia non augeat, sed implet. Quædam processu priorum exuunt formam, & in nouam transeunt. Vbi animus aliquid diu protulit, & magnitudinem eius sequendo lassatus est infinitum cœpit vocari; quod longe aliud factum est quam fuit, cum magnum videretur, sed finitum. Eodem modo aliquid difficulter secari cogitauimus: nouissime crescente difficultate, insecabile inuentum est. Sic ab eo quod vix & ægre mouebatur, processimus ad immobile. Eadem ratione aliquid secundum naturam fuit: hoc in aliam proprietatem magnitudo sua transtulit, & bonum fecit.

E P I S T. CXIX.

Diuitias à nobis peti posse, & accipi, nil superuacuum petendo. Finem omnium rerum spectandum, qui naturam non excedit. Satis ea habere, non multum, quæris. Ostendit deinde diuites vulgo, omnes pauperes esse. Pulchra, & (Deus bone!) vera sunt.

Quoties aliqui inueni, non exspecto donec dicas, In commune: ipse mihi dico.
Quid

Quid sit quod inuenerim, quæris? sinum laxa;
 merum lucrum est. Docebo quomodo fieri
 diuer celerrime possis, quod valde cupis audire.
 Nec immerito: ad maximas te diuitias compen-
 diaria ducam. Opus erit tamen tibi creditore: ut
 negotiari possis, æs alienum facias oportet: sed
 nolo per intercessorem muteris, nolo proxene-
 tæ nomen tuum iactent. Paratum tibi credito-
 rem dabo, Catonianum illum: à te mutuum su-
 mes. Quantulum cumque est, satis erit, si quid-
 quid deerit, id à nobis petierimus. Nihil enim,
 mi Lucili, interest, utrum non desideres, an ha-
 beas. Summa rei in utroque est eadem: non
 torqueberis. Nec illud præcipio, ut aliquid
 naturæ neges: contumax est, non potest vinci,
 suum poscit: sed ut quidquid naturam excedit,
 scias precarium esse, non necessarium. Esurio,
 edendum est: utrum hic panis sit plebeius, an
 si ligneus, ad naturam nihil pertinet. Illa ven-
 trem non delectari vult, sed impleri: Sitio,
 utrum hæc aqua sit quam ex lacu proximo ex-
 cepero, an ea quam multa niue clusero, ut rigo-
 re refrigeretur alieno, ad naturam nihil perti-
 net. Illa hoc vnum iubet, sitim extinguere.
 Vtrum sit aureum poculum, an crystallinum,
 an murrheum, an Tiburtinus calix, an manus
 concaua, nihil refert. Finem omnium rerum
 specta, & superuacua dimittes. Fames me ap-
 pellat: ad proxima quæque tendatur manus: ipsa
 mihi commendabit, quodcumque comprehen-
 dero. Nihil contemnit esuriens. Quid sit ergo,
 quod me delectauerit, quæris? Videtur mihi
 egregie dictum: Sapiens, diuitiarum naturalium est
 quæsitior acerrimus. Inani me, inquis, lance mu-
 neras. Quid est illud in communem ego para-
 ueram fiscos: circumspiciebam in quod memore

negotiaturus immitterem, quod publicum agi-
 rarem, quas accerferem merces. Decipere est
 istud, docere paupertatem, cum diuitias promi-
 seris. Ita tu pauperem iudicas, cui nihil deest?
 Suo, iniquis, & patientiæ suæ beneficio, non for-
 tunæ. Ideò ergo illum non iudicas diuitem, quia
 diuitiæ eius de sinere non possunt? Vtrum ma-
 lis habere multum, an satis? qui multum habet,
 plus cupit; quod est argumentum, nondum
 illum satis habere: qui satis habet, consecutus
 est, quod nunquam diuiti contingit, finem. An
 has ideò non putas esse diuitias, quia propter i-
 las nemo proscriptus est? quia propter illas nul-
 li venenū filius, nulli vxor imegit? quia in bello
 tutæ sunt? quia in pace otiosæ? quia nec habe-
 re illa periculosum est, nec operosum dispone-
 re? An parum habet, qui tantum non alget, non
 esurit, non sitit: plus Iupiter non habet. Num-
 quam parum est, quod satis est; nunquam mul-
 tum est, quod satis non est. Post Darium & In-
 dos pauper est Alexander Macedo: quærit
 quod suum faciat, scrutatur maria ignota, in
 Oceanum classes mittit nouas, & vt ita dicam,
 mundi claustra perumpit. Quod naturæ satis
 est, homini non est. Inuentus est qui concupi-
 scret aliquid post omnia. Tanta est cæcitas
 mentium, & tanta initiorum suorum vnicuique
 cum processit, obliuio. Ille modò ignobilis an-
 guli non sine controuersia dominus, de tanto fi-
 ne terrarum per suum rediturus orbem tristis
 est. Neminem pecunia diuitem fecit: imo con-
 tra, nulli non maiorem sui cupiditatem incussit.
 Quæris, quæ sit huius rei causa? plus incipit
 habere posse, qui plus habet. Ad summam,
 quem voles mihi ex his quorum nomina cum
 Crasso Licinioque numerantur, in medium

licet protrahas: afferat censum, & quidquid habet, & quidquid sperat, simul computet: iste, si mihi credis, pauper est: si tibi, potest esse. At hic qui ad id quod natura exigit, composuit, non tantum extra sensum est paupertatis, sed extra metum. Sed ut scias, quam difficile sit res suas ad naturalem modum coarctare, hic ipse quem circa naturam diximus, quem tu vocas pauperem, habet aliquid & superuacui. At excæcant populum, & in se conuertunt opes, si numerari multum ex aliqua domo effertur, si multum auri lecto quoque eius illinitur, si familia aut corporibus electa, aut spectabilis cultu est. Omnium istorum felicitas in publicum spectat: ille quem nos & populo & fortunæ subduximus, beatus introrsum est. Nam quod ad illos pertinet, apud quos falso diuitiarum nomen inuasit occupata paupertas: sic diuitias habent, quomodo habere dicimur febrem, cum illa nos habeat. E contrario dicere debemus: Febris illum tenet: eodem modo dicendum est. Diuitiæ illum tenent. Nihil ergo monuisse te malim, quam hoc, quod nemo monetur satis: ut omnia naturalibus desideriis metiaris, quibus aut gratis satis fiat aut paruo. Tantum miscere vitia desideriis noli. Quæris quali mensa, quali argento quàm paribus ministerijs, & leuibus, afferatur cibus? nihil præter cibum natura desiderat.

*Num tibi, cum fauces vrit sis, aurea quæris
Pocula: num esuriens fastidis omnia præter,
Pauonem rhombumque?*

Ambitiola non est fames: contenta desinere est: quo desinat, non nimis curat. Infelicitis luxuriæ ista tormenta sunt: quærit quemadmodum post saturitatem quoque esuriat; quemadmodum non impleat ventrem, sed sarciat; quemadmodum si-

in prima potione sedatam reuocet. Egrege itaque Horatius negat ad sitim pertinere, quo poculo aqua, aut quam eleganti manu ministratur. Nam si pertinere ad te iudicas, quam crinitus puer, & quam perlucidum tibi poculum porrigat, non sitis. Inter reliqua, hoc nobis natura præstitit præcipuum, quod necessitati fastidium excussit. Recipiunt superuacua delectum. Hoc parum decens, illud parum laudatum, oculos hoc meos lædit. Id actum est ab illo mundi conditore, qui nobis viuendi iura deseripfit, ut salui essemus, non delicati. Ad salutem omnia parata sunt, & in promptu: delicijs omnia misere ac solcite comparantur. Utamur ergo hoc naturæ beneficio inter magna numerando: & cogitemus, nullo nomine melius illam meruisse de nobis, quam quia quidquid ex necessitate desideratur, sine fastidio sumitur.

EPIST. CXX.

Boni notitia quomodo ad nos venerit? observatione, & collatione; natura etiam ducente. Venit & ex contrario; id est, vitii detestatione. Describit Sapientem, & vulgo petenda aut timenda calcantem, etiam ipsam mortem. Deniq; unum semper, & sibi constantem.

EPISTOLA tua per plures quæstiunculas vagata est, sed, sed in vna constitit, & hanc expediri desiderat: Quomodo ad nos boni honestique notitia peruenerit. Hæc duo apud alios diuersa sunt, apud nos tantum diuisa. Qui sit hoc, dicam. Bonum putant esse aliqui, quod vtile est: itaque hoc & diuitijs, & equo, & vino & calceo nomen imponunt: tanta fit apud illos beni utilitas, & adeo usque ad sordida descendit. Honestum
pu

putant, cui ratio recti officij constat : tanquam
 pie curatam partis senectutem, adiutam amici
 paupertatem, fortem expeditionem, prudentem
 moderatamque sententiam. Ista duo quidem
 facimus, sed ex vno. Nihil est bonum,
 nisi quod honestum est, quod honestum est,
 utique bonum. Superuacuum iudico adijcere,
 quid inter ista discriminis sit, cum sæpe dixerim.
 Hoc vnum dicam: Nihil nobis bonum
 videri, quo quis & male uti potest. Vides autem,
 diuitijs, nobilitate, viribus, quam multi
 male vtantur. Nunc ergo ad id reuertor, de
 quo desideras dici: Quomodo ad nos prima
 boni honestique notitia peruenierit. Hoc nos
 docere natura non potuit: semina nobis scientiæ
 dedit, scientiam non dedit. Quidam aiunt nos
 in notitiam incidisse: quod est incredibile, virtutis
 alicui speciem casu occurrille. Nobis videtur
 observatio collegisse, & rerum sæpe factarum
 inter se collatio, per analogiam nostro intellectu
 & honestum & bonum iudicante. Hoc verbum
 cum Latini grammatici ciuitate donauerint,
 ego damnandum non puto, nec in ciuitatem suam
 redigendum. Vtar ergo illo non tantum tanquam
 recepto, sed tanquam vsitato. Quæ sit hæc analogia,
 dicam. Noueramus corporis sanitatem: ex hac
 cogitauimus esse aliquam & animi: noueramus
 corporis vires: his collegimus esse & animi robur.
 Aliqua benigna facta, aliqua humana, aliqua
 fortia, nos obstupescerant: hæc cœpimus tanquam
 perfecta mirari. Suberant illi multa vitia,
 quæ species alicuius conspicui facti fulgorque
 celâ bac: hæc dissimulauimus. Natura iubet
 augere laudanda: nemo non gloriam ultra
 verum tulit. Ex his ergo speciem

ciem ingentis boni traximus. Fabricius Pyrrhi regis aurum repulit, maiusque regno iudicauit, regias opes posse contemnere. Idem, medico Pyrrhi promittente venenum se regi daturum, monuit Pyrrhum, cauere insidias. Eiusdem animi fuit, auro non vinci, veneno non vincere. Admirati sumus ingentem virum, quem non regis, non contra regem promissa flexissent, boni exempli tenacem: quod difficillimum est, in bello innocentem: qui aliquod esse crederet etiam in hoste nefas: qui in summa paupertate, quàm sibi decus fecerat, non aliter refugit diuitias quàm venenum. Viue, inquit, beneficio meo Pyrrhe, & gaude, quòd adhuc dolebas, Fabriciũ non posse corrumpi. Horatius Cocles solus impleuit pontis angustias, adimique à tergo sibi redditum, dummodo iter hosti auferretur, iussit: & tam diu restitit prementibus, donec reuulsa ingenti ruina tigna sonuerunt. Postquam respexit, & extra periculum esse patriam periculo suo sensit: Ueniat, si quis vult, inquit, sic euntem sequi: deditque se in præceps: & non minus sollicitus in illo rapido alueo fluminis, vt armatus, quàm vt saluus exiret, retento armorum victri-
cium decore, tam tutus redit, quàm si sponte venisset. Hæc & huiusmodi facta imaginem nobis ostendere virtutis. Adijciam quod mirum fortasse videatur: mala interdum speciem honesti obtulerunt, & optimum ex contrario nituit. Sunt enim, vt scis, virtutibus vitia confinia, & perditis quoque ac turpibus recti similitudo est. Sic mentitur prodigus liberalem: cùm plurimum interfit, vtrum quis dare sciat, an seruare nesciat. Multi, inquam, sunt, Lucili, qui non donant, sed proijciunt: non voco ego liberalem, pecuniæ suæ iratum. Imitatur negligentia facilitatem,
teme-

semēritas fortitudinem. Hæc nos similitudo coegit attendere, & distinguere specie quidem vicina, re autem plurimum inter se diffidentia. Dum observamus eos, quos insignes egregium opus fecerat, cœpimus annotare, quis sem aliquam generoso animo fecisset, & magno impetu, sed semel. Nunc vidimus in bello fortem, in foro timidum, animose paupertatem ferentem, humiliter infamiam? factum laudauimus, contemptimus virum. Alium vidimus aduersus amicos benignum, aduersus inimicos temperatum, & publica & priuata sancte ac religiose administrantem: non deesse ei, & in his quæ toleranda erant, patientiam, & in his quæ agenda, prudentiam. Vidimus vbi tribuendum esset, plena manu dantem: vbi laborandum, pertinacem & obnoxium, & lassitudinem corporis animo subleuantem. Præterea idem erat semper, & in omni actu par sibi, iam non consilio bonus, sed more eo perductus, vt non tantum recte facere posset, sed nisi recte facere non posset. Intelligimus in illa perfectam esse virtutem: hanc in partes diuisimus. Oportebat cupiditates refrænari, metus comprimari, facienda prouideri, reddenda distribui: comprehendimus temperantiam, fortitudinem, prudentiam, iustitiam, & suum cuique dedimus officium. Ex qua ergo virtutem intelleximus? Ostendit illam nobis ordo eius, & decor, & constantia, & omnium inter se actionum concordia, & magnitudo super omnia efferens sese. Hinc intellecta est illa beata vita, secundo defluens cursu; arbitrij sui tota. Quomodo ergo hoc ipsum nobis apparauit? dicam. Nunquam vir ille perfectus adeptusque virtutem, fortunæ maledixit: nunquam accidentia

tristis excepit; ciuem esse se vniuersi & militem credens, labores velut imperatos subiit. Quidquid inciderat, non tamquam malum aspernatus est, & in se casu delatum, sed quasi delegatum sibi. Hoc quaecumque est, inquit, meum est: asperum est, durum est: in ipso nauemus operam. Necessario itaque magnus apparuit, qui nunquam malis ingemuit, nunquam de fato suo questus est, fecit multis intellectum sui, & non aliter quàm in tenebris lumen effulsit: aduertitque in se omnium animos, cum esset placidus & levis, & humanis diuinisque rebus pariter æquus. Habebat perfectum animum, ad summam sui adductus, supra quam nihil est nisi mens Dei, ex qua pars & in hoc pectus mortale defluxit: quod nunquam magis diuinum est, quam vbi mortalitatem suam cogitat, & scit in hoc natum hominem, ut vita defungeretur, nec donum esse hoc corpus, sed hospitium: & quidem breue hospitium: quod relinquendum est, vbi te grauem esse hospiti videas. Maximum inquam, mi Lucili, argumentum est animi ab altiori venientis sede, si hæc in quibus versatur humilia iudicat, & angusta si exire non metuit. Sit enim quo exiturus sit, qui vade venerit, meminit. Non videmus, quam multas nos incommodo exagitant, quam male nobis conueniat hoc corpus: Nunc de ventre, nunc de capite, nunc de pectore ac faucibus querimur: alias nerui nos, alias pedes vexant: nunc deiectio, nunc destillatio: aliquando superest sanguis, aliquando deest: hinc atque illinc tentamur, & expellimur. Hoc euenire solet in alieno habitantibus. At nos corpus tam putre sortiti, nihilominus æterna proponimus, & in quantum potest ætas

ætas humana protendi, tantum spe occupamus,
 nulla contenti pecunia, nulla potentia. Quid hac
 re fieri impudentius, quid stultius potest? Nihil
 satis est morituris, imo morientibus, quotidie e-
 nim proprius ab ultimo stamus, & illo vnde nobis
 eadendum est, hora nos omnis impellit. Uide ita
 quanta cæcitate mens nostra sit. Hoc quod futu-
 rum dico, cum maxime fit, & parcius magna
 iam facta est, nam quòd viximus tempus, eo lo-
 co est, quo erat antequam viximus. Erramus au-
 tem, qui vltimum timemus diem: cum tantum-
 dem in mortem singuli conferant. Nos ille gra-
 dus lassitudinem facit, in quo defecimus, sed ille
 proficitur. Ad mortem dies extremus peruenit,
 accedit omnis. Carpit nos illa, non corripit. Ideo
 magnus animus, conscius sibi melioris naturæ,
 dat quidem operam, ut in hac statione, qua posi-
 tus est, honeste se atque industrie gerat: ceterum
 nihil horum quæ circa ipsum sūt, suum iudicat,
 sed ut commodatis utitur, peregrinus & prope-
 rans. Cum aliquem huius viderimus constantiæ,
 quidni subiret nos species non vsitæ indolis,
 utique si hanc, ut dixi, magnitudinem veram ef-
 fe ostendebat. Qualitatis venæ tenor permanet,
 falsa non durat. Quidam alternis Vatinij, al-
 ternis Catones sunt: & modo parum illis seue-
 rus est Curius, parum pauper Fabricius, parum
 frugi & contentus vili Tubero; modo Licinium
 diuitijs, Apicum cænis, Mæcenatem delicijs
 prouocant. Maximum iudicium est malæ men-
 tis, fluctuatio, inter simulationem virtutum,
 amoremque viriorum, assidua iactatio.

.... habebat sæpe ducentos.

Sæpe decem seruos, modo reges atque tetrarchas

Omnia magna loquens: modo sit mihi mensa
 tripes, &c.

Concha salis puri, & toga quæ defendere frigus.

*Quamuis crassa, queat; decies centena dedisses
Huic parco paucis contento; quinque diebus
Nihil erat in oculis.*

Omnes isti tales sunt, qualem hunc describit Horatius: nunquam eundem, nec similem quidem sibi: adeo in diuersum aberrat. Multos dixi: prope est ut omnes sint. Nemo non quotidie & consilium mutat, & votum, modo uxorem vult habere, modo amicam: modo regnare vult: modo id agit, ne quis sit officiosior seruus: modo dilatat se usque ad inuidiam; modo subsidit, & contrahitur infra humilitatem vere iacentium: nunc pecuniam spargit, nunc rapit. Sic maxime coarguitur animus imprudens: alius prodit atque alius, & (quo turpius nihil iudico) impar sibi est. Magnam rem puta, vnum hominem agere. Præter sapientem autem nemo vnum agit: ceteri multiformes sumus. Modofrugitibi videbimur & graues, modoprodigi & vani. Mutamus subinde personam, & contrariam ei sumimus, quam exuimus. Hoc ergo à te exige, ut qualem instrueris præstare te, talem usque ad exitum serues. Effice ut possis laudari: si minus, ut agnosci. De aliquo, quem vidisti heri, merito dici potest. Hic quis est? tanta mutatio est.

EPIST. CXXI.

*Aliquid tum argutiis prætendit: tum proponit:
An omnibus animalibus constitutionis suæ
sensus? idest sponte & natura eunt, quo debent
& sunt facta. Dicit esse, & exemplis rationibusque variè docet.*

Litigabis, ego video: cum tibi hodiernam
quæstiunculam, in qua satis diu hæsimus,

exposuero. Iterum enim clamabis, Hoc quid ad mores? Sed exclama, dum tibi primum alios opponam, cum quibus litiges, Posidonium, & Archidemum. Hi iudicium accipient, deinde dicam: Non quidquid morale est, bonos mores facit. Aliud ad hominem alendum pertinet, aliud ad exercendum, aliud ad vestiendum, aliud ad docendum, aliud ad delectandum. Omnia tamen ad hominem pertinent, etiam si non omnia meliorem eum faciunt. Mores alia aliter attingunt. Quædam illos corrigunt & ordinant, quædam naturam eorum & originem scrutantur. Cum quaeritur, quare hominem natura produxerit, quare prætulit animalibus ceteris longè me iudicas mores reliquisse? falsum est. Quomodo enim scies, qui habendi sint, nisi quid homini sit optimum, inueneris? nisi naturam eius inspexeris? Tunc demum intelliges, quid faciendum tibi, quid vitandum sit: cum didiceris, quid naturæ tuæ debeas. Ego, inquis, volo dilcere, quo modo minus cupiam, minus timeā. Superstitionem mihi excute: doce leue esse vanumque hoc, quod felicitas dicitur: vnam illi syllabam facillime accedere. Desiderio tuo satisfaciam, & virtutes exhortabor, & vitia conuerberabo, licet aliquis nimium immoderatumque in hac parte me iudicet, non desistam persequi nequitiam, & affectus efferatissimos inhibere, & voluptates irutas in dolorem compescere, & votis obstrepere. Quidni? cum maxima malorum optauerimus, & ex gratulatione natum sit quidquid obloquimur. Interim permitte mihi ea quæ paullo remotiora videntur: excutere. Quærebarus, an esset omnibus animalibus constitutionis suæ sensus? Sensum autem esse, ex eo maxime apparet, quod membra apertè &

expedire mouent, non aliter quam in hoc eredita. Nulli non partium suarum agilitas est. Artifex instrumenta sua tractat ex facili: rector nauis scit gubernaculum flectere: pictor colores quos ad reddendam similitudinem multos variosque ante se posuit, celerrime denotat, & inter ceram opusque facili vultu ac manu commeat. Sic animal in omnem usum sui nobile. Mirari solemus scenæ petitos, quod in omnem significationem rerum & effectuum parata illorum est manus, & verborum velocitatem gestus assequitur. Quod illis ars præstat, his natura. Nemo ægre molitur artus suos, nemo in usu sui hesitat: ad hoc edita, protinus faciunt. Cum hac scientia prodeunt, instituta nascuntur. Ideo, inquit, partes suas animalia apte mouebunt: quia si aliter mouerit, dolorem sensura sunt. Ita, ut vos dicitis, coguntur, metusque illa in reatum, non voluntas mouet: quod est falsum. Tarda enim sunt, quæ necessitate impelluntur. Agilitas, spontaneus motus est. Adeo autem non adigit illa ad hoc doloris timor, ut in naturale motum etiam dolore prohibente nitantur. Sic infans qui stare meditatur, & ferre se assuescit, simul tentare vires suas cepit, cadit & cum fletu toties resurgit, donec se per dolorem ad id quod natura poscit, exercuit. Animalia quædam tergi durioris inuersa tamdiu se torquent, ac pedes exserunt, & obliquant, donec ad locum reponantur. Nullum tormentum sentit supinata testudo: inquieta est tamen desiderio naturalis status, nec ante desinit niti, quaterere se, quam in pedes constitit. Ergo omnibus constitutionis suæ sensus est, & deinde membrorum tam expedita tractatio: nec vllum maius iudicium habemus, cum hæc illa ad

viuendum venire notitia, quam quod nullum
 animal ad vsum sui rude est. Constitutio est,
 inquit, ut vos dicitis, principale animi quodam-
 modo se habens erga corpus. Hoc tam per-
 plexum & subtile, & vobis quoque vix enarra-
 bile, quomodo infans intelligit? Omnia anima-
 lia dialectica nasci oporteret, ut istam finitio-
 nem magnæ parti hominum togatorum obscu-
 ram intelligant. Verum erat quod opponis, si
 ego ab animalibus constitutionis finitionem in-
 telligit dicerem. Nam ipsa constitutio facilius
 natura intelligitur, quam enarratur. Itaque infans
 ille, qui sit constitutio, non nouit: constitutio-
 nem suam nouit: quid sit animal nescit, ani-
 mal esse se sentit. Præterea ipsam constitutio-
 nem suam crasse intelligit, & summam, &
 obscure. Nos quoque animum habere nos sci-
 mus: quid sit animus, ubi sit, qualis sit, & unde,
 nescimus. Qualis ad nos peruenit animi no-
 stri sensus, quamuis naturam eius ignoremus,
 ac sedem, talis ad omnia animalia constitutio-
 nis suæ sensus. Necesse est enim id sentiant,
 per quod alia quoque sentiunt: necesse est sen-
 sum eius habeant, cui parent, à quo reguntur.
 Nemo non ex nobis intelligit esse aliquid, quod
 in petus suos moueat: quid sit illud, ignorat: &
 conatum sibi esse scit: quid sit, aut unde sit,
 nescit. Sicut infantibus, sic quoque animalibus,
 principalis partis suæ sensus est non satis
 dilucidus, non expressus. Dicitis, inquit, om-
 ne animal primum constitutioni suæ concilia-
 ri: hominis autem constitutionem rationalem
 esse: & ideo conciliari hominem sibi, non tanquam
 animali, sed tanquam rationali. Ea enim parte
 sibi carus est homo, qua homo est. Quomodo
 ergo infans conciliari constitutioni rationali
 potest

potest, cum rationalis nondum sit? Vnicuique ætati sua constitutio est: alia infanti, alia puero alia seni. Omnes enim constitutioni conciliantur, in qua sunt. Infans sine dentibus est; huic constitutioni suæ conciliatur, enati sunt dentes: huic constitutioni conciliatur. Nam & illa herba, quæ in segetem frugemque ventura est, alienam constitutionem habet tenera, & vix emittens sulco, aliam cum conualuit, & molli quidem culmo, sed qui ferat onus suum, constitit; aliam cum flauescit, & ad aream spectat, & spica eius induruit: in quamcumque constitutionem venit, eam tuerur, in eam componitur. Alia est ætas infantis, pueri, adolescentis, senis: ego tamen idem sum, qui & infans fui, & puer, & adolescens. Sic quamuis alia atque alia cuique constitutio sit, conciliatio constitutionis suæ eadem est. Non enim puerum mihi aut iuuenem, aut senem, sed me natura commendat. Ergo infans ei constitutioni suæ conciliatur, quæ tunc infanti est, non quæ futura iuueni est. Neque enim, si aliquid illi maius, in quo transeat, restat, non hoc quoque in quo nascitur, secundum naturam est. Primum sibi ipsi conciliatur animal; debet enim aliquid esse, ad quod alia referantur. Voluptatem peto, cui? mihi, ergo mei curam ago. Dolorem refugio, pro quo? pro me, ergo mei curam ago. Si omnia propter curam mei facio, ante omnia est mei cura. Hæc animalibus inest cunctis; nec inseritur, sed innascitur. Producit fetus suos natura, non abiicit, & quia tutela certissima ex proximo est, sibi quisque commissus est. Itaque ut in prioribus dixi, tenera quoque animalia è materno utero vel quoque modo effusa, quid sit infestum ipsis, protinus norunt & mor-

& mortifera deuitant : vmbra quoque transuolantium reformidant , obnoxia auius raptu uiuentibus . Nullum animal ad vitam prodit sine metu mortis . Quemadmodum , inquit , editum animal intellectum habere , aut salutaris aut mortiferæ rei , potest ? Primum quæritur , an intelligat , non quemadmodum intelligat . Esse autem illis intellectum , ex eo apparet , quod nihil amplius si intellexerint , faciant . Quid est quare pauonem , quare anserem gallina non refugiat , cum tanto minorem , & ne notum quidem sibi , accipitrem fugiat ? quare pulli selem timent , cauem non timent ? Apparet illis inesse scientiam nocituri : non experimento collectam : nam antequam possint experiri , cauent . Deinde , ne hoc casu existimes fieri , nec metuunt alia quam debent , nec vnquam obliuiscuntur huius tutelæ & diligentia : æqualis est illis à pernicioso fuga . Præterea , non fiunt timidiora viuendo . Ex quo quidem apparet , non vsu illa ad hoc peruenire , sed naturali amore salutis suæ . Et tardum est & varium , quod vsus docet : quidquid natura tradit , & æquale est omnibus , & statim . Si tamen exigis , dicam quomodo omne animal perniciose intelligere conetur . Sentit se carne constare : itaque sentit , quid sit , quo secari caro , quo vri , quo obteri possit . Quæ sunt animalia armata ad nocendum , horum speciem trahit inimicam & hostilem . Inter se ista coniuncta sunt . Simul enim conciliatur saluti suæ quidque : & quæ iuuant , illa petit ; læsura formidat . Naturales à contrarijs aspernationes sunt : sine vlla cogitatione , sine consilio fit , quidquid natura præcipit . Non vides , quanta subtilitas , sit apibus ad fingenda domicilia ? quanta diuidui laboris obeundi con-

cordia? Non vides quam nulli mortaliunt immutabilis sit illa araneæ textura? quanti operis si o, fila disponere? alia in rectum immissa firmamenti loco, alia in orbem currentia ex denso raro, quæ minora animalia, in quorum perniciem illa tenduntur, velut retibus implicata teneant. Nascitur ars ista, non discitur. Neque nullum est animal altero doctius: videbis aranearum parvas telas, par in fauis angulorum omnium foramen. Incertum est & inæquale, quidquid ars tradit, ex æquo venit, quod natura distribuit. Hæc nihil magis, quam tutelam sui, & eius peritiam eradidit: ideoque etiam simul incipiunt, & discere & vivere. Nec est mirum, cum eo nasci illa, sine quo frustra nascerentur. Primum hoc instrumentum illis natura contulit, ad permanendum in conciliatione & caritate sui. Non poterant salua esse, ni vellent. Nec hoc per se profuturum erat: sed sine hoc nulla res profuisset. Sed in nullo deprehendes utilitatem sui, ne negligentiam quidem. Tacitis quoque & brutis, quâvis in cetera torpeant, ad viuendum solertia est. Videbisque alij inutilia sunt, sibi ipsa non deesse.

E P I S T. CXXII

Ingenium luxuria, aduersa moribus facere: Aliter canare, bibere, dormire, surgere: & tales aliquot Antipodas facere describit.

Detrimentum iam dies sensit; resiliuit aliquantulum: ita tamen, ut liberale adhuc spatium sit, si quis cum ipso, ut ita dicam, die surgat, officiosior, meliorque, quam si quis illum expectat, ut luce prima exeat. Turpis, qui alto sole semisomnis iacet, cuius vigilia medio die incipit: & adhuc multis hoc antelucanum est. Sunt qui officia lucis nouique peruertunt: nec ante

ante diducunt oculos hesternæ graues crapula ,
quàm appetere nox cœpit . Qualis illorum con-
ditio dicitur , quos natura (vt ait Virgilius) sedi-
bus nostris subditos contrario posuit.

*Nesque ubi primus equis oriens afflauit a-
nhelis,*

Illis scra rubens accendit lumina vesper;

talis horum contraria omnibus non regio , sed
vita est. Sunt quidam in eadem vrbe antipodes ,
qui : vt M. Cato ait, nec orientem vnquam solēt
viderunt , nec occidentem. Hos tu existimas sci-
re quemadmodum viuendum sit , qui nesciunt
quando ? & hi mortem timent , in quam se viui
condiderunt : tam infauti omnis, quam noctur-
næ aues sunt ? Licet in vino vnguentoque tene-
bras suas exigant , licet epulis , & in multa quidē
fercula discretis , totum peruersæ vigilæ tem-
pus educant non conuiuantur , sed iusta sibi fa-
ciunt. Mortuis certe interdum parentatur. At me-
hercules nullus agenti dies longus est . Exten-
damus vitam : huius & officium , & argumen-
tum , actus est : circumscribatur nox , & aliquid
ex illa in diem transferatur . Aues, quæ conuiuijs
comparantur , vt immotæ facile pinguescant , in
obscurō continentur : ita sine vlla exercitatione
iacentibus ; tumor pigrum corpus inuadit , & su-
per membra iners sagina succrescit . Ita istorum
corpora , qui se tenebris dicauerunt , fæda visun-
tur . Quippe non speciosior illis , quam morbo
pallentibus , color est : languidi , & euanidi al-
bent , & in viuiscaro morticina est. Hoc tamen
minimum in illis malorum dixerim : quanto
plus tenebrarum in animo est ? ille in se stupet,
ille calligat , inuidet cæcis . Quis vnquam
oculos tenebrarum causa habuit ? Interrogas ,
quomodo hæc animo prauitas fiat , auer-
fandi

fandi diem, & totam vitam in noctem transfere-
 rendi? Omnia vitia contra naturam pugnant, &
 omnia debitum ordinem deferunt; hoc est lu-
 xuriæ propositum, gaudere peruersis; nec tan-
 tum discedere à recto, sed quàm longissime
 abire, deinde etiam è contrario stare. Non vi-
 dentur tibi contra naturam viuere, qui ieiuni-
 bibunt, qui vinum recipiunt inanibus venis, &
 ad cibum ebrij transeunt? Atqui frequens hoc
 adolescentium vitium est, qui vires excolunt, vt
 in ipso pæne balnei limine, inter nudos bibant;
 imo potent; & sudorem, quem mouerunt por-
 tionibus crebris ac feruentibus, subinde destrin-
 gant. Post prandium aut cænam bibere, vulgare
 est; hoc patresfamilix rustici faciunt, & veræ
 voluptatis ignari. Merum illud delectat, quod
 non innatat cibo, quod libere penetrat ad ner-
 uos; illa ebrietas iuuat, quæ in vacuum venit.
 Non videntur tibi contra naturam viuere, qui
 commutant cum feminis vestem? Non viuunt
 contra naturam, qui exspectant, vt pueritia
 splendeat tempore alieno; Quid fieri vel cru-
 delius, vel miscrius potest? nunquam vir erit, vt
 diu virum pati possit: & cum illum contineliæ
 sexus eripuisse debuerat, ne ætas, quidem eri-
 piet? Non viuunt contra naturam, qui hieme
 concupiscunt rosam? fomentoque aquarum ca-
 lentium, & calorum apta mutatione, bruma li-
 lium, florem verum, exprimunt? Non viuunt
 contra naturam, qui pomaria in summis tutri-
 bus serunt? quorum siluæ in tectis domorum ac
 fastigijs nutant, inde ortis radicibus, quo impro-
 be cacumina egissent? Non viuunt contra natu-
 ram, qui fundamenta thermarum in mare ia-
 ciunt: ne delicate natare ipsi sibi videntur, nisi
 calentia stagna fluctu ac tempestate seriantur.

Cum

Cum instituentur omnia contra naturæ consuetudinem velle, nouissime in totum ab illa desciunt. Lucet: somni tempus est: quies est: nunc exerceamur, nunc gestemur, nunc prandeamus, Iam lux propius accedit: tempus est cænæ. Non oportet id facere, quod populus: res sordida est trita ac vulgari via viuere. Dies publicus relinquatur: proprium nobis ac peculiare mane fiat. Isti vero mihi defunctorum loco sunt: quantum enim à funere absunt, & quidem acerbo, qui ad faces & cereos viuunt? Hanc vitam, agere eodem tempore multos meminimus: inter quos & Atilium Butam prætorium, cui post patrimonium ingens consumptum, Tiberius paupertatem confitenti: Sero, inquit, experrectus es. Recitabat Montanus Iulius carmen, tolerabilis poeta, & amicitia Tiberij notus, & frigore. Ortus & occasus libentissime inferebat, itaque cum indignaretur quidam illum tota die recitasse, & negaret accedendum ad recitationes eius, Natta Pinarius ait: Numquid liberalius possum agere? Paratus sum illum audire ab ortu ad occasum: Cum hos versus recitasset.

*Incipit ardentes Phæbus producere flammæ,
Spargere se rubicunda dies, iam tristis hirudo
Argutis reditura cibos immittere nidis*

Incipit, & molli partitos ore ministras.

Varus eques Romanus L. Vinicij comes, cænarum bonarum affectator, quas improbitate linguæ merebatur, exclamauit: Incipit Buta dormire. Deinde cum subinde recitasset.

*Iam sua pastores stabulis armenta locarunt;
Iam dare sopitis nox nigra silentia terris*

Incipit:

Idem Varus inquit: Quid dicitis iam nox est, ibo, & Butam salutabo. Nihil erat notius hac eius
vita

vita in contrarium circumacta : quam , vt dixi , multi eodem tempore egerunt . Causa autem est ita viuendi quibusdam , non quia aliquid existiment noctem ipsam habere iucundius , sed quia nihil iuuat obuium , & grauis make conscientiae lux est , & omnia concupiscenti aut cōtemnenti , prout magno aut paruo empra sunt , fastidio est humen gratuitum . Præterea luxuriosi vitam suam esse in sermonibus , dum viuunt , volunt , nam si tacetur , perdere se putant operam . Itaque male habent , quoties non faciunt , quod excitet famam . Multi bona comedunt , multi amicas habent : vt inter istos nomen inuenias , opus est non tantum luxuriosam rem sed notabilem facere . In tam occupata ciuitate , fabulas vulgaris nequitia non inuenit . Pedonem Albinouanum narrantem audieramus (erat autem fabulator elegantissimus) habuisse se supra domum Sp. Papinii , is erat ex hac turba lucifugarum . Audio , inquit , circa horam tertiam noctis , flagellorum sonos : quæro , quid faciat ? Dicitur rationes accipere . Audio , circa horam sextam noctis , clamorem concitatum : quæro , quid sit ? Dicitur vocem exercere . Quæro circa octauam horam noctis , quis sit ille sonus rotarum ? velle gestari dicitur . Circâ lucem discurretur , pueri vocantur , cellarij , coqui tumultuantur . Quæro quid sit ? Dicitur mulsum , & alicam poposcisse , à balneo exisse . Excedebat , inquit , cæna eius diem ? minime : valde enim frugaliter viuebat , nihil consumebat nisi noctem . Itaque crebro dicentibus illum quibusdam auarum , & sordidum : Vos , inquit , illum & lychnobium dicetis . Non debes admirari , si tantas inuenis vitiorum proprietates : varia sunt , & innumerabiles habent facies : comprehendi eorum genera non possunt .

sunt. Simplex recti cura est; multiplex prauis;
& quantumuis nouas declinationes capit. Idem
moribus euenit, naturam sequentium, faciles
sunt, soluti sunt, exiguas differentias habent: ab
his distorti plurimum, & omnibus & inter se
dissident. Causa tamen præcipua mihi videtur
huius morbi, vitæ communis fastidium. Quo-
modo cultu se à ceteris distinguunt, quomodo
elegantia canarum, munditijs vehiculorum, sic
volunt separare etiam temporum dispositione:
nolunt solita peccare, quibus peccandi præmiū
infamia est. Hanc petunt omnes isti, qui, vt ita
dicam, retrouiuunt. Ideò, Lucili, tenendas nobis
via est, quàm natura præscripsit, nec ab illa de-
clinandum: illam sequentibus, omnia facilia &
expedita sunt: contra illam nitentibus, non alia
vita est quam contra aquam remigantibus.

EPIST. CXXIII.

*Tenuem aut utilem victum decreto animi, &
fame, bonum optandumque fieri. Hoc vsur-
pandum etiam diuitibus: quis scis an non
opus habituris? Consuetudo & alieni mores
ne abducant. Sperne & iudicia aut voces
alienas.*

In tenere confectus incommodo magis quam
longo, in Albanum meum nocte multa per-
ueni. Nihil habeo paratum, nisi me. Itaque in
lecto lassitudinem pono: hanc coqui, hanc pisto-
ris moram boni consulo. Mecum enim de hoc
ipso loquor, quam nihil sit graue, quod leuiter
excipias: quam indignandum nihil, nisi ipse in-
dignando adstruas. Non habet panē meus pistor:
sed habet villicus, sed habet atriensis, sed habet
colonus. Malū panē, inquis. Exspecta, bonus fiet
etiam illum tenerum tibi, & siligineum fames
red;

reddet. Ideò non est ante e
 imperet. Exspectabo ergo
 quam aut bonum panem ha
 malum fastidire desiero. No
 uo assuescere. Multæ diffi
 multæ temporum, etiam loc
 etis à dijs optantem prohib
 Quidquid vult, habere nem
 test, nolle quod non habet:
 uti. Magna pars libertatis est,
 ter, & contumeliæ patiens. Æ
 quantam voluptatem capiam
 do mea sibi ipsi acquiescit. N
 balneum, non vllum aliud re
 poris quaero. Nam quod labo
 tollit: hæc qualiscumque cen
 erit. Aliquando enim exp
 sumpsi subitum: hoc enim c
 rius: nam ubi se præparauit
 tentionem, non aequè appare
 veræ firmitatis. Illa sunt cert
 quæ ex tempore dedit, si n
 molesta, sed placidus ad
 canduit, non litigauit, si quo
 sibi non desiderando suppleui
 quid consuetudini suæ, sibi ni
 quam superuacua essent, non
 cum deesse ceperunt. Vtebar
 quia debebamus, sed quia hab
 ta autèparamus, quia alij para
 plerosq; sunt: inter causas ma
 est quòd viuimus ad exempla
 ponimur, sed consuetudine al
 pauci facerent, nollemus imi
 facere cœperunt, quasi hone
 quentius, sequimur; recti ap

net error, ubique publicus factus est. Omnes iam peregrinantur, ut illos Numidarum præcurat equitatus, ut agmen cursorum antecedit: turpe est, nullo esse, qui occurrentes via dei sciens, qui honestum hominem venire magno pulvere ostendant. Omnes iam mulos habent, qui crystallina & murrhina, & cælata magnorum artificum manu, portent; turpe est, videri, eas te habere sarcinas, quæ tuto concuti possint. Omnium prædagogia oblita facia vehuntur, ne sol, ne frigus teneram cutem lædat; turpe est, neminem esse comitatu puerorum, cuius sana facies medicamentum desideret. Horum omnium sermo vitandus est hi sunt, qui vitia tradunt, & alio aliunde transferunt, pessimum genus hominum videbatur, qui verba gestarent: sunt quidam qui vitia gestant. Horum sermo multum notet, nam etiamsi non statim officit: semina in animo relinquit, sequiturque nos etiam cum ab illis discesserimus, resurrecturum post eà malum. Quemadmodum qui audierunt symphoniam ferunt secum in auribus modulationem illam ac dulcedinem cantus, quæ cogitationes impedit, nec ad seria patitur intendi: sic adulatorum, & prava laudantium sermo, diutius hæret quàm auditur: nec facile est, animo dulcem sonum excutere: prosequitur & durat, & ex interuallo recurrit. Ideò claudenda sunt aures malis vocibus, & quidem primis. Nam cum initium fecerunt, admissæque sunt, plus audent. Inde ad hæc peruenitur verba. Virtus & philosophia, & iustitia, verborum inanum crepitus est. Vna felicitas est, bona vita: facere omnia libere, frui patrimonio: hoc est viuere, hoc est se mortalem esse meminisse. Fluunt dies & irreparabilis vita decurrit. Dubitamus quod

iuvat sapere, & ætati non semper voluptates decerpituræ, interim dum potest, dum poscit,ingere? Quid iuvat frugalitate ultro mortem præcurrere, & quidquid illa ablatura est, iam sibi intercidere? Non amicam habes, non puerum, qui amicæ moueat inuidiā, quotidie sobrius prodis: sic cænas, tanquam ephemeridem patri approbaturus. Non est istud viuere, sed alienæ vitæ interesse. Quanta dementia est, heredis sui res procurare, & sibi negare omnia; vt tibi ex amico inimicum magna faciat hereditas? Plus enim gaudebit tua morte, quo plus acceperit. Istos tristes & superciliosos alienæ vitæ censores, suæ hostes, publicos pædagogos, assis ne feceris: nec dubitaueris, bonam vitam, quam opinionem bonam, malle. Hæ voces non aliter fugiendæ sunt, quam illæ, quas Vlysses nisi alligatur, præteruehi noluit. Idem possunt: abducunt à patria, à parentibus, ab amicis, à virtutibus, & in turpem vitam miseros turpius illidunt. Quanto satius est, rectum sequi limitem, & eo se perducere, vt eadem sint tibi iucunda, quæ honesta? Quod assequi poterimus, si fecerimus duo esse genera retrū, quæ nos aut inuitent, aut fugent. Inuitent; vt diuitiæ, voluptates, forma, ambitio, cetera blanda & arridentia. Fugent; labor, mors, dolor, ignominia, victus astrictior. Debemus itaque exercei, nec timeamus, ne illa cupiamus. In contrarium pugnemus, & ab inuitantibus recedamus, aduersus petentia cōcitemur, Nō vides, quam diuersus sit ascendentium habitus, & descendentium? qui per pronum eunt, te supinant corpora: qui in arduū, incumbunt. Nam si descendas, pondus suum in priorem partem dare: si ascendas, retro abducere, cū vitio, Lucili: consentire est. In voluptates descenditur: in res
aspe-

asperas & duras, subeundum est: hic impellamus corpora, illic refrænemus. Hoc nunc me existimas dicere, eos tantum perniciosos esse auribus nostris, qui voluptatem laudant, qui doloris metunt, per se formidabilis rei, incutiunt? Illos quoque nocere nobis existimo, qui nos sub specie Stoicæ sectæ hortantur ad vitia. Hoc enim iactant: solum sapientem & doctum, esse amatorem: solus apte ad hanc artem, æque combibendi & conuiuandi, sapiens est peritissimus. Quæramus, ad quàm vsque ætatem iuuenes amandi sint. Hæc Græcæ consuetudini data sint: nos ad illa potius aures dirigamus: Nemo est casu bonus: discenda virtus est. Voluptas humilis res & pusilla est, & in medio habenda pretio, commune cum mutis animalibus, ad quàm minima & contemptissima aduolant. Gloria vanum & volatile quiddam est, auraque mobilius. Paupertas nulli malum est, nisi repugnanti. Mors malum non est quid quæreris? sola ius æquum est generis humani. Superstitio error insanus est: amandos timet; quos colit, violat. Quid enim interest, vtrum deos neges, an infames? Hæc discenda, imò ediscenda sunt. non debet excusationes vitio philosophia suggerere? Nullam habet spem salutis æger, quem ad intemperantiam medicus hortatur.

E P I S T. CXXIV.

Contra Epicureos, in Ratione, non Sensu. Bonum esse. Itaque infantes nondum eius capaces: neque plenum est, nisi ubi plena Ratio. Quomodo intelligam in me esse? si extra me nihil quæram.

Possim multa tibi veterum præcepta referre,
 Ni refugis, tenuisque piget cognoscere curas.
 Non refugis autem, nec vlla te subtilitas abigit.

Non est elegantiae tuae, tantum magna sectari. Sicut illud probo, quod omnia ad aliquem profectum redigis, & tunc tantum offenderis, ubi summa subtilitate nihil agitur: quod ne nunc quidem fieri laborabi. Quæritur, verum sensu an intellectu comprehendatur bonum. Huic adiunctum est, in mutis animalibus & infantibus non esse. Quicumque voluptatem in summo ponunt, sensibile iudicant bonum: nos contra intelligibile, qui illud animo damus. Si de bono sensus ludicarent, nullam voluptatem reijceremus: nulla enim non inuitat, nulla non delectat. Et è contrario nullum dolorem volentes subiremus: nullus enim non offendit sensum. Præterea, non essent digni reprehensione, quibus nimium voluptas placet, quibusque summus est doloris timor. Atqui improbamus gulæ ac libidini addictos; & contemnimus illos qui nihil viriliter ausuri sunt doloris metu. Quid autem peccant, si sensibus, id est, indicibus boni ac mali, parent? his enim tradidistis appetitionis & fugæ arbitrium. Sed videlicet ratio isti rei præposita est, quemadmodum debeât de vita, quemadmodum de virtute, de honesto, sic & de bono maloque constitui. Nam apud istos vilissimæ parti datur de meliore sententia, ut de bono pronunciet sensus, obtusa res & hebes, & in homine quam in alijs animalibus tardior. Quid si quis velit non oculis, sed tactu minuta discernere? subtilior ad hoc nulla acies, quam oculorum, & intentior daretur, bonum malumque dignoscere. Vides in quanta ignorantia veritatis versetur, & quam humi sublimia ac diuina proiecerit, apud quem de summo bono maloque iudicat tactus. Quemadmodum, inquit, omnis scientia atque ars aliquid debet

bet habere manifestum, sensu cōprehensum, ex quo oriatur & crescat; sic beata vita fundamentum & initium à manifestis ducit, & eo quod sub sensum cadit. Nempe vos à manifestis beatā vitam sui initium capere dicitis. Dicimus beatā esse, quæ secundum naturam sunt: quid autem secundum naturam sit, palam & protinus apparet, sicut quid sit integrum. Quid est secundum naturam? quod contingit & protinus nato, non dico bonum, sed initium boni. Tu summum bonum voluptatem infantiae donas, ut inde incipiat nascens, quo consummatus homo peruenit. Cacumen radicis loco ponis. Si quis diceret illum in materno utero latentem sexus quoque incerti, tenerum & Imperfectum & informem, iam in aliquo bono esse, aperte videretur errare. Atqui quantulum interest inter eum qui cum maxime vitam accipit, & illum qui maternorum viscerum latens onus est? Uterque, quantum ad intellectum boni ac mali, æque maturus est: & nō magis infans adhuc boni capax est, quam arbor, aut mutum aliquod animal. Quare autem bonum in arbore animalique muto non est? quia nec ratio: ob hoc in infante quoque non est: nam & huic deest. Tunc ad bonum perueniet, cum ad rationem peruenerit. Est aliquod irrationale animal: est aliquod nondum rationale: est rationale, sed imperfectum. In nullo horum bonum: ratio illud secum affer. Quid ergo inter ista, quæ retuli, distat? Nunquam erit bonum in eo quod irrationale est: in eo quod nondum rationale est, tunc esse bonum non potest: in imperfecto iam potest esse bonum, sed non est. Ita dico, Lucili, bonum non in quolibet corpore, non in qualibet ætate inuenitur, & tantum abest ab infantia, quantum à

primo vltimum; quantum ab initio perfectum :
 ergo nec in tenero modo coalescente corpuscu-
 lo est. Quidni non sit? non magis quam in semi-
 ne. Vt si dicas, aliquod arboris, aut sati, bonum
 nouimus: hoc non est in prima fronde, quæ emis-
 sa cum maximè solum rumpit. Est aliquod bo-
 num tritici : hoc nondum est in herba lactente :
 nec cum folliculo se exserit spica mollis, sed cum
 frumentū estas & debita maturitas coxit. Quem-
 admodum omnis natura bonum suum nisi con-
 summata non profert : ita hominis bonum non
 est in homine, nisi cum in illo ratio perfecta est.
 Quod autem hoc sit bonum, dicam. Liber ani-
 mus est ac rectus, alia subiiciens sibi, se nulli. Hoc
 bonum adeò non recipit infania, vt pueritia non
 speret, adulescentia improbe speret. Benè agitur
 cum senectute, si illuc longo studio intentoque
 peruenit : vbi hoc & bonum, & intelligibile est.
 Dixisti, inquit, aliquod bonum esse arboris, ali-
 quod herbe : potest ergo esse aliquod & infantis.
 Verum bonum nec in arboribus, nec in mutis a-
 nimalibus est : hoc quod in illis bonum est, pre-
 cario bonum dicitur. Quod est? inquis : hoc quod
 secundum naturam cuiusque est. Bonum qui-
 dem cadere in mutuum animal, nullo modo po-
 test : felicioris meliorisque naturæ est. Nisi vbi
 rationi locus est, bonum non est. Quattuor hæc
 naturæ sunt, arboris, animalis, hominis, & Dei.
 Hæc duo quæ irrationalia sunt, eandem natu-
 ram habent : illa diuersa sunt, quod alterum im-
 mortale, alterum mortale est. Ex his ergo vnius
 bonum natura perficit, Dei scilicet : alterius cu-
 ra, hominis. Cetera in sua natura perfecta sunt,
 non verè perfecta, à quibus abest ratio. Hoc enim
 demum perfectum est, quod secundum v-
 niuersam naturam perfectum est : vniuersa au-

tem natura rationalis est: cetera possunt in suo genere perfecta esse. In quo non potest beata vita esse, nec id potest quo beata vita efficitur: beata autem vita bonis efficitur: in muto animali non est quo beata vita efficitur: ergo in muto animali bonum non est. Mutum animal sensu comprehendit presentia praeceptorum reminiscitur, cum id incidit, quo sensus admonetur: tamquam equus reminiscitur viae: cum ad initium eius ad-morus est. In stabulo quidem nulla via, quamvis saepe calcata, memoria est; tertium vero tempus, id est, futurum, ad muta non pertinet. Quomodo ergo potest eorum videri perfecta natura, quibus usus perfecti temporis non est? Tempus enim tribus partibus constat: praeterito, praesente, & futuro. Animalibus tantum quod brevissimum est in transcurso datum; praesens: praeteriti rara memoria est, nec unquam reuocatur, nisi praesentium occursum. Non potest ergo perfectae naturae bonum in imperfecta esse natura. Aut si natura habet, hoc habet, quod habent & fata. Nec illud nego, ad ea quae videntur secundum naturam, magnos esse mutis animalibus impetus & concitados, sed inordinatos ac turbidos. Nunquam autem aut inordinatum est bonum, aut turbidum. Quid ergo, inquis, muta animalia perturbate & indisposite moventur? Dicerem illa perturbate & indisposite moveri, si natura illorum ordinem caperet: nunc moventur secundum naturam suam. Perturbatum enim id est, quod esse aliquando & non perturbatum potest. Sollicitum est, quod potest esse securum. Nulli vitium est, nisi cui virtus potest esse. Mutis animalibus talis ex sua natura motus est. Sed ne te diu teneam, aliquod erit bonum in muto animali, erit aliqua virtus, erit aliquid perfectum.

sed quale? nec bonum absolute, nec virtus, nec perfectum. Hæc enim rationalibus solis contingunt, quibus datum est scire, quare, quatenus quemadmodum. Ita bonum in nullo est, nisi tu quo ratio. Quò nunc pertineat ista disputatio, quæris, & quid animo tuo profutura sit? Dico: exercet illum, & acuit, & vtrique aliquid acturum occupatione honesta tenet. Prodest autem & quòd moratur ad prava properantem. Sed illud dico, nullo modo prodesse tibi possum magis, quàm si tibi bonum tuum ostendo, si te à mutis animalibus separo, si cum Deo pono. Quid, inquam, vires corporis alis & exeres? pecudibus istas maiores ferisque natura concessit. Quid excolis formam; cum omnia feceris, à multis animalibus decore vinceris. Quid capillum ingenti diligentia comis? cum illum vel effuderis more Parthorum, vel Germanorum nòdo vinxeris, vel vt Scythæ solent, sparseris: in quolibet equo densior iactabitur iuba, horrebit in leonum ceruice formosior. Cum te ad velocitatem paraueris, par lepusculo non eris. Vis tu relictis in quibus vinci te necesse est, dum in aliena niteris, ad bonum reuerti tuum? Quòd hoc est? animus scilicet emendatus ac purus, æmulator Dei, super humana se extollens, nihil extra se sui ponens. Rationale animal es, quòd ergo in te bonum est? perfecta ratio. Hanc tu ad summum finem euoca, in quantum potest plurimum crescere. Tunc beatum esse te iudica, cum tibi ex te gaudium omne nascetur: cum in his quæ homines eripiunt, optant, custodiunt, nihil inueneris, non dico quòd malis, sed quòd velis. Breuem tibi formulam dabo, qua te metiaris; qua perfectum esse iam sentias: Bonum tunc habebis tuum, cū intelleges infelicissimos esse felices.

AD LVCILIVM

Naturalium Quæstionum.

LIBER PRIMUS.

Argumentum.

PResatur, altissimam, & animosissimam philosophiæ partem esse, quæ caelestia & Deum contemplatur, ac scientia moralis potior. Eam à meteoris ignitis orditur, deinde ad Coronam, Iridem, & alia apparentia transgreditur. Coronam undique in orbem aperiri, quemadmodum circuli solent, cum lapis in lacum, aut piscinam deiicitur. Iridem à Sole colorari, & fieri nube formata in modum concavi speculi, & rotundi, cui forma sit partis è pila sectæ; quod etiam censueras Posidonius olim. Hic multa de speculis cumulat, & iis, quæ radiorum reflexione, aut refractione videntur. Ab Arcu ad Virgas, & Parelia transit: deinde ad nocturnos fulgures, chasmata stellas discurrens, & leniter aliquid de Cometis delibatum. Specula ei memoriam Hostii obscurissimi nebulae excitauerunt. Inde legitimum usum speculorum docet, & abusum.

PRÆFATIO.

Quænam inter philosophiam interest: Lucili virorum optime, & ceteras artes: tantum interesse existimo in ipsa philosophia inter illam partem, quæ ad homines, & hanc, quæ ad deos spectat. Attior est hæc, & animosior: multum permisit sibi: non fuit oculis contenta: maius esse

quiddam suspicata est, ac pulchrius, quod extra conspectum natura posuisset. Denique tantum inter duas, interest, quantum inter Deum & hominem. Altera docet, quid in terris agendum sit: Altera, quid agatur in cælo. Altera errores nostros discutit, & lumen adiuuet, quo discernantur ambigua vitæ: altera multo hanc supra caliginem in qua volutamur excedit; & è tenebris creptos, illo perducit, vnde lucet. Equidem tunc naturæ rerum gratia ago, cum illam non ab hac parte video, quæ publica est, sed cum secretiora eius intraui: cum disco, quæ vniuersi materia sit quis auctor, aut custos: quid sit Deus, totus in se intendat, an ad nos aliquando respiciat: faciat quotidie aliquid, an semel fecerit: pars mundi sit, an mundus: liceat illi hodieque decernere, & ex lege fatorum aliquid derogare; an maiestatis deminutio sit, & confessio erroris, mutanda fecisse. Necesse est enim ei eadem placere, cui nisi optima placere non possunt: nec ob hoc minus liber & potens est: ipse enim est necessitas sua. Nisi ad hæc admitterer, non fuerat nasci. Quid enim erat, cur in numero viuentium me positum esse gauderem? An vt cibo & potiones percolarem? vt hoc corpus caussarium ac fluidum, periturumque nisi subinde impleatur, farcirem, & viuerem ægri minister? vt mortem timerem, cui omnes nascimur? Detrahe hoc inæstimabile bonum, non est vita tanti, vt sudem, vt æstuem. O quam contempta res est homo, nisi supra humana surrexerit! Quamdiu cum affectibus coluctamur, quid magnifici facimus? etiamsi superiores sumus, portenta vincimus. Quid est, cum suspiciamus nosmetipsos, quia dissimiles deteriximis sumus? non video quare sibi placeat,

ceat, qui robustior est in valetudinario : Multum interest inter vires & bonam valetudinem. Effugisti vitia animi ; non est tibi frons ficta ; nec in alienam voluptatem sermo compositus, nec cor inuolutum, nec avaritia ; quæ quidquid id omnibus abstulit, sibi ipsi negat : nec luxuria pecuniam turpiter amittens, quam turpius reparet : nec ambitio, quæ te ad dignitatem nisi per indigna non ducet. Nihil adhuc consecutus es : multa effugisti : te nondum. Virtus enim quàm affectamus, magnifica est : non quia per se beatum est, malo caruisse, sed quia animum laxat, ac præparat ad cognitionem cælestium dignumque efficit, qui in consortium Dei veniat. Tunc consummatum habet plenumque bonum sortis humane, cum calcato omni malo, petit altum, & in interiorem naturæ sinum venit. Tunc iuvat inter sidera ipsa vagantem, diuitum pauimenta ridere, & totam cum auro suo terram : non illo tantum, dico, quòd egressit, & signandum moneta dedit, sed & illo quòd in occulto seruat posterorum avaritiæ. Nec potest ante contemnere porticus, & lacunaria ebore fulgentia & tensiles silvas, & deriuata in domos flumina, quanta totum circumbeat mundum, & terrarum orbem superne despiciens, angustum ; & magna ex parte operum mari, etiam qua exstat, late squahdum, & aut vstum aut rigentem : sibi ipse ait : Hoc est illud punctum, quod inter tot gentes ferro & igni diuiditur ? O quàm ridiculi sunt mortaliū termini ! Ultra Istrum Dæus non exeat ; Strymo Thracas includat : Parthis obstat Euphrates : Danubius Sarmaticæ ac Romana disteminet : Rhenus Germaniæ modum faciat : Pireæus medium inter Gallias & Hispanias iugum

extollat: inter Aegyptum, & Aethiopias arenas inculta vastitas iaceat. Si quis formicis det intellectum hominis, nonne, & illæ vnā aream in multas prouincias diuident? Cū te in illa vere magna sustuleris: quotiens videbis exercitus subrectis ire vexillis; & quasi magnum aliquid agatur, equitem modo vltiora explorantem, modo à lateribus affusum, libebit dicere:

It nigrum campis agmen.

Formicarum iste discursus est, in angusto laborantium. Quid, illis & nobis interest, nisi eligi mensuram corpusculi? Punctum est istud in quo nauigatis, in quo bellatis in quo regna disponitis: minima, etiam cū illis vtrinq̃e Oceanus incurrit. Sursum ingentia spatia sunt, in quorum possessionem animus admittitur: at ita si minimum secum ex corpore tulit, si sordidum omne detergit, & expeditus leuisque ac contentus modico emicuit. Cū illa tetigit, alitur, crescit: ac velut vinculis liberatus, in originem redit. Et hoc habet argumentum diuinitatis suæ: quod illum diuina delectant: nec vt alienis interest, sed vt suis. Secure spectat occasus siderum atque ortus, & tam diuersas concordantium vias. Obseruat, vbi quæque stella primum terris lumen ostendat, vbi culmen eius summum, qua cursus sit, quousque descendat. Curiosus spectator excutit singula, & quærit. Quid inquirat? Scit illa ad se pertinere. Tunc contemnit domicilij prioris angustias. Quantum enim est, quod ab vltimis littoribus Hispaniæ vsque ad Indos iacet? Paucissimorum dierum spatium, si nauem suam Venus impleuit. At illa regio cælestis per triginta annos, velocissimo sideri viam præstat, nusquam resistenti, sed æqualiter cito. Illic demum discit, quod diu
quæ-

quæsiuit: illic incipit Deum nosse. Quid est Deus? Mens vniuersi. Quid est Deus? Quod vides totum, & quod non vides totum. Sic demum magnitudo sua illi redditur, qua nihil maius excogitari potest, si solus est omnia, opus suum & extra & intra tenet. Quid ergo interest inter naturam Dei, & nostram? Nostri melior pars, animus est: in illo, nulla pars extra animum: totus ratio est. Cum interim tantus error mortalia teneat, ut hoc, quo neque formosius est quidquā nec dispositius, nec in proposito constantius existiment homines fortuitum & casu volubile, ideoque tumultuosum inter fulmina, nubes, tempestates, & cetera quibus terræ ac terris vicina pulsantur. Nec hæc intra vulgum dementia est sapientiam quoque profectos contigit. Sunt qui putent, sibi ipsis animum esse, & quidem prouidum ac dispensantem singula, & sua, & aliena: hoc autem vniuersum, in quo nos quoque sumus, expers esse consilij, & aut ferri temeritate quadam, aut natura nesciente quid faciat. Quam utile existimas ista cognoscere, & rebus terminos ponere; quantum Deus possit: materiam ipse sibi formet, an data utatur: utrum idea materię prius superuenit, an materia ideæ? Deus quidquid vult efficiat, an in multis rebus illum tractanda destituant: & à magno artifice præue formentur multa, non quia cessat ars, sed quia id in quo exercetur, sæpe inobsequens arti est: Hæc inspicere, hæc dicere, his incumbere, nonne transilire est mortalitatem suam, & in meliorem transcribi sortem? Quid tibi, inquis, ista proderunt? Si nihil aliud, hæc certe sciam, omnia angusta esse, mensus Deum. Sed hæc deinde,

CAP. I. Nunc ad propositum veniamus opus.

Audi quid de ignibus philosophia velit, quos

aer transuersos agit . Magna vi illos excuti argumentum est , quodd obliqui feruntur , & præ rapida celeritate . Apparet illos non ire , sed præijci . Ignium multæ variæque facies sunt . Aristoteles quoddam genus illorum Capram vocat . Si me interrogaueris , quare ? prior mihi rationem reddas oportet , quare Hædi vocentur . Si autem quod commodissimum est , conuenerit inter nos , ne alter alterum interroget , Quid dicit ille ? satius erit de re ipsa quærere , quam mirari , quid ita Aristoteles globum ignis appellauerit Capram . Talis fuit forma eius , qui , bellum aduersus Persen Paullo gerente , lunari magnitudine , apparuit . Nos quoque vidimus non semel flammam ingentis pilæ specie , quæ tamen in ipso cursu suo dissipata est . Vidimus circa diui Augusti excessum simile prodigium , vidimus cum de Seiano actum est : nec Germanici mors sine denunciatione tali fuit . Dices mihi ? Ergo tu in tantis erroribus es , vt existimes deos mortium signa præmittere , & quidquam esse in terris tam magnum , quod perire mundus sciat ; Est aliud isti rei tempus . Videbimus , an certus omnium rerum ordo ducatur , & alia alij ita complexa sint , vt quodd antecedit , aut causa sit sequentium , aut signum . Videbimus , an dijs humana sunt curæ ; an series ipsa , quid factura sit , certis rerum notis nunciet . Interim illud existimo , huiusmodi ignes existere aere vehementius trito , cum inclinatio eius in alteram partem facta est , & non cessit , sed intra se pugnante . Ex hac vexatione nascuntur trabes & globi , & faces , & ardores . At cum leuius collisus , & (vt ita dicam) strictus est , minora lumina excutuntur , crinemque volantia sidera ducunt . Tunc ignes tenuissimi iter exile designant ,

gnant, & cœlo producunt. Idcò nulla sine huiusmodi spectaculis nox est, non enim opus est ad efficienda ista magno aeris motu. Denique, ut breuiter dicam, eadem ratione fiunt ista, quæ fulmina, sed vi minore. Quemadmodum nubes mediocriter collisæ fulgurationes efficiunt maiore impetu pulsæ, fulmina. Aristoteles eiusmodi rationem reddit: Varia & multa terrarum orbis exspirat, quædam humida, quædam sicca, quædam argentia, quædam concipiendis ignibus idonea. Nec mirum est, si terræ omnis generis & varia euaporatio est: cum in cœlo quoque non vnus appareat color rerum, sed acrior sit caniculæ rubor, Martis remissior, Iouis nullus, in lucem puram nitore perducto. Necessè est ergo in magna copia corpusculorum, quæ terræ eiectant, & in superiorem agunt partem, aliqua in nubes peruenire alimenta ignium, quæ non tantum collisæ possint ardere, sed etiam afflata radijs solis. Nam apud nos quoque, stramenta sulphure aspersa, ignem ex intervallo trahunt. Veri ergo simile est, talem materiam intra nubes congregatam facile succendi, & maiores minoresque ignes existere, prout illis fuit plus aut minus virum. Illud enim stultissimum est existimare, aut stellas decidere, aut transilire, aut aliquid illis auferri & abradi: nam si hoc fuisset, iam defuissent. Nulla enim nox est, qua non plurimæ ire, & in diuersum videantur abduci. Atqui quo solent, quæque inueniuntur loco: magnitudo sua singulis constat: Sequitur ergo, ut infra illas ista nascantur: & cito intercidant, quia sine fundamento sunt & sede certa. Quare ergo etiam non interdum transferuntur? Quid si dicam stellas interdum non esse, quia non apparent? Quemadmodum-

dum illæ latent, & solis fulgore obumbrantur; sic faces quoque transcurrunt etiam interdiu, sed abscondit eas diurni luminis claritas. Si quando tamen tanta vis emicuit, ut etiam aduersus diem vindicare sibi suum fulgorem possint, apparent. Nostra certe ætas non semel vidit diurnas faces, alias ab oriente in occidentem versas, alias ab occasu in ortum. Argumentum tempestatis nautæ putant, cum multæ transuolant stellæ: quod si signum ventorum est, ibi est, ubi venti sunt id est, in aere, qui medius inter lunam & terram est. In magna tempestate apparent, quasi stellæ velo insidentes. Adiutori se tunc periclitantes existimant Pollucis & Castoris numine: Causa autem melioris spei est, quod iam apparet frangi tempestatem, & desinere ventos. Aliquando feruntur ignes, non cedent. Gylippo Syracusas petenti, visa est stella super ipsam lanceam constitisse. In Romanorum castris, visa sunt ardere pila, ignibus scilicet in illa delapsis: qui sæpe, fulminum more, animalia ferire solent & arbuta. Sed si minore vi mittuntur, defluunt tantum & insident, non feriunt nec vulnerant. Alij inter nubes eliduntur, alij sereno, si aer ad esprimendum ignem aptus fuit. Nam sereno quoque cælo, aliquando tonat, ex eadem causa, qua nubilo, aere inter se colliso. Qui etiam si est lucidior, ac siccior, coire tamen & facere corpora quadam similia nubibus potest, quæ percussa reddant sonum. Quandoque igitur sunt trabes, quandoque clypei, & vastorum imagines ignium, ubi in talem materiam incidit similis causa, sed maior.

CAP. II. Videamus nunc, quemadmodum fiat is fulgor, qui sidera circumnectit. Memoriæ proditum est, quo die diuus Augustus urbem, ex

Apel-

Apollonia reuerfus, intrauit, circa solem visum coloris varij circulum, qualis esse in arcu solet: hunc Græci Halo vocant, nos dicere Coronam aptissime possumus. Quemadmodum fieri dicatur, exponam. Cùm in piscinam lapis missus est, videmus in multos orbes aquam discedere, & fieri primum angustissimum orbem, deinde latiore, ac deinde alios maiores, donec euanescat impetus, & in planiciem immotarum aquarum soluatur. Tale quiddam cogitemus fieri etiam in aere: cùm spissior factus plagam sentire potest, lux solis aut lunæ vel cuiuslibet sideris incurrens, recedere illum in circulos cogit. Nam humor, & aer, & omne quod ex ictu formam accipit, in talem habitum impellitur, qualis est eius quod impellit. Omne autem lumen rotundum est: ergo & aer in hunc modum percussus lumine, exhibit. Ob hoc tales splendores Græci Areas vocauerunt: quia fere terrendis frugibus loca destinata sunt rotunda. Non est autem quod existimemus, istas, siue areæ, siue coronæ sint, in vicinia siderum fieri. Plurimum enim absunt, quamuis cingere ea & coronare videantur. Non longe à terra fit talis effigies: quàm visus noster solita imbecillitate deceptus circa ipsum sidus putat positam. In vicinia autem solis & stellarum nihil tale potest fieri quia illic æther tenuis est. Nam formæ crassissimæ & spississimæ corporibus imprimi solent: in subtilibus, non habent ubi consistent, aut hæreant. In balneis quoque circa lucernam tale quiddam adspici solet, ob aeris densi obscuritatem: frequentissime autem austro, cum cælum maxime graue & spissum est. Nonnumquam paulatim diluuntur & desinunt, nonnumquam ab aliqua parte rumpuntur: & inde

Ventum nautici expectant, unde contextus corone perit. Si enim à septentrione discesserit. Aquilo erit, si ab occidente, Fauonius. Quòd argumentum est, intra eam partem cœli has fieri coronas, intra quàm venti quoque solent. Superiora autem non habent coronas; quia ne ventos quidem. His argumentis & illud adijce, nunquam coronam colligi, nisi stabili aere & pigro. Aliter non solet adipisci. Nam qui stat aer, impelli & deduci, & in aliquam faciem fingi potest. Is autem qui fluit, nec fertur quidem lumine. Non enim formatur, ne resistit: quia prima quæque pars eius dissipatur. Numquam ergo ullum fidustalem sibi effigiem circumdabit, nisi cum aer erit densus atque immotus, & ob hoc custodiens incidentem in ferorundi lineam luminis: nec sine causa. Reperere enim exemplum, quòd paullo ante proposui. Lapillus in piscinam aut lacum & aliquam alligatam aquam missus, circulos facit innumera-biles: & hoc idem non facit in flumine. Quare? quia omnem figuram fugiens aqua disturbat. Idem ergo in aere euenit, ut ille qui manet, possit figurari: at ille qui rapitur & currit, non det sui potestatem, & omnem istum venientemque formam exturbet. Hæ de quibus dixi, coronæ, cum dilapsæ sunt æqualiter, & in semetipsis evanuerint significatur aeris quies & orium & tranquillitas. Cum ab vna parte cesserunt, illinc ventus est unde funduntur. Si ruptæ pluribus locis sunt, tempestas fit. Quare id accidat, ex his quæ iam exposui intelligi potest. Nam si facies vniuersa subsedit, apparet temperatum esse aera, & sic placidum. Si ab vna parte intercisâ est, apparet inde, aera incumbere, & ideo illa regno ventum dabit. At cum

vnde

undique & concerpta & lacerata est, manifestum est à pluribus partibus in illam impetum fieri, & inquietum aera hinc atque illinc affilire. Itaque ex hac inconstantia cœli tam multæ tentantis, & undique laborantis, futura tempestas & ventorum prælium apparet. Hæ coronæ noctibus fere circa lunam & alias stellas notantur, interdiu raro: adeò vt quidam ex Græcis negauerint eas omninò fieri, cum illos historiæ coarguant. Causa autem raritatis hæc est, quòd solis fortius lumen est, & aer ipse agitatus ab illo, calefactusque, solutior est: lunæ autem inertior vis est, & idèd à circumposito aere facilius sustinetur: æque sidera cetera infirma sunt, nec perumpere aera vi sua possunt. Excipitur itaque illorum imago, & in materia solidiore ac minus cedente versatur. Debet enim aer nec tam spissus esse, vt excludat ac submoueat à se lumen immissum, nec tam tenuis, & solutus, vt nullam venientibus radijs moram præbeat. Hæc noctibus temperatura contingit, cum sidera coniectum aera luce leui non pugnaciter nec aspere feriunt, spissiorēque, quàm solet esse interdiu, inficiunt.

CAP. III. At contra arcus in nocte non fit, nisi admodum raro: quia luna non habet tantum virium, vt nubes transeat, & illis colorem suffundat, quale accipiunt sole perstrictæ. Sic enim formam arcus discoloris efficiunt, quia aliæ partes in nubibus tumidiore sunt, aliæ submissiores: quædam crassiores, quàm vt solem transmittant; aliæ imbecilliores, quàm vt excludant. Hæc inæqualitas alternis lucem vmbraq; permiscet, & exprimit illam mirabilē arcus, varietatem. Altera causa eiusmodi arcus redditur. Videmus, cū fistula aliquo loco rupta est, aquam

per tenue foramen elidi: quæ sparsa contra solem oblique positum, faciem arcus representat. Idem videbis accidere, si quando volueris obseruare fullonem: cum os aqua impleuit, & vestimenta rediculis diducta leuiter aspergit, apparet varios edi colores in illo aere asperfo, quales in arcu fulgere solent. Huius rei causam in humore esse ne dubitaueris. Non sit enim vinqum arcus, nisi nubilo. Sed quæramus quomodo fiat. Quidam aiunt esse aliqua stillicidia, quæ solem transmittant, quædam magis coacta, quam vt transluceant: itaque ab illis fulgorem reddi, ab his vmbra, & sic vtriusque intercurfu effici arcum, in quo pars fulgeat, quæ solem recipit, pars obscurior sit, quæ exclusit, & ex se vmbra proximis fecit. Hoc ita esse quidam negant. Poterat enim vmbra, & lux causa videri duos tantum haberet colores, & si ex lumine vmbraque constaret.

*Sed nunc diuersi niteant cum mille colores;
Transitus ipse tamen spectantia lumina fallit:
Vsq; adeo quod tangit idem est, tamen ultima distans.*

Videmus in eo aliquid flâmci, aliquid lutei, aliquid cerulei, & alia in picturæ modum subtilibus lineis ducta, vt ait Poeta, vt an dissimiles colores sint, scire non possis, nisi cum primis extrema contuleris. Nam commissura decipit, vsque adeo mira arte naturæ, quod à similibus cæpit, in dissimilia desinit. Quid ergo istis duo colores faciunt luminis atque vmbra, cum innumerabiliû ratio reddenda sit: Quidam ita existimant arcum fieri: dicunt in ea parte in qua pluit, singula stillicidia pluuiæ cadentis, singula specula esse: à singulis ergo imaginem reddi solis: deinde multas imagines: imo innumerabiles, & deuexas, & in

præceps transeuntes confundi : itaque & arcum
 esse multarum imaginum solis confusionem .
 Hoc sic colligunt. Pelues, inquit, mille die se-
 reno pone, & omnes habebunt imaginem solis:
 in singulis folijs dispone singulas guttas: singu-
 læ habebunt imaginem solis . At contra ingens
 stagnum non habebit nisi imaginem vnā .
 Quare? quia omnis circumscripta læuitas &
 circumdata suis finibus, speculum est . Itaque
 piscinam ingentis magnitudinis, insertis pa-
 rietibus in plures diuide: totidem illa habebit
 imagines solis, quot lacus habuerit . Relinque
 illam sicut est diffusa: semel tibi imaginem red-
 det . Nihil refert, quam exiguus sit humor aut
 lacus . Si circumseptus est, speculum est . Ergo
 stillicidia illa infinita, quæ imber cadens defert,
 totidem specula sunt, totidem solis facies ha-
 bent . Hæ contra intuenti perturbatæ apparent,
 nec dispiciuntur interualla, quibus singula di-
 stant spatio prohibente discerni . Deinde pro
 singulis apparet vna facies turbida ex omnibus.
 Aristoteles idem iudicat . Ab omni, inquit,
 læuitate acies radios suos replicat . Nihil au-
 tem læuius aqua & aere . Ergo etiam ab aere
 spisso visus noster in nos redit . Vbi vero hebes
 & infirma est acies qualis libet aeris ictu deficit .
 Quidam hoc genere valetudinis laborant, vt
 ipsi sibi videantur occurrere, vt vbiq; imagi-
 nem suam cernant. Quare? quia infirma vis ocu-
 lorum non potest ne proximum quidem sibi ae-
 rem perumpere, sed resistit. Itaque quod in alijs
 efficit densus aer, in his facit omnis . Satis enim
 valet qualiscumque, ad imbecillem aciem repel-
 lendam: longe autem magis visum nostrum no-
 bis remittit, qui crassior est, & peruinci non po-
 test, sed radios luminum nostrorum moratur,
 & co.

& eo vnde exierint, reflectit. Ergo cum multa stillicidia sint, totidem specula sunt. Sed quia parua sunt, solis colorem, sine figura exprimunt. Deinde cum in stillicidijs innumerabilibus, & sine interuallo cadentibus, reddatur idem color incipit facies esse non multarum imaginum intermissarum, sed vnius longæ atque continuæ. Quomodo, inquis, tu mihi multa millia istic imaginum esse dicis, vbi nullam video? Et quare cum solis color vnus sit, imaginum diuersus est. Vt & hæc quæ proposuisti, refellam, & alia quæ non minus refellenda sunt, illud dicam oportet: nihil acie nostra fallacius, non tantum in his, à quibus subtiliter peruidendis illarum colorum diuersitas summoget, sed & in his quoque, quæ ad manum cernit. Remus integer in tenui aqua fracti speciem reddit. Poma per vitrum adspicientibus multo maiora sunt: Columnarum interualla porticus longiores iungunt. Ad ipsum solem reuertere: hunc quem toto orbe terrarum maiorem probat ratio, acies nostra sic contraxit, vt Sapientes viri pedalem esse contenderint. Quem velocissimum omnium esse scimus, nemo nostrum videt moueri: nec ire crederemus, nisi appareret iste. Mundum ipsum præcipiti velocitate habentem, & ortus occasusque intra momentum temporis reuoluentem, nemo nostrum sentit procedere. Quid ergo miraris, si oculi nostri imbriū stillicidia non separant, & ingenti spatio intuentibus minutarum imaginum discrimen interit? Illud esse dubium nulli potest, quia arcus imago solis sit, rosida & caua nube concepta. Quòd ex hoc tibi apparet. Nunquam non aduersa soli est, sublimis aut humilis, prout ille se submisit, aut sustulit, contrario motu.

Illo enim descendente altior est, alto depressior. Sepe talis nubes à latere solis est, nec arcum efficit, quia non ex recto imaginem trahit. Varietas autem non ob aliam causam fit, quam quia pars coloris à sole est, pars à nube illa: humores autem modo cæruleas lineas, modo virides modo purpuræ similes, & luteas aut igneas ducit, duobus coloribus hanc varietatem efficientibus remisso & intecto. Sic enim & purpura eodem conchylio non in vnum modum exit. Interest, quamdiu macerata sit, crassius medicamentum, an aquatius traxerit; sæpius mersa sit & excocta, an semel tincta. Non est ergo mirum, cum duæ res sint, sol & nubes, id est, corpus & speculum, si tam multa genera colorum exprimuntur, quæ in multis generibus possunt aut incitari, aut relanguescere. Alius enim est color ex igneo lumine, alius ex obtuso & leniore. In alijs rebus vaga inquisitio est, ubi non habemus quod manu tenere possimus, & late coniectura mittenda est: hic apparet duas causas esse arcus, solem, nubemque, quia nec sereno vnquam fit, nec ita nubilo, ut sol lateat. Ergo utique ex his quorum sine altero non est.

CAP. IV. Iam illud accedit, quod æque manifestum est, speculi ratione imaginem reddi, quia nunquam nisi è contrario redditur: id est, nisi ex altera parte steterit quod apparet, ex altera quod ostendit. Rationes quæ non persuadent, sed cogunt, à Geometris adferuntur. Nec dubium cuiquam relinquitur, quin arcus imago solis sit male expressi, ob vitium figuramque speculi. Nos interim tentemus alias probationes, quæ de plano legi possint. Inter argumenta sic nascentis arcus pono, quod cellerrime nascitur: ingens enim variumque

corpus cælo intra momentum subtexitur, & æque celeriter aboletur: nihil autem tam cito redditur, quam à speculo imago. Non enim facit quidquam, sed ostendit. Parianus Artemidorus adijcit, & quale genus nubis esse debeat quod talem solis imaginem reddit. Si speculum, inquit, concavum feceris, quod sit sectæ pilæ pars, si extra medium constiteris, quicumque iuxta te steterint, vniuersi à te videbuntur, propriores tibi quam speculo. Idem, inquit, euenit, cum rotundam & cauam nubem intuemur à latere, vt solis imago à nube discedat, priorque nobis sit, & in nos magis conuersa. Color igitur igneus à sole est, cæruleus à nube: ceteri vtriusque mixturæ.

CAP. V. Contra hæc illa dicuntur. De speculis duæ opiniones sunt: alij enim in his simulacra cerni putant, id est, corporum nostrorum figuras, à nostris corporibus emissa: ac separatæ: alij imagines aiunt non esse in speculo, sed ipsa adspici corpora, retorta oculorum acie, & in se rursus reflexa. Nunc nihil ad rem pertinet quomodo videamus quodcumque videmus: sed quomodo imago similis debet speculo reddi. Quidnam est tam dissimile, quam sol, & arcus, in quo neque color, neque figura solis, neque magnitudo apparet? Arcus enim longior ampliorque est, longeque ea parte, qua fulget, rubicundior quam sol: ceteris vero coloribus diuersus. Deinde cum velis speculum acri comparare, des oportet mihi eandem læuitatem corporis, eandem æqualitatem, eundem nitorem. Atqui nullæ nubes habent similitudinem speculi: per medias sæpe transimus, nec in illis nos cernimus. Qui montium summa conscendunt, spectant nubem: nec tamen imaginem suam in illa

illa cernunt. Singula stillicidia singula specula sunt. Concedo: sed illud nego, ex stillicidijs constare nubem. Habet enim quædā ex quibus fieri stillicidia possunt non ipsa. Nec aquam quidem habet nubes, sed materiam futuræ aquæ. Concedam etiam tibi & guttas innumerabiles in nubibus esse, & illas faciem reddere: non tamen omnes vnā reddunt, sed singulæ singulas. Deinde inter se specula coniunge: in vnā imaginem non coibunt: sed quæque particula in se rei similitudinem claudet. Sunt quædam specula ex multis minutisque composita: quibus si vnum ostenderis hominem, populus apparet, vnaquaque parte faciem suam exprimente. Hæc cum sint coniuncta & simul collocata, nihilominus seducunt imagines suas, & ex vno turbam efficiunt. Ceterum cateruam illam non confundunt, sed direptam in facies singulas distrahunt: arcus vno circumscriptus est ductu; vna totius est facies. Quid ergo? non & aqua, rupta fistula, sparsa, & remota excussa, habere quiddam simile his quos videmus in arcu, coloribus solet? Verum est: sed non ex hac causa, ex qua tu videri vis: quia vnaquæquæ stilla recipit imaginem solis. Citius enim cadunt stillæ, quam vt concipere imaginem possint. Standum est, vt id quod imitantur, excipiant. Quid ergo sit? Colorem, non imaginem ducunt, alioquin, vt ait Nero Cæsar disertissime.

Golla Cytheriaca pendens agitata columba: & varijs coloribus pavonum ceruix, quoties aliquo deflectitur, nitet. Numquid ergo dicemus specula eiusmodi plumas, quarū omnis inclinatio in colores novos transit? Non minus nubes diuersam speculis naturam habent, quam aues quas retuli, & chamæleontes, & reliqua animalia

lia, quorum color aut ex ipsis mutatur, cum ira vel cupidine accensa, cutem suam variant humore suffuso, aut positione lucis, quam pro ut rectam vel obliquam receperint, ita colorantur. Quid enim simile speculis habent nubes, cum illa non perluceant, hæ transmittant lucem? illa densa & coacta, hæ raræ sint: illa eiusdem materiæ tota, hæ diuersis temere compositæ, & ob hoc discordes, nec diu cohæsuræ? Præterea videmus, ortu solis partem quandam cæli rubere: videmus nubes aliquando ignei coloris. Quid ergo prohibet, quomodo hunc colorem vnum accipiunt solis occursum sic multos ab illi trahi, quamuis non habeant specculi potentiam? Modo, inquit, inter argumenta ponendas, semper arcum contra solem excitati, quia nec à speculo quidem imago redderetur, nisi aduerso. Hoc, inquit, commune nobis est. Nam quemadmodum apponendum est speculo id, cuius imaginem in se transferat: sic ut nubes infiri possint: ita solis ad hoc opus est radiorum idoneus ictus. Hæ dicuntur ab ijs qui videri volunt nubem colorari. Posidonius, & hi qui speculati ratione effici iudicant visum, hoc respondent: Si ullus esset in arcu color, permaneret, & videretur eo manifestius, quo propius. Nunc imago arcus ex longinquo clara est: interfuit, cum in vicino est. Huic contractioni non consentio, cum ipsam sententiam probem, Quare? dicam. Quia coloratur quidem nubes: sed ita, ut color eius non vndique appareat. Nam ne ipsa quidem vndique apparet. Nubem enim nemo qui in ipsa est, videt. Quid ergo mirum, si color eius non videtur ab eo, à quo ipsa non visitur? Atqui quamuis ipsa non videatur, est: ergo & color. Ita non est argumentum falsi

coloris? quia idem apparere accedentibus desinit. Idem enim in ipsis euenit nubibus: nec ideo falsæ sunt quia non videntur. Præterea cum dicitur tibi, nubem sole esse suffectam, non dicitur tibi colorem illum immixtum esse velut duro corpori ac stabili & manenti, sed vt fluido & vago, & nihil amplius quam per breuem speciem recipienti. Sunt etiam quidam colores, qui ex interuallo vim suam ostendunt. Purpuram Tyriam, quo melior saturiorque est, eo oportet altius teneas, vt fulgorem suum ostendat. Non tamen ideo non habet illa colorem: quia quem optimum habet, non quomodocumque explicetur, ostendit. In eadem sententia sum, qua Posidonius, vt arcum iudicem fieri nube formata in modum concaui speculi & rotundi, cui forma sit partis è pila sectæ. Hoc probari, nisi Geometræ adiuuerint, non potest: qui argumentis nihil dubij relinquentibus docent, solis illam esse effigiem, non similem. Neque enim omnia ad verum specula respondent. Sunt, quæ videre extimescas; tanta deformitate corruptam faciem visentium reddunt, seruata similitudine in peius: Sunt, quæ cum videris, placere tibi vires tuæ possint: in tantum lacerti crescunt, & totius corporis supra humanam magnitudinem habitus augetur. Sunt, quæ dexteris facies ostendant, sunt quæ sinistras, sunt quæ torqueant vel euertant. Quid ergo mirum est, eiusmodi speculum quo solis species vitiosa reddatur, in nube quoque fieri?

CAP. VI. Inter cetera argumenta & hoc erit, quòd numquam maior arcus dimidio circulo apparet: & quòd eo minor est, quo altior est sol.

... .. *Et bibit ingens*

Arcus,

Tom. II.

A a

vt

vt ait Virgilius noster, cū aduentat imber: sed non easdem, vndecumque apparuit, minas affert. A meridie ortus magnam vim aquarum vehet. Vinci enim non potuerunt valentissimo sole; tantum est illis vitium. Si circa occasum refulsit, rorabit, & leuiter impluet. Si ab ortu circaue surrexit, serena promittit. Quare tamen, si imago solis est arcus, longe ipso sole maior apparet? Quia est alicuius speculi natura talis, vt maiora multo quam videat; ostendat, & in portētosam magnitudinem augeat formas: alicuius inuicem talis est, vt minuāt. Illud mihi dic, quare in orbem eat facies, nisi orbi redditur? Dices fortasse, vnde sit ille color varius: vnde talis figura sit, non dices, nisi aliquod exemplar, ad quod formetur, ostenderis. Nullum autem aliud, quam solis, est à quo fatearis illi colorem dari: sequitur vt detur & forma. Denique inter me & te conuenit, colores illos quibus regio cæli depingitur, à sole esse. Illud vnum inter nos non conuenit: tu dicis illum colorem esse, ego videri. Qui siue est, siue videtur, à sole, tu non expedies, quare subito desinat, cū omnes fulgores paullatim discutiantur. Pro me est & repentina eius facies, & repentinus interitus. Proprium enim est speculi hoc, quod non per partes struitur, quod apparet, sed statim totum fit. Æque cito omnis imago in iblo aboletur, quam componitur. Nihil enim aliud ad ista efficienda vel remouenda opus est, quàm ostendi & abduci. Non est propria enim ista nube substantia, nec corpus; sed mendacium, & sine re similitudo. Vis scire hoc ita esse? Desinet arcus, si obtexeris solem. Oppone, inquam, soli alteram nubem: huius varietas peribit. At maior est aliquanto arcus, quàm sol-

sol . Dixi modò, fieri specula, quæ multipli-
cent omne corpus quod imitantur . Illud adij-
ciam omnia per aquam videntibus longe esse
maiora . Litteræ quamuis minutæ & obscuræ,
per vitream pilam aqua plenam maiores cla-
rioresque cernuntur . Poma formosiora quam
sint videntur, si innatant vitro . Sidera amplio-
ra per nubem adspicienti videntur : quia acies
nostra in humidolabitur, nec apprehendere,
quòd vult, fideliter potest . Quòd manifestum
fiet, si poculum impleueris aqua, & in id conie-
ceris annulum . Nam cùm in ipso fundo iaceat
annulus, facie eius in summo aquæ redditur .
Quidquid videtur per humorem, longe am-
plius vero est . Quid mirum, maiorem reddi
imaginem solis quæ in nube humida visitur,
cum de caussis duabus hoc accidat : quia in nube
est aliquid vitro simile, quòd potest perlucere, est
aliquid & aquæ : quam si nondum habet, tamen
iam apparet eius natura, in quâ ex sua verratur.

CAP. VII. Quoniam, inquis, vitri fecisti
mentionem, ex hoc ipso contra te argumen-
tum sumam . Virgula solet fieri vitrea, stricta,
vel pluribus angulis in modum clauæ torosa :
hæc si ex transuerso solem accipit, colorem
talem qualis in arcu videri solet, reddit : vt scias
hic non imaginem solis esse, sed coloris imita-
tionem ex repercussu . In hoc argumento mul-
ta sunt pro me : Primum, quòd apparet quid-
dam leue esse debere, simile speculo, quo so-
lem percutiat : deinde, quòd apparet non fie-
ri vllum colorem, sed speciem falsi coloris,
qualem (vt dixi) columbarum ceruix & sumit
& ponit, vt cumque deflectitur : hoc autem & in
speculo est, cuius nullus videtur color, sed simu-
lacio quædam coloris alieni . Vnum tamen hoc

soluendum est, quod non visitur in illa virgula solis imago, cuius benè exprimendæ capax non est. Ita conatur quidem reddere imaginem, quia levis est materia, & ad hoc habilis: sed non potest, quia enormiter facta est. Si apte fabricata foret, totidem redderet soles, quot habuisset infecturas. Quæ quia non discernuntur inter se, non satis in vicem speculi nitent: inchoant tantum imagines, nec exprimunt: & ob ipsam viciniam turbant, & in speciem coloris vnius adducunt.

CAP. VIII. At quare arcus non implet orbem, seu dimidia pars eius videtur, cum primum porrigitur, incuruaturque? Quidam ita opinantur. Sol cum sit multo altior nubibus, à superiore tantum illas percutit parte: sequitur ut inferior pars earum non tangatur lumine. Ergo cum ab vna parte solem accipiant, vnam partem eius tantum imitantur, quæ nunquam dimidia maior est. Hoc argumentum parum potens est. Quare? quia quamuis sol à superiori parte sit, totam tamen percutit nubem. Ergo & tingit. Quid ni? cum radios transmittere soleat, & omnem densitatem perumpere. Deinde contrariam rem proposito suo dicunt. Nam si superior est sol, & idè tantum superiori parte nubium affunditur, nunquam terra tenus descendit arcus. Atqui vsque in humum demittitur. Præterea nunquam non contra solem est arcus, Nihil ad rem pertinet, supra infraue sit: quia totum, quod contra est, latus verberatur. Deinde aliquando arcum & occidens facit, cum certè ex inferiore parte nubes ferit, terris propinquus. Atqui & tunc dimidia pars est, quamuis solem nubes ex humili & sordido accipiant. Nostri qui sic in nube quomodo in speculo, lumen reddi volunt, nubem cauam faciunt, & sectæ pilæ partem: quæ
non

non potest totum orbem reddere, quia ipsa est pars orbis. Proposito accedo, argumento non consentio. Nam si in concauo speculo tota facies oppositi orbis exprimitur, & in semiorbe nihil prohibet adspici totam pilam. Etiamnum diximus circulos apparere soli lunæque in similitudine arcus circundatos: quare in illis circulus iungitur, in arcu numquam? Deinde quare semper concauæ nubes, solem accipiunt, nec aliquando planæ & tumentes? Aristoteles ait, post autumnale equinoctium, qualibet hora dici arcum fieri, æstate non fieri, nisi aut incipiente aut inclinatio iam die. Cuius rei causa manifesta est. Primum, quia medio die sol calidissimus nubes euincit: nec potest ab his imaginem suam recipere, quas scindit. At matutino tempore, & vergens ad occasum, minus virium habet: & ideo à nubibus & sustineri & reperi potest. Deinde cum arcum facere non soleat, nisi aduersus his, in quibus facit nubibus: cum breuiores dies sunt, semper obliquus est. Itaque qualibet diei parte, etiam cum altissimus est, habet aliquas nubes, quas ex aduerso ferire potest. At temporibus æstiuis supra nostrum verticem fertur. Itaque medio die excelsissimus terras rectiore, adspicit linea, quam ut ullis nubibus possit occurrere. Omnes enim tunc sub se habet.

CAP. IX. Nunc dicendum est de virgis, quas non minus pictas, varialesque & æque pluuiarum signa solemus accipere. In quibus non multum opere consumendum est: quia virgæ nihil aliud quam imperfecti arcus sunt. Nam facies quidem illis est picta, sed nihil curuati habent. In rectum iacent. Fiunt autem iuxta solem fere in nube humida, & iam se spargente. Itaque idem est in illis qui in arcu color, tantum figura mutatur: quia

& eo vnde exierint, reflectit. Ergo cum multa stillicidia sint, totidem specula sunt. Sed quia parua sunt, solis colorem sine figura exprimunt. Deinde cum in stillicidijs innumerabilibus, & sine interuallo cadentibus, reddatur idem color incipit facies esse non multarum imaginum intermissarum, sed vnius longæ atque continuæ. Quomodo, inquis, tu mihi multa millia istius imaginum esse dicis, vbi nullam video? Et quare cum solis color vnus sit, imaginum diuersus est. Vt & hæc quæ proposuisti, refellam, & alia quæ non minus refellenda sunt, illud dicam oportet: nihil acie nostra fallacius, non tantum in his, à quibus subtiliter peruidendis illarum colorum diuersitas summouet, sed & in his quoque, quæ ad manum cernit. Remus integer in tenui aqua fracti speciem reddit. Poma per vitrum adspicientibus multo maiora sunt: Columnarum interualla porticus longiores iungunt. Ad ipsum solem reuertere: hunc quem toto orbe terrarum maiorem probat ratio, acies nostra sic contraxit, vt Sapientes viri pedalem esse contenderint. Quem velocissimum omnium esse scimus, nemo nostrum videt moueri: nec ire crederemus, nisi appareret iste. Mundum ipsum præcipiti velocitate labentem, & ortus occasusque intra momentum temporis reuoluentem, nemo nostrum sentit procedere. Quid ergo miraris, si oculi nostri imbrii stillicidia non separant, & ingenti spatio intuentibus minutarum imaginum discrimen interit? Illud esse dubium nulli potest, quia arcus imago solis sit, roscida & caua nube concepta. Quòd ex hoc tibi apparet. Nunquam non aduersa soli est, sublimis aut humilis, propterea ille se submisit, aut sustulit, contrario motu.

Illo enim descendente altior est, alto depressior ? Sepe talis nubes à latere solis est, nec arcum efficit, quia non ex recto imaginem trahit. Varietas autem non ob aliam causam fit, quam quia pars coloris à sole est, pars à nube illa : humor autem modo cæruleas lineas, modo virides modo purpuræ similes, & luteas aut igneas ducit, duobus coloribus hanc varietatem efficientibus remisso & intento. Sic enim & purpura eodem conchylio non in vnum modum exit. Interest, quamdiu macerata sit, crassius medicamentum, an aquatius traxerit; sæpius merfa sit & excocta, an semel tinctoria. Non est ergo mixtum, cum duæ res sint, sol & nubes, id est, corpus & speculum, si tam multa genera colorum exprimuntur, quæ in multis generibus possunt aut incitari, aut relanguescere. Alius enim est color ex igneo lumine, alius ex obtuso & leniore. In alijs rebus vaga inquisitio est, ubi non habemus quod manu tenere possimus, & ope coniectura mittenda est : hic apparet duas causas esse arcus, solem, nubemque, quia nec creno vnquam fit, nec ita nubilo, ut sol lateat. Ergo utique ex his quorum sine altero non est.

CAP. IV. Iam illud accedit, quod æque manifestum est, speculi ratione imaginem reddi, quia nunquam nisi è contrario redditur : id est, nisi ex altera parte steterit quod apparet, exterius quod ostendit. Rationes quæ non persuadent, sed cogunt, à Geometris adferuntur. Nec ubiuiquam relinquatur, quin arcus imago solis sit male expressi, ob vitium figuramque speculi. Nos interim tentemus alias probationes, quæ de plano legi possint. Interumenta sic nascentis arcus pono, quod lextissime nascitur : ingens enim variumque

corpus cælo intra momentum subtextitur, & æque celeriter aboletur: nihil autem tam cito redditur, quam à speculo imago. Non enim facit quidquam, sed ostendit. Parianus Artemidorus adijcit, & quale genus nubis esse debeat quod talem solis imaginem reddit. Si speculum, inquit, concauum feceris, quod sit sectæ pilæ pars, si extra medium constiteris, quicumque iuxta te steterint, vniuersi à te videbuntur, propriiores tibi quam speculo. Idem, inquit, evenit, cum rotundam & cauam nubem intuemur à latere, vt solis imago à nube discedat, priorque nobis sit; & in nos magis conuersa. Color igitur igneus à sole est, cæruleus à nube: ceteri vtriusque mixturæ.

CAP. V. Contra hæc illa dicuntur. De speculis duæ opiniones sunt: alij enim in his simulacra cerni putant, id est, corporum nostrorum figuras, à nostris corporibus emissa: ac separatæ: alij imagines aiunt non esse in speculo, sed ipsa adspici corpora, retorta oculorum acie, & in se rursus reflexa. Nunc nihil ad rem pertinet quomodo videamus quodcumque videmus: sed quomodo imago similis debet speculo reddi. Quidnam est tam dissimile, quam sol, & arcus, in quo neque color, neque figura solis, neque magnitudo apparet? Arcus enim longior ampliorque est, longeque ea parte, qua fulget, rubicundior quam sol; ceteris vero coloribus diuersus. Deinde cum velis speculum aeri comparare, des oportet mihi eandem læuitatem corporis eandem æqualitatem, eundem nitorem. Atqui nullæ nubes habent similitudinem speculi: per medias sæpe transigimus, nec in illis nos cernimus. Qui montium summa conscendunt, spectant nubem: nec tamen imaginem suam in illa

illa cernunt. Singula stillicidia singula specula sunt. Concedo: sed illud nego, ex stillicidijs constare nubem. Habet enim quædã ex quibus fieri stillicidia possunt non ipsa. Nec aquam quidem habet nubes, sed materiam futuræ aquæ. Concedam etiam tibi & guttas innumerabiles in nubibus esse, & illas faciem reddere: non tamen omnes vnã reddunt, sed singulæ singulas. Deinde inter se specula coniunge: in vnã imaginem non coibunt: sed quæque particula in se rei similitudinem claudet. Sunt quædam specula ex multis minutisque composita: quibus si vnum ostenderis hominem, populus apparet, vnaquaque parte faciem suam exprimente. Hæc cum sint coniuncta & simul collocata, nihilo minus seducunt imagines suas, & ex vno turbam efficiunt. Ceterum cateruam illam non confundunt, sed direptam in facies singulas distrahunt: arcus vno circumscriptus est ductu; vna totius est facies. Quid ergo? non & aqua, rupta fistula, sparsa, & remo excussa, habere quiddam simile his quos videmus in arcu, coloribus solet? Verum est: sed non ex hac causa, ex qua tu videri vis: quia vnaquæquæ stilla recipit imaginem solis. Citius enim cadunt stillæ, quam vt concipere imaginem possint. Standum est, vt id quod imitantur, excipiant. Quid ergo sit? Colorem, non imaginem ducunt, alioquin, vt ait Nero Cæsar disertissime.

Golla Cytheriæ pendet agitata columbæ:
 & varijs coloribus pauonum ceruix, quoties aliquo deflectitur, nitet. Numquid ergo dicemus specula eiusmodi plumas, quarum omnis inclinatio in colores novos transit? Non minus nubes diuersam speculis naturam habent, quam aues quas retuli, & chamæleontes, & reliqua animalia

lia, quorum color aut ex ipsis mutatur, cum ira vel cupidine accensa, cutem suam variant humore suffuso, aut positione lucis, quam pro ut rectam vel obliquam receperint, ita colorantur. Quid enim simile speculis habent nubes, cum illa non perluceant, hæ transmittant lucem? illa densa & coacta, hæ raræ sint: illa eiusdem materiæ tota, hæ diuersis temere compositæ, & ob hoc discordes, nec diu cohæsuræ? Præterea videmus, ortu solis partem quandam cæli rubere: videmus nubes aliquando ignei coloris. Quid ergo prohibet, quomodo hunc colorem vnum accipiunt solis occursum sic multos ab illi tra hi, quamuis non habeant specculi potentiam? Modo, inquit, inter argumenta pones, semper arcum contra solem excitati, quia nec à speculo quidem imago redderetur, nisi aduerso. Hoc, inquit, commune nobis est. Nam quemadmodum apponendum est speculo id, cuius imaginem in se transferat: sic ut nubes insci possint: ita solis ad hoc opus est radiorum idoneus ictus. Hæ dicuntur ab ijs qui videri volunt nubem colorari. Posidonius, & hi qui speculari ratione effici iudicant visum, hoc respondent: Si vllus esset in arcu color, permaneret, & videretur eo manifestius, quo propius. Nunc imago arcus ex longinquo clara est: intus, cum in vicino est. Huic contractioni non consentio, cum ipsam sententiam probem, Quare? dicam. Quia coloratur quidem nubes: sed ita, ut color eius non vndique appareat. Nam ne ipsa quidem vndique apparet. Nubem enim nemo qui in ipsa est, videt. Quid ergo mirum, si color eius non videtur ab eo, à quo ipsa non visitur? Atqui quamuis ipsa non videatur, est: ergo & color. Ita non est argumentum falsi

coloris? quia idem apparere accedentibus definit. Idem enim in ipsis euenit nubibus: nec ideo falsæ sunt quia non videntur. Præterea cum dicitur tibi, nubem sole esse suffectam, non dicitur tibi colorem illum immixtum esse velut duro corpori ac stabili & manenti, sed vt fluido & vago, & nihil amplius quam per breuem speciem recipienti. Sunt etiam quidam colores, qui ex interuallo vim suam ostendunt. Purpuram Tyriam, quo melior saturiorque est, eo oportet altius teneas, vt fulgorem suum ostendat. Non tamen ideo non habet illa colorem: quia quem optimum habet, non quomodocumque explicetur, ostendit. In eadem sententia sum, qua Posidonius, vt arcum iudicem fieri nube formata in modum concaui speculi & rotundi, cui forma sit partis è pila sectæ. Hoc probari, nisi Geometræ adiuuerint, non potest: qui argumentis nihil dubij relinquentibus docent, solis illam esse effigiem, non similem. Neque enim omnia ad verum specula respondent. Sunt, quæ videre extimescas; tanta deformitate corruptam faciem visentium reddunt, seruata similitudine in peius: Sunt, quæ cum videris, placere tibi vires tuæ possint: in tantum lacerti crescunt, & totius corporis supra humanam magnitudinem habitus augetur. Sunt, quæ dextras facies ostendant, sunt quæ sinistras, sunt quæ torqueant vel euertant. Quid ergo mirum est, eiusmodi speculum quo solis species vitiosa reddatur, in nube quoque fieri?

CAP. VI. Inter cetera argumenta & hoc erit, quòd numquam maior arcus dimidio circulo apparet: & quòd eo minor est, quo altior est sol.

..... *Et bibit ingens*

Arcus,

Tom. II.

A a

vt

ut ait Virgilius noster, cum aduentat imber: sed
 non easdem, vnde cumque apparuit, minas af-
 fert. A meridie ortus magnam vim aquarum
 vehet. Vinci enim non potuerunt valentissimo
 sole; tantum est illis vitium. Si circa occasum
 refulsit, rorabit, & leuiter impluet. Si ab ortu cir-
 caue surrexit, serena promittit. Quare tamen, si
 imago solis est arcus, longe ipso sole maior ap-
 pareret? Quia est alicuius speculi natura talis, ut
 maiora multo quam videat; ostendat, & in por-
 tēto sam magnitudinem augeat formas: alicuius
 inuicem talis est, ut minuāt. Illud mihi dic, qua-
 re in orbem eat facies, nisi orbi redditur? Dices
 fortasse, vnde sit ille color varius: vnde talis
 figura sit, non dices, nisi aliquod exemplar, ad
 quod formetur, ostenderis. Nullum autem
 aliud, quam solis, est à quo fatearis illi colorem
 dari: sequitur ut detur & forma. Denique in-
 ter me & te conuenit, colores illos quibus regio
 cæli depingitur, à sole esse. Illud vnum inter
 nos non conuenit: tu dicis illum colorem esse,
 ego videri. Qui siue est, siue videtur, à sole,
 tu non expedies, quare subito desinat, cum
 omnes fulgores paulatim discutiantur. Pro
 me est & repentina eius facies, & repentinus
 interitus. Proprium enim est speculi hoc, quod
 non per partes struitur, quod apparet, sed sta-
 tim totum fit. Æque cito omnis imago in il-
 lo aboletur, quam componitur. Nihil enim
 aliud ad ista efficienda vel remouenda opus est,
 quàm ostendi & abduci. Non est propria enim
 ista nube substantia, nec corpus; sed menda-
 cium, & sine re similitudo. Vis scire hoc ita
 esse? Desinet arcus, si obtexeris solem. Oppo-
 ne, inquam, soli alteram nubem: huius varie-
 tas peribit. At maior est aliquanto arcus, quàm
 sol-

sol . Dixi modò, fieri specula, quæ multipli-
cent omne corpus quòd imitantur . Illud adij-
ciam omnia per aquam videntibus longe esse
maiora . Litteræ quamuis minutæ & obscuræ,
per vitream pilam aqua plenam maiores cla-
rioresque cernuntur . Poma formosiora quam
sint videntur, si innatant vitro . Sidera amplio-
ra per nubem adspicienti videntur : quia acies
nostra in humidolabitur, nec apprehendere,
quòd vult, fideliter potest . Quòd manifestum
fiet, si poculum impleueris aqua, & in id conie-
ceris annullum . Nam cùm in ipso fundo iaceat
annulus, facie eius in summo aquæ redditur .
Quidquid videtur per humorem, longe am-
plius vero est . Quid mirum, maiorem reddi
imaginem solis quæ in nube humida visitur,
cum de caussis duabus hoc accidat : quia in nube
est aliquid vitro simile, quòd potest perlucere, est
aliquid & aquæ : quam si nondum habet, tamen
iam apparet eius natura, in quâ ex sua vertatur.

CAP. VII. Quoniam, inquis, vitri fecisti
mentionem, ex hoc ipso contra te argumen-
tum sumam . Virgula solet fieri vitrea, stricta,
vel pluribus angulis in modum clauæ torosa :
hæc si ex transuerso solem accipit, colorem
talem qualis in arcu videri solet, reddit : vt scias
hic non imaginem solis esse, sed coloris imita-
tionem ex repercussu . In hoc argumento mul-
ta sunt pro me : Primum, quòd apparet quid-
dam leue esse debere, simile speculo, quo so-
lem percutiat : deinde, quòd apparet non fie-
ri vllum colorem, sed speciem falsi coloris,
qualem (vt dixi) columbarum ceruix & sumit
& ponit, vt cumque deflectitur : hoc autem & in
speculo est, cuius nullus videtur color, sed simu-
lacio quædam coloris alieni . Vnum tamen hoc

soluendum est, quòd non visitur in illa virgula
solis imago, cuius benè exprimendæ capax non
est. Ita conatur quidem reddere imaginem, quia
levis est materia, & ad hoc habilis: sed non po-
test, quia enormiter facta est. Si apte fabricata
foret, totidem redderet soles, quot habuisset in-
fecturas. Quæ quia non discernuntur inter se, non
satis in vicem speculi nitent: inchoant tantum
imagines, nec exprimunt: & ob ipsam viciniam
turbant, & in speciem coloris vnus adducunt.

CAP. VIII. At quare arcus non implet or-
bem, seu dimidia pars eius videtur, cum primum
porrigitur, incuruaturque? Quidam ita opinan-
tur. Sol cum sit multo altior nubibus, à superio-
re tantum illas percutit parte: sequitur vt infe-
rior pars earum non tangatur lumine. Ergo
cum ab vna parte solem accipiant, vnâ partem
eius tantum inuitantur, quæ nunquam dimidia
maior est. Hoc argumentum parum potens est.
Quare? quia quamuis sol à superiori parte sit,
totam tamen percutit nubem. Ergo & tingit.
Quid ni? cum radios transmittere soleat, & om-
nem densitatem perumpere. Deinde contra-
riam rem proposito suo dicunt. Nam si superior
est sol, & idèò tantum superiori parte nubium
affunditur, nunquam terra tenus descendit ar-
cus. Atqui vsque in humum demittitur. Præterea
nunquam non contra solem est arcus, Nihil ad
rem pertinet, supra infraue sit: quia totum, quòd
contra est, latus verberatur. Deinde aliquando
arcum & occidens facit, cum certè ex inferiore
parte nubes ferit, terris propinquus. Atqui &
tunc dimidia pars est, quamuis solem nubes ex
humili & sordido accipiant. Nostri qui sic in nu-
be quomodo in speculo, lumen reddi volunt, nu-
bem cauam faciunt, & sectæ pilæ partem: quæ

non

non potest totum orbem reddere, quia ipsa est pars orbis. Proposito accedo, argumento non consentio. Nam si in concauo speculo tota facies oppositi orbis exprimitur, & in semiorbe nihil prohibet adspici totam pilam. Etiamnum diximus circulos apparere soli lunæque in similitudine arcus circumdatos: quare in illis circulus iungitur, in arcu numquam? Deinde quare semper concauæ nubes, solem accipiunt, nec aliquando planæ & tumentes? Aristoteles ait, post autumnale equinoctium, qualibet hora dici arcum fieri, æstate non fieri, nisi aut incipiente aut inclinato iam die. Cuius rei causa manifesta est. Primum, quia medio die sol calidissimus nubes euincit: nec potest ab his imaginem suam recipere, quas scindit. At matutino tempore, & vergens ad occasum, minus viriū habet: & ideo à nubibus & sustineri & reperi potest. Deinde cum arcum facere non soleat, nisi aduersus his, in quibus facit nubibus: cum breuiiores dies sunt, semper obliquus est. Itaque qualibet dici parte, etiam cum altissimus est, habet aliquas nubes, quas ex aduerso ferire potest. At temporibus æstiuis supra nostrum verticem fertur. Itaque medio die excelssimus terras rectiore, adspicit linea, quam vt vllis nubibus possit occurrere. Omnes enim tunc sub se habet.

CAP. IX. Nunc dicendū est de virgis, quas nō minus pictas, variasque & æque pluuiarum signa solemus accipere. In quibus non multum operæ consumendum est: quia virgæ nihil aliud quam imperfecti arcus sunt. Nā facies quidem illis est picta, sed nihil curuati habent. In rectum iacent. Fiunt autem iuxta solem fere in nube humida, & iam se spargente. Itaque idem est in illis qui in arcu color, tantum figura mutatur: quia

CAP. XII. Quoties defectionem solis volumus apprehendere, ponimus pelues, quas aut oleo aut pice implemus: quia pinguis humor minus facile turbatur, & ideo quas recipit imagines, seruat. Apparere autem imagines non possunt, nisi in liquido & immoto. Tunc solemus notare, quemadmodum se luna soli opponat, ut illum tanto maiorem, subiecto corpore abscondat, modo ex parte, si ita contigit, ut latus incurrerit, modo totum. Hæc dicitur perfecta defectio, quæ stellas, quoque ostendit, & intercipit lucem tunc scilicet, cum vterque orbis sub eodem libramento stetit. Quemadmodum ergo utriusque imago in terris adspici potest: ita in aere, cum sit coactus aer & limpidus, constitit, ut faciem solis acciperet, quàm & aliæ nubes accipiunt, sed transmittunt, si aut mobiles sunt, aut raræ, aut sordidæ. Mobiles enim spargunt illam, raræ emittunt, sordidæ turpesque non sentiunt, sicut apud nos imaginem maculosa non reddunt.

CAP. XIII. Solent & bina fieri parelia, eadem ratione. Quid enim impedit quo minus tot sint, quot nubes fuerint aptæ ad exhibendam effigiem solis? Quidam in illa sententia sunt, quotiens duo simulacra talia existunt; ut iudicent, unum esse solis, alterum imaginis. Nam apud nos quoque cum plura specula disposita sunt ita, ita ut alteri sit conspectus alterius, omnia implentur, & una imago à uerò est, ceteræ imaginum effigies sunt. Nihil enim refert quid sit, quòd specula ostendatur. Quidquid enim uidet, reddit. Ita illic quoque in sublimi, si nubes fors aliqua disposuit, ut inter se adspiciant, altera nubes solis imaginem, altera imaginis reddit. Debent autem hæ nubes, quæ hoc præstant, diuisæ esse, leues, splendidæ, plane na-

ſuræ ſolis. Ob hoc omnia quæ huiusmodi ſunt ſimulacra, candida ſunt, ſimilia lunaribus circulis: quia ex percuffu oblique accepto ſole reſplendent. Nam ſi intra ſolem nubes fuerit, & propior ab eo diſſipatur: longe autem poſta radios non remittit, nec imaginem efficit. Quis apud nos quoque ſpecula cùm à nobis procul abducta ſunt, faciem non reddunt, quia acies, noſtra non habet uſque ad nos recurſum. Pluuiarum autem & hi ſoles (vtar enim hiftorica lingua) indicia ſunt: vtique ſi à parte Auſtri conſtiterunt: vnde maximæ nubes ingraueſcunt; cùm vtrimque ſolem cinxit talis effigies (ſi Arato credimus) tempeſtas ſurgit.

.. CAP. XIV. Tempus eſt, alios quoque ignes percuttere, quorum diuerſæ figuræ ſunt. Aliquādo emicat ſtella, aliquando ardores ſunt, aliquando fixi & hærentes, nonnumquam volubiles. Horum plura genera conſpiciuntur. Sunt Bothynoe, cùm velut corona cingente introrſus ingens cœli recessus eſt ſimilis effoſſæ in orbem ſpeluncæ. Sunt Pithyæ, cùm magnitudo vaſti rotundique ignis dolio ſimilis, vel fertur, vel in vno loco flagrat. Sunt Chaſinata, cùm aliquod cœli ſpatium diſcedit, & flammâ dehifcens velut in abdito oſtentat: Colores quoque horum omnium plurimi ſunt. Quidam ruboris acerrimi, quidam candidæ ac levis flammæ, quidā candidæ lucis, quidam micantes: quidam æqualiter & ſine eruptionibus aut radijs fului. Videmus ergo

Stellarum longos à tergo albeſcere tractus.

Hæc velut ſtellæ exſiliunt & traſuolant, videnturque longū ignem porrigere, propter immenſam celeritatem: cùm acies noſtra non diſcernat tranſitum earum, ſed quacumque cucurrerunt, id totum igneum credat. Tanta enim eſt velocitas

motus,

mōtus, vt partes eius non dispiciantur, sed tantum summa prendatur. Intelligimus magis, qua appareat stella, quā qua eat. Itaque velut igne continuo totum iter signat: quia visus nostri tarditas non subsequitur momenta currentis, sed videt simul & vnde exsilierit, & quo peruenit. Quod fit in fulmine, longus nobis videtur ignis eius: quia cito spatium suum transilit, & oculis nostris occurrit vniuersum per quod deiectus est. At ille non est extenti corporis, per omne qua venit. Neque tam longa & extenuata in impetum valent. Quomodo, ergo profiliunt? Attritu aeris ignis incensus, vento præceps impellitur: non semper tamen vento attrituue fit. Nonnumquam ex aliqua opportunitate aeris nascitur. Multa enim sunt in sublimi sicca, calida terrena, inter quæ oritur, & pabulum suum subsequens defluit, ideoque velociter rapitur. At quare color diuersus est? Quia refert, quale sit id quod incenditur, & quā vehemens quo incenditur. Ventum autem significat eiusmodi lapsus, & quidem ab ea parte qua erumpit.

CAP. XV. Fulgores, inquis, quomodo fiunt quos Græci Sela appellant? Multis, vt aiunt, modis. Potest illos ventorum vis edere, potest superioris cæli feruor. Nam cum late fusus sit ignis inferiora aliquando, si sunt idonea accendi, corripit. Potest stellarum motus cursu suo excitare ignem, & in subiecta transmittere. Quid porro? non potest fieri vt aer vim igneam usque in æthera elidat, ex qua fulgor ardore sit stellæ, vel similis exeursus? Ex his fulgoribus quedam in præceps eunt, similia proficientibus stellis: quedam certo loco permanent, & tantum lucis emittunt, vt fugient tenebras, & diem repræsentent, donec

consumpto alimento, primum obscuriora sunt deinde flammæ modo, quæ in se cadit, per assiduum diminutionem redigantur in nihilum. Ex his quædam in nubibus apparent, quædam supra nubes, cum aer spissus ignem, quem propior terris diu pauerat, usque in sidera expressit. Horum aliqua non patiuntur moram, sed transcurrunt aut exstinguuntur subinde qua reluxerant. Hi fulgores dicuntur: quia brevis facies illorum & caduca est, nec sine iniuria decidens: sepe enim fulminum novas ediderunt. Ab his testamur ista sine fulmine, quæ Astrapoplecta Greci vocant. At quibus longior mora & fortior ignis est motumque cæli frequens, aut proprios cursus agunt, Cometas nostri putant: de quibus dicendum est. Horum genera sunt pogoniæ, lampades, & cyparissæ, & alia omnia: quorum ignis in exitu sparsus est. Dubium, an inter hos ponantur trabes, & pithiæ, quæ raro sunt visæ. Multa enim conglobatione ignium indigent, cum ingens illorum orbis aliquando maturini amplitudinem solis exsuperet. Inter hæc ponas licet, & quod frequenter in historiis legimus, cælum ardere visum: cuius nonnumquam tam sublimis ardor est, ut inter ipsa sidera videatur: nonnumquam tam humilis, ut speciem longinqui incendij præbeat. Sub Tiberio Cæsare, cohortes in auxilium Ostiensis coloniae cucurrerunt, tamquam conflagrantis: cum cæli ardor fuisset per magnam partem noctis, parum lucidus, crassifumidique ignis. De his nemo dubitat quin habeant flammam quam ostendunt: certa illis substantia est. De prioribus queritur, de arcu dico & coronis, an decipiant aciem, & mendacio consent: an illis quoque verum sit quod apparet. No-
bis

bis non placet, in arcu aut coronis subesse aliquid corporis certi: nihil enim iudicamus in speculis, nisi fallaciam esse, nihil aliud quam alienum corpus mentientibus. Non enim est in speculo, quod ostenditur. Alioquin non exiret, nec alia prorinus imagine obduceretur: nec innumerabiles modo interitent, modo exciperentur formæ. Quid ergo? Simulacra ista sunt, & inanis verorum corporum imitatio: suntque ista à quibusdam ita composita, vt possint detorquere in prauum. Nam (vt dixi) sunt specula, quæ faciem prospicientium obliquent: sunt, quæ in infinitum augeant, & humanum habitum excedant, modumque nostrorum corporum.

CAP. XVI. Hoc loco volo tibi narrare fabellam, vt intelligas, quam nullum instrumentum irritandæ voluptatis libido contemnat, & ingeniosa sit ad incitandum furorem suum. Hostius quidam fuit obscænitatis vsque in scenam productæ. Hunc diuitem auarum fester-tij millies seruum, diuus Augustus indignum vindicta iudicauit, cum à seruis occisus esset: & tamen non pronunciauit iure cæsum videri. Non erat ille tantummodo ab vno sexu impurus, sed tam virorum quam feminarum audius fuit. Fecitque specula eius notæ, cuius modo retuli, imagines longe maiores reddentia, in quibus digitus brachij mensuram & longitudine & crassitudine excederet. Hæc autem ita disponebat, vt cum virum ipse pateretur, auersus omnes admissarij sui motus in speculo videret, ac deinde falsa magnitudine ipsius membri tamquam vera gauderet. In omnibus quidem balneis agebat ille dilectum, & aperta mensura legebat viros: sed nihilominus mendacijs quoque insatiabile nialum delectabat. I nunc, &

dic, speculum munditiarum causa repertum. Fœda dicta sunt, quæ portentum illud lacerandum ore suo dixerit, feceritque, cùm illi specula ab omni parte opponerentur, ut ipse flagitiorum suorum spectator esset: & quæ secreta quoque conscientia premuntur, & quæ accusatus quisque fecisse se negat, non in os tantum, sed in oculos suos ingereret. At hercules scelera conspectum suum reformidant. In perditis quoque, & ad omne dedecus expositis, tenerima est oculorum verecundia. Ille autem, quasi parum esset, inaudita & incognita pati, oculos suos ad illa aduocavit, nec quantum peccabat videre contentus, specula sibi per quæ flagitia sua diuideret, disponderetque circumdedit: & quia non tam diligenter intueri poterat, cùm compressus erat, & caput merlerat, inguinibusque alienis obhæserat, opus sibi suum per imagines offerebat. Speculabatur illam libidinem oris sui, spectabat sibi admissos pariter in omnia viros. Nonnunquam inter marem & feminam distributus, & toto corpore patientiæ expositus spectabat nefanda. Quidnam homo impurus reliquit, quod in tenebris faceret? Non perimuit diem, sed ipsos concubitus portentosos sibi ipse ostendit sibi ipse approbavit. Quid? non putas, eo ipso habitu voluisse pingi? Est aliqua etiam prostituti modestia: & illa corpora, publico obiecta ludibrio, aliquid, quo infelix patientia lateat, obtendunt: adeo quodam modo lupanar quoque verecundum est. At illud monstrum obscenitatem suam, spectaculum fecerat, & ea sibi ostentabat, quibus abscondendis nulla satis alta nox est. Simul, inquit, & virum & feminam patior: nihilominus illa quoque superuacua mihi parte, alicuius contumelia

melia marem exerceo. Omnia membra stupris occupata sunt. Oculi quoque in partem libidinis veniant, & testes eius exactoresque sint: etiam ea quæ ad aspectu corporis nostri positio submovit, arte visantur ne quis me putet nescire, quid faciam. Nihil legit natura, quod humanæ libidini ministeria tam maligna dedit, quod aliorum animalium concubitus melius instruxit. Inveniam: quemadmodum morbo meo imponam & satisfaciam. Quo nequitiam meam, si ad naturæ modum pecco? Id genus speculorum circumponam mihi, quod incredibiliem imaginum magnitudinem reddat. Si liceret mihi, ad verum ista perducerem, quia non licet mendacio pascat. Obscænitæ mea, plus quàm capit, videat, & patientiam suam ipsa miretur. Facinus indignum. Hic fortasse cito, & antequam videret occisus est. Ad speculũ suum immolandus fuit.

CAP. XVII. Derideantur nunc philosophi quod de speculi natura disserant, quod inquirent quid ita facies nostra nobis, & quidem in nos observa, redditur. Quid sibi rerum natura voluit, quod cum vera corpora dedisset, etiam simulacra eorum adspici voluit. Quorsus pertinuerit, hanc comparare materiam, excipientiarum imaginum potentem. Non in hoc scilicet, ut ad speculum barbam faciemque velleremus, aut ut faciem viri poliremus. In nulla re illa negotium luxuriæ concessit: sed primum omnium, quia imbecilli oculi ad sustinendum cominus solem, ignoraturi erant formam eius hebetato illum lumine ostendit. Quamvis enim cum orientem occidentemque contemplari liceat: tamen habitum eius, ipsum qui verus est, non rubentis, sed candida luce fulgentis, nesciremus, nisi in aliquo nobis humore

fratior, & adspici facilius occurreret. Præterea duorum siderum occursum, quo interpolari dies solet, non videremus, nec scire possemus, quid esset, nisi liberius humi solis lunæque imagines videremus. Inuenta sunt specula, ut homo ipse se nosceret. Multa ex hoc consecuta, primo sui notitia, deinde & ad quædam consilium. Formosus, ut vitaret infamiam: deformis, ut sciret redimendum esse virtutibus, quidquid corpori deesset: iuuenis, ut flore ætatis admoneretur illud tempus esse dicendi, & fortia audendi: senex, ut indecora canis deponeret, & de morte aliquid cogitaret. Ad hoc rerum natura facultatem nobis dedit, nosmetipsos videndi. Fons cuique perlucidus aut leue saxum imaginem reddit.

..... *Nuper me in litore vidi,*

Cum placidum ventis staret mare....

Qualem fuisse cultum putas ad hoc speculum se comentium? Ætas illa simplicior, & fortuitis contenta, nondum in vitium beneficium detorquebat, nec inuentum naturæ in libidinem luxumque rapiebat. Primò faciem suam cuique casus ostendit: deinde cum insitus sui mortalibus amor, dulcem adspectum formæ suæ faceret, sæpius ea despexere, in quibus prius effigies suas viderant. Postquam deterior populus ipsas subiit terras, effosurus obruenda, ferrum primo in usu fuit: & id homines impune eruerant, si solum eruissent. Tunc demum alia terræ mala, quorum leuitas aliud agentibus speciem suam obtulit, quàm hic in poculo, ille in ære ad alios usus comparato vidit: & mox proprius huic ministerio præparatus est orbis: nondum argenti nitor, sed fragilis vilisque materia. Tunc quoque cum antiqui illi viri incondite viuerent, satis nitidi, si squalorem opere

collectum aduerso flumine eluerent, cura comere capillum fuit, ac prominentem barbam depectere: & in hac re quisque sibi, alterique operam dabat inuicem. Coniugum quidem manu crinis ille, quem effundere olim mos uiris fuit, attrectabatur: sed illum sibi siue ullo artifice formosius quatiebant, non aliter quàm iubam generosa animalia. Postea rerum iam potente luxuria, specula totis paria corporibus auro argentoque cæata sunt, denique gemmis adornata: & pluris vnum ex his feminae constitit, quàm antiquarum dos fuit illa, quæ publicè dabatur imperatorum pauperum filiabus. An tu existimas, et auro nitidum habuisse Scipionis filias speculum, cum illi dos fuisset æs graue? O paupertas felix, quæ tanto titulo locum fecit! Non fecisset illis Senatus dotem, si habuissent. At quisquis ille fuit, cui soceri loco senatus fuit, intellexit, se accepisse dotem, quam fas non esset reddere. Iam libertinorum virgunculis in vnum speculum non sufficit illa dos, quam dedit senatus pro Scipione. Processit enim immodestius, paulatim opibus ipsis inuitata luxuria: & incrementum, ingens vitia acceperunt. Adeoque omnia indiscreta sunt peruersissimis artibus, ut quid quid mundus muliebris uocabatur, sarcinae viriles sint: minus dico, etiam militares. Iam speculum ornatus tantum causa adhibitum, nulli non vitio necessarium factum est.

LIBER SECVNDVS.

Argumentum.

Doctrinam rei naturalis, in eam quæ cælestia, meteora, & terrena pertractat, paritur. De aere aliquid præmittit, quia meteororum

teororum & omnium sublimium locus communis est. Eum ex distantibus corpusculis, ut pulverem, constructum non esse. Diuisio eius in tres regiones. In aere, fulgura, fulmina, tonitrua concipi. Anaxagoras refutatus, qui fulmina credit siderum emunctiones & distillationes esse. Aristotele etiam, Anaximene, Anaximandro, Diogene Apolloniata reiectis, sustinet nubium collisione fieri & elidi: maximam tamen eorum vim penes sidera esse, quorum ingens, ait, & confessa potentia est. Vi subterranei ignis, insulam maiorum æno in mari Aegæo, & alteram sua memoria enatam esse. Tonitruorum & fulminum diuisiones, tam ex physica ratione, quam vana disciplina Thuscorum. Fulminum & auguriorum significationes non aueriri sacrificiis, sed hæc ægræ mentis solatio esse; fata enim nulla prece aut misericordia commoueri: quedam tamen à Diis immortalibus ita suspensa relicta esse, ut in bonum uertant si admotæ Diis præces fuerint, si vota suscepta. Quia vero melius fulmina non timere, quam nosse, ad contemptum fulminum & mortis digreditur. Hanc qui non timet, nec fulmina, nec naufragia, nec bella, nec feras metuet. Mortem autem cur tantopere metuamus? Omnes ad eam proditi sumus, & melius est ultro ire, quam inuitem trahi.

CAPUT I.

Omnis de vniuerso questio in cælestia, sublimia, & terrena diuiditur. Prima pars naturam siderum scrutatur, & magnitudinem, & formam ignium quibus mundus includitur; solidum ne sit cælum, ac si quæ concretaque

tæque materiæ, an ex subtili tenuique nexum agatur, an agat: & infra se sidera habeat, an in contextu sui fixa quemadmodum sol anni vices seruet: an retro flectat: cetera deinceps his similia. Secunda pars tractat inter cælum terramque versantia. Hæc sunt nubila, imbres, niues, & humanas mœtura tonitura mentes: quæcumque aer facit patiturne. Hæc sublimia dicimus, quia editiora imis sunt. Tertia illa pars de agris, terris, arbuſtis, satis quærit, & (vt Iurisconsultorum verbo vtar) de omnibus quæ solo continentur. Quomodo, inquis, de terrarum motu quæſtionem coſeuiſti loco, quo de tonitruiſ fulgoribusque dicturus? Quia cùm motus terræ fiat ſpiritus, ſpiritus autē ſit aer agitat, & ſi ſubeat terras, non ibi ſpectandus eſt: cogitetur in ea ſede in qua illum natura diſpoſuit. Dicam quòd magis videbitur mirum: inter cæleſtia & de terra dicendum erit. Quare? inquis: quia cùm propria terræ excutimur ſuo loco, vtrum lata ſit & inæqualis, & enormiter proiecta, an tota in formam pilæ ſpectet, in orbem partes ſuas cogat, alliget aquas, an aquis alligetur ipſa: animal ſit an iners corpus, & ſine ſenſu, plenum quidem ſpiritus, ſed alieni? & cetera huiuſmodi quotiens in manus venerint, terram ſequentur, & in imis collabuntur. At vbi quæretur, quis terræ ſit ſitus, qua parte mundi ſubfederit, quomodo aduerſus ſidera cælumque poſita ſit, hæc quæſtio cedit ſuperioribus, & (vt ita dicam) meliorem conditionem ſequitur.

CAP. II. Quoniam dixi de partibus in quas omnis rerum naturæ materia diuiditur, quedam in commune ſunt dicenda, & hoc primum præſumendum, inter ea corpora, à quibus vnitas eſt, æra eſſe. Quid ſit hoc & quare præcipiendum

dum fuerit, scies, si paullo altius repetiero, & dixerò aliquid esse continuum, aliquid commissum. Continuatio est partium inter se non intermissa coniunctio. Vnitas est sine commissurâ continuatio, & duorum inter se coniunctorum corporum tactus. Numquid dubium est, quin ex his corporibus quæ videmus tractamusque, quæ aut sentiuntur aut sentiunt, quædam sint compositas illa constant aut nexu, aut aceruatione ut puta funis, frumentum, navis. Rursus non composita: ut arbor, lapis. Ergo concedas oportet, ex his quoque quæ sensum quidem effugiunt, ceterum ratione prenduntur, esse in quibusdam unitatem corporum. Vide, quomodo auribus tuis parcam. Expedire me poteram, si philosophorum lingua uti voluissem, ut dicerem unita corpora; hoc cum sibi remittam, tu inuicem mihi refer gratiam. Quare istud? si quando dixerò unum, memineris me non ad numerum referre, sed ad naturam corporis, nulla ope externa, sed unitate sua coherentis. Ex hac nota corporum aer est.

CAP. III. Omnia quæ in notitiam nostram cadere possunt, mundus complectitur. Ex his quædam sunt partes, quædam materiæ loco relictæ. Desiderat omnis natura materiam, sicut ars omnis quæ manu constat. Quid si hoc aperitius faciam? Pars est nostri, manus, ossa, nervi, oculi: materia, succus retenti cibi iturus in partes. Rursus, quasi pars nostri est sanguis: qui tamen & materia est. Præparat enim & alia: & nihilominus in numero est eorum, quibus totum corpus efficitur.

CAP. IV. Sic mundi pars est aer, & quidem necessaria: hic est enim qui cælum terramque connectit, qui ima ac summa sic separat, ut ta-

men

men iungat. Separat, quia medius interuenit: iungit, quia vtrique per hoc inter se consensus est. Supra se dat, quidquid accipit à terris. Rursus vim siderum in terrena transfundit. Quàm sic partem mundi voco, vt animalia & arbuta. Nam genus animalium arbutorumque, pars est vniuersi: quia in consummationem totius assumptum: & quia non est sine hoc vniuersum. Vnum autem animal, & vna arbor, quasi pars est: quia quamuis petierit, tamen id ex quo petrit, totum est. Aer autem, vt dicebam, & cœlo, & terris cohæret. Vtrique innatus est. Habet autem vnitatem, quidquid alicuius rei statiuam pars est. Nihil enim nascitur sine vnitatem.

CAP.V. Terra & pars est mundi, & materia. Pars quare fit, non puto te interrogaturum, aut æque interrogas, quare cœlum pars sit: quia scilicet non magis sine hoc, quàm sine vlla vniuersum esse potest, quòd cum his vniuersum est, ex quibus, id est, tam ex illo, quàm ex ista, alimenta omnibus animalibus, omnibus satis, omnibus stellis diuiduntur. Hinc quidquid est virium singulis, hinc ipsi mundo tam multa poscenti subministratur: hinc profertur quo sustineantur tot sidera, tam exercitata, tam auida, per diem noctemque, vt in opere, ita & in pastu. Et omnium quidem rerum natura, quantum in nutrimentum sui satis sit, apprehendit. Mundus autem, quantum in æternum desiderabat inuasit. Pusillum tibi exemplum magnæ rei ponam. Oua tantum complectuntur humoris, quantum ad affectum animalis exituri satis est.

CAP. VI. Aer continuus terræ est, & sic appositus est, vt statim ibi futurus sit, vnde illa discessit. Pars est totius mundi: sed idem tamen, quidquid terra in alimentum misit, recipit: vt
scilicet

scilicet materia, non pars intelligi debeat. Ex hoc omnis inconstantia tumultusque est. Hunc quidam ex distantibus corpusculis, ut puluerem struunt, plurimumque à vero recedunt. Numquam enim contexti nisi per unitatem corporis visus est, cum partes consentire ad intensiorem debeant, & conferre vires. Aer autem, si in atomos inciditur, sparsus est. Teneri verò dissecta non possunt. Intensiorem aeris ostendent tibi inflata, nec ad ictum cedentia. Ostendent pondera, per magnum spatium ablata: gestante vento. Ostendent voces, quæ remissæ claræque sunt, prout aer se concitavit. Quid enim est vox, nisi intensio aeris, ut audiatur, linguae formata percussu? Quid cursus & motus omnis, nonne intenti spiritus opera sunt? Hic facit vim nervis, & velocitatem currentibus. Hic cum vehementer concitatus ipse se torset, arbusta silvasque conuellit, & ædificia tota corripiciens in altum frangit. Hic mare per se languidum, & iacens incitat. Ad minora veniamus. Quis enim sine intensione spiritus cantus est? cornua & tubæ, & ea quæ aliqua pressura maiorem sonitum reddunt, quàm qui ore reddi potest nonne aeris intensione partes suas explicant? Consideremus quàm ingenium vim per occultum agant parvula admodum semina: & quorum exilitas in commissura lapidum vix locum invenit, in tantum conualescunt, ut ingentia saxa distrahant, & in momenta dissoluant; scopulos rupesque, radices minutissimæ, ac tenuissimæ. Hoc quid est aliud, quàm intensio spiritus, sine qua nil validum, & contra quàm nil validius est? Esse autem unitatem in aere, vel ex hoc intelligi potest, quòd corpora nostra inter se coherent. Quid enim aliud est quòd tener-

ca,

ea, quam spiritus? Quid est aliud quo animus noster agitur? Quis est illi motus, nisi intensio? Quæ intensio, nisi ex unitate? Quæ unitas, nisi hæc esset in aere? qui autem aliud producit fruges & segetem imbecillam, ac virentes erigit arbores, ac distendit in ramos, aut in altum erigit, quam spiritus intensio & unitas?

CAP. VII. Quidam aera discerpunt, & in particulas diducunt, ita vt illi mane permisceant. Argumentum autem existimant non pleni corporis, sed multum vacui habentis, quod a uibus in illo tam facilis motus quod maximis minimisque per illum transcursus est. Sed falluntur. Nam aquarum quoque similis facilitas est, nec de unitate illarum dubium est, quæ sic corpora accipiunt, vt semper in contrarium acceptis refluant. Hanc nostri circumstantiam, Græci autem *σπειρασι* appellant, quæ in aere quoque sicut in aqua fit. Circumstat enim omne corpus à quo impellitur. Nihil autem opus erit inani admisto. Sed hoc aliàs.

CAP. VIII. Nunc autem esse quandam in rerum natura vehementiam, magni impetus, est colligendum. Nihil enim non intensione vehementius est: & tam mehercule quam nihil intendi ab alio poterit, nisi per semetipsum fuerit intentum. Dicimus enim, eodem modo non posse quidquam ab alio moueri, nisi aliquid fuerit mobile ex semetipso. Quid autem est, quòd magis credatur ex semetipso habere intensiorem, quàm spiritus? Hunc intendi quis negabit, cum viderit iactari terram cum montibus, tecta, murosque plures, & magnas cum populis vrbes, cum totis maria littoribus? Ostendit intensiorem spiritus, velocitas eius & diductio, Oculis statim per multa

deis per se & obscurus: lumen illi calorque aliunde sunt; sed per omne spatium sui similis non est; mutatur enim à proximis. Summa pars eius est siccissima calidissimaq; & ob hoc etiam tenuissima, propter viciniam æternorū ignium, & illostot motus siderum, assiduūque cæli circumactum. Illa pars ima & vicina terris, densa, & caliginosa est: quia terrenas exhalationes recepat. Media pars temperatior, si summis imisque conseras, quantum ad siccitatem tenuitatemq; pertinet: ceterum vtraque parte frigidior. Nam superiora eius calorem vicinorum siderum sentiunt: inferiora quoque tenent, primum terrarum halitu, qui multum secum calidi affert, deinde quia radij solis replicantur, & quousque redire potuerunt, duplicato calore benignius fouens. Deinde etiam illo spiritu, qui omnibus animalibus, arbutisque ac satis calidus est. Nihil enim viueret sine calore. Adijce nunc ignes, non tantum manufactos & certos, sed opertos terris: quorum aliqui erupuerunt, innumerabiles in abscondito flagrant & obscuro semper. Etiamnum tot partes eius fertiles rerum, habent aliquid temporis: quoniam sterile est frigidum, calor autem gignit. Media ergo pars aeris ab his submota in frigore suo manet. Natura enim aeris gelida est.

CAP. XI. Quia cum sic diuisus sit, ima sua parte maximè varius & inconstans & mutabilis est. Circa terram plurimum audet, plurimum patitur, exagitat & exagitatur nec tamen eodem modo totus afficitur, sed aliter alibi: ac partibus inquietus est ac turbidus. Causas autem illius mutationis & inconstantiae alias terra præbet, cuius positiones huc aut illo versæ, magna ad aeris temperiem momenta sunt: alias siderum cursus. Ex quibus soli plurimum imputes. Illum
sequi.

sequitur annus : ad illius flexum hiemes æstatef-
que vertuntur. Lunæ proximum ius est. Sed &
ceteræ quoque stellæ non minus terrena quam
incumbentem spiritum terris afficiunt, & ortu
suo occasuue contrario, modo frigora, modo
imbres, aliasque terrarum iniurias turbidæ mo-
uent. Hoc necessariū fuit præloqui, dicturo de to-
nitruo ac fulminibus & fulgurationibus. Nā quia
in aere fiunt, naturam eius explicare oportebat:
quo facilius apparet, quid facere aut pati posset.

CAP. XII. Tria sunt ergo quæ accidunt,
fulgurationes, fulmina, & tonitrua : quæ vna fa-
cta, serius audiuntur. Fulguratio ostendit ignem
fulminatio emittit. Illa (vt ita dicam) commi-
natio est, & conatio sine ictu : icta, iaculatio cū
ictu. Quædam sunt ex his, de quibus inter om-
nes conuenit: quædam, in quibus diuersæ senten-
tiæ sunt. Conuenit illis, omnia ista in nubibus
& è nubibus fieri: etiamnum conuenit, fulgu-
rationes & fulminationes, aut igneas esse, aut
igneæ specie. Ad illa nunc transeamus in quibus
lis est. Quidam putant ignem esse in nubibus,
quidam ad tempus fieri: nec prius esse, quàm
mitti. Nec inter illos quidem quid proferat
ignem, conuenit. Alius enim à lumine illum
colligit. Quidam autem radios solis intercur-
rentis recurrentisque, sepius in se relatos, ignem
excitare dicit. Anaxagoras ait illum ex æthere
distillare, & ex tanto ardore cæli multa decide-
re, quæ nubes diu inclusa custodiant. Aristoteles
multo ante ignem colligi non putat, sed eodem
momento exsilire, quo fiat. Cuius sententia talis
est: Duæ mundi partes in imo iacent, terra &
aqua; vtræque ex se reddit aliquid. Terrenus va-
por siccus est, & fumo similis, qui ventos toni-
trua, fulmina facit: aquarum halitus humidus
est,

est, & imbres & niues creat. Sed siccus ille terrarum vapor, unde ventis origo est, quia coaceruatus est, cum coitu nubium vehementer impactarum à latere eliditur: deinde, ubi latius ferit nubes proximas, plaga & cum sonò incutitur, qualis in nostris ignibus redditur, cum flamma vitio lignorum virentium crepat. Et ut ille spiritus habens aliquid humidi secum conglobatusque, rumpitur flamma: eodem modo spiritus ille, quem paullo ante exprimi collisis nubibus dixi, impactus alijs, nec rumpit nec exsilire silentio potest. Dissimilis autem crepitus fit, ob dissimilem impactationem nubium. Quare aliæ maiorē sinum habent, aliæ minorem. Ceterum illa vis expressi spiritus ignis est, qui fulgurationis nomen habet, leui impetu accensus & varius. Ante autem videmus fulgurationem, quam sonum audiamus: quia oculorū velocior est sensus, & multum aures antecedit.

CAP. XIII. Falsam autem esse opinionem eorum, qui ignem in nubibus seruant, per multa colligi potest. Si de cælo cadit, quomodo non quotidie fit, cum tantumdem illic semper ardeat? Deinde nullam rationem reddiderunt, quare ignis, quem natura sursum vocat defluat. Alia enim conditio nostrorum ignium est, ex quibus fauillæ cadunt, quæ ponderis secum aliquid habent. Ità non descendit ignis, sed præcipitatur, & deducitur. Huic simile nihil accidit in igne purissimo, in quo nihil est quod deprimatur: aut si vlla pars eius deciderit, in periculo totus est: quia totum potest excidere, quod potest carpi. Deinde illud quod quotidie leuitas cadere prohibet, si illud in abdito suo tenet graue, quomodo illic esse potuit, unde caderet? Quid ergo? Non aliqui ignes, in inferiora ferri

solent, sicut hæc ipsa, de quibus quærimus fulmina? Fato enim non eunt, sed feruntur. Aliqua illos potentia deprimat, quæ non est in æthere. Nihil enim iniuria illic cogitur, nihil rumpitur nihil præter solitum euenit. Ordo rerum est, & expurgatus ignis in custodia mundi, summas sortitus oras, operas pulcherrimè circumit: hinc discedere non potest, sed ne ab externo quidem exprimi, quia in æthere nulli incerto corpori locus est. Certa enim, ordinata non pugnant.

CAP. XIV. Vos, inquam, dicitis, cum causas stellarum transuolantium redditis, posse aliquas partes aeri ad se trahere ignem ex æthere decidentem, ex eo superioribus locis ardore hic accendi. Sed plurimum interest, vtrum aliquis dicat ignem ex æthere decidere, quod natura non patitur: an dicat, ex ignea vi calorem in ea, quæ subiecta sunt transilire, an hic accendi. Non enim illinc igniscadet, quod non potest fieri, sed hic nascitur. Videmus certè, apud nos lætè incendio peruagante, quasdam insulas, quæ diu concaluerant, ex se concipere flammam. Itaque verisimile est in aere summo, qui naturam rapiendi ignis habet, aliquid accendi calore ætheris superpositi. Necessè est enim, vt & imus æther habeat aliquid aeri simile, & summus aer non sit dissimilis imo ætheri, quia non sit statim ex diuerso in diuersum transitus. Paullatim ista confinio vim suam miscent ita, vt dubitare possis, an aer, an hic iam æther sit.

CAP. XV. Quidam ex nostris existimant, aera, cum in ignem, & aquam mutabilis sit, non trahere aliunde causas flammarum nouas; ipse enim se mouendo accendit, & cum densos, compactosque nubium sinus dissipat, necessario vastum in tam magnorum corporum diruptione

reddit sonum. Illa porro nubium difficulter cedentium pugna, aliquid confert ad concitandum ignem: sic, quemadmodum ferro aliquid manus sed secandum confert: sed secare, ferri est.

CAP. XVI. Quid ergo inter fulgurationem, & flumen interest? dicam. Fulguratio, est late ignis explicitus: Fulmen, est coactus ignis, & impetu iactus. Solumus duabus manibus inter se iunctis aquam concipere, & compressa utrimque palma in modum siphonis exprimere. Simile quiddam & illic fieri puta. Nubium inter se compressarum angustiae medium spiritum emittunt, & hoc ipso inflammant, & tormenti modo eijciunt. Nam balistæ quoque & scorpiones tela cum sono expellunt.

CAP. XVII. Quidam existimant, ipsum spiritum per frigida atque humida euntem, sonum reddere. Nam ne ferrum quidem ardens silentio tingitur. Sed quemadmodum, si in aqua seruens massa descendit, cum multo murmure exstinguitur: ita, ut Anaximenes, ait, spiritus incidens nubibus tonitrua edit, & dum luctatur, per obstantia & intercisâ vadens ipsa ignem fuga accendit.

CAP. XVIII. Anaximandrus omnia ad spiritum retulit. Tonitrua, inquit, sunt nubis ictus sonus. Quare inæqualia sunt? quia & ipse ictus inæqualis est. Quare & sereno tonat? quia tunc quoque per crassum & siccum æra spiritus profilit. At quare aliquando non fulgurat & tonat? qua tenuior & infirmior spiritus, quo in flammam non valuit, in sonum valuit. Quid est ergo ipsa fulguratio? aeris diducentis se, corruentisque iactatio, languidum ignem, nec exiturum aperiens. Quid est fulmen? acrioris densiorisque spiritus cursus.

CAP. XLIX. Anaximandrus ait, omnia ista sic fieri, vt ex æthere aliqua vis in inferiora descendit. Ita ignis impactus nubibus frigidis sonat. At cum illas interseindit, fulget: & minor vis ignium fulgurationes facit, maior fulmina.

CAP. XX. Diogenes Appolloniates ait, quædam tonitrua igne; quædam spiritu fieri. Illa ignis facit, quæ ipse antecedit & nunciat: illa spiritus, quæ sine splendore crepuerunt. Vtrumque sine altero fieri, & esse aliquando, concedo; ita tamen, vt non discreta illis potestas sit, sed vtrumque ab vtroque effici possit. Quis enim negabit spiritum magno impetu latum, cum efficit sonum, effecturum & ignem? Quis & hoc non concedet, aliquando ignem quoque rumpere posse nubes, & non exsilire, si plurimarum aceruonibium, cum paucas percidisset, oppressus est? Ergo & ignis ibit in spiritum, perdentque fulgorem, & speciem, dum secuta in terra incendit. Adijce nunc quod necesse est, vt impetus fulminis & premittat spiritus, & agat ante se, & à tergo trahat ventum cum tā vasto ictu aera indicerit. Itaque omnia antequā feriantur, intremiscunt, vibrata vento, quæ ignis ante se pressit.

CAP. XXI. Dimissis nunc præceptoribus, incipiamus per nos moueri, & à confessis transeamus ad dubia. Quid enim confessi est? Fulmen ignem esse: æque fulgurationem, quæ nihil aliud est, quàm flamma; futura fulmen, si plus virium habuisset. Non natura ista, sed impetu distant. Esse illum ignem, calor ostendit: qui si non esse, ostendit effectus. Magnorum enim sæpe incendiorum causas fulmen fuit. Siluæ illò crematæ, & urbium partes: etiam quæ non percussa sunt, tamen adusta cernuntur: quædam vero velut fuligine colorantur. Quid, quod

quod omnibus fulguritis odor sulphureus est? Ergo & vtramq; rem ignē esse constat, & vtramque rem inter se meando distare. Fulguratio est fulmen, non in terras vsque perlatum. Et rursus licet dicas fulmen esse fulgurationem, vsque in terras perductam. Non ad exercendum verba hæc diutius petraeto: sed vt ista cognata esse, & eiusdem notæ ac naturæ, probein. Fulmen est quiddam plus quam fulguratio: vertamus istud. Fulguratio est pene fulmen.

CAP. XXII. Quoniam constat esse vtramque rem ignem, videamus quemadmodum apud nos fieri soleat ignis. Eadem enim ratione & supra fit. Duobus modis: vno, si excitatur sicut ex lapide percusso: altero, si attritu inuenitur, sicut cum duo ligna inter se diutius trita sunt. Non omnis hoc tibi materia præstabit, sed idonea eliciendis ignibus: sicut laurus, hederæ, & alia in hunc vsum nota pastoribus. Potest ergo fieri, vt nubes quoque ignem eodem modo vel percussæ reddant, vel attritæ. Videamus quantis procellæ viribus ruant, quanto vertantur impetu turbines. Id in quod tormentum obuium fit, dissipatur, & rapitur, & longe à loco suo proiicitur. Quid ergo mirum, si tanta vis ignem excutit vel aliunde, vel sibi? Uides enim quantum feruorem sensura corpora sunt, horum transitu trita, exanimata. Nihil tamen tantum in his debet credi, ac in visiderum, quorum ingens & confessa potentia est.

CAP. XXIII. Sed fortasse nubes quoque in nubes incitatae, fremente vento, & leuiter vrgente, ignem euocabunt, qui explendescat, nec exsiliat. Minore enim vi ad fulgurandum opus est; quam ad fulminandum. Superioribus collegimus, in quantum feruorem quadam attri-

aperdu cerentur. Cum autem aer mutabilis in ignem, maximis viribus suis in ignem conuersus, atteratur, credibile est, & verisimile, ignem caducum excuti, & cito interiturum, quia nō ex solida materia oritur, nec in quia possit consistere. Transit itaq; tantumq; habet moræ quantum itineris & cursus, sine alimento coniectus est.

CAP. XXIV. Quomodo, inquis cum dicatis hanc ignis esse naturam, vt petat superiora fulmen tamen terram petit; an falsum est, quod de igne dixistis? Est enim illi æque sursum iter, atque deorsum. Vtrumq; verum potest esse. Ignis enim natura in verticem surgit, & si nihil illum prohibet, ascendit. Sicut aqua natura defertur: si tamen aliqua vis accessit, quæ illam in contrarium ageret, illo incenditur; vnde imbre deiecta est. Fulmen autem cadit eadem necessitate, quia excutitur. Id his ignibus accidit, quod arboribus: quarum cacumina si tenera sunt, ita deorsum trahi possunt, vt etiam terram attingant, sed cum permiseris, locum suum exsiliunt. Itaque non est, quod eum spectes cuiusque rei habitum, qui illi non ex voluntate est. Si ignem permittis ire quo velit, cœlum, id est, leuissimi cuiusque sedem repetet: vbi est aliquid, quod eum ferat, & ab impetu suo auertat, id non natura, sed seruitus eius fit.

CAP. XXV. Dicis, inquit, nubes atritas edere ignem, cū sint humidæ, imo vde, quomodo ergo possunt gignere ignem, quem non magis verisimile est ex nube, quàm ex aqua generari.

CAP. XXVI. Ignis qui nascitur, primum in nubibus non est aqua, sed aer spissus, ad gignendam aquam præparatus, nondum in illam mutatus, sed iam pronus & vergens. Non est quod

quod eam existimes tunc colligi, sed effundi. Simul & fit, & cadit. Deinde si concessero humidam esse nubem conceptis aquis plenam: nihil tamen prohibet, ignem ex humido quoque educi imo ex ipso (quod magis mireris) humore. Quidam negauerunt, in ignem quidquam posse mutari, priusquam mutatum esse in aquam. Potest ergo nubes, salua, quam continet, aqua ignem parte aliqua sui reddere: ut sæpe alia pars ligni ardet, alia sudat. Nec hoc dico, non contraria inter se ista esse, alterum altero periri: sed ubi valentior ignis, quam humor est, vincit. Rursus ubi copia humoris, exsuperat, tunc ignis sine effectu est. Itaque non ardent virentia. Refert ergo, quantum aquæ sit. Exigua enim non resistit, nec ignem impedit. Quid nisi Maiorum nostrorum memoria, ut Posidonius tradit, cum insula in Ægeo mari surgeret, spumabat interdum mare, & fumus ex alto ferebatur. Nam demum prodebat ignem, non continuum, sed ex interuallis emicantem, fulminum more quotiens ardor inferius iacentis, superum pondus euicerat. Deinde saxa reuoluta, rupesque partim illæscæ, quas spiritus, antequam vertetur, expulerat: partim exæscæ, & in leuitatem pumicis versæ: nouissime cacumen exusti montis emicuit. Postea altitudini adiectum, & saxum illud in magnitudinem insule creuit. Idem nostra memoria. Valerio Asiatico consule iterum accidit. Quorsus hæc retuli? ut appareret nec extinctum ignem mari supertuso, nec impetum eius gravitate ingentis undæ prohibitum exire. Ducentorum passuum fuisse altitudinem Asclepiodorus Posidonij auditor tradit, per quam, disruptis aquis, ignis emerit. Quod si immensa aquarum vis, subeun-

tem ex imo flammaram vim non potuit comprimere : quanto minus in aere extinguere ignem poterit , nubium tenuis humor & roscidus ? Adeò resista non habet vllam moram , quæ contra causas ignium sit ; quos non videmus emicare , nisi impendente cælo . Serenum sine fulmine est . Non habet istos metus dies purus , nec nox quidē , nisi obscura nūbibus : Quid ergo ? Non aliquando etiam apparentibus stellis , & nocte tranquilla fulgurat ? Sed scias licet nubes illic esse , vnde splendor effertur : quas videri à nobis terrarum tumor nō sinit . Adijce nunc , quod fieri potest , vt nubes sudæ & humiles attritu suo ignē reddant : qui in superiora expressus , in parte sincera puraque cœli visatur : sed fit in sordida .

CAP. XXVII. Tonitrua distinxere quidam ita , vt dicerent , vnum esse genus , cuius sit graue murmur , quale terrarum motum antecedit , clauso vento & fremente . Hoc quomodo illis videatur fieri , dicam . Cùm spiritum intra se clausere nubes , in concavis partibus earum volutatus aer , similem agit mugitibus sonum , raucum & æqualem , & continuum . Itaque etiam vbi illa regio humida est , exitum claudit . Idcò huiusmodi tonitrua venturi preuentia imbris sunt . Aliud genus est acre , quòd crepitum magis dixerim , quàm sonum : qualenti audire solemus , cùm super caput alicuius dirupta vesica est . Talia eduntur tonitrua cùm globata dissoluitur nubes , & spiritum , quo distenta fuerat , emittit . Hoc proprie fragor dicitur , subitus , & vehemente : quo edito concidunt homines , & exanimantur , quidam verò viuī stupēt , & in totum sibi excidunt , quos vocamus attonitos , quorum mentes sonus ille caelestis loco pepulit . Hic fieri illo quoque modo potest , vt in-

clusus

clusus aer caua nube & motu ipso extenuatus diffundatur. Deinde cum maiorem sibi locum quarit, à quibus innolurus est, sonum patitur. Quid autem non quemadmodum illis manus inter se plausum edunt, sic illis inter se nubium sonus potest esse magnus, quia magna concurrant.

CAP. XXVIII. Videmus, inquit, nubes impingi montibus, nec sonum fieri. Primum omnium non quocumque modo illis sunt sonant, sed si apte sunt compositæ ad sonum edendum. Auersæ inter se manus collisæ non plaudunt, sed palma cum palma collata plausum facit. Et plurimum interest, utrum cauæ concutiantur, an planæ & extentæ. Deinde non tantum nubes ire oportet, sed agi magna vi, & procellosa. Etiam mons non scindit nubem, sed dirigit, & primam quamque partem eius soluit. Ne vesica quidem, quocumque modo spiritum emisit, sonat. Si ferro diuisa est, sine vllò aurium sensu exit. Rumpi illam oportet, ut sonet, non secari. Idem de nubibus dico: nisi multo impetu dissiluerint, non sonant. Adijce nunc, quod nubes in monte actæ, non franguntur, sed circumfunduntur in aliquas partes montis, arboris ramos, frutices, aspera saxa & eminentia: Et ita discutuntur, & si quem habent spiritum, multifariam emittunt: qui nisi vniuersus erumpit, nec crepat. Hoc ut scias, ventus qui circa arborem funditur, sibilat, non tonat. Lato (ut ita dicam) ictu, & totum globum semel dissipante opus est, ut sonitus erumpat; qualis auditur cum tonat.

CAP. XXIX. Præter hæc natura aptus est aer ad voces. Quid nisi cum vox nihil aliud sit, quam ictus aer. Debent ergo nubes utrim-

que dissecari & canæ & intentæ . Vides enim quanto vocaliora sunt vacua quam plena , quanto inuentam quam remissa . Ita tympana & cymbala sonant : quia illa repugnantem ex vltiore parte spiritum pulsanr, hæc ad ipsum aerem acta , nisi concauo , non tinniunt.

CAP. XXX. Quidam, inter quos Asclepiodorus est , iudicant sic , quorundam quoque corporum concursu tonitrua & fulmina excuti posse . Ætna aliquando multo igne abundauit , ingentem vim arenæ vtentis effudit . Inuolutus est dies puluere , populosque subita nox terruit . Illo tempore aiunt plurima fuisse tonitrua & fulmina , quæ concursu aridorum corporum facta sunt , non nubium : quas verisimile est , in tanto fetuore aeris , nullas fuisse . Aliquando Cambyfes ad Ammonem misit exercitum : quem arena Austro mota , & more niuis incidens , texit , deinde obruit . Tunc quoque verisimile est fuisse tonitrua fulminaque , attritu arenæ sese affricantis . Non repugnat proposito nostro ista opinio . Diximus enim , vtriusque naturæ corpora efflare terras , & sicci aliquid & humidi in toto aere vagari . Itaque si quid tale interuenit , nubem facit solidiorem crassioraque , quàm si tantum simplici spiritu intexeretur . Illa frangi potest , & edere sonum : ista quæ dixi , siue incendijs vaporantibus aera repleuerunt , siue ventis terras verrentibus , necesse est nubem faciant antequam sonum . Nubem autem tam arida quam humida conferunt . Est autem nubes (vt diximus) pissetudo aeris crassi .

CAP. XXXI. Ceterum mira fulminis , si intrueri stelis , opera sunt , nec quidquam dubij relinquentia , quin diuina insit illis & subtilis potentia . Loculis integris ac illæsis conflatur argen-

gentum. Manente vagina, gladius liquefcit? Et inuiolato ligno, circa pila ferrum? omne diftillat. Stat fracto dolio vinum, nec vltra triduum rigor ille durat: Illud æque inter annotanda ponas licet, quod & hominum, & ceterorum animalium quæ icta sunt caput, fpectat ad exitum fulminis: quod omnium percuflarum arborum contra fulmina haftulæ furgunt: Quid, quod malorum ferpentium, & aliorum animalium, quibus mortifera vis ineft, cum fulmine icta funt venenum omne confumitur? Vnde, inquit, fcis? In venenatis corporibus vermis non nafcitur. Fulmine icta, intra paucos dies verminant.

CAP. XXXII. Quid, quod futura portentunt: nec vnus tantum aut alterius rei figna dant, fed fæpe totum fatorum frequentium ordinem nunciunt, & quidem decretis euidentibus, longèque elarioribus, quàm fi fcriberentur? Hoc autem inter nos, & Tufcos, quibus fumma perfequendorum fulminum eft fcientia, intereft. Nos putamus, quod nubes collife funt, idè fulmina emitti. Ipsi exiftimant, nubes collidi, vt fulmina emittantur. Nam cum omnia ad Deum referant, in ea funt opinione, tamquam, non quia facta funt, fignificent; fed quia fignificatura funt, fiant: eadem tamen ratione fiunt, fiue illis fignificare propofitum eft, fiue confequens. Quomodo ergo fignificant, nifi à Deo mittantur? Quomodo aues non in hoc moræ, vt nobis occurrerent, dextrum aufpicium, finiftrumque fecerunt. Et illas, inquit, Deus mouit. Nimis illum otiofum, & puillæ rei miniftrum facis, fi alijs fomnia, alijs ex ea difponit. Ifta nihilominus diuina ope geruntur. Sed non à Deo pennæ auium reguntur, nec pecudum viscera fub ipfa fecuri formantur. Alia ratione fatorum

series explicatur, incidia venturi vbique præmittens, ex quibus nobis quædam familiaria, quædam ignota sunt. Quidquid fit, alicuius rei futuræ signum est: fortuita, & sine ratione vaga diuinationem non recipiunt. Cuius rei ordo est, etiam prædictio est. Cur ergo aquilæ hic honor datus est, ut magnarum rerum faceret auspicia: aut coruo, aut paucissimis auibus; ceterarum sine præfagio vox est? Quia quædam in artem nondum redacta sunt. Quædam vero ne redigi quidem possunt, ob nimium remotam conuersationem. Ceterum nullum animal est, quod non motu & cursu suo prædicat aliquid. Non omnia scilicet, sed quædam notantur. Auspiciū est obseruantis. Ad eum itaque pertinet, qui in ea direxerit animum. Ceterum & illa quæ pereunt. Quinque stellarum potestatem Chaldæorum obseruatio excepit. Quid tu tot millia siderum iudicas otiosa lucere? Quid est porro aliud, quod errorem incutiat peritis natalium, quam quod paucis nos sideribus assignant: cum omnia quæ supra nos sunt, partem sibi nostri vindicent? Submissiora forsitan in nos proprius vim suam dirigunt: & ea quæ frequentius mota, aliter nos, aliter cetera animalia prospiciunt. Ceterum & illa quæ aut immota sunt, aut propter velocitatem vniuerso mundo parem inmotis similia, non extra ius dominiumque nostri sunt. Aliud adspice, & distributis rem efficis, tractas. Non magis autem facile est, scire quod possint, quam dubitari debet, an possint.

CAP. XXXIII. Nunc ad fulmina reuertamur: quorum ars in tria diuiditur: quemadmodum exploremus, quemadmodum interpretemur, quemadmodum exoremus. Prima pars ad for-

formulam spectat : secunda , ad diuinationem :
 tertia , ad propitiandos deos : quos bona rogare
 oportet , mala deprecari : Rogare vt promissa
 firment : deprecari ; vt remittant minas.

CAP. XXXIV. Summam esse vim fulmi-
 num iudicant : quia quidquid alia portēdunt , in-
 teruentus fulminis tollit . Quidquid ab hoc por-
 tenditur , fixum est , nec alterius ostenti significa-
 tione minuitur . Quidquid extra quidquid aues
 minabuntur , secundo fulmine aboleuitur . Quid-
 quid fulmine denuntiatur est , nec extis , nec
 aue contraria refellitur . In quo mihi falli vi-
 dentur . Quare ? quia vero verius nihil est . Si aues
 futura cecinerunt , non potest hoc auspicium ful-
 mine irritum fieri ; aut si potest , non futura ceci-
 nere . Non enim nunc auem comparo , & fulmen
 sed duo veri signa quæ si vnum significant , paria
 sunt . Itaq ; si fulminis interuentus submouet ex-
 torum , vel augurum iudicia , male inspecta ex-
 ta , male obseruata auguria sunt . Non enim re-
 fert , vtrius rei maior potentiorue natura sit , si
 vtraque res veri attulit signum , quantum ad hoc
 par est . Si dicat , flammæ vim maiorem esse , quā
 fumi non mentieris : sed ad indicandum ignem
 idem valet flamma , quod fumus : Itaque si hoc
 dicunt , quoties exta aliud significabunt , aliud
 fulmina , fulminum erit auctoritas maior , for-
 tasse consentiam : sed si hoc dicunt , quam vis al-
 tera signa verum predixerint , fulminis ictus
 propria deleuit , ad se fidem traxit , falsum est .
 Quare ? quia nihil interest , quā multa auspicia
 sint : fatum vnū est : quod si bene primo auspicio
 intellectum est secundo non interit : idem est . Ita
 dico , non refert , idem aliud sit , per quod quæ-
 rimus : quoniam de quo quærimus , idem est .

CAP. XXXV. Fatum fulmine mutari non

po-

gatio : quia illam mediam inter ista exceptionem præteris . Futurum , inquam , hoc est , sed si tota suscepta fuerint . Hoc quoque necesse , inquit , est , fato comprehensum sit , aut suspicias vota , aut non .

CAP. XXXVIII. Puta me tibi manus dare , & fateri , hoc quoque fato esse comprehensum , ut utique fiant vota . Ideò fient . Fatum est , ut hic disertus sit , sed si litteras dicerit : ab eodem fato continetur , ut litteras discat : ideo discet . Hic diues erit , sed si nauigauerit . At in illo fati ordine , quo patrimonium illi grande promittitur , hoc quoque protinus fatum est , ut nauiget : ideo nauigabit . Idem dico tibi de expiationibus . Effugiet pericula , si expiauerit prædictas diuinitus minas . At hoc quoque in fato est , ut expiet : ideo expiabit . Ista nobis opponi solent , ut probetur nihil voluntati nostræ relictum , & omne ius fato traditum . Cùm de ista re agitur , dicam , quemadmodum , manente fato , aliquid sit in hominis arbitrio . Nunc vero id de quo agitur , explicauimus , quomodo si fati certus est ordo , expiationes procurationesque prodigiorum , pericula auertant : quia cùm fato non pugnant , sed ipsa in lege data sunt . Quid ergo , inquis , aruspex mihi prodest ? utique enim expiare etiam non suadente illo , mihi necesse est . Hoc prodest , quod fati minister est . Sic cum sanitas videatur esse fato , debetur & medico : quia ad nos beneficium fati per huius manus venit .

CAP. XXXIX. Genera fulminum tria esse ait Cæcinna : Consiliarium , Auctoritatis , & quod Status dicitur . Consiliarium ante rem fit , sed post cogitationem : cùm aliquid in anima versantibus , aut suadetur fulminis ictu , aut dissuadetur . Auctoritatis est , ubi post rem factam venit ,
quam

quam futuram bono maloue significat: Status est, vbi quietis nec agentibus quidquam, nec cogitantibus quidem, fulmen interuenit. Hoc autem minatur, aut promittit, aut monet. Hoc monitorium vocat: sed nescio quare non idem sit, quod consiliarium. Nam & qui monet, consilium dat: sed habet aliquam distinctionem. Ideoque separatur à consiliario: quia illud suadet et dissuadetq; hoc solam impendentis periculi euitationem continet. Vt cum timemus ignem aut fraudem à proximis, aut insidias à seruis. Etiamnum tamen aliam dictionem versusque video. Consiliarium est, quod cogitanti factum est: monitorium, quod nihil cogitanti. Habet autem vtraque res suam proprietatem. Suadetur deliberantibus, at vltro moventur.

CAP. XL. Primo omnium non sunt fulminum genera, sed significationum. Nam fulminum genera sunt illa, quod terebrat, quod discutit, quod vrit. Quod terebrat, subtile est & flammæ, cui per angustissimum fuga est, ob sinceram & puram flammæ tenuitatem. Quod discipat, conglobatum est, & habet admixtam vim spiritus coacti & procellosi. Itaque illud fulmen per id foramen, quod ingressum est, redit & euadit. Huius late sparsa vis, rumpit ista, non perforat. Tertium illud genus, quod vrit, multum terreni habet, & igneum magis est quam flammæ. Itaque relinquit magnas ignium notas, quæ percussis inhæreant. Nullum quidem sine igne fulmen venit: sed hoc proprie igneum dicimus, quod manifesta ardori vestigia imprimit. Quod, aut vrit, aut fuscet. Tribus modis vrit: aut enim afflat, & leui iniuria lædit, aut comburit, aut accendit. Omnia ista vrit, sed genere & modo differunt. Quodcumq; combu-

stum est, vtrique & vstum est. At non omne quod vstum, vtrique & combustum est. Item quod accensum est: potest enim illud ipso transitu ignis vssisse. Quis nescit quædam vri quidem, nec ardere? Nihil autem potest ardere, quod non vratur. Vnum hoc adiiciam. Potest aliquid esse combustum, quod non sit accensum. potest accensum esse, nec combustum.

CAP. XLI. Nunc ad id transco genus fulmini, quo ista fuscantur. Hoc aut decolorat, aut colorat. Vtrique distinctionem suam reddam. Decoloratur, id cuius color vitiatur, non mutatur. Coloratur, id cuius alia fit quam fuit facies: tamquam cærulea, vel nigra, vel pallida. Hæc adhuc Etruscis & philosophis communia sunt. In illo dissentiunt, quod fulmina dicunt à Ioue mitti, & tres illa manubias dant. Prima (vt aiunt) monet, & placata est, & ipsius consilio Iouis mittitur. Secundam mittit quidem Iupiter, sed ex consilij sententia: duodecim enim deos aduocat. Hoc fulmen boni aliquid aliquando facit, sed tunc quoque non aliter; quàm vt noceat. Ne prodest quidem impune. Tertiam manubiam idem Iupiter mittit: sed adhibitis in consilium dijs, quos superiores inuolutos vocant. Quæ vastat & includit, & muta statum priuatum vtrique & publicum, quem inuenit. Ignis enim nihil esse, quod sit, patitur.

CAP. XLII. In his prima specie si intueri velis, errat antiquitas. Quid enim tam imperitum est quàm credere fulmina è nubibus Iouem mittere, columnas, arbores, statuas suas nonnumquam petere, vt, impunitis sacrilegis, percussis ouibus, incensis aris, pecudes innoxias feriat, & ad suum concilium à Ioue deos, quasi in ipso parum consilij sit, aduocari: illa læta & placata

ta esse fulmina , quæ solus excutiat : pernicioſa , quibus mittendis maior numinum turba interfuit ? Si quæris à me, quid ſentiam , non exiſtimo tam hebetes fuiſſe , vt crederent Iouem, aut non æquæ voluntatis, aut certe minus paratum eſſe. Virum enim cum emiſit ignes , quibus innoxia capita percuteret , ſcelerata tranſiret , aut noluit iuſtius mittere , aut non ſucceſſit : Quid ergo ſecuti ſunt, cum hoc dicerent ? Ad coercendos animos imperitorum , ſapientiſſimi viri iudicauerunt inuitabilem metum , vt ſupra nos aliquid timeremus . Vtile erat in tanta audacia ſclerum aliquid eſſe, aduerſum quòd nemo ſibi latis potens videretur . Ad conterrendos itaque eos, quibus innocentia niſi metu non placet, poſuere ſuper caput vindicē, & quidem armatum.

CAP. XLIII. Quare ergo id fulmen quòd ſolus Iupiter mittit, placabile eſt : pernicioſum id, de quo deliberauit, & quòd alijs quoque dijs auctoribus miſit ? Quia Iouem, id eſt , regem , prodeſſe etiam ſolum oportet, nocere non , niſi cum pluribus viſum eſt . Diſcant hoc ij, quicumque magnam potentiam inter homines adepti ſunt , ſine conſilia nec fulmen quidem mittit aduocent , conſiderent multorum ſententias, placita temperent , & hoc ſibi proponant, vbi aliquid percuti debet, ne Joui quidem ſuum ſatis eſſe conſilium.

CAP. XLIV. In hoc quoque tam imperiti non fuere , vt Iouem exiſtimarent tela mutare : poeticam iſta licentiam decet .

*Eſt aliud leuius fulmen , cui dextra Cycloplum
Saniſſie flammæque minus, minus addidit iræ
Tela ſecunda vocant ſuperi*

Illos verò altiſſimos viros error iſte non tenuit, vt exiſtimarent Iouem modò leuioribus fulminibus

minibus & lusorijs vti : sed voluerunt admonere eos quibus aduersus peccata hominum , fulminandum est ; non eodem modo omnia esse percutiendæ quædam frangi debere , quædam elidi & distringi , quædam admoueri .

CAP. XLV. Nè hoc quidem crediderunt , Iouem , qualem in Capitolio & in cæteris ædibus colimus , mittere manu fulmina , sed eundem quem nos Iouem intelligunt , custodem rectoremque vniuersi , animum ac spiritum , mundani huius operis dominum & artificem , cui nomen omne conuenit . Vis illum fatum vocare ? non erabis . Hic est , ex quo suspensa sunt omnia , causa causarum . Vis illum providentiam dicere ? rectè dices . Est enim , cuius consilio huic mundo prouidetur , vt inconfusus eat , & actus tuos explicet . Vis illum naturam vocare ? non peccabis . Est enim , ex quo nata sunt omnia , cuius spiritu viuimus . Vis illum vocare mundum ? non falleris . Ipse enim est , totum quòd vides , totus suis partibus inditus , & se sustinens vi sua . Idem Etruscis quoque visum est : idèò fulmina à Ioue mitti dixerunt , quia sine illo nihil geritur .

CAP. XLVI. At quare Iupiter aut ferienda transit , aut innoxia ferit ? In maiorem me questionem vocas : cui suus locus , suus dies dandus est . Interim hoc dico , fulmina non mitti à Ioue , sed sic omnia disposita , vt ea etiam quæ ab illo non fiunt , tamen sine ratione non fiant : quæ illius est . Vis eorum , illius permissio est . Nam etsi Iupiter ista nunc non facit , fecit vt fierent : singulis non adest : sed signum , & vim , & causam dedit omnibus .

CAP. XLVII. Huic illorum diuisioni non accedo . Aiunt aut perpetua , aut finita esse fulmina ,

nt, aut prorogatiua. Perpetua quorum significatio in totam vitam pertinet; nec vnā rem id cūcūciat, sed contextum rerum per omnem deinceps etatem futurarum complectitur. Hec sunt fulmina, quę prima accepto patrimonio, & in nouo hominis aut vrbis statu fiunt. Finita ad diem vtiq; respondent. Prorogatiua sunt, quorum minae differri possunt, auerti tollique non possunt.

CAP. XLVIII. Dicam quid sit, quare huic diuisioni non consentiam. Nam & quod perpetuum vocant fulmen, finitum est. Aequę enim talia ad diem respondent. Nec ideo finita non sunt, quia multum tempus significant. Et quod prorogatum videtur, finitum est. Nam illorū quoque confessione certum est, quousque impetretur dilatio. Priuata enim fulmina negant vltra decimum annum, publica vltra tricēsimum posse deferri. Hoc modo & ista finita sunt, quia vltra quod non prorogentur, inclusum est. Omnium ergo fulminum & omnis euentus dies statuta est. Non potest enim vlla incerti esse comprehensio. Quę inspicienda sint in fulgure, passim & vagedicunt, eū possint sic diuidere, quemadmodum ab Attalo philosopho, qui se huic disciplinæ dederat, diuisa sunt, vt inspiciatur vbi factum sit, quando, cui, in qua re, quale, quantum. Hęc si digerere in partes suas volueris, quid potestā faciam, nisi in immensum procedam?

CAP. XLIX. Nunc nomina fulminum, quę a Cæcinnā ponuntur, perstringam: & quid de his sentiam, exponam. Ait esse postulatoria, quibus sacrificia intermissa, aut non rite facta repetuntur. Monitoria, quibus docetur, quid cauendum sit. Pestifera, quę mortem exsiliumque portant. Fallacia, quę per speciem alicuius boni nocent. Dant consulatum; malo futurum gerentibus,

bus, & hereditatem, cuius compendium magno sit luendum incommodo. Deprecanea, quæ speciem periculi sine periculo afferunt. Peremptalia, quibus tolluntur priorum fulminum minæ. Attestata, quæ prioribus consentiunt. Atterranea quæ in inclusio sunt. Obruta, quibus iam prius percussa nec procurata feriuntur. Regalia, quorum vi tangitur vel comitum, vel principalia vrbis liberæ loca: quorum significatio regnum ciuitatû minatur. Inferna, cum è terra exsiliunt ignes. Hospitalia, quæ sacrificijs ad nos Iouem arcessunt, & (vt verbo eorum molliori utar) inuitant: sed si irascente domino inuitant, tunc venire cum magno inuitantium periculo affirmat. Auxiliaria, quæ aduocata, sed aduocantium bono veniunt.

CAP. L. Quanto simplicior diuisio est, quæ utebatur Attalus noster, egregius vir, qui Etruscorum disciplinam Græca subtilitate miscuerat. Ex fulminibus quædam sunt, quæ significant, id quod ad nos pertinet: quædam aut nihil significant, aut id cuius intellectus ad nos non peruenit. Ex his quæ significant, quædam sunt læta, quædam aduersa quædam nec aduersa nec læta. Aduersorum hæ species sunt. Aut inuitabilia mala portendunt, aut euitabilia, aut quæ minui possunt, at quæ prorogari. Læta aut mansura, significant, aut caduca. Mixta aut partem habent boni, partem mali, aut mala in bonum, aut bona in malum vertunt. Nec aduersa nec læta sunt, quæ aliquam nobis actionem significant, quæ nec terri nec lætari debemus: vt peregrinationem, in qua nec metus, nec spei quidquam sit.

CAP. LI. Reuertar ad ea fulmina, quæ significant quidem aliquid: se quod ad nos non pertineat: tamquam, vtrum eodem anno idem futurum sit fulmen, quod factum est. Nihil signi-

significant fulmina, aut id cuius notitia nos effugit: ut illa quæ in vastum mare sparguntur, aut in desertas solitudines: quorum significatio: vel nulla est, vel petit.

CAP. LII. Pauca adhuc adijciam ad enarrandam vim fulminis, quæ non eodem modo omnem materiam vexat. Valentiora, quia resistunt, vehementius dissipat: cedentia nonnumquam sine iniuria transit. Cum lapide ferroque, & durissimis quibusque, configit: quia viam necesse est per illa impetu quærat. Itaque facit viam qua effugiat: teneris & rarioribus parcit, quamquam & flammis opportuna videantur: quia transitu patente minus sæuit. Loculis itaque, ut dixi, integris, pecunia quæ in his fuerat, conflata reperitur: quia ignis tenuissimus per occulta foramina transcurrit. Quidquid autem in ligno solidum inuenit, ut contumax vincit. Non vno autem, ut dixi, modo sæuit: quid quæque vis fecerit, ex ipso genere iniuriæ intelligis, & fulmen opere cognoscis. Interdum in eadem materia, multa diuersa, eiusdem vis fulminis facit: sicut in arbore, quod aridissimum est,urit: quod solidissimum & durissimum est, terebrat & frangit: summos cortices dissipat interiores libros interioris arboris rumpit, ac scindit, folia perstringit ac tundit: vinum gelat, ferrum & æs fundit.

CAP. LIII. Illud est mirum, quod vinum fulmine gelatum, cum ad priorem habitum redit, potum aut exanimat, aut dementes facit. Quare id accadat quærenti mihi, illud occurrit. Inest fulmini vis pestifera. Ex hoc aliquem remanere spiritum in eo humore quem cœgit gelauitque verisimile est. Nec enim alligari potuisset, nisi aliquod illi esset additum vinculum.

Præterea olei quoque, & omnis vnguenti, teter post fulmen odor est. Ex quo apparet, inesse quamdam subtilissimo igni, & contra naturam acto, pestilentem potentiam, qua non tantum iæta cadunt, sed etiam afflata. Præterea quocumque decidit fulmen, ibi odorem sulphuris esse certum est: qui quia natura grauis est, sæpius haustus alienat. Sed ad hoc vacui reuertemur. Fortasse enim libebit ostendere, quantum omnia ista à philosophia artium parente fluxere. Illa primum & quæsiuit causas rerum, & obseruauit effectus: & quòd fulminis inspectione longè melius est initijs rerum exitus contulit.

CAP. LIU. Nunc ad opinionem Posidonij reuertar. E terra terrenisque omnibus pars humida efflatur, pars sicca & fumida. Hæc fulminibus alimentum est: illa imbribus. Quidquid in æra sicci fumosique peruenit, id includi se nubibus non fert, sed rumpit claudencia. Inde est sonus, quem nos tonitruum vocamus. In ipso quoque ære quidquid attenuatur, simul siccat & calet. Hoc quoque si inclusum est, æque fugam quærit, & cum sono euadit. Et modo vniuersam eruptionem facit, coque vehementius intonat; modò per partes & minutatim. Ergo tonitrua hic spiritus exprimit, dum aut rumpit nubes, aut peruolat. Voluptas autem spiritus, in nube conclusi, valentissimum est accendendi genus.

CAP. LV. Tonitrua nihil aliud sunt, quàm fieri aeris sonitus, qui fieri, nisi dum aut terit, aut rumpitur, non potest. Et si colliduntur inquit, nubes inter se, fit is quem desideras ictus, sed non vniuersus. Neque enim tota totis concurrunt, sed partibus partes. Nec sonant mollia, nisi illisa duris sint. Itaque non auditur fluctus, nisi impa-

impactus. Ignis, inquit, missus in aquam, sonat, dum exstinguitur. Puta ita esse: pro me est. Non enim ignis tunc sonum efficit, sed spiritus per exstinguentia effugiens. Ut idem tibi, & fieri ignem in nube, & exstingui, è spiritu nascitur & atritu. Quid ergo? inquit: non potest aliqua ex his transcurrentibus stellis incidere in nubem, & exstingui? Existimemus posse aliquando & hoc fieri. Nunc naturalem causam quærimus & assiduam, non ratam & fortuitam. Puta me confiteri verum esse, quod dicis: aliquando post tonitrua emicare ignes, stellis transuersis & cadentibus similes: Non ob hoc tonitrua facta sunt: sed cum hoc fieret, tonitrua facta sunt. Clademus ait, fulgurationem speciem inanem esse, non ignem. Sic enim per noctem splendorem motum remotum videri. Dissimile est exemplum: illic enim splendor intra ipsam aquam apparet: hic qui fit in aëre, erumpit & exsilit.

CAP. LVI. Heraclitus existimat fulgurationem esse velut apud nos incipientium ignium conatus, & primam flammam incertam, modo intereuntem modo resurgentem. Hæc antiqui Fulgetra dicebant: tonitrua nos pluraliter dicimus, antiqui aut tonitruum dixerunt, aut tonum. Hoc apud Cæciliam inuenio, facundum virum: qui habuisset aliquod in eloquentia nomen; nisi illum Ciceronis umbra pressisset. Etiamnum illo verbo utebantur antiqui, correpto, quo nos producta vna syllaba utimur. Dicimus enim ut splendere, sic fulgere. At illis ad significandam hanc è nubibus subitæ lucis eruptionem mos erat, media syllaba correpta, ut dicerent fulgere.

CAP. LVII. Quid ipse existimem, quæris? Adhuc enim alienis opinionibus accommodaui manum. Dicam: Fulgurat, cum repentinum.

late lumen emicuit. Id euenit, vbi in ignem ex-
 tenuatus in nubibus aer vertitur, nec vires, qui-
 bus longius profiliat, inuenit. Non miraris, pu-
 to, si aera motus extenuat, aut extenuatio in-
 cendit. Sic liquefcit excussa glans funda, & attri-
 tu aeris velut igne distillat. Ideo æstate plurima
 fiunt fulmina, quia plurimum calidi est. Facilius
 autem attritu calidorum ignis existit. Eodẽ mo-
 do fit fulgor qui tantum splendet, & fulmen
 quod mittitur. Sed illi leuior vis, alimentique est
 minus. Et, vt breuiter dicam quod sentio: fulmẽ
 est fulgur intentum. Ergo vbi calidi sumidique
 natura, emissa terris, nubes incidit, & diu in il-
 larum sinu volutata est, nouissime erumpit. Et
 quia vires non habet, splendor est. At vbi fulgu-
 ra plus habuere materiæ, & maiore impetu ar-
 serunt, non apparent tantum, sed decidunt.

CAP. LVIII. Quidam vtique existimant
 fulmen reuerti: quidam subsidere, vbi alimen-
 ta prægrauauerunt, & fulmen icu languidiore
 delatum est. At quare fulmen subitum appa-
 ret, nec continuatur assiduus ignis? Quia celer-
 rimi motus est: simul & nubes rumpit, & aera
 incendit. Deinde desinit flamma quiescente mo-
 tu. Non enim est assiduus spiritus cursus, vt igni
 possit extendi, sed quoties fortius ipsa iactatione
 se accendit, fugiendi impetum capit. Deinde
 cum euasit, & pugna desiit, ex eadem causa
 modo vsque ad terram profertur; modo dissol-
 uitur, si minore vi depressus est. Quare obli-
 que fertur? Quia spiritu constat. Spiritus obli-
 quus est, flexuosusque. Et quia natura ignem
 sursum vocat, iniuria deorsum premit, incipit
 obliquus esse. Interdum dum neutra vis alteri
 cedit, & ignis in superiora nititur, & in infe-
 riora deprimitur. Quare frequenter cacumina.

montium feriuntur: Quia opposita sunt nubibus
& è cœlo cadentibus, per hæc transeundum est.

CAP. LIX. Intellico quid iam dudum desideres, quid efflagites. Malo, inquis, fulmina non timere, quàm nosse. Itaque alios doce, quemadmodum fiant. Ego mihi metum illarum excuti volo, quàm naturam indicari. Sequar quo vocas: omnibus enim rebus, omnibusque sermonibus aliquid salutare miscendum est. Cùm imus per occulta naturæ, cùm diuina tractamus, vindicandus est à malis suis animus, ac subinde firmandus: quòd etiam eruditis, & hoc vnum agentibus necessarium est: non vt effugiamus ictus rerum (vndique enim, alieni in nos iaciuntur) sed vt fortiter constanterque patiamur. Inuieti esse possumus, inconcussi non possumus: quamquam interim spes subit, inconcussos quoque esse non posse. Quemadmodum, inquis? Contemne mortem; & omnia quæ ad mortem ducunt, contempta sunt siue illa bella sunt, siue naufragia, seu morsus ferarum, seu ruinarum subito lapsu procidentium pondera. Numquid amplius facere possunt, quàm vt corpus ab anima resoluant. Hæc nulla diligentia euitat, nulla felicitas donat, nulla potentia euincit. Alia fortuito disponuntur: mors omnes equè vocat. Iratis dijs propitijsque moriendum est: animus ex ipsa desperatione sumatur. Ignauissima animalia, quæ natura ad fugam genuit, vbi exitus non patet, tentant fugam corpore imbelli. Nullus perniciosior hostis est, quàm quem audacem angustia faciunt longeque violentius semper est necessitate, quàm ex virtute corrumpitur: Maiora, aut certè paria, conatur animus magnus ac perditur. Cogitemus nos, quantum ad mortem, proditos esse; & sumus. Ita est, Lucili.

Om.

Omnes referuamur ad mortem. Totum hunc quem vides populum, quousque cogitas esse? cito natura reuocabit & condet: nec de re, sed de die quæritur. Eodem citius tardiusue veniendum est. Quid ergo? Non tibi timidissimus omnium videtur, & insipientissimus qui magno ambitu rogat moram mortis? Nonne contemneres eum, qui inter perituros constitutus, beneficij loco peteret, vt vltimus ceruicem præberet? Idem facimus. Magno æstimamus, mori tardius. In omnes constitutum est capitale supplicium, & quidem constitutione iustissima. Nam quod maximum solet esse solatium extrema passuris quorum eadem causa, fors eadem est. Sequere mur traditi à iudice aut magistratu, & carnifici nostro præstaremus obsequium: quid interest, vtrum ad mortem iussi eamus, an vltronei. O te dementem, & oblitum fragilitatis tuæ, si tunc mortem times, cum tonat. Ita ne salus tua in hoc vertitur: Viues, si fulmen effugeris? Petet te gladius, petet lapis, petet febris. Non maximum ex periculis, sed speciosissimum fulmen est. Male scilicet erit actum tecum, si sensum mortis tuæ celeritas infinita præuenerit, si mors tua procurabitur, si tu tunc quoque cum exspiras, non superuacua, sed alicuius magnæ rei signum es. Male scilicet tecum agitur, si cum fulmine comederis. Sed pauescis ad cœli fragorem, & ad inane nubilum trepidas, & quoties aliquid effulsit exspiras. Quid ergo? Honestius iudicas deiectione animi perire quàm fulmine? Eo itaque forrior aduersus cœli minas surge, & cum mundus undique exarserit, cogita te nihil habere de tanta mole perdendum. Quod si tibi parari credis illam cœli confusionem, illam tempestatum discordiam, si propter te ingesta, illisæ-

que nubes strépunt, si in tuum exitum tanta vis ignium excutitur: at tu solati loco numera tanti esse mortem tuam. Sed non erit huic cogitationi locus. Casus iste donat, metum. Est inter cetera quoque hoc commodum, eius, quod expectationem tuam antecedit. Nemo umquam fulmen timuit, nisi qui effugit.

LIBER TERTIUS.

Qui est de Aquis.

Argumentum.

Initio dolet tam sero ad studium naturæ accessisse, cum satius sit Dei opera, quam Philippi, aut Alexandri latrocinia celebrare. Aquarum deinde tractationem, à diuisione in dulces & medicatas, instituit. Negat fontes & flumina ex imbribus nasci, quia experimento proprio didicit maximas pluviarum non ultra decem pedes terram madefacere. Terram igitur potius in aquas mutabilem facis Thaletem, qui terram aqua, more nauigii vehit, ineptire dicit: sed telluris corpus instar humani esse, in quo venæ aquarum, ceu sanguinis, arteriæ spiritus sint conceptacula. Quidam etiam fontes implentur, aut deplentur certis horis aut mensibus, quomodo quartana ad horam venit, aut podagra ad tempus respondet. Ab aquis ad pisces transit, & aliquantulum circa mullos adheret; quos luxuria Romana. Euripis sub mensas fluentibus exemptos, & vitreis ollis inclusas, vario & maculoso colore, id est, picta & formosa morse exspirantes spectabas; oculosque pascebas

ante

ante gulam . Redit dein ad aquas , & de earum medicaminibus & miraculis plurima ex Aristotele & aliunde permiscet . Ad diluvia postremo & fatales aquarum inundationes gressum mouet . Ea cuenire , cum mare , flumina , celum in exitum humani generis conspirauerint . Oceanus deinde & omnis aquarum illa elunies in sedes suas reuocatur , redditurque iterum terris homo inscius scelerum , qui tamen in innocentia sua non diurnat , & cito redit in nequitiam .

P R Æ F A T I O .

NOn præterit me , Lucili virorum optimæ , quàm magnarum rerum fundamenta ponam senex , qui mundum circuire constituit , causas secretaque eius eruere , atque alijs noscenda prodere . Quanto tam multa consequar ? tam sparsa colligam ? tam occulta perspiciam ? Premittam tergo senectus , & obijcit annos inter vana studia consumptos : tanto magis vrgeamus , & damna ætatis male exemptæ labor sarciat . Nos ad diem accedat . Occupationes recidantur : patrimonij longe à domino iacentis cura solvatur : sibi totus animus vacet , & ad contemplationem sui saltem in ipso fugæ impetu respiciat . Faciet , ac sibi instabit , & quotidie breuitatem temporis metietur . Quidquid amissum est , id diligenti vsu præsentis vitæ recolliget . Fidelissimus est ad honesta ex penitentia transitus . Libet mihi exclamare illum poetæ inclyti versum :

*Tollimus ingentes animos , & maxima paruo
Tempore mollimur .*

Hoc dicerem , si puer iuuenisue molirer . Nulla enim non tam magnis rebus tempus angustum

est. Nunc verò ad rem seriam, gravem, im-
 mensam, post meridianas horas accessimus. Fa-
 ciamus quòd in itinere fieri solet. Qui tardius
 exierunt, velocitate pensant moram. Festine-
 mus, & opus nescio an superabile, magnum certè
 sine ætatis excusatione tractemus. Crescit ani-
 mus, quoties cæpti magnitudinem attendit, &
 cogitat, quantum proposito, non quantum sibi
 super sit. Consumplere se quidam, dum acta re-
 gum externorum componunt, quæque passi in-
 vicem ausique sunt populi. Quanto satius est,
 sua mala extinguere, quàm aliena posteris tra-
 dere? Quanto potius decorum opera celebrare,
 quàm Philippi aut Alexandri latrocinia; cetero-
 rumque, qui exitio gentium clari, non minores
 fuere pestes mortalium, quàm inundatio, qua
 planum omne perfusum est quàm conflagratio,
 qua magna pars animantium exaruit? Quem-
 admodum Hannibal superauerit alpes, scri-
 bant: quemadmodum confirmatum Hispaniæ
 cladibus bellum Italiæ inopinatus intulerat: fra-
 ctisque rebus etiam post Carthaginem perti-
 nax, reges peterrauetit, contra Romanos du-
 cem se promittens, etiam sine exercitu: quem-
 admodum non desierit senex omnibus angu-
 lis bellum quærere: adeò sine patria esse pati
 poterat, sine hoste non poterat. Quanto sa-
 tius, quid faciendum sit, quam quid factum
 sit, quærere; ac docere eos qui sua permisere
 fortunæ, nihil stabile ab illa datum esse; eius
 omnia fluere aua mobilius? nescit enim
 quiescere, gaudet lætis tristitia sustinere, &
 utraq; miscere. Itaque in secundis nemo
 confidat, in aduersis nemo deficiat: alternæ sunt
 vices rerum. Quid exultas? Ista quibus veheris
 in summum, nescis ubi te relictura sint: ha-
 bebunt

debunt suum, non tuum finem. Quid iaces? ad
 mum delatus es: nunc est resurgendi locus. In
 melius aduersa, in deterius optata flectuntur.
 Ita concipienda est animo varietas, non priua-
 tarum, tantum domnum, quas leuis casus im-
 pellit, sed etiam publicarum. Regna ex infimo
 coorta supra imperantes constituerunt. Vetera
 imperia in ipso flore cecidere. Iniri non potest
 numerus, quam multa ab alijs fracta sint: non
 cum maxime Deus alia exaltat, alia submittit
 nec molliter ponit, sed ex fastigio suo nullus,
 habitura reliquias iactat. Magna ista, quia
 parui sumus, credimus. Multis rebus non ex
 natura sua, sed ex humilitate nostra magnitudo
 est. Quid præcipuum in rebus humanis est?
 Non classibus maria complexisse, nec in rubri
 maris littore signa fixisse; nec deficiente terra
 ad iniurias aliorum errasse in Oceano, ignota
 quærentem: sed animo omne vidisse, & quia nul-
 la est maior victoria, vitia domuisse. Innume-
 rabiles sunt, qui vrbes, qui populos habuere in
 potestate: paucissimi, qui se. Quid est præci-
 puum? Erigere animum supra minas & promiss-
 a fortunæ. Nihil dignum putare quod speres.
 Quid enim habet dignum, quod concupiscas?
 qui à diuinorum conuersatione quoties ad hu-
 mana recideris, non aliter caligabis, quam quo-
 rum oculis in densam umbram ex claro sole re-
 diere. Quid est præcipuum? Posse læto animo
 aduersa tolerare, quidquid acciderit, sic ferre,
 quasi tibi volueris accidere. Debuisses enim
 velle, si scisses omnia ex decreto Dei fieri. Fie-
 re, queri, ingemere descidere est. Quid est
 præcipuum? Animus contra calamitates fortis
 & contumax, luxuriæ non aduersus tantum,
 sed & infestus: nec auidus periculi, nec fu-
 gax,

gax, qui sciat fortunam non expectare, sed facere & aduersus vtramque intrepidus inconfususque prodire, nec illius tumultu, nec huius fulgore percussus. Quid est præcipuum? non admittere in animum mala consilia, puras ad cælum manus tollere: nullum petere bonum, quod vt ad te transeat, aliquis dare debet, aliquis amittere: optare, quod sine aduersario optatur, bonam mentem: cetera magno æstimata mortalibus, etiam si quis domum casus attulerit, sic intueri, quasi exitura, qua venerint. Quid est præcipuum? Altos supra fortuita spiritus attollere: hominis meminisse, vt siue felix eris, scias hoc non futurum diu, siue infelix, scias hoc te non esse, si non putes. Quid est præcipuum? in primis labris animam habere. Hæc res efficit non è iure Quiritium liberum, sed è iure naturæ. Liber autem est, qui seruitutem effugit sui. Hæc est assidua seruitus, & ineluctabilis, & per diem ac noctem æqualiter premens, sine interuallo, sine comite: Sibi seruire grauissima seruitus est: quàm discutere facile est si desieris multa te poscere, si desieris tibi referre mercedem, si ante oculos & naturam tuam posueris & ætatem licet prima sit: ac tibi ipse dixeris: Quid insanio? quid anheleo? quid ludo? quid terram verso? quid forum viso? Nec multo opus est, nec diu. Ad hoc proderit nobis inspicere rerum naturam: primo discedemus à sordidis, deinde animum ipsum, quo magno summoque opus est, seducemus à corpore. Deinde in occultis exercitata subtilitas, non erit in aperto deterior. Nihil autem est apertius his salutaribus, quæ contra nequitiam nostram, furoremque discuntur, quæ damnamus, nec ponimus.

CAP. I. Queramus ergo de aquis, & inuestigemus, qua ratione fiant: siue, ut ait Ovidius, *Fons erat illimis nitidis argenteus undis*: siue, ut ait Virgilius.

*Unde per ora novæ vasto cū murmure montis
It mare præruptum, & pelago premit arua
sonanti.*

siue ut apud te, Junior carissime, inuenio, *Eleus Siculis de fontibus exflit amnis*. quæ ratio aquas subministret: quomodo tot flumina ingentia per diem noctemque decurrant: quare alia hibernis aquis intumescant, alia in defectu ceterorum amnium crescant. Nillum interim seponamus à turba, propriæ naturæ & singularis: illi diem suum dabimus, nunc vulgares aquas prosequemur, tam frigidas quam calentes: In quibus quærendum erit, virum calidæ nascantur, an fiant. De ceteris quoque differemus, quas insignes aut sapor, aut aliqua reddit utilitas. Quædam enim oculos, quædam nervos iuuant, quædam inueterata & desperata à medicis vitia percurrant. Quædam medentur ulceribus, quædam interiora fouent potu, & pulmonis ac viscerum querelas leuant. Quædam supprimunt sanguinem: tam varius singulis vsus, quam gustus est.

CAP. II. Aut stant omnes aquæ, aut eunt, aut colliguntur, aut varias habent venas. Aliæ sunt dulces, aliæ variæ: asperæ quippe interueniunt, salæ amaræque aut medicatæ: ex quibus sulphuratas dicimus, ferratas, aluminolas. Indicat vim sapor. Habent præterea multa discrimina. Primum tactus: frigidæ calidæque sunt: deinde ponderis: leues & graues sunt: deinde coloris puræ sunt & turbidæ, ceruleæ lucidæ: deinde salubritatis: sunt enim salubres & vtilis, sunt

mortiferæ, sunt quæ cogantur in lapidea. Quædam tenues, quædam pingues: quædam alunt, quædam sine vlla bibentis ope transeunt, quædam haustæ fecunditatem afferunt.

CAP. III. Vt stet aqua, aut fluat, loci positio efficit: in deuexo fluit, in plano continetur & stagnat, & aliquando in aduersum spiritu impellitur: tunc cogitur, non fluit. Colligitur ex imbribus: ex suo fonte natua est. Nihil tamen prohibet, eodem loco aquam coligi, & nasci: quod in Fucino videmus, in quem montis circumiecti fluuij deriuantur. Sed & magnæ latentesque in ipso vnde sunt: itaque etiam cum hiberni deflexere torrentes, faciem suam seruant.

CAP. VI. Primum ergo querimus quomodo ad continuandos fluminum cursus terra sufficiat, vnde tantum aquarum exeat. Miramur, quod accessionem fluminum maria non sentiant. Aequè mirandum est, quod detrimenta exeuntium terra non sentit. Quid est quod illam sic impleuit, vt præbere tantum ex recondito possit, ac subinde suppleat? Quamcumque rationem reddiderimus de flumine, eadem erit riuorum ac fontium.

CAP. V. Quidam iudicant, terram, quidquid aquarum emisit, rursus accipere: & ob hoc maria non crescere, quia quod influxit, non in suam vertunt, sed protinus reddunt. Occulto enim itinere subit terras, & palam venit, secreto reuertitur, colaturque in transitu mare: quod per multiplices anfractus terrarum verberatum, amaritudinem ponit, & prauitatem saporis in tanta soli varietate exuit, & in sinceram aquam transit.

CAP. VI. Quidam existimant, quidquid ex imbribus terra concipit, in flumina rursus emit.

emitti. Et hoc argumenti loco ponunt, quod paucissima flumina sunt in his locis, in quibus rarus est imber. Ideò siccas esse aiunt Aethiopiæ solitudines, paucosque inueniri in interiore Africa fontes: quia feruida cæli natura sit; & pene semper æstiuæ. Squalidæ itaque sine arbore, sine cultore arenæ iacent, raris imbribus sparæ, quos statim combibunt. At contra constat, Germaniam Galliamque, & proinde ab his Italiam, abundare riuis & fluminibus: quia cælo humido vtuntur, & ne æstas quidem imbribus caret.

CAP. VII. Aduersus hæc multa dici posse vides. Primum ego tibi vinearum diligens forsor affirmo, nullam pluuiam esse tam magnam, quæ terram ultra decem pedes in altitudinem medeficiat. Omnis humor intra primam crustam consumitur, nec in inferiora descendit. Quomodo ergo potest imber suggerere annibus vires, qui summâ humum tangit? Par maior eius per fluminum alueos in mare, aufertur. Exiguū est quod sorbet terra, nec id seruat. Aut enim arida est, & absorbit quicquid in se fasum est: aut saturata, si quid supra desiderium cecidit, excludit. Et ideò primis imbribus non augentur amnes: quia totos in se sitiens terra trahit. Quid quod quædam flumina erumpunt saxis & montibus? His quod conferent pluuiæ, quæ per nudas rupes deferuntur, nec habent terram cui insideant? Adijce, quod in siccissimis locis putei in altum acti per ducenum, aut tricenum pedum patra, inueniunt aquarum vberes venas in ea altitudine, in quam aqua non penetret: vt scias illic non cælestem esse, nec collectitium humorem, sed quod dici solet, viam aquam. Illo quoque argumento hæc opinio refellitur, quod quidam fontes in summo montis cacumine re-

dundant. Apparet ergo, illos sursum agi, aut ibi concipi, cum omnis aqua pluuialis decurrat.

CAP. VIII. Quidam existimant, quemadmodum in exteriori parte terrarum vastæ paludes iacent, magni & nauigabiles lacus, quemadmodum ingenti spatio terræ maria porrecta sunt, infusa vallibus: sic interiora terrarum abundare aquis dulcibus, nec minus illas stagnare, quam apud nos Oceanum, & sinus eius: imo eo latius, quo plus terra in altum patet. Ergo ex illa profunda copia isti amnes egeruntur: quos quid miraris si terra detractos non sentiat, cum adiectos maria non sentiant?

CAP. IX. Quibusdā hæc placet causa. Aiunt habere terram intra se cauos recessus, & multum spiritus: qui necessario frigescit, umbra graui pressus. Deinde piger & immotus, in aquam, cum se desijt ferre, conuertitur. Quemadmodum supra nos mutatio aeris imbrem facit, ita infra terras flumen aut riuum agit. Supra nos stare non potest segnis diu & grauis. Aliquādo enim sole tenuatur, aliquando ventis expanditur. Itaque interualla magna imbribus sunt. Sub terra verò quidquid est, quod illū in aquam conuertat, idem semper est, umbra perpetua, frigus æternum, in exercitata densitas: semper ergo præbebit fonti aut flumini causas. Placet nobis terram esse mutabilem. Hoc quoque quidquid effluit, quia non aere libero concipitur, crassescit, & protinus in humorem conuertitur.

CAP. X. Habes primam aquarum sub terra nascentium causam. Adijcias etiam licet, quod fiant omnia ex omnibus. Ex aqua aer. Ex aere aqua. Ignis ex aere. Ex igne aer. Quare ergo non terra fiat ex aqua, & ex terra aqua? quæ si in alia mutabilis est, & in aquam: imo maxi-

me in hanc. Vtraque cognata res est, vtraque grauis, vtraque densa, vtraque in extremum mundi compulsa. Ex aqua terra fit. Cur non aqua fiat è terra? At magna flumina sunt. Cùm videris, quanta sunt: rursus ex quanto prodeant, adspice. Miraris, cùm labantur assidue, quædam vero concitata rapiantur, quæ præsto sit illis semper aqua noua? Quid si mireris, quod cùm venti totum aera impellant, non deficit spiritus, sed per dies noctesque æqualiter fluit: nec vt flumina certo aluco fertur, sed per vastum cœli spatium lato impetu vadit? Quid si vllam vndam superesse mireris, quæ superueniat tot fluctibus fractis? Nihil deficit quod in se redit. Omnium elementorum alterni recursus sunt. Quidquid alteri perit, in alterum transit. Et natura partes suas velut in ponderibus constitutas examinat: ne portionum æquitate turbata, mundus præponderet. Omnia in omnibus sunt. Non tantum aer in ignem transit, sed nunquam sine igne est. Detrahe illi calorem: rigescet, stabit, durabitur. Transit aer in humorem: sed nihilominus non sine humore. Et aera & aquam facit terra: sed non magis vnumquam sine aqua, quàm sine aere. Et ideo facilius inuicem transitus est: quia illis in quæ transcundum est: iam mixta est. Habet ergo terra humorem: hunc exprimit. Habet aera: hunc vmbra hiberni frigoris densat, vt faciat humorem. Ipsa quoque mutabilis est in humore: natura sua vitur.

CAP. XI. Quid ergo? inquis, si perpetuæ sunt causæ, quibus flumina oriuntur, ac fontes: quare aliquando siccantur, aliquando quibus non fuere locis exeunt? Sæpe motu terrarum itinera turbantur, & ruina interscindit aquas,

quæ retentæ nouos exitus quærent, & aliquo impetu faciunt, aut ipsius quassatione terræ aliunde alio transferuntur. Apud nos euenire solet, vt amisso canali suo flumina primum refundantur; deinde quia perdiderunt viam, faciant. Hoc accidisse ait Theophrastus in Coryco monte, in quo post terrarum tremorem noua vis fontium emerfit. Sed & alio quoque casus interuenire quidam opinantur, quia aliter euocent aquas, aut à cursu suo deiciant, atque auertant. Fuit aliquando aquarum inops Hænus: sed cùm Gallorum gens à Cassandro obsessa in illum se contulisset, & siluas cecidisset, ingens aquarum copia apparuit, quas videlicet in alimentum suum nemora ducebant: quibus excisis, humor qui desijt in arbusta consumi, superflus est. Idem ait & circa Magnesium accidisse. Sed pæce Theophrasti dixisse liceat, non hoc est simile veri: quia fere aquosissima sunt quæcumque vmbrosissima. Quod non eueniret, si aquas arbusta siccarent: quibus alimentum ex proximo est: fluminum verò vis ex intimo manat, vtrique excipitur, quàm radicibus euagari licet. Deinde succisæ arbores plus humoris desiderant. Non enim tantum id quo viuunt, sed & id quo crescant trahunt. Idem ait, circa Arcadium, quæ vrbes in Creta insula fuit, fontes & lacus substitisse, quia desierit coli terra, diruta vrbe: postea vero quàm cultores receperit aquas quoque recepisse. Causam siccitatis hanc ponit, quod obdurnerit constricta tellus, nec potuerit imbres inagitata transmittere quomodo ergo plurimos videmus in locis desertissimis fontes? Plura denique inuenimus, quæ propter aquas coli ceperunt, quàm quæ aquas habere ceperint, quia colebantur.

Non

Non enim esse pluuialem hanc aquam, quæ vastissima flumina à fonte statim, magnis apta nauigijs defert, ex hoc intelligas licet, quòd per hyemem estareque par est à capite deiectus. Pluvia potest facere torrentem: non potes autem æquali inter ripas suastenore labentem: Aquam non faciunt imbres, sed incitant.

CAP. XII. Paulo repetamus hoc altius, si videtur: scies non habere quod quæras, cum ad vera amnium originem accesseris. Flumen nempe facit copia cursusque aquæ perennis. Ergo si quæris à me, quomodo aqua fiat: interrogabo inuicem, quomodo aer fiat, aut terra. Si rerum elementa sunt quatuor, non potes interrogare vnde aqua sit: quarta enim pars est naturæ. Quid ergo mirâris, si rerum naturæ portio tam magna, potest aliquid ex se semper effundere? Quomodo aer, & ipse quarta pars mundi, ventos & auras mouet, sic aqua riuos flumina. Si ventus est fluens aer, & flumen est fluens aqua. Satis multum illi virium dedi, cum dixi, elementum est. Intelligis, quòd ab illo proficiscitur, non posse deficere.

CAP. XIII. Aqua, ait Thales, valentissimum elementum est, hoc fuisse primum putat, ex hoc surrexisse omnia. Sed & nos quoque aut in eadem sententia, aut in vltima sumus. Dicimus enim ignem esse, qui occupet mundum, & in se cuncta conuertat. Hunc euanidum considerare, & nihil relinqui aliud in rerum natura, igne restincto, quàm humorem: in hoc futuri mundi spem latere. Ita ignis exitus mundi est, humor primordium. Miraris amnes ex hoc posse exiri semper, qui pro omnibus fuit, & ex quo sunt omnia? Hic humor in diductione rerum ad quartas reductus est, sic positus,

ut fluminibus edendis sufficere, ut riuis, ut fontibus posset. Quæ sequitur, Thaletis inepta sententia est. Ait enim, terrarum orbem aqua sustineri, & vehi more nauigij, mobilitateque eius fluctuare, tunc cum dicitur tremere. Non est ergo mirum, si abundat humor ad flumina fundenda, cum mundus in humore sit totus. Hanc veterem & rudem sententiam explode. Nec est quod credas, in hunc orbem aquam subire per rimas & facere sentinam.

CAP. XIV. Ægyptij quattuor elementa fecere: deinde ex singulis bina, marem & feminam. Aerem marem iudicant, qua ventus est: feminam, qua nebulosus & iners. Aquam virilem vocant mare: muliebre omnem aliam. Ignem vocant masculum, qua ardet flamma: & feminam, qua lucet innoxius tactu, Terram fortio- rem marem vocant, saxa cautesque: feminæ nomen assignant huic tractabili ad culturam.

CAP. XV. Mare vnum est, ab initio scilicet ita constitutum: habet suas venas, quibus impellitur atque gsuat. Quomodo maris, sic & huius aquæ mitioris vasta in occulto via est, quam nullius fluminis cursus exhauriet. Abdita est virium eius ratio. Tantum ex illa, quantum superfluum sit, emittitur. Quædam ex istis sunt, quibus assentire possumus: sed hoc amplius censeo. Placet natura regi terram: & quidem ad nostrorum corporum exemplar, in quibus & venæ sunt & arteriæ: illæ sanguinis, hæ spiritus receptacula. In terra quoque sunt alia itinera, per quæ aqua; & alia, per quæ spiritus currit: adeoque illam ad similitudinem humanorum corporum natura formauit, ut maiores quoque nostri aquarum appellauerint venas. Sed quemadmodum in nobis non tantum sanguis est,

est, sed multa genera humoris, alia necessarij, alia corrupti, ac paullo pinguioris, in capite cerebrum, in ossibus medullæ, muci, salinæque & lacrimæ, & quidam additum articulis, per quod citius flectantur ex lubrico: in terra quoque sunt humoris genera complura. Quædam quæ matura durentur. Hunc est omnis metallorum humus, ex quibus aurum argentumque petit avaritia: & quæ in lapidem ex liquore vertuntur. In quibusdam verò locis terra humorque liquefcit: sicut bitumen, & cetera huic similia. Hæc est causa aquarum, secundum legem naturæ, voluntatemque nascentium. Ceterum ut in nostris corporibus, ita in illa sæpe humores vitia concipiunt: autictus, aut quassatio aliqua, aut loci senium, aut, frigidus, aut æstus, corrumpere naturam & sulphuratio contrahit humorem, qui modo diuturnus est, modo brevis. Ergo ut in corporibus nostris sanguis, cum percussa vena est, tamdiu manat, donec omnis efflui, aut donec venæ scissura subsedit, atque interclusit, vel aliquis alia causa retro dedit sanguinem: in terra, solutis ac patefactis venis, riuus aut flumen effunditur. Interest, quantum aperta sic vena, quomodo consumpta aqua sit: modo exsiccat aliquo impedimento, modo coit velut in cicatricem, comprimitque quam fecerat viam: modo illa vis terræ, quàm esse inutabilem diximus, desinit posse alimenta in humorem conuertere: aliquando autem exhausta replentur: modo per se viribus recollectis, modo aliunde translatis. Sæpe enim inania apposita plenis humorem in se attrahunt. Sæpe terra, si facilis est, ipsa in tabem resoluitur, humescit. Idem euenit sub terra, quod in nubibus, ut spissetur grauioremque,

quem

quam ut manere in natura sua possit, gignat humorem. Sæpe colligitur roris modo tenuis & dispersus liquor, qui ex multis in vnum locis confluit. Sudorem aquæ leges vocant: quia guttæ quædam vel pressura loci eliduntur, vel æstu euocantur. Hæc tenuis vnda vix fonti sufficit. At ex magnis causis, magnisq; conceptibus excidunt amnes: nonnumquam leuiter, si aqua pondere suo se tantum detulit; nonnumquam vehementer & cum sono suo, si illam spiritus intermixtus iecit.

CAP. XVI. Sed quare quidam fontes senit horis pleni, senisque sicci sunt? Superuacuum est nominare singula flumina, quæ certi mensibus magna, certis angusta sunt: occasionem singulis quærere, cum possim eandem causam omnibus reddere. Quemadmodum quartana ad horam venit, quemadmodum podagra ad tempus respondet, quemadmodum purgatio, si nihil obstitit, statum diem seruat, quemadmodum præsto est ad mensem suum partus: sic aquæ interualla habent, quibus se retrahant, & quibus reddant. Quædam autem interualla minora sunt, & idè notabilia quædam maiora, nec minus certa. Et quid hoc mirum est, cum videas ordinem rerum, & naturæ per constituta procedere? Hiems numquam aberrauit. Æstas suo tempore incanduit. Autumnus, verisque, ut solet facta, mutatio est. Tam solstitium, quam æquinoctium, suos dies retulit. Sunt & sub terra minus nota nobis iura naturæ, sed non minus certa. Crede infra, quidquid vides supra. Sunt & illic specus vasti, sunt ingentis recessus, & spatia suspensis hinc & inde montibus laxa. Sunt abrupti in infinitum hiatus, qui sæpe illapsas vrbes receperunt, ingentem in alto ruinam condiderunt.

Hæc

Hæc spiritu plena sunt. Nihil enim vsquam inane est, & stagna obfessa tenebris & locis amplis. Animalia quoque illis innascuntur, sed tarda & informia: vt in aere cæco pinguique concepta, & in aquis torpentibus situ: pleraque ex his cæca, vt talpæ & subterranei mures, quibus deest lumen, quia superuacuum est. Inde, vt Theophrastus affirmat, pisces quibusdam locis eruuntur.

CAP. XVII. Multa hoc loco tibi in mentem venient, quæ urbane in re incredibili fabulam dicas. Non cum retibus aliquem, aut cum hamis, sed cum dolabra ire piscatum. Exspecto vt aliquis in mari venetur. Quid est autem, quare pisces in terram non transcant, si nos maria transimus? Permutabimus sedes. Hoc miraris accidere. Quanto incredibilia sunt opera luxuriæ, quoties naturam aut mentitur, aut vincit. In cubili natant pisces: & sub ipsa mensa capitur qui statim transferatur in mensam. Parum videtur recens nullus nisi qui in conuiuæ manu moritur. Vitreis ollis inclusi offeruntur, & obseruatur morientium color, quem in multas mutationes mors luctante spiritu vertit: alios necant in garo, & cōdiunt viuos. Et sunt qui fabulas putant, piscem viuere posse sub terra, & efodi, non capi. Quam incredibile illis videretur, si audirent natare in garo piscē, nec cæne causa occisum esse super cænam cum multum in delicijs fuit, & oculos, antequam gulam paut.

CAP. XVIII. Permite mihi quæstione seposita, castigare luxuriam. Nihil est, inquis, multo exspirante formosius. Ipsa colluctatione animam agentirubor primum, deinde pullor suffunditur: quam æque variatur, & incerta facies inter vitam & mortem coloris est. Vacatio longa somniculosæ inertisque luxuriæ. Quam fe-

ro experecta, circumferibi se & fraudari tanto bono sensit. Hoc adhuc tanto spectaculo & tam pulchro piscatores fruebantur. Quo costum piscem? quo exanimem? in ipso ferculo exspiret. Mirabamur tantum in illis esse fastidium, ut nollent attingere, nisi eodem die captum piscem: qui, ut aiunt, saperet ipsum mare. Ideò cursu aduehebatur, ideò gerulis cum anhelitu & clamore properantibus dabatur via. Quo peruenere delicia? Is pro putrido iam piscis affertur, qui non hodie eductus, hodie occisus est. Nescio de re magna tibi credere, Ipse oportet mihi credam: huc afferatur, coram me animam agat. Ad hunc fastum peruenire ventres delicatorem, ut gustare non possint piscem, nisi quem in ipso conuiuio natantem, palpitantemque viderint. Quantum ad solertiam luxuriæ pereuntis accedit, tanto subtilius quotidie & elegantius aliquid excogitat furor, visitata contemnens. Illa audiebamus, Nihil esse melius saxatili mullo. At nunc audimus: Nihil est moriente formosius. Da mihi in manus vas vitreum, in quo exsulet, in quo trepidet. Vbi multum diuque laudatus est, ex illo perlucido viuario extrahitur; tunc ut quisque peritior est, monstrat? Vide quomodo exaruerit rubor, omni acrior minio: vide quas latera venas agat: ecce sanguineum putes ventrem: quam lucidum quiddam, cæruleumque sub ipso tempore effulsit, iam porrigitur & paliet, & in vnum colorem componitur. Ex his nemo morienti amico assidet, nemo videre mortem patris sui sustinet, quam oprauit. Quotus quisque funus domesticum ad rogam prosequitur? Fratrum, propinquerumque extrema hora describitur; ad mortem nulli concurritur. Nihil enim

enim est illo formosius : Non tempero mihi, quin utar interdum temerarijs verbis, & propretatis modum excedam. Non sunt ad popinam dentibus, & ventre, & ore contenti, oculis quoque gulosi sunt.

CAP. XIX. Sed ut ad propositum reuertar, accipe argumentum : magnam vim aquarum in subterraneis occultis, fertilem fedorum situs piscium. Si quando erupit, affert secum immensam animalium turbam, horridam adspici, & turpem, ac noxiam gustu. Certe cum in Caria circa Lorimam urbem talis exsilisset vnda, periire quicumque illos ederant pisces, quos ignoto ante eum diem cælo nouus amnis ostendit. Nec id mirum. Erant enim pingua & diferta, ut ex longo otio, corpora : ceterum inexercitata, & in tenebris saginata, & lucis expertia, ex qua salubritas ducitur. Nasci autem posse pisces in illo terrarum profundo, sit indicium, quod anguillæ quoque latebrosis locis nascuntur : grauis & ipse cibus ob ignauiam, vtrique si altitudo illas luti penitus abscondit. Habet ergo non tantum venas aquarum terra, ex quibus corriuatis flumina effici possunt, sed & amnes magnitudinis vastæ : quorum alijs semper in occulto cursus est, donec aliquo sinu deuerentur : alijs sub aliquo lacu emergunt. Jam quis ignorat, esse quædam stagna sine fundo ? Quoribus hoc pertinet ? Ut apparet, hanc magnis amnibus æternam esse materiam, cuius non tanguntur extrema, sicut fluminum & fontium.

CAP. XX. At quare aquis sapor varius : propter quatuor causas. Ex solo prima est, per quod feruntur. Secunda ex eadem simulatione eius nascitur.

fertur . Tertia ex spiritu , qui in aquam transfiguratus est . Quarta ex vitio , quod sæpè concipiunt corruptæ per iniuriam . Hæ causæ saporem dant aquis varium : hæ medicatam potentiam : hæ grauem spiritum odoremque pestiferum : hæ leuitatem grauitatemque , aut colorem , aut nimium rigorem . Interest , vtrum , per loca sulphure , an nitro , an bitumine plena transeant . Hac ratione corruptæ , cùm vitæ periculo bibuntur . Hinc illud , de quo Ouidius ait :

*Flumē habent Cicones , quod posum saxeæ reddit ,
Viscera ; quod tactis inducit marmora rebus .*

Medicamentum est , & eius naturæ habet limū , vt corpora & adglutinet & induret . Quemadmodum Puteolanus puluis , si aquam attigit , saxum est : sic è contrario , hæc aqua si solidum tetigit , hæret & affigitur . Inde est quod res abiectæ in eundem lacum , lapideæ subinde extrahuntur . Quod in Italia quibusdam locis euenit . Sive virgam , siue frondem demerseris , lapidem post paucos dies extrahis . Circumfunditur enim corpori limus , alliniturque paullatim . Hoc minus videbitur tibi mirum si notaueris , Albulam & fere sulphuratam aquam , circa canales suos riuosque durari . Aliquam harum habent causam illi lacus , quos quisquis faucibus hausit , vt idem poeta ait ,

*Aut furit , aut patitur mirum grauitate soporē .
Similem habet vim mero , sed vehementiorem .
Nam quemadmodum ebrietas donec , exsicce-
tur , dementia est , & nimia grauitate defertur in
sopnū : sic aquæ huius sulphurea vis habet
quoddam acrius ex aere noxio virus , quod men-
tem aut in furorē mouet , aut soporē oppri-
mit . Hoc habet mali & Lyncestius amini :*

Quem quicumque parū moderato gutture traxis

Hand

Haud liter titubat, quam si mera vina bibisset?

CAP. XXI. In quosdam specus qui despicere, moriuntur tam velox malum est, ut transuolantes aues deiciat: talis est aer, talis locus ex quo letalis aqua distillat. Quod si remissior fuerit aeris & loci pestis, ipsa quoque temperatior noxa, nihil amplius quam tentat nervos, velut ebrietate torpentes. Nec miror, si locus atque aer aquas inficit, similesque regionibus reddit, per quas, & ex quibus veniunt. Pabuli sapor apparet in lacte, & vinis vis existit etiam in aceto: nulla res est, quæ non eius à quo nascitur, notas reddat.

CAP. XXII. Aliud est etiam aquarum genus, quod nobis placet capisse cum mundo. Si ne ille æternus est, hoc quoque fuit semper: siue initium aliquod est illi, hoc quoque cum toto dispositum est. Quid sit hoc, quaeris? Oceanum, & quodcumque ex illo mare terras interluit. Iudicant quidam flumina quoque, quorum innenarabilis natura est, cum ipso mundo traxisse principia, ut Istrum, ut Nilum, vastos amnes magisque insignes, quam ut dici possint eandem illis originem, quam ceteris esse.

CAP. XXIII. Hæc est ergo aquarum diuisio, ut quibusdam videtur. Post illam celestes, quas ex superioribus nubila eijciunt. Ex terrenis aliæ sunt, ut ita dicam, supernatantes, quæ in summa humo repunt: aliæ abditæ, quarum reddita est ratio.

CAP. XXIV. Quare quædam, aquæ caleant, quædam etiam ferueant in tantum, ut nō possint esse vsui, nisi aut in aperto euanescere, aut mixtura frigida intepuere, plures causæ redduntur. Empedocles existimat ignibus, quos multis locis terra opertos regit, aquam calefcere, si subie-

Et sunt solo, per quod aquis transcurfus est. Facere solemus dracones & miliaria & complures formas, in quibus ære tenui fistulas struimus per decliue circumdatas: ut sæpe eundem ignem ambiens aqua per tantum fluat spatij, quantum efficiendo calori sat est. Frigida itaque intrat, effluit calida. Idem sub terra Empedocles existimat fieri: quem non falli credentij, quibus balnearia sine igne calefiunt. Spiritus in illa feruens loco æstuanti infunditur. Hic per tubos lapsus, non aliter quàm igne subdito, parietes & vasa balnei calefacit. Omnis denique frigida transitu mutatur in calidam: nec trahit saporem euaporatio quia clausa perlabitur. Quidam existimant, per loca sulphure plena exeuntes vel introeuntes aquas, calorem beneficio materiæ, per quàm fluunt, trahere: quòd ipso odore gustuque testantur. Reddunt enim qualitatem eius, qua caluerunt, materiæ. Quod ne accidere, mireris, viuæ calci aquam infunde, feruebit.

CAP. XXV. Quædam aquæ mortiferæ sunt, nec odore notabiles, nec sapore. Circa Nonacrin in Arcadia Styx appellata ab incolis, aduenas fallit: quia non facie, nō odore suspecta est, qualia sunt magnorum artificū venena, quæ apprehendi nisi morte non possunt. Hæc autem, de qua paullo ante retuli, aqua, summa celeritate corrumpit: nec remedio locus est, quia protinus hausta duratur: nec aliter quam gypsum sub humore constringitur; & alligat vitcera. Est autem toxica aqua in Thessalia circa Tempe: quæ & fere & pecus omne deuorat, per ferrum & æs exit: tanta vis illi in est, etiam dura molendi: nec arbusta quidem vlla alit, & herbas necat. Quibusdam fluminibus vis inest mira. Alia enim sunt, quæ

quæ pota inficiunt greges ouium: intraque bre-
ue tempus, quæ fuere nigræ albam ferunt la-
nam: quæ albæ venerant, nigræ abeunt. Hoc
etiam in Bœotia amnes duo efficiunt: quorum
alteri ab effectu Melas nomen est: vterque ex
eodem lacu exeunt, diuersa facturi. In Mace-
donia quoque, vt ait Theophrastus, est flumen,
ad quod qui facere albas oues volunt, adducunt.
Quod vt diutius potauere, non aliter quam in-
fecta mutantur. At si illis lana opus fuerit pul-
la, paratus gratuitus infectos est: ad Ceronem
eundem gregem appellant. Auctores novos
habeo, esse in Galatia flumen, quod idem in
omnibus efficiat, esse in Cappadocia, quo poto
equis, nec vlli prætereà animali, color mutatur,
& spargitur albo cutis. Quosdam lacus esse,
qui nandi imperitos ferant, notum est. Erat in
Sicilia, est adhuc in Syriam stagnum, in quo na-
tant lateres, & mergi proiecta non possunt, li-
cet graua sint. Huius rei palam causâ est;
quancumque vis rem expende, & contra
aquam statue, dummodo vtriusque pars sit mo-
dus; si aqua grauior est, leuiorem rem, quam
ipsa est, feret, & tanto supra se extollet, quanto
erit leuior; grauiora descendant. At si aquæ,
& eius rei quam contra pensabis, par pondus
erit: nec pesum ibit, nec exstabit, sed æquabi-
tur aquæ natabit quidem, sed pæne merâ, ac
nulla eminens parte. Hoc est cur quædam ti-
gna supra aquam, pæne tota efferantur; quæ-
dam ad medium submersa sint: quædam ad
æquilibrium aquæ descendant. Namque cum
vtriusque pondus par est, neutraque res alteri
cedit, grauiora descendant, leuiora gestantur.
Graue autem & leue est, non estimatione nostra,
sed comparatione eius quo vchi debet. Itaq; vbi,

aqua grauior est hominis corpore, aut saxi, non finit id quo non vincitur, mergi. Sic euenit, ut in quibusdam stagnis ne lapides quidem pessum eant: de solidis & duris loquor. Sunt enim multi pumicosi & leues, ex quibusquæ constant insulæ, in Lydia natant. Theophrastus est auctor. Ipse ad Cutilias natantem insulam vidi. Alia in Vadimonis lacu vehitur: alia in lacu Statoniensi Cutiliarum insula & arbores habet, & herbas nutrit, tamen aqua sustinetur: & in hanc itaque illam partem non tantum vento impellitur, sed & aura. Nec vnquam illi per diem & noctem in vno loco statio est: adeo mouetur leui flatu. Huic duplex causa est. Aquæ grauitas medicatæ, & ob hoc ponderosæ & ipsius insulæ materia vestabilis, quæ non est corporis solidi, quamuis arbores alat. Fortasse enim leues truncos, frondesque in lacu sparsas, pinguis humor apprehendit, ac vinxit. Itaque etiam si qua in illa saxa sunt, inuenies exesa & fistulosa: qualia sunt quæ duratus humor efficit, vtrique circa medicatorum fontium riuos: quæ vbi purgamenta aquarum coaluerunt, ex spuma solidantur. Necessario leue est, quod ex ventoso inanique concretum est. Quorumdam causa non potest reddi, quare aqua Nilotica fecundiores feminas facia, adeo, ut quarundam viscera longa sterilitate præclusa, ad conceptum relaxauerit: quare quædam in Lycia aquæ conceptum seminarum custodiant, quas solent petere, quibus parum tenax vulua est. Quod ad me attinet, pono ista inter temere vulgata. Creditum est, quasdam aquas scabiem adferre corporibus, quasdam vitiliginem, & fœdam ex albo varietatem, siue infusa siue pota sit: quod vitium dicunt habere aquam

ex rore collectam. Quis non grauissimas esse aquas credat, quæ in crystum coeunt? Contra autem est: tenuissimis enim hoc euenit, quas frigus ob ipsam tenuitatem facillimè gēlat. Vnde autem fiat eiusmodi lapis, apud Græcos ex ipso nomine apparet: *κρύσταλλος* enim appellant æque hunc perlucidum lapidem, quam illam glaciem, ex qua fieri creditur. Aqua enim cēlestis minimum in se terreni habens, cū induruit, longioris frigoris pertinacia spissatur magis ac magis: donec omni aere excluso in se tota compressa est, & humor qui fuerat, lapis effectus est.

CAP. XXVI. Aestate quædam flumina augētur, vt Nilus: cuius alias ratio reddetur. Theophrastus est auctor, in Ponto quoque quosdam amnes crescere tempore æstiuo; quattuor autem esse iudicant causas. Aut quia tunc maximè in humorem mutabilis terra est: aut quia maiores in remoto imbres sunt, quorum aqua per secretos cuniculos reddita, tacite suffunditur. Tertia, si crebrioribus ventis ostium cēditur, & reuerberatus fluctu amnis restitit: qui crescere videtur, quia non effunditur. Quarta ratio est siderum. Hæc enim quibusdam mensibus magis vrgetur, & exhauriunt flumina: cū longius recesserunt minus consumunt atque trahunt. Itaque quòd impendio solebat, id incremento accedit. Quædam flumina palam in aliquem specum decidunt, & sic ex oculis auferuntur: quædam consumuntur paulatim, & intercidunt: eadem ex interuallo reuertuntur, recipiuntque & nomen & cursum. Causa manifesta est, sub terra vacat oculus. Omnis autem humor natura ad inferius, & ad inane defertur. Illo itaque recepta flumina ursus egere secreto: sed cū primū aliquid

folidi, quòd obstitaret, occurrit praeupta parte ;
 quæ minus ad exitum repugnabat , repetiere
 cursum suum.

*Sic vii terreno Lycus est epotus hiatu,
 Exsistit procul hinc, alioque renascitur ore.
 Sic modo combibitur, tacito modo gurgite lapsus
 Redditur Argolicis ingens Erasinus in undis.*
 Idem & in Oriente Trigis facit: absorbetur, &
 desideratus diu, tandem longe remoto loco,
 non tamen dubius an idem sit, emergit. Qui-
 dam fontes certo tempore purgamenta cie-
 ctant: vt Arethusa in Sicilia, quinta quaque
 æstate per Olympia. Inde opinio est, Alphæon
 ex Achaia eo vsque penetrare, & agere sub ma-
 re cursum, necante quàm in Syracusano littore
 emergere. Ideoque ijs diebus quibus Olympia
 sunt, victimarum stercus secundo traditum
 flumini illic redundare. Hoc & à te traditum est
 in poemate, Lucili carissime, & à Virgilio qui
 alloquitur Arethusam?

*Sic tibi cum fluctus subter labere Sicanos,
 Doris amara suam non intermisceat undam.*
 Est in Chersoneso Rhodiorum fons, qui post
 magnum interuallum temporis, fœda quædam
 turbidus ex intimo fundat, donec liberatus eli-
 quatusque est. Hoc quibusdam locis fontes fa-
 ciunt, vt non tantum lutum, sed folia, testas-
 que, & quidquid putre iacuit, expellant: vbi-
 que autem facit mare: cui hæc natura est, vt
 omne immundum stercoreosumque littoribus
 impingat. Quædam verò partes maris id cer-
 tis temporibus faciunt, vt circa Messanam &
 Mylas fimo quiddam simile, turbulentum in
 littus mare profert, feruetque & æstuat, non
 sine odore fœdo. Vnde illic stabulare solis bo-
 ues, fabula est. Sed difficillis ratio est quorum-
 dam

dam: vtique imbi tempus eius rei, de qua
 quæritur, inobseruatum & incertum est. Ita-
 que proxima quidem inueniri, & vicina non
 potest causa, ceterum publica est illa. Omnis
 aquarum stantium clausurarumque natura se
 purgat. Nam in his quibus cursus est, non
 possunt vitia consistere, quæ secunda vis defert
 & exportat. Illæ quæ non emittunt quidquid
 insedit, magis minusue æstuant. Mare vero ca-
 dauera, stramenta, & naufragorum reli-
 quijs similia, ex intimo trahit, nec tantum
 tempestate fluctuque, sed tranquillum quoque
 placidumque purgatur.

CAP. XXVI I. Sed monet me locus, vt
 quæram, cum fatalis dies diluuij venerit, quem-
 admodum magna pars terrarum vndis obrua-
 tur. Vtrum Oceani viribus fiat, & externum
 in nos pelagus exsurgat: an crebri sine inter-
 missione imbres, & elisa æstate hiems pertinax,
 immensam vim aquarum ruptis nubibus de-
 ruat. An flumina telus largius fundat, aperiat
 que fontes novos, aut non sit vna tanto inalo-
 causa, sed omnis ratio consentiat, & simul im-
 bres cadant, flumina crescant, maria sedi-
 bus suis excita percurrant, & omnia vno agmi-
 ne ad exitium humani generis incumbant. Ita
 est. Nihil difficile est naturæ vtique vbi in
 finem sui properat. Ad originem rerum parce
 vitur viribus: dispensatque se incrementis fal-
 lentibus: subito ad ruinam toto impetu venit.
 Quam longo tempore opus est, vt conceptus
 ad puerperium perducatur infans? quantis la-
 boribus tener educatur quam diligenti nutri-
 mento obnoxium nouissime corpus adolefcit?
 at quam nullo negotio soluitur? Vrbes consti-
 tuit ætas? hora dissoluit. Momento fit ci-

nis: diu silua . Magna tutela stant ac vigent omnia : cito ac repente dissiliunt . Quidquid ex hoc statu rerum natura flexerit , in exitium mortalium fatis . Ergo cum affuerit illa necessitas temporis, multa simul fata causas mouent nec sine concussione mundi tanta mutatio est, vt quidam putant , inter quos Fabianus est . Primo immodici cadunt iimbres , & sine vllis solibus triste nubilo cælum est ; nebulaque continua, & ex humida spissaque caligine , numquam exsiccantibus ventis . Inde vitium fatis , & segetum sine fruge surgentium marcōr . Tunc corruptis quæ feruntur manu , palustris omnibus campis herba succrescit : mox iniuriam & validiora sensere . Solutis quippe radicibus , arbuta procumbunt & vitis ; atque omne virgultum non tenetur solo , quod molle fluidumque est : iam nec gramina aut pabula læta aquis sustinet , fame laboratur , & manus ad antiqua alimenta porrigitur ; quare ilex & quercus excuitur , & quæcumque in his arduis arbor commissura astricta lapidum stetit . Labant ac madent tecta , & in imum vsque receptis aquis fundamenta desidunt, ac tota humus stagnat, frustra titubantium fulcra tentantur . Omnes enim fundamentum in lubrico figitur , & lutosa humo nihil stabile est . Postquam magis magisque nimbi ingruunt , & congestæ sæculis tabuerunt niues , deuolutus torrens altissimis montibus rapit siluas male hærentes , & saxa reuolutis remissa compagibus rotat . Abluit villas , & intermixtos ouium greges deuehit , vulsisque minoribus tectis , quæ in transitu abduxit, tandem in maiora violentus oberrat . Vrbes , & implicitos trahit mœnibus suis populos , ruina nam annafragium quærantur, incertos : adeo simul,

simul, & quod opprimeret, & quod mergeret, venit. Auctus deinde processu aliquo in se torrentibus raptis plana passim populatur. Nouissime ruina magna gentium clarus onustusque diffunditur. Flumina vero suapte natura vastata, & tempestatibus rapta, alueos relinquunt. Quid tu esse Rhodanum, quid putas Rhenum atque Danubium, quibus torrens etiam in canali suo cursus est, cum superfusi nouas sibi fecere ripas ac scissa humo simul excessere alueo? Quanta cum præcipitatione voluntur, ubi per campestria fluens Rhenus, ne spatio quidem languidus, sed latissime velut per angustum aquas implet? Cumque Danubius non iam radices nec media montium stringit: sed iuga ipsa sollicitat, ferens secum madefacta montium latera, rupesque deiectas, & magnarum promontoria regionum, quæ fundamentis laborantibus à continente recesserunt. Deinde non inueniens exitum (omnia enim sibi ipse præcluserat) in orbem redit, ingentemque terrarum ambitum atque urbium vno vortice inuoluit. Interim permanent imbres, fit cælum grauius, ac sic diu malum ex malo colligit. Quod olim fuerat nihilum, nox est: & quidem horrida & terribilis, intercussu liminis diri: crebra enim micant fulmina, procellæ quatunt mare: tunc primum auctum fluminum accessu, & sibi angustum, iam promouet, littus: non continetur suis finibus, sed prohibent exire torrentes, aguntque fluctus retro, pars tamen maior, ut maligno ostio retenta, restagnat, & agros in formam vnius lacus redigit. Iam omnia, qua prospici potest, aquis obsidentur. Omnis tumultus in profundo latet, & immensa ubique altitudo est: tantum in summis

montium iugis vada sunt . In ea excelsissima liberis coniugibusque fugere , actis ante se gregibus diremptum inter miseros commercium ac transitus : quoniam quidquid submissius erat , id vnda compleuit . Editissimis quibusque adherebant reliquæ generis humani : quibus in extrema perductis , hoc vnum solatio fuit , quod transierat in stuporem metus : non vacabat timere mirantibus : ne dolor quidem habeat locum . Quippe vim suam perdit in eo , qui ultra sensum mali miser est . Ergo insularum modo eminent montes , & sparsas Cycladas augent vt ait ille poetarum ingeniosissimus egregie , sicut illud pro magnitudine rei dixit :

*Omnia pontus erat : deerant quoque litora
ponto :*

nisi tantum impetum ingenij & materiæ ad pueriles ineptias reduxisset.

*Nat lupus inter oues , fuluos vehit vnda
leones.*

Non est res satis sobria , lasciuire deuorato orbe terrarum . Dixit ingentia , & tantæ confusionis imaginem cepit , cum dixit :

Exspatiata ruunt per apertos flumina cæpos.

..... Presseque labant sub gurgite turres .

Magnifice hoc , si non curauit , quid oues & lupi faciant . Natari autem in diluuiio & in illa rapina potest : aut non eodem impetum pecus omne , quo raptum erat ,mersum est ? Concepti imaginem quantam debebas , obrutis omnibus terris , cælo ipso in terram tuente . Perfer . Scies quid deceat , si cogitaueris orbem terrarum natare . Nunc ad propositum reuertamur .

CAP. XXVIII. Sunt qui existiment , immodicis imbribus vexari terras posse , non obrui . Magno impetu magna ferienda sunt . Faciet plu-
uia

uia segetes malas fructum grando decutiet, intumescunt riuis flumina : sed resident . Quibusdā placet moueri mare : & illinc causam tantæ cladis accersi . Non potest torrentium , aut imbrium, aut fluminum iniuria fieri tam grande naufragium . Vbi instat illa perniciēs, mutæque genus humanum placuit ; fluere assiduos imbres , & non esse modum pluuijs concesserim, supressis aquilonibus, & statu sicciore : austris nubes & imbres & amnes abundare .

..... Sed adhuc in damna profectum est.

Sternuntur segetes , & deplorata colonis

Vota iacent longique perit labor irritui anni .

Non lædi debent terræ, sed abscondi . Denique cum per ista prolusum est , crescunt maria , sed super solitum , & fluctum ultra extremum tempestatis maximæ vestigium mitant . Deinde à tergo ventis surgentibus , ingens æquor euoluunt ; quòd longè à conspectu littoribus frangitur . Deinde vbi littus bis terque prolatum est, & pelagus in alieno constitit, velut admoto mello comitus procurrit æstus ex imo recessu maris . Nam vt aeris, vt ætheris, sic huius elementi larga materia est , multoque in abdito plenior . Hæc fatis mota, non æstu, (nam æstus fati ministerium est) attollit vasto sinu fretum , agitque ante se . Deinde in miram altitudinem erigitur : & illis tutis hominum receptaculis superest . Nec id aquis arduū est quoniam equo terris fastigio ascenderet . Si quis excelsa perlibret, maria paria sunt . Nam par vndique sibi ipsa tellus est . Caua & plana vndique inferiora sunt . Sed istis adeò in rotundū orbis æquatus est, in parte autē eius & maria sunt, quæ in vnius aequalitatem pilæ cocunt . Sed quemadmodum campos intuentem , quæ paulatim deuexa sunt, fallunt : sic non

intelligimus curuaturas maris, & videtur planum quidquid apparet: at illud æquale terris est. Ideoque ut effluat, non magna mole se tollet: dum satis est illi, ut supra paria veniat, leuiter exsurgere: nec à littore vbi inferius est, sed à medio; vbi ille cumulus est, defluit. Ergo ut sole æstus æquinoctialis, sub ipsum lunæ solisque coitum, omnibus alijs maior vndare: sic hic qui ad occupandas terras emittitur, solitis maximisque violentior, plus aquarum trahit: nec antequam supra cacumina eorum, quos perfusus est, montium creuit, deuoluitur. Per centena millia quibusdam locis æstus excurrit innoxius, & ordinem seruat. Ad mensuram enim crescit, iterumque decrescit. At illo tempore solutus legibus, sine modo fertur. Quare ratione, inquis? Eadem, qua conflagratio futura est, Vtrumque fit, cum Deo visum ordiri meliora, vetera finire. Aqua & ignis terrenis dominantur. Ex his ortus, & ex his interitus est. Ergo quandoque placere res nouæ mundo, sic in nos mare emittitur desuper, ut feruor ignis, cum aliud genus exitij placuit.

CAP. XXIX. Quidam existimant terram quoque concuti, & dirupto solo noua fluminum capita detegere, quæ amplius ut è pleno profundant, Berosus, qui Belum interpretatus est, ait cursu ista siderum fieri: & adeo quidem id affirmat, ut conflagrationi, atque dilutio tempus assignet: arsura enim terrena contendit, quando omnia sidera, quæ nunc diuersos agunt cursus, in Cancrum conuenerint, sic sub eodem posita vestigio, ut recta linea exire per orbem omnium possit: inundationem futuram, cum eadem siderum turba in Capricornum conuenerit. Illic solstitium, hic bruma confici-

ficitur. Magnæ potentia signa : quando in ipsa mutatione anni momenta sunt . Et istas ego receperim causas ? (neque enim ex vno est tanta perniciēs) & illam quæ in configuratione nostri placet , huc quoque transferendam puto : siue animal est mundus , siue corpus : natura gubernante , vt arbores , vt sata , ab initio eius vsque ad exitum quidquid facere , quidquid pari debeat , inclusum est : vt in semine omnis futuri ratio hominis comprehensa est . Et legem barbæ & canorum nondum natus infans habet : totius enim corporis , & sequentis ætatis in paruo occultoque linamenta sunt . Sic origo mundi , non minus solem & lunam , & vices siderum , & animalium ortus , quam quibus mutarentur terrena , continuit . In his fuit inundatio , quæ non secus quam hiems , quam æstas , lege mundi venit . Itaque non pluuia istud fiet , sed pluuia quoque : non incurſu maris , sed maris quoque incurſu : non terræ motu , sed terræ quoque motu . Omnia adiuuabunt naturam , vt naturæ constituta peragantur . Maximam tamen causam , ad se inundandam , terra ipsa præstabit : quam diximus esse mutabilem ; & solui in humorem . Ergo quandoque erit terminus rebus humanis , cum partes eius interire debuerint , abolerive funditus totæ ; vt de integro totæ , rudes innoxiaque generentur : nec superſit in deteriora magister : plus humoris , quam semper fuit , fiet . Nunc enim elementa ad id , quod debetur , pensa sunt . Aliquid oportet alteri accedat , vt quæ libramento ſtant , inæqualitas turbet . Accedet humori . Nunc enim habet quo ambiat terras non quo obruat . Quidquid illi accesserit , necesse est , in alienū locū exundet . Undare ergo terra debet vt validiori infirma succubat . Incipiet ergo pu-

trifcere, de hinc laxata ire in humorem, & affi-
dua tabe defluere. Tunc exsiliunt sub monti-
bus flumina, ipsosque impetu quatient: inde
aura tacita manabunt. Solum omne aquas red-
det, summi scaturient montes: quemadmodum
in morbum transeunt sana, & ulceri vicina con-
sentiunt: ut quæque proxima terris fluentibus
fuerint, eluentur, stillabunt, & deinde current, &
hiante pluribus locis saxo, per fretum salient, &
maria inter se component. Nihil erunt Ha-
driatici, nihil Siculi æquoris fauces, nihil Cha-
rybdis, nihil Scylla. Omnes nouum mare fa-
bulas obruet, hinc qui terras cingit Oceanus
extremas veniet in medium. Quid ergo est?
nihilominus tenebris alienos menses hiems,
estas prohibebitur, & quodcumque terras sidus
exsiccat, compresso ardore cessabit. Peribunt
tot nomina, Caspium & Rubrum mare, Am-
bracij & Cretici sinus, Propontis & Pontus. Pe-
ribit omne discrimen. Confundetur quidquid
in suas partes natura digessit. Non muri quem-
quam non turres tuebuntur. Non proderunt
templa supplicibus, nec urbium summa; quip-
pe fugientes vnda præueniet, & ex ipsis arcibus
deferet. Alia ob occasu, alia ab oriente con-
current: vnus humanum genus condet dies.
Quidquid tam longa fortuna indulgentia ex-
toluit, quidquid supra ceteros extulit, nobilia
pariter atque adornata, magnarumque gen-
tium regna pessumdabit.

CAP. XXX. Sunt omnia, ut dixi, facilia na-
turæ: utique quæ à primo facere constituit; ad
quæ non subito, sed ex denunciato venit. Iam
autem à primo die mundi, cum in hunc habi-
tum ex informi vnitæte discederet, quando mer-
gerentur terrena, decretum est: & ne sit quan-
do-

doque velut in nouo opere, dura molitio, osim ad hæc maria se exercent. Non vides, vt fluctus in littora, tamquam exiturus, incurrant? Non vides, vt æstus fines suos transeat, & in possessionem terrarum mare inducat? Non vides, vt illi perpetua cùm claustris suis pugna sit? Quis porro istinc, vnde tantum tumultum vides, metus est è mari, & magno impetu erumpentibus fluuijs? Vbi non humorem natura disposuit, vt vndique nos, cùm voluisset aggredi posset? Mentior, nisi eruentibus terram humor occurrat, & quoties non avaritia aut defodit, aut aliqua caussa penetrare altius cogit, eruendi finis vnda est. Adijce nunc, quod immanes sunt in abdito lacus, & multum maris conditi, multum fluminum per opera labentium. Vndique ergo erunt caussæ diluuii, cùm aliæ aquæ subinfluant terras, aliæ circumfluant, quæ diu coercite vincent, & amnes amnibus iugent, paludibus stagna. Omnium tunc mare ora fontium implebit, & maiores hiatus solent. Quemadmodum corpora nostra ad egestum venter exhaurit, quemadmodum eunt in sudorem virer: ita tellus liquefiet, & alijs caussis quiescentibus, intra se, quo mergatur, inueniet: sic magna omnia coitura crediderim. Nec erit longa mora exitij. Tentatur diuelliturque concordia, cùm semel aliquid ex hac idonea diligentia remiserit mundus: statim vndique ex aperto, ex abdito, superne, ab infimo aquarum fiet irruptio. Nihil est tam violentum & incontinens, sui, tam contumax, infestumque retinentibus, quam magna vis vndæ, vtetur libertate promissa & iubente natura quæ scindit circuitque, complebit. Vt ignis diuerso locis ortus, cito miscet incendium, flammis corere properantibus: sic momento redundantia

ma-

maria se committent. Nec ea semper licentia
vndis erit; sed peracto exitio generis humani,
extinctisque pariter feris, in quarum homines
ingenia transierant iterum aquas terra sorbebit:
natura pelagus stare, aut intra terminos suos
furere coget: & reiectus è nostris sedibus, in sua
secreta pelletur Oceanus: & antiquus ordo re-
uocabitur. Omne ex integro animal generabi-
tur, dabiturque terris homo infcius scelerum,
& melioribus auspicijs natus. Sed illis quoque
innocentia non durabit, nisi dum noui sunt. Ci-
to nequit a subrepat: virtus difficilis inuentu est,
rectorem ducemque desiderat. Etiam sine ma-
gistro vitia discuntur.

LIBER QVARTVS.

In quo de niue, grandine & pluuia agitur.

Argumentum.

IN Praefatione gratulatur Lucilio de otiosa
Sicilia procuratione, qua Musis & litteris
eius spatium daret. Monet praeterea, ne adulatori-
bus prebeat locus. Laudes deinde Callionis
fratris interiecta, & Sicilia adiecta.

Cap. I. Statim ab origine Nihil incipit, &
multa de Nilo docta & amana inter spargit.
Inde ad grandine, niuem, glaciem, pluuiam
abscedit, & occasionem tam bella & oblata, ad-
uersus niuatas & glaciatas potiones, ac Roma-
nam luxuriam litigare incipit, nec litigium an-
te librum finit.

P R Æ F A T I O.

Delestatte quemadmodum scribis, Lucili virorum optime, Sicilia, & officium procurationis otiosæ. Delectabit, si continere id intra fines suos volueris, nec efficere imperium, quod est procuratio. Facturum te hoc non dubito. Scio quam sis ambitioni alienus, quàm familiaris otio & litteris. Turbam rerum hominumque desiderant, qui se pati nesciunt. Tibi tecum optime conuenit. Nec mirum paucis istud contingere: imperiosi nobis ipsius & molesti sumus: modo amore nostri, modo tædio laboramus: infelicem animum nunc superbia inflammas, nunc cupiditate distendimus: alias voluptate laximus, alias sollicitudine exurimus. Quod est miserrimum, nunquam sumus singuli. Necesse est itaque assidua sit, in tam magno vitiorum contubernio rixa. Fac ergo mi Lucili, quod facere consuesti. A turba, quantum potes, te separa; nec adulatoribus latus præbeas, artifices sunt ad captandos superiores. Pars illis, etiam si bene caueris, non eris. Mihi crede, capieris, si proditori ipse te trades. Habent hoc in se naturale blanditiæ: etiam cum reiiciuntur, placent: sæpè exclusæ, nouissimè recipiuntur. Hoc enim ipsum imputant, quod repelluntur, & subigine contumelia quidem possunt. Incredibile est, quod dicturus sum, sed tamen verum. Ea maxime quisque patet, qua petitur. Fortasse enim ideo, quia patet petitur. Sic ergo formare, ut scias non posse te consequi, ut sis impenetrabilis: cum omnia caueris, per ornamenta feriet. Alius adulatione clamitemur parce: alius ex aperto, palam rusticitate simu-

mulata, quasi simplicitas illa, non ars sit. Plancus artifex ante Velleium maximus, aiebat non esse occultè, nec ex dissimulato blandiendum. Erit, inquit, procari, si latet. Plurimum adulatos cum deprehensus est, proficit: plus etiamnum sibi obiurgatus est, si erubuit. Futuros multos in persona tua Plancos cogita: & hoc non esse remedium tanti mali, nolle laudari. Crispus Pabienus, quo ego nil cognoui subtilius in omnibus rebus, maximè in distinguendis, & curandis vitijs, sæpe dicebat, adulationi nos opponere, non claudere ostium. Et quidem sic, quemadmodum opponi amicæ solet. Quæ si impulit, grata est gravior, si effregit. Demetrium egregium virum memini dicere cuidam libertino potenti, facilem sibi esse ad diuitias viam, quo die pœnituisset bonæ mentis. Nec inuidebo, inquit, vobis hanc artem, sed docebo eos, quibus quæsito opus, est quemadmodum non dubiam fortunam maris, non emendi, vendendique aleam subeant, non incertam fidem ruris, incertiores fori tentent, quemadmodum non solum facili, sed etiam hilari via pecuniam faciant, gaudentesque dispolient. Te, inquit, longiorem Fido Anneo iurabo, & Apollonio Pycta, quamvis statutam habeas Thræcis cum Thræce compositi. Hominem quidem non esse vllum libera- liorem, non mentiar, cum possis videri omni- bus donasse, quidquid dereliquisti. Ita est, mi Junior, quo apertior est adulatio; quo impro- bior, quo magis frontem suam perfricuit, cecidit alienam, hoc citius expugnat. Eo enim iam dementiæ venimus, ut qui parcè adulatur, pro maligno sit. Solebam tibi dicere, Gallionem fratrem meum (quem nemo non parum amat, etiam qui amare plus non potest) alia vitia non nosse,

nōsse, hoc etiam odisse: ab omni illū parte ten-
 tasti. Ingenium suspicere cæpisti, omnium ma-
 ximum, & dignissimum, quod consecrari mal-
 let, quā conteri: pedes abstulit. Frugalitatem
 laudare cæpisti, qua sic à nummis resiliuit, ut il-
 los habere, nec damnare videatur: prima statim
 verba precidit. Cæpisti mirari comitatem, &
 compositam suauitatem: quæ illos quoque,
 quos transit, abducit, gratuitum etiam in ob-
 uios merito. Nemo enim mortalium vni tam
 dulcis est, quā hic omnibus: cū interim tan-
 ta naturalis boni vis est, uti artem, simulatio-
 nemque non redoleat. Nemo non imputari sibi
 bonitatem publicam patitur. Hoc quoque loco
 blanditijs tuis restitit, ut exclamares inuenisse te
 inexpugnabilem virum aduersus insidias, quas
 nemo non in sinum recipit. Eo quidem magis
 hanc eius prudentiam, & ineuitando ineuitabili
 malo pertinaciam te suspicere confessus es, quia
 speraueras posse apertis auribus recipi, quamuis
 blanda diceres, quia vera dicebas. Sed eo magis
 intellexit obstandum. Semper enim falsis à ve-
 ro petitur veritas. Nolo tamen tibi displiceas,
 quasi mali egeris minimum, & quasi ille aliquid
 iocorum, aut doli suspicatus sit. Non deprehen-
 dit te, sed repulit. Ad hoc exemplar compone-
 re. Cū quis ad te adulator accesserit, dicito:
 Vis tu ista verba, quæ iam ab alio magistratu ad
 alium cū lictoribus transeunt, ferre ad ali-
 quem, qui paria facturū, vult quidquid dixeris,
 audire? Ego ne decipere volo, nec decipi possum.
 Laudari me à vobis, nisi laudaretis etiam ma-
 los, vellem. Quid autem necesse est in hoc de-
 scendere, ut te petere cominus possint? Longum
 inter vos interuallum sit. Cū cupieris bene
 laudari, quare hoc uti debeas? ipse te lauda-
 dic:

dic : Liberalibus me studijs tradidi, quamquam paupertas alia suaderet, & ingenium eo abduceret, vbi præsens studij pretium est. Ad gratuita carmina deflexi me, & ad salutare philosophiæ studium contuli. Ostendi in omne pectus cadere virtutem : & eluctatus natalium angustias, nec sorte me, sed animo mensus, par maximis fleti. Non mihi inimicitia Gætulci Caij fidem eripuit, non in aliorum personam infelicitèr amatorum, Messala & Narcissus, diu publici hostes, antequam sui propositum meum potuerunt euertere. Cervicem pro fide opposui. Nihil verbum mihi, quod non salua conscientia procederet, excussum est. Pro amicis omnia timui, pro me nihil : nisi ne parum bonus amicus fuisset. Non mihi muliebres fluxere lacrymæ, non è manibus vllius supplex pependi. Nihil indecorum nec bono nec diro feci. Periculis meis maior, paratus ire in ea quæ minabantur, egi gratias fortunæ, quod experiri voluisset, quanti æstimarem fidem. Non debebat mihi paruo restantia constare. Nec examinavit me quidem diu : neque enim paria pendebant, utiù satius esset me perire pro fide, an fidem pro me. Non præcipiti impetu in ultimum consilium, quo me eriperem furoripotentium, misi. Videbam apud Caium tormenta, videbam ignes. Sciebam olim sub illo in eum statum res humanas decidisse, ut inter misericordiæ opera haberetur, occidi. Non tamen ferro incubui, nec in mare aperto ore desilui, ne viderer pro fide tantum mori posse. Adijce nunc inuictum mulieribus animum, & in tanto avaritiæ certamine numquam suppositam manum lucro. Adijce nunc victus parsimoniam, sermonis modestiam, aduersus minores humanitatem, aduersus ma-

iores reuerentiam . Post hoc ipse te consule, & rane an falsa memoraueris . Si vera sunt, coram magno teste laudatus es : si falsa , sine teste derisus es . Possum & ipse nunc videri te aut captare aut experiri . Vtrum libet crede, & omnes timere à me incipe Virgilianum illud excute :

Nunquam tuta fides

Ante Ouidianum,

*. . . . Quæ terra patet, fera regnat Erinnyjs.
In facinus iurasse putes*

Aut illud Menandri : (qui enim non in hoc magnitudinem ingenij sui concitauit, detestatus consensum humani generis, tendentis ad vitia ?) Omnes, ait, malos viuere : & in scenam velut rusticus poeta prosiluit . Non senem excipit , non puerum , non feminam, non virum : & adiicit , non singulos peccare , nec paucos, sed iam scelus esse contextum . Fugiendum ergo , in se redeundum est , imo etiam à se recedendum . Hoc tibi, & si diuidimur mari, præstare tentabo, vt dubium viæ, iniecta manu , ad meliora perducam . Et ne solitudinem sentias , hinc tecum miscebo sermones . Erimus vna , qua parte optimi sumus : dabimus inuicem consilia , non ex vultu audientis pendentia . Longe te ab ista prouincia abducam , ne forte magnam historijs esse fidem credas , & placere tibi incipias , quotiens cogitaueris . Hanc ego habeo sub meo iure prouinciam , quæ maximarum vrbiũ exercitus & sustinuit & fregit , cùm inter Cartaginem & Romam ingentis belli pretium iacuit , cum quattuor Romanorum principum , id est, totius imperij vires contractas in vnum locum vidit, altamque Pompeij fortunam crexit, Cæsaris fa-

tigauit, Lepidi transtulit, omniumque cepit: quæ illi ingenti spectaculo interfuit, ex quo liquere mortalibus posset, quam velox foret ad inum lapsus ex summo, quamque diuersa via magnâ potentiam fortuna destrueret, Vno enim tempore vidit Pompeium Lepidumque, ex maximo fastigio aliter ad extrema deiectus, cum Pompeius alienû exercitum fugeret, Lepidus suum.

CAP. I. Itaque vt te tota mente abducam, quamuis multa habeat, Sicilia in se, circaque se mirabilia, omnes interim provinciæ tuæ quaestiones præteribo, & in diuersum cogitationes tuas abstraham. Quæram enim tecum id quod libro superiore distuli. Quid ita Nilus æstiuus mensibus abundet, Cui Danubium similem natura philosophi tradiderunt, quod & fontis ignoti, & æstate quam hieme maior sit. Vtrumque apparuit falsum. Nam & caput eius in Germania esse comperimus: & æstate quidem incipit crescere; sed adhuc manente intra mensuram suam Nilo, primis caloribus, cum sol vehementior inter extrema veris niues emollit, quas ante consumit, quam intumescere Nilus incipiat. Reliquo verò æstatis minuitur, & ad hiberna magnitudinem redit, atque ex ea demittitur.

CAP. II. At Nilus ante ortum Caniculæ augetur medijs æstibus, vltra æquinoctium. Hunc nobilissimum amnem natura extulit ante humani generis oculos, & ita disposuit, vt eo tempore innundaret Aegyptum, quo maximè vsta feruoribus terra vndam altius traheret, tantum hausura, quantum siccitati annuæ sufficere posset. Nam in ea parte, quæ in Æthiopiam vergit, aut nulli imbres sunt, aut rati; & qui insuetam, aquis cælestibus terram non adiuuent. Vnam, vt scis, Aegyptus in hoc spem suam habet. Proinde

de aut sterilis annus aut fertilis, prout ille magnus influxit, aut patior. Nemo aratorum adipicit cælum. Quare non cum poeta meo iocor, & illi Ovidium suum impingo qui ait:

.... *Nec pluvio supplicat herba Ioui.*

Vnde crescere incipiat si comprehendi posset, causæ quoque incrementi inuenirentur. Nunc vero magnas solitudines peruagatus, & in paludes diffusus, gentibus sparsus, circa Philas primum ex vago & errante colligitur. Philæ insula est aspera & undique prærupta: duobus in vnum coituriis amnis cingitur, qui Nilo mutantur, & eius nomen ferunt. Urbem totam completitur. Nunc Nilus magnus magis quam violentus, egressus Aethiopiam arenasque, per quas iter ad commercia Indici maris est, prælabitur. Excipiunt enim cataractæ, nobilis insigni spectaculo locus. Ibi per arduas excisasque pluribus locis rupes Nilus insurgit, & vires suas concitat. Frangitur enim occurrentibus faxis, & per angusta eluctatus, ubicumque vincit, aut vincitur, fluctuat: & illic excitationis primum aquis quas, sine tumultu leni aluco duxerat, violentus, & torrens per malignos transitus profilit, dissimiles sibi. Quippe ad id lutosus & turbidus fluit. Ad ubi scopulos verberavit, spumat: & illi non ex natura sua, sed ex iniuria loci color est. Tandemque eluctatus obstantia, in vastam altitudinem subito destitutus cadit, cum ingenti circum iacentium regionum strepitu. Quem perferre gens tibi. Persis collocata non potuit, obrusis assiduo fragore auribus, & ob hoc ledibus ad quietiora translatis. Inter miracula fluminis incredibilem incolarum audaciam accepi. Bini parvula nauigia conscendunt, quorum alterum nauem

omnem in siccis atque hiantibus locis fecem relinquit: & quidquid pingue secum tulit, arenibus locis allinit: iuuatque agros duabus ex causis, & quod inundat, & quod oblimat. Ita quidquid non adiit, sterile ac squalidum iacet. Si creuit super debitum, nocuit. Mira eque natura fluminis, quod cum ceteri amnes abluant terras, & euiscerent, Nilus tanto ceteris maior adeo nihil excedit, nec abradit, ut contra adijciat, vires, minimumque in eo sit quod solum temperet. Illator enim limo, arenas saturat ac iungit. Debetque illi Ægyptus non tantum fertilitatem terrarum, sed ipsas. Illa facies pulcherrima est, cum iam se in agros Nilus ingessit. Latent campi, operteque sunt valles: oppida insularum modo exstant. Nullum in mediterraneis, nisi per nauigia commercium est. Maiorque est lætitia gentibus, quominus terrarum suarum vident. Sic quoque cum se ripis continet Nilus, per septena ostia in mare emittitur: quodcumque elegeris ex his, mare est. Multos nihilominus ignobiles ramos in aliud atque aliud litus porrigit. Ceterum beluas, marinis vel magnitudine vel noxa pares, educat. Et ex eo quantus sit, aestimari potest, quod ingentia animalia, & pabulo sufficienti, & ad vagandum loco, continet. Balbillus virorum optimus, in omni litterarum genere rarissimus, auctor est, cum ipse præfectus obtineret Ægyptum, Heracleotico ostio Nili, quod est maximum, spectaculo sibi fuisse delphinorum à mari occurrentium, & crocodilorum à flumine aduersum agmen agentium, velut pro partibus prælium. Crocodilos ab animalibus placidis morsuque innoxijs victos. His superior pars corporis dura, & impenetrabilis est etiam maiorum animalium dentibus: at inferior mol-

lis

lis ac tenera : hanc delphinis spinis , quas dorso eminentes gerunt , submersi vulnerabant , & in aduersum enixi diuidebant . Recisis hoc modo pluribus , ceteris velut acie versa refulgerunt . Fugax animal audaci , audacissimum timido . Nec illo Tentyritæ generis aut sanguinis proprietate superant , sed contemptu & temeritate . Vltro enim insequuntur , fugientesque iniecto trahunt laqueo : plerique percunt , quibus minus præsens animus ad persequendum fuit . Nilum aliquando marinam aquam detulisse . Theophrastus est auctor . Biennio continuo , regnante Cleopatra , non ascendisse , decimo regni anno & vndecimo , constat . Significatam aiunt duobus rerum potentibus defectionem . Antonij enim Cleopatraque defecit imperium . Per nouem annos nos ascendisse Nilum superioribus sæculis , Callimachus est auctor . Sed nunc ad inspiciendas causas , propter quas æstate Nilus crescat , accedam , & ab antiquissimis incipiam . Anaxagoras ait , ex Actiopie iugis solutas niues ad Nilum vsque decurrere . In eadem opinione omnis vetustas , fuit . Hoc Aeschylus , Sophocles , Euripides , tradunt . Sed falsum , esse , argumentis plurimis patet . Primo Æthiopiam feruentissimam esse , indicat hominum adustus color , & Troglodytæ , quibus subterraneæ domus sunt . Saxa velut igni feruescunt , non tantum medio , sed inclinato quoque die : ardens pulvis , nec humani vestigij patiens : argentum replumbatur : signorum coagmenta soluuntur : nullum materię superadornatæ manet operimentum . Auster quoque qui ex illo tractu venit , ventorum calidissimus est : Nullum ex his animalibus quæ latent bruma , vnquam reconditur . Etiam per hiemem in-

sum-

summo & aperto serpens est, Alexandriae quoque, quæ longe ab huiusmodi immodicis caloribus est posita, niues non cadunt: superiora etiam pluuia carent. Quemadmodum ergo regio tantis subiecta feruoribus duraturas per totam æstatem niues recipit? Quis sane aliqui montes illic quoque excipiant: nunquam tamen magis quàm Alpes, quàm Thraciæ iuga aut Caucasus. Atqui horum montium flumina vere & prima æstate intumescunt, deinde hibernis minora sunt. Quippe vernis temporibus imbres niuem diluunt: reliquias eius primus calor dissipat. Nec Rhenus, nec Rhodanus, nec Ister, nec Caystrus subiacent malo: æstate proueniunt. Altissimæ sunt & in istis Septemtrionalibus iugis niues. Phasis quoque per id tempus, & Borysthenes cresceret, si niues flumina posset contra æstatem magna producere. Præterea si hæc causa attolleret Nilum, æstate prima plenissimus fluere. Tunc enim maximæ & integræ adhuc niues, ex mollissimoque tabes est. Nilus autem per menses quatuor liquitur, & illi æqualis accessio est. Si Thaleti credis, Etesiæ discedenti Nilo resistunt, & cursus eius actio contra ostia mari sustinent: ita reuerberatus in se recurrit: nec crescit, sed exitu prohibitus resistit, & quacumque mox potuit, inconcessus erumpit. Euthymenes Massiliensis testimonium dicit: Nauigauit, inquit, Atlanticum mare. Inde Nilus fluit maior, quamdiu Etesiæ tempus obseruant: tunc enim eijcitur mare instantibus ventis. Cum resederint, & pelagus conquiescit: minorque discedenti inde vis Nilo est. Ceterum dulcis maris sapor est, & similes Niloticis belluæ. Quare ergo, si Nidum Etesiæ prouocant, & ante

Tom. II. E e illos

illos incipit incrementum eius, & post eos durat? Præterea non sit maior quo illi flauere vehementius? Nec remittitur incitaturque, prout illis imperus fuit: quod fieret, si illorum viribus cresceret. Quid, quod Etesiae littus Aegyptium verberant, & contra illos Nilus descendit, inde venturus, vnde illi, si origo ab illis esset. Præterea ex mari purus & caeruleus efflueret, non ut nunc turbidus venit. Adde, quod testimonium eius testium turba coarguitur. Tunc erat mendacio locus, cum ignota essent externa. Licebat illis fabulas mittere. Nunc vero tota exteri maris ora mercatorum nauibus stringitur: quorum nemo narrat nunc caeruleum Nilum, aut mare saporis alterius: quod & natura credi vetat: quia dulcissimum quodque & leuissimum sol trahit. Præterea quare hieme non cresci? & tunc potest ventis concitari mare, aliquando quidem maioribus. Nam Etesiae temperati sunt. Quod si & mari ferretur Atlantico, semel oppleret Aegyptum. At nunc per gradus crescit. Oenopides. Chius ait, hieme calorem sub terris contineri: ideo & specus calidos esse, & tepidiorem pueris aquam: itaque venas interno calore sicari. Sed in alij terris augentur imbribus flumina. Nilum, quia nullo imbre adiuuetur, tenuari, deinde crescere per æstatem: quo tempore frigent interiora terrarum, & redit rigor fontibus. Quod si verum esset, æstate flumina crescerent, omnesque putei æstate abundarent. Deinde non calorem hiemen sub terris esse maiorem. Aqua & specus & putei tepent: quia acra rigentem extrinsecus non recipiunt. Ita non calorem habet, sed frigus excludunt. Ex eadem causa æstate refrigerant: quia illo remotus seductusque aer calefactus non peruenit.

uenit. Diogenes Apolloniates ait: Sol humorem ad se rapit: hunc exsiccata tellus tum ex mari ducit, tum ex ceteris aquis. Fieri autem non potest, vt vna sicca fit tellus, alia abundet. Sunt enim perforata omnia, & in itinera peruia. Sicca ab humidis sumunt aliquando. Nisi aliquid terra acciperet, exaruiscent. Ergo vndas sol trahit: sed ex his quæ premunt, maxime hæc mæridiana sunt. Terra cum exaruit, plus ad se humoris adducit: vt in lucernis oleum illo fluit, vbi exurit: sic aqua illo incumbit, quo vis caloris & terræ æstuantis arcessit. Vnde ergo trahitur? ex illis scilicet pantibus semper hibernis, Septemtrionalibus, vnde exundat. Ob hoc pontus in infernum mare assidue fluit rapidus, non vt cetera maria, alternatis vltro citro æstibus, in vnâ partem semper pronus & torrens. Quod nisi faceret, hisque itineribus, quod cuique deest, redderetur, quod cuique superest, emitteretur iam aut siccata essent, omnia aut inundata. Interrogare Diogenem libet, quare, cum pontus & amnes cuncti inuicem commeent, non omnibus locis æstate maiora sunt flumina? Ægyptum sol magis percoquit. Itaque Nilus magis crescit. Sed in ceteris quoque terris aliqua fluminibus fit adiestio. Deinde quare vlla pars terræ sine humore est, cum omnis ad se ex alijs regionibus trahit; eoque magis, quo calidior est? Deinde quare Nilus dulcis est, si illi à mari vnda est? Nec enim vlli flumini dulcior gustus.

CAP. III. Grandinem hoc modo fieri, si tibi affirmauero quo apud nos glacies fit, gelata nube tota, nimis audacem rem fecero. Itaque ex his me testibus numerâ secundæ notæ, qui vidisse quidē se negant, sed audisse. Aut quod historici faciunt, & ipse faciam. Illi cum multa mentiti

sunt ad arbitrium suum, vnam aliquam rem nolunt spondere: sed adiiciunt, Penes auctores fides erit. Ergo si mihi parum credis, Posidonius tibi auctoritatem promittet, tam in illo quod præteritum, quam in hoc quod securum est. Grandinem enim fieri ex nube aquosa, etiam in humorem versa, sic affirmabit, tamquam interfuerit. Quare autem rotunda sit prando, etiam sine magistro scire potes cum adnotaueris, stillicidium omne conglomerari. Quod & in speculis, apparet, quæ humorem habito colligunt, & in poculis sparsis, aliaque omni læuitate: nam & in herbarum vel arborum folijs, si quæ guttæ adhæserunt, in rotundū iacent. *Quid magnis est saxo durū? quid mollius unda; Dura tamen molli saxa canantur aqua.*

aut, vt alius poeta ait:

Stillicidi casus lapidem cauat

& hæc ipsa excauatio rotunda sit. Ex quo apparet, illud huic quoque simile esse quod cauat. Locum enim sibi ad formam & habitum suum exsculpit. Præterea potest, etiam si non fuerit grando talis cum defertur, corrotundari, & tones per spatium aeris densi deuoluta æquabiliter atque in orbem teri. Quod nix pati non potest: quia non est tam solida, imo quia tam fusa est, & non per magnam altitudinem cadit sed circa terras initium eius est. Ita non longius illi per aera, sed ex proximo lapsus est. Quare non & ego idem mihi permittam, quod Anaxagoras, cum inter nullos magis quam inter philosophos esse debeat æqua libertas? Grando nihil aliud est quàm suspensa glacies. Nix, in pruina pendens congelatio. Illud enim iam diximus, quod inter aquam & rorem interest, hoc inter pruina, & glaciem, nec non inter

niuem & glaciem interesse.

CAP. IU. Poteram me, peracta quæstione, dimittere: sed bene cimensum dabo: & quoniam cœpi tibi molestus esse, quidquid in hoc loco quæritur, dicam. Quæritur autem, quare hieme ningat, non grandinet: & vere, iam frigore in fracto, grando cadat. Nam ut fallar tibi, verum mihi quidem persuadetur, qui me usque ad mendacia hæc leuiores, in quibus os præcidi, non oculi erui solent, credulum præsto. Hieme aer riget: & ideo nondum in aquâ vertitur, sed in niuem cui aer proprior est. Cum ver cœpit, maior inclinatio aeris sequitur, & calidiore cælo maiora sunt stillicidia. Ideo, ut ait Virgilius noster,

..... cum ruit imbriferum ver.

vehementior immutatio est aeris vndique patefacti & soluentis se, ipso tempore adiuuante. Ob hoc nimbi graues magis vastique quam pertinaces deferuntur. Bruma lentas pluuias habet & tenues quales sæpe solent interuenire cum pluuiæ rara & minuta, niuem quoque admixtam habet. Dicimus niualet diem cum altum frigus, & triste cælum est. Præterea Aquilone flante, & suum cælum habente minutæ pluuiæ sunt: Austro imber improbius est, & guttæ pleniores sunt.

CAP. V. Rem è nostris positam nec dicere audeo, quia infirma videtur: nec præterire: Quid enim mali est, aliquid & faciliiori iudici scribere? Imo si omnia argumenta ad obrusam cœperimus exigere, silentium indicetur: Pauca enim admodum sunt sine aduersario. Cetera etiam si vincunt, litigant. Aiunt, quidquid circa Scythiam & Pontum & Septemtrionalem plagam glaciatum & adstrictum est, vere relaxari: tunc flumina gelata discedere, tunc obrutos montes niuem soluere. Cre-

dibile est ergo, frigidus spiritus indefieri, & ver-
no celo remisceri. Illud quoque adiiciunt, quod
nec sum expertus, nec experiri cogito. Tu quo-
que, censeo, si volueris verum exquirere, niuem
ita caue experiaris. Minus algere aiunt pedes eo-
rum, qui fixam & duram niuem calcant, quàm
eorum qui teneram & labefactam. Ergo, si non
mentiuntur, quidquid ex illis Septemtrionalibus
locis, iam disturbata niue, & glacie frangente se
fertur, id meridianæ partis tepentem iam humi-
dumque aera alligat, & perstringit. Itaque cum
pluvia futura erat, grando fit, iniuria frigoris.

CAP. VI. Non tempero mihi, quo minus
omnes nostrorum ineptias proferam. Quosdam
peritos obseruandarum nubium esse affirmant,
& predicere, cum grando futura sit: & hoc intel-
ligere vsu ipso potuisse, cum colorem nubium
notassent, quem grandotories insequabatur. Illud
incredibile, Cleonis fuisse publice præpontos
χαλαροφύλακας, speculatores futuræ grandis-
nis. Hi cum signum dedissent, adesse iam gran-
dinem, quid exspectas? ut homines ad penulas
discurrerent, aut ad scortas? Imo pro se quis-
que alius agnum immolabat, alius pullum.
Protinus illæ nubes alio declinabant, cum ali-
quid gustassent sanguinis. Hoc rides. Accipe,
quod rideas magis. Si quis nec agnum nec pul-
lum habebat, quod sint damno fieri poterat, ma-
nus sibi afferat. Et ne tu auidas aut crudeles exi-
stimes nubes, digitum suum bene acuto graphio
pungebat, & hoc sanguine litabat. Nec minus
ab huius agello grando se auerteat, quàm ab
illo, in quo maioribus hostijs exorata erat.

CAP. VII. Rationem huius rei quidam que-
runt. Alieri, ut homines sapientissimos decet,
negant posse fieri, ut cum grandine aliquis pa-
ci-

discatur, & tempestates munusculis redimat, quamuis munera etiam deos vincant. Alteri suspicari ipsos aiunt, esse in ipso sanguine vim quamdam potentem auertendæ nubis, ac repellendæ. Sed quomodo in tam exiguo sanguine potest esse, vis tanta, vt in altum pënetret, & eam sentiant nubes? Quanto expeditus erat dicere, Mendacium & fabula est? At Cleonis iudicia reddebant in illos, quibus delegata erat cura prouidendæ tempestatis: quod negligentia eorum vinee vapulassët, aut segetes procidissët. Et apud nos in duodecim tabulis cauetur ne quis alienos fructus excantassit. Rudis adhuc antiquitas credebat & attrahit imbres cantibus, & repelli quorum nihil posse fieri tam palam est, vt huius rei causa nullius philosophi schola intranda sit.

CAP. VIII. Vnam rem adhuc adijciam, & fauere ac plaudere te iuuabit. Aiunt niuem in ea parte aeris fieri quæ prope terras est. Hanc enim plus habere caloris ex tribus causis. Vna, quod omnis terrarum euaporatio, cum multum intra se feruidi aridique habeat, hoc est calidior, quo recentior. Altera, quod radij solis à terra resiliunt, & in se recurrunt. Horum duplicatio proxima quæque à terris calefacit. Quæ ideo plus habent temporis, quia solem bis sentiunt. Tertia causa est, quod magis superiora perflantur: at quæcumque depressa sunt minus ventis verberantur.

CAP. IX. Accedit his ratio. Democriti. Omne corpus quo solidius est, hoc calorem citius concipit, & diutius seruat. Itaque si in sole posueris æneum vas & vitreum & argenteum, æneo citius calor accedet, diutius hærebit. Adijcit deinde, quare hoc existimet fieri. His inquit, corporibus, quæ duriora, & pressiora densioraque sunt,

necesse est minora foramina esse, & tenuiorem in singulis spiritum. Sequitur ut quemadmodum minora balnearia & minora miliaria citius calefiunt, sic hæc foramina occulta & oculos effugientia, & celerius feruorem sentiant, & propter easdem angustias quidquid receperunt tardius reddant.

CAP. X. Hæc longe preparata ad id perducunt, de quo nunc quæritur. Omnis aer quo propior est terris hoc crassior. Quemadmodum in aqua, & in omni humore fæx ima est: ita in aere spississima quæque desunt. Iam autem probatum est, omnia quo crassioris solidiorisque materiæ, sunt, hoc fidelius custodire calorem receptum: sed quo editior est aer, & quo longius à terrarum colluue recessit, hoc sincerior puriorque est. Itaque solem non retinet, sed velut per inane transmittit: ideo minus calefit.

CAP. XI. Contra autem quidam aiunt, cacumina montium hoc calidiora esse debere, quo soli propria sunt. Qui mihi videntur errare, quod Apenninum, & Alpes, & alios notos ob eximiam altitudinem montes in tantum putant crescere, ut illorum magnitudo sentire solis viciniam possit. Excelsa sunt ista, quamdiu nobis comparantur: at vero ubi vniuersum respexeris manifesta est omnium humilitas. Inter se vincuntur, & vincunt. Ceterum in tantum nihil attollitur, ut collatione totius nulla sit vel maximis portio: quod nisi esset, non diceremus, totum orbem terrarum pilam esse. Pilæ proprietas est, cum æqualitate quadam rotunditas: æqualitatem autem hanc accipe, quam vides in lusoria pila. Non multum illi commissuræ & rimæ earum nocent, quo minus par sibi ab omni parte dicatur: quomodo in hac pila, nihil illa

illa interualla efficiunt ad speciem rotundi, sic nec in vniuerso quidem orbe terrarum editi montes, quorum altitudo totius mundi collatione consumitur. Qui dicit altiore[m] montem, quia solem proprius excipiat, magis calere debere: idem dicere potest, longiorem hominem citius quam pusillum debere calefieri, & citius caput eius quam pedes. At quisquis mundum mensura sua æstimauerit, & terram cogitauerit tenere puncti locum, intelliget nihil in illa posse ita eminere, vt cælestia magis sentiat velut in propinquum illis accesserit. Montes isti quos suspicimus, & vertices æterna sniue obsessi, nihilominus in imo sunt: & propius quidem soli est mons, quàm campus aut vallis: sed sic, quo modo est pilus pilo crassior. Istos enim modo, & arbor alia magis quàm alia dicitur vicina cælo: quod falsum est: quia inter pusilla non potest esse magnum discrimen, nisi dum inter se comparantur. Vbi ad collationem immensi corporis ventum est, nihil interest quanto alterum altero sit maius: quia etiam si magno discrimine, tamen minima vincuntur.

CAP. VII. Sed vt ad propositum reuertar, propter has quas retuli causas, plerisque placuit, in ea parte aeris niuem concipi, quæ vicina terris est & idè minus alligari, quia minore frigore coit. Nam vicinus aer & plus habet frigoris, quàm vt in aquam & imbrem transeat & minus quàm vt duretur in grandinem. Hoc medio frigore non minus intento niues fiunt coactis aquis.

CAP. XIII. Quid istas, inquis, ineptias, quibus nec litteratior fit quisquam, nec melior, tam operose persequeris? Quomodo fiant niues, dicis: cùm multo magis ad nos dici à te

Ecce per-

pertineat, quare emendare non sint niues. Iubes
 me cum luxuria litigare. Quotidianum istud &
 sine effectu iurgum est. Litigemus tamen:
 etiamsi superior futura est, pugnantes ac relu-
 ctantes vincat. Quid porro? Hanc ipsam in-
 spectionem naturæ nihil iudicas ad id, quod vis
 conferre. Cum quærimus quomodo nix fiat,
 & dicimus illam pruina similem habere natu-
 ram, plus illi spiritus quam aquæ inesse, non
 putas exprobrari illis; cum emere aquam turpe
 sit, si nec aquam quidem emunt? Nos vero quæ-
 ramus potius, quomodo fiant niues, quam quo-
 modo feruentur; quoniam non contenti vina
 diffundere veterana, & per sapores ætatesque di-
 sponere, inuenimus quomodo stiparemus ni-
 uem, ut ea æstatem euinceret, & contra anni fer-
 nozem defenderetur loci frigore. Quid hæc dili-
 gentia consecuri sumus? Nempe ut gratuitam
 mercemur aquam. Nobis dolet, quod spiritum,
 quod solem emere non possumus, quod hic aer
 etiam delicatis diuitibusque ex facili nec em-
 ptus venit. O quam nobis male est, quod quid-
 quam à rerum natura in medio relictum est! Hoc
 quod illa fluere & patere omnibus voluit, cuius
 haustum vitæ publicum fecit, hoc quod tam
 homini, quam feris auibuscque, & inertissimis
 animalibus, in usum large beate profudit,
 contra se ingeniosa luxuria redegit ad pretium.
 Ad eò nihil potest illi placere, nisi carum. Vnum
 hoc erat, quod diuites in æquum turbæ dedece-
 ret, quo non possent antecedere pauperimum.
 Illi cui diuitiæ molestæ sunt, excogitatum est,
 quemadmodum etiam aqua caperet luxuriam.
 Vnde ad hoc peruentum sit, ut nulla nobis aqua
 satis frigidæ videretur quæ flueret, dicam. Quā-
 diu sanus & salubris cibi capax stomachus est,

im-

impleturque, non premitur, naturalibus fo-
 mentis contentus est. Vbi quotidianis crudita-
 tibus non temporis æstus, sed suos sentit, vbi
 ebrietas continua visceribus insedit, & præcor-
 dia bile, inquam vertitur, torret, aliquid neces-
 sario quæritur, quo æstus ille frangatur, qui ip-
 sis aquis incalescit, remedijs incitat virium. Ita-
 que non æstate tantum, sed & media hieme ni-
 uem hac causa bibunt. Quæ huius rei causa
 est, nisi intestinum malum, & luxu corrupta
 præcordia, quibus nullum interuallum vnquam
 quo interquiescerent, datum est, se prædianæ car-
 nis vsque in lucem perductis ingesta sunt, & di-
 ffusos copia ferculorum ac varietate comessa-
 tio altius meritis? Deinde nunquam intermissa
 intemperantia, quidquid ante decoxerat, effera-
 uit, & in desiderium semper noui rigoris accen-
 dit. Itaque quamuis carnationem velis specu-
 laribus muniant, & igne multo doment hie-
 mem, nihilominus stomachus ille solutus, &
 æstu suo languidus, quærit aliquid non erigatur.
 Nam sicut anima relictos stupentesque frigida
 spargimus, vt ad sensum sui redeant: ita viscera
 istorum vitij torpentia nihil sentiunt; nisi fri-
 gore illa vehementiore percusseris. Inde est,
 inquam, quod nec niue contenti sunt, sed gla-
 ciem, velut certior illi ex solido rigor sit, ex-
 quirunt, ac sæpe repetitis aquis diluunt quæ
 non è summo tollitur, sed vt vim maiorem
 habeat, & pertinacius frigus, ex abdito effodi-
 tur. Itaque ne vaum quidem eius est præteritum:
 sed habet institores aqua, & annonam, pro-
 pudor, variam. Vnguentarios Lacedæmonij
 vrbe expulerunt, & propere cedere finibus suis
 iusserunt, quia oleum disperderent. Quid illi
 fecissent, si vidissent æponendæ niuis officinas,

& tot iumenta portandæ aquæ defuerentia, cuius colorem saporemque paleis, quibus custodiunt, inquinant? At dii boni, quam facile est extinguere sitim sanam. Sed quid sentire possunt emortuæ fauces & occallatæ cibus ardentibus? Quemadmodum nihil illis satis frigidum, sic nihil satis calidum est. Sed ardentes boletos, & raptim condimento suo mersatos, detmittunt pæne fumantes, quos deinde restinguant niuatis potionibus. Videbis, inquam, quosdam graciles, & paliolo focalique circumdatos, palientes & ægros; non sorbere solum niuem, sed etiam esse, & frustra eius in scyphos suos deijcere, ne inter ipsam bidendi moram tepescant. Sitim istam esse putas? Febris est: & quidem eo acrior, quod non tactu venarum, nec in cutem effuso caloreprehenditur. Sed cor ipsum excoquit luxuria, inuictum malum, & ex molli fluidoque durum atque patiens. Non intelligis omnia consuetudine vim suam perdere? Itaque; nix ista, in qua etiamnum natatis, eo peruenit usu, & quotidiana stomachi seruitute, ut aquæ locum obtineat. Aliquid adhuc quærite illi frigidus, quia pro nihilo est familiaris rigor.

LIBER QVINTVS.

In quo de ventis, & aeris motu agitur.

Argumentum.

Differit, quid ventus: Democritum refellit, qui censet ventum esse, cum multa, & conferta atomi in angusto inani
ita

ita se comprimunt, ut superfundantur. Igitur ventum fieri potius, partim aere à sole extenuato, ac diffuso, partim quia aer animal est, & vim se mouendi ac flabellandi habet. Tota deinde doctrina ventorum tam communium XII quam provincialium. Declinat denique sub finem suo more in hominum mores, qui ventis ad custodiendam calii terrarumque temperiem, ad prudentiam comparandam & noscenda transmarina à Deo datis ad bella, ambitionem, & auaritiam abutimur. Unde in incerto ponit, an nasci magis ventos, quam non nasci, profuerit: quod de Iulio Cesare Liuius olim dixit.

C A P V T I.

Ventus est fluens aer. Quidam ita definiunt: Ventus est aer fluens in vnam partem. Hæc definitio videtur diligentior, quia numquam aer tam immobilis est, vt non in aliqua sit agitatione. Sic tranquillum mare dicitur, cum leuiter commouetur, nec in vnam partem inclinatur. Itaque si legeris,

Cum placidum ventis stare mare:

scito illud non stare sed succuti leuiter: & dici tranquillum, quia nec huc nec illo impetum capiat. Idem & de aere iudicandum est, non esse vniquam immobilem, etiamsi quietus sit. Quod ex hoc intelligas licet. Cum sol in aliquem clausum locum infusus est, videmus corpuscula minima in aduersum ferri alia sursum, alia deorsum, varie concursantia. Ergo parum diligenter comprehendet quod vult, qui dixerit, Fluctus est maris agitatio: quia tranquillum quoque agitur. At ille abunde sibi cauerit, cuius hæc definitio fuerit. Fluctus est maris in vnam partem agitatio. Sic in hæc quoque re, de qua cum maxime quaerimus, non

civ-

circumscribetur: qui ita se gesserit, ut dicat: *Ventus* est fluens aer in vnam partem: aut, *Ventus* aer est fluens impetu, aut aeras in vnam partem entis, aut cursus aeris aliquo concitator. Scio quid responderi pro definitione altera possit. Quid necesse est adijcere te, in vnam partem fluens aer? Vtique enim quod fluit, in vnam partem fluit. Nemo aquam fluere dicit, si tantum intra se mouerat, sed si aliquo fertur. Potest ergo aliquid moueri, & non fluere: at è contrario non potest fluere, nisi in vnam partem. Sed siue hæc breuitas satis à calumniatura est, hac utamur: siue aliquis circumspectior est, verbo non parcat, cuius adiectio cauillationem omnem poterit excludere. Nunc ad ipsam rem accedamus, quoniam satis de formula disputatum est.

CAP. II. Democritus ait, cum in angusto inani multa sunt corpuscula, quæ ille atomos vocant, sequi ventum. At contra, quietum placidum aeris statum esse, cum in multo inani pauca sunt corpuscula. Nam quemadmodum in foro aut vico quamdiu paucita est, sine tumultu ambulatur: ubi turba in angustum concutrit, aliorum in alios incidentium rixa fit: sic in hoc quo circumdati sumus spatio, cum exiguum locum multa corpora impleuerint, necesse est alta alijs incidunt, & impellantur ac repellantur, implicenturque & comprimantur, ex quibus nascitur ventus, cum illa quæ collidebantur incubuere, & diu fluctuata ac dubia inclinauere se. At ubi in magna laxitate corpora pauca versantur, nec arictare possunt, nec impelli.

CAP. III. Hoc falsum esse vel ex eo colligas licet, quod tunc interim minimè ventus est, cum aer nullo grauis est. Atqui tunc plurima

cor-

corpora se in angustum contulere: & inde spiritus saturum nubium grauitas est. Adijce nunc, quod circa flumina & lacus frequens nebula est, arctatis congestisque corporibus, nec tamen ventus est. Interdum verò tanta caligo effunditur, ut conspectum in vicino stantium eripiat: quod non eueniret, nisi in paruum locum corpora se multa compellerent. Atqui nullum tempus magis, quàm nebulosum, caret vento. Adijce nunc, quod è contrario venit, ut sol matutinum aera spissum & humidum ortu suo tenuet. Tunc surgit aura, cum datum est laxamentum corporibus, & stipatio illorum ac turba resoluta est.

CAP. IV. Quomodo, inquis, ergo venti fiat, quos non negas fieri? Non vno modo. Alias enim terra ipsa magnam vim aeris eijcit, & ex abdito spirat: alias cum magna & continua ex igno euaporatio in altum agit quæ emiserat, immutatio ipsa halitus mixti in ventum vertitur. Illud enim nec ut credam, mihi persuaderi potest, nec ut taceam: quomodo in nostris corporibus ex cibo fit inflatio, quæ non sine magna varium iniuria emittitur, & ventrem interdum cum sono exorat, interdum secretius: sic putant & hanc magnam rerum naturam alimenta mutantem emittere spiritum. Bene nobiscum agitur, quod semper concoquit: alioquin immundius aliquid timeremus. Numquid ergo hoc verius est, dicere, multa ex omni parte terrarum & assidua ferri corpuscula: quæ, cum cōaceruata sunt, deinde extenuari sole cæperint quia omne quod in angusto dilatatur, spatium maius desiderat, ventus existit?

CAP. V. Quid ergo? hanc solam esse causam venti existimas, aquarum terrarumque euaporationes? Ex his grauitatem aeris fieri, deinde solui

Solui imperu cum quæ densa steterant, ut est necesse extenuata nituntur in ampliorem locum? Ego vero & hanc iudico. Ceterum illa est longe verior causa, valentiorque, habere aera naturalem vim mouendi se: nec aliunde concipere, sed inesse illi ut aliarum rerum, ita huius potentiam. An hoc existimas, nobis quidem datas vires esse, quibus nos moueremus, aera autem inertem, inægitabilem relictum esse; cum aqua motum suum habeat, etiam ventis quiescentibus: nec enim aliter animalia edere posset. Muscum quoque innasce aquis, & herbolâ quædam videmus, summo innatantia.

CAP. VI. Est ergo aliquid in aqua vitale. De aqua dico? Ignis qui omnia consumit, quædam etiam creat: & quod videri non potest simile veri, sed tamen verum est; animalia igne generantur. Habet ergo aliquam vim talem aer, & ideo modo spissat se, modo expandit & purgat: alias contrahit, alias diducit, ac differt. Hoc ergo interest inter aera & ventum, quod inter lacum & flumen. Aliquando per se ipse sol causa venti est, fundens rigentem aera, & ex denso coactoque explicans.

CAP. VII. In vniuersum de ventis diximus nunc viritim incipiemus illos excutere. Fortasse apparebit quemadmodum fiant, si apparuerit quando & vnde procedant. Primum ergo antelucanos flatus inspiciamus, qui aut ex fluminibus, aut ex conuallibus, aut ex aliquo sinu feruntur. Nullus ex his pertinax est, sed cadit fortiore iam sole: nec fertur ultra terrarum adspæctum. Hoc ventorum genus incipit vere, nec ultra æstatem durat. Et inde maxime venit, ubi aquarum plurimum & montium est. Plana licet abundant aquis tamen

carent aura : hac dico , quæ pro velito valet .

CAP. VIII. Quomodo ergo talis flatus concipitur, quem Græci *εὐχολῆϊα*, vocant? Quidquid ex se paludes & flumina emittunt. (Id autem & multum est, & assiduum) per diem solis alimentum est : nocte non exhauritur, sed montibus inclusum; in vnam regionem colligitur. Cùm illam impleuit, & iam se non capit, sed exprimitur aliquo; & in vnam partem procedit: hic ventus est. Itaque eo incumbit; quo liberior exitus inuitat, & loci laxitas, in quàm coaceruata incurrant. Huius rei argumentum est, quòd prima noctis parte non spirat. Incipit enim fieri tuncilla collectio, quæ circa lucem iam plena est, & onerata, quærit quo defluat: & eo potissimum exit, vbi plurimum vacui est, & magna ac patens area. Adijcit autem ei stimulos ortus solis, feriens gelidum aera. Nam etiam antequam appareat, in fine ipso valet: & nondum quidem aera radijs impellit, iam tamen laceffit & irritat, luce præmissa. Nam cùm ipse processit, alia superius rapiuntur, alia diffunduntur tempore. Ideò non vltra matutinum illis datur flare: omnis illorum vis conspectu solis exstinguitur: etiamsi violentiores flauere; circa medium tamen diem relanguescunt: nec vniquam vsque in meridiem aura producitur. Alia autem imbecillior ac breuior est, prout valentioribus minoribusue collecta caussis est.

CAP. IX. Quare tamen tales venti verè & æstate validiores sunt? Læuissimi enim cætera parte anni, necqui vela impleant, surgunt. Quia ver aquosius est, & ex plurimis aquis, locisue ob humidam cœli naturam saturis & redundantibus, maior euaporatio est. At quare æstate æque

que profunditur? Quia post occasum solis remanet diurnus calor, & magna noctis parte perdurat: qui euocat exeuntia, ac vehementius trahit, quidquid ex his sponte reddi solet: deinde non tantum habet virium, ut quod euocauit, absumat. Ob hoc diutius corpuscula emanare solita, & efflari, terra ex se atque humor emit. Facit autem ventum solortus, non calore tantum sed etiam ictu. Lux enim (ut dixi) quæ solum antecedit, nondum aera calefacit, sed percutit tantum: percussus autem in latus cedit. Quamquam ego ne illud quidem concesserim, lucem ipsam sine calore esse, cum ex calore fiat. Non habet forsitan tantum temporis, quantum actu appareat. Oppus tamen suum facit, & densa diducit ac tenuat. Præterea loca, quæ aliqua iniquitate naturæ ita clausa sunt, ut solem accipere non possint, illa quoque nùbila & tristi luce calefiunt, & per diem minus quam noctibus rigeant. Eriamnum natura calor omnis abigit nebulas, & à se repellit. Ergo sol quoque idem facit. Et idè quibusdam videtur, inde flatus esse, unde sol. Hoc falsum esse ex eo apparet, quod aura in omnem partem venit, & contra ortum plenis velis nauigatur. Quod non eueniret, si semper ventus ferretur à sole.

CAP. X. Etesiae quoque, qui in argumentum à quibusdam aduocantur, non nimis propositum adiuuant. Dicam primum quid illis placeat deinde, cur displiceat mihi. Etesiae, inquit, hic me non sunt: quia breuissimis diebus sol desinit priusquam frigus euincatur. Itaque niues & ponuntur & durantur. Aestate incipiunt flare, cum & longius extenditur dies, & recti in nos radij diriguntur. Veri ergo simile est concussas calore magno niues plus humidi efflare. Item terras.

ras exoneratas, niue, reiectasque spirare liberius. Itaque plura ex Septentrionali parte cæli corpora exire, & in hæc loca quæ remissiora ac tepidiora sunt, deferri. Sic impetum Etesias sumere: & ob hoc à solstitio illis initium est utraque ortum Caniculæ non valent: quia iam multum è frigida cæli partem hanc egestum est. At sol mutato cursu in nostram rectior tenditur: & alteram partem aeris attrahit, aliam vero impellit. Sic ille Etesiarum flatus æstatem frangit: & à mensium feruentissimorum grauitate defendit.

CAP. XI. Nunc, quod promisi, dicendum est, quare Etesiæ illos non adiuuent, nec quidquam huic conferant causæ. Dicimus autem luce auram incitari, eadem subsidere, cum illam sol attigit. Atqui Etesiæ ob hoc somniculosi à nautis, & delicati vocantur, quod (ut ait Gallio) mane nesciunt surgere: eo tempore incipiunt prodire, quo ne pertinax quidem aura est, quod non accideret, si ut auras, ita illos sol comminueret. Adijce nunc quod si causa illis flatus est, spatium dici ac longitudo, etiam ante solstitium flarent, cum longissimi dies sunt, & cum maxime niues tabescunt. Iulio enim menses iam dispoliata sunt omnia, aut certe admodum pauca iacent adhuc sub niue.

CAP. XII. Sunt quædam genera ventorum, quæ ruptæ nubes & in prouum solutæ emittunt. Hos Græci ventos *ἀνέμους*, vocant. Qui hoc (ut puto) modo fiunt. Cum magna inæqualitas ac dissimilitudo corporum, quæ vapor terrenus emittit, in sublimē eat, & alia ex his corporibus sicca sint, alia humida: ex tanta discordia corporum inter se pugnantium, cum in vnum globata sunt, verisimile est quasdam
causas

canas effici nubes, & interualla inter illas relin-
 qui fistulosa, & in modum tibiæ angusta. His
 interualis tenuis includitur spiritus: qui maius
 desiderat spatium, cum euerberatus cursu pa-
 rum libero incaluit: & ob hoc amplior fit, scin-
 ditque cingentia, & erumpit in ventum: qui
 fere procellosus est, quia superne demittitur, &
 in nos cadit vehemens acer: quod non fusus,
 nec per apertum venit, sed laborat, & iter sibi
 vi ac pugna parat. Hic fere brevis flatus est.
 Quia receptacula nubium per quæ ferebatur, ac
 munimenta perrumpit: ideo tumultuosus venit
 aliquando, non sine igne ac sono cæli. Hi venti
 multos maiores diuturnioresque sunt, si alios
 quoque flatus ex eadem causa ruentes, in se ab-
 stulere, & in vnum confluxere plures: sicut tor-
 rentis modicæ magnitudinis eunt, quamdiu se-
 paratis suis cursus est: cum verò plures in se
 aquas conuerrere, fluminum iustorum ac peren-
 nium magnitudinem excedunt. Idem credibi-
 le est fieri & in procellis, vt sint breues quamdiu
 singulæ sunt: vbi verò sociauerè vires, & ex plu-
 ribus cæli partibus elusus spiritus eodem se con-
 tulit, & impetus illis accedit, & mora.

CAP. XVII. Facit ergo ventum resoluta nu-
 bes: quæ pluribus modis soluitur. Nonnum-
 quam conglobationem illam spiritus rumpit
 inclusi & in exitum nitentis luctatio: nonnum-
 quam calor, quem modo sol fecit, modo ipsa
 arietatio magnorum inter se corporum, & attri-
 tus. Hoc loco, si tibi videtur, quæri potest, cur
 turbo fiat. Euenire in fluminibus solet, vt quam-
 diu sine impedimento feruntur, simplex & re-
 ctum illis iter sit vbi incurrere in aliquod saxū
 ad latus ripæ prominens, retorqueantur, & in
 orbem aquas sine exitu flectant, ita vt circum-
 lata;

lata in se sorbeantur, & vorticem efficiant. Sic
 ventus, quamdiu nihil obstat, vires suas effun-
 dit. Vbi aliquo promontorio repercussus est, aut
 vi locorum coentium in canalem deuexum
 tenuemque collectus: sæpius in se volutatur,
 similemque illis, quas diximus conuerri, aquis
 facit vorticem. Hic ventus circumactus, &
 eundem ambiens locum, & se ipsa vertigine
 concilians, turbo est. Qui si pugnacior est, ac
 diutius volutatur, inflammatur, & efficit quem
αἶψις Græci vocant. Hic est igneus turbo.
 Hi fere omnia pericula venti erupti de nubibus
 prædunt, quibus armamenta rapiantur, & totæ
 naues in sublime tollantur. Etiamnum quidam
 venti diuersos ex se generant, & impulsum æ-
 ra in alias quoque partes, quam in quas ipsi in-
 clinauere, dispergunt. Illud quoque dicam,
 quod mihi occurrit, quemadmodum stillici-
 dia quamuis iam inclinent se & labantur, non-
 dum tamen effecere lapsum, sed vbi plura coie-
 re, & turba vires dedit, tunc fluere & ire dicun-
 tur: sic quamdiu leues sunt aeris motus, agitati
 pluribus locis, nondum ventus est; tunc esse in-
 cipit, cum omnes illos miscuit, & in vnum im-
 petum contulit. Spiritum à vento modus se-
 parat: vehementior enim spiritus ventus est,
 inuicem spiritus leniter fluens aer.

CAP. XIV. Repetam nunc quod in primo
 dixeram, edi è specu ventos, recessuque interiore
 terrarum. Non tota solido contextu terra in
 vnum vsque fundatur, sed multis partibus caua,
 & cæci, *suspensa latebris*.

alicubi habet inania sine humore. Ibi etiam
 nulla lux discrimen aeris monstrat, dicam tamē
 nubes nebulasque in obscuro consistere. Nam
 hæc quidem supra terras, quia videntur, sunt;
 sed

sed qui sunt, videntur. Illic quoque nihilominus ob id sunt, quod non videntur. Flumina illic scias licet, nostris paria, sublabi: alia leuiter ducta, alia in confragosis locis præcipitando sonantia. Quid ergo? non illud æque dabis, esse aliquos & sub terra lacus, & quasdam aquas sine exitu stagnare? Quæ sit ita sunt, necesse est & illud, acra onerari, oneratumque incumbere, & ventum propulsu suo concitare. Et ex illis ergo subterraneis nubibus sciemus nutriti inter obscura flatus, cum tantum virium fecerint, quanto aut terræ obstantia auferant, aut aliquod apertum ad hos afflatus iter occupent, & per hanc cauernam in nostra sedes efferantur. Illud vero manifestum est, & magnam esse sub terris vim sulphuris, aliorum non minus ignem alentium. Per hæc loca cum se, exitum quærens, spiritus torfit, accendat flammam ipso affrictu necesse est. Deinde flammis latius fufis, etiam si quid ignaui aeris erat, extenuatum moueri, & viam cum fremitu vasti atque impetu quærere. Sed hoc diligentius persequar, cum quæram de moribus terræ.

CAP. XV. Nunc mihi pernite narrare fabulam. Asclepiodorus auctor est, demissos quàm plurimos à Philippo in metallum antiquum olim destitutum, ut exploraret quæ veritas eius esset, qui status, aliquid futuris reliquisset ventus auaritia: descendisse illos cum multo lumine, & multos duraturo dies: deinde longa via fatigatos, vidisse flumina ingentia, & conceptus aquarum inertium vastos, pares novis, nec compressos quidem terra supereminere, sed liberæ laxitatis non sine horrore visos. Cum magna hæc legi voluptate: intellexi enim seculum nostrum, non novis vitijs, sed iam
iam

Itam inde antiquitus raditis laborare : nec nostra ætate primum auaritiâ , venas terrarum lapidumque rimatâ , in tenebris male abstrusâ quæsisse . Illi quoque maiores nostri , quos celebramus laudibus , quibus dissimiles querimus nos esse , spe ducti , montes ceciderunt , & supra lucrum sub ruina steterunt . Ante Philippum Macedonem reges fuere , qui pecuniam in altissimis vsque latebris sequerentur , & relicto spiritu libero , in illos se demitterent specus , in quos nullum noctius . dierumque perueniret discrimen , à tergo lucem relinquerent . Quæ tanta spes fuit ? Quæ tanta necessitas hominem ad sidera erectum incuruauit , & defodit , & in fundum telluris intimæ emerisit , vt erueret aurum , non minore periculo quærendum , quàm possidendum ? Propter hoc cuniculos egit , & circa prædam lutulentam incertamque reptauit oblitus dierum , oblitus naturæ melioris , à qua se euertit . Nulli ergo mortuo terra tam grauis est , quàm istis supra quos auaritia vrgens terrarum pondus iniecit , quibus abstulit cælum , quos in imo , vbi illud malum virus latitat , infodit . Illo descendere ausi sunt , vbi nouam rerum positionem , terrarumque prudentium habitus , ventosque per cæcum inane experirentur , & aquarum nulli fluentium horridos fontes , & altam perpetuamque noctem . Deinde cum ista fecerint , inferos metuunt .

CAP. XVI. Sed vt ad id de quo agitur , reuertar venti quattuor sunt , in ortum , occasum , meridie , septentrionemque diuisi . Ceteri , quos varijs nominibus appellamus , his applicantur *Eurus ad auroram Nabatheaque regna recessit Persidaeque , & radiis iuga subdita matutinis Vesper & occiduo quæ littora sole reperiunt*

Pro-

*Proxima sunt Zephyro. Scythiam septemque
triones*

Horrafer inuasit Boreas: contraria tellus.

*Nubibus assiduus, pluuioque madescit ab
Austro*

Vel, si breuius illos complecti mauis, in vnā
tempestatem (quod fieri nullo modo potest)
congregentur.

*Una Eurusque Notusque runnt, creberque
procellis*

Africus;

& qui locum in illa rixa non habuit, Aquilo.
Quidam illos duodecim faciunt. Quattuor
enim cæli partes in ternas diuidunt, & singulis
ventis binos suffectos dant. Hac arte Varro, vir
diligens, illos ordinat: nec sine causa. Non
enim eodem semper loco sol oritur, aut occidit.
Sed alius est ortus occasusque æquinoctialis (bis
autem æquinoctium est:) alius solstitiali, alius
hibernus. Qui surgit ab oriente æquinoctiali,
Subsolanus apud nos dicitur: Græci, illum
ἀφ' ἡλίου τοῦ vocant. Ab oriente hiberno Eurus
exit: quem nostri vocauere Vulturnum. Et Li-
uius hoc illum nomine appellat, in illa pugna
Romanis parum prospera, in qua Hannibal &
contra solem orientem exercitum nostrum, &
contra ventum constituit: cū venti adiutorio
ac fulgoris præstringentis oculos hostium vicit.
Varro quoque hoc nomen vsurpat. Sed & Eu-
rus iam ciuitate donatus est, & nostro sermoni
non tamquam alienus interuenit. Ab oriente
solstitiali excitatum Græci *Καινὸν* appellant:
apud nos sine nomine est. Æquinoctialis occi-
dens Fauonium mittit: quem Zephyrum esse
dicent ibi, etiam qui Græce nesciunt loqui. A
solstitiali occidente Corus venit, qui apud quos-
dam

dam Argestes dicitur. Mihi non videtur: quia Cori violenta vis est, & in vnam partem rapax; Argestes fere mollis est, & tam euntibus communis, quam redeuntibus. Ab occidente hiberno Africus furibundus & ruens, apud Græcos *Αἰφ* dicitur. A Septentrionali latere summus est Aquilo, medius Septentrio, imus Thrascias. Huic deest apud nos vocabulum. A meridiano axe Euronotos est: deinde Notus, Latine Auster: deinde Libonotus, qui apud nos sine nomine est.

CAP. XVII. Placet autem duodecim ventos esse; non quia vbique tot sint (quosdam enim inclinatio terrarum excludit) sed quoniam plures nusquam sunt. Sic casus sex dicimus: non quia omne nomen sex recipit, sed quia nullum plures quam sex. Qui duodecim ventos esse dixerunt, hoc secuti sunt, totidem ventorum esse, quot cæli discrimina. Cælum enim diuiditur in circulos quinque, qui per mundi cardines eunt. Est septentrionalis, est solstitialis, est æquinoctialis, est brumalis, est contrarius septentrionali. His sextus accedit, qui superiorem partem mundi ab inferiore secernit. Ut scis enim, dimidia pars mundi semper supra, dimidia infra est. Hanc lineam quæ inter aperta & occulta est, Græci *οπίσθητα* vocant: nostri finitorem dixere, alij finientem. Adijciendus est ad hunc meridianus circulus, quo horizonta rectis angulis seccat. Ex his quidam circuli intransuersa currunt, & alios interuentu suo scindunt. Necesse autem est, tot acris discrimina esse, quod partes. Ergo horizon siue finiens circulus, quinque illos orbes, quos modo dixi fieri, secat, & efficit decem partes, quinque ab ortu, quinque ab occasu. Meridianus circulus, qui in horizonta incurrit, regiones duas adijcit.

Sic duodecim aer discrimina accipit, & totidem facit ventos. Quidam sunt quorundam locorum proprii, qui non transmittunt, sed in proximum ferunt. Non est illis à latere vniuersi mundi impetus. Atabulus Apuliam infestat; Calabriam Iapyx, Athenas Sciron, Pamphiliam Catægis, Galiam Circus: cui ædificia quæ stant, tamen incolæ gratias agunt, tamquam salubritatem cæli sui debeant ei. Diuus certe Augustus templum illi cum in Gallia moraretur, & vouit & fecit. Infinitum est, si singulos velim persequi. Nulla enim propemodum regio est, quæ non habeat aliquem flatum ex se nascentem, & circa se cadentem.

CAP. XVIII. Inter cetera itaque Prouidentia opera, hoc quoque aliquis, vt dignum admiratione suspexerit. Non enim ex vna causa ventos, aut inuenit, aut per diuersa disposuit sed primum vt aera non finerent pigrescere, sed assidua vexatione vtilem redderent, vitalemque tracturis. Deinde vt imbres terris subministrarent, iidemque nimios compescerent. Nam modo adducunt nubes; modo diducunt, vt per totum orbem pluuiæ diuidi possent. In Italiam Auster impellit; Aquilo in Africam reijcit: Etesia non patiuntur apud nos nubes consistere. Iidem totam Indiam & Æthiopiam continuas per id tempus aquis irrigant. Quid, quod fruges percipi non possint, nisi flatu superuacua admixta seruandis ventilarentur nisi esset quod segetem excitaret, & latentem frugem; ruptis velamentis suis, quæ folliculos agricolæ vocant adaperiret? Quid, quod omnibus inter se populis commercium dedit, & gentes dissipatas locis miscuit? Ingens naturæ beneficium, si illud in injuriam suam non vertat hominum furor. Nunc quod

quod de Cæsare olim maiore vulgo dictitatum est, & à Tito Liuiio positum, in incerto esse, vtrum illum magis nasci Reip. profuerit, an non nasci; dici etiã de ventis potest: adeo quidquid ex illis vtile & necessarium est, non potest his repensari, quæ in pertiniciem suam generis humani dementia excogitet. Sed non ideo non sunt ista natura sua bona, si vitia male vtentium nocent. Nimirum in hoc Prouidentia, ac dispositor ille mundi Deus, aera ventis exercendum dedit, & illos ab omni parte, nequid esset situ squalidum, effudit: non vt nos classes partem freti occupaturus compleremus milite armeto, & hostem in mari aut post mare inquireremus. Quæ nos dementia exagitat, & in mutuũ componit exitium? vela ventis damus bellum petitori, & periclitamur periculi causa. Incertam fortunam experimus: vim tempestatum nulla ope humana superabilem, mortem sine spe sepulturæ. Non erat tanti, si ad pacem per ista veheremur. Nunc autem cùm euaserimus tot scopulos latentes, & insidias vadosi maris, cùm effugerimus procellosos desuper montes, in quos præceps nauigantes ventus impingit; cùm inuolutos nubilo dies, & nimbis ac tonitruis horrendas noctes, cùm turbinibus diuulsa nauigia: quiserit huius laboris ac motus fructus? quis nos fessos tot malis portus excipiet? Bellum scilicet & obuius in littore hostis, & trucidandæ gentes tracturæ magna ea parte victorem, & antiquarum urbium flamma. Quid in arma cogitemus populos? quid exercitũ scribimus, directuros aciem in medijs fluctibus? quid maria inquietamus? Parum videlicet apud mortem nostræ terra late patet. Nimis delictet fortuna nos tractat? nimis dura dedit nobis

corpora, felicem valetudinem, Non depopulatur nos casus incurrens : emeriti cuique annos suos ex commodo licet, & ad senectutem decurrere. Itaque eamus in pelagus, & vocemus in nos fata cessantia. Miseri, quid quæritis? mortem, quæ ubique superest? Petet illa vos & ex lectulo; sed ubique innocentes petat: occupabit vos in vestra domo, sed occupet nullum molientes malum. Hoc vero quid aliud quis dixerit, quam insaniam circumferre pericula, & ruere in ignotos iratum sine iniuria occurrentia deuastantem, ac ferarum more, occidere, quem non oderis? Illi tamen in ultionem, aut ex famæ morsus est: nos sine vlla parsimonia nostris alienique sanguinis, mouemus maria, & nauigia deducimus, salutem com mittimus fluctibus, secundos optamus ventos, quorum felicitas est ad bella perferri. Quousque nos malos mala nostra rapuere? Parum est, intra orbem suum fuere. Sic persarum rex stolidissimus in Græciam traiecit, quam exercitus non vicit, cum inpleuerit. Sic Alexander vltior Bractis & Indis volet quærere, quid sit vltra magnum mare, & indignabitur aliquid esse vltimum sibi. Sic Parthis auaritia Crassum dabit. Non horrebit reuocantis diras Tribuni non tempestates longissimi maris, non circa Euphratem præsaga fulmiina, & deos resistentes. Per hominum deorumque iras ad aurum ibitur. Ergo non immerito quis dixerit, rerum naturam melius acturam fuisse nobiscum, si ventos flare vetuisset, inhibito discursu furentium, in sua quemque terra stare iussisset. Si nihil aliud, certe suo quisque tantum ac suorum malo nasceretur. Nunc parum vi modestica, externis quoque laborandum est.

Nulla

Nulla terra tam longe remota est, quæ non mittere aliquo suum malum possit. Vnde scio an nunc aliquis magnæ gentis in abdito dominus, fortunæ indulgentia tumens, non contineat intra terminos arma, an paret classes ignota molliens? Vnde scio, hic mihi, an ille ventus bellum inuehet? Magna pars erat paci humanæ, maria præcludi. Non tamen (ut paullo ante dicebam) quæri possumus de auctore nostri Deo, si beneficia eius corrumpimus, ut essent contraria, efficiamus. Dedit ille ventos ad custodiendam cæli terrarumque temperiem, ad euocandas suprimendasque aquas, ad allendos factorum atque arborum fructus: quos ad maturitatem, cum alijs causis adducit ipsa iactatio attrahens cibum in summa, & ne torpeant, mouens. Dedit ventos ad vltiora noscenda: fuisset enim imperitum animal, & sine magna experientia rerum homo, si circumscriberetur natalis soli sine. Dedit ventos, ut commoda cuiusque regionis fierent communia: non ut legiones equitemque gestarent, nec ut perniciose gentibus arma transfunderent. Si beneficia naturæ ventium prauitate perpendimus, nihil non nostro malo accepimus. Cui videre expedit? cui loqui? Cui non vita tormentum est? Nihil inuenies tam manifestæ utilitatis, quod non in contrarium transferat culpa. Sic ventos quoque natura bonos futuros inuenerat: ipsi illos contrarios fecimus. Omnes in aliquod nos malum ducunt: non eadem est his & illis causa soluendi: sed iusta nulli; diuersis enim irritamentis ad tentandum iter impellimur. Itaque alicui vitio nauigatur. Egregie Plato dicit, qui nobis circa exitum iam tertium loco dandus est; minima esse quæ homines emant vita.

Et ; Imo,

Imo, Lucili carissime, si bene furorem illorum æstimaueris, idest nostrum (in eadem enim turba voluntamur) magis ridebis, cum cogitaueris vilita parari ea, in quibus vita consumitur.

LIBER SEXTVS.

In quo de terræ motu agitur.

Argumentum.

Naturam, & Causas terra motus docet, & explicatè enarrat. Ipso iam sene sub Imperio Neronis, Pompeii celebre Campania oppidum terræ motu desedit; in iuuentute eius, & Imperio Tiberii, XII. Urbes Asiae perditæ. Non metuendus tamen terræ motus; quia magnificum à tam magna causa perire. In causas deinde terræ motus inquirat. Thales terram, ceu nauigium aqua ferri, & fluctuari, alij aquarum sub terra latentium fluctu agitari crediderunt. Hac occasione ad quæstionem gamosam digreditur, de Origine Nilis. Aristoteles, Theophrastus, Callisthenes (aternum Alexandri crimen, à quo iniuriosè necatus) spiritum terra motorem faciunt: quibus noster accedit. Ex motu Campano pestilentia orta, quæ ouium ibi greges exanimauit: quidam etiam terrore lymphatici errauere. Denique in mores relapsus, non terræ motus, non fluctus, non arma metuenda docet; quia rem pusillam, hominis vitam tantum petunt, quam auricula doloꝝ, aut pes leniter offensus auferre potest.

CA-

CAPVT I.

Pompeios, celebrem Campaniæ urbem in quam ab altera parte Surrentinum Strabianumque litus, ab altera Herculanense, conueniunt, mareque ex aperto reductum amœno sinu cingunt, desedisse terræ motu, vexatis quæcumque adiacebant regionibus. Lucili virorum opitime, audiuius: & quidem diebus hibernis: quos vacare à tali periculo maiores austri solebant premittere. Nonis Febr. fuit motus hic, Regulo & Virginio consulibus, qui Campaniam nunquam securam huius mali, idemnem tamen, & totiens defunctam metu, magna strage vastauit. Nam & Herculanensis oppidi pars fuit, dubieque stant etiam quæ relicta sunt. Et Nicerinorum colonia, vt sine clade, ita non sine querela est, Neapolis quoque priuatim multa, publice nihil amisit, leuiter ingenti malo perstrigta Villæ vero præruptæ passim siue iniuria tremuere. Adijcunt his sexcentarum ouium gregem exanimatum, & diuisas statuas: motæ post hoc mentis aliquos atque impotes sui errasse. Quorum vt causas excutiamus, & propositi operis contextus exigit, & ipse in hoc tempus congruens casus. Quærenda sunt trepidis solatia, & demendas ingens timor. Quid enim cuiquam satisfatum videri potest, si mundus ipse concutitur, & partes eius solidissimæ labant? Si, quod vnum immobile est in illo fixumque, vt cuncta in se intante sustineat, fluctuat: si quod proprium habet terra, perdidit, stare, vbi tendent resident, mitus nostri. Quod corpora receptaculum inuenient: quo sollicita confugient, si ab imo metus nascitur, & fundi-

tustrahitur? Consternatio omnium est, ubi
 tecta crepuere, & ruina signum dedit: tunc præ-
 ceptus quisque se proripit, & penates suos deserit,
 ac se publico credit. Quam latebram prospi-
 cimus, quod auxilium, si orbis ipse ruinas agi-
 tet? si hoc, quod nos tuetur ac sustinet, supra
 quod vrbes sitæ sunt, quod fundamentum qui-
 dam orbis esse dixerunt, discedit ac titubat?
 Quid tibi esse non dico auxilij, sed solatij po-
 test, ubi timor fugam perdidit? Quid est, in-
 quam satis munitum? quid ad tutelam alterius
 ac sui firmum? Hostem muro repellam: præ-
 ruptæ alitudinis castella vel magnos exercitus
 difficultate adiutus morabuntur. A tempestate
 nos vindicant portus: nimbrorum vim effusam,
 & sine fine cadentes aquas tecta propellunt: fu-
 gientes non sequitur incendium: aduersus to-
 nitrua & minas cæli, subterraneæ domus, & de-
 fossi in altum specus, remedia sunt. Ignis illo
 cælestis non transuerberat terram, sed exiguo
 eius obiectu retunditur. In pestilentia mutare
 sedes licet. Nullum malum sine effugio est.
 Nunquam fulmina populus perusserunt? Pesti-
 lens cælum exhaust vrbes, non abstulit. Hoc
 malum latissime patet, inéuitabile, auidum,
 publice noxium. Non enim domos solum, aut
 familias, aut vrbes singulas haurit, sed gen-
 tes totas, regionesque subuertit: & modo rui-
 nis operis, modo in altam voraginem condit:
 ac ne id quidem relinquit, ex quo appareat,
 quod non est, saltem fuisse: sed supra nobiliti-
 simas vrbes, sine vlllo vestigio prioris habitus,
 solum extenditur. Nec desunt qui hoc genus
 mortis magis timeant, quo in abruptum cum
 sedibus suis eunt, & è viuorum numero viui
 auferuntur, tamquam non omne fatum ad
 cum.

eundem terminum veniat. Hoc habet inter cetera iustitiæ suæ natura præcipuum, quod cum ad exitum ventum est, omnes in æquo sumus. Nihil itaque interest, utrum me lapis unus elidat, an monte toto premar: utrum supra me domus vnius onus veniat, & sub exiguo eius tumulo ac complanatione exspirem, an totus caput meum terrarum orbis abscondat: in luce hunc & in aperto spiritum reddam, an in vasto terrarum dehiscientium sinu: solus in illud profundum, an cum magno comitatu populorum concidentium ferat. Nihil interest mea; quantus circa mortem meam tumultus sit; ipsa ubique tantumdem est. Proinde magnū sumamus animum aduersus istam cladem, quæ nec euitari, nec prouideri potest. Desinamus audire istos, qui Campaniæ renunciauerē, quique post hunc casum emigrauerunt, negantque se vñquam ipsam regionem accessuros: quis enim illis promittet melioribus fundamentis hoc aut illud solum stare? Omnia eiufdem sortis sunt: & si nondum mota, tamen mobilia: hunc fortasse in quo securius consistis locum, hæc nox, aut hic ante noctem dies scindet. Unde scies an melior eorum locorum conditio sit, in quibus iam vires suas fortuna consumpsit; & quæ in futurum ruina sua fulta sunt: Erramus enim, si vllam terrarum partem exceptam immunemque ab hoc periculo credimus. Omnes sub eadem iacent lege. Nihil ita, ut immobile esset, natura concepit. Alia temporibus alijs cadunt. Et quemadmodum in vrbibus magnis, nunc hæc domus, nunc illa suspenditur ita in hoc orbe terrarum nunc hæc pars facit vitium, nunc illa, Tyros aliquando infamis ruinis fuit, Asia duodecim vrbes simul

perdidit. Anno priore Achaïam & Macedoniam, quæcumque est ista vis mali quæ incurrit; nunc Campaniam læsit. Circuit factum, & si quid diu præterijt, reperit. Quædam rariua sollicitat, sæpius quædam. Nihil immune esse & innoxium finit. Non nomines tantum, qui brevis & caduca res nascimur: vrbes oræque terrarum & littora, ipsum mare in seruitutem fati venit. Quo ergo nobis permansura promittimus bona fortunæ; & felicitatem cuius ex omnibus rebus humanis velocissima est leuitas, habituram in aliquo pondus ac moram credimus? Perpetua sibi omnia promittentibus in mentem non venit, id ipsum, supra quod stamus, stabile non esse. Neque enim Campaniæ istud aut Achaïæ, sed omnis soli vitium est, male coherere, & ex causis pluribus resolui; & summa manere, partibustueri.

CAP. II. Quid ago? Solatium aduersus pericula dare promiseram: ecce vndique timenda denuncio. Nego quidquam esse quietis æternæ: quod & perire non possit, & perdere. Ego verò hoc ipsum solatij loco pono, & quidam valentissimi: quandoquidem sine remedio timor stultus est: ratio terrorem prudentibus excutit: imperitis fit magna ex de spiratione securitas. Hoc itaque generi humano dictum puta, quod illis subita captiuitate inter ignes & hostem stupentibus dictum est.

Una salus victis, nullam sperare salutem.
Si vultis nihil timere, cogitate omnia esse timenda. Circumspicite quàm leuibus causis discutiamur. Non cibus nobis, non humor, non vigilia, non somnus; sine mensura quandam salubria sunt. Iam intelligitis nugatoria non esse corpuscula, & imbecilla, fluida, non magna mollitio-

ne perdenda. Sine dubio id vnum periculi fat-
tis esset, quod tremunt terræ, quod subito dissipa-
pantur, ac superposita diducunt. Magni se æsti-
mat; qui fulmina & motus terrarum hiatusque
formidat: vult ille imbecillitatis suæ sibi con-
scius timere pituitam: ita videlicet nati sumus,
tam felicia sortiti membra, & in hanc magnitu-
dinem crevimus, & ob hoc nisi mundi partibus
motis, nisi cælum intonuerit, nisi terrâ subsede-
rit, perire non possumus. Vnguiculi nos, & ne
totius quidem dolor, sed aliqua à latere eius
scissura conficit: & ego timeam terras treme-
ntes, quem crassior salina suffocat? Ego extime-
scam emotum sedibus suis mare, & ne æstus,
maiorē quàm solet cursu, plus aquarū trahens
superueniat; cum quosdam strangulauerit potio
male lapsa per fauces? Quam stultum est, ma-
re horrere: cum scias, stillicidio perire te posse?
Nullum est maius solatium mortis, quàm ipsa
mortalitas: nullum autem omnium istorum
quæ extrinsecus terrent, quàm quod innumera-
bilia pericula in ipso sinu sunt. Quid enim de-
mentius, quàm ad tonitrua succidere, & sub ter-
ram correpere fulminum metu? Quid stultius
quàm timere nutationem, aut subitos mon-
tium lapsus, irruptiones maris extra litus eie-
cti, cum mors ubiq; presto sit, & vndique occur-
rat; nihilo; sit tam exiguum, quod non in perni-
ciem generis humanis satis valeat? Adco non
debent nos ista confundere, tamquam plus in se
mali habeant, quàm vulgaris mors: vt contra
cum sit necessarium è vita exire, & aliquando
emittere animam maiore perire ratione inuit.
Necesse est mori vbicumq; quandoque. Stet licet
istè humus, & se teneat suis finibus, nec vlla ia-
ctetur iniuria: supra me quandoque erit, interest

ergo, nam ego mihi, an ipsa se mihi imponat? Diducitur ingenti potentia nescio cuius mali: rumpitur, & me in immensam altitudinē abducit. Quid porro? Mors leuior in plano est? Quid habeo quod querar, si rerum natura non vult me iacere in ignobili loco? si mihi iniicit sui partē? Egregie Vagellius meus in illo inclyto carmine:
Si cadendum est, inquit, mihi, cælo cecidisse velim.

Idem licet dicere. Si cadendum est, cadam orbe concusso, non quia fas est optare publicam cladem, sed quia ingens mortis solatium est, terram quandoque videre mortalem.

CAP. III. Illud quoque proderit præsumere animo, nihil horum deos facere; nec ita numinum, aut cælum concuti, aut terram. Suas ista causas habent: nec ex imperio sæuiunt, sed ex quibusdam vitijs, ut corpora nostra, turbantur: & nunc, cum facere videntur iniuriam, accipiunt. Nobis autem ignorantibus verum omnia terribilia sunt, ut pote quorum metum raritas augeat. Leuius accidunt familiaria: ex insolito formido est maior. Quare autem quidquam nobis insolitum est? quia naturam oculis, non ratione comprehendimus; nec cogitamus, quid illa facere possit, sed tantum quid fecerit. Damus, itaque huius negligentiae poenas, tanquam noui territi: cum illa non sint noua, sed insolita. Quid ergo: Non religionem incutit mentibus, & quidem publice, siue deficere solvisus est; siue luna, cuius obscuratio frequentior, aut parte sui, aut rota, delituit? longeque magis illæ actæ intransuersum faces, & cæli magna pars ardens, & crinita sidera, & plures solis orbes, & stellæ per diem visæ, subitque transcurfus ignium, multam post se lucem tra-

hen-

hentium? Nihil horum sine timore miramur; & cum timendi sit causa, nescire; non est tantum scire, ne timeas? Quanto satius est, causas inquirere, & quidem toto in hoc intentum animo? Neque enim illo quidquam inueniri dignius potest, cui se non tantum commodet, sed impendat.

CAP. IV. Quæramus ergo, quid sit quod terram ab infimo moueat, quid tanti molem corporis impellat, quid sit illa valentius, quid tantum onus vi sua labefactet: cur modo tremat, modo luxata subsidat, nunc in partes diuisa discedat: & alias interuallum ruinæ suæ diuiseruet, alias cito comprimat: nunc amnes magnitudinis notæ conuertat introitus, nunc nouos exprimat: aperiat aliquando aquarum calentium venas, aliquando refrigeret: ignesque nonnumquam per aliquod ignotum antea montis aut rupis foramen emittat, aliquando notos & per sæcula nobiles comprimat. Mille miracula mouet, faciemque mutat locis, & deferre montes, subrigit plana, valles extuberat, nouas in profundo insulas erigit. Hæc ex quibus causis accidunt, digna res est excuti. Quod inquis erit pretium opere? quo nullum maius est nosse naturam. Neque enim quidquam habet in se huius materiæ tractatio pulchrius, cum multa habet futura vsui, quam quod hominem magnificentia sui detinet; nec mercede, sed miraculo colitur. Inspiciamus ergo quid sit, propter quod accidunt hæc; quorum est adeo mihi dulcis inspectatio, ut quamuis aliquando de motu rerarum volumen iuuenis ediderim, tamen tentare me voluerim, & experiri, an ætas aliquid nobis, aut ad scientiam, aut certe ad diligentiam adiecerit.

CAP.

CAP. V. Causam, qua terra concutitur; alij in aqua esse; alij in ignibus; alij in ipsa terra, alij in spiritu putauere: alij in pluribus, alij in omnibus his. Quidam liquere ipsis aliquam ex istis causam esse dixerunt; sed non liquere; quæ esset. Nunc singula persequamur. Illud ante omnia mihi dicendum est, opiniones veterum parum exactas esse, & rudes. Circa verum adhuc errabatur. Noua omnia erant primo tentantibus, post eadem illa limitata sunt: & si quid inuentum est, illis nihilominus referri debet acceptum. Magni animi res fuit, rerum naturæ latebras dimouere, nec contentum exteriori eius conspectu; introspicere; & in deorum secreta descendere: Plurimum ad inueniendum contulit; qui sperauit posse reperiri. Cum excusatione itaq; veteres audiendi sunt. Nulla res consummata est, dum incipit. Nec in hac tantum omnium maxima atque inuolutissima, in qua etiam cum multum actum erit, omnis tamen ætas quod agat, inueniet; sed in omni alio negotio, longe semper à perfecto fuere principia.

CAP. VI. In aqua causam esse, nec ab vno dictum est, nec vno modo. Thales Milesius totam terram subiecto iudicat humore portari & innatare: siue illud oceanum vocas, siue magnum mare, siue alterius naturæ simplicem adhuc aquam & humidum elementum, Hac, inquit; vnda sustinetur orbis velut aliquod grande nauigium & graue his aquis quas premit, superuacuum est reddere causas, propter quas existimat, grauissimam partem mundi non posse spiritu tam tenui fugacique gestari: non enim nunc de situ terrarum, sed de motu agitur. Illud argumenti loco ponit, aquas esse in causa, quibus hic orbis agitur, quod in

om.

omni maiore motu erumpunt, fere noui fontes : sicut in nauigijs quoque euenit, vt si inclinata sunt, & abiere in latus, aquam sorbeant; quæ in omni onere eorum quem vehit, si immodicè depressa sunt, aut superfunditur, aut certa dextra sinistraque solito magis surgit. Hanc opinionem falsam esse, non est diu colligendum. Nam si terram aqua sustineret, tota aliquando concuteretur, semper moueretur : nec agitari illam miraremur, sed manere. Tum tota concuteretur, non ex parte : numquam enim naus dimidia iactatur : nunc verò non terrarum vniuersarum, sed ex parte motus est. Quomodo ergo fieri potest, vt quòd totum vehitur, totum non agitur, si id quo vehitur, agitatum est? At quare aqua erumpunt? Primum omnium sæpè tremit terra, & nihil humoris noui fluxit. Deinde si ex hac causa vnda prorumperet, à lateribus terræ circumfunderetur : sicut in fluminibus ac mari videmus accidere, vt incrementum aquarum, quotiens nauigia desidunt, in lateribus maxime appareat. Ad vltimum non tam exigua fieret, quàm dicit eruptio, nec velut per rimam sentina subreparet, sed fieret igens inundatio ; vt ex infinito liquore, & ferente vniuersa.

CAP. VII. Quidam motum terrarum aquæ imputauere : sed non ex eadem causa. Per omnem, inquit, terram, multa aquarum genera decurunt. Alitubi perpetui amnes, quorum nauigabilis etiam sini adiutorio imbrium magnitudo est. Hinc Nilus per æstatem ingentes aquas inuenit; hinc qui medius inter pacata & hostilia fluit, Danubius, ac Rhenus, alter Sarmaticos impetus cohibens, & Europam ; Aliamque distemas, alter Germanos, auidam gentem belli repellens. Adijce nunc patentiissimos lacus, &

stagna populis inter se ignotis circumdata, &
 inevitabiles nauigio paludes, nec ipsis quidem
 inter se peruias, quibus incoluntur. Deinde tot
 fontes, tot capita fluminum, subitos, & ex oc-
 culto amnes vomentia. Tot deinde ad tempus
 collectos torrentium impetus quorum vires
 quàm repentinæ, quàm breuies. Omnis hæc
 aquarum, etiam intra terram, natura facies-
 que est. Illic quoque aliæ vasto cursu deferun-
 tur, & in præceps volutæ cadunt: aliæ langu-
 diiores in vadis refunduntur, & leniter ac quiete
 fluunt. Quis autem neget, vastis illas recepta-
 culis concipi & cessare multis inertes locis? Non
 est diu probandum, ibi multas aquas esse, ubi
 omnes sunt. Neque enim sufficeret tellus ad tot
 flumina edenda, nisi ex reposito multoque fun-
 deret. Si hoc verum est, necesse est aliquando
 illic amnis excreseat, & relictis ripis violentus in
 obstantia incurrat. Sic fiet motus alicuius partis,
 in quàm flumen impetum dedit, & quàm do-
 nec decescat verberabit. Potest fieri, vt ali-
 quam regionem riuus affluens exedat, ac se-
 cum trahat aliquam molem: qua lapsa, super-
 posita quatiantur. Iam verò nimis oculis per-
 mittit, nec vltra illos scit producere animum,
 qui non credit esse in abscondito terræ sinus
 maris vasti. Nec enim video, quid prohibeat
 vel obster, quo minus illic habeatur aliquod
 etiam in abscondito litus, & per occultos aditus
 receptum mare, quòd illic quoque tantumdem
 loci tenet, aut fortassis hoc amplius, quòd supe-
 riora cum tot animalibus erant diuidenda: ab-
 strusa enim, & sine possessore deserta, liberius
 vadis vacant. Quas quis vetat illic fluctuare, &
 ventis, quos omne interuallum terrarum, & om-
 nis ær creat, impelli? Potest mergo atrox solito

exorta tempestas aliquam partem terrarum impulsam vehementius mouere. Nam apud nos quoque multa, quæ procul à mari fuerant, subito eius accessu vapulauere; & villas in conspectu collocatas, fluctus, qui longè audiebatur, inuasit. Illic quoque potest accedere ac decedere pelagus infernum: quorum neutrum fit sine motu superstantium.

CAP. VIII. Non quidem existimò diu te hæsitaturum, an credas esse subterraneos amnes & mare absconditum. Vnde enim ista prorumpunt, vnde ad nos veniunt, nisi quod origo humoris inclusa est? Age, cum vides interruptum Tigrim in medio itineris sicari, & non vniuersum auerti, sed paullatim, non apparentibus damnis, minui primum, deinde consumi: quo illum putas abire nisi in obscura terrarum: vtique cum videas emergere iterum, non minorem eo qui prior fluxerat? Quid cum vides Alpheum, celebratum poetis, in Achaia mergi, & in Sicilia rursus transiecto mari effundere amænissimum fontem Arethusam? Nescis autem, inter opiniones, quibus narratur Nili æstiuæ inundatio, & hanc esse, à terra illum erumpere, & augeri non supernis aquis, sed ex intimo redditis? Ego quidem centuriones duos, quos Nero Cæsar, vt aliarum virtutum, ita veritatis in primis amantissimus, ad inuestigandum caput Nili miserat, audiui narrantes, longum illos iter peregisse, cum à Rege Aethiopiæ instructi auxilio, commendatique proximis regibus, penetrassent; Ad vltiora quidem, aiebant, peruenimus, ad immensas paludes, quarum exitum nec incolæ nouerant, nec sperare quisquam potest, ita implicitæ aquis herbæ sunt, & aquæ nec perditæ eluctabiles, nec

nec nauigio, quod fini paruum & vnus: capax, limosa & obsita palus non ferat. Ibi, inquit, vidimus duas petras, ex quibus ingens vis fluminis excidebat. Sed siue caput illa, siue accessio est Nili, siue tunc nascitur, siue in terra ex priore recepta cursu redit: nonne tu credis, illam, quidquid est, ex magno terrarum lacu ascendere? Habeant enim oportet pluribus locis (parsum humorem, & in imo coactum, ut eructare tanto impetu possint).

CAP. IX. Ignem causam motus quidam, & quidem non eandem iudicant. Imprimis Anaxagoras, qui existimat, simili pœne ex causa, & aëra concuti, & terram: cum in inferiore parte spiritus crassum aërā, & in nubes coactum, eadem vi qua apud nos quoque nubila frangi solent, rumpit: & ignis ex hoc collisu nubium cursuque elisi aeris, emicuit. Hiciple in obuia incurrit, exitum quærens, ac diuellit repugnantiā: donec per angustā; aut nactus est viam exeundi ad cælum, aut vi atque iniuria fecit. Alij in igne causam quidem, esse, sed non ob hoc, iudicant; sed quia pluribus obrutus locis ardeat; proxima quæque consumat. Quæ si quando exesa ceciderint, tunc sequi motum earum partium, quæ subiectis adminiculis destitutæ labant, donec corruere: nullo occurrente, quod onus exciperet. Tunc chasmata, tunc hiatus; vestigia aperiantur: aut cum diu dubitauerunt, super ea se, quæ supersunt stantque, componunt. Hoc apud nos quoque, videmus accidere quoties incendio pars ciuitatis laborat & cum exustæ trabes sunt, aut corrupta quæ superioribus firmamentum dabant; nunc diu agitata fastigia concidunt; & tam diu differuntur atque incerta sunt, donec in solido resederunt.

CAP.

CAP. X. Anaximenes ait, terram ipsam sibi esse causam motas, nec extrinsecus incurrere quòd illam impellat: sed intra ipsam & ex ipsam quasdam partes eius decidere, quas aut humor soluerit, aut igneis exederit, aut spiritus violentia excusserit. Sed his quoque cessantibus non deesse, propter quod aliquid abscedat, aut reuellatur. Nam primum omnia vetustate labuntur, nec quidquam tutum à senectute est. Hæc solida quoque & magni roboris carpit. Itaque quemadmodum in ædificijs veteribus quædam non percussa tamen decidunt, cum plus ponderis habuere quàm virium: ita in hoc vniuerso terræ corpore euenit, vt partes eius vetustate soluantur, solutæ cadant, & tremorem superioribus afferant: primum dum abscedunt (nihil enim vtique magnum sine motu eius, cui hæsit, abscinditur) deinde cum deciderunt, solido exceptæ resiliant, pilæ more; quæ cum cecidi exultat, ac sæpiùs pellitur, totiens à solo in nouum impetum missa. Si vero in stagnantibus aquis delata sunt, hic ipse casus vicina concutit fluctu, quem subitum vastumque illisum ex alto pondus eiecit.

CAP. XI. Quidam ignibus quidem assignant hunc tremorem, sed aliter. Nam cum pluribus locis ferueant, necesse est ingentem vaporem sine exitu voluant, qui vi sua spiritum intendit: & si acrius instat, opposita diffundit: si verò remissior fuit, nihil amplius quam mouet. Videmus aquam spumare, igne subiecto. Quod in hac aqua facit inclusa & angusta, multo magis illum facere credamus, cum violentus ac vastus ingentes aquas excitat. Tunc illa vaporatone inundantium aquarum, quidquid pulsauerit, agit.

CAP.

CAP. XII. Spiritum esse qui mouear, & plurimis & maximis auctoribus placet. Archelaus antiquitatis diligens, ait ita: Venti in concaua terrarum deferuntur: deinde vbi iam omnia spatia plena sunt, & in quantum aer potuit densatus est, is qui superuenit spiritus, priorem premit & elidit, ac frequentibus plagis primo cogit, deinde perturbat. Tunc ille quærens locum, omnes angustias dimouet, & claustra sua conatur effringere. Sic euenit, vt terræ, spiritu luctante, & fugam quærente, moueantur. Itaque cum terræ motus futurus est, præcedit aeris tranquillitas & quies: videlicet, quia vis spiritus, quæ concitare ventos solet, in inferna sede detinetur. Nunc quoque cum hic motus in Campania fuit, quamuis hiberno tempore, & inquieto, pro superiores dies aer stetit. Quid ergo? Numquam flante vento terra concussa est? Admodum raro duo flauere simul venti. Fieri tamen & potest, & solet: quod si recipimus, & constat duos ventos rem simul gerere: quid ni accidere possit, vt alter superiorem aera agitet, alter inferum?

CAP. XIII. In hac sententia licet ponas Aristotelem, & discipulum eius Theophrastum, non, vt Grecis visum est, diuini, tamen & dulcis eloquij virum, & nitidi sine labore. Quid vtrique placeat, exponam. Semper aliqua euaporatio est è terra, quæ modo arida est, modo humido mixta. Hæc ab infimo edita, & in quantum potuit, elata, cum vltiorem locum in quem exeat non habet, retro fertur, atque in se reuoluitur: dumq; rixa spiritus reciprocantis iactat obstantia, & siue interclusus, siue per angusta enisus est motu ac tumultum sciet. Straton ex eadem schola est, qui hanc partem philosophiæ maxime coluit, & rerum naturæ inquisitor fuit. Huius tale decretum

tum est: Frigidum & calidum semper in contraria abeunt, & vna esse non possunt: eo frigidum confluit, vnde vis calida discessit: & inuicem ibi calidum est, vnde frigus expulsum est: Hoc quod dico verum est: sed vtrumque in contrarium agi, ex hoc tibi appareat. Hiberno tempore cum supra terram frigus est, calente putei, nec minus specus, atque omnes sub terra recessus quia eo se calor contulit, superiora possidenti frigori cedens: qui cum in inferiora peruenit, & eo se quantum poterat ingessit, quod densior, hoc validior est: huic alius superuenit, cui necessario congregatus, ille iam & in angustum pressus, loco cedit. Idem è contrario euenit, cum vis maior frigidi illata in cauernis est: Quidquid illic calidi latet, frigori cedens abiecit in angustum, & magno impetu agitur: quia non patitur vtriusque natura concordiam, nec in vno moram. Fugiens ergo, & omni modo cupiens excedere, proxima quæque remolitur ac iactat. Ideoque antequam terra moueatur, solet mugitus audiri, ventis in abdito tumultuantibus: nec enim aliter posset, vt ait noster Virgilius, *Sub pedibus mugire solum, & inga celsa moueri*: nisi hoc esset ventorum opus. Vices deinde huius pugnae sunt: desinit calidi congregatio, ac rursus eruptio. Tunc frigida compescuntur & succedunt, mox futura potentiora. Dum ergo alterna vis cursat, & vltro citroque spiritus commeat, concutitur.

CAP. XIV. Sunt qui existiment, spiritu quidem, & nulla alia ratione tremere terram, sed ex alia causa, quam Aristoteli placuit. Quid sit quod ab his dicatur, audi. Corpus nostrum & sanguine irrigatur, spiritu, qui per sua itinera discursat. Habemus autem quadam angustiora

an-

ergo, nam ego mihi, an ipsa se mihi imponat?
 Diducitur ingenti potentia nescio cuius mali:
 rumpitur, & me in immensam altitudinē abdu-
 cit. Quid porro? Mors leuior in plano est? Quid
 habeo quod querar, si rerum natura non vult me
 iacere in ignobili loco? si mihi iniicit sui partē?
 Egregie Vagellius meus in illo inclyto carmine
Si cadendum est, inquit, mihi, celo cecidisse
velim.

Idem licet dicere. Si cadendum est, cadam or-
 be concusso, non quia fas est optare publicam
 cladem, sed quia ingens mortis solatium est
 terram quandoque videre mortalem.

CAP. III. Illud quoque proderit præsume-
 re animo, nihil horum deos facere; nec ita nu-
 minum, aut cælum concuti, aut terram. Sua
 ista causas habent: nec ex imperio sæuiunt, se
 ex quibusdam vitijs, vt corpora nostra, turban-
 tur: & nunc, cum facere videntur iniuriam, acci-
 piunt. Nobis autem ignorantibus verum om-
 nia terribilia sunt, vt pote quorum metum ran-
 tas auget. Leuius accidunt familiaria: ex insu-
 lito formido est maior. Quare autem quicquam
 nobis insolitum est? quia naturam oculis,
 non ratione comprehendimus: nec cogitamus,
 quid illa facere possit, sed tantum quod
 fecerit. Damus, itaque huius negligentiae pæ-
 nas, tanquam noui territi: cum illa non sint noua,
 sed insolita. Quid ergo: Non religionem excutit
 mentibus, & quidem publice, siue deficiente
 sol visus est, siue luna, cuius obscuratio frequen-
 tior, aut parte sui, aut tota, delituit? longe
 magis illæ actæ intransuersum faces, & e
 magna pars ardens, & crinita sidera, & plu-
 ris solis orbes, & stellæ per diem visæ, subiti
 transcurfus ignium, multam post se lucem

hentium? Nihil horum sine timore miramur. & cum timendi sit causa, nescire; non est tantum scire, ne timeas? Quanto satius est, causas inquirere, & quidem toto in hoc intentum animo? Neque enim illo quidquam inueniri dignius potest, cui se non tantum commodet, sed impendat.

CAP. IV. Quæramus ergo, quid sit quod terram ab infimo moueat, quid tanti molem corporis impellat, quid sit illa valentius, quid tantum onus vi sua labefactet: cur modo tremat, modo luxata subsidat, nunc in partes diuisa discedat: & alias interuallum ruinæ suæ diuiseruet, alias cito comprimat: nunc amnes magnitudinis notæ conuertat introrsus, nunc novos exprimat: aperiat aliquando aquarum calentium venas, aliquando refrigeret: ignesque nonnumquam per aliquod ignotum antea montis aut rupis foramen emittat, aliquando notos & per sæcula nobiles comprimat. Mille miracula mouet, faciemque mutat locis, & deferre montes, subrigit plana, valles extuberat, nouas in profundo insulas erigit. Hæc ex quibus causis accidunt, digna res est excuti. Quod inquis erit pretium opere? quo nullum maius est nosse naturam. Neque enim quidquam habet in se huius materiæ tractatio pulchrius, cum multa habet futura vsui, quam quod hominem magnificentia sui detinet; nec mercede, sed miraculo colitur. Inspiciamus ergo quid sit, propter quod accidunt hæc; quorum est adeo mihi dulcis inspectatio, vt quæuis aliquando de motu terrarum volumen iuuenis ediderim, tamen tentare me voluerim, & experiri, an ætas aliquid nobis, aut ad scientiam, aut certe ad diligentiam adiecerit.

CAP. V. Causam, quæ terra concutitur, alij in aqua esse, alij in ignibus, alij in ipsa terra, alij in spiritu putauere: alij in pluribus, alij in omnibus his. Quidam liquere ipsis aliquam ex istis causam esse dixerunt; sed non liquere, quæ esset. Nunc singula persequamur. Illud ante omnia mihi dicendum est, opiniones veterum parum exactas esse, & rudes. Circa verum adhuc errabatur. Nova omnia erant primo tentantibus, post eadem illa limitata sunt: & si quid inuentum est, illis nihilominus referri debet acceptum. Magni animi res fuit, rerum naturæ latebras dimouere, nec contentum exteriori eius conspectu, introspicere, & in deorum secreta descendere: Plurimum ad inueniendum contulit, qui sperauit posse reperiri: Cum excusatione itaq; veteres audiendi sunt. Nulla res consummata est, dum incipit. Nec in hac tantum omnium maxima atque inuolutissima, in qua etiam cum multum actum erit, omnis tamen ætas quod agat, inueniet; sed in omni alio negotio, longe semper à perfecto fuere principia.

CAP. VI. In aqua causam esse, nec ab vno dictum est, nec vno modo. Thales Milesius totam terram subiecto iudicat humore portari & innatare: siue illud oceanum vocas, siue magnum mare, siue alterius naturæ simplicem adhuc aquam & humidum elementum. Hac, inquit, vnda sustinetur orbis velut aliquod grande nauigium & graue his aquis quas premit, superuacuum est reddere causas, propter quas existimat, grauiissimam partem mundi non posse spiritu iam tenui fugacique gestari: non enim nunc de situ terrarum, sed de motu agitur. Illud argumenti loco ponit, aquas esse in causa, quibus hic orbis agitur, quod in

om.

omni maiore motu erumpunt, fere noui fontes : sicut in nauigijs quoque euenit, vt si inclinata sunt, & abiēre in latus, aquam sorbeant; quæ in omni onere eorum quem vehit, si immodicè depressa sunt, aut superfunditur, aut certa dextra sinistraque solito magis surgit. Hanc opinionem falsam esse, non est diu colligendum. Nam si terram aqua sustineret, tota aliquando concuteretur, semper moueretur : nec agitari illam miraremur, sed manere. Tum tota concuteretur, non ex parte : numquam enim naus dimidia iactatur : nunc verò non terrarum vniuersarum, sed ex parte motus est. Quomodo ergo fieri potest, vt quòd totum vehitur, totum non agitur, si id quo vehitur, agitur est? At quare aqua erumpunt? Primum omnium sæpè tremuit terra, & nihil humoris noui fluxit. Deinde si ex hac causa vnda prorumperet, à lateribus terræ circumfunderetur : sicut in fluminibus ac mari videmus accidere, vt incrementum aquarum, quotiens nauigia desidunt, in lateribus maxime appareat. Ad vltimum non tam exigua fieret quàm dicit eruptio, nec velut per rimam sentina subreparet, sed fieret igens inundatio; vt ex infinito liquore, & ferente vniuersa.

CAP. VII. Quidam motum terrarum aquæ imputauere : sed non ex eadem causa. Per omnem, inquit, terram, multa aquarum genera decurrunt. Alitubi perpetui amnes, quorum nauigabilis etiam sini adiutorio imbrium magnitudo est. Hinc Nilus per æstatem ingentes aquas inuenit: hinc qui medius inter pacata & hostilia fluit, Danubius, ac Rhenus, alter Sarmaticos impetus cohibens, & Europam, Asiamque determinas, alter Germanos, auidam gentem bellis repellens. Adijce nunc patentissimos lacus, &

stagna populis inter se ignotis circumdata, & inevitabiles nauigio paludes, nec ipsis quidem inter se peruias, quibus incoluntur. Deinde tot fontes, tot capita fluminum, subitos, & ex occulto amnes vomentia. Tot deinde ad tempus collectos torrentium impetus quorum vires quàm repentinæ, quàm breuies. Omnis hæc aquarum, etiam intra terram, natura faciesque est. Illic quoque aliæ vasto cursu deferuntur, & in præceps volutæ cadunt: aliæ languidiores in vadis refunduntur, & leniter ac quiete fluunt. Quis autem neget, vastis illas receptaculis concipi & cessare multis inertes locis? Non est diu probandum, ibi multas aquas esse, ubi omnes sunt. Neque enim sufficeret tellus ad tot flumina edenda, nisi ex reposito multoque funderet. Si hoc verum est, necesse est aliquando illic amnis excreseat, & relictis ripis violentus in obstantia incurrat. Sic fiet motus alicuius partis, in quàm flumen impetum dedit, & quàm donec decreseat verberabit. Potest fieri, ut aliquam regionem riuus affluens exedat, ac secum trahat aliquam molem: qua lapsa, superposita quatiantur. Iam verò nimis oculis permittit, nec vltra illos scit producere animum, qui non credit esse in abscondito terræ sinus maris vasti. Nec enim video, quid prohibeat vel obstat, quo minus illic habeatur aliquod etiam in abscondito litus, & per occultos aditus receptum mare, quòd illic quoque tantumdem loci tenet, aut fortassis hoc amplius, quòd superiora cum tot animalibus erant diuidenda: abstrusa enim, & sine possessore deserta, liberius vadis vacant. Quas quis vetat illic fluctuare, & ventis, quos omne interuallum terrarum, & omnis aer creat, impelli? Potest mergo ator solito

exorta tempestas aliquam partem terrarum impulsam vehementius mouere. Nam apud nos quoque multa, quæ procul à mari fuerant, subito eius accessu vapulauere; & villas in conspectu collocatas, fluctus, qui longè audiebatur, inuasit. Illic quoque potest accedere ac decedere pelagus infernum: quorum neutrum fit sine motu superstantium.

CAP. VIII. Non quidem existimò diu te hæsitaturum, an credas esse subterraneos amnes & mare absconditum. Vnde enim ista prorumpunt, vnde ad nos veniunt, nisi quod origo humoris inclusa est? Age, cum vides interruptum Tigrim in medio itineris siccare, & non vniuersum auerti, sed paullatim, non apparentibus damnis, minui primum, deinde consumi: quo illum putas abire nisi in obscura terrarum: vtique cum videas emergere iterum, non minorem eo qui prior fluxerat? Quid cum vides Alpheum, celebratum poetis, in Achaia mergi, & in Sicilia rursus transiecto mari effundere amænissimum fontem Arethusam? Nescis autem, inter opiniones, quibus narratur Nili aestiua inundatio, & hanc esse, à terra illum erumpere, & augeri non supernis aquis, sed ex intimo redditis? Ego quidem centuriones duos, quos Nero Cæsar, vt aliarum virtutum, ita veritatis in primis amantissimus, ad inuestigandum caput Nili miserat, audiui narrantes, longum illos iter peregisse, cum à Rege Aethiopiæ instructi auxilio, commendatique proximis regibus, penetrasent; Ad vltiora quidem, aiebant, peruenimus, ad immensas paludes, quarum exitum nec incolæ nouerant, nec sperare quisquam potest, ita implicitæ aquis herbarum sunt, & aquæ nec perditæ clustabiles, nec

nec nauigio, quod fini paruum & vnus: capax, limosa & obsita palus non ferat. Ibi, inquit, vidimus duas petras, ex quibus ingens vis fluminis excidebat. Sed siue caput illa, siue accessio est Nili, siue tunc nascitur, siue in terra ex priore recepta cursu redit: nonne tu credis, illam, quidquid est, ex magno terrarum lacu ascendere? Habeant enim oportet pluribus locis (parsum humorem, & in imo coactum, ut eructare tanto impetu possint).

CAP. IX. Ignem causam motus quidam, & quidem non eandem iudicant. Imprimis Anaxagoras, qui existimat, simili pœne ex causa, & aera concuti, & terram: cum in inferiore parte spiritus crassum aërā, & in nubes coactum, eadem vi qua apud nos quoque nubila frangi solent, rumpit: & ignis ex hoc collisu nubium cursuque elisi aeris, emicuit. Hiciple in obuia incurrit, exitum quærens, ac diuellit repugnantiā: donec per angusta; aut nactus est viam exeundi ad cælum, aut vi atque iniuriā fecit. Alij in igne causam quidem, esse, sed non ob hoc, iudicant; sed quia pluribus obrutus locis ardeat, proxima quæque consumiat. Quæ si quando exesa ceciderint, tunc sequi motum earum partium, quæ subiectis adminiculis destitutæ labant, donec cornuere: nullo occurrente, quod onus exciperet. Tunc chasmata, tunc hiatus; vesti aperiuntur: aut cum diu dubitauerunt, super ea se, quæ supersunt stantque, componunt. Hoc apud nos quoque, videmus accidere quonies incendio pars ciuitatis laborat & cum exustæ trabes sunt, aut corruptæ quæ superioribus firmamentum dabant; nunc diu agitata fastigia concidunt; & tam diu differuntur atque incerta sunt, donec in solido resederunt.

CAP. X. Anaximenes ait, terram ipsam sibi esse causam motas, nec extrinsecus incurrere: quòd illam impellat: sed intra ipsam & ex ipsam quasdam partes eius decidere, quas aut humor soluerit, aut igneis exederit, aut spiritus violentia excusserit. Sed his quoque cessantibus non deesse, propter quod aliquid abscedat, aut reuellatur. Nam primum omnia vetustate labuntur, nec quidquam tutum à senectute est. Hæc solida quoque & magni roboris carpit. Itaque quemadmodum in ædificijs veteribus quædam non percussa tamen decidunt, cum plus ponderis habuere quàm virium: ita in hoc vniuerso terræ corpore euenit, vt partes eius vetustate soluantur, solutæ cadant, & tremorem superioribus afferant: primum dum abscedunt (nihil enim vtique magnum sine motu eius, cui hæsit, abscinditur) deinde cum deciderunt, solido exceptæ resiliant, pilæ more: quæ cum cecidi exultat, ac sæpiùs pellitur, totiens à solo in nouum impetum missa. Si vero in stagnantibus aquis delata sunt, hic ipse casus vicina concutit fluctu, quem subitum vastumque illisum ex alto pondus eijcit.

CAP. XI. Quidam ignibus quidem assignant hunc tremorem, sed aliter. Nam cum pluribus locis ferueant, necesse est ingentem vaporem sine exitu voluant, qui vi sua spiritum intendit: & si acrius instat, opposita diffundit: si verò remissior fuit, nihil amplius quam mouet. Videmus aquam spumare, igne subiecto. Quod in hac aqua facit inclusa & angusta, multo magis illum facere credamus, cum violentus ac vastus ingentes aquas excitat. Tunc illa vaporatione inundantium aquarum, quidquid pulsauerit, agit.

tum est : Frigidum & calidum semper in contraria abeunt , & vna esse non possunt : eo frigidum confluit , vnde vis calida discessit : & inuicem ibi calidum est , vnde frigus expulsum est : Hoc quod dico verum est : sed vtrumque in contrarium agi , ex hoc tibi appareat . Hiberno tempore cum supra terram frigus est , calent putei , nec minus specus , atque omnes sub terra recessus quia eo se calor contulit , superiora possidenti frigori cedens : qui cum in inferiora peruenit , & eo se quantum poterat ingessit , quod densior , hoc validior est : huic alius superuenit , cui necessario congregatus , ille iam & in angustum pressus , loco cedit . Idem è contrario euenit , cum vis maior frigidi illata in cauernis est : Quidquid illic calidi latet , frigori cedens abit in angustum , & magno impetu agitur : quia non patitur vtriusque natura concordiam , nec in vno moram . Fugiens ergo , & omni modo cupiens excedere , proxima quæque remolitur ac iactat . Ideoque antequam terra moueatur , solet mugitus audiri , ventis in abdito tumultuantibus : nec enim aliter posset , vt ait noster Virgilius ,
Sub pedibus mugire solum , & inga celsa moueri :
 nisi hoc esset ventorum opus . Vices deinde huius pugnae sunt : desinit calidi congregatio , ac rursus eruptio . Tunc frigida compescuntur & succedunt , mox futura potentiora . Dum ergo alterna vis cursat , & vltro citroque spiritus commeat , concutitur .

- CAP. XIV. Sunt qui existiment , spiritu quidem , & nulla alia ratione tremere terram , sed ex alia causa , quam Aristoteli placuit . Quid sit quod ab his dicatur , audi . Corpus nostrum & sanguine irrigatur , spiritu , qui per sua itinera discurrit . Habemus autem quadam angustiora
 ani-

dedit; in ipsam, qua illum emisit, cauernam fundamento spoliata confidit.

CAP. XV. Quidam ita existimant: Tetra multis locis perforata est, nec tantum primos illos aditus habet, quos velut spiramenta ab initio sui recepit sed multos illic casus imposuit. Alicubi diduxit, quidquid superne terreni erat, aqua: alia torrentes exedere, illa æstibus magnis dirupta patuere. Per hæc interualla intrat spiritus: quem si inclusit mare, & adegit, nec fluctus retro abire permisit, tunc ille exitu simul redituque præcluso volutatur. Et quia in rectum non potest tendere, quod illi naturale est, in sublime se intendit, & terram prementem diuerberat.

CAP. XVI. Etiamnum dicendum est, quod plerisque auctoribus placet, & in quod fortasse fiet discessio. Non esse terram sine spiritu, palam est. Non tantum illos dico, quo se tenet, ac partes sui iungit, qui inest etiam saxis mortuisque corporibus: sed illo dico vitali, & vegeto, & alente omnia. Hunc nisi haberet, quomodo tot arbutis spiritum infunderet, non aliunde viuentibus & tot satis? Quemadmodum tam diuersas radices aliter atque aliter in semersa foueret, quasdam summa receptas parte, quasdam altius tractat, nisi multum haberet animæ, tam multa, tam varia generantis, & haustu, atque alimento suo educantis? Leuibus adhuc argumentis ago. Totum hoc cælum, quod igneus æther, mundi summa pars, claudit, omnes hæc stellæ, quarum iniri non potest numerus, omnis hic cælestium cœtus, & (vt alia præteream) hic tam prope à nobis agens cursum sol omni terrarum ambitu non semel maior alimentum ex terreno trahunt, & inter se partuntur: nec vlllo alio scilicet, quàm hallitu terrarum
su-

sustinentur. Hoc illis alimentum, hic pastus est. Non posset autem tam multa, tantaque, & seipsa maiora, terra nutrire, nisi plena esset animæ, quam per diem & noctem ab omnibus partibus suis fundit. Fieri enim non potest, ut non multum illi supersit, ex qua tantum petitur, ac sumitur: & ad tempus quidem, quod exeat, nascitur. Nec enim esset perennis illi copia suffecturi in tot cælestia spiritus, nisi inuicem ista excutirent, & in aliud alia soluerentur. Sed tamen necesse est abundet ac plena sit, & ex condito proferat. Non est ergo dubium, quin multum spiritus lateat intus, & cæca sub terra spatia aer latus obtineat. Quod si verum est, necesse est id sæpe moueatur, quod re mobilissima plenum est. Numquid enim dubium esse potest cuiquam, quin nihil sit tam inquietum quam aer, & tam verlabile & agitatione gaudens?

CAP. XVII. Sequi ergo, ut naturam suam exerceat, quod semper moueri vult, aliquando & alia moueat. Id quando fit? Quando illi cursus interdictus est. Nam quamdiu non impeditur, placide fluit: cum offenditur & retinetur, insanit, & moras suas abruptit, non aliter, quam ille

..... *pontem indignatus Araxes.*

Quamdiu illi facilis & liber est alueus, primas quasque aquas explicat. Vbi laxa manu vel casu illata pressere venientem, tunc impetum mora quæri: & quo plura opposita sunt, plus inuenit virium. Omnis enim illa vnda quæ à tergo superuenit, & in se crescit, cum onus suum sustinere non potuit, vim ruina parat, & prona cum ipsis quæ obiacebant fugit. Idem spiritu fit: qui quo valentior agiliorque est, citius rapitur, & vehementius septum omne distubat. Ex quo
mo

motus sit scilicet eius partis, sub qua pugnatum est. Quod dicitur, verum esse ex illo probatur: sæpe enim cum terræ motus fuit, si modo pars eius aliqua dirupta est, inde ventus per multos dies fluxit; vt traditur factum eo terræ motu, quod Chalcis laborauit: quod apud Asclepiodotum iuuenes, auditorem Posidonij, in ipsis quæstionum naturalium caussis. Inuenies & apud alios auctores, hiasse vno loco terram, & inde non exiguo tempore spirasse ventum: qui scilicet illud iter ipse sibi fecerat, per quod ferebatur.

CAP. XIII. Maxima ergo caussa est propter quam terra moueatur, spiritus natura fixus, & locum è loco mutans. Hic quamdiu non impellitur, & in vacanti spatio latet, iacet innoxius, nec circumiectis molestus est. Vbi illum extrinsecus superueniens caussa sollicitat, compellitque & in arctum agit, scilicet adhuc cedit tantum, & vagatur. Vbi erepta discedenti facultas est, & vndique obsistitur, tunc

..... magna cum murmure montis

Circum claustra fremit,

quæ diu pulsata conuellit ac iactat: eo acrior, quo cum velentiore mora luctatus est. Deinde cum circa perlustrauit omne quo tenebatur, nec potuit euadere, inde quo maxima impactus est, resilit, & aut per occulta diuiditur, ipso terræ motu raritate facta, aut per nouum vulnus emicuit. Ita eius in tanta non potest cohiberi, nec ventum tenet vlla compages: soluit enim quodcumque vinculum, & omnes onus fert secum infususque per minima laxamentum sibi parat, indomita naturæ potentia liber, vtique concitatus, sibi ius suum vindicat. Spiritus vero inuicta res est: nihil enim erit quod

Luctantes ventos, tempestatesque sonoras

Imperio premat, ac vinculis & carcere frænet.
 Sine dubio poetæ hanc voluerant videri carcerem in quo sub terra clausi laterent. Sed hoc non intellexerunt, nec id quod clausulum est, esse adhuc ventum: nec id quod ventus est, posse iam claudi. Nam quod in clauso est, quiescit, & aeris statio est: omnis in fuga ventus est. Etiamnum & illud accedit his argumentis, per quod appareat, motum effici spiritu, quod corpora quoque nostra non aliter tremunt, quam si spiritum aliqua causa conturbat: cum timore contractus est, cum senectute languescit, & venis torpenti bus marcet, cum frigore inhibetur, aut sub accessione cursu suo deijcitur. Nam quamdiu sine iniuria perfluit, & ex more procedit, nullus est tremor corpori: cum aliquid occurrit, quod inhibeat eius officium, tunc parum potens perferendis his quæ suo vigore tenebat, deficiens concutit, quidquid integer tulerat.

CAP. XIX. Metrodorum Chium necesse est audiamus, quod vult sententiæ loco dicentē. Non enim permitto mihi nec eas quidem opinioniones præterire, quas improbo: cum satius sit omnia copiam fieri, & quæ improbamus, damnare potius, quam præterire. Quid ergo dicit? Quomodo in dolio cantantis vox, per totum cum quadam discussione percurrit ac resonat, & tam leuiter mota, tamen circuit, non sine tactu eius tumultuq; quo inclusa est, sic speluncarum sub terra pendentium vastitas habet æra suam; quem simul a lius superne incidens perculsit, agitatur non aliter, quam illi de quibus paullo ante retuli inania indito clamore sonuerunt.

CAP. XX. Veniamus nunc ad eos, qui omnia ista quæ retuli, in causa esse dixerunt, aut ex his plura. Democritus plura putat. Ait enim,

mo-

morum aliquando spiritu fieri, aliquando aqua, aliquando vtroque: & id hoc modo prosequitur. Aliqua pars terræ concaua est, & in hanc aquæ magna vis confluit. Ex hac est aliquid tenue, & ceteris liquidius. Hoc cum superueniente grauitate reiectum est, terris illiditur, & illas mouet. Nec enim fluctuari potest sine motu eius, in quod impingitur. Etiamnum quod modo de spiritu dicebamus, de aqua quoque dicendum est. Vbi in vnum locum congesta est, & capere se desijt, aliquo incumbit, & primo viam pondere aperit, deinde impetu. Nec enim exire nisi per deuexum potest diu inclusa: nec in directum cadere moderate, aut sine concussionem eorum, per quæ, & in quæ cadit. Si vero cum iam rapi cœperit, aliquo loco substitit, & illa vis fluminis in se reuoluta est, in continentem terram repellitur, & illam, qua parte maxime pendet, exagitat. Præterea aliquando madefacta tellus, liquore penitus accepto altius sedit, & fundus ipse vitatur: tunc ea pars premitur, in quâ maxime aquarum vergentium pondus inclinatur. Spiritus vero nonnunquam impellit vndas; & si vehementius institit, eam scilicet terræ partem mouet, in quam coactas aquas intulit. Nonnunquam in terrena itinera coniectus, & exitum quærens, mouet omnia; terra autem penetrabilis ventis est, & spiritus subtilior est, quam vt possit excludi; & vehementior, quàm vt sustineat concitatus, ac rapidus. Omnes istas esse posse causas, Epicurus ait, pluresque alias tentant: & alios qui aliquid vnum ex istis esse affirmauerunt, corripit: cum sit arduum, de ijs quæ coniectura sequenda sunt, aliquid certi promittere. Ergo vt ait, potest terram mouere aqua, si partes aliquas chuit, & abrasit, quibus desijt posse ex-

tenuatis sustineri, quod integris ferebatur. Potest terram mouere impresso spiritus. Fortasse enim aer extrinsecus alio intrante aere agitur. Fortasse aliqua parte subito decedente percutitur, & inde motum capit. Fortasse aliqua parte terræ velut columnis quibusdam ac pilis sustinetur: quibus vitiatas ac recedentibus, tremat pondus impositum. Fortasse calida vis spiritus in ignem versat, & fulmini similis, cum magna strage obstantium fertur. Fortasse palustres & iacentes aquas aliquis flatus impellit, & inde aut ictus terram quatit, aut spiritus agitatio, ipso motu crescens, & se incitans, ab imo in summa usque perfertur: nullam tamen illi placet causam motus esse maiorem, quam spiritum.

CAP. XXI. Nobis quoque placet, hunc spiritum esse, qui tanta possit conari, quo nihil est in rerum natura potius, nihil acius, sine quo nec illa quidem, quæ vehementissima sunt, valent. Ignem spiritus concitat: aquæ, si ventum detrahas, inertes sunt. Tunc demum impetum sumunt, cum illas agis flatus: qui potest dissipare magna spatia terrarum, & novos montes sub rectos extollere, & insulas non ante visas, in medio mari ponere. Theren, & Therasiam, & hanc nostræ ætatis insulam, scestantibus nobis in Ægeo mari enatam, quis dubitat, qui in lucem spiritus vexerit? Duo genera sunt (vt Possidonio placet) quibus moueretur terra: vtrique nomen est proprium. Altera succussio est, cum terra quatitur, & sursum ac deorsum mouetur: altera inclinatio, qua in latera nutat nauigij more. Ego & tertium illud existimo, quod nostro vocabulo signarum est: non enim sine causa tremore terræ dixere maiores qui vtrique dissimilis est, nam nec succutiuntur tunc omnia,
nec

nec inclinantur, nec vibrantur, Res minime in huiusmodi casu noxia, sicut longe perniciosior est inclinato concussione. Nā nisi celeriter & ex altera parte properabit motus, qui inclinata restituat, ruina necessario sequitur. Cū dissimiles ij motus inter se sint, causæ eorum diuersæ sunt.

CAP. XXII. Prius ergo de motu quatiante dicamus. Si quando magna onera per vices vehiculorum plurimum tracta sunt, & rotæ maiore nisu in salebras, inciderunt, terram concuti senties. Asclepiodorus tradit, cū petra è latere mōtis abrupta cecidisset, ædificia vicina tremore collapsa. Idem sub terris fieri potest, vt ex his quæ impendent rupibus aliqua retoluta, magno pondere ac sono in subiacentem cauernam cadat, eo vehementius quo aut plus ponderis venit, aut altius. Et sic commouetur omne testum cauatæ valis. Nec tantum pondere suo abscindi saxa credibile est, sed cū flumina supra ferantur, assiduus humor commissuras lapidis extenuat, & quotidie his ad quæ religatus est aufert; & illam (vt ita dicam) cutem qua continetur, abradit. Deinde longa per æuum diminutio vsque eo infirmat illa, quæ quotidie attriuit, vt desinant esse oneri ferendo. Tunc saxa vasti ponderis decidunt, tunc illa præcipitata rupes, quidquid ab imo repercussit, non passura consistere, . . . *sonitu venit, & ruere omnia visa repente:* vt ait Virgilius noster. Huius motus succurientis terras hæc erit causa. Ad alteram transeo.

CAP. XXIII. Rara terræ natura, est, multumque habens vacui: per has raritates spiritus fertur: qui vbi maior influxit, nec emittitur, concutit terram. Hæc placet & alijs, vt paullo ante reruli, causa: si quid apud te profecturas testium turba est. Hanc etiam Callisthenes probat non

contemntue vir. Fuit enim illi nobile ingenium & furibundi regis impatiens. Hoc est Alexandri crimen æternum, quod nulla virtus, nulla bel-
lorum felicitas redimet. Nam quotiensquis di-
xerit: Occidit Persarum multa millia: oppone-
tur, Et Callisthenem. Quotiens dictum erit, Oc-
cidit Darium, penes quem tunc magnum re-
gnum erat: opponetur, Et Callisthenem. Quo-
tiens dictum erit. Omnia oceano tenus vicit, ip-
sum quoque tentauit nouis classibus, & imperium
ex angulo Thraciæ usque ad Orientis terminos
protulit: dicetur, Sed Callisthenem occidit. Om-
nia licet antiqua ducum regumque exempla tran-
sierit, ex his quæ fecit, nihil tam magnum erit,
quam scelus Callisthenis. Hic Callisthenes in
libris, quibus describit quemadmodum Heli-
ce Butisque mersæ sunt, quis illas casus in ma-
re, vel in illas mare immiserit, dicit id quod in
priori parte dictum est. Spiritus intrat terram
per occulta foramina, quemadmodum vbique;
ita & sub mari. Deinde cum est obstructus ille
trames, per quem descenderat, reditum autem
illi à tergo resistens aqua abstulit, huc & illuc
fertur, & sibi ipse occurrens terram labefactat.
Ideò frequentissime mari opposita vexantur, &
& inde Neptuno hæc assignata est mouendi po-
tentia. Quisquis primas litteras Græcas didi-
cit, scit illum apud Homerum *ὄνυστος ἰγαιος* vo-
cari.

CAP. XXIV. Spiritum esse huius mali caus-
sam, & ipse consentio; de illo disputabo quomo-
do intret hic spiritus: vtrum per tenuia forami-
na, nec oculis comprehensibilia, an per maiora
ac patentiora: & vtrum ab imo, an etiam per
summa terrarum. Hoc incredibile est. Nam
in nostris quoque corporibus cutis spiritum re-
spuit.

spuit : nec est illi introitus, nisi per quem trahitur : nec consistere quidem à nobis receptus potest, nisi in laxiore corporis parte. Non enim inter nervos pulpasque, sed in visceribus & patulo interioris partibus recessu commoratur. Idem de terra suspicari licet, vel ex hoc, quod motus non in summe terræ, circae summa est, sed subter & ab imo. Huius indicium est, quod altitudinis profundæ maria iactantur, moris scilicet his, supra quæ fusa sunt. Ergo verisimile est, terram ex altro moveri, & illic spiritum in cauernis ingentibus concipit. Imo, inquit, ceu cum frigore inhorruimus, tremor sequitur, sic terras quoque spiritus extrinsecus accidens quatit. Quòd nullo modo potest fieri. Algere enim debet, ut idem illi accidat, quod nobis, quos externa causa in horrorem agit. Accidere autem terræ simile quiddam nostræ affectionis, sed non ex simili causa, concesserim. Illam interior & altior iniuria debet impellere : cuius rei argumentum vel maximum hoc potest esse, quòd cum vehementi motu adaperitum ingenti ruina solum est, totas nonnumquam vrbes & recipit hiatus ille, & abscondit. Thucydides ait, circa Peloponnesiaci belli tempus, Atalantam insulam aut totam, aut certe maxima ex parte superfusam. Idem Sidoni accidisse. Posidonio crede. Nec ad hoc testibus opus est. Meminimus enim, terris interno motu diuulsis, loca diffecta & campos interisse. Quòd iam dicam, quemadmodum existimem fieri.

CAP. XXV. Cum spiritus magnum & vacuum terrarum locum penitus oppleuit cœpitque rixari & exitu cogitare ; latera ipsa intra quæ latet, sepius perculit, supra quæ vrbes interdum sitæ sunt : hæc nonnumquam adeo concu-

tiuntur, vt edificia superfusa procumbant! nonnumquam in tantum, vt parietes quibus fertur omne tegimen caui, decidant in illum subter vacantem locum, totæque vrbes in immensam altitudinem vergant. Si velis credere, aiunt, aliquando Ossam Olympo cohæsisse, deinde terrarum motu recessse, & scissam vnus magnitudinem montis in duas partes. Tunc effugisse Pencum, qui paludes quibus laborabat Thessalia, siccauit, abduktis in se quæ sine exitu stagnauerunt aquis. Ladon flumen inter Helim & Megalempolin medius est, quem terrarum motus effudit. Per hoc quid probō? In laxos specus (quid enim aliud apellem loca vacua sub terris?) spiritum conuenire. Quod nisi esset, magna terrarum spatia commouerentur, & vna multa titubarent. Nunc exiguæ partes laborant, nec vnquam per ducenta milliaria motus extenditur. Ecce hic qui impleuit fabulos urbem, non transcendit Campaniam. Quid dicam Chalcis tremuit, Thebas stetit? cū laborauit Ægium, tam propinquas illi Petras de motu solum audisse? Illa vasta concussio, quæ duas suppressit vrbes Helicem & Burin, citra Ægium constitit. Apparet ergo, in tantum spatium motum protendere, quantum illa sub terris vacantis loci inanitas pateat.

CAP. XXVI. Poteram ad hoc probandum abuit auctoritate magnorum virorum qui Aegyptum numquam tremuisse tradunt. Rationem autem huius rei hanc reddunt, quod ex limo toto concreuit. Tantum enim (si Homero fides est) aberat continenti Pharos, quantum nauis diurno cursu metiri plenis lata velis potest: sed continenti admotā est. Turbidus enim defluens Nilus, multumque secum limum trahens,

hens, & cum subinde apponens prioribus terris, Ægyptum annuo incremento semper ultra tulit. Inde pinguis & limosi soli est nec vlla interualla in se habet, sed creuit in solitum accrescente limo: cuius pressat erat & sedens structura, cum partes glutinaremur, nec quidquam inane interuenire poterat, cum solido liquidum ac molle semper accederet. Sed mouetur & Ægyptus & Delos, quam Virgilius stare iussit:

Immotamq; coli dedit, & contemnere ventos.

Hanc philosophi quoque, credula natio, dixerunt non moueri, auctore Pindaro Thucydides ait, antea quidem immotam fuisse, sed circa Peloponnesiacum bellum tremuisse. Callisthenes & alio tempore ait hoc accidisse. Inter multa, inquit, prodigia quibus denunciata est duarum urbium Helices & Buris euersio, fuere maxime notabilia columnia ignis immentis, & Delos agitata. Quam ideo stabilem videri vult, quia mari imposita, habeat concauas rupes & laxa peruia, quæ dent depresso aeri reditum. Ob hoc etiam insulas esse certioris soli, vrbesque eorum tiores, quo propius ad mare accesserunt, Falsa hæc esse: Pompeij & Herculaneum sensere. Adijce nunc, quod omnis ora maris obnoxia est motibus. Sic Paphos non semel corruit, sic nobilis, & huic iam familiaris malo Nicopolis. Cyprum ambit altum mare & agitur, Tyros & ipsa tam mouetur, quam diluitur. Hæ fere causæ redduntur, propter quas tremat terra.

CAP. XXVII. Quædam tamen propria in hoc Campano motu accidisse narratur, quorum ratio reddenda est. Aiunt enim sexcentarum ouium gregem examinatum in Pompeiana regione. Non est quare hoc putes onibus illis timore accidisse. Diximus solere post magnos terrarum

motus pestilentiam fieri. Nec id mirum est : multa enim mortifera in alto latent. At ær ipse, qui vel terrarum culpa vel pigritia, & æterna nocte torpescit, grauis haurientibus est: vel corruptus, internorum ignium vitio, cùm est longo situ emissus, purum hunc liquidumque maculat, ac polluit, insuetumque ducentibus spiritum, affert noua genera morborum. Quid, quod aquæ quoque inutiles pestilentesque in abito latent, vt quas numquam vsus exerceat numquam aura liberiore euerberet? Crassæ itaque, & graui caligine sempiternaque tectæ, nihil nisi pestiferum in se & corporibus nostris contrarium habent. Aer quoque qui mixtus est illis, quique inter illas plaudes iacet, cùm emerit: late vitium suum spargit, & haurientes necat. Facilius autem pecora sentiunt, in quæ pestilentia incurrere solet quo audiora sunt: aperto cælo plurimum vtuntur, & aquis, quarum maxima in pestilentia culpa est. Oves verò mollioris naturæ, quo propria terra ferunt capita, coreptas esse non miror, cùm afflatus diri aeris circa ipsam humum exceperint. Nocuisset ille & hominibus, si maior exisset: sed illum copia aeris sinceri exstinxit, antequam vt ab homine posset trahi, surgeret.

CAP. XXVIII. Multa autem terras habere mortifera, vel ex hoc intellige, quod tot venena nascuntur, non manu sparsa, sed sponte, solo scilicet habente, vt boni, ita mali semina. Quid, quod pluribus Italiæ locis per quædam foramina pestilens exhalatur vapor, quem non homini ducere, non feræ tutum est? Anes quoque si in illum inciderint, antequam cælo meliore leniantur in ipso volatu cadunt, liuentque corpora, & non aliter quàm per yim elisæ fau-

ces tument. Hic spiritus quamdiu terris continetur, tenui foramine fluens, non plus potentia habet, quam ut despectantia & ultro sibi illata conficiat. Vbi per fascicula conditis tenebris ac tristitia loci creuit in vitium, ipsa ingrauescit mora; peior, quò legnior. Cum autem exitum nactus est, æternum illud vmbrosi frigoris malum, & infernam noctem soluit, ac regionis nostræ aere infuscat. Vincuntur enim meliora peioribus. Tunc etiam illi spiritus purior transit in noxium: Inde subitæ continuæque mortes, & monstrosa genera morborum, ut ex nouis orta causis. Brevis aut longa cludes est, prout vitia valuerunt: Nec prius pestilentia desinit, quàm spiritum illum grauem exercuit latitas cæli, ventorum iactatio.

CAP. XXIX. Nam quod aliquot insanis attonitisque similes discurrere fecit metus, qui excutit mentes, ubi priuatus ac modicus est: quid ubi publice tetret, ubi cadunt vrbes, populi opprimuntur, terra concutitur; quid mirum est, animos inter dolorem & metum destitutos aberrasse? Non est facile; inter magna mala concipere. Itaque lenissima fere ingenia in tantum venere formidinis, ut sibi exciderent. Nemo quidem sine aliqua iactura fanitatis expauit similesque furenti, quisquis timet: sed alios citò timor sibi reddit, alios vehementius perturbat, & in dementiam transfert. Inde inter bella errare lymphatici: nec vsquam plura exempla vaticinantium inuenies, quàm ubi formido mentes religionem mixta percussit. Statuam diuisam non miror, cum dixerim montes à montibus recessisse, & ipsum diruptum esse ab imo solum. *Hæc loca, ut quondam & vasta conuulsa ruina, (Tantum cui longinqua valet mutare vetustas)*

Imperio premat, ac vinculis & carcere frænæ.
 Sine dubio poetæ hanc voluerant videri carcerem in quo sub terra clausi laterent. Sed hoc non intellexerunt, nec id quod clausulum est, esse adhuc ventum: nec id quod ventus est, posse iam claudi. Nam quod in clauso est, quiescit, & aeris statio est: omnis in fuga ventus est. Etiamnum & illud accedit his argumentis, per quod appareat, motum effici spiritu, quod corpora quoque nostra non aliter tremunt, quam si spiritum aliqua causa conturbat: cum timore contractus est, cum senectute languescit, & venis torpentibus marcet, cum frigore inhibetur, aut sub accessionem cursu suo deijcitur. Nam quamdiu sine iniuria perfluit, & ex more procedit, nullus est tremor corpori: cum aliquid occurrit, quod inhibeat eius officium, tunc parum potens perferendis his quæ suo vigore tenebat, deficiens concutit, quidquid integer tulerat.

CAP. XIX. Metrodorum Chium necesse est audiamus, quod vult sententiæ loco dicentē. Non enim permitto mihi nec eas quidem opiniones præterire, quas improbo: cum satius sit omnia copiam fieri, & quæ improbamus, damnare potius, quam præterire. Quid ergo dicit? Quomodo in dolio cantantis vox, per totum cum quadam discussione percurrit ac resonat, & tam leuiter mota, tamen circuit, non sine tactu eius tumultuq; quo inclusa est, sic speluncarum sub terra pendentium vastitas habet æra suam; quem simul alius superne incidens percussit, agitatur non aliter, quam illi de quibus paullo ante retuli inania indito clamore sonuerunt.

CAP. XX. Veniamus nunc ad eos, qui omnia ista quæ retuli, in causa esse dixerunt, aut ex his plura. Democritus plura putat. Ait enim,
 mo-

morum aliquando spiritu fieri, aliquando aqua;
 aliquando utroque: & id hoc modo prosequi-
 tur. Aliqua pars terræ concaua est, & in hanc
 aquæ magna vis confluit. Ex hac est aliquid te-
 nue, & ceteris liquidius. Hoc cum superuenien-
 te grauitate reiectum est, terris illiditur, & illas
 mouet. Nec enim fluctuari potest sine motu
 eius, in quod impingitur. Etiamnum quod mo-
 do de spiritu dicebamus, de aqua quoque dicen-
 dum est. Vbi in vnum locum congesta est, &
 capere se desijt, aliquo incumbit, & primo viam
 pondere aperit, deinde impetu. Nec enim exire
 nisi per deuexum potest diu inclusa: nec in di-
 rectum cadere moderate, aut sine concussione
 eorum, per quæ, & in quæ cadit. Si vero cum
 iam rapi cœperit, aliquo loco substitit, & illa vis
 fluminis in se reuoluta est, in continentem ter-
 ram repellitur, & illam, qua parte maxime pen-
 det, exagitat. Præterea aliquando madefacta
 tellus, liquore penitus accepto altius sedit, & fun-
 dus ipse vitiatur: tunc ea pars premitur, in quâ
 maxime aquarum vergentium pondus inclinât.
 Spiritus vero nonnunquam impellit vndas; & si
 vehementius institit, eam scilicet terræ partem
 mouet, in quam coactas aquas intulit. Nonnum-
 quam in terrena itinera coniectus, & exitum
 quærens, mouet omnia; terra autem penetrabilis
 ventis est, & spiritus subtilior est, quam ut possit
 excludi; & vehementior, quàm ut sustineat con-
 citatus, ac rapidus. Omnes istas esse posse caus-
 sas, Epicurus ait, pluresque alias tentant: & alios
 qui aliquid vnum ex istis esse affirmauerunt,
 corripit: cum sit arduum, de ijs quæ coniectura
 sequenda sunt, aliquid certi promittere. Ergo
 ut ait, potest terram mouere aqua, si partes
 aliquas chuit, & abrasit, quibus desijt posse ex-

tenuatis sustineri, quod integris ferebatur. Potest terram mouere impresso spiritus. Fortasse enim aer extrinsecus alio intrante aere agitatur. Fortasse aliqua parte subito decedente percutitur, & inde motum capit. Fortasse aliqua parte terræ velut columnis quibusdam ac pilis sustinetur: quibus vitariis ac recedentibus, remittit pondus impositum. Fortasse calida vis spiritus in ignem versat, & fulmini similis, cum magna strage obstantium fertur. Fortasse palustres & iacentes aquas aliquis flatus impellit, & inde aut ictus terram quatit, aut spiritus agitatio, ipso motu crescens, & se incitans, ab imo in summa usque perfertur: nullam tamen illi placeat causam motus esse maiorem, quam spiritum.

CAP. XXI. Nobis quoque placet, hunc spiritum esse, qui tanta possit conari, quo nihil est in rerum natura potius, nihil acrius, sine quo nec illa quidem, quæ vehementissima sunt, valent. Ignem spiritus concitat: aquæ, si ventum detrahas, inertes sunt. Tunc demum impetum sumunt, cum illas agis flatus: qui potest dissipare magna spatia terrarum, & novos montes sub rectos extollere, & insulas non ante visas, in medio mari ponere. Theren, & Therasiam, & hanc nostræ ætatis insulam, scestantibus nobis in Ægei mari enatam, quis dubitat, qui in lucem spiritus vixerit? Duo genera sunt (vt Possidonio placet) quibus moueretur terra: vtrique nomen est proprium. Altera succussio est, cum terra quatitur, & sursum ac deorsum mouetur: altera inclinatio, qua in latera nutat nauigij more. Ego & tertium illud existimo, quod nostro vocabulo signarum est: non enim sine causa tremore terræ dixere maiores qui vtrique dissimilis est, nam nec succutiuntur tunc omnia, nec

nec inclinantur, nec vibrantur, Res minime in huiusmodi casu noxia, sicut longe perniciosior est inclinato concussione. Nā nisi celeriter & ex altera parte properabit motus, qui inclinata restituat, ruina necessario sequitur. Cū dissimiles ij motus inter se sint, causæ eorum diuersæ sunt.

CAP. XXII. Prius ergo de motu quatiēte dicamus. Si quando magna onera per vices vehiculorum plurimum tracta sunt, & rotæ maiore nisu in salebras, inciderunt, terram concuti senties. Asclepiodorus tradit, cū petra è latere mōtis abrupta cecidisset, ædificia vicina tremore collapsa. Idem sub terris fieri potest, vt ex his quæ impendent rupibus aliqua retoluta, magno pondere ac sono in subiacentem cauernam cadat, eo vehementius quo aut plus ponderis venit, aut altius. Et sic commouetur omne tectum cauatae valis. Nec tantum pondere suo abscindi saxa credibile est, sed cū flumina supra ferantur, assiduus humor commisiuras lapidis extenuat, & quotidie his ad quæ religatus est aufert, & illam (vt ita dicam) cutem qua continetur, abradit. Deinde longa per æuum diminutio vsque eo infirmat illa, quæ quotidie attriuit, vt desinant esse oneri ferendo. Tunc saxa vasti ponderis decidunt, tunc illa præcipitata rupes, quidquid ab imo percussit, non passura consistere, . . . *sonitu venit, & ruere omnia visa repente:* vt ait Virgilius noster. Huius motus succurientis terras hæc erit causa. Ad alteram transeo.

CAP. XXIII. Rara terræ natura, est, multumque habens vacui: per has raritates spiritus fertur: qui vbi maior influxit, nec emittitur, concutit terram. Hæc placet & alijs, vt paullo antea reruli, causa: si quid apud te profecturas testium turba est. Hanc etiam Callisthenes probat non

contemntue vir. Fuit enim illi nobile ingenium & furibundi regis impatiens. Hoc est Alexandri crimen æternum, quod nulla virtus, nulla bel-
lorum felicitas redimet. Nam quoricens quis di-
xerit: Occidit Persarum multa millia: oppone-
tur, Et Callisthenem. Quoricens dictum erit, Oc-
cidit Darium, penes quem tunc magnum re-
gnum erat: opponetur, Et Callisthenem. Quo-
tiens dictum erit. Omnia oceano tenus vicit, ip-
sum quoq; tentauit nouis classibus, & imperium
ex angulo Thraciæ vsque ad Orientis terminos
protulit: dicetur, Sed Callisthenem occidit. Om-
nia licet antiqua ducum regumq; exempla tran-
sierit, ex his quæ fecit, nihil tam magnum erit,
quam scelus Callisthenis. Hic Callisthenes in
libris, quibus describit quemadmodum Heli-
ce Butisq; mersæ sunt, quis illas casus in ma-
re, vel in illas mare immiserit, dicit id quod in
priori parte dictum est. Spiritus intrat terram
per occulta foramina, quemadmodum vbique,
ita & sub mari. Deinde cum est obstructus ille
trames, per quem descenderat, reditum autem
illi à tergo resistens aqua abstulit, huc & illuc
fertur, & sibi ipse occurrens terram labefactat.
Ideò frequentissime mari opposita vexantur, &
& inde Neptuno hæc assignata est mouendi po-
tentia. Quisquis primas litteras Græcas didi-
cit, scit illum apud Homerum *ὄνυος ἰγαιος* vo-
cari.

CAP. XXIV. Spiritum esse huius mali causam, & ipse consentio; de illo disputabo quomo-
do intret hic spiritus: vtrum per tenuia forami-
na, nec oculis comprehensibilia, an per maiora
ac patentiora: & vtrum ab imo, an etiam per
summa terrarum. Hoc incredibile est. Nam
in nostris quoque corporibus cutis spiritum re-
spicit.

spuit: nec est illi introitus, nisi per quem trahitur: nec consistere quidem à nobis receptus potest, nisi in laxiore corporis parte. Non enim inter nervos pulpasue, sed in visceribus & patulo interioris partibus recessu commoratur. Idem de terra suspicari licet, vel ex hoc, quod motus non in summe terræ, circaue summa est, sed subter & ab imo. Huius indicium est, quod altitudinis profundæ maria iactantur, moris scilicet his, supra quæ fusa sunt. Ergo verisimile est, terram ex alto moveri, & illic spiritum in cauernis ingentibus concipit. Imo, inquit, ceu cum frigore inhorruimus, tremor sequitur, sic terras quoque spiritus extrinsecus accidens quatit. Quòd nullo modo potest fieri. Algere enim debet, vt idem illi accidat, quod nobis, quos externa causa in horrorem agit. Accidere autem terræ simile quiddam nostræ affectionis, sed non ex simili causa, concesserim. Illam interior & altior iniuria debet impellere: cuius rei argumentum vel maximum hoc potest esse, quòd cum vehementi motu adaperitum ingenti ruina solum est, totas nonnumquam vrbes & recipit hiatus ille, & abscondit. Thucydides ait, circa Peloponnesiaci belli tempus, Atalantam insulam aut totam, aut certe maxima ex parte superfusam. Idem Sidoni accidisse. Posidonio crede. Nec ad hoc testibus opus est. Meminimus enim, terris interno motu diuulsis, loca diffecta & campos interisse. Quòd iam dicam, quemadmodum existinem fieri.

CAP. XXV. Cum spiritus magnum & vacuum terrarum locum penitus oppleuit cœpitque rixari & exitu cogitare; latera ipsa intra quæ latet, sepius perculit, supra quæ vrbes interdum sitæ sunt: hæc nonnumquam adeo concu-

tiuntur , vt edificia superfusa procumbant ! nonnumquam in tantum , vt parietes quibus fertur omne tegimen caui , decidant in illum subter vacantem locum , totæque vrbes in immensam altitudinem vergant . Si velis credere , aiunt , aliquando Ossam Olympo cohæsisse , deinde terrarum motu recessse , & scissam vnus magnitudinem montis in duas partes . Tunc effugisse Peneum , qui paludes quibus laborabat Thessalia, siccauit, abductis in se quæ sine exitu stagnauerunt aquis . Ladon flumen inter Helim & Megalempolin medius est, quem terrarum motus effudit . Per hoc quid probō? In laxos specus (quid enim aliud apellem loca vacuâ sub terris ?) spiritum conuenire . Quod nisi esset , magna terrarum spatia commouerentur , & vna multa titubarent . Nunc exiguæ partes laborant , nec vnquam per ducenta miliaria motus extenditur . Ecce hic qui impleuit fabulos urbem , non transcendit Campaniam . Quid dicam Chalcis tremuit, Thebas steterisse? cùm laborauit Ægium , tam propinquas illi Petras de motu solum audisse ! Illa vasta concussio , quæ duas suppressit vrbes Helicem & Burin , citra Ægium constitit . Apparet ergo , in tantum spatium motum protendere , quantum illa sub terris vacantis loci inanitas pateat .

CAP. XXVI. Poteram ad hoc probandum abuit auctoritate magnorum virorum qui Aegyptum numquam tremuisse tradunt . Rationem autem huius rei hanc reddunt, quod ex limo toto concreuit . Tantum enim (si Homero fides est) aberat continenti Pharos , quantum nauis diurno cursu metiri plenis lata velis potest : sed continenti admotâ est . Turbidus enim defluens Nilus , multumque secum limum trahens,

hens, & cum subinde apponens prioribus terris, Ægyptum annuo incremento semper ultra tulit. Inde pinguis & limosi soli est nec vlla intervalla in se habet, sed crevit in solitum atrescente limo: cuius pressat erat & sedens structura, cum partes glutinaremur, nec quidquam inane interuenire poterat, cum solido liquidum ac molle semper accederet. Sed mouetur & Ægyptus & Delos, quam Virgilius stare iussit:

Immotamq; coli dedit, & contemnere ventos.

Hanc philosophi quoque, credula natio, dixerunt non moueri, auctore Pindaro Thucydides ait, antea quidem immotam fuisse, sed circa Peloponnesiacum bellum tremuisse. Callisthenes & alio tempore ait hoc accidisse. Inter multa, inquit, prodigia quibus denunciata est duarum urbium Helices & Buris euersio, fuere maxime notabilia columnia ignis immentis, & Delos agitata. Quam ideo stabilem videri vult, quia mari imposita, habeat concavas rupes & saxa peruia, quæ dent depresso aeri reditum. Ob hoc etiam insulas esse certioris soli, vrbesque cotiores, quo propius ad mare accesserunt, Falsa hæc esse: Pompeij & Herculaneum sensere. Adijce nunc, quod omnis ora maris obnoxia est motibus. Sic Paphos non semel corrui, sic nobilis, & huic iam familiaris malo Nicopolis. Cyprium ambit altum mare & agitur, Tyros & ipsa tam mouetur, quam diluitur. Hæ fere causæ redduntur, propter quas tremuit terra.

CAP. XXVII. Quædam tamen propria in hoc Campano motu accidisse narratur, quorum ratio reddenda est. Aiunt enim sexcentarum ouium gregem examinatum in Pompeiana regione. Non est quare hoc putes onibus illis timore accidisse. Diximus solere post magnos terrarum

ces tument. Hic spiritus quamdiu terris continetur, tenui foramine fluens, non plus potentia habet, quam ut despectantia & ultro sibi illata conficiat. Vbi per secula conditis tenebris ac tristitia loci creuit in vitium, ipsa ingrauescit mora; peior, quod segnior. Cum autem exitum nactus est, æternum illud umbræ frigoris malum, & infernam noctem soluit, ac regionis nostræ aere infuscat. Vincuntur enim meliora peioribus. Tunc etiam illi spiritus purior transit in noxium: Inde subitæ continuæque mortes, & monstruosa genera morborum, ut ex nouis orta causis. Brevis aut longa cludes est, prout vitia valuerunt. Nec prius pestilentia desinit, quàm spiritum illum grauem exercuit latitas cæli, ventorum iactatio.

CAP. XXIX. Nam quod aliquot insanis attonitisque similes discurrere fecit metus, qui excutit mentes, ubi priuatus ac modicus est: quid ubi publice tetret, ubi cadunt vrbes, populi opprimuntur, terra concutitur; quid mirum est, animos inter dolorem & metum destitutos aberrasse? Non est facile, inter magna mala concipere. Itaque lenissima fere ingenia in tantum venere formidinis, ut sibi exciderent. Nemo quidem sine aliqua iactura fanitatis expauit similesque furenti, quisquis timet: sed alios citò timor sibi reddit, alios vehementius perturbat, & in dementiam transfert. Inde inter bella errare lymphatici: nec vsquam plura exempla vaticinantium inuenies, quàm ubi formido mentes religione mixta percussit. Statuam diuisam non miror, cum dixerim montes à montibus recessisse, & ipsam disruptum esse ab imo solium. *Hæc loca, ut quondam & vasta conuulsa ruina, (Tantum eni longinqua. valet mutare vetustas)*

*Diffiluisse ferunt, cum protinus utraq; tellus
Una foret, venit medio vi pontus, & undis
Hesperium Siculo latus abscidit, aruaque
& vrbes.*

Littore diductas, angustio interluit aestu.

Vides totas regiones à suis sedibus reuelli, & trans mare iacere, quòd in confinio fuerat: vides & vrbiū fieri gentiumque discidium, cum pars naturæ concitata est ex se, vel aliquod mare ingens spiritus impegit, quorum mira, vt ex toto, vis est. Quàm vis enim parte sæuiat, mundi tamen viribus sæuit. Sic & Hispanias à contextu Africæ, mare eripuit. Sic hac inundatione, quàm poetarum maximi celebrant, ab Italia Sicilia resecta est. Aliquando autem plus impetus habent, quæ ex infimo veniunt. Acriora enim sunt, in quibus nisus est per angusta. Quanta res ij terrarum tremores, quamque mira spectacula ediderint, satis dictum est.

CAP. XXX. Cur ergo aliquis ad hoc stupet, quòd es vnius statuæ, ne solidum quidem, sed concavum ac tenue, diruptum est; cum fortasse in illud se spiritus, quærens fugam, incluserit. Illud verò quis nescit? Diductis ædificia angulis vidimus moueri, iterumque componi. Quædam verò parum aptata positu suo, & à fabris negligentius solutiusque composita, terræmotus sæpius agitata compegit. Quòd si totos parietes & totas fingit domos, & latera magnarum turrium, quæ solida sunt, scindit, & pilas operibus subditas dissipat, quid est, quare quisquam pignum adnotari putet, sectam esse æqualiter ab imo ad caput in partes duas statuam? Quare tamen per plures dies mutus fuit? Non desijs enim assidue tremere Campania, clementius quidem, sed ingenti damno, quia pressa & quassa

quassa quatiebat: quibus ad cadendum male stantibus, non erat impelli, sed agitari. Non dum videlicet spiritus omnis exierat, sed adhuc emissa parte maiore obberabat.

CAP. XXXI. Inter argumenta quibus probatur, spiritu ista fieri, non est quòd dubites & hoc ponere. Cùm maximus editus tremor est, quo in vrbes terrasque sæuitum est, non potest par illi subsequi alius, sed post maximum leues morus sunt, quia vehementius exitum ventis luctantibus fecit. Reliquiæ deinde residui spiritus non idem possunt, nec illis pugna est: cùm iam viam inuenierit, sequanturque ea qua prima vis ac maxima euasit. Hoc quoque dignum memoria iudico, ab eruditissimo & grauissimo viro cognitum; fortè enim cùm hoc euenit, lauabatur: vidisse se affirmabat in balneo tessellæ, quibus solùm erat stratum, alteram ab altera separari, iterumque committi: & aquam modo recipi in commissuras, pauimento recedente; modo, compresso, bullire & elidi. Eundem audiui narrantem, vidisse se, molles materies mollius crebriusque temere, quàm naturas curas.

CAP. XXXII. Hæc, Lucili virorum optime, quantum ad ipsas causas. Illa nunc quæ ad confirmationem animorum pertinet: quos magis refert nostra, fortiores fieri, quàm doctiores. Sed alterum sine altero non fit. Non enim aliunde animo venit robur, quàm à bonis artibus, quàm à contemplatione naturæ. Quem enim non hic ipse casus aduersus omnes firmauerit & euexerit? Quid est enim cur ego hominem aut feram, quid est cursagittam aut lanceã tremam? maiora me pericula exspectant. Fulminibus, & terris, & magnis naturæ partibus petimur. Ingenti itaque ipso mors prouocanda est, sine

nos æquo vastoque impetu aggreditur, siue
quotidiano & vulgari exitu : nihil refert quàm
minax veniat quantumque sit , quod in nos
trahat: quod à nobis petit minimum est. Hoc se-
nectus à nobis ablatura est, hoc auriculæ dolor
hoc in nobis humoris corrupti abundantia, hoc
cibus parum obsequens stomacho, hoc pes le-
uiter offensus . Pusilla res est hominis anima :
sed ingens res est contemptus animæ . Hanc
qui contempserit, securus videbit maria tur-
bari: etiam si illa omnes excitauerint venti ;
etiam si æstus, aliqua perturbatione mundi, to-
tum in terras verterit oceanum . Securus adspi-
ciet fulminantis cæli crucem, & horridam fa-
ciem ; frangatur licet cælum, & ingnes suos in
exitum omnium, in primis suum, misceat . Se-
curus adspiciet ruptis compagibus dehiscens
solum . Illa licet inferiorum regna retegantur,
stabit super illam voraginem intrepidus & for-
tasse quo debet cadere, desiliet . Quid ad me,
quam sint magna quibus pereo ? Ipsum perire
non est magnum . Proinde si volumus esse fe-
lices, si nec hominum, nec deorum nec rerum
timore vexari, si perspicere fortunam superuacua
promittentem, leuia minitantem, si volumus
tranquille degere, & ipsis dijs de felicitate con-
trouersiam facere anima in expedito est habenda .
Siue illam insidiæ, siue morbi petent, siue
hostium gladij, siue insultarum cadentium fra-
gor, siue ipsarum ruina terrarum, siue vasta vis
ignium, vrbes agrosque pari clade complexa,
cum libet illi, eam accipiat. Quid aliud debeo,
quàm exeuntem hortari, & cum bonis omnibus
emittere ? Vade fortiter, vade feliciter. Nihil du-
bitaueris reddere. Non de te, sed de tempore est
quæstio . Facis quod quandoque faciendum est.

Nec

Nec rogaueris, nec timueris, nec te velut in aliquod malum exiturum tuleris retro. Rerum natura te, quæ genuit, exspectat, & locus melior ac tutior. Illic non tremunt terræ, nec inter se venti cum magno nubium fragore concurrunt, non incendia regiones vrbesque vastant, non naufragiorum totas classes sorbentium metus est, non arma contraria disposita vexillis, & in mutuam perniciem multorum millium par furor, non pestilentia, & ardentes promiscue, communes populi cadentibus rogi. Istud leue est; quid timeamus? Graue est: potius semel incidat, quam semper impendeat. Ego autem perire timeam, cum terra ante me pereat, cum ista quatiuntur quæ quatiunt, & in iniuriâ nostram non sine sua veniunt? Helicen Burinque totas mare accepit: ego de vno corpusculo timeam? Supra oppida duo nauigatur: duo autem, quæ nouimus, quæ in nostram notitiam memoria litteris seruata perduxit. Quam multa alia alijs locismersa sunt? quot populos aut terra in se, aut mare inclusit? Ego recusem mei finem, cum sciam me sine fine non esse? imo cum sciam omnia esse finita? Ego vltimum suspirium timeam? Quantum potest itaque ipsa te cohortare, Lucili, contra metum mortis. Hic est qui nos humiles facit: hic est qui ipsam vitam, cui parcat, inquietat ac perdit. Hic omnia ista dilatat, terrarum motus, & fulmina. Quæ omnia feres constanter, si cogitaueris nihil interesse inter exiguum tempus, & longum. Horæ sunt quas perdimus. Puta dies esse, puta menses, puta annos: perdimus illos, nempe perituros. Quid, oro te, refert, num perueniam ad illos? fuit tempus, & audissimosui defecit. Nec quod futurum est, necum est, nec quod

quod fuit. In puncto fugientis temporis pendeo: & magni est, modicum fuisse. Eleganter Lælius ille sapiens dicenti cuidam, Sexaginta annos habeo: Hos, inquit, dicis sexaginta, quos non habes? Nec ex hoc quidem intelligimus incomprehensibilis vitæ conditionem, & sortem temporis semper alieni, quod annos anumeramus omisso. Hoc affligamus animo, hoc nobis subinde dicamus: Moriendum est. Quando? Quid tua? Mors naturæ lex est, mors tributum officiumque mortalium, malorumque omnium remedium est. Optabit illam, quilquis timet, Omnibus omisso, hoc vnum, Lucili, meditare, ne mortis nomen reformides: effice illa tibi cogitatione multa familiarem: ut si ita tueris, possis illi vel obuiam exire.

LIBER SEPTIMVS & VLTIMVS.

In quo agitur de Cometis.

Argumentum.

Liber hic totus in Cometarum pertractatione consumitur, pleraque ab Aristotele mutuatus. Sententiam tamen eius, uti Democriti, Epigenis, Appollonii, Myndii, Callisthenis, Artemidori, Ephori, imo Zenonis sui refellit: ac tandem in opinionem veterum fidus Chaldaeorum discedit. Cometam verum fidus esse ex illis æternis, ex altitudine ætheris ingenti in oculos mortalium submitti, deinde rursus recipit. Motus quidem Cometarum nondum satis certas, comprehensas esse, sed futurum olim auguratur tempus, quo posteris tam
aper-

aperta maiores suos nesciuisse mirentur. Quædam etiam ex duobus æui sui Cometis discit, quorum prior sub Claudio, alter sub Nerone effulsit. Denique solemni more cum vitiis in rixam descendit. Non mirum ista, & plura alia nesciri, cum nemo nisi libidinis, ganeis, histrionibus, & pantonimis studeat, vacuis, & desertis philosophorum scholis.

CAPVT I.

Nemo usque eo tardus, & hebes, & demissus in terram est, vt ad diuina non erigatur, ac tota mente consurgat: vtique vbi nouum aliquod è cælo miraculum fulsit. Nam quamdiu solita decurrunt, magnitudinem rerum consuetudo subducit. Ita enim compositi sumus, vt nos quotidiana, etiamsi admiratione digna sunt, transeant: contra minimarum quoque rerum, si insolitæ prodierunt, spectaculum dulce fiat. Hic itaque cætus astrorum, quibus im mensi corporis pulchritudo distinguitur, populum non conuocat. At cum aliquid ex more mutatum est, omnium vultus in cælo est. Sol spectatorem, nisi cum deficit, non habet. Nemo obseruat Lunam, nisi laborantem. Tunc vrbes conelamant, tunc pro se quisque superstitione vana trepidat. Quanto illa maiora sunt, quod Sol totidem (vt ita dicam) gradus, quot dies habet, & annum circuitu suo claudit: quod à solstitio statim inclinat, & dat spatium noctibus: quod sidera abscondit: quod terras, cum tanto maior sit illis, non vrit, sed calorem suum intensioribus, ac remissionibus temperando fouet: quod Lunam numquam implet, nisi aduersam sibi, nec obscurat. Hæc tamen non annotamus, quamdiu ordo

ordo seruatur. Si quid turbatum est, aut præter consuetudinem emicuit, spectamus, interrogamus, ostendimus. Adeo naturale est, magis noua, quam magna mirari. Idem in Cometis fit. Si rarus & insolitæ figuræ ignis apparuit, nemo non scire quid sit, cupit: & oblitus aliorum, de aduentitio, quærit; ignarus, vtrum debeat mirari, an timere. Non enim defunt qui terreant, qui significationes eius graues prædicent. Sciscitantur itaque; & cognoscere volunt, prodigium sit, an fidus. At mehercules non aliud quis aut magnificentius quæsierit, aut didicerit uilius, quàm de stellarum siderumque natura: vtrum flamma contracta; quod & visus noster affirmat, & ipsum ab illis fluens lumen, & calor inde descendens: an non sint flammei orbes, sed solida quædam terrenaque corpora, quæ per igneos tractus labentia inde splendorem trahant, coloremque, non de suo clara. In qua opinione magis fuisse viri, qui sidera crediderunt ex duro concreta, & ignem alienum pascencia. Nam per se, inquiunt, flamma diffunderet, nisi aliquid haberet quod teneret, & à quo teneretur, conglobatamque nec stabili inditam corpori, profecto iam mundus turbine suo dissipasset.

CAP. II. Ad hæc inuestiganda proderit quærere, inum Cometæ eius conditionis sint, cuius superiora. Videntur enim cum illis quædam habere communia, ortus & occasus, ipsam quoque, quamuis spargatur & longius exeant, faciem: æque enim ignei splendidique sunt. Itaque si omnia terrena sidera sunt, his quoque eadem fors erit. Si vero nihil aliud sunt quam purus ignis, manentque mensibus senis, nec illos conuersio mundi soluit & velocitas: illa quoque

que possunt & tenui constare materia, nec ob hoc discuti assiduo cœli circumactu. Illo quoque pertinebit hoc excussisse, ut sciamus, utrum mundus terra stantes circumeat, an mundo stante terra vertatur. Fuerunt enim qui dicerent, nos esse, quos rerum natura nescientes ferat, nec cœli motu fieri ortus & occasus, sed ipsos oriri & occidere. Digna res est contemplatione, ut sciamus in quo rerum statu simus: pigerrimam sortiri, an velocissimam sedem: circa nos Deus omnia, an nos agat. Necessarium est autem, veteres ortus Cometarum habere collectos. Deprehendi enim propter raritatem eorum cursus adhuc non potest, nec explorari, an vices feruent, & illos ad suum diem certus ordo producat. Noua hæc cœlestium observatio est, & nuper in Græciam inuenta.

CAP. III. Democritus quoque, subtilissimus antiquorum omnium suspicari ait se, plures stellas esse quæ currant: sed nec numerum illarum posuit, nec nomina, nondum comprehensis quinque siderum cursibus. Eudoxus primus ab Ægypto hos motus in Græciam transtulit. Hic tamen de Cometis nihil dicit. Ex quo apparet, ne apud Ægyptos quidem, quibus maior cœli cura fuit, hanc partem elaboratam. Conon postea diligens & ipse inquisitor, defectiones quidem solis seruatas ab Ægyptis collegit, nullam autem mentionem fecit Cometarum; non prætermisurus, si quid explorari apud illos comperisset. Duo certe, qui apud Chalædos studuisse se dicunt. Epigenes, & Apollonius Myndius, peritissimus inspiciendorum naturalium, inter se dissident. Hic enim ait, Cometas in numero stellarum errantium poni à Chalæis, tenerique cursus eorum. Epigenes contra
ait,

ait, Chaldaeos nihil de Comeris habere comprehensi, sed videri illos accendi turbine quodam aeris concitati, & intorti.

CAP. IV. Primum ergo, si tibi videtur, opinionones huius ponamus, ac refellamus. Huic videtur plurimum virium habere, ad omnes sublimium motus, stella Saturni. Hæc cum proxima signa Marti premit, aut in Lunæ viciniam transit, aut in Solis incidit radios, natura ventosa & frigida contrahit pluribus locis aera, conglobatque. Deinde si radios Solis assumpsit, tonat, fulguratque. Si Martem quoque consentientem habet, fulminat. Præterea, inquit, aliam materiam habent fulmina, aliam fulgurationes. Aquarum enim & omnis humidi euaporatio, splendores tantum cœli citra ictum minaces mouet: illa autem calidior sicciorque terrarum exhalatio, fulmina extundit. Trabes verò & faces, quæ nullo alio inter se quàm magnitudine distant, hoc modo fiunt. Cum humida terrenaque in se globus aliquis aeris clausit, quem turbinem dicimus, quacumque fertur, præbet speciem ignis extenti. Quæ tam diu durat, quamdiu mansit aeris illa complexio, humidi intra se terrenique multum vehens.

CAP. V. Vt à proximis mendacijs incipiam, falsum est, faces & trabes exprimi turbine. Turbo enim circa terras concipitur ac fertur. Ideoque arbuta radicitus vellit, & quocumque incubuit, solum nudat: siluas interim & tecta corripiciens, inferior fere nubibus, vti que numquam altior. At contra trabes editor cœli pars ostentat. Ita numquam nubibus obstiterunt. Præterea turbo omni nube velocior raptus, & in orbem vertitur. Super ista velociter desinit, & ipse se sua vi rumpit. Trabes autem non transcur-

securant, nec præteruolant, ut faces, sed commorantur, & in eadem parte cæli collucunt. Charimander quoque, in eo libro quem de Cometis composuit, ait, Anaxagoræ visum grande insolitumque cælo lumen magnitudine amplius trabis & id per multos dies fuisse. Talem effigiem ignis longi fuisse, Callistenes tradit, antequam Burin & Helicen mare absconderet. Aristoteles ait, non trabem illam, sed Cometam fuisse: ceterum ob nimium ardorem non apparuisse sparsum ignem, sed procedente tempore cum iam minus flagraret, redditam suam Cometæ faciem. In quo igne multa quidem fuerunt digna quæ notarentur: nihil tamen magis, quàm quòd ut ille fulsit in cælo, statim supra Burin, & Helicen mare fuit. Numquid ergo Aristoteles non illam tantum, sed omnes trabes Cometæ esse credebat? Hanc habent is differentiam, quòd ijs continuus ignis est, ceteris sparsus. Trabes enim flamma æqualem habent, nec ullo eo intermissam, aut languidam, in ultimis verò partibus coactam, qualem fuisse illam, quàm modo retuli, Callistenes tradit.

CAP. VI. Duo, inquit Epigenes, Cometarum genera sunt. Alij ardorem undique effundunt, nec locum mutant: alij in unam partem ignem vagum in modum comæ porrigunt, & stellas prætermittunt: quales duo ætate nostra visi sunt. Illi priores criniti undique, etiam immoti, humiles ferè sunt, & eisdem causis quibus trabes fecesque constantur, & ex intemperie aeris turbidi, multa secum arida humidaque terris exhalata versantis. Potest enim spiritus per angusta elisus accendere super se positum aera, plenum alimentis idoneis igni: deinde propellere ex nitido, ne ex ali-

aliqua causa refluat rursus, ac remittatur : deinde iterum proximo die ac sequentibus consurgere, & eundem locum inflammare. Videmus enim ventos per complures dies ad constitutum redire. Pluuiæ quoque, & alia tempestatum genera, ad præscriptum reuertuntur. Vt breuiter autem voluntatem eius exprimam, eadem fere ratione hos fieri Cometas existimat, qua fiunt ignes turbine eiekti. Hoc vnum interest, quòd illi turbines ex superiori parte in terras deprimuntur, hi de terra in superiora eleuantur.

CAP. VII. Aduersus hæ multa dicuntur. Primum si ventus in causa esset, numquam Cometes sine vento appareret: nunc autem & quietissimo aere apparet. Deinde si vento fieret, cum vento caderet: & si vento inciperet, cresceret vento; eoque esset ardentior, quò ille incitator. His accedit illud quoque. Ventus multas aeris partes impellit, Cometes in vno loco apparet: ventus in sublime non peruenit, Cometæ autem visuntur supra quam ventis ire licet. Transit deinde ad illos quos ait certiorẽ habere stellarum speciem, qui & procedunt, & signa prætereunt. Hos ait ex iisdem causis fieri, quibus illos, quos dixit humiliores: hoc tantum interesse, quòd terrarum exhalationes multa secum arida ferentes celsiorem petant partem, & in editiora cœli aquilone pellantur. Deinde si illos propelleret, ad meridiem semper agerentur, quo ventus hic nititur. Atqui variè concurrunt, alij in ortum, alij in occasum, omnes in flexum: quòd iter non daret ventus. Deinde si aquilones illos impetus à terris in altum leuaret, alijs ventis non orirentur Cometæ: atqui oriuntur.

CAP. VIII. Illam nunc rationem eius (vtraque

que enim vitur) refellamus. Quidquid humi-
 di aridique terra efflauit, cum in vnum coit, ip-
 sa discordia corporum, spiritum versat in turbi-
 nem. Tunc illa vis venti circumeuntis quid-
 quid intra se comprehendit, cursu suo accendit
 & leuat in altum, ac tamdiu manet splendor
 ignis expressi, quàm diu alimenta sufficiunt;
 quibus desinentibus, & ipse subsidit. Qui hoc
 dicit, non notat qualis sit turbinum cursus, &
 qualis Cometarum: illorum rapidus ac violentus,
 & ipsis ventis citatior est: Cometarum le-
 nis: & quod per diem & noctem quantum tran-
 sferit, abscondat. Deinde turbinum motus va-
 gus est & disiectus, & vt Sallusti: vtat verbis
 verticosus: Cometarum autem compositus, &
 destinatum iter carpens. Num quis nostrum
 crederet, aut lunam, aut quinque sidera rapi
 vento, aut turbine rotari? Non, vt puto. Quare
 quia non est illis perturbatus & impotens cursus.
 Ad Cometas idem transferamus. Non confu-
 se nec tumultuose eunt, vt aliquis credat illos
 caussis turbulentis & inconstantibus pelli. Dein-
 de etiamsi vertices isti comprehendere terrena
 humidaque & ex humili in altum exprimere
 possent: non tamen supra lunam efferrent.
 Omnis illis vsque in nubilum vis est. Come-
 tas autem immixtos stellis videmus per supe-
 riora labentes. Ergo verisimile non est, in
 tantum spatium perseuerare turbinem: qui
 quo maior est, maturius corrumpitur.

CAP. IX. Vtrumlibet itaque eligat: aut vis
 leuis tam alte peruenire non poterit, aut magna
 & concitata citius ipsa se franget. Præterea
 humiliores illi Cometæ ob hoc (vt putant) non
 exeunt altius, quia plusterreni habent. Graui-
 tas illos sua in proxima tenet. Atqui necesse est,
 his

his Cometis diuturnioribus & celsioribus, plenior materia sit. Neque enim diutius apparent, nisi maioribus nutrimentis sustinerentur. Dicebam modo, non posse diu verticem permanere, nec supra lunam, aut usque in stellarum locum crescere. Nempe effecit turbinem, plurimum ventorum inter ipsos luctatio. Hæc diu non potest esse. Nam cum vagus & incertus spiritus conuolutatus est, nouissime vni vis omnium cedit. Nulla autem tempestas magna perdurat. Procellæ quanto plus habent virium, tanto minus temporis. Ventricum ad summum venerunt, remittuntur omni violentia. Necesse est ista concitatione in exitum sui tendant. Nemo itaque turbinem toto die vidit, ne hora quidem. Mira velocitas eius & mira breuitas est. Præterea violentius celeriusque in terra circaque eam voluitur: quo celsior, eo solutior, laxiorque est, & ob hoc diffunditur. Adijce nunc quot etiam in somnum pertenderet, ubi sideribus iter est, utique ab eo motu, qui vniuersum trahit, solueretur. Quid enim est illa conuersione mundi citatius? hac omnium ventorum in vnum coniecta vis dissiparetur, & terræ solida fortisque compages, nedum particula aeris torti.

CAP. X. Præterea in alto manere non potest, ignis turbine illatus, nisi ipse quoque permaneret turbo. Quid porro tam incredibile est, quam in turbine longior mora? Utique motus motu contrario vincitur: habet enim suam locus ille vertiginem, quæ rapit cælum,

Sideraque alsa trahit, celerique volumine torquet.

Et ut det eis aliquam aduocationem, quod fieri nullo modo potest: quid de his Cometis di-

dicetur, qui senis mensibus apparuerunt? Deinde duo debent esse motus eodem loco: alter ille diuinus & assiduus, suum sine intermissione peragens opus: alter nouus, & recens, & turbine illatus. Necessse est ergo alter alteri impedimento sit. Atqui lunaris illa orbita, ceterorumque supra lunam meantium motus irreuocabilis est: nec hæsitat vsquam, nec resistit, nec dat ullam nobis suspensionem obiectæ sibi moræ. Fidem non habet, turbinem, violentissimum & perturbatissimum tempestatis genus in medios siderum ordines peruenire, & inter disposita ac tranquilla versari. Credamus ignem circumacto turbine accendi, & hanc expulsum in sublime, præbere nobis opinionem speciemque sideris longi. At puto tale esse debet, quale est id quod ignem efficit. Turbinis autem rotunda facies est. In eodem enim vestigio versatur, & columnæ modo circumagentis se voluitur. Ergo ignem quoque qui inclusus est similem esse illi oportet. Atqui longus est & dissectus, minimeque similis in orbem coacto.

CAP. XI. Epigenem relinquamus, & aliorum opiiones persequamur. Quas antequam exponere incipiam, illud imprimis præsumendum est, Cometas non in vna parte cæli adspici nec in signifero tantum orbe, sed tam in ortu, quàm in occasu, frequentissime tamen circa Septentrionem. Forma eis non est vna. Quamuis enim Græci discrimina fecerint eorum quibus in morem barbæ flamma dependet, & eorum qui vndique circa se velut comam spargunt, & eorum quibus fusus quidem est ignis, sed in verticem tendens: tamen omnes isti eiusdem notæ sunt, Cometæque recte dicuntur. Quorum enim post longum tem-

pus appareant formæ inter se eos comparare difficile est. Illo ipso tempore, quo apparent, inter spectantes de habitu illorum non conuenit: sed pro ut cuique acrior acies aut hebetior: ita dicit aut lucidiorem esse aut rubicundiorum & crines aut in interiora deductos, aut in latera diuisos. Sed siue sint aliquæ differentiæ illorum, siue non sint, eadem fiant ratione necesse est Cometæ. Illud vnum constare debet, præter solitum adspici nouam sideris faciem, circa se dissipatum ignem trahentis. Quibusdam antiquorum hæc placet ratio. Cum ex stellis errantibus altera se alteri applicuit, confuso in vnum duarum lumine, faciem longioris sideris reddi. Nec hoc tunc tantum euenit, cum stella stellam attingit, sed etiam cum appropinquauit. Interuallum enim, quod inter duas est illustratur ab vtraque, inflammaturque, & longum ignem efficit.

CAP. XII. His illud respondebimus, certum esse numerum stellarum mobilium. Solere autem eodem tempore & has apparere, & Cometæ. Ex quo manifestum fit, non illarum coitu fieri Cometæ, sed proprium & sui iuris esse. Etiamnum frequenter stella sub altioris stellæ vestigium venit: & Saturnus aliquando supra Iouem est, & Mars Venerem aut Mercurium recta linea despicit: nec tamen propter hunc cursum, cum alter alterum subit, Cometæ sit: alioquin annis omnibus fieret: omnibus enim aliquæ stellæ in eodem signo simul sunt. Si cometam faceret stella stellæ superueniens, momento esse desineret. Summa enim velocitas transeuntium est. Ideo omnis siderum defectio brevis est: quia cito illas idem cursus, qui admoerat, abstrahit. Videmus solem &
lu-

lunam intra exiguum tempus, cum obscurari cœperint liberari: quanto celerior debet fieri in stellis digressio, tanto minoribus? Atqui Cometæ senis mensibus manent: quod non accideret, si duarum stellarum conuentu gignerentur. Illæ enim diu cohærere non possunt, & necesse est illas lex celeritatis saperet. Præterea ista nobis vicinia videntur, ceterum interuallis ingentibus dissident. Quomodo ego potest altera stella vsque ad alteram stellam ignem mittere, ita vt vtræque iuncta videatur, cum sint ingenti regione diductæ? Stellarum, inquit, duarum lumen miscetur, & præbet vnius speciem. Nempe sic, quemadmodum rubicunda sit nubes solis incurso, quemadmodum vespertina aut matutina flauescent, quemadmodum alterne arcus solis visitur. Hæc omnia primum magna vi efficiuntur. Sol enim est, qui ista succendit. Stellarum non est eadem potentia. Deinde nihil horum, nisi infra lunam in terrarum vicinia nascitur. Superiora pura & sincera sunt, & coloris sui semper. Præterea si quid tale accideret, non haberet moram, sed exstingueretur cito: sicut coronæ, quæ solem lanamue cingunt, intra breuissimum spatium exolescunt. Nec arcus quidem diu perseuerat. Si quid esset tale, quo medium inter duas stellas spatium confunderetur, æque cito dilaberetur. Vtique non in tantum maneret, quantum morari Cometæ solent. Stellis intra Signiferum cursu est, hunc gyrum premunt: at Cometæ vbique cernuntur. Non magis certum est illis tempus quo appareant, quam locus vllus, ultra quem non exeant.

CAP. XIII. aduersus hoc ab Artemidoro illa dicuntur, non has tantum stellas quinque discurrere, sed solas obseruatas esse. Ceterum in

numerabiles ferri per occultum aut propter ob-
 feuritatem luminis nobis ignotas, aut propter
 circulorum positionem talem, ut tunc demum,
 tum ad extremam eorum venire, visantur. Ergo
 intereurrunt quædam stellæ, ut ait, nobis novæ,
 quæ lumen suum cum stantibus misceant, &
 maiorem quam stellis mos est porrigant ignem:
 hoc ex his quæ mentitur, leuissimum est: tota
 eius narratio mundi, mendacium impudens est.
 Nam si illi credimus, summa cæli ora solidissi-
 ma est, in modum recti durata, & alti crassique
 corporis, quod atomi congestæ coaceruatæque
 fecerunt. Huic proxima superficies est ignea,
 ita compacta, ut solui vitiarique non possit. Ha-
 bet tamen spiramenta quædam & quasi fene-
 stras, per quas ex parte exteriori mundi in-
 fluant ignes, non tam magni, ut interiora con-
 turbent. Rursus ex mundo in exteriora labun-
 tur. Itaque hæc quæ præter consuetudinem ap-
 parent, influxerunt ex illa ultra mundum iacen-
 te materia. Soluere ista quid aliud est, quam
 manum exercere, & in ventum iactare brachia?

CAP. XIV. Velim tamen mihi dicat iste, qui
 mundo tam firma lacunaria imposuit, quid sit
 quare credamus illi tantam esse crassitudinem
 cæli. Quid fuit, quod illo tam solida corpora
 adduceret, & ibi detineret? Deinde quod tan-
 tæ crassitudinis est, necesse est & magni ponde-
 ris sit. Quomodo ergo in summo manent gra-
 uia? Quomodo illa moles non descendit, & se
 onere suo frangit? Fieri enim non potest, ut
 tanta vis ponderis, quantam ille substituit, pen-
 deat, & leuibus innixa sit. Nec illud quidem
 potest dici, extrinsecus aliqua esse retinacula,
 quibus cadere prohibeatur, nec rursus de me-
 dio aliquid esse oppositi, quod imminens corpus

excipiat ac fulciat Illud etiamnum nemo dicere audebit, mundum ferri per immensum, & cadere quidem, sed non apparere an cadat: quia præcipitatio eius æterna est, nihil habens nouissimum, in quod incurrat. Hoc quidam de terra dixerunt, cum rationem nullam inuenirent, propter quam pondus in aere staret. Ferrur, inquiunt semper: sed non apparet an cadat, quia infinitum est in quod cadit. Quid est deinde quo probes, non quinque tantum stellas moueri, sed multas esse, & in multis mundi regionibus? Aut si hoc sine vilo probabili argumento licet respondere, quid est, quare non aliquis aut omnes stellas moueri, aut nullam dicat? Præterea nihil te adiuuat ista stellarum passim euntium turba. Nam quo plures fuerint, sæpius in alias incident: rari autem Cometæ, & ob hoc mirabiles sunt. Quid quod testimonium dicet contra te omnis ætas, quæ talium stellarum exortus & annotauit, & posteris tradidit?

CAP. XV. Post mortem Demetrii Syriæ regis, cuius Demetrius & Antiochus liberi fuerunt, paullo ante Achaicum bellum Cometes effulsit, non minor sole. Primo igneus ac rubicundus orbis fuit, clarumque lumen emittens, quanto vinceret noctem. Deinde paulatim magnitudo eius districta est, & euauit claritas. Nouissime autem totus intercidit. Quod ergo coire stellas oportet, vt tantum corpus efficiant? Mil-le in vnum licet congreges, numquam hunc habitum solis æquabunt. Attalo regnante, initio Cometes apparuit modicus. Deinde sustulit se diffuditque, & vsque in æquinoctialem circulum venit, ita vt illam plagam cæli, cui lactea nomen est, in immensum extentus æquaret. Quot ergo conuenisse debent erra-

ticæ, ut tam longum cæli tractum occuparent igne continuo?

CAP. XVI. Contra argumentum dictum est: contra testes dicendum est. Nec magna molitione detrahenda est auctoritas Ephoro: historicus est. Quidam incredibilium relatu commendationem parant, & lectorem aliud acturum, si per quotidiana duceretur, miraculo excitant: Quidam creduli, quidam negligentes sunt: quibusdam mendacium obrepit, quibusdam placet. Illi non evitant, hi appetunt. Et hoc in commune de tota natione: quæ approbari opus suum, & fieri popolare non putet posse, nisi illud mendacio aspersit. Ephorus vero non religiosissimæ fidei, sæpe decipitur, sæpe decipit. Sicut hic Cometen, qui omnium mortalium oculis custoditus est, quia ingentis rei traxit euentus, cum Helicen & Burin ortu suo merferit, ait illum discessisse in duas stellas: quod præter illum nemo tradit. Quis enim posset observare illud momentum, quo Cometes solutus, & in duas partes redactus est? Quomodo autem si est qui viderit Cometen in duas dirimi, nemo vidit fieri ex duabus? Quare autem non adiecit, in quas stellas diuisus sit, cum aliqua ex quinque stellis esse debuerit?

CAP. XVII. Appollonius Myndius in diuersa opinione est. Ait enim, Cometen non vnum ex multis erraticis effici sed multos Cometas erraticos esse. Non est, inquit, species falsa, nec duarum stellarum confinio ignis extentus, sed & proprium sidus Cometes est, sicut solis, aut lunæ. Talis forma est, non in rotundum restricta, sed procerior, & in longum producta. Ceterum non est illi palam cursus: altiora mundi secatur: & tunc demum apparet, cum

in

inimum cursus sui venit. Nec est quod putemus, eundem visum esse sub Claudio, quem sub Augusto vidimus: nec hunc qui sub Nerone Cæsare aparuit, & Cometis detraxit infamiam, illi similem fuisse, qui post necem diui Iulij, ludis Veneris genitricis, circa vndecimam horam diei emerfit. Multi varijque sunt, dispares magnitudine, dissimiles colore: alijs rubor est sine vlla luce: alijs candor, & purum liquidumque lumen: alijs flamma, & hæc non sincera, nec tenuis, sed multum circa se voluens fumidi ardoris. Cruenti quidam minaces, qui omen post se futuri sanguinis ferunt: hi minuunt augentque lumen suum, quemadmodum alia sidera: quæ clariora, cum descendere, sunt, maioraque ex loco propiore visuntur; maiora, cum redeunt, & obscuriora, quia abducunt se longius.

CAP. XVIII. Aduersus hoc protinus respondetur, non idem accidere in Cometis, quod in ceteris. Cometæ enim quo primum die apparuerint, maximi sunt. Atqui deberent crescere, pro propius accederent. Nunc autem manet illis prima facies, donec incipiant exstingui. Deinde quod aduersus priores, etiam aduersus hunc dicitur, Si erraret Cometes, essetque sidus, intra signiferi terminos moueretur, intra quod omne sidus cursus suos colligit. Numquam appareret stella per stellam. Acies nostra non potest per medium sidus exire, vt per illud editiora prospiciat. Per Cometen autem non aliter quàm per nubem vltiora cernuntur: ex quo apparet, illum non esse sidus sed leuè ignem ac tumultuarium.

CAP. XIX. Zenon noster in illa sententia est: congruere iudicari stellas, & radios inter se committere: hæc societate luminis exsistere imaginem stellæ longioris. Ergo quidam nullos

esse Cometas existimant, sed species illorum per repercussionem vicinorum siderum, aut per coniunctionem cohererentium reddi. Quidam aiunt esse quidem sed habere cursus suos, & post certa lustra in conspectum mortalium exire. Quidam esse quidem, sed non quibus siderum nomen imponas: quia dilabuntur, nec diu durant, & exigui temporis mora dissipantur.

CAP. XX. In hac sententia sunt plerique nostrorum: nec id putant veritati pugnare. Videmus enim in sublimi varia ignium concipi genera, & modo cælum ardere, modo

Longos à tergo flammarum albescere tractus,
modo facès cùm igne vasto rapi: iam ipsa fulmina etsi velocitate mira, simul & perstringunt aciem, & remittunt, ignes sunt aeris triti, & impetu inter se maiore collisi. Ideo ne resistunt quidem, sed expressi fluunt, & protinus pereant. Alij vero ignes diu manent: nec ante discedunt, quàm consumptum est omne, quo pascebantur, alimentum. Hoc loco sunt illa à Posidonio scripta miracula, columnæ, clypeique flagrantes, aliæque insigni nouitate flammæ: quæ non aduerterent animos, si ex consuetudine & lege decurrerent. Ad hæc stupent omnes & repentinum ignem ex alto efferunt, siue emicuit aliquid & fugit, siue compresso aere & in ardorem coacto, loco miraculi stetit. Quid ergo? Non aliquando lacuna cedentis retro ætheris patuit, & vastum in concavo lumen? Exclamare posses: Quid est hoc?

— *medium video discedere cælum,*

Pallantesque polo stellas —

quæ aliquando non expectata nocte fulserunt, & per medium eruperunt diem. Sed alia huius rei ratio est, quare alieno tempore apparent, quas

quas esse, etiam cum laterent, constant. Multos Cometas non videmus, quod obscurantur radijs solis: quo deficiente quemdam Cometen apparuisse, quem sol vicinus obtexerat, Posidonius tradit. Sæpe autem cum occidit sol, sparsi ignes non procul ab eo videntur. Videlicet ipsa stella sole perfunditur, & ideo adspici non potest: Cometæ autem radios solis effugiunt.

CAP. XXI. Placet ergo nostris, Cometas, sicut faces, sicut turbas, trabesque, & alia ostenta cæli, denso aere creari. Ideo circa Septemtrionem frequentissime apparent, quia illic plurimum est aeris pigri. Quare ergo non stat Cometes, sed procedit? dicam. Ignium modo alimentum suum sequitur. Quamvis enim illi ad superiora nisus est: tamen deficiente materia retroiens ipse descendit in aera quoque, si dexteram leuamque premit partem. Nulla enim illi via est: sed qua illum vena pabuli sui duxit, illo repit, nec ut stella procedit, sed ut ignis pascitur. Quare ergo per longum tempus apparet, & non cito extinguatur? Sex enim mensibus hic, quem nos Neronis principatu lætissimo vidimus, spectandum se præbuit, in diuersum illi Claudiano circumactus. Ille enim à Septemtrione in verticem surgens, Orientem perijt semper obscurior: hic ab eadem parte cœpit, sed in Occidentem tendens, ad Meridium flexit, & ibi se subduxit oculis. Videlicet ille humidiora habuit, & aptiora ignibus, quæ profecutus est: huic rursus vberior fuit & plenior regio. Huc itaque descendunt inuitante materia, non itinere. Quod apparet duobus, quos spectauimus, fuisse diuersum: cum hic in dextrum motus sit, ille in sinistrum. Omnibus autem stellis in eandem partem cursus est, id est, contra-

rius mundo. Hic enim ab orto voluitur in occasum, illæ ab occasu in ortum eunt. Et ob hoc duplex his motus est ille quo eunt, & hic quo auferuntur.

CAP. XXII. Ego nostris non assentior. Non enim existimo Cometen subitaneum ignem, sed inter æterna opera naturæ. Primum quæcumque aer creat brevia sunt. Nascuntur enim in re fugaci & mutabili. Quomodo potest enim in aere aliquid idem diu permanere, cum ipse aer numquam idem maneat? fluit semper, & brevis illi quies est. Intra exiguum momentum in alium, quam in quo fuerat, statum vertitur. Nunc pluvius, nunc serenus, nunc inter utrumque varius: nubesque illi familiarissimæ, in quas coit, & ex quibus soluitur, modo congregantur, modo digeruntur: numquam immotæ iacent. Fieri non potest, ut ignis certus in corpore vago sedeat, & ita pertinaciter hæreat, quam quem natura ne umquam excuteretur, aptavit: Deinde si alimento suo hereret, semper, descenderet. Eo enim crassior aer est, quo terris propior: numquam Cometes in imum usque demittitur, neque appropinquat solo. Etiamnum ignis aut ita quo illum natura sua ducit, id est sursum: aut eo quo trahit materia, cui adhæsit, & quàm depascitur.

CAP. XXIII. Nullis ignibus ordinariis & cœlestibus iter flexum est. Sideris proprium est, ducere orbem. Atqui hoc an Cometæ alij fecerint, nescio: duo nostra ætate fecerunt. Deinde omne quod causa temporalis accendit, cito intercidit. Sic faces ardent, dum transeunt: sic fulmina in vnum valent ictum: sic quæ transuersæ dicuntur stellæ & cadentes, præteruolant & fecant aera. Nullis ignibus nisi in suo

suo mora est. Illis dico diuinis, quos habet mundus æternos, quia partes eius sunt, & opera. Hi autem aliquid agunt, & vadunt, & tenorem suum seruant, paresque sunt. Nam alternis diebus maiores minoresue fierent, si ignis esset collectitius, ex aliqua causa repentinus. Minor enim esset ac maior, prout plenius aleretur aut malignius. Dicebam modo, nihil diuturnum esse, quod exarsit aeris vitio: nunc amplius adijcio. Morari ac stare nullo modo potest. Nam & fax & fulmen & stella transcurrent, & quisquis alius est ignis aere expressus, in fuga est: nec apparet, nisi dum cadit. Cometes habet suam sedem: & ideo non cito expellitur, sed emetitur spatium suum: nec exstinguitur, sed excedit. Si erratica, inquit, stella esset, in signifero esset. Qui vnum stellis limitem ponit? Quis in angustum diuina compellit? Nempe hæc ipsa sidera, quæ sola moueri credis, alios & alios circulos habent. Quare ergo non aliqua sint, quæ in proprium iter & ab istis remotum secesserint? Quid est, quare in aliqua parte cælum peruium non sit? Quod si iudicas, non posse vllam stellam nisi signiferum attingere: Cometes potest sic latum habere, circulum, vt in hunc tamen parte aliqua sui incidat: quod fieri non est necessarium, sed potest.

CAP. XXIV. Vide ne hoc magis deceat magnitudinem mundi, vt in multa itinera diuisus sit: nec hanc vnã deterat semitam, ceteris partibus torpeat. Credis autem in hoc maximo, & pulcherrimo corpore, inter innumerabiles stellas, quæ noctem decore vario distinguunt, quæ aera minime vacuum & inertem esse patiuntur, quinque solas esse, quibus exercere se liceat, ceteras stare, fixum & immobilem

populum? Si quis hoc loco me interrogauerit: Quare ergo non quemadmodum quinque stellarum, ita harum obseruatus est cursus? Huic ego respondebo: Multa sunt quæ esse concedimus: qualia sint, ignoramus. Habere nos animum, cuius imperio & impellimur, & reuocamur, omnes fatebuntur: quid tamen sit animus ille rector, dominusque nostri, non magis tibi quisquam expediret, quàm ubi sit. Alius illum dicet esse spiritum, alius concentum quemdam, alius vim diuinam, & Dei partem alius tenuissimum aerem, alius incorporalem potentiam. Non deerit qui sanguinem dicat, qui calorem. Adeo animo non potest liquere de ceteris rebus, ut adhuc ipse se quærat.

CAP. XXV. Quid ergo miramur, Cometas tam rarum mundi spectaculum, nondum teneri legibus certis: nec initia illorum, finesque notescere, quorum ex ingentibus intervallis recursus est? Nondum sunt anni mille quingenti, ex quo Græcia

... stellis numeros, & nomina fecit.

Multæque hodie sunt gentes, quæ tantum facie nouerint cælum, quæ nondum sciant cur Luna deficiat, quare obumbretur. Hoc apud nos quoque nuper ratio ad certum perduxit. Veniet tempus, quo ista, quæ nunc latent, in lucem dies extrahat; & longioris æui diligentia. Ad inquisitionem tantorum ætas vna non sufficit, ut tota cælo vacet. Quid, quod tam paucos annos inter studia, ac vitia non æqua portione diuidimus? Itaque per successiones ista longas explicabuntur. Veniet tempus, quo posteri nostri tam aperta nos nescisse mirentur. Harum quinque stellarum, quæ se ingerunt nobis, quæ alio, atque alio occurrentes loco curiosos nos esse cogunt, qui

qui matutini, vespertinique ortus sint, quæ stationes, quando in rectum ferantur, quare agantur retro, modo capimus scire. Vtrum emergere Iupiter, an occideret, an retrogradus esset (nam hoc illi nomen imposuere cedenti) ante paucos annos didicimus. Inuenti sunt qui nobis dicerent: Erratis, qui vllam stellam aut suppressere cursum iudicatis, aut vertere. Non licet stare celestibus, nec auerti: prodeunt omnia, vt semel missa sunt, vadunt. Idem erit illis cursus, qui sui finis. Opus hoc æternum irreuocabiles habet metus: qui si quando constiterint, alia ex aduerso incident, quæ nunc tenor, & æqualitas seruat.

CAP. XXVI. Quid est ergo, cur aliqua redire videantur? Solis occursum speciem illis tarditatis imponit, & natura viarum, circulatorumque sic positorum, vt certo tempore intuentes fallant. Sic naues quamuis plenis velis eant, videntur tamen stare. Erit qui demonstret aliquando, si quibus Cometæ partibus errent, cur tam seducti à ceteris eant, quanti, qualesque sint. Contenti simus inuentis: aliquid veritati & posteris conferant. Per stellas, inquit, vltiora non cernimus, per Cometæ aciem transmittimus. Primum si sit istud, non in ea parte fit, qua sidus ipsum est spissi, ac solidi ignis, sed qua ratus splendor excurrit, & in crines dispergatur. Per intervalla ignium, non per ipsos vides. Stellæ, inquit, omnes rotundæ sunt, Cometæ porrecti: ex quo apparet, stellas non esse. Quis enim tibi concedet, Cometæ longos esse? Quorum natura quidem, vt ceterorum siderum, globus est, ceterum fulgor extenditur. Quemadmodum sol radios suos longe, lateque dimittit, ceterum ipsi alia est forma, alia ei, quod ex ipso fluit.

fluit lumini : sic Cometatum corpus ipsum cor-
 rotundantur , splendor autem longior quam ce-
 terorum siderum apparet.

CAP. XXVII. Quare ? inquis . Dic tu mihi
 prius , quare luna dissimilimum soli lumen ac-
 cipiat , cum accipiat à solet : quare modo rubeat
 modo palleat : quare liuidus illi & alter color sit
 cum à conspectu solis excluditur . Dic mihi ,
 quare omnes stellæ inter se dissimilem habeant
 aliquatenus faciem diuersissimam soli . Quo-
 modo nihil prohibet , ista sidera esse , quamuis
 similia non sint : ita nihil prohibet , Cometas
 æternos esse & sortis eiusdem , cuius cetera ,
 etiamsi faciem illis non habent similem . Quid
 porro ? mundus ipse , si consideres illum , nonne
 ex diuersis compositus est ? Quid est quare in
 Leone semper sol ardeat : & terras æstibus tor-
 reat : in Aquario adstringat hiemem , flumina
 gelu claudat ? Et hoc tamen & illud sidus eius-
 dem conditionis est , cum effectu & natura dis-
 simile sit . Intra breuissimum tempus Aries ex-
 tollitur . Libra tardissime iungitur : & tamen
 hoc sidus & illud eiusdem naturæ : est : cum il-
 lud exiguo tempore adscendat , hoc diu profe-
 ratur . Non vides , quam contraria inter se ele-
 menta sint ; grauia & lenia sunt frigida & cali-
 da , humida & sicca ; tota huius mundi con-
 cordia ex discordibus constat . Negas Cometen
 stellam esse , quia forma eius non respondeat ad
 exemplar , nec sit ceteris similis . Vides enim
 quam simillima sit illa , quæ tricesimo anno re-
 uertitur ad locum suum , huic quæ intra annum
 reuisit sedem suam . Non ad vnâ naturâ for-
 mam opus suum præstat , sed ipsa varietate se
 iactat . Alia maiora , alia , velociora , alijs fecit ;
 alia validiora , alia temperationia : quædam au-

tem

tem eduxit à turba, vt singula & conspicua procederent; Quædam in gregem misit. Ignorat naturæ potentiam, qui illi non putat aliquando licere nisi quod sæpius facit. Cometas non frequenter ostendit, attribuit illis alium locum, alia tempora, dissimiles ceteris motus. Voluit & his magnitudinem operis sui colere, quorum formosior facies est, quam vt fortuitam putes siue amplitudinem eorum consideres, siue fulgorem, qui maior est ardentiorque quam ceteris. Facies vero habet insigne quiddam & singulare, non in angustum coniecta & arctata, sed dimissa liberius, & multarum stellarum amplexa regionem.

CAP. XXVIII. Aristoteles ait, Cometas significare tempestatem, & ventorum intemperantiam atque imbrium. Quid ergo? non iudicas sidus esse, quòd futura denunciet? Non enim sic hoc tempestatis signum est, quomodo futuræ pluuiæ.

Scintillare oleum, & putres concreescere fungos:

aut quomodo indicium est sæuituri maris, si maris

In sicco ludunt fulicæ, notasque paludes

Eserit, atque altam supra volat ardea nubem.

sed sic, quomodo æquinoctium in calorem frigusque flectentis anni, quomodo illa quæ Chaldei canunt, quid stella nascentibus triste lætum constituat. Hoc vt scias ita esse, non statim Cometes ortus ventos & pluuias minatur, vt Aristoteles ait, sed annum totum suspectum facit. Ex quo apparet illum non ex proximo, quæ in proximū daret, signa traxisse, sed habere reposita, & cōpressa legibus mundi. Fecit is

Co.

Cometes, qui Paterculo & Vopisco consulibus apparuit, quæ ab Aristotele Teophrastoque sunt prædicta. Fuerunt enim maximæ & continuæ tempestates vbique. At in Achaia, Macedoniaq; vrbes terrarum moribus prorutæ sunt. Tarditas, inquit, illorum argumentum est, grauiores esse multumque in se habere terreni: ipsi præterea cursus: fere enim compelluntur in cardines.

CAP. XXIX. Vtrumque falsum est. De priore dicam prius: Quia ne tardius feruntur, grauiasunt? Quid ergo? Stella Saturni, quæ ex omnibus iter suum lentissime efficit, grauis est? Atqui leuitatis argumentum habet, quod super ceteras est. Sed maiore, inquam, ambitu circuit, nec tardius sit quam ceteræ, sed longius. Succurrat tibi, idem me de Cometis posse dicere, etiamsi segnior illis cursus sit. Sed mendacium est, ire eos tardius. Nam intra sextum mensem dimidiam cæli partem transcurrit hic proximus: prior intra pauciores menses recepit se: sed quia graues sunt, inferius inferuntur. Primum non deferitur, quod circumfertur. Deinde hic proximus à Septemtrione motus sui initium fecit, & per occidentem iu Meridiana peruenit, erigentque suum cursum oblituit. Alter ille Claudianus à Septemtrione primum visus, non desistit in rectum assidue celsior ferri, donec excessit. Hæc sunt quæ aut alios mouere ad Cometas pertinentia, aut me. Quæ an vera sint, dii sciunt quibus est scientia veri. Nobis rimari illa & coniectura ire in occulta tantum licet nec cum fiduciam inueniendi, nec sine spe.

CAP. XXX. Egregie Aristoteles ait, nunquam nos verecundiores esse debere, quam cum de dijs agitur. Si intramus templa compositi, si ad sacrificium accessuri vultu submittimus, togam

gam adducimus, si in omne argumentum modestiæ fingimur: quanto hoc magis facere debemus, cum de sideribus, de stellis, de deorum natura disputamus, ne quid temere, ne quid impudenter, aut ignorantes affirmemus, aut scientes mentiamur? Nec miramur tam tarde erui, quæ tam alte iacent. Panætio & his qui videri volunt, Cometen non esse ordinarium sidus, sed falsam sideris faciem, diligenter tractandum est, an æque omnis pars anni edendis Cometis satis apta sit: an omnis celi regio idonea in qua creentur: an quacumque ire, ibi etiam concipi possint: & cetera, quæ vniuersa tolluntur, cum dico illos fortuitos non esse ignes, sed intextos mundo, quos non frequenter educit, sed in occulto mouet. Quàm multa præter hos persecretum eunt, numquam humanis oculis orientis? Neque enim omnia Deus homini fecit, Quota pars operis tanti nobis committitur? Ipse qui ea tractat qui condidit, qui totum hoc fundauit, deditque circa se, maiorque est pars operis sui, ac melior, effugit oculos, cogitatione visendus est.

CAP. XXXI. Multa præterea cognata numini summo, & vicinam sortita potentiam, obscura sunt. Aut fortasse, quòd magis mireris, oculos nostros & implent & effugiunt: siue illis tanta subtilitas est, quantum consequi acies humana non possit: siue in sanctiore secessu maiestas tanta delituit, & regnum suum, id est, se regit, nec ulli aditum dat, nisi animo. Quid sit hoc, sine quo nil est, scire non possumus: & miramur, si quos igniculos parum nouimus, cum maxima pars mundi Deus lateat? Quàm multa animalia hoc primum cognouimus seculo? & quidem multa venientis æui popu-

populus ignota nobis sciet. Multa sæculis tunc futuris, cum memoria nostri exoleuerit, reseruantur. Pusilla res mundus est, nisi in illo quod quærat omnis mundus habeat. Non, semel quædam sacra traduntur. Eleusis seruat, quod ostendat reuisentibus. Rerum natura, sacra sua non simul tradit. Initiatus nps credimus: in vestibulo eius hæremus. Illa arcana non promiscue nec omnibus patent: reducta & in interiore sacrario clausa sunt. Ex quibus aliud hæc ætas, aliud quæ post nos subibit, adspiciet. Quando ergo ista in notitiam nostram perducentur? Tarde magna proueniunt, utique si labor cessat. Id quod vnum toto agimus animo, nondum perfecimus, ut pessimi essemus. Adhuc in processu vitia sunt. Inuenit luxuria aliquid noui, quod insaniat. Inuenit impudicitia nouam contumeliam sibi. Inuenit delictiarum dissolutio & tabes aliquid tenerius molliusque quod pereat. Nondum satis robur omne præiecimus. Adhuc quidquid est boni moris, extinguimus læuitate & politura corporum. Muliebres munditias antecessimus; colores meretricios, matronis quidem non induendos, viri sumimus. Tenero & molli ingressu suspendimus gradum: non ambulamus, sed incedimus. Exornamus annulis digitos, in omni articulo gemma disponitur. Quotidie comminiscimur, per quæ virilitati fiat iniuria, ut traducatur, quia non potest exui. Alius genitalia excidit, alius in obscenam partem ludi fugit, & locatus ad mortem infamiæ armatur. Egenus etiam, in quo morbum suum exerceat, legit.

CAP. XXXII. Miraris, si nondum sapientia omne opus suum impleuit? Nondum tota se nequitia protulit. Adhuc nascitur, & huic omnes

nes operam damus: huic oculi nostri, huic manus seruiunt. Ad sapientiam quis accedit? quis dignam iudicat, nisi quàm in transitu no-uerit? Quis Philosophiam, aut vllum liberale respicit studium, nisi cùm ludī intercalantur, cùm aliquis pluuius interuenit dies, quem perdere licet? Itaque tot familiæ philosophorum sine successore deficiunt. Academici & veteres & minores nullum antistitem reliquerunt. Quis est qui tradat præcepta Pyrrhonis? Pythagorea illa inuidiosæ turbæ schola præceptorem non inuenit. Sextiorum noua & Romani roboris secta, inter initia sua, cùm magno impetu cepisset, extincta est. At quanta cura laboratur, ne cuius pantomimi nomen intercidat? Stat per successores Pylladis & Bathili domus: harum artium multi discipuli sunt, multique doctores. Priuatim vrbe tota sonat pulpitum. In hoc viri, in hoc feminae tripudiant. Mares inter se vxoresque contendunt, vter detilatus illis. Deinde sub persona cùm diu trita frons est, transitur ad galeam. Philosophiæ nulla cura est. Itaque adeò nihil inuenitur ex his quæ parum inuestigata antiqui reliquerunt, vt multa quæ inuenta erant, oblitterentur. At mehercules si hoc totis membris premeremus, si in hoc inuentus sobria incumberent, hoc maiores docerent, hoc minores addicerent, vix ad fundum veniretur: in quo veritas posita est, quàm nunc in summa terra & leui manu quærimus.

L. ANNÆI SENECEÆ
 CLAVDII CÆSARIS
 ΑΠΟΚΟΛΟΚΥΝΤΩΣΙΣ.

Quid actum sit in cælo ante diem tertium Idus Octobris; Asinio Marcello, Acilio Auiola Coss. anno nouo, initio sæculi felicissimi, volo memoriæ tradere. Nihil offensæ, vel gratiæ dabitur. Hæc ita vera si quis quæsierit vnde sciam: primum, si noluerō, non respondebo. Quis coacturus est? Ego scio me liberum factum, ex quo suum diem obiit ille, qui verum prouerbum fecerat, Aut regem, aut fatuum nasci oportere. Si libuerit respondere, dicam quod mihi in buccam venerit. Quis vñquam ab historico iuratores exegit? Tamen si necesse fuerit auctorem producere, quærite ab eo, qui Drusillam euntem in cælum vidit. Idem Claudium vidisse se dicet iter facientem, non passibus æquis. Velit, nolit, necesse est illi omnia videre, quæ in cælo agantur. Appæ viæ curator est: qua scis & diuum Augustum, & Tiberium Cæsarem, ad Deos ille. Hunc si interrogaueris, soli narrabit: coram pluribus numquam verbum faciet. Nam ex quo in senatu iurauit se Drusillam vidisse cælum adscendentem, & illi pro tam bono nuncio nemo credidit quid viderit, verbis conceptis adfirmavit, se non indicaturum, etiamsi in medio foro hominem vidisset occisum. Ab hoc ego quæcumque audiui, certè clara afferō, ita illum saluum, & felicem habeam.

*Iam Phæbus breuiore via contraxerat ortum
 Lucis, & obscuri crescebant tempora somni.*

Iani-

*Iamq; suum victrix agebat Cynthia regnū;
Et deformis hiems gratos carpebat honores
Diuisis autumnī, iussuque senescere Baccho
Carpebat raras serus vindemitor vnas.*

Puto magis intelligi si dixerō mensi erat Octōber, dies tertius Eidus Octōbris. Horam non possum tibi certam dicere, facilius inter philosophos, quam inter horologia conueniet. Tamen intra sextam & septimā erat. Nimis rustice acquiescunt onēri poetæ, non contenti ortus & occasus describere vt etiam medium diem inquirerent. Tu sic transibis horam tam bonam?

*Iam medium cursu Phæbus diuiserat orbem,
Et propior nocti seffas quatiebat habenas,
Obliquo flexam deducens tramite lucem.*

Claudius animam agere cæpit, nec inuenire exitum poterat. Tum Mercurius, qui semper ingenio eius delectatus esset, vnā de tribus Parcīs educit, & ait. Quid, femina crudelissima; hominem miserum torqueri pateris, nec vnquam meritum, vt tandiu cruciaretur? Annus sexagesimus & quartus est, ex quo cū animā luctatur. Quid huic inuides? Patere mathematicos aliquando verum dicere, illum ex quo princeps factus est omnibus annis, omnibus mensibus efferunt. Et tamen non est mirum si errant: horam eius nemo nouit. Nemo enim illum vnquam natum putauit. Fac quod faciendum est.

Dede neci: melior vacua sine regnet in aula;
Sed Clotho; Ego mehercule, inquit, pusillum temporis adijcere illi volebam, dum hos pauculo, qui supersunt, ciuitate donaret. Constituerat enim omnes Græcos, Gallos, Hispanos, Britannos, togatos videre. Sed quoniam placet aliquos perigrinos in semen relinqui, & tu ita
nubes

iubes fieri, fiat. Aperit tum capsulam, & treis fusos profert. Vnus erat Augurini, alter Babæ, tertius Claudij. Hos, inquit, treis vno anno exiguis interuallis temporum diuifos mori iubebo: nec illum incomitatum dimittam. Non oportet enim eum, qui modo se tot mollia hominum fequentia videbat, tot præcedentia, tot circumfufa, subito folùm deſtitui. Contentus erit his interim conuictoribus.

*Hæc ait; & turpi conuoluens ſtamina fuſo.
Abrupit ſtolidæ regalia tempora vitæ.*

*At Lacheſis redimita comas, ornata capillos,
Pleria crinem lauro frontemque coronans,
Candida de niueo ſubtemina vellere ſumit,
Felici moderanda manu: quæ ducta colorem
Aſſumpſere nouum: mirantur penſa ſorores.
Mutatur vitis pretioſo lana metallo:
Aurea formoſo ſcendunt ſæcula filo.
Nec modus eſt illis, felicia vellera ducunt;
Et gaudent implere manus, ſunt dulcia penſa;
Sponte ſua feſtinat opus, nulloque labore
Mollia contorto ſcendunt ſtamina fuſo.
Vincunt Tithoni, vincunt & Neſtoris annos:
Phebus adeſt, cæruque iuuat, gaudetque futuris.
Et lætus nunc plectræ mouet, nunc penſa miniſtrat:*

*Detinet intentas cantu fallitque laborem.
Dumque nimis citharam fraternaque carmina
laudant,*

*Plus ſolito neuere manus & humanaque ſata
Laudatum tranſcendit opus. Ne demite, Parca,
Phæbus ait vincat mortalis tempora vitæ,
Ille mihi ſimilis vultu, ſimiliſque decore,
Nec cantu, nec voce minor: felicia laſſis
Sæcula præſtabit, legumque ſilentia rumpet
Qualis diſcutiens fugientia lucifer aſtra,*

Ant

*Aur qualis surgit redeuntibus Hesperus astris i
Qualis cum primum tenebris aurora solutis
Induxit rubicunda diem, sol adspicit orbem
Lucidus & primos è carcere concitat axes:
Talis Cæsar adest, talem iam Roma Neronem
Adspiciet: flagrat nitidus fulgore remisso
Vultus & affuso ceruix formosa capillo.*

Hæc Apollo. At Lachesis, quæ & ipsa homini fortissimo faueret, fecit, & plena orditur manu, & Neroni multos annos de suo donat: Claudium autem iubent omnes *χαριπτας δ' ὀνημίτας ἰκνεῖται, δέμειν*. Et ille quidem animam ebullit, & eo delicti viuere videri. Exspirauit autem dum comædos audit, vt scias me non sine causa illos timere. Vltima vox eius hæc inter homines audita est, cum maiorem sonitum emisisset illa parte, qua facilius loquebatur: Væ me, puto concacauit me. Quis autem fecerit, nescio: omnia certè concacauit. Quæ in terris postea sint acta, superuacuum est referre. Scitis enim optime: nec periculum est, ne excidant, quæ memoriæ publicum gaudium impresserunt. Nemo felicitatis suæ obliuiscitur. In cælo quæ acta sint, audite: fides penes auctorem erit. Nunciatur Ioui, venisse quemdam bonæ staturæ, bene canum, nescio quid illum minati: assiduè enim caput mouere, pedem dextrum trahere, quæsisse se cuius nationis esset? respondisse nescio quid perturbato tono, & voce confusa, non intelligere se linguam eius: nec Græcum esse, nec Romanum, nec ullius gentis notæ. Tum Iupiter Herculem, quia totum orbem terrarum pererrauerat, & nosse videbatur omnes nationes, iubet ire & explorare, quorum hominum esset. Tum Hercules primo aspectu sane perturbatus est,

est, ut qui etiam non omnia monstra timuerit :
 ut vidit noui generis faciem, insolitum inces-
 sum, vocem nullius terrestris animalis, sed
 qualis esse marinis belluis solet. raucam & im-
 plicatam, putauit sibi tertium decimum labo-
 rem venisse. Diligentius intuenti, visus est quasi
 homo. Accessit itaque, & quod facillimum fuit
 Græculo ait : *Τὶς π δυνὲ ἀνδρῶν, ποδῖτις
 πτολῖς* Vbi hæc Claudius gaudet esse ille philo-
 logus homines, sperat futurum aliquem histo-
 rijs suis locum, Itaque & ipse Homérico versu
 Cæsarem se esse significans : ait :

Ἰλιόθεν μετέρων ἀνέμοε Κεκροπος ἐπ' ἐλασσεν
 Erat autē sequens versus verior, equē Homericus:
Ἐνθα δ' ἐγὼν πόλιν ἔπραδον, ὅλε αὐτῆς
 Et imposuerat Herculi nomini minime vatro,
 nisi fuisset illic Febrisque fano suo relicto sola
 cū illo venerat: ceteros omnes deos Romæ re-
 liquerāt. Iste inquit, mera mendacia narrat.
 Ego tibi dico, quæ cū ipso tot annos vixi: Lug-
 duni natus est. Marci municipem vides: quod
 tibi narro, ad sextumdecimum lapidem à Vien-
 nā natus est. Gallus germanus. Itaque quod
 Gallum facere oportebat Romam cepit. Hunc
 ego tibi recipio Lugduni natum, vbi Licinius
 multos annos regnavit. Tu autem qui plura
 loca calcasti, quam vllus mulio perpetuarius,
 Lugdunenses scire debes, & multa millia inter
 Xanthum & Rhodanum interesse. Excande-
 scit hoc loco Claudius, & quanto potest mur-
 mure irascitur. Quid diceret nemo intellige-
 bat. Ille autem Febrim duci iubebat, illo gestu
 solutæ manus, & ad hoc vnum satis firmæ, quo
 decollare homines solebat. Iusserat illi collum
 præcidi. Putares omnes illius esse liberos, adeo
 illum nemo curabat. Tum Hercules : Audi
 me,

me, inquit, tu, & desine fatuari: venisti huc, ubi mures ferrum rodunt. Citius mihi verum, ne tibi alogias excutiam, Et quo terribilior esset, tragicus fit, & ait:

*Exprope propere, sede qua genitus cluas,
Hoc ne peremptus stipite, ad terram accidas.
Hæc claua reges sæpe mactauit feros.*

*Quid nunc profatu vocis incerto sonas?
Quæ patria, quæ gens mobile eduxit caput,
Ediffere; equidem regna tergeminis petens.
Longinqua regis, unde ab Hesperio mari
In achiam ad urbem nobile aduexi pecus,
Vidi duobus imminens fluuiis iugum
Quod Phæbus ortu semper obuerso videt.
Vbi Rhodanus ingens amne prærapido fluit;
Ararque dubitans quo suos cursus agat,
Tacitus quietis alluit ripas vadis.*

Estne illa tellus spiritus altrix tui?
Hæc satis animose & fortiter Nihilominus mentis suæ non est, & timet *μωρίαν γλῶσς*. Claudius ut vidit virum valentem, oblitus nugatum, intelligit neminem parem sibi Comæ fuisse: illic non habere se idem gratiæ: Gallum in suo sterquilinio plurimum posse. Itaque quantum intelligi potuit, hæc visus est dicere: Ego te fortissime deorum Hercules, speravi mihi affuturum apud alios: & si quis à me notorem petisset, te sui nominaturus, qui me optime nosti. Nam si memoria reperis, ego eram, qui tibi ante templum tuum ius dicebam totis diebus mense Iulio. Iulio Augusto. Tu scis quàm illic misterium pertulerim, cum caussidicos audirem, & diem & noctem: in quos si incidisses, valde fortis licet, maluisses Cloacas Augiæ purgare: multo plus ego stercoreis exhausti. Sed quoniam volo, non mirum, quòd impetunt

in curiam fecisti: nihil tibi clusi est. Modo dic nobis, qualē deum istum fieri velis; *επιχρύσας* Deo non potest esse: *ὑπεράυτο: πρᾶγμα ἔχει, ὑπερᾷοις παρ: χεῖ*. Stoicus? quomodo potest rotundus esse (ut ait Varro) sine capite, sine præputio? Est aliquid in eo Stoici Dei: iam video, nec cor nec caput habet. Si mehercules à Saturno petisset hoc beneficium, cuius mensem toto anno celebrauit Saturnalia eius princeps, non tulisset. Illum Deum ab Ioue, quem quantum quidem in illo fuit, damnauit incesti. L. Silanum enim generum suum occidit. Oro propter quid? sororem suam, festiuissimam omnium puellarum, quam omnes Venerem vocarent, maluit Iunonem vocare. Quare, inquit, quæro enim, sororem suam stulte studere? Athenis dimidium licet, Alexandria totum? Quia Romæ, inquit, mures molas lingunt: hic nobis curua corrigit. Quid in cubiculo suo faciat, nescio: etiam celi scrutatur plagas, deus fieri vult. Parum est quod templum in Britannia habet, quod hunc barbari colunt, & ut deum orant. *Ἀλλὰ περὶ ἄταχόν*, Tandem Ioui venit in mentem; priuatis intra curiam morantibus sententiam dicere, nec disputare. Ego, inquit, P.C. interrogare vobis permiseram, vos mera mapalia fecistis. Volo seruetis disciplinam curiæ. Hic qualiscumque est, quid de nobis existimabit? Illo dimisso, primus interrogatur sententiam Ianus patet; is designatus erat in Kal. Iulias post meridianus Cos. homo quantum vis vaser, qui semper videt *ἀμαρτῶσαν ὑπὲρ ὅσων*. Is multa diserte, quod in foro viuat, dixit, quæ notarius persequi non potuit: & idē non refero: ne alijs verbis ponam, quæ ab illo dicta sunt. Multa dixit de magnitudine decorum: non de
bc

bere hunc vulgo dati honorem. Olim, inquit, magna res erat, Deum fieri: iam fama nimium fecisti. Itaque ne videat in personam, non in rem sententiam dicere, censeo ne quis post hunc diem Deus fiat ex his, qui ἀπὸν καρπὸν ὀδεύει: aut ex his quos alit ἔσσι. Δαῖρας ἀνέρεα. Qui contra hoc S. C. deus factus, fictus, pictus-ue erit, cum dedi laruis, & proximo munero inter novos auctoratos, ferulis vapulare placet. Proximus interrogatur sententiam Diespiter Vicæ Potæ filius, & ipse designatus Cos. nummulariolus. Hic quæstu sese sustinebat, vendere ciuitatulas solebat. Ad huncce belle accessit Hercules, & auriculam ei tetigit. Itaque in hæc verba censet: Cùm Diuus Claudius Diuum Augustum sanguine, contingat, nec minus Diuam Augustam auiam suam, quàm ipse Deam esse iussit, longeque omnes mortales sapientia anteceliat, sitque è rep. esse aliquem qui cùm Romulo possit

.... *feruentia rapa vorare.*

censeo, vt T. Claudius ex hac die deus fiet, ita vti ante eum quis optimo iure factus sit: eamque rem ad μεταμορφώσεως Ouidij adiiciendam. Variæ erant sententiæ, & videbatur Claudius sententia vincere. Hercules enim, qui videret ferrum suum in igne esse, modo huc, modo illuc cursabat: & aiebat: Noli mihi inuidere, mea res agitur: deinde si quid volueris, inuicem faciam: Manus manum lauat. Tunc Diuus Augustus surrexit sententiæ suæ dicendæ, & summa facundia disseruit. P. C. vos testes habeo, ex quo deus factus sum, nullum verbum me fecisse: semper meum negotium ago. Sed non possum amplius dissimulare, & dolorem quem grauiorem pudor facit, continere. In hoc

terra mariaque pacem perperi? ideo ciuilia bella
compescui? ideo legibus urbem fundavi, operi-
bus ornavi? Et quid dicam P. C. non inuenio-
omnia infra indignationem verba sunt. Confu-
giendum est itaque à me ad Messalæ Coruini
disertissimi viri illam sententiam: Præcidit ius
imperij: hic, P. C. qui nobis non posse videtur
muscam excitare, tam facile homines occidebat,
quàm canis extra edit. Sed quid ego de tot acri-
bus viris dicam? Non vacat deslere publicas cla-
des, intuenti domestica mala. Itaque illa omit-
tam, hæc referam. Etiam si Phormea Græcæ ne-
scit, ego scio. ENTIKONTONYKHNA IHC.
senescit. Ille, quem videtis per tot annos sub
meo nomine latens, hanc mihi gratiam retulit,
vt duas Iulias proneptes meas occideret, alte-
ram ferro, alteram fame: vnum abnepotem L.
Silanum. Videris Iupiter, an in causa mala,
certe in tua, si hic inter nos futurus est. Dic mi-
hi, Diue Claudii, quare quemquam ex his, quos,
quasque occidisti, antequam de causa cogno-
sceres, antequam audire, damnasti? hoc fieri
solet? in cælo non fit: Ecce Iupiter, qui tot an-
nos regnat, vni Vulsano crus fregit, quem

Πίστις καὶ ἐστὶ τὸ ἀγαθὸν ἰσοβλήδινος ἀποδοῦναι
& iratus fuit uxori, & suspendit illam: numquid
occidit? Tu Messalinam: cuius æquè auunculus
maior eram, quàm tuus, occidisti. Nescio, in-
quis? Dij tibi malefaciant: adeò istud turpius
est, quòd nescis, quàm quòd occidisti. Ille C.
Cæsarem non desijt mortuum prosequi. Occi-
derat ille socerum: hic & generum: Caius Cæ-
sar Crassi filium vetuit. Magnum vocari: hic no-
men illi reddidit, caput tulit. Occidit in vna do-
mo Crassum Magnum; Scriboniam, Tristio-
niam, Asparionem, nobiles tamen: Crassum ve-

ſcō tam fatuum, vt etiam regnare poſſet. Cogitate P. C. quale portentum in numerum deorum ſe recipi cupiat. Hunc nunc deum facere vultis: Videte corpus eius, dijs iratis natum. Ad ſummam, tria verbo cito dicat, & ſeruum me ducat. Hunc deum quis colet: quis credet: denique dum tales deos facitis, nemo vos deos eſſe credet. Summa rei, P. C. ſi honeſte inter voſ geſſi, ſi nulli durius reſpondi, vindicare iniurias meas. Ego pro ſententia mea hoc cenſeo. Atque ita ex tabella recitauit: Quandoquidem diuus Claudius occidit ſocerum ſuum Appium Eilanum, generos duos, Pompeium Magnum & L. Silanum, ſocerum filię ſuę Craſſum, frugi hominem, tam ſimilem ſibi, quàm ouo ouum, Scriboniam ſocrum filię ſuę, Meſſalinam vxorem ſuam, & ceteros, quorum numerus iniri non potuit: placet mihi in eum ſeuere animaduerti, nec illi rerum iudicandarum vacationum dari, eumque quamprimum exportari, & cœlo intra dies XXX. excedere, olympo intra diem tertium. Pedibus in hanc ſententiam itum eſt. Nec mora, Cyllenius illum collo oborto trahit ad inferos:

Illuc vnde negant redire quemquam.

Dum deſcendunt per viam ſacram, interrogat Mercurius, quid ſibi velit ille concurſus hominum, num Claudij funus eſſet: Et erat omnium formoſiſſimum, & impenſa cura plenum, vt ſcires deum efferri, tibicinum, cornicinum, omniſque generis æneatorum tanta turba, tantus conuentus, vt etiam Claudius audire poſſet. Omnes læti, hilares, P. Rom. ambulabat tamquam liber. Agatho & pauci cauſidici plorabant, ſed plane ex animo. Iuriconſulti è tenebris procedebant pallidi, graciles, vix habentes animam,

tamquam qui cūm maximè reuiuiscerent. Ex his vnus cūm vidisset capita conferentes, & fortunas suas deplorantes caussidicos, accedit, & ait. Dicebam vobis. Num semper Saturnalia erunt. Claudius vt vidit funus suum, intellexit se mortuum esse. Ingenti enim *μεγαληγορία* pœnia cantabatur anapæstis.

Fundite fletus,

Fingite luctus?

Clamore forum:

Cordatus homo,

Fuit in toto

Ille citato

Poterat celeres

Fundere Parthos,

Perfida telis,

Tendere neruum

Vulnere paruo

Pictaque Medi

Ille Britannos

Littora ponti,

Scuta Erigantas

Colla catenis

Noua Romanæ

Tremere Oceanum,

Quo non alius

Discere caussas,

Parte audita,

Quis nunc iudex

Audiet anno?

Sede relicta,

Iura silenti,

Oppida centum.

Pectora palmis

Venale genus,

Lugete noui;

Edite planctus,

Resonet tristi

Cecidit pulchre

Quo non alius

Fortior orbe.

Vincere cursu

Ille rebelles

Leuibusque, sequi

Certaque manu

Qui præcipites

Tigeret hostes,

Terga fugacis

Plura noti

Et cæruleos

Dare Romuleis

Iussit, & ipsum

Iura securis

Deflete virum,

Potuit citius

Vna tantum

Sæpe & neutra.

Toto lites

Tibi iam cedes

Qui dat populo

Creteæ tenens

Cadite massis

O caussidici,

Vosque Poetæ,

Vosque in primis

Qui

*Qui concusso Magna parastis
Lucra fritillo.*

Delectabatur laudibus suis Claudius, & cupiebat diutius spectare. Inijcit illi manum Talthybius decorum nuncius, & trahit capite obvoluto, ne quis eum possit agnoscere, per campum Martium: & inter Tyberim, & viam Tectam descendit ad inferos Antecesserat iam compendiarie via Narcissus libertus, ad patronum excipiendum, & venienti nitidus ut erat à balneo, occurrit, & ait. Quid dii ad homines: Celerius, inquit Mercurius, & venire nos nuncia. Ille autem patrono plura blandiri volebat quem Mercurius iterum festinare iussit, & virga morantem impulit. Dicto citius Narcissus euolat. Omnia proclia sunt, facile descenditur. Itaque quamvis podagricus esset, momento temporis peruenit ad ianuam Ditis: ubi iacebat, ut ait Horatius, bellua centipes, sese mouens, villosque horrendos excutiens: pusillum superturbatur (albam eanem in delicijs habere consuevit) ut illum vidit canem nigrum villosum sane: quem non velis tibi in tenebris occurrere. Et magna inquit voce: Claudius Cæsar venit. Ecce extemplo cum plausu procedunt cantantes *Εὐφραδὸς, συγχαράματα*. Hic erat C. Silius Cos. desig. Iunius Brutorius, Sex. Drallus, M. Helvius Trogus, Cotta, Tectus, Valens, Fabius, Equ. Rom. quos Narcissus duci iusserat. Medius erat in hac cantantium turba Mnester Pantomimus, quem Claudius decoris causa minorem fecerat. Nec non ad Messalinam cito rumor percrebuit, Claudium venisse. Conuolarunt primum omnium liberti, Polybius, Myron, Harpocras, Amphæus & Pheronactes, quos omnes, necubi imparatus esset, premiserat.

Deinde profecti duo, Iustus Catonius, & Ruffus Pompeij F. deinde amici, Saturnius, Luscus, & Peto Pompeius, & Lupus, & Celer Asinius, consulare. Nouissime fratris filia, sororis filia, gener, socer, socrus, omnes plane sanguinei. Et agmine facto Claudio occurrunt. Quos cum vidisset Claudus, exclamat Πᾶσι ταφί λον πᾶσι. Quomodo vos huc venistis? Tum Peto Pompeius: Quid dicis homo crudelissime? Quæris, quomodo? Quis enim non alius huc misit quàm tu, omnium amicorum interfectos? In ius eamus: ego tibi hic stellas ostendam. Ducit illum ad tribunal Æaci: is lege Cornelia, quæ de sicarijs lata est, quærebat: postulabat, nomen eius recipi, edit subscriptionem Occisos Senatores XXX. Equites Rōm. CCCXV. atque plures: ceteros, CCXXI. ὅτα δ' αὖτις ἐκείνῃ. Exterritus Claudius oculos undecumque circumfert, vestigat aliquem patronum qui se defenderat. Aduocatū non inuenit. Tandem procedit P. Petronius, vetus conuictor eius homo Claudiāna lingua disertus, & postulat ad vocationem. Non datur. Accusat Peto Pompeius magni clamoribus. Incipit Patronius velle respondere Æacus, homo iustissimus, vetat. Illum tantum altera parte audita condemner, & ait: Εἴτε σὸ δόξα κ' ἐπεξῆς δὲ κ' ἴδῃς ἀκροῖτο. Ingens silentium factum est. Stupebant omnes, nouitate rei attoniti: negabant hoc vquam factum. Claudio iniquum magis videbatur, quàm nouum. De genere pœnæ diu disputatum est, quid illum pati oporteret. Erat qui dicerent, si vni dijlaturam fecissent. Tantalum siti periturum, nisi illi succurreretur: non vquam Sisyphum onere reuelari: aliquando Ixionis miseri rotam sufflaminandum. Non
pla

placuit vllis ex veteranis missionem dari, ne vel Claudius vnquam simile speraret. Placui novam pœnam extoritari debere, instituendum illi labore irritum, & alicuius cupiditati species sine fine & effectum. Tum Æacus iubea illum alea ludere pertuso fritillo. Et iam cœperat fugientes semper tesseras querere, & nihil proficere.

*Nam quotiens missurus erat resonante fritillo,
Utraque subdusto fugiebat tessera fundo:
Cumque relectos auderet mittere talos,
Lusuro similis semper, semperque potenti,
Decepere fidem: refugit, digitosque per ipsos
Fallax assiduo dilabitur alea furio.*

*Sic cum iam summi tanguntur culmina montis,
Irrita Sisyphia voluntur pondera collo.*

Apparuit subito C. Cæsar, & petere illum in seruitutem cœpit: producit testes, qui illum viderant ab illo flagris, ferulis, coaphis vapulantem. Adiudicatur C. Cæsari: illum Æacus donat. Is Menandro liberto suo tradidit, vt à cognitionibus ei esset.



764
EXCERPTA QVÆDAM
E LIBRIS SENEÆ.

HOnesta, inquit, Epicurus res est paupertas læta. Illa vero iam paupertas non est, si læta est. Cui cum paupertate bene conuenit, diues est. Non qui parū habet, sed qui plura cupit pauper est. Quid enim refert, quantum illi in arca, quantum in horreis lateat, quantum pascat aut sceneret, si alieno imminet, si non acquisita sed acquirenda concupiscit? Quis sit diuitiarum modus, quæris? Primo, habere quod necesse est: secundo, quod latius est. Nulli potest secura vita contingere, qui de producenda nimis cogitat. Nullum bonum itiuat habentem, nisi ad cuius amissionem præparatus est animus. Magnæ diuitiæ sunt, lege naturæ composita paupertas. Lex autem naturæ, scis quos terminos nobis statuit? Non esurire, non sitire, non algere. Uti famem sitimque depellas, non est necesse maria tentare, nec castra sequi. Parabile est quod natura desiderat, & cito apponitur. Ad superuacua sudatur: illa sunt quæ togam terunt, quæ nos senescere cogunt: quæ in aliena littora impingunt. Ad manum est quod satis est. Si cui sua non videntur amplissima, licet totius mundi dominus sit, miser est. Miser est, qui se beatissimum non iudicat, licet toti mundo imperet. Non est beatus, qui se id non putat esse. Nihil habemus: quod cum magno emolumento insidiantis eripi possit. Quam minimum in corpore tuo sit spoliolum. Nemo ad humanum sanguinem venit propter ipsum, vel admodum pauci. Nudum latro transmittit: etiam in obsessa via pauperi
pax

pax est. Is maxime diuitijs fruitur, qui minimè indiget. Si ad naturam viuēs, numquam erat pauper: si ad opinionem, nunquam diues. Exiguū natura desiderat, immensum opinio. Si congeratur in te quidquid multi locupletes possederunt, si vltra priuatum pecuniæ modum fortuna te prouehat, auro regat, purpura vestiāt, eo deliciarum opumque perducāt, vt terram marmoribus abscondas, non tantum liceat habere, sed calcare diuitias; accedant statuae & picturae, & quidquid ars vlla luxuriæ auro & argento elaborauit, maiora cupere ab his discēs. Desideria naturalia, finita sunt: ex falsa opinione nascentia, vbi desinant, non haent: nullus enim terminus falsæ est. Veritari aliquid extremum est: error immensus est. Retrahe te ergo à vanis: & cūm voles scire, an naturalem, an vanam habeas cupiditatem, considera num alicubi consistat. Si longe progressio semper aliquid longius restat, scito id naturale non esse. Paupertas expedita, securæ est: cūm elasticum cecinit, scit non se peti: cūm aliquo conclamatum est, quomodo exeat, non quid efferat, quærit. At cūm nauigandum est, non strepitu portus, non vnius comitatu inquieta sunt littora. Non circumstat illum turba hominum, ad quos pascendos transmarinarum regionum optanda est fertilitas. Facile est pascere paucos ventres, bene institutos, & nihil aliud desiderantes quàm impleri. Paruo fames constat, magno fastidium. Paupertas contenta est desiderijs instantibus satisfacere. Sanus diues est, qui licet habeat diuitias, eas tamen vt fugientes habet. Quid ergo, est, quare recuses eam contubernalem, cuius mores sanus diues imitatur? Si vis vacare animos, aut pauper sis oportet, aut pauperi similis. Non potest itur-

dium salutare fieri sine frugalitatis cura. Frugalitas, paupertas voluntaria est. Perpeſſi ſunt multoſiens exercitus inopiam omnium rerum, vixerunt herbarum radicibus, & dictu ſœdam tulerunt ſamen: & hæc omnia perpeſſi ſunt pro regno, quo magis mireris, alieno: dubitabit aliquis ferre paupertatem, vt animum à furoribus liberet? Multis diuitias paraſſe, non finis miſeriarum fuit, ſed mutatio. Nec hoc miror. Non in rebus vitium, ſed in animo ipſo eſt. Illud quod paupertatem grauem nobis fecerat, & diuitias graues faciet. Quemadmodum nihil refert, vtrum ægrum in lecto ligneo, an in aureo colloceſ; quocumque illum tranſtuleris, morbum ſuum ſecum tranſfert: ſic nihil refert, vtrum æger animus in diuitijs an in paupertate ſit; malum ſuum illum ſequitur. Ad ſecuritatem non eſt opus fortuna: quod enim neceſſitati ſat eſt, dabit, licet trita. Ne imperatos noſ fortuna deprehendat, fiat nobis paupertas familiaris. Securius diuites erimus, ſi ſciremus quam non ſit graue pauperes eſſe. Incipe cum paupertate habere contubernium.

*Aude hoſpes contemnere opes, & te quoq; dignum
Finge Deo: . . .*

Nemo alius dignus Deo eſt, niſi qui opes contempſit. Quare poſſeſſiones tibi non interdico, ſed efficere volo, vt illa intrepide poſſideas: quod vno conſequeris modo, ſi te etiam ſine illis bene victurum ſperaueris, & ſi illas tamquam exituras adſpexeris. Diſcedat quiſquis non te, ſed aliud in te ſequebatur: ob hoc vnum eſt amanda paupertas, quod à quibus ameris, oſtendit. Multum eſt, non corrumpi diuitiarum contubernio. Magnus ille eſt, qui in diuitijs pauper eſt. Nemo naſcitur diues. Quiſquis exit

in lucem, iussus est pane & lacte esse contentus: ab his initijs regna nos non capiunt. Panem & aquam natura desiderat: nemo ad hæc pauper est: intra quæ si quis desiderium suum cluserit, cum ipso Ioue de felicitate contendat. Res in-
 quieta, felicitas est; ipse se exagitat, mouet cere-
 brum, non in vno genere: alios in cultum irri-
 tat alios in potentiam, alios inflat, alios mollit.
 Si vis scire quam nihil mali sit in paupertate,
 compara inter se vultum pauperis & diuitis.
 Sæpius pauper & fidelius ridet: nulla sollicitu-
 dine concutitur, in alto est: cura velut nubes le-
 uis transit. Horum qui felices vocantur, hilari-
 tas ficta est: huic grauis & suprema superbia, li-
 cet non palam, tristitia est: eo quidem grauior,
 quod interdum non licet palam esse miseros,
 sed inter ærumnas cor ipsum excedentes, neces-
 se est agere felicem. Abstrahunt à recto diuitiæ,
 honores potentiæ & cetera: quæ opinione homi-
 num cara sunt, pretio suo vilia. Nescimus æsti-
 mare res, de quibus non cum fama, sed cum re-
 rum natura deliberandum est. Nihil habent ista
 magnificum, quod mentes nostras in se trahat,
 præter hoc quod mirari illa consueuimus, non
 enim quia concupiscenda sunt, laudantur: sed
 quia concupiscuntur. Hanc præcedentem caus-
 sam habent diuitiæ: mutant animos, superbiam
 & arrogantiam pariunt, inuidiam trahunt, co-
 usque mentem alienant, vt fama pecuniæ no-
 etiam nocitura delectet. Bona omni culpa ca-
 rere decet: pura sunt, non corrumpunt animos,
 non sollicitant: extollunt quidem animos &
 delectant, sed sine timore. Quæ bona sunt fi-
 duciam faciunt: diuitiæ audaciam. Quæ bona
 sunt magnitudinem animi dant, diuitiæ intol-
 lentiam.

EXCERPTA ALIA.

Licet cunctorum poetarum carmina gremium tuum semper illustrent, aliquando liberans, hoc tibi opusculum pro accidentibus casibus dirigere curavi, quod non præcedentes, sed posterius narrabunt. Vnde ergo primum incipimus? Si tibi videretur, à morte. Ab ultimo, inquis? Imo à maximo. Ad hoc præcipue gens humana contemnit: nec immerito tibi videtur hoc facere. Ceteri timores habent aliquem post se locum: mors omnia abscondit. Alios torquent: mors omnia deuorat. Omnium quæ horremus, ad hanc exitus spectat, aliorum quæ per circuitum. Etiam qui alioqui se nihil timere iudicant, hoc timent. Quidquid aliud extimescimus, habet aut remedium, aut solatium. Sic ergo te forma, ut si quis tibi palam mortem minetur, omnes terribiles eius deludas.

Morienis. Ista hominum natura est, non pena. Morieris. Hac conditione intraui, ut exirem. Morieris. Gentium ius est, quod acceperis, reddere. Morieris. Peregrinatio est vita. Multum cum deambulaueris, domum redeundum est. Morieris. Putabam te aliquid noui dicere: ad hoc veni, hoc ago, huc me singuli dies adducunt. Nascenti mihi natura protinus hunc posuit terminum. Quid habeo quod indignor? hæc verba iurani. Morieris. Stultum est timere, quod vitare non possis. Istud non effugit, etiam qui distulit. Morieris. Nec primus, nec ultimus: multi me antecesserunt, omnes sequentur. Morieris. Hic est humani officij finis. Quis sanus exauctorari moleste
tu-

rulit? Quo transit orbis, ego transibo: ad hanc conditionem cuncta gignuntur. Quod cœpit, & desinit. Morieris. Nihil graue est, quod semel est. *Es* alienum meum noui: hoc quidem cum eo creditore contraxi, cui decoquere non possum. Morieris. *Dij* melius. Nemo hac re melius mortalibus minari potest.

Sed decollaberis. Quid interest, vtrum cœsim moriar, an punctim? Sed sæpe ferieris, & multi in te gladij concurrent. Quid refert quam multa sint vulnera: non potest amplius quam vnum esse mortiferum.

Peregre morieris: Vndecumque ad inferos vna via est. Peregre morieris. Ego quod debeo, soluere paratus sum: videbat fenerator, tubi me appellet. Peregre morieris. Nulla terra est aliena mortuo. Peregre morieris. Non est grauior foris quam domi somnus. Peregre morieris hoc est, in patriam sine viarico peruenire.

Sed iuuenis morieris. Optimum est, antequam optes, mori. Iuuenis morieris. Hoc vnum est, quod æque id iuuenem quam ad senem pertinet. Non citamur ex censu, nec exigitur numerus annorum: & adolescentes & impuberes eadem fati necessitas ducit. Optimum est mori cum iuuat viuere. Iuuenis morieris. Qui cumque ad extremum fati sui venit senex moritur. Non enim refert quæ sit hominis ætas, sed quæ sit meta. Iuuenis morieris: Fortasse alicui malo subducit me fortuna: si nulli alij, vel senectuti. Iuuenis morieris. Non refert, quot annos habeam, sed quot acceperim; si plus viuere non possum, hæc est senectus mea.

Insepultus iacebis. Quid aliud respondeam, quàm illud Maronis.

... *Facilis iactura sepulchri.*

Si nihil sentio non pertinet ad me iactura corporis in sepulchro, Si sentio, omnis sepultura tormentum est. In sepulchro iacebis.

... *Calo regitur, qui non habet urnam.*

Quid interest, ignis me an fera consumat, an tellus omnium sepultura? istud non sentienti supervacuum est, sentientionus. In sepulchro iacebis. At tu combustus, at tu obrutus, at tu inclusus, at tu putridus, at tu euisceratus, & constrictus, at traditus lapidi, qui te paulatim edat & exsiccet. Nulla est sepultura: non sepeliamur, sed proijcimur. Non sepelieris. Quid inter tutissima trepidas? Ultra poenarum omnium terminum iste locus est. Vitæ multa debemus, mortis nihil. Non defunctorum causa, sed vivorum, inuenta est sepultura, ut corpora & visu & odore fæda, amoverentur: alios terra obruit, alios flamma consumpsit, alios lapis ossa rediturus inclusit. Non defunctis, sed nostris oculis parcimus.

Ægroto. Venit tempus quo experimentum me caperem. Non in mari tantum, aut in prælio vir fortis apparet: exhibetur etiam in lectulo virtus. Ægroto. Non potest istud toto seculo fieri: aut ego febrem reliquam, aut ipsa me: semper una esse non possumus. Cum morbo mihi res est: aut vincetur aut vincet.

Male de te loquuntur homines. Sed mali. Moverer, si de me Marcus Cato, si Lælius Sapiens, si alter Cato, si duo Scipiones ista loquerentur. Nunc malis displicere, laudari est. Non potest ullam auctoritatem habere sententia, ubi qui damnandus est, damnat. Male de te loquuntur. Moverer,
si

si iudicio hoc facerent; nunc morbo faciunt? Non de me loquuntur, sed de se. Male de te loquuntur. Bene nesciunt loqui: faciunt, non quod mereor, sed quod solent: quibusdam enim canibus sic innatum est, ut non pro feritate, sed pro consuetudine latent.

Exulabis. Erras cum omnia fecerim, patriam meam transire non possum. Omnium una est: extra hanc nemo proficisci potest. Exulabis. Non patria mihi interdicitur, sed locus. In quamcumque terram venio, in meam venio. Nulla terra exilium est, altera patria est. Non eris in patria. Patria est, ubicumque bene est. Illud autem per quod bene est: in homine, non in loco est: in ipsius potestate est, quae sit illi fortuna. Si enim sapiens est, peregrinatur: si stultus, exulat. Exulabis. Hoc dicis: alterius loci ciuitate donaberis.

Dolor imminet. Si exiguus est feramus: levis est Patientia. Si grauis est, feramus: non levis est gloria. Dolor clamorem exprimat, dum secreta non exprimat. Non potest homo par dolori esse. Nec rationi dolor. Dura res est dolor. Imo tu mollis. Pauci colorem ferre potuerunt. Simus ex paucis. Imbecilles natura sumus. Naturam infamare nolite. Illa nos fortes genuit. Fugiamus dolorem. Quid, quod ille sequitur fugientes?

Paupertas mihi graui est. Imo tu paupertati? Non in paupertate vitium est, sed in paupere. Illa expedita est, hilari, tuta. Pauper sum. Nescis re opinione, non re laborare: pauper es, quia, videris. Pauper sum. Nihil deest auibz: pecora in die viuunt: feris ad alimenta solitudo sua sufficit.

Non sum potens. Gaude, impotes non eris. Iniuriam accipere poterō. Gaude facere
non

non poteris. Magnam pecuniam habet. Hominem illud iudicas; arca est. Quis arario, quis plenis oculis invidiet? Et iste, quem dominum pecuniæ existimas, locus est. Multum habet. Vtrum avarus, an prodigus est; Si avarus, non habet, si prodigus, non habebit. Iste quem beatum credis, sæpe dolet, sæpe suspirat. Multi illum comitantur. Mel muscæ sequuntur, cadauera lupi, frumenta formicæ: predam sequitur ista turba, non hominem.

Pecuniam perdidisti. Fortasse te illa perdidisset. Pecuniam perdidisti. Sed habuisti. Pecuniam perdidisti. Sed habebis inde periculi minus. Pecuniam perdidisti. O te felicem, si cum illa avaritiam perdidisti! Sed si manet illa apud te, es tamen utcumque felicior quod tanto malo materia subducta est. Perdidisti pecuniam. Et illa quidem quam multos? Eris nunc in via expeditior, domi tutior. Non habebis, sed non timebis heredem. Exoneravit te fortuna, si intelligis, & tutiore loco posuit. Damnum putas? remedium est. Desles, gemitis, miserum te clamas, quod opibus excutillus es; Tuo vitio ista tibi iactura tam tristis est. Non tam molestè ferres, si tamquam perditurus habuisses. Perdidisti pecuniam. Nempe quam ut tu haberes, alius ante perdididerat.

Oculos perdidisti. Habet & nox suas voluptates. Oculos perdidisti. Quàm multis cupiditatibus via incisa est? quàm multis rebus carebis, quas ne videres, vel eruendi erant? Non intelligis partem innocentiae esse cæcitatem. Huic oculi adulterium monstrant, huic incestum, huic domum, quàm concupiscat, huic urbem, & mala omnia. Certè irritamenta sunt vitiorum, ducēsque scelerum.

Amisi liberos. Stultus es, qui defleas mortem
mortalium. Quid istud aut nouum, aut mirum
est? Quàm rara est sine isto casu domus? Quid
si infelicem voces arborem, quod stante ipsa
cadunt poma? Et hic tuus fructus est. Nemo
extra istum vulneris positus est. Ducuntur ex
plebeia domo immatura funera, ducuntur & ex
regia. Non est idem ordo fati, qui & ætatis.
Non quomodo quisque venit, emittitur. Quid
tamen est quod indigneris? Quid contra ex-
spectationem tuam euenit? Periere perituri,
Sed ego illos superstites optabam. Verum hoc
nemo tibi promiserat. Perierunt liberi mei. Ha-
bebant illi cuius essent magis quàm tui apud te
precatio morabuntur. Educandos tibi fortuna
mandauerat: recepit illos non abtulit.

Naufragium feci. Cogita non quid perdidisti
sed quod euaseris. Nudus exiij. Sed existi.
Omnia perdidisti. Sed perire potuisti vna cum
omnibus.

In latrones incidi. Sed alius in accusatores;
alius in fures, alius in fraudatores. Plena est
insidijs via. Noli conqueri quod incideris: gau-
de quod euaseris. Inimicos graues habeo. Quo-
modo aduersus feras munimenta conquiris,
quomodo aduersus serpentes: sic aduersus ini-
micos auxilia circumspicere, quibus illos aut ar-
ceas, aut compescas, aut quo optimum est, pla-
ces. Inimicos habeo. Illud est peius, quod ami-
cos non habes.

Amicum perdidisti. Iam enim te habuisse
certum est. Amicum perdidisti. Alium quære:
& ibi eum quæras, vbi inuenire possis. Quære
inter liberales artes, inter honesta, & recta offi-
cia, quære in laboribus. Ad mensam ista res
non quæritur: quære aliquem frugi. Perdidisti

ami-

amicum. Fortem animum habe, si vnum: erubescere, si vnicum, quid tu in tanta tempestate ad vnam anchoram stabas?

Vxorem bonam amisi. Vtrum inueneras bonam, an feceras: Si inueneras, habere adhuc te posse ex hoc intelligas licet, quod habuisti: si feceras, bene spera: res periit: saluus est artifex. Amisi vxorem bonam. Quid in illa probabas? Pudicitiam: Quam multæ diu custoditam perdidere? Decus: Quam multæ inter probata matrimonialis ordinis, esse cœperunt postea inter exempla mutaturum? Delectabat te fides eius? Quam multa ex optimis coniugibus pessimas videmus, ex diligentissimis solutissimas? Omnium quidem imperitorum animus, maxime tamen muliebris, in lubrico est. Si bonam vxorem habuisti, non potes affirmare in illo eam permansturam fuisse proposito. Nihil tam mobile quam feminarum voluntas: nihil tam vagum. Nouimus veterem matrimoniorum repudia: & foediores diuortio: male coherentium rixas. Quam multæ quos adolescentia amauerunt, in communi reliquere senectute? quories anile diuortium risimus? quam multarum notus amor odio notiores mutatus est? Sed hæc & fuit bona, & fuisset, si vixisset. Mors effecit, vt affirmare id sine periculo possis. Bonam vxorem amissi. Inuenies, si nihil quæris, nisi bonam. Tu modo ne imagines proauosque respexeris, nec patrimonium, cui iam ipsa nobilitas cessit. Ista diuortium forma non repugnabunt. Facilius reges animum nulla vanitate tumentem. Non multum abest à contemptu viri, quæ se nimis suspicit. Duc bene institutam, nec maternis inquinatam vitij: non cuius auriculis vtriusque bina patrimonia dependant: non
quam

quàm margaritæ soffocent, cui minùs sit in do-
te quàm in veste: quàm in patente sella circum-
latam per urbem populus ab omni parte æque
ut maritus inspexerit: cuius saracinis domus sit
angusta. Hanc facile ad tuos mores rediges,
quàm nondum curruperunt publici. Vxorem
bonam amisi. Non erubescis flere, & intolera-
bilem vocare iacturam? Hoc vnum deest; vtrum
illum lugas, an non. Cùm maritum te cogita-
ueris, cogita & virum. Amisi vxorem bonam.
Soror bona non potest recuperari, nec mater.
Vxor aduentitium bonum est: non est inter il-
la, quæ seimel vnicuique contingunt. Amisi
vxorem bonam. Multos tibi numerare possum
quibus bonam vxorem lugentibus successit
melior.

Mors, exsilium, luctus, dolor, non sunt sup-
plicia, sed tributa viuendi. Neminem illesum
fata transmittunt. Felix est, non qui alijs vide-
tur, sed qui sibi.

Hæc excerpta libenter omisissem. Senecæ enim
non esse, vel cæco perspicuum est. Sed veri-
tus sum, nequis ea, cuiusmodi sunt, sublata
quereretur. Et in eis tamen multa ex ve-
tere libro emendauimus.













